

**M. HENRICI KIPPINGI
INSTITUTIONES
POLITICAE
METHODICAE LIBRI
DUO. IN QUIBUS...**

Heinrich Kipping






Ex Bibliotheca
majori Coll. Rom.
Societ. Jesu

14-1.1.12

42.4.21.

43	43
e	e
31.	31



M. HENRICI KIPPINGI
INSTITUTIONES
POLITICÆ
METHODOICÆ
LIBRI DUO.

*In quibus Theoremata
proponuntur & Contro-
versia Veteres, nova,
resolvuntur.*

BREMÆ
Sumptibus
Erhardi Bergeri
Bibliopole.

PRUDENTIA

FORTITUDO

Majestas

Libertas

C. H. J. f.

6215

M. HENRICI KIPPINGI
INSTITUTIONES
POLITICÆ
METHODICÆ
LIBRI DUO.

In quibus

Theoremata proponuntur, additisque

Commentariis prolixis exponuntur,


Insuper

**Controversiæ veteres, novæ, resolvuntur, firmatis rationibus illis
quæ pro veriore sententiâ adduci solent, & confutatis argu-
mentis melioribus quæ pro adversâ parte ingeruntur.**

***Prolatis ad fidem abundè faciendam testimoniis Historicorum, Fastorum,
veteris recentiorisq. ævi Annalium, & immixtis Diatribis plurimis, quæ
pro recondita Antiquitatis notitiâ explorandâ commodè inservire possunt.***



BREMÆ ET FRANCOFURDI.
Sumpcibus ERHARDI BERGERI.
M, DC, LXVII,



SERENISSIMO
PRINCIPI ET DOMINO
CAROLO XI
SUEDORUM, GOTTORUM ET VANDALORUM
REGI POTENTISSIMO,
MAGNO PRINCIPI FINLANDIÆ,
DUCI SCANIÆ, ESTONIÆ, LIVONIÆ, CARELIÆ,
BREMÆ, VERDÆ, STETINI POMERANORUM,
CASSUBIÆ ET VANDALIÆ,
PRINCIPI RUGIÆ,
DOMINO INGERMANNIÆ ET VISMARIÆ, NEC
NON COMITI PALATINO RHENI, BAVARIÆ, JU-
LIACI, CLIVIÆ ET MONTIUM DUCI,

PIO. BENEFICO. INCLYTO.
REGI ET DOMINO SVO CLEMEN-
TISSIMO.

FELICIA OMNIA!

DEDI-

DEDICATIO.

SERENISSIME REX, DOMINE CLEMENTISSIME.



Nnus jam labitur decimus quartus, ex quo promotore imprimis usus Generoso Domino Alexandro Barone Freskino Regio Præsidente in Ducatibus Brementensi & Verdensi, publicos labores suscepi in Scholâ Regiâ, quam Regiæ Majestatis Vestræ Antecessores omni ævo beati, munificentia suâ conservare voluerunt, Regio verè animo, quandò Cæsarum

Græciæ aliquis non incommodæ vitæ dicebat olim, *malle se virtute & doctrinâ suorum quàm armis inclarescere.* Tempus in variâ fortunâ extractum est, inter nebula, non tamen aliter quàm ut Phœbus illa finiret; inter serena, & tamen ut illa quoque maximis infelicitum eventuum nebulis interpolata ferè obscurarentur. Interim functionibus Scholasticis operam navavi semper, & si quæ horæ succissivæ adessent, negotiis consecravi illas, inque ocio literario Rempublicam literariam procuravi. Magna pars librorum à me concinnatorum per Orbem evagatur dudum, & post illos commodè successerunt Institutiones Politicæ, libris duobus, methodo justâ exarata. Quæ Majestatis Tuæ

REX FLORENTISSIME

nomen sibi audent inscribere, justâ obligatione Autoris & non impare merito argumenti. Non leve authoramentum est, non exiguum Gratia documentum, publico stipendio merere, ad virtutem componere degenerantis à se ævi animos, bonas artes ad immortalitatem conciliandam aptas excolere, & ab Orbe longam depellere noctem. Quæ jacent valdè, ut pleraque honesta, in publicâ hac tempestate & bellorum minis. De Republicâ scribo, Principum negotio proprio, & in quo publicæ Tranquillitatis causâ versatur. Neque hæc merebantur consecrari alii, quam Tibi Regi Pio, Sapienti, Inclyto, quem talem esse & futurum esse, humani generis vota celebrant, augurio certissimo, quandò Regiâ familiâ illâ oriundus es, in quâ GUSTAVOS post omnium memoriam optimos & felices, JOHANNEM pium & justum, CAROLUM sapientem, CHRISTINAM verum ævi sui miraculum, CAROLUM GUSTA-

GUSTAVUM omnes virtutes Regias animo complexum, omnium fortunarum capacem Heroem, Patrem Tuum, & Occiduis notum & Fois populis, magnæ indolis Authores, majoris spei incentores, maximorum factorum Editores nactus es. Præferunt omnes illi à Rossis, Danis, Polonis, Germanis seu victis terrâ marique seu perdomitis speciosos titulos, magis tamen ut pacis adversus vicinos barbarum funestarum conclamatores, pro Religione, pro Imperio, pro Gloriâ, obtinendæ causâ felicissimis armis manus admoverint, robur à successibus nacti, quàm ut duces belli in gentes pacatas nullius injuriæ damnatas protulerint clypeos, enses, hastas. Subditorum afflictorum, nec minus vicinorum à potentiore oppressorum vices miserati, ut liberarent illos, ut hos à manifesto exitio vindicarent, beneficium divinum esse æstimabant, & quod viâ Juris incassum tentaverant, armis obtinuerunt, bonamque causam Regio sanguine, raro & in Gentium aliarum Annalibus haud frequente exemplo, confirmaverunt. Veri CONSERVATORES ORBIS quod Principes alios cladibus fractos, florentissimi ipsi ætate, opibus, gloriâ, autoritate & lacertis suis juverint, ne ab immiti victore, qui omnia armis arrogabat,

Jura negabat sibi nata,

prorsus everterentur. Quæ Progenitorum Tuorum communis beneficentia, & Deo proxima, à quo Reges virium suarum fortunæque consulti æstimatores olim etiam repetebant, quod Magnus ille Rerum humanarum Arbiter *ipso ipso, turmas bellare daceret*, me coëgit, ut in Historiæ Universalis Recensu non ità pridem evulgato, Regum Suediæ gesta veteris pariter atque recentis ævi, quibus grata posteritatis memoria non intermorituram laudem debet, prolixè commendaverim, eò parior in aliis laudandis, quos Deus suo usus arbitrio tantæ gloriæ compotes noluit esse. Porro singularis Tua Gratia invitat me, ut publicâ hac allocutione subjectionem animi mei contester, atque insimul librum hunc meum coram pedibus Tuis deponam. Quem Tu læto vultu recreabis, tolles almâ manu. Non quidem pretium, ut me devinctum liberem, sed pignus ut obstringam. Exile sanè donarium, & pœnè verens, aut certè verecundans, uti vix dignum Regis pulvinaribus. Sed quod ego haur sustinui denegare Tibi, cui Deus nihil denegavit, & quod luculentus Index esse possit, animi gestientis obsequium suum more solemnî consecrare tam Benigno eruditæ gentis Mæcenati, *à cujus vultu & sermone nullus unquam probus recedat tristior*. Certè fruges non bonitas soli tantum

tantum gignit, sed unâ sese admiscet cœlestium siderum virtus, quæ ad naturas infra se positas vim suam, uberrimæ feracitatis irritamenta, ultrò deferunt. Perinde Musæ carent invidiâ, & ad eas excolendas ingenia. Virorum doctorum non a se tantum atque sponte feruntur, sed vestrâ etiam, REGES, PRINCIPES, MAGNATES, benignitate sustentari atque erigi volunt, à quibus sibi præsidium accipiunt atque solatium. Et verò

REX FELICISIME

qui in maturescente ætate Tuâ, à verâ pietate orsus, optimis literis instructus, jam tum novisti, *vitam Principibus ad benè de mortalibus merendum datam esse*, quodque beneficium se accipere existiment, cum in hominem opis indigum illud conferunt, perge non segniter, quò Regia Tua virtus Te ducit, adeoq; Regum Suediæ, Germanico sanguini propinquorum, Majorum Tuorum, quorum indolem cœlestem cum primo vitæ ortu & nascendi fortunâ adscivisti, mores præclaros semper imitare, ut in Regno citrà servitutem vivant subditi. Non semper profectò hæ procellæ, & erit tempus, quo

redeat Concordia, Virtus,

Cumq; Fide pietas altâ cervice vagetur.

Deus pacis, Deus Justitiæ, Gottici Regni perpetuus Stator,

REX PIE, REX INCLYTE

serve Te incolumem, concedat securum Imperium, domum tutam, exercitus fortes, Senatum fidelem, populum probum, & quantum ubique Regibus Magnis in voto esse solet atque debet, ut mortalium rebus felicissimè præsis ad plenissimam usque senectutem. Velitque à Tuâ familiâ superstites esse

Natorum natos & qui nascentur ab illis,

qui gloriam Majorum factis cœlo dignis referant, atque nomen indelebile sortiantur. Scribebam Breniæ Saxonum è Collegio Regio divi Petri, die VIII. Septembris, Anno M. DC. LXVII.

REGIÆ MAJESTATIS VESTRÆ

Servus humilimus

M. HENRICUS KIPPING.

PRÆFA-



PRÆFATIO.

LECTORI BENIVOLO SALVTEM.

QVerela non vana est, quòd hoc seculo aut omninò pauci reperiantur solidæ eruditionis amantes, aut saltem amore erga eam multò inferiores Antiquis. Quotusquisque nunc sublimitate Platonem, diligentia Aristotelem, facundia Ciceronem, ubertate Plutarchum adæquat? Nimirum quia pauci insistant vero tramite, quo itur ad Sapientiæ delubrum. Prisci artibus illis, quæ ad lites ociosas ferendas aptæ natæ sunt, parum temporis impendebant, magisque invitabant rudes adolescentium animos, & velut exploratores in castris alienis, parcius Dialecticis argutiis, Metaphysicis spinis inhaerent, plus operæ deinceps adhiberent ad Mathematicas scientias, Naturæ contemplationem, Rerum publicarum, Antiquitatis notitiam, Poëtarum monumenta, unde hauriri poterat melioris Philosophiæ liquor purissimus, quo non leviter perfusi ad intimam Sapientiæ professionem admittebantur facilius, haud secus ac panni glasto inebriati cupidius hauriunt, tenacius-

XX

nacius-

naciusque retinent purpurissum aut cœrulum. Nunc hac consuetudine ad internecionem occisâ , eam ob causam, quod reiectis viris doctis, aut pulsis etiam, Scholasticæ operæ minimùm lucrosæ, multùm onerosæ, aut semieruditis Stentoribus , aut Barbarorum spelæis innutritis Sophistis petafatis commendantur, literarum bonarum situs, marcor & contemptus invaluit. Latini sermonis venustas apud paucos rectè excolitur, liticulas in medium projectas certatim velut factis infectis resolutionibus discerpere posse, Logicæ artis & Philosophiæ cognitio perfecta esse perhibetur, neque curant Vitiligatores isti , cùm hircum mulgent & cribrum supponunt. Perinde uti Agyrta Planetarius nunquam sese alio vocaverit nomine quàm Mathematicum, de vera Mathematica interim prorsus ignarus, aut saltem apud Bardos, rerum Censores ineptos, atque inter aniculas volarum inspectioni credulas, ad miraculum eruditus. Historiæ neglectus quasi pestilens sidus afflavit animos plerorumq;. Quæ causâ ? Oblivio moris antiqui. Vt primi mortales illi tum longævi tum undiquaque sanitatis compotes ea potissimùm de causâ fuisse creduntur, quod non avidius ingurgitando herbas, in esum à natura præparatas, plus devorarent quàm concoquere possent : Ita prisco illo ævo, cùm Scholis honos suus, cultus suus constaret, Artes verè liberales docebantur à Magistris, non quidem iis, quibus omnis sapientia in barbam & pallium defluxit, quos luxur domesticus jubet in honestis modis, impostoriis artibus, mensæ delicias, vestium ornamenta quærere, qui assentando co-

ram

ram mollibus auriculis virorum bonorum famam lacerare
prolubium habent : Sed à viris doctis & nullarum fraudu-
lentarum rerum intelligentibus. Hodie quia neglecti sunt
hæc studia, inde est, quod eruditionis penuriâ & ineptâ pro-
ficiendi ratione,

Qui sibi non sapiunt semitam, aliis viam monstrare volunt,
velut morbis laboramus. Hodie, iterum dico, quia nihil
propemodum retinent hæc studia ex pristina majestate, præ-
ter umbram magni nominis haud quicquam ferè superest.

Virtutem incolumem odimus improbi,

Sublatam ex oculis quærimus invidi.

Non dicam hac vice plura adversus malignam ævi nostri
consuetudinem, quam fortè expugnare velle,

Herculis est decimus tertius ille labor.

Plura meditor peculiari libello , quem voco SCENAM
Mundi , in quo, Deo volente, multorum cogitationes ha-
ctenus altâ mente repostas , ad Solis clarissimam lucem ex-
ponam, nullius offensam,

Tros Rutulusve suat,

veritus, unius veritatis amore adactus, præ qua nihil potius
in omni vita mea habui , licet hominum lupini ingenii, ca-
nini oris impurissima , fervente Sirio, crania non semel tur-
baverim. Cæterum Lector Benivole, offero tibi INSTITV-
TIONES POLITICAS, quas publicæ utilitati me conse-
craturum in quodam Indiculo ante paucos annos spopon-
di. Atqui post Recensum Historiæ Vniversalis editum susti-
nui me paulisper à scribendo , & haut scio an expediverat,

etiam nunc abstinere , adeò non solùm tempora Sinoniiis præstigiis maculata , iniqua bonis literis sunt , sed iudicia quoque hominum. Vti enim lætiores agros densa virgulta & labrusca sentibus innexa citius occupant , ita magno animo veræ virtutis & optimæ mentis amanti livor & odium insidias struunt. Angit multos, etiam illos, qui cùm docti sunt , cùm Patronorum ope subvecti sunt ad munus aliquod gerendum, ob id doctrinis impensius favere, patrociniis suis doctos fovere debebant , immemores gratiæ antiquæ, meritorum priorum falsâ persuasione infecti, tantum quòd ipsi non possunt omnia, deferunt, insuper premunt livore, calumniis opprimunt Epictetos alios, unius fortunæ inclementiâ eis minores. Vtinam fallar! Domitiani Principis edicto opus non est , bonæ artes brevi in exilium ibunt sua sponte. Attamen in privatis, in publicis molestiis, quæ & plurimæ & acerbæ admodum in Scholastica tot annorum functione obvenerunt mihi , non desivi hætenus prodesse Re literariæ , & nisi me impedivisset gravissimus quidam morbus nec opinatò oblatas, jam dudum liberavissim datam fidem. Certè erat is rerum mearum status longè afflictissimus, ut ferè dixissem:

Ne amplius à misero dona beata petas!

Cùm ego iis , quibus meam salutem charissimam esse arbitrabar, inimicissimis crudelissimisque usus sum, qui ut me paulùm inclinari timore viderunt, sic impulerunt, ut omni suo scelere & perfidia abuterentur ad exitium meum. Ego verò patientiâ verè Philosophicâ , ea quæ supra humanam

patien-

patientiam esse videbantur, furores invidorum, superavi, ve-
reque nunc dico,

Estis io Superi!

ἔχει θεός ἕδραν ὀψιμα. Dominus dedit, Dominus abstulit, sit no-
men Domini benedictum! Non parvi faciam castigatio-
nem DOMINI semper iusti, uti filius ejus, non uti spurius.

Ab iniquis haud porro æquum est, æqua postulem,

Valeant iniqui, & mali habeant magnum malum!

Methodum in conscribendis illis adhibere volui, quæ pro-
ximè ad veritatem Logicam accedit, ut eò facilius pervol-
verentur, animoque fideli continerentur, quæ proponun-
tur. Multa in iis invenies non vulgata prius, volui enim sæ-
pius recedere ab opinione vulgi, rationibus firmis persua-
sus, ita verò etiam, ut nemini obtrudam opiniones meas.
Quæ vulgata sunt, isto ordine tradita sunt, quem requirit
Scientiarum nobilitas. Non omnia, fateor, attuli, quæ de
Republica quovis modo poterant doceri, sed tamen Lector
Benivole, postquam de candore tuo & libertate censendi
mihi satis est prospectum, fateberis mecum, ea quæ sunt
omissa, quamvis ab aliis prolata sint locis non suis, aut in
Thomisticas vanitates illicò resolvi, aut Iuris Publici com-
plexu obtineri. Illas odi, & mecum oderunt omnes boni,
quando veterum Sapientum omnium decretum est:

Nihil debere esse in Arte, quod non est in usu.


In hoc non debui temerè invadere, veritus Legem de regen-
dis artium finibus. Insuper hæc & similia bono consilio
præterivi, ne moles accresceret libro. Si quid me fefellit aut

P R Æ F A T I O A D L E C T O R E M .

fugit, sit venia. Nemo ita ingenio aut industriâ potest , ut omnia colligat, intelligat. Homo hominem docet, ætas ætatem , ego nunc alios , fortasse hi & alii me docebunt olim, quando unus non videt omnia. Quicumque verò seu mitratus Satyrus seu cum retorrida fronte Silenus judicat, antequam legit, & postquam legit, intelligere non curat, contemptor scilicet honestarum artium , sperno illum generosâ ultione. Benè enim Thebanus ille tibicen, qui cum de corona cum imperitis contenderet, non flexit cantum ad theatri compositos applausus , sed decente harmonia legibus artis obtemperans, animosè ajebat : SE SIBI

CANERE ET MVSIS. Lector vale

& fave,



SERIES

SERIES LIBRORVM ET CAPITVM.

LIBER PRIMVS.

- CAPVT 1. Diatriba singularis de causis Philosophiæ.*
2. Diatriba singularis de partibus Philosophiæ.
3. De statu ciuitatis.
4. De Jure ciuium.
5. De Monarchia.
6. De Imperio foeminarum.
7. De Regum Dominio eminenti.
8. Diatriba singularis de Consecratione Regum.
9. Diatriba singularis de quatuor summis Imperiis.
10. De ciuili potestate Papæ.
11. Diatriba singularis de potestate Regia Seruatoris.
12. De Jure Regio Hebræorum.
13. De Aristocratia.
14. De Democratia.
15. De Republica mixta.
16. De Imperio Romano-Germanico.
17. De Successione.
18. De Electione.
19. De inauguratione.
20. Diatriba singularis de natura populorum.
COROLLARIVM, Relectio de origine gentium.

LIBER

LIBER SECVNDVS.

CAPVT 1. *De natura Majestatis.*

2. *Diatriba singularis de suprematu Papæ Romani.*

3. *De Jure circa Religionem.*

4. *De Exemptione Clericorum.*

5. *De Jure circa Leges.*

6. *De Jure circa Judicia.*

7. *Diatriba singularis de Cruce.*

8. *De Jure circa bellum.*

9. *Diatriba singularis de Aquila Romanorum.*

10. *Diatriba singularis de Triumpho Romanorum.*

11. *De Jure circa Fœdera.*

12. *De Jure circa Societates.*

13. *De Conjugio Sacerdotum.*

14. *Diatriba singularis de Conjugio Apostolorum.*

15. *De Statu Mönastico.*

16. *Diatriba singularis de Essenis.*

17. *De Jure circa Ærarium.*

18. *Diatriba singularis de Imperio maris.*

19. *De Jure circa Legatos.*

20. *De occassu Imperiorum.*

COROLLARIUM. *Diatriba singularis de prærogativa Regum
& Principum.*

INSTI-



INSTITUTIONUM POLITICARUM

LIBER PRIMUS.

CAPUT PRIMUM.

Deatriba singularis de Causis Philosophiæ.

SUMMARIA.

I.

1. Definitio Philosophiæ, & notatio vocis.
2. Causæ efficiens Philosophiæ.
3. Causa instrumentalis Philosophiæ.
4. Materia Philosophiæ.
5. Definitio artis.
6. Definitio scientiæ, prudentiæ, intelligentiæ, sapientiæ.
7. An detur peculiaris disciplina, Gnostologia?
8. Solvantur rationes contrariæ.
9. Forma Philosophiæ.
10. Ostenditur, quod methodus imitetur naturam.
11. Objectum debet esse proprium.
12. Quenam sint disciplina subordinata.
13. Tres leges artium regundarum.
14. Lex Veritatis.
15. Lex Justitiæ.
16. Lex Sapientiæ.
17. Solvantur rationes contrariæ.
18. Fines Philosophiæ.
19. An sit danda Philosophiæ opera?

Philosophia est cognitio rerum, quas apprehendit ratio. Nomen Græcum est φιλοζα τής σοφίας, studium sapientiæ. Et quidem σοφος Græcorum à Suses Pœnorum derivat Georgius Hornius lib. 1. de vita & scēlis Philosophorum. Nos haud negamus, quod Pœni rem simul ac nomen acceperint ab Hebræo שוֹפֵר, uti diximus libro de Scriptura sacra, Exercitat. VII. dist. 2. verum negamus, quod à Pœnorum Suses derivari possit Græcorum σοφος. Nomen Istud Græci imposuerunt artium liberalium Doctoribus, non etiam Magistratibus, qui δασκων erant, Proinde Veteres adhibebant nomen simplex, ut Sapientes vel σοφοι vocarent eos, quicunque literis melioribus operam industriam navabant. Nomen compositum primus usurpavit Pythagoras Samius, qui apud Leontem Sicyoniorum Tyrannum de rebus sublimibus non ineliganter dicebat, & rogatus, quis esset, respon-

Λ

respon-

respondebat, quòd φιλόσοφος, id est, Sapien-
tiæ studiosus esset, Cicero lib. 5. *Tusculan.*
Laërtius de *vitis Philosophorum* lib. 8. Augu-
stinus lib. 14. de *Trinitate* cap. 1. Deinceps à
tanto exemplo in usu fuit, ac permansit. He-
bræi vocabant דַּשְׁנָן, *Daniel* 1. 20. cap. 2.
10. cap. 4. 4. cap. 5. 11. est que hoc εἶδος Græ-
corum vocabulum, ad Orientis Pronuncia-
tionem leviter inflexum. Scilicet Æolium &
Jonum commercia etiam ante Thaletis
Milesii tempora in plurimis Asiæ populis
vocabula Græca sparserant, artesque civiles
cum aliquo Barbarorum commodo pro-
pagaverant, uti dixi in Recensu historiæ
universalis lib. 1. c. 7. dist. 8. Locus est 1. Cor.
1. 20. οὐκ εἶδός τις ἡραμμάνος, πῶς συζητήσιν
τῶ ἀϊώνος τέτι. Agit de professoribus ar-
tium liberalium, quos Corinthii æstima-
bant magno. σοφοὶ erant per excellentiam
illi, qui artes omnes gnaviter excolebant, &
pro civitatum salute in commune consule-
bant, ut septem illi per Græciam nobiles,
Thales, Solon, Pittacus, Bias, alii. συζητήσιν
τῶ ἀϊώνος est indagator rerum Naturæ seu
Physicus, quomodo *Baruchi* 3. 23. appel-
lantur Physici οἱ ἐκζητῦντες τὴν σὺνίσιν ἐπὶ
τῆς γῆς. Id studium ab Hebræis dici solet
קְרָמָה, quod nullis rationibus impulsus ne-
gat Fullerus lib. 3. *miscellaneorum sacrarum*
cap. 7. Atque inde est cognomen Herculis
Phœnicis, de quo Paulanias in Phœnicis:
Macerim vocant *Herculem Libycum*. Li-
bycum, quia ibi appulit exul à patria, cæte-
rum oriundus erat Phœniciā, uti dicemus
infra cap. 20. dist. 29. Et verò Macerim est
genuina vox קְרָמָה, quomodo apud Phœ-
nicas appellabatur ille, qui Græcis erat Phi-
losophus. Ceterum Orientis populi Chal-
dæi, Bactriani, Persæ, Arabes vulgò appella-

bant Magos, Plato in *Alciade*, Lucianus in
Longevis, Cælius Rhodiginus lib. 1. *Variarum*
Lect. cap. 23. Inde est μάγιστρον ἀνδρῶν
λῶν, *Matth.* 2. 1. Hos Reges fuisse & Persia
advenisse, docent Steph. *Forcatulus* lib. 1. de
Gallorum imperio & *Philosophia* pag. 7. seqq.
Jac. Gordonus *Tomo 2. Chronologia* pag. 8 c.
Georgius Hornius lib. 5. de *viis & sectis Phi-*
losophorum cap. 2. E Mesopotamia profe-
ctos esse, contendunt Aug. *Torniellus in*
Annalibus sacris, *Tomo 2. p. 365.* Cornelius
Jansenius in *Concordia Evangel.* cap. 9. & De-
nique ex Arabia accersunt Hugo Grotius
in *annotatis Evangelicis* pag. 28. 29. 35.
Spondanus in *Epitoma Annal.* pag. 10. Et
rectè quidem, uti diximus Auctariis ad hi-
storiam Ecclesiasticam pag. 259. seqq. Sum-
ma argumentorum, quæ pro Magis è Persi-
de profectis adferunt Hornius l. d. Erasmus
Smidius *notatis ad Evangelistas* pag. 11. 12.
Georgius Calixtus *diatriba de Magis* pag.
11. 12. hæc cum primis sunt: (1.) Quia Persia
ad Orientem Judæa sita est. (2.) Quia Persia
tantum habuit Magos in aulis Regum. (3.)
Quia Persarum Reges tantum adorari con-
sueverunt. (4.) Quia munera arguunt opu-
lentiam Persicam. (5.) Quia Persæ tantum
habere poterant indicia Regis apud Judæos
nati ex libris Danielis, qui in Persia asser-
vabantur. Hæc illi. *Respondeo*: Non sola Per-
sia est ad Orientem Judæa: nec in Persia tan-
tum erant Magi: nec soli Reges Persarum
adorabantur: nec tantum apud Persas au-
discere opus erat: quæ toto Oriente per-
vulgata erant. Ergò quòd ex Arabia vene-
rint, probatur: (1.) Quia dicit Evangelista,
Magi ab Oriente. Arabia sita est ad Orien-
tem Judæa, & qui Arabiam habitant, sunt

οὐκ ἀνατολῶν, Genes. 10. 30. cap. 35. 6. 18. Judicum 6. 3. 1. Regum 40. 30. Jobi 1. 3. Esa. 11. 14. Jeremias 49. 28. Itaque Tacitus *lib. 5. histor.* de Judæa accommodat: *Terra finesq, quæ ad Orientem vergunt, Arabiâ terminantur.* Et commercia Arabum cum Judæis antiquissimæ gloriæ fuerunt semper, Jobi 1. 15. Psalm. 74. 10. 15. Esaia 60. 6. Jerem. 6. 20. Ezechiel. 38. 13. (2.) Quia munera & donaria Regi novo oblata, arguunt, fuisse Arabes, non verò Persas, non Chaldæos. Thus & myrrha unicè propria aromata sunt Arabiæ felices, apud Persas & Chaldæos non reperiuntur, *Plinius lib. 12. cap. 17. & 24. Strabo lib. 16. Geograph. Pomponius Mela lib. 3. descriptionis orbis.* (3.) Quia semper habuit Arabia præstantissimos Sapientes, naturæ & Mathematicæ studiosos, 1. Regum 4. 31. cap. 10. 1. 2. Jobi 2. 11. Jerem. 49. 7. Baruch. 3. 22. Magorum Arabiæ nemit quoque *Plinius lib. 30. histor. natur. cap. 1.*

II. *Ejus notentur Causæ & partes. Causæ sunt quatuor, Efficiens, Materia, Forma, Finis. Efficiens est vel prima vel secunda. Prima est Deus auctor omnis boni in natura.* Ob id Deum meritò celebrant Plato in *Timæo*, Cicero *lib. 15. Epistol. famil. 4. Seneca Epist. 90.* Et Poëtæ ad suum Jovem referunt sapientiæ originem, quem sine Junonis suæ concubitu in ipso cerebro Palladem concepisse, & Vulcani ope in lucem edidisse ajunt, Apollonius *lib. 4. Argonauticorum*, & ex eo Natalis Comes *lib. 4. Mythologia cap. 5.* Pallas eis credebatur omnium artium præses & patrona esse. Catullus:

O Patrona virgo,

Epigram. 1. De quo loco nonnulla diximus *lib. 1. Antiquit. Romanarum cap. 1. dist. 14.*

Jovi procuratorem adjugebant Mercurium, in ordinandis artibus perinde occupatum Deum, quem solenni carmine descripsit Horatius *lib. 1. Carm. 10.* Locus est Act. 14. 10. 11. *Dii assimilati hominibus descenderunt ad nos.* Credebant gentes, factum esse quòd Dii sese immiscerent rebus humanis, figurâ visibili assumptâ. Jupiter apud Ovidium: *Et Deus humanâ lustro sub imagine terras, lib. 1. Metamorph.* Adeoque solebat Mercurius ducere secum, uti etiam vides in Plauti Amphitruone.

III. *Secunda sunt homines ingenio præditi.* Græci equidem arrogabant sibi primam artium bonarum inventionem, uti eorum nomine refert Diog. Laërtius *lib. 1. de vitis Philosoph. pag. 2.* atque idem reprehendit Aristotelem, quòd scriperat in τῶ μακρῶν primos Philosophiæ eosq, non degeneres cultores existisse Barbaros. Verùm Laërtius aberrat. Notum est, quòd Græci omnes populos, qui non erant Græcæ originis, vocaverint Barbaros, *Roman. 1. 14. Strabo lib. 14. Geograph.* Hoc etiam notum est, quòd populi alii dudum excoluerint artes liberales, antequam illæ ad Græcos pervenerunt. Communis gentium omnium Schola erat, quam Noah sive Janus priscus (uti ostendi *lib. 1. Antiquit. Roman. cap. 2. dist. 1.*) toto orbe propagavit, cum post diluvium exactum, prima hominum colonia in Armeniæ & Gordienæ agris confidebat, *Gen. 8. 4.* (& adde nostrum Recensum historiæ universalis, *lib. 1. cap. 1. dist. 3.*) Acceperat Noah bonas literas à Setho ejusque posteris, qui istas descriperant in columna lapideâ, ut ab aquis diluvii illæsa permaneret. Eam columnam multis post seculis extitisse in Syriâ, & à se visam esse, refert Josephus *lib. 1.*

Antiquitatum cap. 3. qui uti alijs ita nunc etiam falsa pro veris accepit, orbique suble-
stâ fide commendare voluit, itaque com-
mentum repudians Joh. Goropius Becanus
lib. 1. Hieroglyphicor. pag. 109. 110. Ludo-
vicus Vives *lib. 2. de Veritate fidei cap. 2.* Sub
Nimrodi imperio floruerunt Assyrii, Chal-
dæi, Bactriani, Medi, Persæ, & horum fami-
liares Phœnices, Ægyptii, Arabes. De Chal-
dææ urbe Orchoa progressus Abraham,
gentis Hebrææ conditor, in Phœnicia ha-
bitavit, literis excellenter imbutus, & unius
Dei cultor præcoque diligens, *Gen. 12. 4. 5.*
(& adde nostrum Recensum historię uni-
versalis *lib. 2. 4. cap. 1. dist. 1.*) Phœnices sunt
illi, quos sacra literæ vocant Chanaanæos,
eorum præcipui fuerunt Sidonii & Tyrii,
de quibus hoc verissimè prodit Curyus: Si
famæ libet credere, hæc gens literas prima
aut docuit aut didicit, *lib. 4. histor. cap. 15.*
Scribunt idem Herodotus in *Euterpe*, &
Callimachus apud Eusebium *lib. 10. de præ-
parat. Evangel.* Famam esse veram docui li-
bro de Scriptura sacra, *Exercitat. 6. sect. 2. 3.*
neque diffiteretur Plato in *Epinomide*, *Timaos*,
Alcibiade, Græcorum magistros frequenta-
visse olim scholas Magorum in Oriente,
domumque reuersos, cum laude & emolu-
mento civium suorum docuissæ artes. De
Arabia & Ægypti incolis Sapientia studio-
sis egregia testimonia sunt, 1. *Regum. 4. 30.*
31. cap. 10. 1. Baruch 3. 22. 23. Actor. 7. 22.
Quod verò Græci deinceps conservaverint
literas meliores, atque Europæ populis tra-
diderint, facillè permiserimus Laërtio,
quando liquet à Pythagora sapientissimo in
Græcia magna Jonicam, à Socrate facun-
dissimo Electivam, à Platone sublimi Aca-
demicam, à Zenone subtili Stoicam, ab Ari-

stotele veterum omnium Censore acerti-
mo Peripateticam sectam in suburbanis
Atticæ primordium cepisse, uti prolixius
exponunt Justus Lipsius *lib. 1. manu dñt. ad
Philosoph. Stoicam differtat. §. segg.* Franc.
Patricius *Tomo 1. discussionum Peripater. lib.*
10. Georgius Hornius *libris septem historie
Philosophorum.*

IV. *Materia sunt res vel rerum notiones.*
*Res sunt vel necessarie vel contingentes. Ne-
cessarie sunt, quæ ab intellectu nostro cognos-
cuntur. Contingentes sunt, quæ à voluntate
nostra peraguntur. Notiones rerum sunt mo-
di docendi, quos intellectus fabricat.]* Tam
res quàm rerum notiones continentur à
quinque habitibus intellectus, quos propo-
nit Aristoteles *lib. 6. Ethic. Nicomach. c. 3. 4.*
5. 6. 7. & luculenter explicant F. Piccolomi-
neus *gradu 3. moralis Philos. B. Keckerman-
nus lib. 2. præcognitorum*, Joh. Henr. Alste-
dius *libris quatuor Hexilogia.* Sunt verò isti:
Ars, Scientia, Prudentia, Sapientia, Intelli-
gentia. Nos breviter aliquid dicemus, ut eò
melius percipiantur ea, quæ capite sequenti
docebitur, ubi est de Philosophiæ divi-
sione.

V. *Ars est habitus qui cum recta ratione
efficit.]* Effectio duplex est, alia transiens,
quæ efficit opus sensibile, alia inmanens,
quæ efficit opus subtile. Inde quoque sunt
duo genera artium, unum quidem à quibus
est opus crassum. Ita sutor facit calceum, sar-
tor vestem, faber clavum. Alterum, à quibus
est subtile opus. Ita Logica facit definitio-
nem, divisionem, propositionem, argu-
mentationem, Rhetorica facit orationem,
tropum, figuram. Quæcunque artes effi-
ciunt opus subtile, illæ ad Philosophiam re-
ferri merentur, alia foras exeunt. Falsa

verò est, quod Zabarella lib. 1. de Nat. Log. cap. 8. Crellius lib. 1. Isag. Log. cap. 1. Arnicaus notis ibid. pag. 25. seqq. Joh. Regius lib. 1. Commentar. Log. pag. 10. seq. Jac. Martini lib. 2. Exercitat. Metaphys. pag. 1064. seqq. operose contendunt, artes omnes efficere opus crassum, adeoque conceptus mentis effectivos haut esse opus verum, denique Logicam haut esse artem. Excipiunt: (1.) Nullum opus efficitur intellectus ope, sed requiruntur ad illud instrumenta corporis. Respondeo: Negat hoc Aristoteles 6. Metaphys. 12. ubi scribit, τῶν πρὶν γὰρ πρῶτον ἐν τῷ πρῶτῳ ἀρχῇ, in artibus principium efficiendi esse in ipso efficiente, sive illud principium fuerit mens, sive ars, sive facultas. Itaque secundum Philosophi testimonium, (pro cuius assensu adversarij unice pugnant in hoc negotio) quamvis opus fiat à solo intellectu, atque intra illum reflectatur, omnino tamen artem denominat. (2.) Omne opus est crassum, ut à sensibus apprehendatur. Respondeo: Imò Aristoteles 7. Metaphys. 7. docet, πρῶτον ἐν τῷ πρῶτῳ, id est, subtiles in mente existere, ut distinguantur ab aliis operibus, quæcumque vel natura sensibilibus rerum efficiens causa, quæ corpora mobilia, vel artes manualis edunt crassis modis. (3.) Logicæ artis effecta non sunt verum opus, artijque proprium. Respondeo: Aristoteles disertè ait, Logicæ operationes esse πρῶτον ἐν τῷ πρῶτῳ. 2. prior. 8. atque idem describit artem, quòd sit habitus πρῶτον ἐν τῷ πρῶτῳ, 6. Ethic. 4. itaque Logicam veras efficere πρῶτον ἐν τῷ πρῶτῳ, & verissimè artem esse, liquidò contestatur. Nobiscum docent Joh. Monlorius præfat. ad libros de rationatione, Julius Scaliger Exercit. 1. dist. 3. Exercit. 307.

dist. 23. Exercit. 342. Julius Pacius lib. 1. Institut. Log. cap. 1.

VI. Scientia est habitus, qui res cognoscit. Ita cognoscit Metaphysica Ens, Pneumatica spiritum, Physica corpus naturale, Mathematica cognoscit quantitatem. Prudentia est habitus, qui cum revelatione agit. Ita Ethica agendo exercet virtutes, Politica agit secundum præscripta legum. Sapientia est habitus, qui cognoscit altissima. Intelligentia est habitus, qui cognoscit principia prima. De his duobus habitibus non sunt peculiare disciplinæ, quando Scientiis permisti, intrà complexum earum denominatione à potiori factà absorbentur.

VII. Tantum quod Recentiores aliqui, Bisterfeldius, Gutkii, Geilfusius, Eiferus, voluerunt Gnostologiam efformare, id est, disciplinam peculiarem, quæ Intelligentiæ assignata, Philosophiam novo augmento locupletaret, novam ex se disciplinam addendo ei. Hos defendit Georgius Mejerus in Gnostologia sua, Disputat. 1. pag. 4. 5. seqq. ubi tale adfert argumentum: Ubicumque est peculiare objectum, formali conceptu distinctum, certis principiis, affectionibus, speciebus præditum, considerandi modo peculiari affectum, ibi est peculiaris disciplina. Atqui in Gnostologia sunt omnia illa. Ergò Gnostologia est peculiaris disciplina. Respondeo: Nos omnino minorem propositionem inficiamus, tanquam quæ meras petitiones principij adferat, & pro sententia contraria inferimus: Ubicumque non est peculiare objectum, formali conceptu distinctum, certis principiis, affectionibus principalibus, speciebus præditum, considerandi modo peculiari affectum, ibi non est peculiaris disciplina. Atqui in Gnostolo-

gia non sunt omnia illa. Ergò Gnostologia non est peculiaris disciplina. Instat Mejerus: (1.) Datur objectum peculiare, uti est cognoscibile quà tale. *Respondeo*: Quid cognoscibile differt ab Ente, à re, à primo, uti vocant, cognito? Id verò esse objectum Metaphysicæ, hæcenus omnes Philosophi affirmant, quo cùm spoliatur illa, quid remanebit præter decem prædicamenta? (2.) Dantur præterea affectiones, principia, species. *Respondeo*: Neque illa sunt alia ac quæ Metaphysicæ per fas nefas eripiuntur. Fuit illa hæcenus Regina disciplinarum, & pro ejus illustri loco incaustum pugnaverint Antecessores Peripati, si à Gnostologiæ figulis novis tam levi conatu despoliatur objecto suo, principiis suis, affectionibus suis, ut non possit è repetundarum lege agere adversus aggressores suos. (3.) Metaphysica considerat Ens quà cognoscibile, id verò aliud est à Gnostologiæ objecto, quæ considerat cognoscibile quà tale. *Respondeo*: Divelluntur ea in partes, quæ naturâ suâ partes non habent. Ens enim actuatur velut cognoscibile, id est, per inseparabilem circumstantiam hominum mentibus sese insinuat, ut simul sint cognosci & esse, id est, ejusdem disciplinæ partes sint cognoscibile & Ens, neque illa quidem ratione distincta. Argumentor: Quæcunque sunt eadem ratione, illa inter se eadem sunt. Atqui ens & cognoscibile sunt eadem ratione. Ergò ens & cognoscibile inter se eadem sunt. Porro: Quæcunque sunt eadem inter se, illa non efficiunt disciplinas numero diversas. Atqui Ens & cognoscibile sunt eadem inter se. Ergò non efficiunt disciplinas numero diversas.

VIII. Regerit Mejerus: Cognoscibile non est Entis affectio, quia est saltem deno-

minatio extrinseca ab actu nostri intellectus profecta, non verò intrinseca, & ab ipso Ente orta. *Respondeo*: Affectio intrinseca est merum commentum, si per eam aliud quid intelligatur, ac quod vulgò dicitur, *res proprium* esse. Hoc sensu negari haud potest, quòd cognoscibile sit Entis affectio intrinseca; est enim proprium Entis, ut cognoscatur, uti mentis proprium est, ut cognoscat. Neque verum est, *esse affectionem extrinsecam*. Quando enim non potest separari ab Ente, ne quidem per divinam potentiam, omnino Entis proprium insitum est. Et quia frustra inest homini excellens actus ille per quem homo est, nisi haberet objectum, in quo sese exerceat. Ab Ente ergò est, ut cognoscatur, non ab intellectu nostro. Nisi enim ex le tale esset ut cognosceretur, non esset Ens, sed esset nihilum. Demum asserimus, quòd cognoscibile sit *affectio identica* Entis, quando in disciplinis omnibus nihil quicquam cognoscitur seu intelligitur, nisi sub ratione Entis. Itaque disciplinam propriam & à Metaphysica distinctam non efficit.

IX. *Forma est congruentia ad rationem.* Ut congruentia illa eò certius obtineretur, legibus quibusdam veteres pariter ac novi Doctores usi, præcepta artium describere voluerunt, unde succum fenerari posset intellectus, non semper experientia rerum præditus, sed tamen in perceptione rerum diligenter informandus. Leges istæ sunt vel Generales, vel Speciales. Generales sunt duæ. Prima est: *Ars imitatur naturam*. Ita docent Petrus Ramus lib. 2. *Dialecticæ* cap. 17. Piccolomineus *introductione ad gradus morales* cap. 15. & *libro de rerum definitione* pag. 129. & *part. 1. Comitum politici* pag. 20.

Hiier.

Hier. Capivaccius *libro de differentiis methodi*, Barth. Keckermannus *lib. 3. System. Log. pag. 585.* quibuscum frustra litigant J. Zabarella *lib. 1. de methodo cap. 6. seqq. & lib. 1. Apologia cap. 3. 4.* H. Arnicaeus *libro 2. Relect. Politic. in proœmio, sect. 1. 2.* Michael Piccartus *in Philosophia Aristotina Disput. 44* Jacobus Martini *lib. 5. Institut. Log. pag. 137 seq. & lib. 2. discuss. Ramist. cap. 13. quest. 1.* Rationes sunt: (1.) Quia exemplar & exemplatum debent esse consentanea. Atqui natura est exemplar, ars est exemplatum. Ergò. (2.) Quia mensura & mensuratum debent esse adæquata. Atqui natura est mensura, ars est mensuratum. Ergò Minor est apud Aristotelem *lib. 10. Metaph. cap. 1. text. 1.* Atque idem consentit verbis expressis, *ἡ τέχνη μετρεῖται τὴν φύσιν*, 3. Rhetor. 1. 2. Phys. 2. 2. de anima, text. 34. 2. de generat. animal. 2.

X. Excipit Zabarella: Distinguendum est inter naturam intellectus, & inter naturam rerum extrâ intellectum politarum. Ars equidem imitari debet naturam, sed tamen ordo est ars mentis, ejus naturam & facultatem cognoscendi disponens, ut eò facilius res propositas apprehendere possit. Ergò debet imitari naturam intellectus, qui non semper ad naturam rerum extrâ intellectum positarum congruit, verum sæpius apprehendit ea, quæ sunt notoria nobis, ut inde provehamur ad cognitionem eorum, quæ aliàs sunt minus nota. Nostra igitur cognitio est principalis ordinandi ratio. *Respondeo*: Frustrâ distinguitur inter naturam intellectus, & naturam rerum, quando hæc duo solùm eo modo sunt diversa, ut intellectus percipiat res, & verò res à natura generentur. Porro notum est, quòd natura

processum hunc observat in rebus generandis, ut progrediatur ab imperfectis ad perfecta, à causis ad effecta, à mediis ad finem, à communibus ad propria, à partibus ad totum, à subjectis ad adjuncta, à simplicibus ad composita, hic verò etiam processus commensuratur faciliori nostræ cognitioni, quoniam impossibile est, ut compositum distinctè sciatur, nisi antè cognita fuerint simplicia. Neque ea sunt notiora nobis, quæ primo impetu facilius apprehenduntur, sed quæ semel percepta notitiam in cæteris promoveant. Hoc verò dicendo est, à notioribus ad ignota progredi, & artem cum natura optimis modis conciliare, quod rectè monet Guilh. Tempellus *in Commentariis Dialecticis pag. 95.* Uti enim sese habet in esse, ita etiam sese habere debet in cognosci.

XI. *Secunda est: Objectum debet esse proprium & adequatum.*] Duo sunt quæ de Objecto artium notari simul debent, res considerata & modus considerandi. Illa potest esse communis artibus pluribus, hic restringit communiter, ut tantum uni arti conveniat. Sic ergò plures artes idem objectum exponunt, sed non eodem modo. Corpus naturale docetur in Physica & Medicina; actiones humanæ proponuntur in Ethica, Politica, Oeconomica; Ens omne considerat Metaphysica. reliquæ artes pertractant Ens certum & determinatum, ut suas res sibi habeant, Metaphysicæ non derogent. Magis hoc constat per artes illas quas vocant subalternas, in quibus subalternæ objecta & principia sua accipiunt à subalternantibus. Proinde Aristoteles 1. *poster. 2. 23, 30.* & ibidem Interpretes Theophrastus, Averrhœs, Thomas Aquinas notant,

tant, leges subalternationis esse quatuor, easque indidem repetunt Zabarella *libro de tribus præcognitionibus*, Peterius *lib. 1. Philos. natur. cap. 13. 14. 15.* Conimbricenses *expositione ad lib. 1. poster. pag. 649. seqq.* Nimirum: (1.) Ut objectum disciplinæ inferioris vel subalternæ contineatur sub objecto disciplinæ superioris vel subalternantis, veluti species sub genere. Geometriæ objectum est magnitudo, Opticæ objectum est magnitudo lucida. Hæc est illius species, estque Optica Geometriæ subalterna. Quod verò Zabarella *l. d. cap. 12.* contendit, *objectum artium huiusmodi esse tantum ratione distinctum, non verò etiam re diversum*, absurdum omnino est, & convincitur falsitatis per exemplum allatum, quod Aristoteles ipse *1. poster. 20.* adhibet. (2.) Ut objectum inferioris habeat conditionem additam, per quam realiter distinguatur ab objecto superioris. Ita Optica habet conditionem additam, lucida, per quam magnitudo limitatur. (3.) Ut supponantur principia inferioris scientiæ, demonstrentur verò in superiori, cum opus est. Optica accipit à Geometria principia sua, ac supponit, velut quæ in Geometria demonstrata fuerunt, quousque res ipsa postulat. (4.) Ut affectiones habeant distinctas, atque hæc maneant penes artes illas, quibus propriæ sunt. Nimirum ita satis præcavetur, ne fiat transitio de genere in genus, & affectiones, quæ subalternæ artis propriæ sunt, cum principiis subalternantis artis conjunctæ efficiunt demonstrationes evidentes, teste Aristotele, *1. poster. 7. text. 20.* Hoc modo omnes artes speciales subalternantur Metaphysicæ velut scientiæ generali, Optica est subalternata Geometriæ, Musica Arithmeticæ, Medici-

na Physicæ, Jurisprudentia Politicæ, Poëtica Grammaticæ.

XII. Enarrant J. Zabarella *l. d. cap. 13.* Peterius *lib. 1. Philos. natur. cap. 4.* Jacobus Martini *cent. 4. disput. 9. quest. 1.* Alstedius *lib. 3. Encyclopæd. cap. 4. Reg. 9.* ubi negant esse veram subalternationem in Medicina & Physica, imò accuratè statuendo, subalternationem in Arithmetica & Musica solum agnoscunt. Argumenta profert Zabarella: (1.) Nullum objectum scientiæ inferioris est pars objecti ejus, quæ superior est. Atqui homo objectum Medicinæ est pars corporis naturalis. Ergò. (2.) Nulla subalternatio facit numerum. Atqui Medicina & Physica faciunt numerum, ut duas realiter diversas artes constituent. Ergò. Major constat: Objectum scientiæ inferioris differt ratione ab objecto superioris, videlicet propter conditionem additam, quæ efficitur, ut superior consideret objectum citrà qualitatem sensibilem, inferior consideret objectum cum qualitate sensibili. Nulla verò accidentaliter diversitas efficit differentiam specificam. Exemplo sunt Arithmetica & Musica, inter quas est subalternatio, illius objectum est *numerus*, hujus objectum est *numerus sonorus*. Scilicet objectum Arithmeticæ est tale, ut novam conditionem accipiendo sit objectum Musicæ, modus considerandi non variatur, à quo in solidum provenit scientiarum vel unitas vel distinctio. Considerant enim, *inquit*, numerum sonorum, non quæ sonorum, sed quæ numerum. Hinc infert, Musicam & Arithmeticam esse unam disciplinam, quia idem in ambabus artibus obtineat considerandi modus. Sic ille. Verum supponit Zabarella, dari tantum subalternationem in Mathematicis

maticis disciplinis contra veterum Philosophorum consensum, quem magis sequendum esse arbitramur cum Themistio 1. *poster.* 16. Jac. Schegkio 2. *prior.* 21. Andrea Planerio *libro de arte demonstrandi pag.* 185. Matthia Flacio *lib. 3. Apodictica cap. 9.* Rationes ejus laborant manifestâ petitione principii. (1.) Negamus quòd objectum inferioris disciplinæ non debeat esse pars objecti ejus, quod assignat disciplina superior. Regerit Zabarella: Non essent perfectæ demonstrationes in scientia inferiori, quando hæc principia sua omnia peteret à superiori. *Respondeo:* Sufficit, quòd propriæ affectiones ad faciendam demonstrationem commodentur ab inferiori, ut sic inferior demonstrationem faciat de specie per principia generis. (2.) Negamus quòd subalternæ disciplinæ non faciant numerum. Quis enim Arithmeticæ velit dare nomen Musicæ, & contrâ? Atqui hoc fieri oportebat, si dux artes illæ efficerent artem unam. Potest quis perfectè callere Arithmeticam, & verò Musicæ imperitus esse, neque curare etiam, ut hanc vellet addiscere. Una igitur scientia citrà alteram esse, & perfectè esse potest. (3.) Negamus, quòd in Arithmetica & Musica sit idem considerandi modus. Est certè *diversus*, quando multum differt numerus qui abaco inservit, ab illo numero, qui sonos modulose componit. Patet ergò, quòd sint disciplinæ subordinatæ, & deque negatur meritò, quòd sint disciplina una. Neque enim habent eandem definitionem, idem nomen, eundem modum considerandi pro objecto suo.

XIII. *Leges speciales sunt tres. Prima est κατὰ πρῶτον: sive Veritatis. Secunda est κατὰ δεύτερον: sive Justitiæ. Tertia est κατὰ τρίτον: sive*

sive Sapientie. Has primus tradidit Petrus Ramus, felicissimus liberalium artium restaurator, qui de istarum jure videatur in Scholis Logicis & Mathematicis, eleganti & accuratâ doctrinâ plenius, quicquid garriant vilia capita. Occasionem ceperat ab Aristotele 1. *poster. analyt. cap. 2.* ubi proponuntur velut tres gradus necessitatis in Enunciatis demonstrativis requisitæ. Longius usum earum extendere voluit Petrus Ramus, videlicet ut essent norma, secundum quam omnia artium præcepta inutilibus rixis quidem hæcenus maculata ab omnibus, sed à nemine in justum ordinem redacta, constituerentur ac pariter examinarentur. Rationes sunt istæ: (1.) Quia præcepta artium sunt enunciata necessaria. (2.) Quia præcepta artium habent certitudinem istam, quam Philosophus ad gradus illos requirebat. (3.) Quia definitiones & divisiones rerum admittunt gradus illos semper, proprietates verò ut plurimum.

XIV. *Lex Veritatis jubet, ut præcepta artium sint vera, affirmata, necessaria, universalis.* Debent esse *Vera*, quia sic decet, aliàs decipiunt. *Affirmata*, quia plus docet affirmatio, quàm negatio, illa monstrat quid res sit, hæc quid non sit, illa est unica, hæc definit in multis, Matth. Flacius *lib. 4. Dialect. cap. 14.* Itaque Aristoteles vetat, negatas definitiones proponi in artibus, 6. *Topic. 6.* *Necessaria*, quia sunt ordinata ad perfectionem animi, neque ergò contingentia esse possunt. Hinc jubet Aristoteles, ut quodvis præceptum artis sit necessario verum, 1. *poster. 26.* *Universalis*, quia sunt per inductionem collecta, & per experientiam stabilita, Aristoteles 2. *Metaph. 6.*

XV. *Lex Justitiæ jubet, ut præcepta artium*

B

tium

tium sunt inter se & cum tota arte consentanea.] Inter se quidem, ut posterius à priori dependeat æqualiter & perfecte. Cum tota arte, ut nihil quod alterius artis est, alia ars sibi tribuat. Præceptis distinguuntur artes, usus conjungit sapē quæ sunt unius artis propria. Aristoteles 1. *poster. anal. text.* 38. 59.

XVI. *Lex Sapientia jubet, ut præcepta artium sint reciproca, utq; generalia generaliter, specialia specialiter proponantur.*] Ratio prioris est, quod artium præcepta sunt enunciata æqualem affectionem habentia. Posterioris, quod vitari debent ociosæ repetitiones eorum, quæ semel dicta erant, Aristoteles 1. *poster. cap.* 4. & 5.

XVII. Hæc trium Legum præscripta accuratè in construendis artibus observanda esse, artium pulchra habitudo atque ipsarum rerum stabilis natura ostendunt. Quæ contrà proferunt: Jacobus Martini, *Centur.* 5. *Illustr. quest. Disput.* 3. *quest.* 1. & lib. 1. *Disquisitionum Ramist.* cap. 3. *quest.* 5. 6. 7. 8. Philip. Scherbius in *Dissertationibus* cap. 3. 4. 5 *seqq.* ea facilem habent solutionem, uti dudum ostendit Andreas Libavius *notæ ad Dialecticam emendatam* pug. 400. *seqq.* Dicunt: (1.) Tres Leges istæ sunt requisita necessarii Enunciati. Atqui res contingentes, quales plurimæ sunt in artibus, non sunt necessariæ. Ergò. *Respondeo:* Negatur consequentia. Res contingentes sunt quidem tales ratione actionis, verumtamen cognitionis ratione inferunt necessitatem istam, quæ ad formanda artium præcepta sufficit. Regerit Scherbius: Cognition non facit res necessarias, quando illæ per se non sunt tales. Res enim non pendunt à cognitione nostra, sed cognitio nostra pendet à rebus. Verum modus sciendi, quem præce-

pta artium in nobis produciunt, omnino cognitionem firmam efficiunt, quæ necessaria certè est, atque contingentibus rebus aliquam necessitatem conciliat, videlicet eam quæ est à posteriori. Namque intellectus abstrahit modum à rebus, & abstrahendo immutat rerum naturam, ut quæ ratione actionis nec semper, nec ubique sunt, ea ratione cognitionis & semper & ubique esse possint. (2.) Regula Grammaticæ non sunt obnoxia legibus istis, quando nulla ferè est regula, quæ non patiat exceptionem. *Respondeo:* De præceptis artium valent solum istæ Leges, ubi sunt definitiones & divisiones, non verò de quibuscvis regulis docendi gratiâ consignatis.

XVIII. *Finis est duplex, Principalis & Subordinatus. Principalis est Dei gloria. Subordinatus est hominis perfectio.*] De fine principali sunt testimonia Scripturæ, Psalm. 119. 1. 2. 3. Roman. 1. 19. 20. De subordinato valet illud Aristotelis, *πάσα τέχνη καὶ παιδεία τὸ πρὸς αὐτὸν βλάττει τὴν φύσιν ἀναπληρῶν*, 7 *Politico.* cap. 5. Itaque Veteres collaudabant viros doctos, quod Diis geniti & Deorum socii essent, Cicero *Paradoxo* 5. & lib. 4. *Quest. Academ.* Seneca *Epist.* 31. 53. 59. 65. 73. 92. 108. & lib. 7. de *beneficiis* c. 3. 4.

XIX. Quæritur: *An liberalium artium studium sit excolendum?* Respondeo: Negant Geisterani & Mennonistæ melioris literaturæ bustuarii, Wegelius libro de *studio universali* cap. 4. 5 *seqq.* Joh. Angelius *Werdenhagen prolegomenis ad Meaulan Politicam* quest. 16 *seqq.* Nos verò affirmamus. Rationes sunt istæ: (1.) Quia artes liberales elevant hominum animos ad percipiendam notitiam Dei, à quo omnia condita sunt, ut

adejus gloriam referantur omnia, *Roman. 1. 18. 19. 20. cap. 2. 14. 15.* (2.) Quia Viri Sancti operam diligentem impenderunt studio liberalium artium, estque magna pars laudis eorum, didicisse fideliter artes, ut constat de Salomone Rege, *1. Reg. 4. 30. seq.* Mose Legislatore, *Actor. 7. 22.* Daniele, *Dan. 1. 4. cap. 2. 13. seq.* Paulo Apostolo, *Actor. 17. 28. 1. Cor. 15. 33. Tit. 1. 12.* Excipit Wegelius: (1.) Jubet Paulus cavere, ne quis seducat nos per inanem Philosophiam, *Coloss. 2. 8.* Respondeo: Non agit Paulus de liberalium artium studio, uti illud vigeat in Græcorum Scholis, de quo tamen etiam nonnulla dicit *1. Cor. 1. 20.* sed non cum infectione, nisi eorum, qui artibus per se bonis volebant ad impugnandam Servatoris gloriam abuti, cum tamen constaret, quod Apostoli per sermonem crucis innumeros homines ad veram probitatem animi adduxissent: Philosophorum discipuli essent *οὐκ ἄνθρωποι ἐμπροσθέν σου*, ut dicebat Timon, essent arrogantes, litigiosi, maledici. Loco prolato agit de vitandis Judæorum circumforaneorum nugis, quas illi excogitaverant in fraudem Religionis veræ, ne illa per orbem invalesceret passim, cum damno Paganismi non minus quam Judæicæ superstitionis. Erantque vanitatum hujusmodi præcones imprimis Esseni, eruditior pars Judæorum per Orientis urbes dispersorum, *Col. 2. 18. 1. Tim. 1. 4. Tit. 1. 14.* Sanè Josephus *lib. 2. de bello Judaico cap. 7.* vocat eos Judæorum Philosophos, & videris alia quæ huc pertinent, apud Jos. Scaligerum in Elencho Trihæresi *cap. 22.* & 27. Janum Drusium *Responsio ad Serarium cap. 2.* (2.) Multa proponuntur in Artibus, quæ cum Religionis veritate non possunt conciliari. Respondeo: Artes docent illa, quæ

cum ratione sana conveniunt, & nature possibilia sunt, neque tamen negant, quod supra naturam agendo, Deus nova quædam hominum animis commendat, per quæ ad summi boni, quod post hanc vitam illos expectat, ademptionem provehantur, *1. Cor. 1. 21.* Argumentamur: Nullum verum repugnat vero. Atqui bonarum artium studium est veritas cordibus nostris à Deo inscripta. Ergo bonarum artium studium non repugnat veritati à Deo revelatæ in literis sacris. Minor est *Rom. 2. 14. 15.*

CAPUT SECUNDUM.

Diatriba singularis de partibus Philosophiæ.

SUMMARIA.

1. Philosophia sunt tres partes.
2. Alii constituent duas partes.
3. Rejicitur divisio ista.
4. Philosophia pars effectiva.
5. An disciplina instrumentales sint pars Philosophia?
6. Philosophia pars speculativa.
7. Philosophia pars activa.

1. **P**Artes sunt tres, Effectiva, Speculativa, Activa.] Ita dividunt Veteres pariter & Recentiores Doctores, Cicero *lib. 1. Academicæ quest.* Diog. Laërtius in *vita Platonis & Zenonis*, Plutarchus *lib. 1. de placitis Philosophorum cap. 1.* Lactantius *lib. 3. Institut. divinarum cap. 13.* Augustinus *lib. 2. de Civitate Dei, cap. 7. lib. 8. cap. 4. lib. 11. cap. 25.* Eusebius *lib. 11. de preparat. Evangel. cap. 1.* Angelus Politianus in *Parepistemo*, fol. 462. 463. Rodolph. Agricola *lib. 2. de Inventionis Dialectica*, cap. 9. Toletus *Prolegomenis ad Physicam cap. 2.* Conimbricenses

prologo ad *Dialecticam quest. 2. art. 1. & 2. & in prolegomenis Physicis cap. 2.* Joh. Henricus Alstedius *lib. 3. Encyclopadia cap. 2. Reg. 1.* Justus Lipsius *lib. 1. dissert. 5.* Ratio confirmat: Quæcunque divisio est adæquata divisio, illa est bona. Atqui proposita divisio est adæquata divisio. Ergo. Minor patet: Est consentanea objecto, subjecto. fini Philosophiæ. Objecto, quando Philosophia docet vel res vel rerum notiones. Subjecto, quando animæ intellectivæ facultates sunt tres, ut docent Aristoteles 5. *Metaph. 1. 6. Ethic. 2.* Fini, quando Philosophia aut res ipsas docet, aut docendi modos fabricat.

II. Alii duas partes constituunt, Speculativam & Activam, Piccolomineus *libro de rerum definitione pag. 63. & gradu 5. Philosophiæ moralis cap. 51. & introduct. ad Physicam cap. 2. 3. 9.* Joh. Hospinianus in *Controversiis Dialect. cap. 1.* Pererius *lib. 1. Philos. natural. cap. 2.* Jac. Martinus *lib. 1. Exercitat. Metaphysicæ theor. 2. & Centur. 1. disput. illust. 1. quest. 3. 4. Centur. 8. disput. 7. quest. 4.* Keckermannus *lib. 1. præcognit. Philosoph. cap. 2.* Gilbertus Jacchæus *lib. 1. Institut. Phys. cap. 2.* Greg. Horstius in *præcognitis Logicis pag. 28. seq.* Eos refellere conantur Socratici hoc argumento: Divisio legitima habet membra disjuncta & invicem opposita. Atqui hæc divisio non habet membra disjuncta & invicem opposita. Ergo. Minorem probant: (1.) Speculatio est in utraque parte Philosophiæ, neque enim potest actio aliqua esse, ubi non præcedit notitia. (2.) Actio & usus in utraque parte sunt, neque enim aliqua disciplina est citrà usum & finem proprium, Rennemannus in *Examine contra Scherbium pag. 65. seqq.* Beurhulius in *Undecis Logicæ sect. 7. cap. 2. seqq.* Re-

spondeo: Invertimus argumentum. Quæcunque divisio habet membra disjuncta & invicem opposita, illa est bona. Atqui proposita divisio habet membra disjuncta & invicem opposita. Ergo. Minor constat: Contemplatio, actio, effectio differunt specie, uti satis liquet è præcedentibus. Falsum est: (1.) *Quod contemplatio sit in utraque parte Philosophiæ.* Sanè aliud est præceptorum notitia, aliud est scientia rerum. Illa est in partibus omnibus, hæc tantum est in parte speculativa. Scientiæ cognoscunt, neque ultrà pergunt, itaque notitia præceptorum est adjunctum artificis, non verò finis artis. Falsum est: (2.) *Quod actio sit in utraque parte Philosophiæ.* Scientiæ nihil agunt, verum omnia cognoscunt. Et quamquam cognitio ista usum aliquem habeat, non tamen debet usus cum actione confundi. Tàm enim distant *usus & actio*, quam differunt notitia & scientia.

III. Nec tamen divisionem illam probamus, quandoquidem imperfecta est excludendo partem effectivam. De qua re porro dicemus *infra dist. 5.*

IV. *Effectiva est, quæ efficit notiones.* Ejus species sunt disciplinæ quatuor: Grammatica, quæ est ars bene loquendi; Logica, quæ est ars bene disserendi; Rhetorica, quæ est ars bene dicendi; Poëtica, quæ est ars bene pangendi carmen. Quæritur: *An artes effectivæ sint vera pars Philosophiæ?* Respondeo: Negant Jac. Zabarella *lib. 1. de natura Log. cap. 1. 2. 4. 1.* Crellius *lib. Isagog. Log. cap. 1.* Keckermannus *lib. 1. præcognit. Philosoph. cap. 3.* Flacius *lib. 1. Log. general. cap. 7.* Horneius *lib. 1. Institut. Log. quest. 3.* Greg. Horstius in *præcognitis Log. pag. 77. seqq.* Joh. Regius *lib. 1. Commentar. Log. quest. 1.*

Petrus

Petrus Bertius *lib. 1. Logica Peripatetica c. 1.*
 Georg. Mejerus in *Gnostol. disp. 8. p. 374 seqq.*
 1. Nos verò asserimus cum Petro Fonseca
lib. 2. Metaphys. cap. 3. quest. 1. sect. 7. Toletio
in prolegomenis Dialect. quest. 3. Pererio *lib.*
1. Philosoph. natur. cap. 2. Andrea Planero
part. 1. quest. Dialect. pag. 42. Ratio est:
 Quæcunque artes hominis mentem libera-
 liter informant. illæ sunt pars Philosophiæ.
 Atqui artes effectivæ hominis mentem li-
 beraliter informant. Ergò sunt pars Philo-
 sophiæ. Excipiunt Zabarella & Keckerman-
 nus: (1.) Nullum instrumentum rei alicujus
 est pars ejusdem rei. Atqui artes dictæ sunt
 instrumentum Philosophiæ. Ergò. *Respon-*
deo: Negatur major. Ita malleus est instru-
 mentum fabri, neque minus est pars artis
 fabrilis. Manus & pedes sunt partes inte-
 grantes hominis, ac pariter sunt instrumen-
 ta ejusdem, quorum operâ ille multa efficit,
 multa agit. Et verò figuratum dictærium est,
 quòd Logica sit instrumentum Philosophiæ.
 Verè dicendo, est ars que fabricat instru-
 menta in usum differendi. Instrumenta sunt
 definitio, divisio, propositio, argumentatio,
 methodus. (2.) Logica est diffusa per omnes
 partes Philosophiæ. Ergò non est pars Phi-
 losophiæ. *Respondeo:* Negatur Consequen-
 tia: Spiritus vitales, animales, imò anima
 ipsa per omnes corporis vegetabilis artus
 diffunduntur, calidum innatum permeat
 quaquaversus, attamen funt corporis vege-
 tabilis pars. Nec tam Logica, quàm Logicæ
 artis effecta de quibus antè dicebamus, per
 totam Philosophiam diffusa sunt. (3.) Logi-
 ca non docet res, verum notiones rerum.
 Ergò non est pars Philosophiæ. *Respondeo:*
 Negatur Consequentia. Tam enim rerum
 notiones, id est, modus sciendi, quàm res

ipsæ pertinent ad Philosophiam. Et quo-
 niam pars aliqua docet res, aliqua docet re-
 rum modos, constat inde, quòd Philosophia
 sit totum dissimulare, cujus partes sunt di-
 versæ naturæ. (4.) Logica non docetur pro-
 pter seipsam, verum propter aliud, nimirum
 ut veritas rerum inquiratur. Ergò non est
 pars Philosophiæ. *Respondeo:* Negatur Con-
 sequentia. Quòd propter seipsam non
 discatur, arguit usum ejus ad alia plura extrà
 ipsam sese extendere. Et ob id non fuerit
 pars? Imò pars est ratione cognitionis, ac
 quoque instrumentum est ratione usus,
 quoniam docendi instrumenta fabricat. (5.)
 Aristoteles passim distinguit inter quæ sita
 Dialectica & Philosophica, *lib. 1. Topic. 2. &*
11. lib. 8. Topic. 1. Dialectica non est pars Phi-
 losophiæ. *Respondeo:* Negatur consequentia.
 Distinguit idè, quia res & rerum notiones
 differunt, cæterum haud negat, quòd Logi-
 ca sit pars vera Philosophiæ, *1. Topic. 9. 6.*
Topic. 6. 8. Topic. 2. 5. Metaph. 1. 6. Metaph. 1.
6. Ethic. 2. & alibi. (6.) Logica non potest
 referri ad aliquem habitum mentis. Ergò
 non est pars Philosophiæ. *Respondeo:* Negatur
 Antecedens. Logica sanè ars est, quia
 efficit opus, ut dictum est *suprà cap. 1. dist. 5.*

V. Instat Keckermannus: (1.) Non est
 aptum simile, neque enim manus est instru-
 mentum ejus, cujus pars est. Est animæ in-
 strumentum, pars verò corporis. (2.) Aliud
 est pars per se, aliud est pars per accidens.
 Manus non est pars fabri per se, quia faber
 est. ita enim soli fabri haberent manus, sed
 quatenus faber est corpore præditus. (3.)
 Logica est quidem pars Philosophiæ, non ta-
 men est Pars Philosophiæ, uti manus est
 pars fabri, sed non est pars fabrilis artis. *Re-*
spondeo: (1.) Manus est instrumentum, est

quoque pars, non solius animæ, non solius corporis, verum corporis animati, id est, hominis. Et verum hoc est de omnibus instrumentis conjunctis, quod insimul pars sint: Instrumenta separata non sunt pars, quomodo acus non est pars sutoris, licet instrumentum ejus sit. (2.) Manus per se pars fabri sunt, quatenus ille homo est perfectus, & verò absque illis cum esset, mutilus certe esset. (3.) Logica omnino est pars Philosophiæ, quia est instrumentum conjunctum, de cujus ratione est, partem esse ejus, cujus instrumentum pariter est, uti exempla superioris prolata monstrant.

VI. *Speculativa est, quæ cognoscit res.*] Ejus species sunt quatuor disciplinæ: Metaphysica est scientia entis quæ ens est: Pneumatica est scientia spiritus: Physica est scientia corporis naturalis: Mathematica est scientia quantitatis.

VII. *Activa est, quæ agit honesta.*] Ejus species sunt quatuor disciplinæ: Ethica est prudentia bene informandi mores: Politica est prudentia bene regendi civitatem: Oeconomica est prudentia bene regendi domum: Historica est prudentia bene annotandi eventa populi. Quæritur: *An hæc divisio sit generis in species, an verò sit totius in partes?* Respondeo: Posterius affirmant F. Piccol. *Introduct. ad gradus civiles* c. 8. Balth. Cellarius *lib. 1. Institut. Politic. cap. 1. dist. 14. § 15.* J. Gurtius *Disputat. Ethic. 1. quæst. 1.* Jac. Martini *Exercitat. Metaph. lib. 1. Exercit. 1. theor. 4. § disput. 1. Endemonolog. quæst. 1.* Joh. Scharffius *in præcognitis Logicis pag. 12.* Eisslerus *in prodidagmatis Philos. Practicæ artis. 6. quæst. 2.* Velttenius *Disput. Ethic. 1. num. 9. 10. seq.* Hunnichiuss *Disputat. Ethic. 1. 7. 3.* Argumentantur: Ubicunque est ob-

jectum idem quæ materiale & formale consideratum, ibi est disciplina una, & non diversa. Atqui in Ethicis, Politicis, Oeconomicis est objectum tale. Ergò. Minor probatur: Est idem materiale, *actiones morales*, estque idem formale, *ut honestas inducatur*, vel apud omnes, quod Ethicæ officium est, vel apud aliquos, quod Politica & Oeconomica præstant. Verum nos affirmamus prius, & pro sententia nostra inferimus: Ubicunque est objectum diversum quæ materiale & formale consideratum, ibi est disciplina alia atque alia, non verò una. Atqui in Ethicis, Politicis, Oeconomicis est objectum diversum quæ materiale & formale consideratum. Ergò. Minor probatur: Ethica de *omnium hominum* actionibus præcepta tradit in vita communi utilia. Politica describit *actiones civium*, ut legum præscriptis conformentur. Oeconomica describit *actiones familiarum*, ut domus suæ agat quisque ea, quæ oportet agere. Contraria ratio faciliè solvitur. (1.) Negatur, quòd sit objectum idem, nec enim est formale unum atque idem, non sunt eadem instrumenta, non est finis idem. (2.) Negatur, quòd non sit diversitas realis, ubi causæ proximæ sunt diversæ realiter, patetque ex illis, quæ diximus *suprà cap. 1. dist. 9. 10. 11.*

CAPUT TERTIUM.

De statu Civitatis.

SUMMARIA.

1. *Definitio Politica.*
2. *Divisio Politica.*

3. *Defi-*

3. *Definitio Civitatis.*
4. *Efficiens civitatis Deus.*
5. *Refellitur Hobbesius.*
6. *Refellitur status naturalis.*
7. *Causa instrumentalis civitatis.*
8. *Ostenditur, quod Moses fuerit heros.*
9. *Dantur Angeli tutelares.*
10. *Solvuntur contrariæ rationes.*
11. *An civitates principum violentum habuerint?*
12. *An in statu integritatis fuissent civitates?*
13. *Materia civitatis.*
14. *Forma civitatis.*
15. *Finis civitatis.*
16. *Definitio vici.*
17. *Definitio pagi.*
18. *Definitio urbis.*
19. *Defenduntur mœnia.*
20. *Pænorum destructio.*

I. **P**olitica est prudentia bene regendi civitatem.] Ratio: Habitus cum recta ratione activus est prudentia. Atqui Politica est habitus cum recta ratione activus. Ergo. Major est apud Aristotelem *lib. 6. Ethic. 4.* Minor constat: Politica præcepta sunt conclusiones à recta ratione derivatæ & verò diriguntur ad actionem. Neque enim ille Politicus est, qui de civitatis statu potest multa sive utiliter sive inutiliter differere, verum ille demum Politicus est, qui civitatem secundum leges regere, & in civitate ad legum normam sese modis omnibus componere potest, 1. *Ethic. 3.*

II. *Ejus partes sunt due, Communis & Propria. Communis est, quæ de civitatis statu*

*in genere agit.] Divisio sumpta est ab Ob-
jecto.*

III. *Civitas est cætus hominum legibus adstrictorum ob salutem publicam.]* Definitionem reprehendunt Arniseus *lib. 1. Doctrina Politica cap. 7. & lib. 2. Relect. Politic. cap. 1. sect. 1.* Balth. Cellarius *lib. 2. Institut. Politicar. cap. 1. distinct. 7. 8.* Jac. Martinii *lib. 1. Institut. Politicar. pag. 204. 205.* Rationem adferunt: Cætus licet sit materia civitatis, non tamen genus in definitione ejus esse potest, quippe quod à forma petendum est, nimirum ab ordine, per quem cives invicem componuntur, ut feliciter vivant. Sic illi. *Respondet: Lædunt illi commune Logicorum Decretum, quo jubetur definitionis genus à materia accipi, & differentia peti à forma, Zabarella lib. 1. de proposit. necessar. cap. 9. Tole-
tus Commentarius ad Organon fol. 49. Andreas Planerus part. 1. quæst. dialect. pag. 146. seqq.* Atqui civitatis materia est multitudo, quam vocamus cætum, itaque rectè ponitur generis vice, & differentie loco additur, *legibus adstrictorum*, unde est ordo ille, quem civitatis formam formam constituiimus. Hæc ipsa ut magis explicentur, de causis Civitatis ordine agi debet. *Efficiens est vel principalis vel instrumentalis. Principalis est natura.]* Hæc unius Dei imperio obnoxia fecit hominem ζῶον κοινωνικόν καὶ πολιτικόν, dicente Philosopho, 1. *Polit. 2. 3. Polit. 4.* quod prolixè interpretatur Ad. Conzenus *lib. 1. doctrina civilis cap. 5. 6. seq.* Nimirum, ut velle homo propter res animi corporisque gerendas cum homine vivere, quando nemo est, cui non sit sanctius esse cum quolibet, quàm se-

cum, uti ait Seneca Epist. 91. Scribit Tholofanus: Errant Diodorus Siculus, Vitruvius, Thucydides, qui affirmant, homines primum in more ferarum vitam degisse in Sylvis, & in montibus oberravisse, donec à quibusdam in cœtum civilem inducerentur, lib. 1. de Republica cap. 2. dist. 6. Verùm loquuntur Autores isti de hominum manipulis, qui in discessu à majori cœtu, ad loca inculta abiverunt, mox consuetudine victi, perduraverunt cum paucis, quia cum plurimis esse nolebant, & retinendo libertatem naturalem, sine cœtu, sine legibus veluti erant, quales fuerunt populi multi in America, priusquam veniebant eò Hispani, & hodie sunt Lapponi, Samoiedi, Tingoctii in Borea, Guineenses in Africa.

IV. Deum igitur verè Causam principalem appellamus, qui primus hominem fecit Naturæ Dominum penes se futurum, cui lucerent sidera, elementa inservirent, animalia parerent, Gen. 1. 1. seqq. cap. 2. 18. Psalm. 8. 1. 2. seqq. Psalm. 104. 1. 2. seqq. Solam Naturam ita adstruere velle, ut removeas Deum, insania est, quam tamen proficitur Julius Cæsar Vaninius libro de admirandis nature arcanis pag. 340. seqq. & mirum insuper, quòd hæreticorum stolidissimus ob id supplicio ignis Tholofæ perire maluerit, quàm fateri, Deum esse authorem Naturæ, & suprà naturam, Causam sine causa, quod prolixè narrat Barthol. Gramondus lib. 8. Historie Gallicæ. Veterum quorundam, apud quos Hebræorum libri non erant satis noti, opinio fuit, mundum casu, homines perinde & animalia Naturæ vegetantis beneficio existitisse, quos Deus nullus ad imaginem sui formare noverat. Horatius.

Cum propeferunt primis animalia terræ,
Mutum est turpe pecus.

Et paulò post:

Donec verba, quibus voces sensusq. notarent

Nominag. invenere.

lib. 1. Satyra 3. Nimirum qui veritatem ignorabat, falsa Epicuri dictata profert, hominem è terra prorepisse, mutum, turpem, citrà sermonis usum, sine civili cultu! Atqui nos ex literis sacris novimus, hominem Dei manibus formatum, ratione præditum, sermonis genere, quòd post diluvii Noëtici tempus in usu esse desit, instructum, corpore atque animo elegantem, societatis ordinatæ cupidum. Non dissimiliter Vitruvius Homines veteri more ut feræ in silvis & speluncis nascebantur, ciboque agresti vescendo vitam exigebant. Intercà quodam in loco à tempestatibus & ventis densæ crebritatibus arbores agitatz, & inter se terentes ramos, ignem excitaverunt, ex ea flamma vehementer perterriti, qui circa eum locum fuerunt, sunt fugati, postea re quietâ, propius accedentes, cum animadvertissent, commoditatem esse magnam corporibus, ad ignis teporem ligna adjiciebant, eumque conservando alios adducebant, & nutu monstrantes ostendebant, quas haberent ex eo utilitates. In eo hominum congressu cum profundeabantur aliter è spiritu voces, quotidianâ consuetudine vocabula, ut obtigerant, constituerunt, deinceps significantes res sæpius in usu, ex eventu fari fortuitò ceperunt, sermonesq. procreaverunt, lib. 2. cap. 1. Quæ prorsus frivola sunt, quamvis valdè placeant, Johanni Mariane lib. 1. de Regis institutione cap. 1. homines cum

cum primo ortu suo melius ceperunt esse quam fera, & Deo vires suggerente, vitæ suæ adminicula feliciter informaverunt, *Genes. 2. 15. cap. 3. 17. 18. 21. 23.* Et quis ille spiritus est, à quo sunt voces, non unius populi, sed multorum populorum? Deus, inquam, est, qui consilio hominem formavit, & vocibus instruxit articulatis, uti docet Plato in *Cratyl.* Non ergo temerè sunt inventa, quæ hominis sunt, multò minus homo ipse casu exstitit.

V. Natura Dei vices in producendo homine, eodemque conservando sustinet, quod negat Thomas Hobbes *libro de Cive, cap. 1. dist. 2. seq.* Verba ejus sunt: Hominem esse animal aptum natum ad societatem, axioma est à plurimis receptum, sed falsum, errorque à nimis levi naturæ humanæ consideratione profectus est. Sic ille. Falsò vocatorem, quòd homo naturâ sit animal sociale, quando ipse Deus hominum animis indidit, ut multiplicando sese terram implerent, *Gen. 1. 28.* At qui nec multiplicatio esse, nec terra occupari commodè potest, nisi intendatur societas, velut ob quam ista fiant, quæque sola justam occupationem & viciniam honestam facit. Instat Hobbes: (1.) Si homo hominem amat naturaliter, quare homo amat magis hunc hominem, quam illum? quare maximè amamus eos, qui nobis honorem & commoda deferunt, non alios? *Respondet:* Quòd homo amat hominem, est à natura instituta, quòd verò hunc magis amat quàm illum, est à natura destituta, quæ propter comitem indigentiam efficit, ut maximè amemus eos, à quibus honos & commoda nobis præstantur, nec tamen odio habeamus alios, quorum commodis non fruimur. (2.) Homo infans nascitur, qui

ad societatem est ineptus, plurimi etiam vel morbo animi, vel defectu disciplinæ, per omnem vitam inepti manent, ad societatem ineundam. *Respondet:* Notitiæ naturales insunt quidem homini tunc cum nascitur, & tamen haut exercere potis est, nisi cum accedit ætas confirmata. Adeoque hîsto argumentandi genere pergit uti Hobbes, facillè omnia detrahet homini, quæcunque humanæ naturæ propria sunt, & suo tempore demum, non statim ubi infans natus est, in actum prodeunt.

VI. Malè quoque Hobbes *l. d. dist. 4. §. 6. 7. 8. 9. 10.* describit statum merè naturalem. Qualis status cum esset, non esset homine dignus, sed bestis aptus solum, quarum conditio necessariò est absque ratione. Nam ut quidvis cuius licet agere, appetere, possidere, nulla est ratio, nulla est natura integritatis suæ memor, quæ ita dicitur. Naturæ depravata experimenta ista esse possunt, non verò dictata rationis rectæ. Quæ eo ipso, quòd societatem appetit, ordinis societatem appetit, à quo licentia hujusmodi ad motus inordinatos præcluditur. Namque cum indigentia cepit in orbe esse, Natura haut quidem libertatem, quæ omne imperium aspernatur, sed potius imperium in omni societate esse debere, dicitur. Suprà statum illum, qui indigentiam implicat, non ascendit ratio humana. Quæ enim de seculo aureo dicuntur, imitantur magis ea, quæ olim fuerunt, ac ut ea sint verè & perfectè. Dicit Hobbes: Ad societatem ergò homo aptus, non naturâ sed disciplina factus est. *Respondet:* Conjugi debent natura appetens, indigentia invitans, justitia ordinans quomodo in infante, ut fandi potens sit conjugi debent natura impellens, indi-

gentia promovens, conversatio vocabula didicant.

VII. *Instrumentalis sunt Heroës.*] Ita vocat Aristoteles 3. *Polit.* 12. Scilicet, qui instinctu Numinis vel Imperia nova condere, vel aliorum furore everfa restaurare voluerunt. Quamquam enim humana sapientia in his aliquid potest, & fortitudo ei juncta multum juvet, tamen si rectè consideretur multitudo malorum hominum, & quæ per occasionem nocere possunt, non videtur Imperium aliquod magnum institui facile posse, nisi peculiari quadam Numinis curâ, quæ evidentius etiam spectatur, ubi Deo visum est mutare Imperia. Nam quibus ille tunc ad eam rem, velut sibi destinata, instrumentis utitur, his omnia etiam quæ ab humana prudentia non pendent, fluunt suprà votum, magis quàm fert solita humanis calibus varietas. Tales fuerunt Nimrodus Babyloniorum, Cyrus Persarum, Alexander Magnus Græcorum, Julius Cæsar Romanorum, Carolus Magnus Francorum, Gustavus Suecorum, Gingis-Chan Tartarorum, Ottomannus Turcorum Reges, de quibus omnibus dixi in Recensu Historiæ Universalis *Tom. 1. lib. 1. cap. 1. dist. 3. lib. 2. cap. 1. dist. 1. lib. 3. cap. 1. dist. 1. lib. 4. cap. 3. dist. 13. lib. 9. cap. 1. dist. 1. lib. 16. cap. 1. dist. 8. & Tom. 2. lib. 20. cap. 1. dist. 1. seqq. cap. 2. dist. 1.* Eis persimiles fuerunt Namcan Sinenfium, Mantapacutus Peruanorum, Chichimecæ Mexicanorum Reges, qui in populis illis florentissima imperia condiderunt primi, seque propterea filios Solis, qui Deorum maximi cultum apud eos fortitus est, appellabant, uti ex Inca Garcilasso, Herrera, Acostaresert Johannes de Lât *Dissertatione de Ori-*

gine Americanorum. Itaque & illos sub vitæ auspicio voluit sapè Deus commendare insignito aliquo charactere, uti de Gustavo I. Suediæ Rege commemorat Johannes Loccenius, recens nati caput naturali pileo, & pectus rubrà cruce exornatum fuisse, *lib. 6. historia.* Talis quoque fuit Moses Ebræus, qui populum illum tyrannide Aegyptiorum oppressum eduxit, & virtute excelsa promovit liberationis opus, unus ipse in populum universum dominator hæctenus, donec in deserto missionem causariam peteret, nec tamen impenetrabat, itaque pro labore minuendo ordinavit Parlamentum coram quò decidebantur privatæ lites, ipse verò publica jura curavit, *Exod. 18. 19. Numer. 11. 16.* Toftadus in *librum Numerorum quæst. 24.* Menochius *lib. 1. de Republica Hebræorum cap. 1. quæst. 4.* Petrus Cunæus *lib. 1. de Republica Hebræorum cap. 12.* Eum falsò numerari inter eos viros, qui novos Principatus condiderunt adversus Machiavellum pertendit Hermannus Conringius, *Animadversionibus in Principem pag. 70. 71. 72.* Rationes adfert: (1.) Quia Moses nihil egit consilio suo, verum omnia inquisivit apud Deum, qui solus erat novæ istius Republicæ autor, ejusque internuncius fuit Moses. (2.) Quia dubitare liceat, an prudentiam civilem habuerit Moses. Et verò si non habuit, tantò major erit Dei gloria, qui Rex fuit populi. (3.) Quia ad modum istum Christus usus fuit rudibus omnino hominibus in procurando cœlesti regno. Sic ille. *Respondeo:* (1.) Nequaquam sine Deo ejusque consilio singulari egerunt Heroës alii, itaque de Nimrodo ait Moses, fuisse venatorem fortem coram Domino,

Genes.

Genes. 10. 9. De Nebucadnesare testantur sacrae literae, quod Deus ipsi victorias multiplices adversus populos vicinos dederit, *Jerem.* 25. 9. *seqq.* *Dan.* 2. 37. 38. neque aliter est de Cyro Persae Rege, *Esdræ* 1. 2. *Esdræ* 4. 5. 1. 2. 3. adeoque Deus uti autor erat, ita procuratorem sibi delegit Mosem egregiis animi dotibus instructum, Regii animi virum, Reguli generum, *Exod.* 2. 1. *seqq.* Sic verò Dei internuncius erat, ut infimul populi sui Rex esset, *Dent.* 33. 5. (2.) Quod prudentiam negotio tanto parem habuerit, constat ex illis quæ Stephanus dicit, *Actor.* 7. 22. Validissimum omnino testimonium est de Mosis virtutibus, quas porro Deus singulari instinctu augere voluit, quomodo Saulum, Davidem, Salomonem Reges illustres fecit, conservando animi virtutes, quas ex sese illi habebant, 1. *Samuel.* 9. 1. *cap.* 16. 12. atque novae addendo, 1. *Samuel.* 10. 6. 1. *Regum.* 3. 12. ut eò firmiores ac prosperiores in rebus gerendis essent. (3.) Non omnes perinde Apostoli rudes erant, & quod de Saule Rege dictum est, in alium virum mutatum esse, tunc cum Deus admovit eum imperio, 1. *Samuel.* 10. 6. ita etiam Apostolis evenit, *Actor.* 2. 1. 2. *seqq.* De Paulo Apostolorum maximo, constat, literis bonis optimè instructum fuisse, *Act.* 22. 3.

VIII. Cæterum de Mose audiamus Strabonem: Moses, ait, unus ex Ægyptiis Sacerdotibus, cum partem quandam Regionis obtineret, ac molestè ferret Ægyptiorum instituta, hinc in Judæam abiit. Discesserunt cum eo multi, quibus divina curæ erant. Docebant enim, quomodo Ægyptii non rectè sentirent, qui ferarum ac pecorum imagines Deo tribuerent, nec Græci, qui

Deos hominum figuris insignirent. Et quod id solum Deus esset, quod nos cunctos, terramque ac mare contineret, quod Cælum dicimus ac mundum, rerumque Naturam. Cujus profectò imaginem nemo sanæ mentis; nostræ similem auderet effingere, oportere igitur omnium simulachrorum effigie remotà, ac digno ei templo erecto, coli, *lib. 6. Geograph.* Dicit, Mosem fuisse de Sacerdotibus Ægyptiis, id est, virum sapientem in ista gente, quod percepisset artes & scientias omnes in eorum Scholis tradi consuetas; *ἱταίδιουδης πνευ σοφία διδυσκίαν, Actor.* 7. 22. Ita sumitur מֹשֶׁה *Genes.* 47. 29. Eæ artes fuerunt Geometria, Astronomia, Physica, Politica, Hieroglyphica, *Esaia* 19. 11. 12. Herodotus in *Enterpe*, Diodorus Siculus *lib. 2.* Laërtius *Proemio de vitis Philosophorum*, Philo *lib. 1. de vita Moysi*, Clemens Alexandrinus *lib. 5. Stromatum*. Ad Mosem quoque pertinent illa, quæ scribit Trebellius Pollion in *vita Flavi Claudii*: Doctissimi Mathematicorum centum & viginti annos homini ad vivendum datos, indicant, neque cuiquam jactitant amplius concessum esse, etiam illud ad dentes, Dei; ut Judæorum libri loquuntur, familiarem centum & viginti quinque annis vixisse. Qui cum quereretur, quod juvenis obiret, responsum ei ab incerto ferunt Numine, neminem plus esse victurum. Sic ille. Verè, ait, in Judæorum libris, id est, in literis sacris Mosem, ut Dei familiarem commemorari. Locutus est enim Deus ei ore ad os, velut amicus amico, *Numer.* 12. 8. Annorum vitæ numerus congruit, nisi quod errore adjiciat quinque, 1. *Dent.* 34.

scriptionibus, quas refert Janus Gruterus in Volumine pag. 4. 5. 6. 7. 8. 9. De Alexandro Rege Curtius: Patrio more sacrificium Diis praefidibus loci fecit, lib. 3. *hystor. cap. 15.* Eos credebant Gentis, urbis, coloniarum suarum tutelam constanter obire, ut hostium armis everti non possent illae, antequam Numina tutelaria vel sponte migrarent, hominum mores averfati, vel sollemniter per Magos carminibus recitatis evocarentur. Exemplo sunt apud *Latium*, Fregelli, Stonii, Gabii, Veji, Fidenates Italiae populi; deinceps in bellis Punicis, Gallicis, Hispanicis, Numidicis, Achaicis, usu quoque venit. Evocationis formulam habes apud Macrobius lib. 3. *Saturnal. cap. 10.* Plinius lib. 28. *hystor. natur. cap. 2.* Robertum Valturium lib. 6. *de re militari cap. 6.* Brissonium lib. 1. *de Formulis populi Romani* pag. 63. 64. Verba Ulpiani sunt: Solent, qui liberare locum religione volunt, sacra inde evocare, lib. 8. *dist. 2. de rer. divis. l. 1. D.* Ad evocationem Deorum tutelarium pertinet, ut monet D. Gothofredus in *Notis* pag. 23. Romani verò Genium urbis suae arcum habuerunt, ejusque effigiem quidem nummis imprimebant, ut staret ante aras cum cornu copiae & patera sacrificiali, Ant. Augustinus Tab. 28. num. 4. Joh. Tristatus *Commentarius de Imperio Romano*, Tom. 1. pag. 570. Tom. 3. pag. 358. 392. Sed tamen ejus nomen, sacra, cultumque proprium paucis sacrorum Doctis lib. indicando communicaverunt, ne hostes tentarent adversus illos, quod ipsi cum successu adversus hostium sese fecisse noverant. *Servius* refert: Verum nomen ejus numinis, quod urbi Romae praeslet, sciri sacrorum lege prohibetur, quod ausus quidam Tribunus plebis enunciare, in crucem levatus est, *notis ad lib.*

1. *Georg. pag. 89.* Inscriptio *Romae*: Seculo felici. Phthias. lacerdos. Ihsidi. salutatus. consecratio. Pontificis. votis. annuat. Dñ. Romanæ. Reipublicæ. arcanæque. urbis. praefidia. annuant. quorum. nutu. Romano. Imperio. regna. cessere. Gruterus in *Volumine* pag. 83. num. 15. Arcana urbis praefidia sunt Dii tutelares, quorum propria nomina ignota esse volebant. Huc spectant gesta Bileam vatis cum Balako Rege adversus Hebraeos, à quibus soli timebant Moabitæ, sed tamen vinci posse censebant, postquam Dei Tutelaris patrocinium excantavisset Magus, *Num. 22. 5. seq.* Et quidem Deus ipse populo isti favore aliquo eminenti praeerat semper, adeoque *Exod. 14. 19. 24. cap. 2. 3. 20. 21. 22. 23.* donec improbitate gentis commotus, pari cum aliis forte eos reputare, & Genium quendam cum minori potentia eis praeficere vellet, *Exod. 33. 1. 2. 3.* verum precibus Moysi victus, perseveravit ipse in custodia populi, *Exod. 33. 13. 14. 15. 16.* adeoque ipse provocatus à Mago occurrebat, sed incantamentis ejus nolebat vinci, *Num. 21. 8. seqq.* Quod cum non satis perpenderent Victorinus Strigelius *Notis ad Novum Testamentum*, pag. 528. Joh. Gerhards *Commentarius ad Epistolas Petri* pag. 285. Rod. Gualtheri *Commentarius ad Epistolas Petri* fol. 136. falso illi contendunt, Bileamum ariolum fuisse veri Dei Prophetam, quod rectè confutat Franciscus Junius *Tom. 1. Oper. Theolog. pag. 467.* & adde nostrum Recensum Antiquitatum Romanarum lib. 4. pag. 692. *seq.*

X. Ceterum τὸ ἀέγυρ delegatus erat Angelus Michaël, curator Hebraeorum, postquam illi ceperant Palaestinam habitare,

C 3

Dan.



Dan. 10. 21. cap. 12. 1. Excipiunt Gesnerus & Polanus *Commentario h.l.* Michaël iste δ αὐτῶν est, dominus piorum in Veteri pater ac Novo Testamento, *Esa. 63. 9. Apoc. 12. 7.* Respondeo: Non est δ αὐτῶν, uti patet, quia Angelorum ordini expresse adscribitur, atque ipse jurat per viventem in secula, *Dan. 10. 13. cap. 12. 7.* Jurat per Deum, igitur Deus non erat. Esaias loquitur de eminenti præsencia τῷ αὐτῷ in deserto, quam concedimus. Apocalypsis ostendit figuratum aliquid, & Servatoris præsentiam gratiosam in Ecclesia describit, quam perinde concedimus. Quod aliis populis quoque adstant Rectores Angeli, constat ex *Dan. 10. 13. 20. cap. 12. 5.* ubi nominantur Principes, id est, Angeli præsides Græcorum & Persarum. Excipit *Gesnerus*: Negatur, quod Principes illi Græciæ & Persiæ sint Angeli boni. Rationes sunt: (1.) Quia cum Angelo Judæorum procuratore bono citrà dubium, lites agitant. Atqui de Angelis bonis certum est, efficere illos quod voluntatis divinæ est, *Psal. 103. 20. 21. Matth. 6. 10.* Quomodo igitur Angeli boni Persarum & Græcorum præfecti, quos non latebat consilium Dei, restituendos videlicet esse Hebræos in patriam suam, Deo & Michaëli repugnassent? Certum igitur est, quod fuerit Angelus malus in Persarum & Græcorum aulis, potentia summæ, qui uterque impedire voluit instantem Hebræorum missionem, apud Senatores regni pessimis inspirationibus usus, quod ætate ferret, Religionis veræ exercitium publicum in ordinaria sede restaurandum esse. (2.) Invalidus est Angelus malus præ bono, quomodo igitur putes hunc ab illo profligatum esse, ut opus fuerit Michaëlis auxilio, *Dan. 10. 13.* Sic ille, & cum illo

Bullingerus, Franciscus Junius, Polanus *Commentariis adh.l.* Respondeo: (1.) Sunt lites inde, quia non habent æqualem revelationem, à qua in solidum dependet scientia ipsorum de rebus futuris, pari ferè modo, uti Prophetis olim accidit, *1. Sam. 16. 6. seq. 2. Sam. 7. 3. 4. 5.* Et de Apostolis notum est, quod ob revelationem diversam non eandem foverint sententiam pro eadem opinione. Paulus excelluit præ aliis, majorique lumine perfusus intellexit melius ea, quæ adægimen Ecclesiæ pertinebant, quam alii, licet eodem spiritu fruerentur, eundemque magistrum, Christum, haberent. Non aliter cum Angelis est, quos diversis studiis ferri ob revelationes non satis accuratè perceptas, verosimile est. Rediguntur verò in concordiam per eventum supremum. (2.) Neque malus Angelus erat, quia etiam apud Barbaros rebus gerendis intersunt Angeli boni, Deo ita clementer procurante, ut Imperia conserventur adversus demonum artes fraudesve. *Num. 14. 9* (3.) Poterat esse, ut Angeli unius suggestiones magis valeret præ alterius, itaque alter inferior viribus, novas vires acquisivit, præsentis Michaëlis erectus, & rerum successu gavisus, quem Deus arbiter istarum summus addebatur.

IX. Quæritur: (1.) *An civitates habuerint principium violentum?* Respondeo: Affirmant Joh. Bodinus lib. 1. de *Republ. cap. 6.* Fridericus Tilemannus part. 1. *Collegii ad Pandectas, Disput. 1. num. 1. 3.* Richardus Zochus in *Jure feciali part. 1. sect. 7. n. 1.* Nos verò negamus. Rationes sunt: (1.) Quicquid habet auspicem Naturam, illud non est violentum. Atqui civitates habent auspicem Naturam. Ergo. (2.) Quicquid à providen-

tiz

tiæ divinæ instinctu est, illud non est violentum. Atqui Civitates & Imperia condere, est à providentiæ divinæ instinctu. Ergo. *Bodinus* excipit: (1.) Antequam Res publica ulla existeret, quilibet herus potestatem vitæ necisque in domesticos suos habebat, postmodum avaritia & imperandi cupiditas arma concitaverunt; bellorum exitus victores in eminentia posuit, victos servire fecit, inde naturalis libertas sublata est, Principum, subditorum, sociorum, servorum, civium, peregrinorum origo exstitit. *Respondet*: Imperium illud herile fuit paucorum forte, & si aliqui vellent ad venarum more per vicinas gentes oberrare, exemplo Abrahami Chaldæi, qui servos multos domi suæ habebat, paterfamilias amplissimus, & apud Phœnices incola, Gen. 23. 4. 5. 6. Plurimum non fuit, quando notissimum est, civitates & civium jura ab ipso Deo sancita esse, tunc cum Leges populorum omnium communes promulgabat, & judicia publica ordinabat, Genes. 9. 6. Porro, neque vis, neque cupiditas fuerunt causæ impulsivæ, quamobrem civitates statuerentur, sed causa hujus fuit Justitia communis, quatenus alter in alterius vitam opesque sumpta cum injuria involabat, & boni patiebantur malorum invasiones. Proinde consilium ceperunt boni, & Principem sibi imposuerunt, quem vitæ opumque suarum protectorem haberent adversus malos. Malos vero adducere severioribus mediis, ut velint jus reddere, bonum est, malum non est. (2.) Testantur *Plutarchus*, *Cæsar*, *Thucydides*, quod primum illud hominum genus solitum fuerit spoliare obvios, occidere, in servitutem rapere. *Resp.* Imò hæc quasi causa impulsiva erat, ut vellent Imperia, condere,

quicumque populi invasiones aliorum impune hætenus patiebantur. Negari enim haut debet, inolevisse apud gentes aliquas novorum agrorum habitatores, mores prævios, ut cupiendo utilia, non viderent ea, quæ honesta sunt, itaque ubi Justitia desinebat, ibi Judicia incipiebant. (3.) Nimrod fuit primus, qui homines violententer subegit, & dominatum in Assyria posuit, unde *venator robustus* nominatur, Gen. 10. 9. scilicet propter crudelitatem, uti exponit Philo. *Resp.* A Nimrodo velut primo Rege in populis illis, à quibus alii velut colonie exiverunt, derivant Reges omnes jura sua, & merito quidem. Dicitur fuisse *venator fortis*, sensu non malo: Homines sine legibus & sedibus certis vagantes in cœtus justos collegit, legibusque circumscripsit, quomodo venator feras palantes persequitur, & cassibus irrititas edomat, ne pergant vagari, & sive hominibus, sive animalibus cicuribus damna inferre, uti hætenus. Hinc additur, *coram Domino*, id est, Domino favente & juvante eum, uti exponit Chrysostomus *Serm.* 29. in Genes. Pertinet huc quod *Cicero* scribit: Mihi quoque non apud Medos solum, uti Herodotus scribit, sed & majores nostros justitiæ fruendæ causa videntur olim bene morati Reges constituti. Cum premeretur initio multitudo ab iis, qui majores opes habebant, ad unum aliquem confugiebant virtute præstantem, qui cum prohiberet ab injuria tenuiores, æquitate constituenda summus cum infimis pari jure retinebat, lib. 1. *Offic.* (4.) Primas civitates & imperia ante Abrahamum plenas servitiorum fuisse videmus. Libertas verò non nisi violententer eripi potest. *Respondet*: Servitia illa aut spontanea fuerunt, eorum, qui rebus domi angustis coacti

coacti in aliorum potestatem concesserunt, victum & amictum operis quotidianis lucraturis aut coacta, eorum, qui ob malefacta in potestatem redacti, culpâ suâ libertatem exuerunt. Neutra servitus est *contra* naturam, uti illa sese post lapsum habet, quam sit *præter* naturam, uti illa Deum auctorem primum habuit. De quare monebimus *infra* lib. 2. cap. 12. dist. 28. 29.

XII. Quæritur: (3.) *An in statu naturæ instituta essent civitates?* Respondeo: Affirmat Thomas part. 1. *Summa Theologica* quest. 69. art. 3. *seq.* Danæus lib. 1. *Polit. Christ.* cap. 4. Keckermannus *disput.* 29. quest. 3. Timplerus lib. 1. *Syst. Polit.* cap. 3. quest. 10. Henonius *Disput. Polit.* 1. dist. 7. Arminius *Disputat. Theolog.* 25. dist. 8. Joh. Gerhardi *Loco de Magistratu Politico* dist. 26. Christ. Befoldus in *Præcognitiis Politicis* cap. 5. dist. 1. *seqq.* Rectius negant Augustinus lib. 14. *de Civitate Dei* cap. 15. Joh. Driedo *libro de Libertate Christiana*, Martha Neapolitanus part. 1. *de Jurisdictione* cap. 1. num. 15. Argumenta sunt ista: (1.) Sublatâ causâ tollitur effectus. Atqui in statu naturæ institutæ nulla erat jurisdictio. Ergo etiam non erat magistratus. Minor constat: Non erat opus ut punirentur delicta publica, quæ in ista mentis rectitudine voluntatisque nostræ summa bonitate, nulla prorsus futura erant. Neque opus erat, ut lites dirimerentur, ut contradictiones de possessionibus, limitibus, commerciis, contractibus proponerentur, siue quibus omnibus futurus erat genus humanum in statu Innocentis. (2.) Ubi omnia communia & cum æquali conditione futura erant, ibi non erat locus civitati. Atqui in statu Innocentis omnia communia & cum æquali conditio-

ne futura erant. Ergo. Proinde Ovidius de seculo aureo scribit:

Aurea prima lata est ætas, quæ vindice nullo,

Sponte suâ, sine lege fidem rectumque colebat,

Pœna metulque aberant, nec vincla minantia fixo

Ære ligabantur, nec supplex turba timebat

Judicis ora sui, sed erant sine iudice tuti.

lib. 1. *Metamorph.* Excipiunt Timplerus

& Arminius: (1.) Propagavisset homo fami-

lias suas per orbem totum, & verò fami-

liæ istæ non potuissent commode invicem

vitam civilem agere, nisi fuisset ordo supe-

riorum & inferiorum. *Respondeo:* Ordo erat,

quatenus omnes æquali conditione vitam

agebant. Erant civiles societates distinctæ

loco & numero, ceterum jns proprietatis

nemo sibi arrogavisset. (2.) Deus non re-

xisset per se homines, itaque magistratus

necessariò fuisset ex hominibus constitu-

tus. *Respondeo:* Inò Deus tunc fuisset unus

Dominus omnium, præsens omnibus, quo-

modò etiam longo deinde tempore apud

homines primos conversabatur. (3.) Opus

erat magistratu, ut quilibet admoneretur de

officio suo rectè gerendo, itaque Deus etiam

Leges dedit in statu illo. *Respondeo:*

Natura quemlibet docuisset agere ea, quæ

bona sunt & verò Leges illæ quas Deus im-

ponebat Adamo, non erant latæ de istis,

quæ natura docere poterat, verum de aliis

quæ velut contingentia ab homine sciri non

poterant. (4.) Homo est naturâ animal so-

cialis, itaque non potuisset esse absque civi-

tatibus. *Respondeo:* Civitatis instar erat, in-

vicem conversari ex æquo & bono, citrà ju-

ris

his positivi notitiam, quod unicum neglectum effecit deinceps ut magistratu opus esset. Atque cum non erat, non poterat effectus suos prestare. (5.) Civitas est bonum aliquid, ergo etiam fuisset in statu innocentiz. *Respondeo*: Civitas quidem fuisset, non verò secundum Leges istas, quæ nunc obtinent. Verbo: Non fuisset iurisdictio, quæ Rempublicam facit. (6.) Deus constituit matrimonium; à quo deinceps societas civilis existeret. *Respondeo*: Dictum est, aliquam civitatem futuram, sed quæ haberet incolas *impii*. Ubi verò non erat subiectio, ibi non poterat esse imperium. (7.) Inter bonos Angelos est ordo, itaque non fuissent homines integri sine civitatibus. *Respondeo*: Ordo est inter Angelos, qualis est inter pares. Nam qui illos dicunt esse imparis sortis, statim resellentur. Talis quoque civitas fuisset in statu innocentiz. Reperunt: *Sacra* literæ commemorant Archangelos, 1. *Thes.* 4. 16. *Jude* v. 9. 1. c. 7. Angelos magnos, qui coram Deo apparent semper, *Apoc.* 1. 4. nec non potestates, dominationes, virtutes, thronos, principatus in bonis perinde ac malis Angelis, *Rom.* 8. 38. *Eph.* 1. 21. *Col.* 1. 16. Suntque isti varii ordines Angelorum, ut docent Cornelius à Lapide *Commentarius in Epistolam ad Ephesios* pag. 499. Petrus Josephi, in *Idea Theologiae Speculativa* pag. 332. seqq. *Respondeo*: Archangelus non est alius quam Christus, verè princeps Angelorum, quorum etiam conditor est, *Coloss.* 1. 16. Quæ in Epistola Judæ referuntur, sunt fabulæ Judaicæ, quibus nimis indulget Scriptor ille, quicumque fuerit, uti diximus libro de *Scriptura sacra*, *Exercit.* 1. XXI. X. Potiò *Apoc.* 1. 14. agit de Spiritu sancto, Ecclesie & rectore.

summo, uti ostendimus in *Austariis* ad *Historiam Ecclesiasticam*, *Diatriba VI.* Denique Paulus refert ordines tales, non quòd verè essent, sed quòd vellet receptas in Scholis Judæorum opiniones adducere, quatenus non oberant pietati. Atque non ideo peribit Scripturæ autoritas. Spiritus sanctus Apostolos & Evangelistas confirmavit in doctrina fidei morumque ad posteritatis usum describenda, in rebus cæteris, ut hominibus reliquit ea, quæ sunt hominum. De hac re ex professo agetur loco alio, *Exercitationibus sacris de Angelis*, cum Deo juvante illas evulgabimus.

XIII. *Materia est populi ad defensionem sui multitudo sufficiens.* Nisi enim illa adsit, facile evertitur & hostium præda est. Quamquam multitudo illa haut possit certo numero definiri, neque major vel minor turba hic variet speciem. Dania civitas est perinde uti Hispania, quanquam illa paucas in Oceano Balchico Insulas complectatur, hæc innumeris per Europam, Asiam, Africam Americam populis jura det. Cæterum divisio Imperiorum quæ fines, quæ limites suos cepit introduci, ut rerum proprietates eò certius essent in potestate ejus qui possidet illas. *Grotius* scribit: Status iste, quo omnia erant communia, durare potuit, si aut in magna simplicitate persistissent homines, aut vixissent inter se in mutua quadam eximia charitate. Horum alterum, communionem scilicet ex simplicitate eximia, videre licet in quibusdam Americæ populis, qui per secula multa sine incommodo in eo more persistenterunt, alterum verò, communionem nimirum ex charitate, exhibuerunt olim Elleni, deinde Christiani, qui Hierosolymis primi exstiterunt, ac

D

nunc

nunc quoque non pauci qui vitam degunt asceticam. Simplicitatis, in qua primi homines conditi erant, argumentum præbuit nuditas. Erat in illis ignoratio magis vitiorum, quam cognitio virtutis, uti de Scythis loquitur Justinus *lib. 2. hisfor.* Negocium illis erat unicum Dei cultus, cuius symbolum fuit arbor vitæ, uti veteres Ebræi explicant. Vivebant autem faciliè ex his, quæ sine industria sponte suâ terra proferebat. Verùm in vita hac simplice & innocente non perstiterunt homines, sed animum applicuerunt ad artes varias, quarum symbolum erat arbor scientiæ boni & mali, id est, earum rerum, quibus cum benè tum malè uti licet, *Ecc. 7. 3.* Hinc discimus, quæ fuerit causa, ob quam à primæva rerum communione discellum est, nimirum quod cum non contenti homines vesci sponte natis, antra habitare, corpore aut nudo agere, aut corticibus arborum ferarumve pellibus vestito, vitæ genus exquisitius delegissent, industria opus fuit, quam singuli rebus singulis adhiberent. Quò minus autem fructus in commune conferrentur, primum obstitit locorum, in quæ homines concesserunt, distantia, deinde iustitiæ & amoris defectus, per quem fiebat, ut nec in labore, nec in consumptione fructuum, quæ debebat, æqualitas servaretur. Simul discimus, quomodo res in proprietatem iverint, videlicet per occupationem. Simulatque enim communio displicuit, nec instituta est divisio, censi debet, inter omnes convenisse, ut quod quisque occupaverat, id proprium haberet. Hæc ille *lib. 2. de jure pacis & belli cap. 2. dist. 2.* Nos quidem concedimus, primum hominem excelluisse donis plurimis, quæ iustitiæ originalis nomine

celebrantur apud Theologos, tamque adversus Socinum defendimus libro de Creatione *Exercitat. 30. dist. 1. seqq.* Attamen non laudamus, quod (1.) Grotius vocat *simplicitatem*. Est ea potius mentis inopia quædam, adeoque in Adamo primæ integritatis compote non erat. qui omnia dona animi cum quadam excellentia habebat. (2.) Quòd *simplicitatem* illam, ob quam primorum hominum vitam commendat, monstrare vult in barbaris America populis. De quorū vita proflus ferina, & ob id indigna, ut innocentie summæ exemplum veluti laudetur, dicemus plura inferius, *lib. 2. cap. 5. dist. 2.* (3.) Quòd *simplicitatis* ejus argumentum proferat nuditatem. Hæc verò arguit putitatem affectuum, & quod corpus nullis infirmitatibus obnoxium spernebat integumentum adversus aëris cœlique inclementiam hætenus adhiberi solitum. (4.) Quòd *homines comederint ea, quæ sponte ferebat tellus*. Negatur, quòd sponte nascentia suffecerint homini primo ad victum quotidianum. Debebant hortum Edenis inhabitare & unà colere, id est, rusticas operas in eo exercendo adhibere, ut fruges ad victum fereret, meteretque, absque tamen molestia & citrà lolium permixtum, *Gen. 2. 15. cap. 3. 17. 18.* (5.) Quòd *desiiscendo à vite simplicitate excogitata fuerint variæ artes*. Atqui credendum haut est, homines primævi integritatis retinentes otio sese dedituros fuisse, quin clariore artium optimarum scholas, inveniendi facilius, judicando sincerius, erroribus obnoxii minus, habuissent, in opificiis adornatum per continentibus industrii perinde, ut impleretur votum Dei, implete terram eamque subijcite, *Gen. 1. 28.* (6.) Quòd *postquam com-*

munio difficiat, proprietatem rerum esse voluerint per occupationem. Atqui post lapsum haud poterat esse rerum communio, quandoquidem tunc cepit esse dominium. Hoc verò non poterat esse, ubi rerum omnium communio erat. Patet expressè per ea, quæ post diluvium acciderunt in genere hominum restituto. Quæ enim tunc fuerunt hominum migrationes, à divino instinctu erant, *Gen. 11. 5. 6. 7. 8. 9. Dent. 32. 8.*

XIV. *Forma est populi ad certas leges obligatio.* Leges sunt vinculum illud, quo imperantes & parentes invicem obligantur, ut omnia ritè gerantur per civitatem. Scribit *Timpterus*, confociationes latronum, Piratarum, Zingarorum, Hamaxobiorum, aliorumque de loco in locum commigrantium, non possunt dici, Rempublicam obtinere, *lib. 1. System. Polit. cap. 1. quest. 9.* Respondet: De latronibus perinde uti de piratis affirmari debet, posse illos Rempublicam efficere. Olim Cretenses exercebant piraticam, hodie exercent illam Algeræ, Tuneti, Tripolis, Salæ cives per Barbariam habitantes, Dunkerkani adversus Batavos, Zelandi adversus Hispanos. Et tamen omnes illi civitates amplas incolunt, Rempublicam constituunt, magistratibus subsunt, leges formant, judicia exercent. Quamquam artes acquirendi non videntur satis licitæ esse, *Thucydides lib. 1. histor. Justinus lib. 8. Strabo lib. 11. Geographiæ, Florus lib. 3. cap. 6.* Cæterùm Afri piratæ isti, quibus Barbariæ maritimus tractus parebat, tutumque receptum dabat, ut prædas à Saracenis perinde & Christianis appeterent, Solymanno Turcbrum Rege autore, seque suasque naves, opes, portus donaverunt certis legibus Imperio Turcico, & vicissim à Turcis

acceperunt ipsi maris imperium, classesque potentissimas, eoque factum est, ut latrocinia in Saracenos hæctenus impunè facta, omitterentur deinceps, Christiani verò atrocies etiam vexarentur, magno Italiæ & Hispaniæ damno, uti diximus *lib. 20. Historiæ universalis cap. 2. dist. 17. 18.* Illi, qui olim fuerunt piratæ, Minoi Cretæ Regiansam dederunt, ut quomodo Nimrodus latrones per Asiam majorem persecutus Regio vastigio incluserat, *Gen. 10. 8. seqq.* ita ipse per maria vicina oberrando, & imperium sibi vindicando, classem potentem instrueret, atque prædones armis profligaret. Jovis filius, aut saltem discipulus, itaque *diòs meydælæ ò aqisñs* esse dicitur apud Homerum *lib. 18. Odyss. Apollodorum lib. 3. Bibliotheca.* Colonis implevit vicinas in Ægeo mari Insulas, ejectis inde Caribus, qui ab antiquo prædones erant, & maria navibus suis pervagabantur, uti refert *Thucydides l. d.* Bello in Peloponnesum translato, perdomuit Atticam, ubi hæctenus debebant populi varii, infirmi viribus, suis legibus, suisque pagis vivere contenti, & qui in commune nihil adversus hostem externum consulere didicerant, tantùm quòd mari incubando, & innoxios spoliando quæstum exercebant, non sine damno hominum, quia d Insulas commeabant annonæ gratiâ, uti prolixè referunt *Diodorus Siculus lib. 4. historiæ cap. 7. lib. 5. cap. 17. Plato in Minoc. Aristoteles lib. 2. Politicæ cap. 8. Plutarchus in vita Thesei, Ovidius lib. 3. Metamorph. Hero Jotus lib. 7. histor. Strabo lib. 10. Geograph. & ex illis Claudius Morifotus lib. 1. de orbe maritimo cap. 1.* In piratarum numero fuerunt quoque Argonautæ cum suo Principe Jasone, quic Thessalia profecti longâ navî, & in

Ponto exscendendo, Regis Aetæ divitias rapuerunt, nomine solum cogniti tibi, & à quo nihil injuriæ acceperant, neque enim Græcorum vanitati credendum est, qui adversus Barbaros arma ferendi jus à natura sibi datum inani prætextu jactant. Descripserunt Apollonius Græcis, & Valerius Flaccus Latinis versibus. Alios iidem populos ex rapto viventes, cum à mari domum sese receperant, misisse ad dominos, ut rapta si vellent, æquo precio redimerent, refert Strabo lib. 11. *Geograph.* De Venedis Germanorum populo Tacitus libro de moribus Germanorum ait: *Quicquid inter Peneinos Fennosque silvarum ac montium erigitur, latrociniis pererrant.* De Hamaxobis non minus verum est, quod civitates habeant. Arabum terræ & Tattarorum hordeæ amplissimæ aut paucis à nullis urbibus gaudent, attamen territorio describuntur, quod omnibus ipsis commune est, nulli ipsorum proprium; venerantur Principes suos; leges quasdam observant; peculium suum quisque habet; domos alii ad terram fixas, plurimi in carris mobilibus constructas incolunt. Quæ omnia satis arguunt Rempublicam in populis illis esse.

XV. *Finis est salus publica.*] Salus illa cum honestatem tum utilitatem exprimit, uti prolixè docet Adam Conzenus, lib. 2. *Doctr. Politic. cap. 2. seqq.* Honestè agitur, cum vivitur secundum leges, utilitas rerumque omnium copia ultrò consequitur, quatenus virtutis præmium gloria est, neque misere vivere potest, qui hujus studio sincero ducitur. Tantum hoc notetur, vix posse civilem beatitudinem nobis in hac vita perfectam obtingere, quando virtutis exercitium imperfectum est, multisque de-

fectibus obnoxium. Qualis causa, talis effectus. Manet quod Apostolus dicit: *invenimus hoc esse per taishiti voutayci, sub jectum inconstantiæ & vanitati*, quæ unde sit, litteræ sacræ nos docent, ignorant Pagani. Donec aderit ille dies, qui vanitati subductos nos, quicunque benè egimus, restituet ad pristinam tranquillitatis ejus possessionem, in qua fuisset, nisi peccavisset Adamus, ejusque exemplo peccavisset omnes, Rom. 5. 12. Inde calamitates orbi incubuerunt, & homines mortem subiverunt, ipsa lege origini, per quam non poterant non omnibus malis obnoxia esse corpora, ex Adami corpore substantiam suam & qualitates ducentia, 1. Cor. 15. 45. Sublato enim beneficio illo per arborem vitæ, manebat corpus humanum, quale cæterorum animalium, caducum, fragile, & quando recideramus, deinde vitio nostro in varias culpas incidimus, Eccl. 7. 29. Vera illa perfectio, à qua excidimus, postliminio restituitur tunc, cum rerum universitas vicibus, & interitioni haut amplius est obnoxia, sed in meliorem statum reformabitur, Rom. 8. 29. 20. Hæcenus verò stultum fuerit optare sibi quod mundus non habet, id est, magnam & duraturam felicitatem cupere, quam nullus unquam habuit, idè quod viribus nostris illa comparari non possit. Contenti ergo sumus mediocri rerum statu, qui instar optimi est, ubi melior dari non potest, uti prolixè docet Seneca *consolatione ad Helvidiam*. Scribit Beloldus: Licet illa rerum copia non adsit, puta cum hostis potens vel aliud publicum ingruat malum, nihilominus beata civitas est censenda, si dictum finem assequi conetur, uti de Numantia in ipso ejus excidio pronuntiavit

Florus

Florus *lib. 2. histor. cap. 18.* Ferè item semper post calamitates magnas letus sequitur eventus, ubi studium commodi publici non languet, *præcognit ad doctissimam Politicam, dist. 30.* Respondeo: Sitale malum ingruit, quod affligat quidem, non verò procul evertat. Secus enim non potest felicitas illa nisi in Philosophico encomio esse. Numantiam beatam in cineribus dicere velle, Rhetorem fortè deceat, qui non tam veritatem rei quàm speciem exponit, cum Politica non potest conciliari. Quod enim non est, illud beatum non est, secundùm Regulam tritam: *Non-Entis sunt effectus nulli, nullæ effectiones.* Tantò minus ferri debet, quòd Bodinus *lib. 1. de Republica, cap. 1.* reprehendit Aristotelem *lib. 3. Politic. cap. 4. 7. Politic. 1. 2.* Ciceronem *lib. 2. de Officiis*, qui dicunt, finem civitatis esse, benè beatèque vivere, namque ait Bodinus, sequitur inde, nullam esse civitatem, nisi placido mari secundis ventorum flatibus impulsâ feratur, & nullum esse nisi cum summatum omnium copîa, virtuti locum. Cùm tamen Philosophi omnes prædicent beatos illos, qui iusti sunt, licet omnes fortunæ acerbitates experiantur. *Hec ille.* Respondeo: Benè vivere est, vivere secundùm leges, & honestatem publicam studio omni augerè. Proinde civitas benè instituta est, quæ ad virtutem & honestatem dirigitur, quanquam calamitatibus externis prematur, adversus quas nulla unquam civitas satis instructa fuit, ut eas omninò à se prohiberet. Constat de fine externo, finem verum esse, quamvis nec semper, nec ubique obtineatur. Et *benè vivere* minus rectè exponitur de vita illa, quæ voluptates omnes sibi adiunctas

habet. Quin verò beatè vivunt, quicunque secundùm leges vitam & facta sua omnia diligenter conformant, tranquillè & citrà aliorum injuriam rebus suis satagunt, pacem amant. Ita fit, ut à publico virtutum exercitio proveniat securitas, tranquillitas, & pax interna, exemplo ejus quod in sacris literis descriptum est, *1. Regum 4. 20. 25.*

XVI. *Estque prima vel orta. Prima est, quæ suæ originis est. Estque Vicus vel Pagus. Vicus est catrus, qui paucis domibus constat.* Dicitur à via, nam penes viam publicam primùm habitatum fuit, ob conversationem cum hominibus præteritis, & ab eis percipiendam utilitatem, quatenus nostris rebus ipsi vicissim indigent, Aristoteles *1. Politicor. 2.* Varro *lib. 4. de causis lingue Latine pag. 35.*

XVII. *Pagus est catrus, qui vicis constat.* Est Græcorum *πάγος*, uti Doræ loquebantur, namque alii dicebant *πάγος*. Scilicet *πάγος* fons est, & pagus est locus ille, in quo homines collecti habitare volebant, ob commodum aquæ usum, citrà quàm ipsi & pecora eorum esse nequæunt, Servius *Commentar. ad lib. 2. Georgic. Johannes Gerhardus Vossius in Lexico Etymologico pag. 362.* Quòd verò differant vicus & pagus, indicat Tacitus libro de moribus Germanorum: *Eliguntur in rislem Comitibus & Principes, qui jura per pagos vicisque reddant.* Hæc ille.

XVIII. *Orta est quæ à primis constat. Estque urbs vel imperium. Urbs est catrus à pagis vicisque collectus, muro circumdatus.* Aristoteles *1. Politicor. 2. 1. Oeconom. 2. Cicero lib. 3. Offic.* Dicitur ab urbo, hæc est,

buri, five aratri curvatura. Solebant Ethru-
 scorum per aratrum circumscribere termi-
 nos intra spacium destinatum, & velut de-
 palabant, uti ait Tertullianus in *Apologeti-
 co* cap. 10. De qua consuetudine agunt mul-
 ti Philippus Rubenius lib. 1. *Elect.* cap. 1.
 Caelius Rhodiginus lib. 14. *Antiq. Lect.* cap.
 1. Levinus Terentius *comment. ad lib. 1. Horatii*
carm. 1.6. num. 20. Lucius Johannes
 Scoppa lib. 1. *collectaneorum* cap. 28. Joh.
 Rosinus lib. 1. *Antiquit. Roman.* cap. 3. &
 Th. Demisterus *notis ibid* pag. 20. 21. Nota
 sunt Veterum testimonia. Ovidius: Inde
 premens stivam designat mœnia sulco, Al-
 bajugum niveo cum bove vacca tulit. 4.
Fastor. Et *Mansius*: Urbibus augebit ter-
 ras, junctisque juvencis, Mœnia succinctus
 curvo describit aratro, lib. 4. Juvencis, id
 est, tauro & vacca, uti exponit Varro lib. 4.
de causis Linguae, pag. 34. 35. Itaque signum
 coloniarum deductarum oppidive conditi taurus
 & vacca jugales, aut alter eorum in Vete-
 rum nummis extant, Aeneas Vicus Parmen-
 sis *Commentario ad Caesaris nummos* pag.
 108. 109. A. Goriæus in *Numismatis Tab.*
 22. num. 8. 9. 10. 11. 12. *Tab.* 23. num. 1. 2. 3. 4.
 5. 6. 7. 8. 9. 10. *Tab.* 24. num. 1. 2. Antonius
 Angustinus *Tab.* 16. num. 13. Sebast. Erius
expositio ad nummos Caesarum, pag. 8. 9.
 367. 478. Petrus Seguinus *libro de numisma-
 tis antiquis* pag. 108. Joh. Tristanus *Tom.* 1.
Commentar. de Imperio Romano pag. 400.
 Succinctus, id est, togæ parte caput velatus,
 parte succinctus. Docet Servius *notis ad lib.*
5. Aeneid. Quomodo autem Veteres togæ
 parte caput velarent, disseruimus nos lib. 4.
Antiquit. Rom. cap. 5. dist. 19.

XIX. Quæritur: An liceat muros & propugnacula circum urbes educere? Respon-

deo: Negant Machiavellus lib. 2. *Dissertat. Politicar.* cap. 24. Jacobus Martini *Comur.* 2. *disputat.* 5. *quest.* 9. Nos verò affirmamus. Rationes sunt: (1.) Quia per ista avertuntur ferarum, latronum, hostium invasiones, ut tutis nobis esse liceat, vel saltem operosis custodiis minus vacare. Exemplum dabit Italia ipsa. Hæc multorum annorum pace beata, milites equidem habebat, civitatibus verò mœnia & fossæ deerant, ideoque hostibus validè satis resistere non poterant. Veniebat Carolus VIII. Galliarum Rex cum numeroso exercitu, & ubique vincebat, plurimas civitates velut indagine capiebat, nullis aut exiguis mœnibus circumdatas, adeoque iis qui acie sese opponere non audebant, nulla relicta erat spes salutis. Ita Regnum Neapolitanum sub Carolo Rege, & deinceps Insubria sub Ludovico Rege, uno propè die oppugnata & victa sunt. Veneti ab eodem Ludovico profligati uno prælio, imperium continentis omnino amiserunt, in qua civitates plurimæ erant, nullæ verò mœnibus, fossis, aggeribus incluserant, ut obsidionem tolerare possent. Diximus in *Recensu historiarum universalis* lib. 13. cap. 3. *dist.* 10. 11. 12. 13. 14. 15. 16. (2.) Quia licet in illis civibus esse securis, ut non vereantur exterorum insidias. (3.) Quia prohibent civium intestinas factiones, quod harum auctores non ita facile possint elabi. (4.) Quia populorum consuetudo approbavit, ut mallent habere munitas urbes, quàm patulas, & periculo cuiusvis expositas, *Gen.* 11. 3. 4. *Ios.* 4. 6. 1. 2. *Dan.* 4. 27. seqq. (5.) Quia domus privatæ muniuntur foribus & vestibibus, itaque domorum omnium veluti propugnaculum unum constituere, necesse est. (6.) Quia natura ipsa monstrat colles

colles & antra, ubi condere sese per noctes, foetusque suos educere possint aves, & quadripedes feræ. Excipit *Machiavellus*: (1.) Efficiunt muri hoc ut cives sint negligentes armorum, discantque sensim plus mœnibus quam manibus confidere. *Respondeo*: Sic debet fieri unum, ut non omittatur alterum. Si corpora tegimus scutis & clypeis, quare non circumdemus integras hominum societates propugnaculis, quando sæpius evenit, majorem hostium vim ingruere, ac ut civium armis propulsari queant? (2.) *Lycurgus* vetabat mœnibus includi *Lacedæmonia*, ut cives eò magis exercerent fortitudinem animi. *Respondeo*: Non omnibus liceat imitari, quæ unus urbis propria veluti fuerunt. Obtinebat illa *Peloponnesum*, Græciæ partem munitam satis à mari, & quæ patebat iter versus terram, accessu difficili custoditam. Ergò mœnibus urbs non videbatur indigere, aliàs quoque clientelatum plurimarum subnixæ præsidio. (3.) Gentis, quæ carent munitis urbibus, optimè callent artes belli. Exemplo sunt *Tattari*, *Abyssini*, *Poloni*, *Musci*. *Respondeo*: *Tattari* ab antiquo prædones, non curaverunt muris includere hordas suas, ipsi impune vagati per terras beneficio multitudinis, qua semper gavisi fuerunt, alios populos in hordis suis arma ferentes aut nequaquam aut rarò viderunt, quia nihil opum domi recondunt, irritamenta malorum præmia belli. *Abyssini* vicinorum injuriis nimis quàm obnoxii sunt, proximisque annis à Rege *Adelæ*, seditioso illo & perfido, maxima imperii parte spoliati fuerunt. *Musci* & *Poloni* maximas perinde clades aut intulerunt sibi, aut à se acceperunt, & verò ne omnino à *Turcis* & *Tattaris* perirent, ar-

cibus imputare debent, quas habent aliquas oportunis locis depositas.

XX. Cùm *Pœni* socios Romanorum confecto bello secundo, lacerarent armis, & populos finitimos ad defectionem impellerent, Senatus maturè de perdenda urbe consultabat, deprecabantur *Pœni*, missis ad urbem Legatis, ne patriam suam retum antè gestarum laude clarissimam, ac Romanorum sociam evertere vellent. Legatis denunciabatur, ut in fide Senatus populique Romani permanerent, obsides trecentos darent, naves destruerent, ita quidem civitatem salvam fore, eosque jura, privilegia, immunitates easdem habituros, quibus antea semper usi fuissent. Domum reversi Legati coram Senatu exponunt mandata, neque longo post tempore aderat *Scipio* Romanorum Imperator cum exercitu, is mittebat *Censorinum*, Legatum suum, ut caperet obsides, destrueretque naves. Quibus peractis, jubebat populum universum ab urbe exire, opibus suis unà ablatis, & novam urbem quindecim à litore milliaribus remotam condere, portum veterem obstruere. *Pœni* alia omnia cogitaverant, itaque ad fidem Senatus populiq; Rom. provocabant, salvam patriam verbis horum promissam obtendebant. Responsum est, populum Romanum ea quæ Legatis promissa erant, præstitisse, urbe dirutâ, quamvis salvam civitatem esse, quæ mœnibus urbis non contineatur, *Livius lib. 59. histor.* *Appianus in Libycâ*, *Florus lib. 2. histor. Rom. cap. 15.* *Strabo lib. 17. Geograph.* Dubia quæstio est, in qua exponenda *Apollinis* ope opus fuerit. *Pœnos* malè interpretando excusari non posse, cùm sibi melius cavere debuissent, putat *Arnæus lib. 1. Relict. Politicæ cap. 5. scilicet.*

5. *sect. 5.* Non assentior. Sanè excusari non possunt Romani à dolo commissò, quatenus in rebus, quæ apertius dici omnium referebat, non saltem horum, qui contrahebant, & in potiori jure ob armorum successum erant, obscurius loqui voluerunt. Neque alio fine, quàm ut incautos Pœnos eo fortius opprimere possent. De qua re vide Alb. Gentilem *lib. 2. de jure belli cap. 4.*

CAPUT QUARTUM.

De jure Civitatis.

SUMMARI A.

1. *Definitio Civis.*
2. *Quid fuerint Coloni?*
3. *Quid fuerint Municipipes?*
4. *Quid sit jus Civitatis?*
5. *Civis Romani dignitas.*
6. *Civis originarius, assumptus.*

I. *Civis est, qui habet jus civitatis.* Civis plenus Romanus erat, qui domicilium, tribum & suffragii potestatem habebat, ait Car. Sigonius *lib. 1. de antiquo jure civium Romanorum, cap. 1.* neque aliter Aristoteles *lib. 3. Politicor. cap. 2.* definit civem, adversus quem multis disserit Joh. Bodinus *lib. 1. de Republica, cap. 6.* Sed frustra, quando satis constat, non omnes ubique cives paribus uti legibus. Domicilium ideò, ut quoties ab exteris venirent domum, receptum liberalem haberent. Tribus describebant per tabulas certas, easque triginta quinque, uti numerant Carolus Sigonius, Onuphrius Panvinus, Aldus Manutius, Wolfgangus Lazius, & post illos W. Go-

delevius, *Notis ad Livium, pag. 34. seqq.* Jus suffragiorum hoc erat, ut possent magistratus creare, judicia facere, in census deferri, hæreditates & legata capere, gentilitatem, agnationem, adoptionem fortiri, in legionibus militare. Quod omne acceperunt, postquam Valerius Publicola Consulatum adeptus, plebi detulit, ne Optimatum potestas nimia esset, Livius *lib. 2. histor.* Plutarchus in *vitis illustribus.*

II. Hæc civium conditio erat, honesta omninò, viliores fuerunt Coloni & Municipipes. Coloni educebantur ab urbe ad loca bello subacta, quorum incolæ, si qui à clade belli supererant, in servitutem redigebantur, bonis fundisque eorum ad Romanos cives ditiores precio, ad egenos vero & cives proletarios, nec non veteranos milites per donationem translatis, ut loca illa deinceps in fide erga Romanos perstarent, & peregrinæ nationes hac veluti custodia sopirentur. Nam ab indigenis timendum erat, ne aliquando receptis vicibus insurgerent, & pro libertate suæ armis certarent. Vetustissimos est, & à Græcis Aliæque populis usurpatus, quod testantur exempla in sacris, 2. *Regum 17. 24. seqq. Esdræ 4. 2.* Cicero *Oratione pro Flacco*, Thucydides *lib. 2.* Plutarchus in *vita Periclis*, Machiavellus *libro de Principes, cap. 3.* Ucebantur illi Romanis legibus, magistratibus, ceremoniis, sacris, prætor mittebatur ab urbe qui jus diceret, ac Coloni è frugibus, pecoribus, pascuis vectigalia certa solvebant, unde commodum publicum augebatur. De quo prolixius agunt Carolus Sigonius *libris de antiquo jure Italiae*, Justus Lipsius *lib. 1. de magnitudine Romana cap. 6.*

III. Municipipes in urbem cooptabantur,

VETUS

verùm legibus suis, sacris, magistratibus pro arbitrio utebantur, saltem ut provocatio esset ad tribunal Romanum in causis gravioribus, neque tribum certam habebant. Suos, inquam, magistratus retinebant, & majorum sacris inhærebant. Lanuvien- ses, qui in municipio erant, proprium habebant Pontificem, Vellejus *lib. 1. histor.* Quidam etiam, ut Tusculani, Hernici, Volsci, Arpinates, obtinuerant jus suffragiorum, Livius *lib. 6. & 8. histor.* Valerius Maximus *lib. 9. cap. 10.* Joh. Corasius *lib. 3. Miscell. Juris, cap. 6.* Sic olim erat: Namque post editam legem Juliam & Pompejam, quæ civitatis Romanæ jura omnibus Italis data sunt, Municipum & Colonorum jura pariter ac nomina in desuetudinem venerunt, Ulpianus *lib. 1. ff. de municipiis*, Guido Pancirollus *libro de magistratibus municipali- bus.*

IV. *Jus civitatis est potestas utendi fruen- di commodis & privilegiis civitatis.* Civitas acquirebatur: (1.) *Per nativitatem.* Et primis quidem seculis, quicumque civis plenus esse volebat, utroque parente cive natus esse debebat, uti patet ex Appii Oratione, quam recitat Livius *lib. 2. hist.* Deinde sufficit, ut civis esset, qui patre cive genitus erat, *l. assumptio 6. ff. de municip.* aut etiam matre cive, ex rescripto Adriani Cæsaris, Ulpianus *in Institut. §. 2. de Latin.* Hybridam vocat Horatius *lib. 1. Satyr. 7.* Petinde in usu erat apud Græcos. Namque Athenientium leges jubebant, ut qui civis esse vellet, parentem utrumque civem haberet, civis verò haut, qui alterum tantum parentem habebat cive n, Aristoteles *3. Politic. 1. 4. Politic. 4.* Donec Pericles lege latâ sanciebat, civem esse qui patrem ci-

vem, matrem peregrinam habebat, Plutar- chus *in vita Pericli, pag. 108.* Et apud Hebræos ille, qui patre quidem cive, matre verò servâ aut peregrinâ natus erat, civis ex quorundam opinione non erat, sed nothus & illegitimus, neque patrimonio frueba- tur. Exemplo est Jephthæ, *Judic. 11. 1.* ubi est כְּדָשֶׁת זֶנֶת, quod vertunt Alexandrini, *νὴς γυναικὸς πόρνης*, Castalis, Pagninus, Tremellius reddunt, *meretrice natus*, ita- que inter spurios illustres numerant eum Gabriel Palæottus *lib. de Spuriis, pag. 429.* Joh. Piscator *Commentario ad librum Judi- cum, quæst. 60.* Porro, ex adulterio pro- gnatum esse, annotant Serarius & Menochius. Quod tamen falsò dici, satis constat inde, quia conqueritur de injuria sibi facta, *Ju- dic. 11. 7.* Et patrimonium sibi debita parte mulctatus, & patria familia abdicatus. De quo conqueri non poterat, si ex adulterio natus, aut verò etiam spurius fuisset. Conqueritur tamen, quandoquidem apud Hebræos mulier profelyta in eodem cum vera Israëlitis gradu erat, vi legis divinæ. Si non erat profelyta, ejici poterat filius, se- cundum processum ab Elfdra institutum, *Esdra 10. 3. 44.* Et confer Joh. Seldenum, *libro de Successione ad leges Hebræorum pag. 30. seqq.* Virgilius:

Patri quos dædala Circe

Supposita de matre, nothos furata crea- vit.

lib. 7. Æneid. Ubi Servius annotat: Nothos, id est, materno genere ignobiles, in *Commentario pag. 466.* Sic & Aristophanes in *Nubibus* eum ποῖος, spurium vocat, qui est ξῖνος γυναικὸς peregrinæ mulieris filius. (2.) *Per Coopérationem*, ut peregrinis ob ma- xima eorum in Republicam merita, & ad

E Rci-

Reipublicæ incrementa procuranda liberaliter daretur, vel per donationem, vel ut ab eis certo precio redimeretur, exemplo Centurionis, *Actor. 22. 27. 28.* Nimirum victores Romani, ut novæ injuriæ licentiam eriperent vicinis eis, quos semel vicerant, victos miscuerunt victoribus. Et initium fecit Romulus cooptando Sabinos, qui cum auxissent civitatem, honore maximo culti sunt à Numa & Tarquinio Prisco, *Livius lib. 1. histor.* (3.) Per manumissionem, cum servis dabatur libertas. Plura dicemus infra lib. 2. cap. 12. dist. 32. & his adde Carolum Sigonium *libris duobus de Jure Civium Romanorum.*

V. Magna Civis Romani dignitas erat, ob privilegia amplissima. Quamobrem Cicero pro *Marco Fontejo* dicit: *An quis amplissimus Gallie cum infimo Cive Romano comparandus est?* De capite, opibus & libertate eorum non poterat statui nisi in comitiis centuriatis, Cicero *Oratione pro S. Pompejo.* Itaque cum Marcus Tullius Consul jussisset Catilinæ proditoris à Fulvia meretrice proditos socios in carcere strangulari, quoniam illi Cives Romani fuerant, proscriptus est, domus ejus incensa & area Libertati consecrata, promulgante editum Clodio Tribuno, *Vellejus lib. 2.* Dion Cassius *lib. 38. histor.* Plutarchus *in vitis,* Appianus *lib. 2. belli civilis,* & nos ex illis in Recensu historię universalis *lib. 4. cap. 2. dist. 40. cap. 3. dist. 1.* nec non Cicero ipse *Oratione pro Sextio.* Neque minus Cicero in *Declamationibus Verrinis* accusat Prætorem illum & depeculatorem Siciliæ in maximis, quod Cives Romanos jussu proptio capitis supplicio affecerat: Facinus est, ait, vinciri civem Romanum, scelus verberari,

propè parricidium necari, *Orat. 5.* Ne virgis quidem sævire licebat in corpus ejus per ullum in provinciis designatum magistratum, si provocasset, ac per *Notores* (uti vocat Seneca *Epist. 39.*) sive prædes spondisset, Civem se Romanum esse antequam in comitiis maximis, Romæ causa cognosceretur, & velut facinorosus damneretur. Hoc Paulum servavit, ne flagris subiceretur, *Actor. 16. 37. cap. 22. 25.* Ejus patria Tharsus non erat quidem colonia, sed urbs libera, teste Plinio *lib. 5. cap. 27.* Concellam libertatem Tharsensibus, ab Antonio Triumviro, narrat Appianus *lib. 5. civilium.* Et Dion Chrysostomus *priori Oratione Tharsensi* recitat privilegia multa, quæ Augustus dedit Tharsensibus, & verò non memorat jus Coloniarum aut Municipii, qualibus competeat jus Romanæ civitatis. Restat ergò, ut aliquis majorum Pauli civilibus bellis, quæ inter Cæsarem Augustum & Brutum Cassiumque, aut etiam inter eundem Cæsarem & Antonium gesta fuerunt, jus illud sibi comparaverit. Locus est 1. Cor. 15. 32. ὁ θανάτου ἐστὶν ὡς τοῖς ἀνθρώποις, id est, hominibus ferinis, quomodo θνήσκουσιν τὰ ζῷα, dixit Plutarchus in *Lycurgo.* Assentior autem Tertulliano libro de *Resurrectione*, qui eandem rem hic tangi putat, quæ traditur 2. Cor. 1. 8. Ita etiam Beza in *Notis* pag. 293. Grotius in *annotatis* pag. 443. Namque Lex Porcia vetabat cives objicere bestiis, uti diximus lib. 2. *Antiquitatum Romanarum* cap. 6. dist. 10. Denique vox illa: *Civis Romanus sum*, apud latrones etiam multis incolumitatem procuravit, teste Cicerone *l. d.* De suffragiis ferendis per Comititia centuriata, curiata, tributa, nihil addimus, legique possunt

sunt omnia illa apud Joachimum Perionium, lib. 2. de Magistratibus Græcorum & Romanorum, pag. 319. seqq. Nicolaum Grucchium, libris tribus de Comitibus populi Romani. Poterat verò jus civitatis amitti per delictum civile, id quod merito suo capitale nonerat. Et iste qui jus hoc amiserat, dicebatur ad peregrinitatem redactus esse, Suetonius lib. 5. cap. 16.

VI. Duplex igitur Civis est, *Originarius & Assumptus*. Hic est, qui è peregrinis allegitur in civitatem: Ille est, qui natalium jure civitatem sortitur.] Natalia spectantur non tam ratione loci, qui excipit nascentem, quam juris, quod parentes in eum transferunt. Adeoque ubi pater incola est, ibi filius ipsi natus haurit acquirat jus civitatis, sed perinde est peregrinus, ac cum alibi natus est. Quod Bodinus lib. 1. de Republica, pag. 182. 183. differt, Carolum V. Hispaniæ Regem & Germaniæ Imperatorem fuisse civem subditumque Regni Gallici, eò quod natus erat in urbe Flandriæ Gendavo, quæ provincia est Galliæ, hoc, inquam, frustra urgetur. Namq; Gendavum est civitas imperialis Flandriæ, quæ nunquam fuit provincia Galliæ, uti videre est apud Petrum Bertium in *Tabulis contradiis*, lib. 4. p. 275. Et origo in hac materia non tam natale solum, quam Parentum conditionem notat. Eos verò Carolus habebat liberos, suæque potestatis, Austriæ Archiduces,

Belgiæ Principes, nullâ clientela Galliæ Regi obstrictos.



CAPIT. QUINTUM.

De Monarchia.

SUMMARIA.

1. Imperii species.
2. Definitio Monarchiæ.
3. Monarchia est à natura.
4. Monarchiæ species.
5. Definitio Regni.
6. Definitio Dominatus.
7. Proprium Dominatus.

I. Imperium est cætus, qui multis urbibus constat. Ejus notentur species & adjuncta. Species sunt tres, Monarchia, Aristocratia, Democratia.] Potestas videlicet est vel penès unum, vel penès paucos, vel penès multos, uti docent Plato, lib. 8. de Republica, Herodotus, lib. 1. Aristoteles, lib. 3. Politic. cap. 7. Isocrates, Orat. 3. ad Nicoclem. Tacitus lib. 4. Annal. Eademque fuerant apud Ciceronem, lib. 3. de Republica, quem profert Augustinus, lib. 2. de Civitate Dei, cap. 21.

II. Monarchia est Imperium, quod ab uno regitur.] Aristoteles 1. Politic. 2. 3. Polit. 10. 4. Politic. 13. Quæritur: An Monarchia sit optimus imperandi modus? Respondeo: Affirmant Plato in Politico, Aristoteles lib. 8. Ethic. Nicom. cap. 10. 3. Politic. 7. Plutarchus libro de optima forma regiminis, Dion Cassius lib. 44. histor. quanquam in favorem Aristocratiae non obscure pronuncient Joh. Calvinus lib. 4. Institut. Relig. cap. 20. dist. 8. Joh. Miltonus in Defensione populi Anglicani, & pro Democratia præstantia arguant

Machiavellus *lib. 1. de Republica, cap. 3. 4. 5. lib. 2. c. 2.* Joh. Angelius Werdenhagen *lib. 6. Medulla Politica, cap. 4. quest. 3. seqq.* Nos pro Monarchia rationes exponemus: (1.) Quia est simplicissima. Reducit illa multitudinem subditorum ad unitatem naturalem, vetatque dissensionum pericula. (2.) Quia est maximè ordinata. Namque quò magis aliquid accedit ad unitatem, eò perfectiorem ordinem inducit. Atqui in Monarchia unus est summus; in Aristocratia multi sunt pares, & multi à non paucis reguntur; in Democratia omnes paritatem sibi attribuunt, inde seditiones & factiones oriuntur. (3.) Quia est tutissima. Dicit Livius: *Regnum est res inter Deos hominesq; pulcherrima*, *lib. 26. histor.* Cùm unus est instar omnium, nemo ad turbas dandas insurgit, aut quicumque turbator esse volet, opprimetur facili opera. Eleganter *Joh. Casus*: Rarius unus secum quàm multi dissident, quippe multi multa capita & varia ingenia habent. Arcopagita distracti judicio, perdidērunt Athenas, Consules diversi everterunt Romam, *lib. 3. Politic. cap. 7.* (4.) Quia est antiquissima. Dicit *Iustinus*: Principio rerum, gentium, nationumque imperium penes Reges erat, *lib. 1. hist.* Et Salustius in *Catilinaria*: *Reges, namq; in terris nomen imperii id primum fuit.* Erat ante diluvium Adamus, & post diluvium caput extulit Nimrodus heros, à quo originem suam meritò Reges omnes repetunt, *Genes. 10. 9.* Hinc illi per Asiam, Africam, Europam Reges, quos Eusebius in *Chronicis* refert, & confirmat Saturni adventus in Italiam, cùm adhuc erat seculum aureum. *Virgilius*: Primus ab ætherio venit Saturnus Olympo, Arma Jovis fugiens & regnis exsul ademit. Is genus indo-

cile ac dispersum montibus altis, Composuit, legesque dedit, Latiumque vocari, Maluit, his quoniam latuisset tetus in oris, Aut rea que ut perhibent illo sub Rege fuerunt, Secula, sic placida populos in pace regebat, *lib. 8. Æneid. (5.)* Quia est communissima. Gentes clariores toto orbe, etiam ante Antipodas, habuerunt Reges, quò provocabant olim quoque Hebræi, *1. Sam. 8. 5.* (6.) Quia est validissima. Certè populi Democratiz obnoxii, in rebus dubiis confugiebant ad unius dominatum, itaque apud Romanos immedicabilibus turbis implicitos renunciabatur Dictator, penes quem pacis ac belli summa constabat, ut dicemus *infra lib. 2. c. 1. dist. 5.* Hoc monet *Tacitus*: Discordantis sæpè patrie non aliud remedium fuit, quàm si ab uno regeretur, *lib. 1. Annal.* Quo facto, quantum in unius ductu, quantum in imperio non diducto virium esset, volentes nolentes fatebantur. (7.) Quia est maximè civilis, adeoque spreta Regum imperia in illis populis solùm fuerunt, qui iniquis Regum imperiis oppressi, per seditionem ab eis desciverunt, & popularem regendi modum constituerunt, uti de veteribus Romanis, post Tarquinii fugam, & nostri avi Batavis palàm constat. Excipit *Calvinus*: (1.) Aristocratia præstantior est, namque raro contingit, ita sibi Reges moderari, ut nunquam à iusto & recto eorum discrepet voluntas. *Resp.* Nihil est ab omni parte beatum, quantum humanæ imbecillitati quidem condonari debet, adeoque sapientum viro- rum consiliis aliquid tribuit Rex, per quos expedit negocia publica, & hætenus tantò propior Deo, quò magis hic ostendit exemplis luculentis, esse Reges curæ sibi, quibus impertiat gratiam supra vulgum, *1. Sam. 10.*

6.10. c.16.13. (2.) Dominus auctoritate suâ confirmavit, cum Aristocratiam instituit apud Israëlitas, & volebat eos optimâ conditione habere, donec imaginem Servatoris produceret in Davide. *Resp.* Dominus in populo suo Regis instar constituit Moſen, adeoq; cum adversus eum vellent procures insurgere, ut sive Oligarchiam, sive Democratiam informare possent, ultus est Deus rebellionem, eosque vivos terrâ dehiscente contumulari fecit, *Exod.* 3. 10. *ſeq.* *Num.* 12. 7. 8. c. 16. 1. 2. *ſeq.* *Deut.* 33. 5. *Pſal.* 106. 16. 17. Ejus exemplo cum potestate summa præterat Joſua, *Jes.* 1. 16. 17. 18. Erant igitur Reges in populo sancto, antequam David corripere imperium, Servatoris typus, *Numer.* 24. 17. 18. 19. Deniq; promiserat Deus Abrahamo, velut eminens beneficium, fore ut ex illo nascerentur Reges, *Genes.* 17. 16. *cap.* 3. 5. 11. Majus promittere non poterat Deus, cum optimum & maximum dare vellet, 1. *Sam.* 9. 20.

III. Instat *Milronus*: Nemo est naturâ Rex, *l. d. pag.* 94. Quod si intelligat naturam institutam, facile permiserit, neminem esse naturâ Regem, uti constat ex iis, quæ diximus *ſuprà cap.* 3. *diſt.* 12. Sin agitur de natura destituta, inobediente, & quæ repugnet bono, tunc certè ad naturam magis accedit, quàm alia forma. Sola enim olim fuit in usu apud populos, teste Philosopho 1. *Polit.* 1. & probat ille, tum quod post incrementum humani generis filii manebant sub directione patris, & vicina loca occupabant; tum quod mundus omneſque creaturæ unius Dei imperio subsint. Dicit *Milronus*: Natura quid suadeat & recta ratio, non ex plurimis, sed ex prudentissimis nationibus optimè perſpicitur. Græci, Romani, Pæ-

ni, multique alii suo pte ingenio, vel Optimatum, vel populi imperium, Regio prætulereunt, *l. d. pag.* 101. Respondeo: Atqui populi isti, quos prudentissimos vocat ipse, & qui prudentiæ laudem apud omnes merito suo obtinuerunt, originem suam habuerunt à Regibus. Græciæ civitates omnes à Regibus conditas esse, & Regum imperiis paruisse, notissimum est. Latini veteres à Regibus instituti sunt, & Romanam civitatem primi formaverunt Reges. Pœnorum civitas ab Elisa Regina condita est, & ab ejus obitu demum invaluit Optimatum Regimen. Græci & Romani post ejectos Reges, perpetuis atque internecionis litibus exagitati, prava multa egerunt, pejora etiam passi, neque his certaminibus remedium aliquod adhiberi poterat, nisi ab Æsymmetis & Dictatoribus, ut recurrent ad subsidium velut Monarchicum, donec vera Monarchia in populo Romano cepit restitui sub Imperatoribus, & durat hodiernum. Proinde avertimus argumentum: Quod prudentissimis nationibus approbat, illud recta ratio & natura docent. Atqui imperium Regis prudentissimis nationibus approbatur. Ergò imperium Regis recta ratio & natura docent. Naturale est apibus in societate vivere sub Rege, quod refert Virgilius *lib.* 4. *Georgic.* Novissimæ expeditiones in Americam, & per vastas Indix Orientalis regiones, ubique invenerunt Reges, adeò scilicet etiam extra mores & disciplinam exclusas gentes, solus instinctus naturalis ad Monarchiam instituendam pertraxit.

IV. *Estque vel Regnum, vel Dominatus.* Aristoteles *lib.* 3. *polit.* c. 14. enumerat quinque modos ejus Imperii, quod regit unus, eosque

eosque modos disertè exponit Claudius Salmasius in *Defensione Regiæ*, cap. 8. Primum vocat *rex*, sive Legale, cum Princeps legibus obnoxius est, iuramento super illare præstito, adeoque cum non servat leges, mulctari potest. Tales post Lycurgum, magisque post Ephoros constitutos fuerunt Reges Lacedæmoniorum, civitatis ejus legibus & magistratibus obnoxii, Herodotus lib. 7. Xenophon libro *peculiari*, Polibius lib. 4. Plutarchus in *vita Cleomenis*. Similes Reges habebant Argivi, ut docet Pausanias in *Corinthiacis*, & Pœni, apud Solum in *Polyhistor*, cap. 70. Tales etiam illi fuerunt, qui revocabile & precarium Regnum habuerunt apud Vandalos in Africa, Gotos in Hispania, Herulos, Longobardos, Burgundos, cum ipsos deponerent populi, quoties libebat, Procopius lib. 1. & 2. Paulus Diaconus lib. 2. & 4. Ammianus Marcellinus lib. 28. Joh. Mariana lib. 16. *hist.* Quod verò Ant. Montecatinus & Michaël Piccartus *Notis ad lib. 3. Politic. pag. 407.* huc referant Poloniæ & Bohemiæ Reges, quorum ille Regni legibus, hic Imperatori Romano subest, hoc, inquam, non approbamus, quando constat utrumque Regem, non solum cum dignitate, sed etiam cum potestate summa præesse, ac civibus Regni quidem libertates aliquas permittere, non tamen illis actorum suorum rationem reddere, multò minus à civibus possunt in jus vocari, & procerum arbitrio deponi. Secundum vocat Dominicum, ubi sunt nullæ leges, privilegia nulla, ut porro dicemus *infra dist. 6.* Tertium esse docet Ælymetarum, videlicet Principum, qui extra ordinem eliguntur cum potestate summa. Et verò Joach. Camerarius *Notis ad 3. Politic.*

14. haut rectè exponit de Consulibus & Præfectis, quando hi potestatem summam non habent, nec habere possunt, uti habebant Ælymetæ Græcorum, quamvis ad tempus. Talis erat Pittacus Mitylenæus, ad quem cives ejus deferrebant summam rerum, ut exsulum motus ab Alcæo excitati, comprimerentur immutabili ipsius decreto, Strabo lib. 13. *Geograph.* Lærtius in *vitis pag. 509.* Timoleon apud Syracusanos, & Aratus Sicyonius in Republica Achæorum idè constituti sunt cum summo imperio, ut ejicerent Tyrannos, componerent civium factiones, legum auctoritatem sancirent, recta à pravis discernere, Plutarchus in *vitis illustribus*. Talis quoque erat Dictator Romanorum, uti dicemus *infra lib. 2. cap. 1. dist. 5.* neque causa ulla est, quare hoc exemplum aptissimum reprobet A. Montecatinus, *Notis ad lib. 3. Politic. text. 107.* Tales denique erant Judices Hebræorum, de quibus plura dicentur *infra cap. 13. dist. 2.* Quartum vocat Heroicum, quando populi sibi præfecerunt vitos singulari virtute præditos, ut supremam in civilibus & sacris haberent potestatem, de quibus fuit *suprà cap. 3. dist. 7.* Eos post obitum in sydera retulerunt per solennem consecrationem, & velut Deos minores coluerunt *infra cap. 10. dist. 1. seq.* nec non Lactantius lib. 1. *divin. Institut.* cap. 8. 9. 10. 11. 15. Quod isti in sacris quoque adornandis potestatem habuerint, monet Aristoteles, sed non rectè intellexit, Joh. Casus, qui sacra ad Sacerdotes pertinere, ait, non ad Reges, lib. 3. *Poetice. pag. 158.* Atqui illo heroum seculo, eosdem Reges & Sacerdotes habebant populi. Ejus motis vetustissimi exemplum est Melchisedechus, *Genes. 14. 18. 19.* Eum non quidem Regem

Regem hominem, sed filium Dei, qui pro tempore corpus assumpserit, fuisse, diligentia maiori, quam probabilitate actus, differt Petrus Cunnæus *lib. 3. de Republica Hebræorum, cap. 3.* Quare enim ille decimas caperet, si Deus fuisset? Similiter *Virgilius*:

Rex Anjus, Rex idem hominum Phœbi-
que Sacerdos.

lib. 3. Æneid. Ubi notat *Servius*: *Majorum consuetudo erat, ut Rex esset etiam Sacerdos vel Pontifex.* De Hebræis *Tacitus lib. 5. histor.* Honor Sacerdotum firmitatem potentie assuebat. Et *Iustinus*: Post Moysen etiam filius ejus Arvas, Sacerdos sacris Ægyptiis, mox Rex creatur, semperque exinde hic mos apud Judæos fuit, ut eosdem Reges & Sacerdotes haberent, quorum iustitia religione permixta, incredibile quantum coalescerent, *lib. 36. histor.* Non unum admiscet errorem, de quo alibi dicemus. Nunc saltem notetur, Aharonem Sacerdotem fuisse equidem, haur Regem, qui Moyses erat, *Deut. 33. 5.* Postquam ad Hasamoneos imperium pervenit, idem fuit Sacerdos summus, qui erat Princeps, *1. Maccab. 2. 66. cap. 3. 1. 2. seqq.* *Joh. Seldenus lib. 1. de successione in Pontificatum Hebræorum, cap. 13.* Narrat Rabbi David Ganz in libro *Zemab*, quod Princeps Johannes Hircanus demoliendo templum Samaritanorum, in monte Garizim conditum, gratiam magnam apud cives suos iniverit, & facto epulo, invitaverit Procetes, in quo præsens Eleasar Phariseus dixerit, satis esse ut Regni coronam haberet, adeoque Sacerdotium deberet Aharonis posteris reddere. Malè hoc Principem habuit, ut virum petulantem flammis exureret, Phariseos plurimos interficeret, *part. 1. fol. 32.* Apud Ro-

manos seriori quamvis ævo, Pontifex Maximus factus est ille, qui Cæsar erat, idque primus obtinuit Julius, porro confirmatum est Augusto, *Suetonius lib. 2. cap. 31.* *Dion Cassius lib. 54. histor.* Imperatores secuti usurpaverunt omnes, ut testantur *Inscriptiones* plurimæ apud *J. Gruterum* in Volumine, *pag. 225. seqq.* & nummi Cæsarium, in quibus sunt vasa sacrificialia, insignia auguriorum, *Antonius Augustinus, Tab. 11. num. 13. Tab. 14. num. 6. 7. 8. 9. Tab. 17. num. 10. 11. 12. Tab. 20. num. 6. Tab. 33. num. 12. 15.* *Joh. Tristatus, Commentarius de Imperio Romano, Tom. 1. pag. 29.* *Sebastianus Erissius, Expositione ad nummos Cæsarium, pag. 30. 31.* Ac permanstit ita ad Gratianum usque, qui Pontificis titulum ultro onisit, teste *Zosimo lib. 4. histor.* unde allegat *Spondanus in Epitome Annalium Baronii, pag. 411.* Attamen est Inscriptio Romana: *Gratianus. Pius. Felix. Max. Victor. ac. Triumph. semper. Aug. Pontif. Maximus. Germanic. Max. Alamanic. Max. Franc. Max. Gothic.* *Gruterus* in Volumine, *pag. 160. num. 4.* Quintum vocat Regium, vero sensu dictum, uti ad præsens negotium pertinet.

V. Regnum est Imperium, quod Princeps administrat comiter.] Nimirum, ut cives libertatis suæ compotes, Principum legibus volentes obsequantur. Talia Regna sunt Germanorum, Gallorum, Hispanorum, Britannorum, Suedorum, Polonorum, Danorum, Bohemorum, Ungarorum.

VI. Dominatus est imperium, quod Princeps administrat severiter.] Nimirum, ut cives libertate sua spoliati, Principum edictis obsequantur addicti. Tale Imperium fuit apud Ægyptios ex instituto *Josephi, Genes.*

47.21. legitur vulgò: *Populum verò transire fecit ad urbes ab (una) extremitate Aegypti usque ad (alteram) extremitatem ejus.* Notat Wolffg. Franzius libro de *Scripturae interpretatione*, pag. 498 seq pro $\tau\omega\upsilon$ (transire fecit,) legendum esse $\tau\omega\upsilon$ (servire fecit,) factâ levi mutatione unius literæ alteri cognatâ, unde librarii decepti sunt. Hinc sensus optimus, *Et servire fecit populum per urbes singulas.* Nulla videlicet civitas mansit libera, omnes ad servitutem redactæ Regibus & Successoribus ejus sese obligaverunt. In codicibus, quos Alexandrini Interpretes habuerunt, ita lectum fuit, quamobrem vertunt $\kappa\alpha\iota\epsilon\delta\upsilon\lambda\omega\sigma\alpha\tau\omicron$. Simile Imperium olim in Græcia apud Archivos conditum ab Inachidis, ubi Rex $\mu\omicron\nu\omicron\sigma\iota\eta\phi\omicron\rho\iota\sigma\iota\ \nu\epsilon\upsilon\mu\alpha\sigma\iota$ pro arbitrio regebat, teste Æschylo in *supplicibus*. Inachidæ profecti erant in Peloponnesum, exsules Phœnicum, de familia Enakim, eo tempore, quo Moses & Josua cisatque ultra Jordanem victores aut pellerent, aut cæderent gentes excidio devotas, Num. 13. 23. 29. Dent. 2. 10. cap. 9. 2. Josue 11. 21. 22. cap. 14. 12. 15. cap. 15. 14. Judic. 1. 20. Ab eadem origine est $\eta\pi\tau\omega\upsilon\ \epsilon\gamma\eta\alpha$ Dea, cui Thebis Cadmus templum dedicavit, $\phi\omicron\iota\upsilon\iota\eta\eta\nu\ \delta\epsilon\alpha\iota\upsilon$ vocat Lycophron in *Cassandra*, & verò Deam istam Græci Palladem appellaverunt galeatam, ex Jovis cerebro, ut fabulantur, natam. Colebatur imprimis apud Trojanos & Phrygas, estque ab eis Palladium tor vocibus celebratum. De quo quid fuerit, inquirunt Joach. Cameratius *quaesitum per Epistolæ Centur.* 1. cap. 60. Caspar Barthius lib. 60. *Adversar.* cap. 2. Nihil verius est, ac quòd fuerit simulachrum Deæ Palladis, itaque in nummis Cæsarum est ab uno latere imago Veneris, ab altero Æneæ

profugi, humero patrem senem ferentis, dextera tenentis icunculam Palladis, Anconius Augustinus *Tab.* 4. num. 15. *Tab.* 15. num. 15. Cæterùm de Inachidis plura conscripsimus, lib. 1. *Antiquitat. Roman.* cap. 1. dist. 14. & libro de *Creatione, Exercit.* 5. dist. 3. Uti Reges Argivorum plenissima usque potestate, exemplo Orientis, unde venerant: Ita Reges Thebanorum, quando ipsi etiam è Phœnicia venerant, addicte regnaverunt, constatque satis è verbis Fecialis Thebani apud Euripidem in *supplicibus*. Reliqui Græciæ populi vixerunt liberius, itaque Athenæ sunt $\iota\epsilon\lambda\epsilon\upsilon\sigma\iota\epsilon\gamma\alpha\pi\acute{o}\lambda\iota\varsigma$, etiam cum Regem habebant Theseum, apud Euripidem in *Heracleidis*. De ceteris Asiæ Regibus perinde constat, dominatum eos exerceuisse. *Levius*; Syri & Asiatici genera hominum servituti nata; lib. 36. Et de iisdem Cicero de *provinciarum consularibus*; Judæis & Syris nationibus servituti natis. Neque hodie aliter est in Asiæ & Africæ populis. Sinarum, Tattarorum, Turcorum, Indorum Reges dominatum usurpant, uti referunt Lud. Gothofredus in *Archontologia Cosmocalib.* 2. pag. 169. seqq. Johannes Boterus in *Cosmographia*, part. 2. cap. 1. 2. seqq. Abyssinorum, Nigritarum, Maurorum Reges perinde cum dominatu in Africa præfunt, Ludov. Gothofredus *l. d.* pag. 225. seqq. In Europa unica Rossorum gens paret dominatui, gens, inquam, in servitutem nata, jugoque adsueta libertatem non patitur. Principem suum, cui missum de cælo numen veneratur, cujus arbitrio vitam fortunamque submittit, in spontaneam mortem illic de descendens, cum ille jubeat. Ingenue arctium rudis adeo, ut consignare literis nomina sua nequeat. Sed nec peregrinatio ulli pernit-

permittitur, certo Principis consilio, ut oppressæ barbarâ ignorantia mentes, nullum unquam libertatis spiritum trahant, nec ad ingenue vitæ conditionem aliquando enitantur. Ita referunt Lud. Gothofredus *l. d. pag. 449. seqq.* Petrus Bertius in *Tabulis contractis, lib. 6. pag. 685. seqq.*

VII. Dominatus proprium est, ut Princeps sibi vendicat dominium *directum* in prædia ab bona omnia subditorum, *utile* eis attribuat, ut habeat quibus imperet. Quod verò Ant. Montecatinus & Mich. Piccartus *Notis ad lib. 3. Politicor. text. 105. num. 1.* docent, Gallia, Hispania, Britannia Regna habere dominicam administrationem, saluntur illi admodum, quia cives in Regnis illis magnas habent libertates, ut possint bona sua mobilia exportare secum, atque ipsi abire unâ habitatum apud externos, cum lubet. Neque minus bona & prædia quævis tradunt hæredibus suis, Reges verò contenti sunt, ut jurisdictionem in ista exercent, aliter quàm Turcus, Tattarus, Rossus, qui civibus suis non permittunt licentiam emigrandi, atque in abitu opes unâ exportandi. Neque illi bona sua ad hæredes possunt transmittere, quæ cedunt fisco, eaque Sultanus donat velut prorsus nova, hæredibus, cum vult, si non vult elocat aliis fideiæ nomine. Neque ulla prærogativa vel dignitas est in populis istis, quæ non in solidum à Principis gratia dependeat.



CAPUT SEXTUM.

De Imperio Fœminarum.

SUMMARIA.

1. *Rationes contra imperium fœminarum.*
2. *Solvuntur rationes istæ.*
3. *Rationes pro imperio fœminarum.*

I. **Q**Uæritur: *An fœminis debeat imperium committi?* Respondeo: Negant Joh. Bodinus *lib. 6. de Republica, cap. 5.* Arnizæus *lib. 1. Doct. Polit. cap. 9 & lib. 2. Relict. Politic. cap. 2. sect. 12.* Joh. Steph. Menochius *lib. 1. Hieropolitic. cap. 5.* Ant. Petilius *lib. 2. Exarchias, cap. 29. 30.* Rationes adferunt: (1.) Quia in fœminis prudentia nulla est, ad imperandum cum primis necessaria, itaque dubitavit Plato, fœminam referret ad bruta, an verò ad hominem, quoniam videbat, fœminæ prudentiam decesse. (2.) Quia fœminæ haut sunt taciturnæ, loquaces verò esse fatetur Porcia, uxor Catonis Uticensis, quamvis generosa, & supra sexum virtutis studiosa, teste Plutarcho in *Catone*. (3.) Quia fœminæ sunt imbecilles animo & corpore, ut non possint imperii onus sustinere. Quid mulier ad bellum? Bella viri pacemque gerant, ait Virgilius *lib. 7. Æneid.* Bella relinque viris, est apud Ovidium *lib. 12. Metamorphos.* (4.) Quia sacræ literæ inter calamitates publicas referunt, cum scæna dominatur in populis, *Esa. 3. 12. cap. 19. 6.* (5.) Quia Romani, Poloni, Neapolitani fecerunt Decreta, per quæ mulier prohibetur ingredi curiam, & imperii partem aliquam capeffere, postquam notum fatis fuit, damna

ingentia esse à sceminis exorta. (6.) Quia Regina vel innupta manet, vel nubit marito. Si prius, difficile est, pudorem inviolatum servari ab ea, cui impunè est quidvis facere, & exemplo sunt Cleopatra, Semiramis, Johanna Neapolitana, stupris maculata. Si posterius, vel Imperium transfert in maritum, vel sibi reservat. Neutrum gaudet eventu bono, quia per translationem privat sese proprio successionis jure, per reservationem detrahit juri divino, mulier subjecta recto marito suo. *Gen. 3. 16.* Hæc Arnifæus.

II. Respondeo: (1.) Non semper à sceminis abest prudentia, neque hæc semper apud viros adest. Quàm non carèat scemina prudentia, Reginarum exemplis constat, quæ civium suorum, uti par est, opibus adjuncta, potentissimos Reges belli ac pacis artibus superaverunt, cum immortalis nominis gloria. Quis potentior Ferdinando Austriaco? & tamen victorias ingentes, pacem gloriosam permisit Christianæ semper Augustæ. Quis Philippo Austriaco potentior, imò etiam prudentior? & tamen victus bello, Regina Elisabethæ landes auxit. (2.) Tàm sapè fortes sunt, quàm non semper veræ prudentiæ expertes. Tantum sanè animi robur in Elisabetha & Christina fuit, ut Ferdinandos, Philippos, Reges in Europa felicissimos virtute æquarent, fortunâ superarent. (3.) Non omnes sunt loquaculæ, non omnes sunt vanæ. Prætorum sunt hæc vitia plerumque, & causa est, quia inter vanæ & loquaculas educantur. Adeoque Imperii functio non requirit tàm corporis robur, quàm curat vires animi, in quibus viros sæpè antecellunt scemina, cum primis in Principum familiis, ubi fortes creantur fortibus & bonis, estque in filiis patrum ardor citra discrimen sexus. (4.) Verba sunt, *populum mentem*

opprimuntium quisque est parvulus, & famine dominantur in eum, Esa. 3. 12. Describuntur tempora vastationis per Babylonios illata. Præerant tunc populo Reges nullarum virum & consiliorum, Jojakim, Jechonias, Zidekias, animo pueri, quidam atate etiam, moribus scemine pares. De sexu non potest intelligi, uti constat, *Jerem. 22. 17. 14. 25. 26.* Quanquam non defuerint in populo veteri sceminæ optimarum virtutum compotes, ut commendarent sexum, *Jud. 4. 4. segg. 2. Chr. 34. 22. (5.)* Sunt decreta illa quarundam gentium propria, neque volent harum decretis obligari aliæ numero plurimæ, à quibus sceminæ perinde ut viri accipiunt solum ac coronam. Laudes tamen pro conservato Orientis Imperio, ne Romanis hoc eriperent Persæ, Romani tribuunt sceminæ Zenobiæ Palmyrenorum Regina fortissimæ. Trebellius Pollion in *historia triginta Tyrannorum*, & nos ex illo in Recensu *historiæ universalis, lib. 5. c. 3. dist. 15. & c. 4. dist. 1.* quibus adde nummos à Zenobia culos apud Petrum Seguinum *libro de numismatis antiquis, pag. 63.* (6.) Sunt exempla nuptiarum, quæ faulæ & satis: Sunt exempla cœlibum Reginarum, neque ista cum eventu malo. Nuptiarum exempla præbent Isabella Hispanica, Maria Ungarica, Hedevigis & Anna Polonica, Constantia Sicula, quæ connubia & Regna sua obtulerunt Ferdinando Arragonio, Sigismundo Bohemo, Stephano Batavari, Jagelloni Lithuano, Henrico Allemanno, uti diximus in Recensu *historiæ universalis, lib. 13. c. 2. dist. 8. lib. 17. c. 1. dist. 4. lib. 18. c. 1. dist. 2. & 8. lib. 19. c. 1. dist. 2.* Reginas cœlibatu usas, imperio optimè defunctas, domiforisque clarissimas, habes Elisabetham Angliæ, Margaretham Daniæ, Christinam Suediæ, uti dixi in Recensu allegato *lib. 15.*

c.1. dist. 15. 16. 17. lib. 16. c. 1. dist. 19. c. 2. dist. 2.

III. Proinde cum Greg. Tholosano lib. 7. de Republica. 11. Ad. Conzeno, lib. 1. doct. civ. c. 26. I. amb. Danzo, lib. 6. Politica, c. 4. Bart. Keckermanno, lib. 1. doct. polit. cap. 6. & in *Cursu Philos. disp. 29. quest. 7.* affirmamus, fœminas posse Imperio regendo admoeri. Et probatur: (1.) Quia natura ipsa aliquando, cum non super sunt mares, instituit fœminas Regnorum hæredes, & ad instaurandum genus aptas per connubium cum Principe novo, si volet, aut si aliter volet, ad eligendum deinde successorem maren, civiumque amore me eis conciliat, ut non possint absque seditionum periculo debita sibi gloria spoliari. (2.) Quia fœminæ multæ virtutibus illis instructæ fuerunt, ut se imperio dignissimas præstiterint, quod satis constat de Semiramide Babylonica, Zenobia Palmyrena, Margareta Danica, Christina Suedica, uti fuit in præmissis. Reginz istæ, eiq; comparæ Matronæ aliz, Debora Hebræorum, Sarina Sacarum, Anthemisia Cariz, Alexandra Judæorum, Irene Græcorum, Amalfrinda Longobardorum, Blanca Hispanorum, Maria Ungarorum, Libussa Bohemorum, Mathildæ Anglorum, Vanda Polonorum, Dido Prenoruro, hæc omnes, inquam, maximarum virtutum sapientiæq; laude supra virorum eminentiam assurrexerunt, & Reipubl. inter gravissimas bellorum tempestates, salvam in portum deduxerunt, ut Annales testantur. Elisabetham felicissimè in Anglia regnavisse, verè ait Nic. Vernulejus lib. 1. doct. polit. 1. 1. 2. c. 1. Quòd vero eam non commemorat Justus Lipsius lib. 2. mon. polit. c. 2. sect. 3. ubi copiosa optimarum Reginarum exempla præfert, nimio in Religionem odii tribui debet. Sane omnibus illis, quas operosè laudat, una ipsa præstantior

fuit, & compendia laudum ejus vide in Recensu nostro, lib. 15. c. 1. dist. 17. Denique *furiam recte dignam*, appellat Caspar Sciopius in *Ecclesiastico*, c. 146. quod convicium oreinus nebulo dudum probavit judici suo, Regum Regi. (3.) Quia populi & subditorum consensus potest fœminis jura ista dare & conservare, ut eorum imperio regantur, quomodo populus Dei præfecit sibi Deboram fœminam, per meram electionem, *Jud. 4. 1. 2. seqq.* Regerit *Menochem*: Debora habebat spiritum Propheticum, quocum prædita rectè poterat gubernare populum. Sed neque sola ipsa præerat in expeditione, eiq; vir adjungebatur Barakus, *Id.* Respondeo: Spiritus Propheticus non obstat, quò minus Imperio benè præesset, atque tantò magis ornat eam, quòd perinde seu Deus, seu Virtus non prætereant sexum; Barakus erat minister in expeditione peragenda, nam facti autor principalis erat fœmina, *Jud. 4. 6. 9. (4.)* Quia leges fundamentales in multis Regnis sanciant, ut fœminæ succedant, videlicet in Anglia, Scotia, Hispania, Suedia, Dania, Bohemia, Sicilia, ubi Regina plurimæ, aut Reginarum mariti successerunt, cumque laude præfuerunt. Et nostro tempore apud Lusitanos Regina hæredes, genti libertatem restituerunt adversus Castilianos invasores, uti dixi in Recensu historiz universalis, lib. 14. cap. 4. dist. 5. Veteres in Oriente populi non detrectabant imperia fœminarum. Scythæ ferocissimi parebant Tomyridi Regina, ejusque auspicio profligabant Cyrum Persiz Regem, Herodotus lib. 1. hist. 7. Justinus lib. 1. hist. & nos ex illis in Recensu hist. univ. lib. 1. c. 1. dist. 1. De Harpago Mediæ Præfecto *Justinus*: Veritus, si ad filiam mortuo Rege, venisset Imperium, quia nullum Assyges virilis sexus genuerat,

lib. 1. hiflor. De populis aliis expresse Arrianus *ἡρώδης* in τῇ ἀσία ἵτι δὲ πρὸς ἑμμεγ-
μῶς, καὶ ὑναίας ἀρχὴν αὐτῶν, receptum
 folitumque est in Asia, jam inde à Semira-
 mide, etiam fœminas imperium exercere in
 vitos, *lib. 1. hiflor.* *Βασιλευσάντων* est, *Matth.*
12. 42. Luc. 11. 31. & historialegitur, 1. *Reg.*
10. 1. 2. seq. Chronic. 9. 1. 2. seq. ubi est pro-
 gente, cui imperabat, *בִּלְכָּךְ שָׁכַח*. Venit ex
 Arabia felice, sive Jemen, ubi celebri popu-
 lus, Sabæi. Erant Arabes illo seculo valdè
 dediti studiis meliorum artium & sapientiæ,
 1. *Reg. 4. 30.* Aurum & aromata copiosa at-
 que optima sunt apud Arabes, Herodotus
lib. 3. Plinius *lib. 12. cap. 17. & 24.* Pompo-
 nius Mela *lib. 3.* Strabo *lib. 16. Geograph.* Sa-
 bæis in Arabia præfuerunt cum imperio
 Reginz, Claudianus *lib. 1. in Eutropium:*

Medis, levibusq; Sabæis,

*Imperat hic sexus, Reginarumq; sub armis
 Barbarie pars magna jacet.*

Omnia ergò quadrant ad Sabæos Arabiæ
 felicitis, uti Lutherus, Tremellius, Pineda,
 Sanctius, Serarius, Saliarius, Pineda, *lib. 4. de
 rebus Salomonis cap. 15. 16.* Vatablus, Caje-
 tanus, Pererius, Golius in *Lexico Arabico*,
 Samuel Bochartus in *Geographia sacra
 part. 1. lib. 2. cap. 26.* Rabbinius Abraham
 Salmanticensis *יחזקאל פס' 136.* Matthæus
 Beroaldus *lib. 4. Chronologia sacra, pag. 305.*
 306. Torniellus in *Annalibus sacris Tom. 2.*
pag. 30. num. 14. Erasmus Smidius, *Notis ad
 Mattheum. pag. 201. seqq.* Paulus Merula in
Cosmographia universali, part. 1. pag. 198.
 nobiscum statuunt ex similibus locis, *Genes.*
25. 3. Jobi 1. 15. Psalm. 72. 105. Esa. 60. 6.
Jerem. 6. 20. Ezech. 27. 23. cap. 38. 15. De Sa-
 ba Metropoli Abassinorum, quæ Meroë
 postea dicta est, venisse eam statuunt Gro-

tius, *notis ad 1. Reg. 10.* Vadianus in *Epiroma
 partium terra, pag. 179.* Philippus Mor-
 næus libro de *Veritate Relig. Christ. cap. 26.*
 Cornelius à Lapide, *Commentario ad libros
 Regum, pag. 155.* Toletus, Janfenius, Barra-
 dius, in *Commentariis Evangelicis*, Rabanus
 Maurus in *glossa, Zaga, Zabo, in Confessione
 Ethiopum, pag. 218. seq.* Non credat fa-
 cilè, qui magnum intervallum expendit &
 quòd Judæi cum Arabiæ populis commet-
 cia habuerint, non item cum remotissimis,
 eoque seculo barbaris Ethiopiæ incolis.
 (5.) Quia soli Franci excluderunt fœminas à
 successione per Legem Salicam, & maxima
 damna sibi attraxerunt, ab Anglis vexati
 crudelissimis expeditionibus. Referunt
 Hottomannus in *Franco-Gallia cap. 9. seq.*
 Patricius Armacanus *lib. 1. de Justitia armo-
 rum Regis Christianissimi, cap. 29. 30. seqq.*
 Claudius Malingrenius, libro de *Lege Salica.*
 Carolus Molinaus, libro de *Monarchia
 Francorum, num. 69. seq.* Froillardus *lib. 1.*
hiflor. Paulus Æmylius, *lib. 9. hiflor.* & vide
 nostrum Recensum historię universalis *lib.*
13. cap. 4. dist. 1. seqq.

CAPUT SEPTIMUM.

De Regum dominio eminenti.

S U M M A R I A.

1. *An Princeps habeat potestatem à subditis?*
2. *Rationes pro negativa.*
3. *Solvuntur rationes contrariæ.*
4. *An Tyrannus possit abdicare?*
5. *Solvuntur rationes.*
6. *Tyrannus in vitione.*

7. *Julii*

7. *Julii Caesaris interitum.*

8. *Tyrannus exercitio.*

1. **Q**Uæritur hic: *An Princeps accipiat potestatem suam à civibus subditis, velut naturæ ordine superioribus?* Respondeo: Affirmant L. Danæus, lib. 1. *Polit. Christ.* cap. 4. Mart. Scogkii, libro de *Majestate*, dist. 64. Junius Brutus, in *Vindictis contra Tyrannos*, pag. 193. seqq. Jac. Miltonus, in *Defensione populi Anglicani contra Salmasium*, pag. 7. seqq. Et verò ab his non multum dissentiunt illi, qui docent, potestatem regendi à Deo in populum velut adæquatum subiectum collatam, atque à populo deinceps consilio proprio ob certam utilitatem, nullâ interveniente divinâ revelatione in unum vel plures translatam esse, Franciscus Suarez, *Dei. f. contra Regem Angliæ*, lib. 3. cap. 1. 2. 3. lib. 6. cap. 6. Antonius Capellus, libro de *Primitivis Regis*, cap. 42. Andreas Eudæmon Cretensis, *Epistolâ Monitoriâ ad Barclajum*, Maximilianus Sandæus, libro de *Rege*, pag. 37. 38. Franciscus Victoria, in *Relectis de potestate civili*, num. 8. seqq. & *Relect. 2. de Potestate Ecclesiæ*, num. 2. Didacus Covarruvias, libro *Questionum Practicarum*, cap. 1. num. 6. Joh. Mariana, lib. 1. de *Regis Institutione*, cap. 7. 8. 9. Bellarminus, recognitione libri de *Laicis*, cap. 6. Alchusius, cap. 18. *Institut. Politic.* num. 2. 3. seq. & cap. 19. num. 2. 3. seqq.

II. Eos meritò refellunt Alb. Gentilis, *Disputatione Regia* 1. 2. Wilhelmus Barrer, lib. 1. de *Jure Regio*, cap. 1. Vernulejus, lib. 1. *Institut. Politic.* Tit. 19. cap. 5. Ant. Corsetus, libro de *Potestate Regia*, quest. 2. Theod. Graßvinkelius, libro de *Jure Majestatis*, cap. 1. 2. Marcus Antonius de Dominis, lib.

6. de *Republ. Ecclesiast.* cap. 2. Rationes sunt: (1.) Quia Reges potestatem suam habent à Deo, *Proverb.* 8. 15. 16. Per me Reges regnant, & Dominatores decernunt justitiam, per me Principes gerunt Principatum. Verba illa per functionem exponit Bellarminus: Sensus est, ait, Regibus sapientia opus esse, per quam agant ea, quæ decent ipsos, *Responsio ad Barcl.* cap. 12. num. 8. Respondeo: Sapientia hic intelligitur, non uti est mentis habitus, qui est rerum altissimarum cognitio, definiente Aristotele, 5 *ethic. Nicomach.* cap. 6. sed quæ est *1. cor. 13.* Deus æternus, autor potestatis Regiæ inter homines, ad hominum salutem, latente ipso Bellarmino, lib. 1. de *Christo*, cap. 8. & lib. 2. 5. 6. Expressa verba sunt, *per me*, quæ deitatem perfectam denotant, omnemque causæ alicujus cooperationem excludunt, uti *Joh. 1. Col. 1. 16. 10. Hebr. 1. 3.* Scilicet Deus, non quâ Autor nature integræ, sed quâ Medicus naturæ destituta, & Conservator ejus, quod ex facultatibus naturalibus in homine remansit integrum, constituit potestatem civilem immediatè, velut bonum aliquod necessarium, quo genus humanum felicitate prima spoliatum indigeret. *Ubi non est magistratus, corrumpit populus*, *Prov. 11. 14.* (2.) Quia Reges eminentibus titulis donantur ob potestatem illam, quam habent. Sunt Dii & filii Excelli, *Exod. 22. 8. Psalm. 6.* nimirum, quia vicibus Dei funguntur in terris. Atqui Vicarius uni Principali suo debet regimen illud, quod gerit. *Excipiunt:* Dii vocantur, quoniam cum potestate aliqua præfunt in terris, uti Deus in cælis potenter gubernat omnia, Cappellus, *l. d. cap. 34.* Respondeo. Docet Servator, idèò vocari Deos, quia sermo Dei adeos factus est *Joh.*

10.35. Verba illa ineptè exponit *Franciscus Toletus*, de promulgatione Legis à Deo facta, *Commentario ad h.l. pag. 913*. Satis namque patet, Legis promulgationem eam ad Judæos omnes factam esse, & verò Psalmus iste, quem Servator allegat, de solis Judicibus agit, rerum civilium exactoribus, adeoque verborum Christi sensus est, *obsermone ad ipsos factum vocari Deos*, id est, Dei unius institutione potestatem soli Deo obnoxiam, eos in terris gerere, Chrysostomus & Theophylactus *Comment. ad h.l.* Itaque in describendo munere Prophetarum, eodem modo literæ sacræ loquuntur, quod Deus imponit eis citra hominis operam, *Esa. 1.1. Jer. 1.1. Jon. 1.1.* Et tantò magis hoc urget, quod etiam obsequium Regibus à subditis probis delatum, adscribitur divino instinctui, ut Saulo factum est, quem humiliter venerari esse dicuntur illi, quorum corda tetigerat Dominus, 1. *Sam. 10.26.* id est, quorum animis benè præparatis instillaverat Deus præclaram de Saulo Rege existimationem. Propterea Deus ponit spiritum suum, id est, singularia Spiritus S. dona, in illis ut mutantur in viros alios, *Num. 11.17. 1. Sam. 10.6. 10. cap. 16. 13.* (3.) Quia Regum eorum, quos Deus populo suo imposuit, exempla testantur, quod Deus illos immediate excitaverit quâ potestatem. *Sandæus* regerit, Saulum & Davidem non minus utalii Reges, potestatem suam à populo acceperunt, *libro de Reges, p. 41.* Respondeo: Imò constat potius, quod illis & aliis Regibus potestatem impertiverit Deus, sed populus admovent personam, atq; hoc etiam per consensum merum, *Numer. 27. 16. 17. Deut. 17. 14. 1. Sam. 15. 12. 2. Sam. 5. 2. 6. 12. 8. 1. Reg. 3. 7.* (4.) Quia nemo inferior potest dare potestatem ei, qui superior est. Atqui

subditus respectu Principis sui est inferior. Ergò non potest dare potestatem aliquam Principi, qui superior est. Minor est 1. *Sam. 8. 17. Et vos eritis servi ejus.* Falluntur, qui hunc illustrem contextum de Tyrannis exponunt, namque de Regis verissimo jure agit, uti rectè notat *Mart. Schogkius libro de Majestate, dist. 53.* & nos firmabimus *infra cap. XII. dist. 1. 2.*

III. Excipiunt *Miltonus & Suarez*: (1.) Magistratus est ordinatio hominum. 1. *Petr. 2. 13.* Ergò ab hominibus accipiunt potestatem suam. *Resp.* Appellatio ista, *ἀρχὴ*, non debet exponi ratione efficientis, quod magistratus ab homine accipiant potestatem: Sed ratione materia & finis, quod ex hominum genere & in usum humani generis ordinentur. Potestatem solus Deus largitur, personam ex hominum genere accipiunt homines, atque ei obedientiam præstant, *Dan. 2. 37. c. 5. 18. Rom. 13. 1. 2. 4.* adeoque ad magistratus institutionem ex principiis innatis præter merum assensum nihil quicquam conferunt. (2.) Reges Ebræorum erant inferiores Senatui magno, à quo poterant verbis corrigi, & potestate sua spoliari. *Resp.* Hoc est omnino falsum, uti dicemus *infra cap. 12. dist. 3.* (3.) Reges Spartanorum erant Ephoris subiecti, poterantque horum jussu vocari in judicium, vita privari. *Resp.* Spartanorum Reguli non habebant majestatis jura, eratque in populis illis Aristocratia, leges præscriperat *Lycurgus*, custodiam habebant Ephori, penes Reges imperium domi nullum fuit, modicum foris, ut dicemus *infra cap. XV. dist. 3.* Et vel unum illud, quod duo Reges erant, arguit, neutrum fuisse Regem, quicquid garrat patricialis doctrinæ patronus, *Miltonus, in defensione populi Anglicani, pag. 23. & 149.* Constat, quod

quòd Regem Agidem ob intentatam deas-
fectatam tyrannide suspicionem, supplicio af-
fecerint, & verò hujus facti non optimum
præmium retulerint. Bellis civilibus impli-
cati, suam civitatem everterunt, Græciam
totam paribus turbis involverunt. Et qui
futuræ tranquillitatis spe velut malum sibi
præciderant, in varias calamitates præcipi-
tati, servitiæ novæ pœnas in excidio proprio
luerunt, Cicero *lib. 1. Officior.* (4.) Consti-
tuens superior est constituto. Atqui popu-
lus constituit, Rex constituitur. Ergo. *Re-
spondeo:* Falsa est major. Ille qui constituit
aliquem infra se, est quidem constitutio ma-
jor, non etiam illè, qui constituit aliquem
super se, uti faciunt subditi, qui in Regis po-
testatem seque suasque opes tradunt, *1. Sam.*
8 § 6. 11 17. 19. 20. Ita servus constituit Do-
minum, & quidem supra se, unde nec major
illo est, neque unquam in servitio exire potest
invito Domino, qui solus cum in libertatem
asserere potest. (5.) Regimen omne est pro-
pter illos qui reguntur, non qui regunt. Illud
verò est nobilius, quod habet finem nobi-
liorem. *Respondeo:* Consequentia fallit. Tu-
rela est propter pupillum, attamen illa est
potestas in hunc ipsum. Populus, quia se
ipsum regere non potest, idè Regem sibi
imponit, itaque Rex eminentior est, cum
dat quod aliàs non potest accipi. Dominus
est propter servum, neque tamen hic in il-
lum exercebit imperium, postquam legi
communi servorum sese volens sciens sub-
jecit: (6.) Curator est inferior eo, cujus no-
mine curatoriam gerit. Atqui Princeps est
curator populi. Ergo est inferior populo.
Respondeo: Falsa est major. Curator superior
est eo, cujus nomine gerit curatoriam, ne-
que debet pupillus hæcenus, cum est impu-

bes & sub tutela, curatorem suspecti postu-
lare, *l. p. etatis 6. in fine C. de suspect. tutor. §.*
impub. Institut. eod. tit. Regerit *Althusius:*
Quòd Tutor habet majorem potestatem,
quàm pupillus, est inde, quia defectus vo-
luntatis & judicii est in pupillo, qui in illa
ætate constitutus, voluntatem legitimam
habere non potest, quam tamen cum ad æta-
tem justam pervenit, accipit, habetque sic-
ut alius quivis dominus in rerum suarum
dispositione habet, *l. d. num. 92.* Respondeo:
Atqui populus est sub curatoria perpetua,
quoniam eò ætatis nunquam provehitur,
ut arbitrio suo possit rerum summam admi-
nistrare, *Prov. 11. 14.* Neque verum est,
quòd *Princeps tantum populi Curator est,*
habet enim insuper dominium universa-
le, quod multò ampliorem includit pote-
statem, uti Lex Regia apud Hebræos &
Romanos discretè promulgant, *infra cap.*
XII. dist. 1. 2. §§. 9. & cap. XVI. dist. 12. seq.
(7.) Populus est prior quàm Rex, ideoque
dignior est. Antecedens patet ex *Genes. 2 §.*
13. 14. cap. 36. 1 §. 16. ubi narrantur Keda-
renorum & Idumæorum Principes de po-
steris Imaelis atque Esavi. Semper ergò
populus constituit Regem, ita verò, Rex
non possit absque subditis esse, attamen
subditi possint absque Rege esse. *Respon-
deo:* Falsum est, quòd populus sit prior
quatenus habet rationem civitatis. Nam-
que uti est sine legibus, sine jure, sine com-
modo, populi nomen haut meretur. Fuit
incompositus hominum grex, antequam
Rex erat, civitates non nisi à Regibus factæ
sunt, & Regibus posteriores sunt, uti do-
cet exemplum Nimrodi Babylonii, *Genes.*
10. 9. 10. 11. 12. cap. 11. 1. 2. §§. 7. Principes
Kedareni & Edomæi ipsi fornicaverunt.

popu-

populum istum, non verò sunt ab eo constituti. Denique falsum est, quòd subditi esse possint absque Rege, *Num. 2. 7. 16. 17. Prov. 11. 14.*

IV. Quæritur porro: *An Princeps imperio suo ad libitum populi spoliari possit, cum in Tyrannum degenerat?* Respondeo: Affirmant Junius Brutus & Jacobus Miltonus, *l. d.* Bucherius libro de *justa abdicatione Regis Gallie*, Joh. Althusius, in *Institut. Polit. cap. 38. dist. 30. seqq.* Mart. Schogkiius, libro de *Justitia belli Belgici, cap. 1. 2. 3.* Rectius verò negant Arnæus, libro de *potestate Regum inviolabili*, Alb. Gentilis *disput. Regia 3.* Johan. Bodinus, *lib. 2. de Republica, cap. 5.* Vernulejus, *lib. 1. Politic. tit. 21.* Samuel Bochartes, *Epistolâ de Rege ad MorlaJam Anglum*, Theod. Grafvvinckeliius, libro de *Majestâte, cap. 7. 8. 9.* Joh. Beccaria, libro de *Jure Magistratus in subditos*, Claudius Salmasius, in *Defensione Regia.* Rationes sunt istæ: (1.) Quia Magistratus est minister Dei, *Rom. 14. 1. 2. 4.* Ergò est sanctus & inviolabilis, atque à Deo solo. qui eum constituit, destitui potest, *Jobi 12. 18. cap. 36. 7. Dan. 2. 46.* Excipit Miltonus: Sonare illa de Regibus bonis, quibus rectè subditi obtemperant, non de Regibus malis, à quibus rectè deficient, exemplo Idumæorum & civitatis Libnæ, qui à Rege Joramo impio, & Legis divinæ prævaricatore defecerunt, *2. Reg. 8. 20. seq. 2. Chronic. 21. 8. 9. 10.* Respondeo: De Regibus sonant, quocunque modo summam rerum administrant illi, benè an secus, neque enim potest mandatum ullum è sacris literis proferri, quo subditi provocantur ad arma, Regibus inclementer agentibus, inferenda. Vetatur magis, uti constabit ex illis, quæ statim addemus, quæque sa-

tis docent, summum Principibus datum esse rerum arbitrium, subditis obsequii gloriam relictam: Abditos eorum senius, & si quid occultius parant exquirere, illicitum, anceps, nec idèò nos posse assequi: Parendo, non Imperia Regum sciscitando, Reipublicæ bonum procurari. Sunt verba clarissima, *οἱ δὲ ἀρχοὶ ἐκείνοι φέβονται τὸ ἀγαθόν, ἀπὸ τῶν κακῶν.* Constituta sunt Imperia idèò, ut improbitate repressâ, tutius vivant boni. Hoc autem plenissimè præstant Reges boni, mali quoque aliquatenus, vel sui causâ. Et quanquam interdum vitii aliquid intervenit, nunquam tamen non satius est, Principes esse, quàm non esse. Nam ut rectè Cerealis apud Tacitum ait: Quomodo sterilitatem aut nimios imbres, & cætera naturæ mala, ita luxum & avaritiam dominantium toleramus. Vitia erunt, donec homines, sed neque hæc continua & meliorum intervenitu pensantur, *ib. 4. histor. cap. 74.* Plurima garrat Miltonus libro dicto pag. 51. seqq. unde præcipua enotabimus. Optimus quisque, ait, Rex Legum & Senatus auctoritatem superiore esse auctoritate suâ agnovit. Falsum hoc est, quoniam ita Regum potestas non esset: *ἐξουσία ἐκπεφύκεν*, uti Apostolus eos nobis commendat. Reges sunt illi, qui potestatem habent in alios, qui prævaricatores ad pœnas justas remittunt, qui benè merentibus præmia largiuntur, qui jus gladii habent. At illa potestas imaginaria legum nullibi actu separato extra intellectum subsistit, neque talis potestas gladium sibi ad latera appendit. Romani Imperatores pignionem gestabant, quòd jus vitæ necisque civium interpretatur Tacitus, *lib. 3. histor.* Licet illis interficere, quod non licet aliis. Legum auctoritas per se invalida est, nisi

nisi potestate Regum propriâ conserventur, quibus originem suam debent. Ergò illum præ se inferiorem efficere non poterunt, à quo vigorem suum & vim obligandi habent. Pergit: *Nulla potestas nisi à Deo, id est, nulla Reipublicæ forma, nulla homines regendi legitima ratio.* Falsum est, quòd Apostolus de alia forma Reipublicæ loquatur, ac una illa, quæ naturalis maximè est, quæque tunc temporis in Imperio Romano constituta erat, scilicet Principatu. Etribuit potestatem supremam, & quidem à Deo attributam, non verò ab hominibus collatam. Frustrâ recoquit ineptus homo legitimam rationem imperandi, id est, legibus constrictam, quæ est merum commentum Sectæ Quakerorum. Aliud est potestas, aliud potestatis dispensatio. Illa promulgat leges, hæc promulgatis legibus constringit populum subjectum, ut velint agere quæ honestati consentanea sunt, & nisi agant ita, puniantur jure merito. Eò justius etiam, quando constat, leges naturales hominibus omnibus, ne quidem pessimis exceptis, inesse, *Rom. 2. 14. 12. 13. 14. 15.* Pergit: *Sapere regimen vitiosum est ab illis, qui regimini præsumunt, itaque tunc non potest dici, Reges illos à Deo esse, Osee 8. 4. sed esse ab hominibus, & à diabolo, Luc. 4. 16.* Falsa non tantum ista, sed etiam insana effugia sunt. Nulla potestas vitiosa est, quoniam est à Deo optimo est ideò, ut defendantur boni, ut puniantur mali. Personæ vitia non vitiant potestatem, quomodo sol non inficitur, quando radiis suis permeat loca imunda. Qui dedit Constantinos & Theodosios, idem constituit Neronem & Julianos. Neronis & Claudii regimen vitiosum erat, sed potestas à Deo, idcoque obedi-

tiam non dissolverunt Apostoli, *2. Tim. 4. 17.* sed tantum peccati fuerunt, ut vellet eos Deus potenti spiritu suo confirmare, ne quid agerent Christiano indignum. Neque officit nobis illud, quod ex Hosea cap. 8. 9. adducit Miltonus: *Reges fecerunt, & non ex me.* Decem tribules alloquitur Propheta, qui Dei favorem spernendo, Regum exterorum patrocinia emendicabant, utque illa facilius impetrarent, sacra moreque profanos assumebant, quamobrem Deus indignabatur meritò, *Hosea 5. 11. 12. 13. 14. cap. 7. 11. 12.* Itaque additur, *Principes constituerunt, & non cognovi,* id est, non approbavi hanc levitatem eorum. Hæc non pertinent ad rem præsentem. Illud verò, quod dicit Genius malus: *Regna mundi sunt mea, & dono illa, cui volo,* miramur profetiri, quando illè *ἐκ τῶν ἰδίων λαλεῖ, Joh. 8. 44.* Solus Deus est, qui dominatur in Regno hominū, & cui-cunque voluerit, dabit illud, *Dan. 4. 14.* Regit, quòd Princeps mundi vocetur, *Joh. 14. 30.* Atqui Miltonè datur hoc nomen Principi dæmonum, non quòd sit dominus mundi, quòd Regna dat vel eripit, quòd leges pro bono publico ferat, qui nec quidem privatis bonis citra Dei permissionem nocere potest, *Jobi 1. 11. 12.* sed quia peccatorum, quæ propria mundi sunt, est dominus, & quia homines seculi hujus per peccata illi serviunt, *2. Cor. 4. 4. Eph. 6. 11. 12.* Pergit: *illi Reges intelliguntur, qui præmia dant bonis operibus, quicquid pœnas irrogant malis.* Respondéo: Manet discrimen aliquod inter potestatem, & qui potestate fungitur, Principem. Claudii & Neronis. quorum tempora currebant, quando ista Paulus scribebat, potestas erat ordinata ad laudem bonorum, ad pœnam malorum. Quòd verò Principes

aut aliorum impulsu, aut suâ indole perversi, ordinem hunc intervertunt, id non tollit obedientiæ vinculum. Sunt enim & illa imperia à Deo, licet non regnent secundum voluntatem Dei, quatenus ab ordine divinitus constituto, recedendo, iustitiam amant. Saulis & Jerobeami imperium erat à Deo, neque ab utentibus iis potestate sua obedientiæ vinculum ruptum legimus, 1. *Sam.* 9. 17. *cap.* 10. 26. 27. 1. *Reg.* 12. 22. 23. *cap.* 13. 3. 4. 5. Stolidi fuissent Christiani, ferarum tergis coniecti, & canum laniatu interfecti, in cruces acti, flammati, exusti, si putavissent, Apostolum obedientiam subditorum his verbis tantum ad bonos Reges velle restrictam, quod non insurrexerint adversus Neronem, Adrianum, Decium, Valerianum, Julianum, præcipue cum ingens fuerit multitudo. Denique exempla in contrarium allata, non faciunt ad rem. Edomæi bello victi olim, cum David imperabat, poterant jure belli asserere libertatem suam, cum faverent tempora, 2. *Sam.* 8. 14. 1. *Reg.* 11. 14. 15. 1. *Paral.* 18. 12. 13. *Psal.* 60. 10. 11. Atque hoc fecerunt amore libertatis avitæ, non verò propter studium Religionis Mosaicæ, erant enim cultores idolorum, 2. *Reg.* 14. 7. 2. *Paral.* 25. 14. De civitate Libna constat, fuisse eam sociam Edomæorum, voluitque defectionis causam petere indidem, quatenus veterem libertatem præferbat novissimæ protectionis legibus. (2.) Quia Tyrannus est flagellum Dei, quo utitur ille pro beneplacito suo ad castiganda populi peccata, *Esa.* 10. 5. *cap.* 19. 4. Neque ergo debent illum subditi armis, vi, minis, veneno tollere, potius à Deo precibus seriis efflagitant, ut velit ipse Regis savientis animum

in melius convertere, *Proverb.* 21. 1. *Jerem.* 27. 12. *cap.* 29. 4. 7. (3.) Quia David Regem Saulum post atrociam in se decreta, in alios crudelia facta, deprehensum à se, ab aliis, neque ipse lædere, neque ut comites sui eum læderent, permittere voluit, adeoque vivum & mortuum honore maximo persecutus est. Errant Johannes Brentius *Commentariis ad lib.* 1. *Samuel.* *cap.* 24. fol. 375. Guilhelmus Barclajus in *Analysi Theolog.* pag. 409. Christophorus Pezelius *part.* 9. *Scholar. Theolog.* pag. 597. qui contendunt, Davidem potuisse citrà injuriam Saulo vitam eripere, postquam eum exilio damnaverant, uxorem ejus à thoro separatam alii clocaverant, Sacerdotes interfecerant. Verum aliter pronunciat David ipse, qui extrà paucos secus facta vitæ inculpatæ testimonium habet, culpa, ait, non carebit, qui manus inferre volet Regi, 1. *Sam.* 26. 9. Perindè falsum est, quod suppeditat *Nicolaus Sanderus*, excidisse regio fastigio Saulum, postquam Samuel ei denunciaverat iratum Deum, & loco ejus Davidem unxerat futurum populi Regem, *lib.* 2. *de visibili Monarchia*, *cap.* 4. Retinet Baldasar Ajala *lib.* 1. *de Jure Belli*, *cap.* 2. *dist.* 23. Verum non satis verè. Erat videlicet denunciatio prophetica ejus, quod Deus olim facturus erat. Atque uti solus Deus prædixerat, quid olim futurum esset, ita solus ipse reservaverat latæ sententiæ persecutionem, tunc cum ei videretur opportunum factu esse, ut rectè notavit Optatus Milevitanus *lib.* 2. *adversus Parmenianum*. Idemque agnoscit Samuel verbis illis: *Quomodo irem, Saulus audires illa, & me interficeret*, 1. *Samuel.* 16. 2. Denique Samuel Regem cultu non minori quàm antè, persequitur, ne quâ suspicio

nem velut de Régis indignitate, subditis injiciat, quæ fenestram ad defectionem aperire possit, 1. *Samuel*. 15. 11. 30. 31. 35. Bucherius instat, esse factum singulare, quod non sit propositum omnibus, ut velint imitari. Idque illi imprudenter nimis permittit Caspar Ziglerus, *Notis ad lib. 1. Grotii de Jure Belli & Pacis*, pag. 177. Respondeo: Imò est exemplum probitatis ejus, ad quam omnes animum intendere debemus. Hoc constat, tum quòd conscientia admonebat Davidem, ut gravissimi peccati metu desistere vellet, 1. *Sam.* 24. 6. tum quòd commendat personæ ejus sanctitatem: *Est, ait, Unctus Domini*: Scilicet dignitate Régis citra scelus violari non posse, credebatur ingenuè, non verò etiam ob perfectionem singularem, tum quòd cæco odio impletum Regem, quem Deus tollere decreverat, ab improbo aliquo, ab hoste occidi mallebat, quamvis se, qui pius erat, quem sciebat, se non posse lædere, nisi etiam pietatem amittere vellet, 1. *Sam.* 26. 10. 11. Miltonus oggerit, Davidem exercitu collecto, militavisse adversus Regem, & ob id laudari voluisse à muliere prudente Abigaile, quòd prælia Domini gereret, 1. *Sam.* 25. 28. Respondeo: Nuspiam legitur, quòd David bella gesserit adversus Regem, potius Régis gratiam verbis supplicibus non una vice, non uno loco, rogavit, eum Dominum suum agnovit, invidiam à malis authoribus concitam deprecatus, cap. 24. 7. 9. 12. 15. cap. 26. 16. 18. 19. 20. Abigailis verba pertinent ad bella, quæ olim David gesserat pro salute Reipublicæ adversus profectos hostes. cap. 18. 4. segg. de quibus Rex ipse dixerat: *Gere bella Domini*. cap. 18. 16. Atque, quæ exsul portabat, corpus suum defendit, spolia

quoque paravit de vicinis gentibus, quæ tunc temporis à devotis populis capere licebat, Regi suo nunquam contrarius, nisi unâ vice, cum volebat sese Philistinis militiæ socium adjungere, errore abreptus, qui tamen successu caruit, Deo providente, 1. *Samuel*. 22. 2. cap. 27. 8. segg. cap. 29. 2. 3. segg. 1. *Paral.* 12. 1. 2. segg. (4.) Quia literæ sacræ jubent, ut pro magistratu suo orent subditi, 1. *Petri* 2. 12. 13. segg. Ergo non volunt, ut adversus eum vitiis quibusdam obnoxium, armis, vi, minis insurgamus. (5.) Quia omnes illi, quicumque seditiones conciverunt adversus Principes suos, miserè perierunt, auctore Deo. Exemplum sunt Korah, Dathan, Abiron, *Numer.* 16. 1. 2. seg. *Psalms*. 106. 16. 17. Judas Galilæus intempestivo recuperandæ libertatis studio pectus, quia malus erat, malè periit, *Lucæ* 14. 1. 2. Josephus lib. 18. *Antiquitat.* cap. 2. Adversus turbatores illos pronuntiabat Servator: *Dare Casuris, quæ sunt Casaris*, *Matth.* 22. 21. Neque verbis arguit tantum, sed quoque exemplo reprobat, dum censum persolvit, *Matth.* 17. 27. Excipit Bucherius: Alia erat conditio Romanorum, qui armorum jure obtinebant dominium in Judæos, alia est ratio nostrorum Principum, qui jure velut suo in populum sæviunt, injusta patrando. Respondeo: Habebant equidem Romani jus quæsitum, videlicet armis, atque hoc poterat Judæos magis impellere, ut cum vires atque occasio suppetere, vellent armis libertatem suam recuperare. Principes nostri imperant jure suo, adeoque jus illud, quod exercent in subditos, non extorserunt per arma, sed omnium consensu oblatum, acceperunt. Eò magis imperium isthoc ferant subditi,

quod scientes volentes, non etiam inviti, subierunt. Quis credat, jus Regium Tiberii in Judæos armis perdomitos acquisitum sanctius esse, quàm Ludovici Bavari in Germanos, aut Henrici Valesii in Francos, quorum ille electionis, hic verò successionis titulo perfectò atque immutabili imperabant? (6.) Quia veteres Christiani adversus Tyrannos & fidei hostes Principes nunquam conspiraverunt, sed potius ad Deum preces fuderunt, ut vellet populi, vellet Regum misereri, illum conservando, hos convertendo, adeoque dare vitam proximam, imperium securum, domum intamam, exercitum fortes, Senatum fidelem, populum probum, orbem quietum, & quæcunque hominis atque Cæsaris vota sunt, ait Tertullianus, libro ad Scapulam. Et ante eum non aliter Justinus, Oratione ad Antoninum Imperatorem. Rursum Tertullianus: Circa majestatem Imperatoris infamamur, tamen nunquam Albini, vel Nigriani, vel Cassiani inveniri potuerunt Christiani. In Septimium Severum arma quasi pro Reipublicæ bono sumpserant, in Gallia & Britannia Clodius Albinus, in Syria Pescennius Niger, factum Christianis displicuit. Cassiani illi erant, qui sequebantur Avidium Cassium virum egregium, & sumptis armis, volebant Rempublicam restituere, Marci Antonini, ut agebant, negligentia debilitatam. Diximus in Recensu historiarum universalis lib. 5. cap. 2. dist. 10. & cap. 3. dist. 1.

V. Excipiunt *Miltonus* & *Althusius*: (1.) Laudantur in Sacris, qui Tyrannos neci dederunt. Ehud confodiebat Regem Eglo-nem, Jojada Reginam Athaliam objiciebat militum gladiis, *Judic.* 3. 21. 2. *Reg.* 9. 24. Respondendo: Non quæcunque Sancti aliqui fe-

cerunt, eadem aliis faciendo imitari liceat. Ehud populi sub imperio alieno gementis Princeps impulsu divino factus, manu suâ Regem oppressorem interficiebat, populumque libertati restituebat cum successu. Dei jussus efficit, ne in exemplum hoc trahi possit, ubi talis jussus non est. Brutus, qui Cæsarem occidit, paris videtur fuisse animi, sed ei uti divinum imperium, ita etiam successus defuit, uti dicemus infra dist. 7. Athalia invaserat imperium non suum, & paricidiis stabiliebat, eam igitur quavis occasione datâ, intercipere & supplicio justo afficere poterat legitimus Regni hæres, Joas, populi Procerumque favore in Regno suo stabilitus. De qua re plura dicemus infra cap. X. dist. 3. (2.) Rex est obligatus juramento ad pietatem & justitiam regendum, secundum leges præscriptas, exemplo ejus quod fecerunt Reges Hebræorum, *Josue* 1. 7. 2. *Sam.* 5. 3. 2. *Reg.* 11. 17. 2. *Paral.* 23. 3. Populus verò conditionaliter paret Regi, si pietatem & justitiam regitur. Eâ conditione deficiente, populus non est obligatus ad parendum, ideoque quævis media ad persequendum eum adhibere potest. Respondendo: Non ideo quia populus sub conditione paret, Regi potest resisti, sed ideo, quia populus innocens occidioni destinatus vitæ fortunæque suæ per leges naturæ providere debet, resistere debet tum precibus tum fugâ. Ad arma non provolabit, nisi armis prior lacessatur, & ne tunc quidem offendet, sed magis defendet. Nec enim Regum jura menta habent adjectam clausulam commissionis, ut si exorbitent, subditi potestatem habeant deserendi & depennendicos. Nulla talia fœdera inter Regem & populum Ebræorum fuerunt unquam, ut ea possent Regem obligare. *Jos.* 1. 7. est votum, quo

quo precantur bonum successum, non verò etiam contractus, à quo resilire vellent, cum videretur eis, ita expedire bono publico. 2. *Sam.* 5. 3. dicitur: *Rex David eis fœdus disposuit.* Nulla hic reciproca stipulatio est. Rex disposuit eis fœdus, exigendo ab illis, & stipulando, quod Lex Regia postulabat, populo se vicissim obligaville Regem, nec ibi, nec alibi literæ faciæ perhibent, 1. *Sam.* 11. 14. *cap.* 12. 1. 2. *seqq.* Quâ verò lege, quo fœdere, quâ conditione David & Reges quicumque imperare vellent, noverat populus, legum omnium memor, quas olim Samuel descripserat, 1. *Sam.* 8. 11. *seqq.* Denique 2. *Reg.* 1. 1. 17. 2. *Paral.* 23. 3. refertur, quòd Rex populusque Deo promiserint, velle ipsos agere secundum leges à Mose promulgatas. Nihil ibi occurrit, unde colligas, Regem promississe aliquid populo. (3.) Rex habet limitatam potestatem, quam excedendo à se populum removet, ut hic possit obsequium ejus excutere. *Respondeo:* Rex non habet potestatem limitatam, nisi quantum cohercetur divinis legibus & gentium Jure. Adversus ista agendo non leviter peccat quidem, Tyrannus verò tunc demum est, cum populi internecionem querit pravorum consiliis obnoxius. Populū conculcando, se obsequio ejus spoliatur, ita verò, ut in repudiando illo, non tam populus libertatis asferat gloriam habeat, quàm Rex desertæ majestatis culpam ferat. Qui populos aliter instituunt, & Apostolorum doctrinæ repugnant, & Imperia turbant. Summa potestas in quolibet Imperio est, cui fidem cives, milites, rustici jurant, cujus legibus omnes parent, à cujus judicii non provocatur. (4.) Rex infra Deum est, adeoque si contra Deum agit, potest rejici à subditis, qui Deo

potius obedire debent, quàm Regi. *Respondeo:* Est Rex infra Deum, & à solo Deo puniri idèò potest: Est verò supra populum, itaque non potest à populo rejici, nisi ipse prior populum internecioni consecret, armisque delere velit, velut non suum. Tunc enim qui populus subditus non est, obsequio, quod populus Regi debet, non subjacet. (5.) Rex eligitur à populo, & ab eodem populo exauthoratur meritò, cum hæcenus Rex omnis est infra populum. *Respondeo:* Falsæ & prava sunt omnia, uti antea diximus. Nihil hic valet populi superioritas, quæ nulla est, sed culpa oninis est in Rege, qui populum suum declarat hostem, & vult armis extirpare. (6.) Inter Regem & populum est obligatio talis, qualis est inter patrem & filium, dominum & servum. Atqui filius patri, dominus servo resistere potest. *Respondeo:* Nulla causa est tanta, ut filius possit à se removere patri debita officia, etiamsi omnibus suppliciis fuerit dignissimus, nisi ille prior filio debita officia abnuendo, in latronem degeneret. Tunc enim filii culpa non est, quòd pater amovetur, sed patris improbitas eum jure debito spoliatur, neque tamen hoc quoque scelus tantum est, ut parricidio vindicari debeat. (7.) Rex malus ipso jure amittit potestatem, & fit privatus, adeoque si vim facit, vi repelli potest. *Respondeo:* Nunquam fit privatus, quia ab ipso potestatem Deus solus repetere potest, à quo accepit, *Dan.* 2. 21. Ob hanc rationem ei non potest resisti, verum quia hostis est. Rex tamen est, privatus non est. (8.) Rex est infra Ordines Regni, à quibus punitur meritò, cum ita promeruit vitâ improbatâ. *Respondeo:* Fallum hoc est, quia Ordines Regni sunt Regis servi, 1. *Samuel.* 8. 17.

(9.) Rex idèd est, ut provideat negotiis subditorum. Quando igitur mandatarius fines mandati excedit, non est illi obligatus mandator. *Respondeo*: Frivolum est, quòd mandatarius sit, qui Dominus est. (10.) Ubi Judicis copia haberi non potest, tunc licet nobis ipsis jus dicere. *Respondeo*: Falsum est, nam & Prætor jus reddere dicitur, *l. j. in pluribus D. de Justitia et Jure*, cui parendum est, tunc cum sententiam iniquam pronunciat. Ubi ergò jus illud, quod quis sibi ipsi dicit? (11.) Regi, cum iniquè agit, resistere licet, secus pessimè agerentur omnia. *Resp.* Pejus multò ageretur, cum populo dantur arma adversus Reges suos. Proindè verum est, Althusium ejusmodi argumentis de: utpasse Politicam, & scribere magis pro evertenda salute publica, quàm conservanda eà. (12.) Nebucadnesar furiosus removeatur à folio, *Dan. 4. 30.* Amasias Rex Juda interficitur à Proceribus, *2. Reg. 14. 19.* *Respondeo*: Nebucadnesar ob rationem depravatam ex mota bile atra, bovis instar per desertam oberrabat, folioque carebat, interim præerat filius ejus, donec convalesceret, folioque redderetur, *Dan. 4. 30. 31. 32.* Divinitus inflictum hoc malum erat, non ab hominibus impositum. Qui Amasiam occiderunt, patricidæ erant exemplo scèdo & abominando, quod aliàs debito supplicio ulciscerentur Proceres, uti constat. *2. Reg. 12. 20. cap. 14. 5. 6. cap. 21. 20. 24. 2. Par. 33. 24. 25.* Dicit *Althusius*, justè interfectus est Amasias, non tantum quia erat crudelis, sed etiam quia defecit à Domino, *2. Paral. 25. 14. seq.* Atqui illi poterant jure à populo occidi. *Deut. 13. 6. 7. 8. 9. 10.* & prostat exemplum, *2. Paral. 15. 13.* *Respondeo*: Non omnis, qui à lege recedebat, occidebatur, sed qui

Idola palàm obtrudebat. Reges qui palàm colebant Idola, Prophetarum reprehensionibus notabantur quidem, nemo tamen concitavit subditos, ut eos interficere vellet. Causa est, quia supra leges erant. *1. Reg. 11. 5. 6. 7. seq. cap. 21. 20. 2. Reg. 21. 1. 2. seqq.* Neque igitur poterat Amasias idèd occidi, quia peregrinos Deos privatim colebat.

VI. Caterùm distinguunt vulgò, ut Tyrannus alius sit *invasione*, alius *exercitio*. Ille est, qui populum suum dolo, vi, minis in servitutem redegit, atque libertate sua spoliavit, nullo jure, sed malis artibus ad imperium provector, nullius suffragio confirmatus. Hic est, qui jure suo præest populo suo, qui eum Regem acceperunt succedendo vel eligendo, cumque hætenus fuerat bonus, deinde malus crudeliter agit, cumque populi damno maximo sevit, fas nefas perinde habendo Qui Tyrannus *invasione* est, occidi potest, siue unius civis, siue civium omnium manibus, nisi quantum ei suffragia populi dederunt, ut partem imperii habere debeat, & legitimè præesse. Ita enim jus aliquod acquirit, neque potest, nisi cum injuria manifesta occidi. Regiam potestatem Gideon deferebat Hebræi post devictos hostes, sed ille repudiabat. *Judic. 8. 21. 23.* eam filius Abimelechus ambiebat, itaque fratres suos qui ausis obstitere poterant, interficiebat. Hoc facto arripiebat tyrannidem popularium suorum ope, Rex proclamabatur, mox displicere illis cepit, inde capiebant arma Sichemita, exprobrabant viro patricidia, reposcebant jura sua, libertatem pristinam in votis habebant, dimicabant cum patris interitu, *Judic. 9. 1. 2. seqq.* Tyrannus inter homines superior, à Deo peccatas suscepit, peremptus lapidis jactu, cum turrim

turrim oppugnabat, *Judic. 9. 52. 53. 56.* Graecorum, Sicularum, Poenorum veterum acta exemplis talibus abundant, quando Tyranni citra populi atque Optimatum suffragia, imò contra Leges publicas, quibus vetabatur unus præesse cum summo imperio, existerunt, adeoque illos vel toleravit populus, cum non posset aliter esse; vel interfecit, cum non placerent. Dionysium Seniore & Agathoclem pertulerunt Siculi, Pisistratum Graeci, quòd illi non possent amoveri, nisi cum damno Reipublicæ, & quod fortè pacis bellique artes optimè callerent, privato commodo non admodum studerent, Plutarchus in *vita illius tribus*. Justinus *lib. 2. & 20.* Herodotus *lib. 2. & 6.* & nos ex illis in Recensu historiarum universalis, *lib. 2. cap. 2. dist. 1. cap. 4. dist. 4. & 6.* Ob eandem causam Nabis apud Lacedæmonios Tyrannus ferebatur, quamvis Romanorum operâ facile ejici poterat, scilicet creditum est, post relegatum eum pejus etiam habituram civitatem, & factionibus obortis, in ipsa libertatis vindicta perituram, Livius *lib. 34. histor.* Phalaridem & Dionysium Juniore Siculi, Hippium Graeci, Athaliam Hebraei, aut neci dederunt, aut forasjecerunt, crudeles nimium, formidabileque moribus, & ob id omnium odio prægravatos, Cicero *lib. 3. Officior.* Valerius Maximus *lib. 3. cap. 3. 2. Reg. 11. 1. 2. seq. 2. Paralipom. 23. 1. 2. seq.* & nos ex illis in Recensu historiarum universalis, *lib. 2. cap. 2. dist. 2. cap. 4. dist. 5. lib. 24. cap. 1. dist. 7.* Mannonem urbis Principem, cum opes suas, quibus Reipublicæ vires superabatur, ad occupandam illam intendisset, Regnumque interfecto Senatu, invadere de-

crevisset, ceperunt Poeni, & laceratum prius virgis, deinde cruci affixerunt, Justinus *lib. 21. histor.*

VII. De Julio Cæsare difficilis omnino res est: *An Tyrannus invasione fuerit, & jure occidi potuerit?* Cicero pronunciabat, Julii cædem esse divinum in Rempublicam beneficium; ejusque percussores gloriam consecutos, quæ vix cælo capi possit, *lib. 10. Epist. familiar. 25. & Philipp. 2.* Legem tulerat Valerius Publicola, ne quis supremum magistratum invaderet, aut Diti facer esset, Dionysius Halicarnassensis *lib. 5. histor.* Adeoque rectè interfectum esse Cæsarem, docent Stephanus Junius Bercus in *Uindictis contra Tyrannos*, pag. 150. 159. 161. Petrus Martyr *Commentarius ad librarium Judicum*, cap. 3. pag. 72. & non obscure Henningius Arnixus *libro de Principum auctoritate in violabili*, cap. 4. num. 13. Multæ circumstantiæ sunt, quæ Cæsarem excusant. (1.) Obtinebat ille magistratum Senatus populique mandato firmatum, paucis exceptis Optimatibus, qui sibi nomen Reipublicæ, speciosè magis quàm verè tribuebant, atque illi ipsi non tam contradicebant palàm, quàm clanculum querebantur. (2.) Non evertibat leges & judicia suæ libidini obsecutus, verùm conservabat omnia illa ad patriæ salutem, contentus parum aliquid à Republica petivisse, videlicet honoris æstimationem, virtutibus meritisque suis debitam. (3.) Non sæviebat cædibus, ut alii bellorum civilium Victores, Sylla cum primis, fecerant, imò in devotos clementer statuebat, inimicos beneficiis maximis afficiebat. *Graviserat liberis ipsâ beneficiorum potentia*, ait Florus, *lib. 4. historia Romana*, cap. 2. Ergò Tyrannus haut erat, neque

neque jure occidi poterat, pessimè verò æmuli & latrones ejus, qui spem & obsequium vultu simulabant, odium insensamque cruentam alto corde premebant, qui sibi ad eadem, quæ in Cæsare damnabant, viam moliebantur, in Curia adversus Beneficium suum conspiraverunt, ac cæde ejus auctores multarum cladum exstiterunt, quæ homines innumeros aut neci dabant, aut opibus exuebant, Suetonius lib. 1. cap. 76 & 84. Dion Cassius lib. 44. histor. & nos ex illis in Recensu historiarum universalis lib. 4. cap. 3. dist. 13. 14. 15. 16. 17.

VIII. Qui Tyrannus exercitio est, spoliari Imperio potest à subditis, quando adversus eos hostili odio impulsus agit, tunc demum odio suo finem impositurus, cum solitudinem fecit. Disserit quidem *Ferdinandus Vasques*, quod semper liceat civibus, sese in libertatem asserere, occasione datâ, quia Imperium vi acquisitum, vi contrariâ dissolvi possit, & aliud Imperium ex voluntate profectum habeat conditionem, & in eo penitenter liceat, & mutare voluntatem, lib. 1. *Controversæ*. cap. 47. num. 1. 2. seqq. & lib. 2. cap. 82. num. 3. Atqui sententia illa divino pariter, naturæ ac gentium juri adversatur, evertendisque omnibus Rebus publicis idonea est, ejusque fundamentum est nimis lubricum. Nam que (1.) Imperia ea quæ vi parata sunt, possunt contentu tacito vel expresso jus firmum accipere, ut deinceps in potestate Regis maneant. (2.) Voluntas aut ex initio constituti Imperii, aut ex post facto esse talis potest, ut jus det, quod deinde à voluntate non pendeat, neque fas sit, quod semel amissum fuerat, repetere. Dicit quidem Vasques: *Natura omnes fecit liberos*. Respondeo: Natura integra haud quidem

jussit, si aliud nullum factum hominum accesserit, vel me, vel alium esse alterius subditum, attamen natura destituta permittit, imò injunxit obsequium, & si promissum sit, jussit promissis stare, perinde uti de aliis contractibus omnibus nihil est in Lege naturæ jussum, nisi posito, cum sunt initi, hos debere servari, imperat Lex naturæ, nondum initos permittit iniri, antehac nihil jubet, nihil vetat. Pergit Vasques: *Nihil tam naturale est, quam unumquodque eo modo solvi, quo colligatum est*. Respondeo: Hinc verò sequitur, quæ mutuo consensu imperantium & parentum constituta sunt Imperia, non nisi utriusque partis consensu dirimi posse, nequaquam ex unius arbitrio, secus quam vult persuadere Vasques. Certè etiam illa, quæ spontè à populo deferuntur obsequia, non antè imperium aliquod efficiunt, quam is cui deferuntur, consenserit, & inter utramque partem contractus ratus fuerit. Namque & delata ejusmodi obsequia possunt rejici, quod vetusti & novi ævi exemplo non semel est factum. Proinde Imperium quovis modo acquisitum, obligat, postquam pactis certis est stabilitum. Hoc urgebat Agrippa, Rex Judæorum, adversus Zelotas, cum Romanis bello decertaturis arma opponebant insens: *Qui semel, ait, subactus desistit, non quidem libertatis amans dicendus est, verum subditus rebellis*, Josephus lib. 1. de bello Jud. cap. 4. Unicuique quod in isto casu excusatur, est summum & certissimum periculum, quia populi inter necio quaeritur. Adeoque Imperium non amittit Princeps, nisi eo scelere, quo id creditur peritum. Cum enim vel hinc maxime poena non debeat excedere magnitudinem delicti, imperio, quod in omnes accipit,

pit, non privandus est, nisi qui omnium sit hostis, atque ea evertere contendat, in quibus constat, incolumitatem omnium versari. Ergo, si intoleranda sint omnibus ejus scelera, & nisi in tempore obviam eatur, in exitum omnium totiusque Reipublicæ sint exitura, licebit Proceribus populoque imperium ejus dissolvere. Talis enim Princeps esse debuit. Et subdilis patientia commendata est, non quâ evertitur Respublica, sed quâ conservatur. Neque id in eos tantum Principes licet, qui adstrictum certis legibus imperium habent, sed in eos etiam, qui imperium absolutissimum acceperunt. Parenim hic eorum est ratio, cùm nec sub his, nec istis, Respublica debet everti. Quanquam verò Albinus Gentilis, Samuel Bocharde, Henningius Arniszus *l. d.* Tholosanus *lib. 26. de Republica, cap. 7.* contendunt, ne quidem summum periculum satis causæ esse, ob quam liceat Tyrannum in medicabili furore repletum, armis depellere, nos tamen ab eis dissentimus cum Wilhelmo Barleajo *lib. 3. de potestate Regis, cap. 8.* H. Grotio *lib. 1. de Jure pacis & belli, cap. 4. dist. 7. seq.* Johanne de Dicastillo *lib. 2. de Justitia & Jure, Tract. 1. disput. 10.* Keckermanno in *Cursu Philosophico, disputat. 35. quæst. 4.* Ratio est: Quia cives jure divini & gentium obligati sunt, conscientiam opesque suas tuendi adversus damna manifesta, adeoque cùm Princeps vel suâ, vel aliorum malitiâ corruptus, integram civitatem, Regni sui portionem magnam, exitio devovet, privilegia in civilibus minuendo, peregrina sacra obtrudendo, armis sæviedo, potest illa obistere conatibus improbis. Suffragantur exempla. *Rayo moles illa convelli sine convellentium exitio potest, di-*

cente Tacito, *lib. 4. hist.* Neronem postinæ vitæ deditum Senatus ferebat hætenus, ad ultimas adulationes prolapsus etiam, *quod ultimum erat in servitute*, peregit, *quoties fugas & cades jussit Princeps, toties gratias Divi acta, quæq; rerum secundarum olim, tunc publicæ cladis insignia fuerunt, ait Tacitus lib. 1. 4. Annal.* Donec eum militiæ Duces, Servius Galba Hispaniæ, & Julius Vindex Galliæ Praefecti, per seditionem everterent, & turbis exitiosis Rempublicam involverent, Senatus nihil opis attulit, nisi quod vincenti parti sese applicarent, & quod prohibere non poterant, ita fieri permitterent, ne tota civitas in præsens discrimen adduceretur, neve opes suas, vitam suam, prædæ & gladiis nilitum objicerent, adeoque Nero profugus ab urbe, mortem conscivit sibi, rerum horrendæ actarum conscientia adactus, quatenus turpiter vivendo, & crudelissimè agendo, nec amicum habebat, nec inimicum, Suetonius *lib. 6. cap. 40. seqq.* & nos ex illo in Recensu historiæ universalis *lib. 5. cap. 1. dist. 11:* Judæi hætenus parebant Antiocho Syriæ Regi, libertate sua dudum spoliati per Chaldaeorum bella, inde Persico Imperio accreverant, porro Macedonum subditi, cum Syriæ Regno coaluerant. *Tacitus:* Dum penes Assyrios & Persas Imperium Orientis fuit, vilissima pars servientium erant Judæi, *lib. 5. histor.* Sed cùm ille Tyrannidem auspicaretur, divinis pariter atque humanis legibus contrarius futurus, ad arma convolabant, ne inulti perirent, quando cædibus suorum assueverat dudum Tyrannus, & Hasamoneæ familiæ ductu impetibus fugabant hostes, allerebant libertatem, *1. Macab. 1. 11. seqq.* & nos in Recensu historiæ universalis,

lib. 24. cap. 2. dist. 4. Hispania Rex Philippus volebat patriam suam, Belgicam hostilibus modis premere, conscientias uni Deo obnoxias turbare, opes familiarum proprias ad belli civilis usum corripere, gentem pacatam funestis animis atque armis terrâ marique proculcare, itaque fœderati Belgæ civilis belli depulsores fortissimum, Wilhel-
mum Orangium, qui periclitanti patriæ saluti manum tutelarem porrigeret, nacti, & contrariis successibus protracti, multis in locis magnas hostium copias profligaverunt, urbes expugnaverunt, classes destruxerunt, in certam pro Republica mortem ierunt, Regem præliis omnibus victum abdicaverunt, exemploque ad omnia secula victuro ostenderunt, nullam vim Imperii tantam inveniri, quæ premiente metu, possit esse diuturna, Emanuel Meteranus & Hugo Grotius in *historia Belgica*, & nos ex illis in *Recensu historiarum universalis lib. 23. cap. 1. & 2.* quibus adde Martinum Schogkium, *libro de iustitia belli Belgici, cap. 5. 6. seqq.* ubi tamen causam bonam tuetur argumentis non semper bonis. De Wilhelmo Orangio scribit *Botermus*: fuisse ovetimidiores, vulpe astutiores, *lib. 4. de ratione status*. Retinet Thomas Campanella *libro de Monarchia Hispanica, cap. 27.* Falsò enim timidum arguunt, qui potentissimum Orbis Regem, consiliis & opibus validissimam gentem laceffere ausus est; qui Albanum Ducem militiæ peritissimum æquo iniquo loco ad certamen provocavit; qui pertinacem asserendæ libertatis spiritum civibus suis ingeneravit; qui causâ melior, armis superior, unâ sicarii ære conducti manu tolli debuit, argumento quòd belli artibus vinci non posset.

CAPUT OCTAVUM.

Diatriba singularis de Consecratione Regum.

SUMMARIA.

1. *Herodiani relatio.*
2. *Vestes funerie.*
3. *Leclius funerium.*
4. *Consejssu funerium.*
5. *Accessus funerium.*
6. *Exsequiarum pompa.*
7. *Cantus funerium.*
8. *Tabernaculum funerium.*
9. 10. 11. *Odores funeris.*
12. 13. *Certamina funeria.*
14. *Ustio funeria.*
15. *Aquila funeria.*
16. *Relatio inter divos.*
17. *Tertulliani relatio.*
18. *Nota ad relationem.*

I. Tanta cùm esset Regum & Principum dignitas cùm viverent, à morte consecrari meruerunt. Ritus describit Herodianus *lib. 4. histor. cap. 2.* verbis, quæ sequuntur, quæque de Græcis expressit Angelus Politianus, ut Latina essent, notas verò nostras addemus. Cæterum Herodianus ita habet: *Mos Romanis consecrare Imperatores, qui superstitibus filiis vel successoribus moriuntur, quique eo honore sunt affecti, relati dicuntur inter divos.* Ita Augustus Julium, Augustum Tiberius, Nero Claudium, Titus Vespasianum, Domitianus Titum, Trajanus Nervam, Hadrianus Trajanum, Pius Herodianum, Marcus Pium, Commodus Marcum consecraverunt, omnes aut filii, aut destinati successores. Et hæc improba ab animo nimis facili-

facili profecta indigitatio, producit Deos omnes, orbemque implevit superstitionis cultibus, *Sap. 14. 15.* Reprehendit *Kirchmannus*: Lapsus memoriæ est in Herodiano, quando Imperatores aliqui consecrati fuerunt, opibus exuti & filiorum nullorum parentes, demum quoque uxores Imperatorum inter divas relatæ sunt, quo modo Liviam Augusti uxorem consecravit Claudius, effigiem dicando, Vestales instituyendo, currum in pompa Circensi decernendo. teste Suetonio, *lib. 4. cap. 11.* Hæc ille, *lib. 4. de funeribus Romanorum, pag. 642. 643.* Verùm exempla superius allata, quorum similia passim extant plurima (& ordine referuntur apud Onutrium Panvinium, *Commentarius ad lib. 2. Fastorum, pag. 249. 250. 251.*) defendunt Herodianum adeoque certum est, primam consecrationem fuisse virorum Principum, sive hanc filiis suis, sive deberent successoribus imputare. De uxoribus Principum serius agi cepit, & quoque rarius, quando Nero etiam consecravit Popæam Tacitus *lib. 16. Annal. c. 21.* & Antonius Philosophus Faustina suam, Capitolinus in vita ejus *c. 26.* Rarius, ut dictum, contigerunt ista, & per aliquam velut imitationem, unde mos ille non poterat immutari, de quo pronuncandum est secundum primam originem, ejusque consuetudinem communiorum.

II. Est autem tota urbe quasi luctus quidam, promissus festæ celebrati, quippe sumptum vita corpus ritu hominum sumptuoso funere sepeliunt. De luctu solenni in funeribus, diximus *lib. 4. Antiquit. Roman. cap. 6. dist. 4.* Quod ait, sumptuoso funere sepeliunt, intelligi debet è communi lege ac more, quando corpora primo sunt exulta, post re-

liquæ, cineres videlicet atque ossa, vino aliisque odoribus perspersa atque irrigata, in monumentum condebantur, ut dictum est *ibid. dist. 9. 13.* Namque corpora Principum perinde ut aliorum de vulgo, sunt cremata, deinde humata. Expressè verò sumptuoso, quando in funeribus Principum vestimenta funeralia erant, pretii maximi, quamobrem decretum fuisse Claudio *funus censorium*, ait Tacitus *lib. 3. Annal. cap. 13.* Censorium, id est, honoratissimum, & in quo omnia purpuria, vestes stragulaque fuerunt, uti exponit Lipsius *notis ad h. l. pag. 194.* De Pertinace æfate eodem modo Capitolinus *funus imaginarium ei & censorium ductum est*, in vita ejus *cap. 15.* Imaginarium vocat, quod non corpori Pertinacis, utpotè dudum humati, sed ejus imagini ductum est, *censorium* nomine veteris seculi, quia Libertatis tempore Censura omnium dignitatum maxima & præstantissima habebatur, uti dictum est *lib. 2. Antiquit. Roman. lib. 2 cap. 3. dist. 5.* De Neronis exsequiis inter alia Suetonius, funeratus est impensâ ducentorum milliū, stragulis albis auro intextis, *lib. 6. cap. 50.* Hæc stragula una cum involuto cadavere absolvebantur flammis. Nam quod refert Beroaldus *enarrat. ad h. l. fol. 297.* videlicet intelligi stragula ex lino incorruptibili confecta, quæ cadaveribus Regum injecta non quidem vetarent, quominus exurerentur cadavera, interim hos cineres dirimerent à cineribus lignorum, hæc, inquam, stragula fortè apud Reges ludorum ulitata fuerant, uti è fabulosis relationibus commemorat Plinius *lib. 29. histor. natural. cap. 1.* Cæterum apud Romanos veteres & novos haut erant. Et cur fuissent? Permiscerantur tantè cineres,

quia non curabatur, & cum reliquis legabant, non quidem omnis cadaveris cineres conquirebant anxii, sed residuas ossium particulas indebant Urnæ. Subinde quidem pro affectu in defunctos aliquantulum cineris adaspererunt, verum illud & oppidò exiguum erat, & cum cineribus aromatum permixtum. Herodianus *lib. 3.* ubi describit Severi Cæsaris exsequias, τὸ πᾶσι τοῖς ἐν πύρρῃ παραδόντες, τὴν τεκνὸν συντρίψαν, ὡς αἰὲς καλὴν ἀλαθάρην ἐμβαλόντες ἀπεκρίμαζον, εἰς τὴν βωμῆν, εἰς τὰ βασιλικά ἱερὰ μνημεῖα δόσαντες. Testantur hoc Urnæ, quæ non ita magnæ sunt, & præter officula vix manipulum cineris colliquati habent, uti diximus *lib. 4. Antiquit. Roman. cap. 6. dist. 13.*

III. Sed ceream imaginem defuncto quam simillimam fingunt, eamq; in Regiæ vestibulo proponunt supra eburneum lectum maximum atque sublimem, vestibus instratum aureis. Quod de imagine cerea dicit, est apud Capitolinum verbis suprâ alatis, *funis imaginarium*, & de tali imagine Cæsaris, quam Antonius ostentavit populo, in funere Principis ejus memorat quoque Appianus *lib. 5. bellor. civil.* Tacitus *lib. 2. de funere Germanici*, ubi illa veterum instituta? præpositam thoro effigiem, meditata ad memoriam virtutis carmina? Quod in vestibulo Regiæ posuerunt, è communi lege erat, de qua monuimus *lib. 4. Antiquit. Roman. cap. 6. dist. 3.* Suetonius in exsequiis Augusti: A Bovillis equester ordo suscepit, ubi que intulit, atque in vestibulo domus collocavit, *lib. 2. cap. 100.* Neque aliter est de cæteris. Lecto imponebantur mortui, uti diximus *ibidem dist. 3.* Eburneum verò Principes viri acceperunt, quando precium olim ebo-

nec non currus Triumphantium eburneus, uti diximus *lib. 2. Antiquit. cap. 3. dist. 6. & lib. 3. Dissert. 2. dist. 4.* Lectus eburneus auro & purpurâ constratus est quoque in funere Julii Cæsaris apud Suetonium, *lib. 1. cap. 84.* & in funere Augusti apud Dionem Cassium *lib. 56. histor.* Vestibus insternebant aureis, partim quòd communiter ita fieri solebat, partim ob dignitatem quia aurea erant, ut paulò antea de Neronis funere diximus, ad augendos sumptus.

IV. Et quidem imago illa ad egros speciem pallida recumbit, circa lectum, verò utrinque magnam partem diei sedent, à leva quidem Senatus omnis vestibus atris amictum, à dextera verò matrona, quas virorum aut parentum dignitas honestat, harumque nulla vel aurum gestans, vel ornata monilibus conspicitur, sed vestibus atris exilibus induta mærentium speciem præbent. Omnia illa ferè è lege communi exsequiarum, tantum quòd lugentium dignior chorus & confessus. Vestes atræ in luctu apud viros erant, & vestes albæ apud mulieres, æque non admodum preciosæ, verum satis viles, uti diximus *lib. 4. Antiquit. Rom. cap. 6. dist. 5.*

V. Hac ita per septem dies continuos faciunt, Medicis ad lectum quotidiè accedentibus, inspectumq; velut egro deterius sese habere subinde pronunciantibus. Nobilis prætoris, sed Magnatibus propria, quando & hodiè defunctis in Gallia Regibus, non dissimile aliquid præstatur, diebus quadraginta ab excessu ministrantibus apud cereas horum imagines Aulicis, epulas apponentibus, Medicorum aditum requiritibus, perinde quasi viverent, aut saltem morbo affecti, nondum mortui essent, Thomas Demsterus *notis ad lib. 3. Antiquit. Rosini,*

pag.

pag. 479. Henricus Savilius *notis ad lib. 1.*
Tacti pag. 56.

VI. Deinde ubi jam visus est obuisse diem, lectum humeris attollunt, equestris senatorumque ordinis nobilissimi ac lectissimi juvenes, per quam viam sacram in vetus forum deferunt, ubi magistratus Romani deponere imperium consueverant. Lectus e chore exutus (quod in campo deponebatur) cum vestibus reliquis efferebatur & exurebatur, uti diximus *lib. 4. Antiquitat. Roman. cap. 6. dist. 3.* Senatorii ordinis viri succollabant, quod post Syllæ exsequias, contigit deinde in exsequiis Julii Cæsaris, Suetonius *lib. 1. cap. 84.* porro quoque in funere Augusti, de quo Suetonius, à Bovillis equester ordo suscepit, urbiq; intulit. Et paulò post: Senatorum humeris delatus in campum, crematusq;. Et deinde: Reliquis legerunt primores equestris ordinis. Via sacra erat, quæ à Curia vetere, (id est, Pompeji, quam post eadem Julii Cæsaris obstruxerant Romani, teste Suetonio *lib. 1. cap. 88.*) incipiebat, & ad Capitolium pertinebat. Pro rostris sub veteribus à Druso Tiberii filio, laudatus est Augustus, ait Suetonius *l. d.* Hæc erat ad viam sacram, & quod in Capitolio deponeret magistratus imperium suum veteri ævo, diximus, *lib. 1. Antiquit. Rom. cap. 8. dist. 6.*

VII. Utrinq; autem gradus quidam sunt ad scalarum similitudinem extructi, in quibus altera ex parte puerorum chorus est nobilissimis & patriciis, altera feminarum illustrium hymnos in defunctum peanasq; canentium verendo, ac lamentabili carmine emodulatos. De puerorum & virginum choro idem fuit in Augusti exsequiis: Canentibus nœniam Principum liberis utriusque sexus, ait Suetonius *l. d.* Quia Imperator erat

pater patriæ & communis omnium parens: Namque ex ritu nœniam caneant solum, qui propinqui mortuis erant, vel eorum loco præficerent, ut diximus, *lib. 4. Antiquit. Rom. cap. 6. dist. 4.* Aderant Sitticines, quos pingit Jacobus Laurus *part. 2. Antiquit. Roman. Tab. 12.* & contestatur Seneca: Erat omnium formosissimum (funus Claudii) & impenfa cura plenum, ut scires Deum efferri, tibicinum, cornicinum, omnisque generis æneatorum, tanta turba, tantus conventus, ut etiam Claudius audire posset, in ludo Claudii consecrati.

VIII. Quibus peractis, tollunt iterum lectum, atque extra urbem perferunt in campum Marcium, ubi quâ latissimè campus patet, suggestus quidam speciei quadrangulæ lateribus aquis assurgit, nulla præterquam lignorum ingentium materiâ compactus in tabernaculi formam. Posterioris ævi inventum artificiosum omnino erat, nam in Cæsarum primorum ustrinis nihil tale occurrit. Tantum de Julio refert Suetonius, funere indicto rogos extructus est in campo Marcio juxta Julii tumulum, & pro Rostris aurata ædes ad simulachrum Templi Veneris Genitricis collocata est, intraque lectus eburnius, auro & purpurâ stratus, *lib. 1. cap. 84.* Notavimus quæ huc pertinent, *lib. 1. Antiquit. Roman. cap. 12. dist. 17.* ubi videri possunt. Eadem scilicet vocat tabernaculum illud in forma templi extructum, ut ibi collocaretur Cæsaris corpus, donec laudatio perageretur. In foro laudabantur, ut de exsequiis Augusti refert Suetonius *lib. 2. cap. 100.* Cæsar tamen in foro ipso crematus est, non in extructo ei rogo, quod per tumultum populi evenit.

IX. Id quidem interius totum est aridi fo-

mitibus oppletum, extra autem intectis astrostragulis atque eboris signis variisq; picturis exornatum. Infrà vero alterum minusculum quidem positum est, sed formâ & ornatu persimile, portis januisq; patentibus, tertiumque item & quartum semper superiore contractum, ac deinceps alia, donec ad extremum, quod est omnium brevissimum, pervenitur.] Ejusce tabernaculi pictura est apud Jacobum Laurum l.d. Tum quoq; in nummis Antonini Cæsaris (Antonius Augustinus Tab. 42. num. 22.) Faustinae majoris Augustae (Tab. 44. num. 17.) Aurelii Cæsaris, (ibid. Tab. 47. num. 23.) Faustinae minoris Augustae (ibid. Tab. 49. num. 18. 19.) Lucillae Augustae (ibid. Tab. 50. num. 16.) Lucii Veri (Sebast. Erillus, Expositione ad nummos Cæsarium, pag. 341.)

X. Possit ejus aedificii formam comparare turribus his, quae portibus imminentes, noctu igne prelato, navem in tutas stationes dirigunt: Pharos vulgò appellant.] Opus Ptolemæi Philadelphii, Regis in Ægypto, de quo Strabo, Plinius, Pomponius Mela, Hircius de bello Alexandrino, locis plurimis.

XI. Igitur lecto in secundum tabernaculum sublato, aromata et suffimenta omnis generis, fructus, herbasq; succos omnes odoratos conquirunt atque acervatim effundunt. Quippe neque gens, neque civitas, neque qui honore nullo aut dignitate praeclat, qui certatim pro se quisque suprema illa munera honoris Principis deferant.] De odoribus & aromatis effusus in rogi apud Græcos & Romanos, diximus lib. 4. Antiquitat. Romanar. cap. 6. dist. 9.

XII. Ubi verò ingens aromatum acervus aggestus est, & locus omnis expletus, tum circa aedificium illud aequitant, universis eque-

stris ordinis certâ quadam lege ac recessu, motusq; pyrrichio, numeroq; in orbem decurrentibus.] Equi singulatores, de quibus actum est, lib. 2. Antiquitat. Romanar. cap. 6. num. 5.

XIII. Currus item decenti similiter ordine circumaguntur, in se ipsi purpuratis rectoribus, qui personae ferant, quae habent imagines Ducum omnium Romanorum, Principumq; illustrium.] Currus quadrigas pingit Jacobus Laurus l.d. in quo manifestum errorem committit. Nam in honorem Deorum Manium agitabantur trigæ, uti diximus lib. 2. Antiquitat. Roman. cap. 6. dist. 5. & convincunt meliores picturæ, quas adfert Onufrius Panvinius lib. 1. de Ludiis Circensibus, fol. 15. Quod praeferabantur Latvae, id est, imagines Ducum & Principum, est à communi lege & more, ut docuimus lib. 2. Antiquitat. Rom. cap. 1. dist. 6. & lib. 4. cap. 6. dist. 6. Huc pertinet illud Flavii Vopisci: Et dignitatem Probo derogent, quem Imperatores nostri prudenter & consecrandum vultibus, ornandum templis, & celebrandum ludis Circensibus judicaverunt, in vita Probi cap. 23. Consecrandum vultibus, id est, ut imago ejus praeferatur inter alias, quæ majorum sunt, pro functis Principum deductione. Namque hæc imagines erant facies viroorum cum humeris, et πελοποιαι, atque præterea in vexillis appendebantur, uti diximus lib. 3. Antiquitat. Roman. cap. 1. dist. 6. Malorum Principum imagines de jiciebantur, si fortè vivi posuerant sibi aliquas, neque earum ratio habebatur in processu funerum.

XIV. Quæ ubi celebrata sunt, facem capit Imperii successor, eamq; tabernaculo admoveat. Tum ceteri omnes ignem subijciunt, cunctaq; illico somitiis illis aridis odoramentis

quæ refert, a igne valido corripuntur.] Imperii succellor accendebat primus, velut proximus defuncti, nam & aliàs hoc usu venit, ut propinqui inflammarent rogos, aversâ facie, subjectis facibus, uti diximus lib. 4. *Antiquit. Rom. cap. 6. dist. 9.*

XV. *Mox ab extremo minimo, tabernaculo, velut è fastigio quodam simul cum subjelto igne adscensura in ætherem aquila dimittitur, quæ in cælum creditur ipsam Principis animam deferre.]* Aquila Regina avium & Jovis ministra, credebatur Heroum, ac Diis velut genitorum animas in cœlestes sedes inferre, ac sideribus imponere. Et quidem in Julii Cæsaris funere hanc animarum translationem credulum vulgus persuasit sibi & omnibus, propter visum Cometam. Dicebatur, esse animam Cæsaris in cælum recepti, & hanc ob causam simulacro ejus addebatur stella super vertice, Suetonius lib. 2. cap. 88. Nummos annulosque veteres qui Cometam præferunt, & habent Inscriptionem, DIVUS JULIUS, laudant Levinus Torrentius notis ad h. l. p. 63. Joh. Tristanus *Commentariis de Imp. Rom. Tom. 1. pag. 33.* Sebast. Erillus *Expositione ad nummos Cæsarium, pag. 21. 22. 23.* Æneas Vicius *Parmensis Expositione ad nummos Cæsaris, Tab. 1. num. 10. 12. 16.* Abraham Gorlaeus in *Promptuario annulorum, num. 3. 135. 157.* Antonius Augustinus in *Recensu numismatum, Tab. 2. n. 21. Tab. 9. n. 234.* De Augusti anima Suetonius: Nec defuit vir prætorius, qui se effigiem cremati euntem in cælum vidisse juravisset, lib. 2. cap. 100. Virum illum prætorium nomine proprio Nuntium Atticum vocat Dion Cassius lib. 56. *hystor.* Nummos in consecratione Principum virorum procudebant cum apposita aquila, quomodo in consecratione Princi-

pum foeminarum signabantur nummi cum apposita imagine pavonis ocellatam caudam expandentis, Abr. Gorlaeus in *Thes. numismatum, Tab. 20. n. 4.* Ant. Augustinus *Tab. 16. n. 20. Tab. 27. n. 24. Tab. 30. n. 22. Tab. 36. n. 24. Tab. 42. n. 24. Tab. 47. n. 19. Tab. 61. n. 24. Tab. 64. n. 12.* Johannes Tristanus *Commentariis de Imp. Rom. Tom. 1. pag. 587. Tom. 3. pag. 196. 201. 303.* Sebast. Erillus *expositione ad nummos Cæsarium, pag. 348.* Hoc Artemidorus lib. 2. Onirocriticorum cap. 10. dixit, *ὁ χεῖρας αὐτῶν.*

XVI. *Ac jam ex illo unâ cum ceteris Nummibus imperator colitur.]* Templis & effigie numinum per flamines & sacerdotes, quæ omnia prolixè descripsimus lib. 1. *Antiquit. Roman. cap. 12. dist. 17.* Nectantùm per Flamines, sed quoque Flaminicas. *Inscriptio Brixienfis:* P. Posthumia. P. F. Paulæ. Av. diæ. Proculæ. Rutiliæ. Probæ. Sacerd. D. Julii. Augusti. D. D. Et alia *Nem. usensu:* D. M. Domitiæ. Græcinæ. Flaminic. Aug. V. S. P. Et ibidem: D. M. Sammiæ. Q. F. Flamin. Aug. Nemauf. C. Terentius. Apronianus. Amitæ. optimæ & piiss. *Gruterus* in Volumine pag. 320. n. 11. p. 321. n. 5. 9. Exemplum hujus rei à Livia, quæ Sacerdos mariti defuncti fuit è decreto Senatus, *Vellejus:* Livia Romanorum eminentissima, quam postea conjugem Augusti vidimus, quam transgressi ad Deos sacerdotem & filiam, lib. 2. cap. 75. (Et Jacobus Schægkius notis ad h. l. pag. 397.) Eò pertinent ista *Ovidii:*

Nec pietas ignota mea est, videt hospita terra,

In nostra sacrum Cæsaris esse domo.
Stant pariter natusque pius, conjunxque sacerdos,

Numina jam facto non leviora Deo.

lib. 4. de Ponto, Eleg. 9. Dicit, se quamvis absentem, colere tamen Augustum velut Deum aliquem in Larario suo. atque illi per imitationem addere Liviam & Tiberium, quibus non minus quam patri ac marito Cæsari defuncto, offerat thura in ara privata. Natus pius est Tiberius, conjux sacerdos Livia. Inde sequitur:

*His ego de toties cum thure cremantia
verba,*

Eo quoties surgis ab orbe dies.

Sed parum hæc illi proderat adulatio, quando ab exilio nunquam liberatus apud Barbaros obiit. Cæsarem Flaminicæ, quæ Augustarum consecratarum aitis templisque præerant, memorant Inscriptiones. *Italica*: Curtiliæ. C. F. Priscillæ. Sacerdoti. Divæ. Augustæ. ordo. VI. Viral. Nec non alia *Aquensis*: Dentræ. L. F. Pollæ. Sacerdoti. Divæ. Augustæ. post. mortem. D D Et *Brixienfis*: Æmilæ. C. F. Æquæ. Sacerd. Divæ. Plotinæ. Coll. Cent. Titulo. usa. Et *Campanica*: Sæniæ. Cn. Fil. Balbillæ. Sacerdoti. Divæ. Faustinæ. Decuriones. ære. collato ob. merita. ejus. *Gruterus* in Volumine pag. 320. num. 12. pag. 321. num. 4. pag. 322. num. 12. 5.

XVII. De hac Indignatione ita loquitur *Tertullianus*: Non suffecerat veltigalium Deorum contumelia, de contemptu scilicet æstimanda, nec contenti estis Deis honorem non habuisse, nisi etiam quæcunque habetis, deprecietis aliquâ indignitate. Quid enim omnino ad honorandos eos facitis, quod non etiam mortuis vestris ex æquo præbeatis? Extruitis Deis templa, extruitis aras Deis, æque mortuis aras, eisdem titulis superscribitis literas easdem, statuis inducibiles formas, ut quicquid ars, aut negotium, aut

ætas fuit. Senex de Saturno, imberbis de Apolline, virgo de Diana figuratur, & miles in Marte, & in Vulcano faber ferri consecratur. Nihil itaque mirum, si hostias eadem mortuis, quas & Diis cæditis, eosdemque odores, excrematis. Quis istam contumeliam excuset, quæ ut aut mortuos cum Deis deputet? Regibus quidem etiam sacerdotia adscripta sunt, factique apparatus, ut thenæ, & curtus, & solisternia, & lectisternia, latitiæ & ludi. Planè quoniã illis cælum patet, hoc quoque non sine contumelia Deorum. Primò quidem, quod non decuerit alios eis annumerari, quibus datum sit, post mortem Deos fieri. Secundum, quod tam libere atque manifestè coram populo non pejeraret, contemplator cælitis in cælum recepti, nisi contemneret. quos dejeraret, tam ipse, quam ei, qui ei pejerare permittunt. *lib. 1. aduersus nationes. cap. 10.*

XVIII. Ad quæ verba cum primis notamus sequentia. *Mortuis vestris ex æquo præbeatis.*] Regibus cum primis, ut vulgus deinceps credat, fuisse illos è cælitum numero, ac venisse cælitus animos, carnemque hominum bono assumplisse. *Senex de Saturno.*] De qua re prolixius scripsimus lib. 1. Antiquitat. Romanar. cap. 7. *Regibus quidem etiam.*] Ita vocat Imperatores, qui illo ævo Regia cum potestate agebant omnia domi forisque. *Sacerdotia adscripta sunt.*] Sodalium inde numerus ingens exstitit, lib. 1. Antiquitat. Romanar. cap. 12. dist. 17. *Sacriq. apparatus et thenæ.*] Thenæ sunt vehicula sacra, quibus portabamur Deorum & Indigetum sacra, cum pompa ordinum & officiorum, in Ludis Circensibus imprimis, qui Numinum honoribus consecrati erant, uti diximus lib. 2. Antiquitat. Romanar.

Roman. cap. 6. dist. 1. Thenſa ejaſmodi, five carpentum mulare in Ludis Circenſibus traducta videtur in nummis Fauſtinae, in altera ejuſdem facie eſt Fauſtina cum patera & ſceptro, uti Dea, Antonius Auguſtinus Tab. 43. num. 20. 21. *Et curruſ.*] Notat curruſ ſacroſillos, de quibus nunc diximus. Exempla copioſa proſtant. Claudius Caeſar eſſigiem Liviae templo intulit, ac ſacra illi fieri à Veſtalibus juſſit, in Circenſi pompa curruſ Elephantorum, quo veheretur ipſa, ut Auguſtiſimulacrum decrevit, Suetonius lib. 5. cap. 11. Diſon Caſſius, lib. 60. hiſtor. Carpentum hoc mulare Liviae eſt in nummis apud Onuphrium Panvinium lib. 2. de Ludis Circenſibus, pag. 87. Et porro idem Claudius parentibus ſuis inferias publicas, patri quoque Circenſes annuos natali die, matri carpentum quod per Circum ducetur, conſecravit, Suetonius l. d. Curruſ elephantorum Auguſto poſt mortem dicatus eſt apud Ant. Auguſtinum Tab. 16. num. 24. Levinum Torrentium, Commentariis ad Suetonium, pag. 153. & 245. Curruſ Agrippinae (quem Caligula Caeſar inſtituit, docente Suetonio, lib. 4. c. 15.) eſt apud Torrentium l. d. pag. 203. Antonium Auguſtinum Tab. 18. num. 16. 17. Quadrigae elephantorum Claudio, Antonino Pio, Aurelio Philoſopho, Lucio Vero, Helvio Pertinaci conſecratae ſunt apud Antonium Auguſtinum Tab. 19. num. 24. Tab. 47. num. 17. 18. Sebaſt. Eriſſum Expoſit. ad nummos Caeſarum, pag. 317. 342. Onuſtrium Panvinium l. d. pag. 87. *Et ſoliſterna.*] Notat apparatus illos emortuales poſt exceſſum Principis, quaſi viveret ille, uti eſt ſuprà diſt. 5. *Et leiſterna.*] Similiter in deſcriptione honorum Julii Caeſaris, qui humanum ſa-

ſtigium excedeſebant, recenſet Suetonius, thenſam & ſerculum in Circenſi pompa, tenipla, aras, ſimulachra juxta Deos, pulvinar, ſtaminem, lib. 1. c. 76. Pulvinar, id eſt, leiſternium, atque de hoc genere ſacrorum, vide quae diximus lib. 1. Antiquitat. Roman. cap. 12. diſt. 9. *Latitia & Lud.*] Latitias vocat publicam hilaritatem ob conſecrationem Principis, & quos ludos intelligat, vide ſuprà diſt. 10. 11. *Contemplator cœliſtis in cœlum recepti.*] Notum, in Principum conſecrationibus id ſolenne fuiſſe, ut præmio conſecti inducerentur, qui in funere cœlum contemplando, aſſeverarent, viſiſſe ſe Principem in cœlos receptum, uti diximus ſuprà diſt. 13.

CAPUT NONUM.

Diatriba ſingularis de quatuor ſummis Imperiis.

SUMMARI A.

1. *Coloſſus & beſtiæ Danielis.*
2. *Nota ad iſta Danielis relata.*
3. *Nota continuantur.*
4. *An Romanum Imperium intelligatur?*
5. *Nota ad relata Zachariae.*
6. *Rationes, quod intelligantur Alexandri ſucceſſores.*
7. *Solvuntur rationes contrariae.*
8. *Solutio contumatur.*
9. *Solvuntur inſtantiae aliquae.*

1. **T**emporibus autem Regum iſtorum, excitabit Deus cœli regnum, quod in ſecula non deſtruetur, & regnum ipſum populo alieno non relinquetur, comminet ac conſumet.

*sumet omnia Regna illa, ipsum verò stabit in secula.] Dan. 2. 44. Messias debuit nasci tempore illo, quo Seleuci & Lagi posteritas in Asia & Ægypto regnare desit. Atqui dudum illa regnare desit. Ergo dudum natus est Messias. Major est Dan. 2. 40. 41. 42. 43. 44. ubi pars infima Colossi est prædictum de Seleucidarum & Lagidarum Imperio, alterum illud Regnum, quod circa illa tempora voluit excitare Deus, est æternum Regnum Messie. Rursum Dan. 7. 7. 8. 9. 10. 11. 12. 13. 14. bestia quarta est Imperium Seleucidarum & Lagidarum, quibus everfis, Messie adventus (quem nominat *filium hominis* vers. 15. uti frequens eadem appellatio est in Evangelio) promittitur, qui potestatem in omnes populos mundi habere debebat. Minor constat: Syriam occupabant Romani, postquam Tigranes Armeniæ Rex victus erat, Appianus in *Syriacis*; Florus *lib. 3. cap. 5.* Justinus *lib. 40.* Porro Ægyptum subegit Augustus, cæso Antonio, & extinctâ Cleopatrá, Florus *lib. 4. cap. 11.* Justinus *lib. 40.* Vellejus *lib. 2. histor.**

II. Notetur pro argumenti hujus confirmatione, unicè rectum sensum illorum esse, qui infimam Colossi partem & bestiam quartam interpretantur de Alexandri Magni posteris, in Syria & Ægypto Regibus. Ita Polychronius, Junius, Tremellius, Polanus, Grotius, *Commentarii ad Danielem*, Hugo Brugthonus, in *Concentu Scripturæ*, Grossius *Undicatione ad Locos Scripturæ*, Tom. 2. pag. 482. seqq. Pezelius in *Mellificio historico*, pag. 388. seqq. part. 1. Johannes Scarpus in *Symphonia Prophetica*, pag. 277. Daniel Chamierus in *Panstratia Cathol.* Tom. 2. lib. 16. cap. 4. dist. 8. Georgius Hornius *Notis ad lib. 2. Sulpitii Severi*, pag.

285. Breviter expendemus. Dan. 2. 28. *Quod futurum est in novissimis temporibus.]* Temporibus ab ætate nostra remotioribus, sive *posthac.* Ita enim valet id genus dicendi, ut constat Genes. 49. 1. Deuter. 4. 30. Esa. 2. 1. cap. 41. 12. Jerem. 23. 20. Proverb. 31. 25. Quod cum non satis perpendunt Interpretes, nimis prolatant complementum somnii, & tantum non extrema ejus ad mundi finem pertrahunt. 29. *Quid esset futurum posthac.]* In Regno tuo patrio, & ei propter felicem armorum progressum adjectis à te provinciis, Arabia, Phœnicia, Ægypto, Asiæ desertis, de quibus est Jerem. 25. 9. seqq. *Tu es caput illud aureum.]* Obres gestas fortiter & feliciter, ut majores omnes anteiverit gloria, τὴν αὐτῆς χαλδαίαις ὑποκρίνουσιν τὰ ἡγεμονεύει μᾶλλον, ejus apud Chaldaeos fama Herculeum vincit, ait ex Megasthene Strabo. lib. 15. Geograph. ubi vocat *ναυαχοδρόμους*. De eodem ex Abydeno & Megasthene refert Eusebius: Narrant Chaldaei, quondam cum Regiam conscendisset, numine quodam afflatum eum hæc prædixisse: Veniet Persa semiasinus, qui vestris Diis auxiliantibus, servitium imponet, ô cives! hujus mali adjutor erit Assyriorum gloria, Medus, utinam eum, antequam cives prodant, mare profundum absorbeat! utinam & ego felicem exitum sortitus essem, priusquam hæc animo meo obversarentur! Hæc ubi effatus erat, statim disparuit, lib. 9. de Præparat. Evangel. cap. 4. Semiasinus Persa est Rex Cyrus, genitus patre Cambyse, qui nobilis Persa erat, & matre Mandane, quæ Regis Astyagis filia erat, Medicæ originis. Ejus rei interpretes est Apulejus, Apolog. 1. & confer, quæ ex Herodoto diximus in *Recensu historiz universalis* lib. 1. cap. 2. dist. 3.

dist. 3. Mali adjutorem vocat Nabonidum, ultimum Babyloniarum Regem, alio nomine est Darius Medus, Dan. 5. 30. cap. 6. vers. 1. 2. seqq. de quo retulimus in Recensul. d. cap. 4. dist. 3. Eum deditione cepit Rex Cyrus ad vicum Borsippam. 39. *Regnum alterum.*] Persarum, latissimum quidem illud, uti constat Estheræ 1. 1. nectamen potensita ut Babylonicum, quando Nabogodonosor rebus præerat. Series Regum Persiarum hæc est: Cyrus, (Dan. 11. 2.) Cambyfes, (ibid.) Darius Hystaspis, (ibid. & Esdræ 4. 6. Estheræ 1. 1.) Artaxerxes Longimanus, (Esdræ 4. 7.) Darius Nothus (Esdræ 4. 24.) Artaxerxes Memoriosus (Esdræ 7. 1. Nehemiæ 2. 1.) Ochus, Artabanes, Darius Codomannus (Nehemiæ 12. 22.) Hanc quidem enarrationem optimam esse statuimus, quanquam aliter omnino Isaac Vossius in Isagoga Chronologiæ sacræ cap. 10. referat, & contendat, Assuerum (Esdræ 4. 6.) esse filium Darii Medici, qui cum Cyro expugnauerat olim Babylonem, mulisque annis, volente Cyro, imperavit: Artabastam (Esdræ 4. 7.) esse Cambysem: Darium (Esdræ 4. 24.) esse Hystaspem cognomento: Artabastam (Esdræ 6. 15. Nehem. 2. 1. cap. 13. 6.) esse Xerxen: Ahasuerum (Esther. 1. 1.) esse Artaxerxen Longimanum, adæque Nehemiam sub Dario Notho mortem obivisse. Hæc ille. Verum non approbamus ista, quandoquidem Nehemias commemorat Jaddum Pontificem, cap. 12. 10. 11. 12. & Sanballatham Cuthæum, cap. 13. 8. qui omnino fuerunt sub Dario Codomanno, & uterque horum apud Alexandrum Macedoniæ Regem præfens compellavit, uti Josephus refert lib. 11. Antiquit. *Regnum tertium.*] Græcorum sub Alexandro Magno,

qui præliis perinde ac victoriis orbem percurrit, Dan. 8. 5. seqq. 40. *Regnum quartum.*] Seleucidarum in Asia, & Lagidarum in Ægypto, quorum res integræ perstiterunt usque ad tempora proxima seculo Messia, in cujus adventu, & paulò post secuto Hierosolymorum excidio, vaticinia Prophetarum omnia desinunt, Dan. 9. 26. 27. Malach. 4. 5. 6. *Durum.*] Violentum Judæis cum primis nocentissimum. *Comminuet hæc omnia.*] Multis bellis vexabit Asiam, Ægyptum, Palæstinam. 41. *Ex firmitate ferri manebit.*] Origo illis erit à validis Regibus. Seleucus & Lagus militiæ Regiæ per Asiam Duces optimi hæcenus fuerant. 42. *Ex parte Regnum illud erit solidum.*] Modò hi prævalerunt, modò illi, neque semper penes unam partem certa erit victoria. 43. *Commiscebuntur quidem humano semine.*] Necessitudinem contrahent per matrimonia, ut idem asseritur Dan. 11. 6. seqq. *Sed non adhibebunt sibi.*] Non se habebunt fidem datam & acceptam, atque alter alterius Regnum occupare volet. Antiochus Magnus filiam suam Cleopatram dabat matrimonio Epiphani, ejus tamen vitæ & fortunæ insidiabatur, verum providebant Romani Proceres, ne Rex juvenis damnum caperet, aderatque Marcus Æmilius Lepidus Pontifex Maximus, qui Alexandria commoratus, tutorio nomine Regnum pupilli administraret. Prostant nummi argentei, qui referunt ab uno latere Cybelen turrigeram, adscripto nomine, *Alexandria* in altero, Marcum Lepidum togatum senem; qui à dextris stantem adolescentulum diademate ornat, verbis adscriptis: M. Lepidus Pont. Max. Tutor. Reg. S. C. Fulvius Ursinus in Recensum numismatum, pag. 7. Steph. Pighius in Annalibus Urbis, Tom. 2. pag. 404. Porro

Ægypti Rex Philometor filiam suam Cleopatram dabat nuptum Alexandro Syriæ Regi, mox eundem generum suum armis persecutus, vita opibusque spoliabat, 1. Mac. 11. 1. 2. seqq. Balles cognomen est Principis apud Appianum & Eusebium, potestque educi è Justino, si vera lectio restituitur, hæc enim verba ejus sunt: *Subornant propalam quendam fortis extrema hominem*, lib. 35. histor. cap. 1. Multis conatur Berneccerus in annotatis pag. 434. 435. ut ostendat, quid sit *propalam*. Frustrà omnia, Nihil verius est, ac quod scribi debeat, *Balam quendam*, uti notat Joh. Frid. Gronovius lib. 2. Observat. cap. 5. De quo nos dubitare haut sinunt illi, quos dixi, Eusebius & Appianus. 44. *Regnum quod in seculum non destruetur.*] Regnum Messie, adversus quod non prævalerunt inferorum portæ, Matth. 16. 18. 1. Cor 15. 12. seqq. *Committet omnia Regna ista*] Verbi ministerio, Matth. 28. 19. 20.

III. Sequitur Dan. 7. 2. *Quatuor venti cœli pugnabunt in mari magno.*] Tempestas sunt ingentia bella, aquæ verò sunt populi, Apoc. 17. 15. Neque enim sine magnis populorum motibus esse poterat, cum Imperia vetera evertentur, nova conderentur. 3. *Quatuor bestie magnæ ascendeant à mari.*] A populis quisque suis Imperator magnam vim opum virorumque nactus in alios ferebatur. 4. *Prima similis leoni, ceteræ erant alæ aquilæ.*] Imperii Babylonici præstantissimus Dominus Nebucadnezar, fortis & truculentus, Jerem. 4. 7. 13; cap. 48. 40. Threnor. 4. 3. Ezech. 17. 3. *Avulsis alis ejus*] Exstinctis bellorum causis. *In pedes velut hominis coacta est.*] Continuit se in pace. *Cor humanum indutum est ei.*] Exules Judæos in aliqua gratia habuit, 2. Chron. 36. 20. 21.

Jerem. 52. 31. 32. seqq. 5. *Bestia secunda similis ursæ.*] Imperium Persicum, vicinis populis infestum, propter dominandi libidine. *Habens tres costas in ore suo.*] Hæc costæ sunt tres populi, Medi, Persæ, Babylonii, è quibus sub Rege Cyro Imperium coaluit, ut diximus in Recensu historiarum universalis, lib. 1. cap. 2. dist. 3. cap. 4. dist. 3. *Comedit carnem multam.*] Multos spolia populos 6. *Alia similis parvæ.*] Imperium Græcorum celeriter partis victoris acquisitum. Quamvis verò Plutarchus libro singulari conetur persuadere, omnia virtute Regis Alexandri confecta esse, fortunæ parum imputari debere, frustrà tamen ille est. Longè meliora sunt illa *Curtii*: Fatendum est, cum plurimum virtuti debuerit, plus debuisse fortunæ, quam solus omnium mortalium in potestate habuit. Quoties illum à morte revocavit? Quoties temerè in pericula vectum, perpetua felicitate protexit? Vitæ quoque finem eundem illi quem gloriæ statuit. Expectaverunt eum facta, dum Oriente perdomito, aditoque Oceano, quicquid mortalitas capiebat, impleverit, lib. 10. histor. *Alæ quatuor volucris erant in dorso ejus.*] Ut velociter peragraret orbem. *Quatuor capita.*] Divisum à se quatuor Imperia minora effecit. 7. *Bestia quarta tinnenda est terrabilis.*] Seleucidæ & Lagidæ sub unius bestie figura describuntur, quoniam una domo oriundi, & Regis unius magnum Imperium inter se divisum administraverunt. *Dentes ferreos habebat.*] Sæviebat in Judæos, interemptis multis millibus. *Reliqua.*] Relictos à gladio. *Pedibus conculcabat.*] Carceribus vexabat, exilio damnabat, militum præsidio affligebat. *Eratq; diversa ab omnibus bestiis antecessis.*] Multò crudelior. Nam Persiæ Reges

ges & Alexander Macedo benigniter admodum cum Judæis egerant, & pro salute sua in templo Hierosolimitano preces ad Deum, & sacrificia offerri, impetaverant. *Cornua decem habebat.*] Decem Reges imprimis sese armis persecuti mutuò, damna maxima intulerunt Judæis. 8. *Ecce cornu ultimum parvum.*] Antiochus Epiphanes. *Tria de cornibus primis evulsi sunt à facie ejus.*] Partim vi, partim fraudulentis artibus suis tres Reges oppressit. *Oculi similes oculis humanis.*] Cautus in rebus gerendis. *Os loquens grandia.*] Impiis dictis adversus Deum Israëlitis prolatis. 9. *Antiquus dierum.*] Deus, qui fata rerum omnium solus temperat. 10. *Judicium confedit.*] Angeli velut ministri judiciorum, 1. Reg. 22. 19. seq. 11. *Donec occisa est bestia.*] Pompejus Syriam, Augustus Ægyptum in provincia formam redegerunt. 12. *Aliarum quoque bestiarum potestas ablata esset.*] Reliqua Asiæ & Africæ Regia mutaverant Reges suos, quæque hætenus fuerant sub Nebucadnesare, Cyro, Alexandro Magno, omnia illa vel à Parthis subjugata fuerant, vel Romanis accesserant. 13. *Filius hominis veniebat.*] Messias, de quo prædixerat Jacob, Gen. 49. 10. fore ut ad eum colligerentur omnes populi, & de quo Esaias vaticinatur, quod futurus esset *דודא* pater futuri seculi, cap. 9. 6. id est, author novi fœderis, *הנהיג את ישראל*, Hebr. 2. 5. seq. 14. *Dedit ei potestatem & honorem.*] Confer novi fœderis loca, Luc. 1. 33. Philip. 2. 9. 10. Apoc. 13. 7. seq. 21. *Bellum gerere cum sanctis & prave viventibus.*] Epiphanes bello aggressus Judæos, regionem omnem, urbes, templum devastavit, incolis aut interfectis, aut eiectionis. 22. *Judicium datum est sanctis excelsi.*] Post

versos Seleucidæ, & brevi post ablatum à Juda potestatis civilis exercitium hic. 1. 9. 1. venit Messias, novi Regni author. 23. *Universam terram.*] Judæam, partem Syriæ meliorem. 24. *Alii consurget.*] Antiochus Epiphanes. 25. *Sermones contra excelsum loquetur.*] Verum Deum, quem Judæi colunt, spernet, ejusdemque numen dictis factisque incesset, 1. Macc. 2. 6. 2. Macc. 9. 28. cap. 10. 4. 34. cap. 11. 34. 35. 36. cap. 12. 14. *Mutare velis tempora.*] Abolebit festivitates, 1. Macc. 1. 47. *Et Legem.*] Legis constitutiones abrogabit, 1. Macc. 3. 29. *Tradenturq; in manus ejus.*] Deo permittente, ut virtus honorum exploretur. *Usque ad tempus.*] Annum integrum. *Ei tempora.*] Duos annos integros. *Et dimidium temporis.*] Dimidium annum. Tribus annis cum dimidio vexati Judæi, & dira passi, armis deinceps correptis, expulerunt Syros. Confer Dan. 1. 2. 7. 8. seqq. 26. *Auferatur potentia ejus.*] Regnum Asiaticum desinet, cum Tigrares primum, deinde Romani illud corripient. 27. *Regnum autem & potestas sub toto celo dabitur populo sanctorum.*] Regnum Messic propagabitur ad omnes mundi partes.

IV. Ad Romanum Imperium applicant Hieronymus & Theodoretus, *commentar. b. l.* Sulpicius Severus *lib. 2. historia sacra, cap. 4.* Matthæus Beroaldus *lib. 3. Chronologia, pag. 203. seqq.* Paræus, Cornelius à Lapide, Pererius, Sanctius *Commentarius ad cap. 2. & 7. Danielis.* Tirinus *ibid.* Alphonsus Mendozæ in *floribus Philosophiæ, quest. 17.* Nicolaus Hemmingius in *Operibus Theologicis, pag. 209.* Besoldus *libro de Jurisdictione Imperii, cap. 3.* Daniel Brenius *notis ad Vetus Testamentum, fol. 228. 230. 231.*

Salomon Gesnerus *disputat. 2. in Daniele, quæst. 13. 14. 18. disput. 7. quæst. 5. 8. 9. 10. 12. 13.* Johannes Gerhards, *Loco de Magistratu Politico, dist. 135. seqq.* Ananias Sturcius *Disseratione de quatuor Monarchiis*, Benedictus Carpozovius *Commentariis ad Legem Regiam, pag. 74.* Petrus Laurebergius *in Epitome Politica, cap. 6. dist. 2.* quos vulgus Interpretum sequitur. Bakius scribit: Si Romana Monarchia non indigitur Dan. 2. & 7. capp. utique cum Judæis dubitare oportet, an jam venerit Messias. Debuit enim Messias sine manibus abscindi velut lapis, Dan. 2. 45. sub quarta Monarchia, quæ si nostra Romana non est, quæ tandem fuerit? In Enarrat. Evangel. pag. 141. Respondeo: Planissima est demonstratio, quam paulò antea proposuimus: Messias debuit nasci post Syrorum & Egyptiorum Regna eversa. Atqui dudum illa eversa sunt. Ergò Messias venit. Contraria sententia impedit potius, ne Judæi agnoscant tempora Messie, quando multa de Imperio Romano & Antichristo, nec non de Turcis & Saracenis multa sic annotantur, prorsus à mente Vatis diversa, utpotè de rebus populum suum concernentibus solliciti.

V. Par locus est Zachariæ 6. 1. 2. seqq. *Ecce quatuor currus prodibant e medio duorum montium.* Sunt montes Ciliciæ, per quos commeabant Assyrii, Babylonii, Persæ, Macedones, quando in Syriam & Egyptum ultrò citroque adire volebant. *In curru primo equi rufi erant.* Chaldæi truculenti. *In curru secundo equi nigri.* Persæ vastatores orbis. *In curru tertio equi albi.* Græci semper victores, & cum triumpho, erant enim equi albi in triumphis, uti diximus lib. 3. Antiquit. Rom. dissert. 2. dist. 4. *Et in curru quarto equi vari.* Lagidæ & Seleucidæ

in Ægypto & Asia potentes. *Sunt quatuor venti colorum.* Imperiis toto orbe notissima. *Egrediuntur.* Viribus armantur, populorum concursu. *Ut stent coram Domino terre.* Efficiant decreta ejus. *Equi nigri egrediebantur in terram Aquilonis.* Persæ expediebant in Babyloniam, & Nabonidum profligabat Cyrus. *Albi egrediuntur post eos.* Græci victricia arma sumperunt adversus Persas, qui Babyloniam devictam obtinebant cum citeriori Asia & partibus Africa. *Et vari egrediuntur in terram australem.* Seleucidæ per Asiam potentes, è Babylonia profecti, exercitum ducebant in Egyptum, Dan. 11. 5. 6. 7. seqq. *Robustissimi.* Antiochus Epiphanes turbis ubique gentium excitandis aptissimus. *Exierunt.* Obibat cum exercitu suo per vicinos populos Egyptios, Armenios, Parthos, Judæos, Arabas, ut spolia daret vel acciperet, Dan. 11. 40. 41. 42. 43. 44. *Et dixit.* Nempè Deus, sub quo Reges omnes sunt. *Perambulavit terram.* Volebat enim Judæorum pietatem eluti ad cotem explorare, Ezech. 38. 11. seq. Dan. 11. 16. seqq. *Qui egrediuntur in terram Aquilonis.* Cyrus cum exercitu progressus in Babyloniam. *Requiescere fecerunt spiritum meum.* Consecrunt ultionem meam super populum istum decretam, Esa. 44. 23. cap. 45. 1. seqq. Jerem. 50. 1. 2. seq. cap. 51. 1. 2. seqq.

VI. Argumenta nostra sunt ista: (1.) Regnum illud intelligitur, quod circa adventum Servatoris desinebat, Dan. 2. 40. 44. 45. cap. 7. 23. 27. Verùm cum adventu isto non desinebat Imperium Romanum, ac potius efflorescebat, destructis per Romanos Syrorum & Egyptiorum Regnis. Excipit *Felveringerus*: Eversio ista non debet intelligi ratione dominii temporalis, sed extir-

patz

patæ idololatriæ. Probatur, quòd Seleucidæ & Lagidæ jam desiverant ante Christum natum, quodque Vates prædicit statum Ecclesiæ militantis in his terris, quæ non tollit Politias, non verò Ecclesiæ in vita altera triumphantis. *Respondeo*: De eventis civilibus principaliter agit vaticinium, uti constat satis, quando Nebuchadnefâr animo sollicito inquirebat de futuris, non quidem in Ecclesia, sed in vasto Imperio illo, quod ipse armis suis constituerat, *Dan. 2. 29.* Proinde everfio debet intelligi ratione domini temporalis, quando Babyloniorum, Persarum, Græcorum Imperia hætenus mutabantur in civili rerum administratione, ab Idolorum cultu non repurgabantur. Lagidæ & Seleucidæ paulo ante adventum Servatoris desiverunt, hoc sufficit, quando modicum non curat sive Prætor, hæc Vates. Quæ de statu Ecclesiæ militantis adduntur, Deus scire voluit Judæos, ut de novi fœderis apparatu eò minus errare possent, adeoque describitur, quid futurum esset, non quid Ecclesia ex sese præstaret. (2.) Regnum illud intelligitur, quod cum primo ortu suo habebat duo crura. Verum hoc est de Lagidis & Seleucidis, qui post Alexandri Magni obitum, particulas Imperii ejus meliores corripuerunt, non etiam verum est de Romanis, qui aliquot demum seculis post natum Christum, Orientis & Occidentis Imperia condiderunt. Excipit *Felvingerus*: Non dicitur in textu, quòd statim cum initio sui deberet Imperium illud esse divisum, verum hoc vult, quòd Judæi post natum Christum non deberent animis collabi, quando ille debebat instituire æternum & immutabile Regnum, & sub illo quartum Regnum debe-

bat comminui quoad cultum Idolorum. *Respondeo*: Imò expressè dicitur, quòd cum prima origine habere debeat crura duo. De Judæis verum est, quòd habere debebant certissima signa adventus Messîæ, verum illa petenda erant inde unicè, si non amplius existerent potentes illi Syriæ & Ægypti Reges, invicem litibus & bellis operam navare soliti. Projectus Idolorum cultus non tam debebat esse prænuncium signum venturæ Messîæ, quàm effectus ejus postquam venerat novi fœderis author, *Esa. 9. 2. 3. cap. 11. 10. cap. 42. 1. 4. 7. cap. 49. 6. cap. 60. 1. 2. 3. Zeph. 3. 9. Zach. 9. 10.* (3.) De illo Regno loquitur Propheta, ubi Regum amicitia per matrimonia coalescere, quanquam fide instabili, debebant. Atqui nihil tale in Imperio Romano factum est, sed multoties contigit in Seleucidis & Lagidis, *Dan. 2. 43. cap. 11. 6. 1. Macc. 10. 51. segg. cap. 11. 12. seg.* Ergò. Excipit *Felvingerus*: Postquam divisum fuit Imperium Romanum, tentabatur unio per matrimonium Caroli Magni & Irenes, verum non successit. *Respondeo*: Frustrâ ad Carolum Magnum abitur, tùm quòd finis vaticiniorum omnium veteris fœderis, est cum destructione populi Judaici, *Dan. 9. 27. Malach. 4. 6.* tùm quòd Daniel ipse interpretatur de Asiæ & Ægypti Regibus, *Dan. 11. 5. segg.* tùm quòd agatur de matrimoniis consummatis, quanquam hæc non potuerint bellorum causas tollere. De Caroli Magni tentatis cum Irene Orientis Regina nuptiis dici non potest, quòd consummata fuerint. (4.) Regnum illud intelligitur, quod ante adventum Servatoris in carnem, veri Dei cultum apud Judæos impediabat, *Daniel. 7. 25. 26. 27.* Atqui non Romani, verum Seleucidæ &

Lagi-

Lagidæ ante adventum Servatoris impediverunt veri Dei cultum apud Judæos. Ergò. (5.) Illud Regnum intelligitur, quod obtinuit primam universalis Imperii sedem, Babylonem, post Babilonios, Persas, Macedonas. Atqui Romani nullo unquam tempore obtinuerunt primam universalis Imperii sedem, Babylonem: Obtinuerunt verò illam Seleucidæ. Ergò non intelliguntur Romani, verum Seleucidæ. Excipit *Felvvingerus*: Non obest sollicitudo Regis, siquidem vaticinii scopus est, Regi manifestare statum Regni sui post mortem, videlicet Deum traditurum illud gentibus aliis, puta Persis, Græcis, denique Romanis, quorum Imperium suo tempore divideretur in Orientale & Occidentale. *Respondeo*: Atqui Romani non habuerunt Babylonem, quæ erat Imperium Nebucadnesaris. De cæteris patet ex illis, quæ diximus.

VII. Serio contradicunt Gesnerus, *disputat. 2. & 7. ad Danielelem*, Christoph. Helvicus in *Synopsi historiae universalis, pag. 5. seqq.* Christ. Matthias in *Theatro historico lib. 1. pag. 1. 2. 3. prolegomen. & lib. 4. pag. 1. 2. 3. prolegomen.* Graferus in *historia Antichristi, pag. 45. seqq.* Petrus Molinæus in *Exegesi vaticiniorum, pag. 450. seqq. & pag. 502. seqq.* Reineccius in *Clavi Theolog. lib. 4. pag. 111. 112.* Cl. Felvvingerus in *Dissertationibus Politicis, pag. 340. seqq.* & pro Imperio Romano has adferunt rationes: (1.) Quarta bestia superstes erat tempore eo, quo Servator nascebatur, *Dan. 2. 44. 45.* Atqui Syriæ & Ægypti Reges dudum everfi erant per Romanos, Romani supererant tunc cum Servator natus est. Ergò Romani intelliguntur, non Reges alii. (2.) Quarta bestia est prorsus alia & diversa ab omnibus præce-

dentibus, *Daniel. 7. 19. 31.* Lagidæ & Seleucidæ non sunt alii & diversi à præcedentibus, erant enim successores Alexandri Magni, *Dan. 7. 6.* Ergò non sunt bestia quarta. (3.) Parvum cornu est majus præ cæteris decem, *Dan. 7. 24.* Verum Antiochus Epiphanes, qui corniculum censetur esse, non fuit potentior cæteris, postquam Antiochus Magnus prælio à Romanis victus, optimas provincias tradiderat. Ergò (4.) Non possunt monstrari cornua tria, quæ Epiphanes avulit, si ille corniculum est. (5.) Nec possunt monstrari cornua decem in successoribus Alexandri Magni. (6.) Post eversum corniculum, debet sequi Regnum perpetuum apud Sanctos in cælis, *Dan. 2. 44. 45. cap. 7. 22.* Atqui post obitum Epiphanis nondum adeat regnum cæleste. (7.) Regnum, de quo Propheta agit persistat ad novissimum diem, *Dan. 7. 9. 17.* At Seleucidæ & Lagidæ ante Servatoris adventum deliverunt esse. Ergò. *Hæc illi.*

VIII. *Respondeo*: Non ita dudum post everfos Lagidas venit Servator, adeoque verum est, quod Regum istorum memoria adhuc durabat, idque sufficit ad defendendam notationem temporis. (2.) Imò diversa est ideo, quia distracta est in plures dominatus particulares, cum antea Regem unum Alexandrum Magnum haberet. (3.) Non dicitur in Ebræo, quod corniculum sit majus futurum, sed locus recte conversus ab Ariz Montano sonat, *ipse dissetet à prioribus*, id est, decessores suos exercitâ in Judæos crudelitate, vincet, *vers. 23. 24.* Neque enim quisquam Regum Syriæ vel Ægypti ita in Judæos crudelis fuit, quàm Antiochus ille ὁ ἐπιφανής, de quodidem Propheta accuratè agit, *cap. 11. 28. seqq.* (4.) Antiochus obfes Roma-

Romanus vilis & degener à patre suo æstimatedus, *Dan. 11. 21.* partim vi armorum, partim artibus fraudulentis tres Reges legitimos oppressit. Seleucus Rex frater ejus occisus est, operâ Heliodori Purpurati, quem ad eandem hanc perpetrandam, occultis promissis Antiochus permovisse non vanè creditur. Spoliatus Regni honore Demetrius, ejusdem Seleuci filius, & legitimus hæres, qui postea illud repetere armis: Regno Ægypti pullus ferè est Ptolomæus Philometor. Confer Appianum in *Syriacis*, 1. *Macc. 11. cap. 14. 1. seqq.* *Dan. 11. 23. 23. 24. 42. 43.* & nos in Recensu historiarum universalis, lib. 3. cap. 2. dist. 8. 9. 10. Reperunt: Antiochus non potuit bello vincere Demetrium, quem constat, successisse demum Antiochi ejus filio. *Respondeo:* Cùm Regni hæres Demetrius esset, præterito illo, Romanorum consensu, & Eumenis Asiæ Regis commendatione adducti Proceres, Antiochum constituerunt Regem, eique Antiochus Eupator, filius ejus, successit, quo demum occiso, Demetrius patriam hæreditatem recuperavit, 1. *Macc. 7. 1. 2. 2. Macc. 14. 1. Josephus lib. 12. Antiquit. cap. 15. (4.)* Possunt utique monstrari decem cornua illa: Ptolomæus Lagus (qui Judæorum multa millia abduxit à Palestina, Josephus lib. 11. *Antiquitat. cap. 1.*) Seleucus Nicator (qui primus Judæam corripuit, veluti inclusam Syriæ territorio) Ptolomæus Evergetes, Seleucus Callinicus, Antiochus Magnus, Ptolomæus Epiphanes, Seleucus Philopator, Antiochus Epiphanes, de quibus omnibus plura diximus in Recensu historiarum universalis, lib. 3. cap. 2. dist. 1. seqq. Reperunt: Non quidem Reges, sed Regna indicantur. Neque Reges Ægypti debent permisceri cum

Regibus Syriæ. Denique corniculum Epiphanes oritur post decem cornua illa. Ergò non potest decem illis accenseri. *Respondeo:* Nego, quòd Regna indicuntur: Cornua prominent in animali, sic Reges inter Regni cives. Eminenter notat illos utriusque domus Reges oppressores, qui Judæam afflictiuri essent, vel per se, vel occasionem à bello nacti. Reges Syriæ & Ægypti permiscuntur, quoniam fuerunt ejusdem originis, nempe ab Alexandro, eorumdem morum, quoniam bello invicem sese vexabant, & Judæos, qui perinde ut Syri & Africæ prevaluerunt, nunc horum, nunc illorum vestigia sequi cogebantur. Epiphanes, quòd ortum, est ex decem illis, quòd res gestas, discernitur ab illis. (5.) Sanctos intelligit, non illos in cælis qui triumphant, sed in terris qui militant hæcenus, per communionem Sanctorum, quorum nomina perscripta sunt in cælis, quique animo jam in cælis sunt, cælestia cogitant, curant ea, quæ ducunt illuc, cælestibus legibus reguntur, *Philip. 3. 20. Apoc. 4. 8. Luc. 10. 20. Hebr. 12. 23.* Post Seleucidas & Lagidas everlos venit Messias Rex Sionis, & per Evangelii præconium conscribit orbe toto gentes, *Psal. 2. 9. Zach. 12. 3. 4. 5. Matth. 16. 18. seqq. cap. 28. 18. 19. 20. Luc. 1. 33. seq. (7.)* Major fallit, nec enim potest hoc exponi de judicio extremo. Ratio hæc est: Lapis ille de monte revulsus, & filius hominis in nubibus veniens, totum orbem implebant gloriâ. Atqui Regnum Christi non demum post ejus adventum in judicio universalis, erit gloriosum, sed tale cepit esse cum primo adventu ejus. docendo, moriendo resurgendo, in cælos ascendendo, *Psal. 110. 1. 2. seq. Hagg. 2. 4. 5. seqq.* Id ostensum fuit, cùm ingruerat ventus magnus, & implebat

plebat totam domum, in qua sedebant Apostoli, *Actor. 2.2.* Ventus signum divinæ præsentis, *Gen. 3.18.* & quidem vehemens, ut magnitudo donorum supra Prophetas indicetur. Domusque tota impletur, præfagium sic etiam implendi totius orbis, per quem Ecclesia diffusa est, quatenus Apostoli prædicare impiis debebant potentiam Dei, quæ Jesu resuscitato apparuit. Idem præcipuum argumentum fuit, quo conversus est mundus, *Actor. 1.22. cap. 2.24. cap. 3.33.* Est ergo iudicium particulare *ἰσθῆρς πᾶσι*, ut notetur, divino consilio Regnorum periodos dispensari, & ab uno populo ad alium transferri. Confer *Psal. 50.1.2. segg. 1. Reg. 22.19. segg.*

IX. Instat *Gesnerus*: (1.) Venit filius hominis cum nubibus cæli & magnâ potentiâ. Atqui hoc non est factum, cum veniebat in carnem. (2.) Venit filius hominis ad iudicium. Atqui in primo adventu non venit Servator, ut quenkumque iudicaret, *Joh. 3.17. cap. 12.46.* (3.) Venit filius hominis cum Patre & Spiritu sancto, nec non cum Sanctis aliis. Atqui ita describitur iudicium novissimum, *Matth. 25.31. seg. Luc. 22.69. Apoc. 4.3.4. segg.* (4.) Aperiuntur libri, quæ circumstantia iudicio ultimo convenit, uti *Apoc. 20.11.12.* videre est. (5.) Protus abolentur Imperia, quod non est factum in primo adventu Servatoris. (6.) Regnum & potestas dantur populo Sanctorum Altissimi, quod non est factum in primo adventu, sed fiet in novissimo iudicio, *Matth. 25.34.* Sic ille *disput. 7. ad Daniele m. quæst. 24.* Respondet: (1.) Verè ad patrem rediit filius hominis in nubibus, cum in cælos ascendit, & Apostolis suis paulò antè præcepta dederat, ut Regnum gratiæ, quod per adventum pri-

mum sanciverat ipse, prædicarent orbe toto, *Luc. 24.48. seg. Actor. 1.4.5. seg.* (2.) Iudicium hic describitur, quo Deus factorum arbiter, voluit Asia & Africa Regna hæc æternus Regum suorum potestate obnoxia, ad peregrinum statum redigere, idque futurum erat eo ferè tempore, quo Servator orbis tot Prophetarum vaticiniis celebratus, tantis piorum omnium votis postulatus, venire, & novum Regnum auspiciis suis condere, novumque populum conscribere debebat. (3.) Etiam particularia iudicia describuntur per solennem confellum, ut Deus secum habeat præsentis Angelos, rerum humanaum vicarios Rectores, *1. Reg. 22.19. segg. Dan. 4.14.21. Joel. 3.1.2. seg. Apoc. 1.7. (4.)* De libris perinde est in iudiciis particularibus, suntque libelli acta litis: Per acta litis intellige hominum cogitata, dicta, facta, quomodo Reges habent commentarios rerum gestarum, *Malach. 3.16.* Verbo, notatur, quòd series factorum sit revoluta. (5.) Omnino factum esse constat. Ubi enim Seleuci & Lagi Regna erant tempore eo, quo Servator veniebat in carnem? (6.) Doctrina Evangelii invaluit per orbem, ut Jesus Nazarenus ubique coleretur autor fœderis ejus, quod in melioribus promissis fundatum est, eoque major gloria hæc erat, quando notum est, Legem veterem populo unitam, exiguis Palestinæ finibus sese continuisse, *Philip. 2.9.10.11. Apoc. 4.10.11. Psal. 147.19.20.* Et quòd in veteri fœdere mentio est cuiusdam novi fœderis, *Jerem. 32.40.*

Dan. 9.24. seg. At in novo fœdere asseritur, nullum exstiturum posterius, *Matth.*

28.20.

CAPIT

CAPUT DECIMUM.

De civili potestate Papæ.

SUMMARI A.

1. *An Papa habeat potestatem civilem?*
2. *Rationes pronegativæ.*
3. *Solvuntur rationes contrariæ.*
4. *Monachi parricide.*
5. *Galliæ Regis periculum.*
6. *Navarræ Regis fuga.*

I. **P**APA Latinus, postquam sedem primam inter alios Patriarchas, amplissimarum Ecclesiarum Praefectos, Imperatorum commendatione & suffragio obtinisset, pertæsus fortunæ suæ, ingratusissimus erga Dominos suos, Imperatores, ne beneficium illis deberet, & quasi nihil dum egisset, ad temporalem dominationem unâ habendam, omnes animi nervos intendit. Et successit, ut libertas Christiana in horrendam servitutem verteretur, ut servi insiderent equis, Principes verò ut servi irent super terram, Eccl. 10. 4. Itaque docent Canonistæ veteres & novi Pontificii, quòd Papa habeat dominium in Reges & Principes imprimis Christianos, ita ut eorum acta inspicere, approbare, pro lubitu reprobare possit, norigeros præmiis afficere, & nisi ad quævis iussa ejus pareant, nisi Papalem auctoritatem defendant, excommunicare illos deprivare illis, id est, cives sacramento & religione obsequii exsolvere, solio deurbare, cædibus privatorum obijcere impunè, alios subrogare possit, velut summus & unicus orbis ad Christi fidem conversi,

Rektor. Magnò conatu hoc olim egit, decretisque stabilivit Hildebrandus Papa, alio nomine Gregorius VII. vir perversè crudelis, Imperatoris Henrici IV. funestus hostis, uti docent acta ejus descripta apud Benno-nem, Platinam, Balzum, quibus adde Philippum Moeræum, in *mysterio iniquitatis*, pag. 8. seqq. Abrogabat ille Cæsari Dominio suo contra omne jus fasque Imperium, jubebatque pro Imperio, ut Proceres Cæsarem autum eligere vellent, Imperatori novo ab eis electo favebat ita, ut Proceribus illis prolixas grates ageret, peccatorum omnium remissionem in hac & futura vita concederet, Sigonius lib. 9. *historia Italica*, & nos lib. 10. *historia universalis*, cap. 2. dist. 5. 6. Frustrâ verò occupatur Onuphrius Panvinius *libris quinque de rebus gestis Hildebrandi*, ut ferrea decreta vel excuset, vel defendat. Porro defendunt illa Mari ha Neapolitanus *Tractatu de Jurisdictione* lib. 1. cap. 18. 19. 20. Baluhasar Ajala *de Jure belli* lib. 1. cap. 2. num. 2. 7. Nicolaus Sanderus *libris de Monarchia visibili*, Caspar Scioppius in *Ecclesiastico* cap. 42. seqq. Thomas Bozius lib. 3. *de ratione status* cap. 1. 2. 3. seqq. Franciscus Bozius *libris quinque de temporalis Ecclesiæ jurisdictione*, Bellarminus lib. 5. *de Pontifice Romano*, cap. 6. 7. 8. Franciscus Suarez *adversus sectam Anglicanam* lib. 6. cap. 4. Johannes Azorius lib. 8. *Institut. moral.* cap. 13. lib. 10. cap. 9. Adamus Conzenus lib. 6. *doctrina civilis* pag. 8. 9. Vitus Erbermannus in *Bellarmino vindicato*, Tom. 1. pag. 439. seqq. Antonius Cordubensis in *Controversiis Theologicis* lib. 1. *quæst.* 57.

II Contrarium rectè docent Antonius de Rosellis *libro de potestate Cæsaris & Papæ* part. 1. cap. 20. seqq. & part. 2. cap. 1. seqq. Ro-

gerius Widringtonus Anglus, *Apologia pro juramento fidelitatis*, Edmundus Richerius Parisiensis, *libro de Ecclesiastica & Politica potestate*, Johannes Bedæus *libro de Jure Regum*, Robertus Abottus *libro de suprema potestate Regis*, Petrus Molinæus *lib. de temporalis potestate Papæ & Regum*, & cum illis Johannes Bodinus *lib. 1. de Republica, cap. 10.* ubi prolixè adfert veterum Germaniæ Imperatorum concertationes adversum Italiæ factiones Procures, horumque assignationum Papam, à quorum potentia Imperatorum nostrorum majestas ita diminuta fuerit, ut antiquæ gloriæ vix umbra quædam restare videatur: suæ verò gentis Reges laudat, qui à Papis ita vexari noluerint. Ita ille, patriæ suæ studiosus cum populorum aliorum contemptu, non quidem ut Papæ facinora approbet, sed ut Imperium Germanicum more suo verbis læscat. Non tamen eum latere poterat, quod vulgò dicitur:

Non humiles frutices iram metuere Tonantis,

Excelsus quercus, annosus fulminat ornos.
Tonabat Papa in Cæsares, subditus in Dominos suos, ab ejus fulmine haud metuebant Franciæ Reges, quibus cum Italiæ Imperio nihil fuit negotii post abdicatam Caroli Magni familiam, unò, à quibus larga munera petere sibi sueverant Papæ. Cæsares Germaniæ volebant Imperio suo continere Italiam, Papam, civitates, illam uti provinciam suam, istum uti vasallum ligum pariter atque subditum, has uti provinciales, aut si fortè liberas, non tamen ab Imperio exemptas, haud aliter quàm Dominus in servum fugitivum perpetuam manus iniectionem sibi reservat. Hinc illæ seditiones mo-

tæ in Ottones, Henricos, Fridericos, Ludovicos, Papis ipsis exitio & multoties. Nimirum hoc istorum Cæsarium fuit proprium, ut virtutes suas, quibus ad posteritatem clarissimi sunt, non ostenderent sine comite invidia, sed quantò altius illæ radices egerant, tantò magis eidem expositæ essent, utque adeò quàm nihil ex omni parte beatum sit, exemplis magnis comprobaretur. Unicum fuit, quod adversus eos provocare malos conatus poterat, non vitium quidem, quod vituperio esse, quodque Imperii majestatem diminueret possit; tale tamen quocumque majestas admodum rarè, & fortè nunquam sine insigni aliquo detrimento consistit. Et erat id quidem nimia LENITAS. Quæ virtus in vitium tracta fuit inter facinorosos, & quia Religionis metu connivere volebant Cæsares, turpe putabant Cæsarium hostes, per indulgentiam istam non inoliri ea, quibus tam insignis patientia magis magisque exerceri posset. Demùm non soli Germaniæ Imperatores sunt, quos exagitare Papa voluit, evolvatque Bodinus annales suæ gentis, & observabit, Papas non aliter egisse cum Galliæ Regibus, Philippo Augusto, Philippo Pulchro, Carolo VII. Ludovico XII. Henrico Navarrheno, de quibus egimus in Recensu historiæ universalis, *lib. 13. cap. 3. dist. 5. cap. 4. dist. 16. cap. 5. dist. 1.* Cæterum illa Papæ arrogata potestas merito impugnatur. Rationes sunt: (1.) Quia Christus. serio interdixit Apostolis, omnibusque verbis sacri præconibus, ne vellent in Regum jura involare, *Matth. 20. 25. Luc. 22. 24.* Reges gentium dominantur, vos autem non sic, qui maximus inter vos, sicut minimus esto. *Excipiunt:* Non remonet Dominus regimen omne ab Ecclesiâ, sed istud saltem, quod

quod cum sævitia conjunctum est , itaque additur , *vos autem non sic* , videlicet more Tyrannorum , qui populos regunt , Becanus *lib. 2. de Republ. Ecclesiast. pag. 187. seqq.* Cornelius à Lapide *Commentario ad Matthæum p. 12. 390.* Respondeo: Simpliciter interdicat dominio illis , quos vult esse inter se pares , humiles , ministros . Ergo illud à Clericis remouetur , quod directè opponitur ministerio , uti ministerium esse , & habere sibi ministrantes , opponuntur , *Matth. 20. 28.* Atqui hoc est dominium . Ergo dominium à ministris remouetur . Nec verò tantum prohibetur dominium crudele : Quod enim Servator Regibus attribuit , hoc Regibus omnibus convenit . Omnes Reges Tyrannos esse , nemo affirmaverit . Et cupiebant Apostoli , ut participes fierent ejus Imperii , quod Servator auspicaturus erat , *Luc. 24. 21. Act. 1. 6.* Hoc verò uti crudele nullum erat , ita ipsi credebant , futurum esse civile . Verba *ὁὐκ ἔστιν* negant simpliciter , quomodo *ἵνα* apud Hebræos valent , *Gen. 4. 15. Psal. 1. 4. Matth. 19. 8. Eph. 4. 20.* Denique remouebat Servator has curas ab eis , quod non posset esse verbi minister cum debita industria , ille , qui civilibus negociis seque suosque labores addiceret , *2. Timoth. 2. 3. 4.* Quod enim Bellarminus *lib. 5. de Pontifice Romani , cap. 9.* Franciscus Bozius *lib. 5. de Jurisdic. Eccles. cap. 10.* conquirunt exempla eorum , qui Reges atque unà Sacerdotes fuerunt , ut Melchisedechus , *Gen. 14. 18. 19.* & Hasmonai , *1. Maccab. 2. 1. seqq.* hoc , inquam , parum juvat . Erat apud populos vetustos Sacerdotium velut accessorium Regni . itaque Justinus refert de Mida Rege , quod ab Orpheo sacrorum solennibus initiatus , Phrygiam religionibus implevit , *lib.*

1. cap. 7. Verùm Respublica Hebræorum uti à Deo constituta est , non admisit Reges , qui Sacerdotes insimul essent , distinctos potius voluit esse , & Sacerdotes quidem Regibus inferiores atque subiectos , *Exod. 28. 1. 2. seqq. Jos. 22. 13. 1. Sim. 22. 13. 14. 1. Reg. 1. 7. 8.* Cæterum sub Hasmonæis antiquus mos restitui cepit , ac toleratus fuit , velut titulus aliquis Legis ceremonialis , quam Servator proximo tempore adfuturus debebat adventu suo abolere , uti veniente corpore cellant umbræ , *Coloss. 2. 17. Hebr. 7. 1. 2. seqq.* Hodiè aliter est , *neque potest quis simul Deo & seculo militare* , uti est in Concilio Meldensi *cap. 37. (2.)* Quia monitorum istorum curâ ducti Apostoli non imperaverunt Regibus , quæ agere deberent , sed obediendo eis subditi fuerunt , utque privati omnes ita agerent , admonuerunt , *Roman. 13. 1. 2. seqq. 1. Petr. 2. 13. 18. Tit. 3. 1. 2. (3.)* Quia veteris ævi Pontifices abstinerunt prorsus ab inaudita curiositate illa , ac potius quò magis pietatem quisque colebat , eò impensius venerabatur Cæsares , Reges , Principes , quorum servos indigitabant sese , exemplo Gregorii Magni *lib. 2. epist. 61. (4.)* Quia Servator hoc unum injunxit verbi ministris , ut vellent prædicare verbum , *Matth. 28. 19. 20.* atque ita Apostoli commendant munus suum , quod arma spiritualia adhibeant in convertendis hominum animis , non verò in perdendis illis occupentur , *2. Cor. 10. 4. 5. (5.)* Quia primi Christiani adversus Cæsares , Reges , Principes infideles nunquam seditiones ulla commoverunt , nullas proscriptiones evulgaverunt , nullos facarios emiservunt , sed precibus egerunt pro salute illorum pariter atque sua , uti docet Tertullianus *libro ad Scapulam* . Excipiunt Bellar-

minus & Erbermannus: Primi Christiani toleraverunt Magistratum infidelem, quia defuerunt ipsis vires in temporalibus. *Respondeo*: Imò quid opus erat copiis atque armis, si unus Catisbejus, unus Ravalliacus, unus Girhardus huic negotio sufficeret? Annon fuisset ita promptum, quantumvis paucis in caput Imperatoris conjurare, atque Garneto cum alleclis in perniciem Regis Britannia: Reprimebant autem manus, & occasione renunciabant, non quia viribus inferiores erant; sed quia Magistratus potestati legitima suberant, idè paruerunt. Neque enim rebellionis crimen incurrere voluerunt, memores verborum Apostoli, *non solum propter panam, sed et propter conscientiam*. Quàm verò etiam non fuerint sine viribus, docet *Tertullianus*: Si hostes exsertos, & non tantum vindices occultos agere vellemus, non deesset nobis vis numerorum & copiarum. Externi sumus & vestra omnia implevimus, orbis, insulas, castella, municipia, conciliabula, castra ipsa, tribus, decurias, palatia, Senatum, forum. Sola vobis reliquimus templa. Cui bello non idonei, non prompti fuissimus, si non apud illam disciplinam magis occidi liceret, quàm occidere, in *Apologético*. (6.) Quia potestas civilis non derivatur à gratia & fide, sed est Juris gentium, proinde Reges ad fidem conversi, essent deterioris conditionis, quàm Reges infideles, quando his nihil præscribere quiverit Papa, illos in potestate sua contineat, ut auferre posset Regna, & dare aliis, cum luberet. (7.) Quia hæc patricialis doctrina velut equus Sejanus proprios dominos perdidit, turbisque sanctis implevit orbem, armavit sicarios in Reges, cadibus ac beneficiis permi-

scuit populos, diris litibus fœdavit omnia. Et tamen facinorosi isti laudes amplas promeruerunt, uti dicemus *infra dist. 4.*

III. Instant *Bellarminus & Becanus*: (1.) Non licere Christianis tolerare infidelem Regem sive hæreticum, quomodo Judæis vetitum erat exteræ gentis Regem sibi imponere, ne ad impietatem seducerentur, Deut. 17. 15. *Respondeo*: Negatur consequentia. Equidem vetitum erat Judæis, ne tale quid facerent, interim nemo Pontificum, nemo Procerum gentis ejus, adversus Regem suum, suæ gentis, quamquam impietatis reum, vitis deformem, invaluisse dolo, armis, excommunicavisse, uspiam legitur. Si quisquam Regum istorum, qui tunc multi fuerunt, à sacris occisus est, Deum, Proceres, populumque omnem ultores habuit. Nadabum occiderat Baësa, hujus filius, Ella patiebatur à Simri, quæ pater ejus in Rege suo designaverat, 1. Reg. 15. 25. 27. cap. 16. 8. 9. Hinc Jehu Vates pronuntiabat adversus Baësa domum, fore ut illa pessimis modis haberetur, tum ob causas alias, tum verò etiam idè, quod (Baësa) *percuisset eum* (Nadabum) 1. Reg. 16. 7. Nam & hoc facinus pœnam merebatur, cum nullo Dei jussu istud patravisset. Romanus Interpres vertit, *ob hanc causam occidit eum*. Menochius annotat, *Baësa Rex Prophetam Jehu*. Quod contra veritatem asseritur, ut rectè monet *Tostadus Commentarius ad b. l.* & ostenditur, tum quia Jehu venit ad Regem Josaphat, 2. Paral. 19. 20. tum quia Regis Josaphati acta perscripsit, 2. Paral. 20. 34. Neutrum esse poterat, quando Baësa interfecisset eum. Rectius notat *Varablu*: Minatur Deus interitum familia Baësa, duas ob causas,

causas, prima est cultus Idolorum, secunda est, quod ille Dominum suum Nadabum interfecerat. *Hac ille*. Porro sciendum est, quod electio per libera suffragia facile vitare poterat, ne peregrinæ gentis, peregrinis cultibus addictus Rex eligeretur, attamen si alio quopiam pacto devenirent in potestatem Regis exteri, omnino fidem illi datam servare debebant, *Jerem. 38. 17. Ezech. 17. 12. 13. 14. 15.* Denique si non licet obedire infidelibus Regibus, quare primitiva Ecclesia obediebat Neronibus, Trojanis, Decis, Julianis? Quare pro illis preces ad Deum fundebant? Quare mori præoptabant, quam seditionibus animum intendere? (2.) Pontifex Jojada Imperium pariter ac vitam eripiebat Athalia Reginæ impiæ & malignæ, 2. *Reg. 11. 3. seqq.* Eodem modo Papa Romanus adversus Reges impios agere potest. *Respondet*: Athalia incubabat Regno alieno, Regum latro, itaque tyrannidis manifestæ ream. Proceres totulque populus atinis invadebant, cæsam è medio tollebant, verum hæredem Joasum restituebant in solium. Regerit *Becanus*: Erat Regina legitima, quamvis enim occupaverat Imperium per vim, tamen consensus & obedientia subditorum accessit tandem, uti Baësa, Simri, Sallum, Menahem, Pekah, Hoseas per tyrannidem innaverunt solium, & non obstant eo, legitimi Reges habentur. Porro, quamdiu non constat, alium esse Regni successorem, tamdiu jus Regni censetur ad illum pertinere, qui de facto Regnum administrat, consentiente populo. Atqui sexennio illo, quo præfuit Athalia, non constabat, alium esse Regni

successorem, Joas enim latitabat, omnesque hæredes putabantur ab Athalia esse occisi. Ergo Athalia legitimè regnavit, *libro de Potestate Pape, adversus Lancelottum, pag. 133 seqq.* Respondet: Præerat vi merâ, nullo jure, & verò obedientiâ, quam populus exhibebat, coacta erat, uti sub Tyrannis exercitio esse assolet, neque enim poterant legitimum hæredem spoliare, & ad peregrinum transferre, quod veterat Deus ex peregrinis Regem sibi imponere, *Dent. 17. 15. 2. Reg. 8. 18. 2. Paralp. 21. 6.* Proinde affabatur eos Jojada: Ecce, filius Regis dominabitur vobis, prout loquutus est Dominus filiis David, 2. *Samuel. 7. 8. seq. Psalm. 2. 6. 7. 8. 9.* Exempla de Baësa, Simri, Hosea non faciunt ad rem. Contigerunt ista in Regno schismatico, neque tunc hæredes supererant, itaque Regnum erat ejus, qui invadebat, & consensu populi obtinebat. Quod non constaret, hæredem superesse, falsum est. Satis noverant Proceres, melior pars populi, superesse Joasum, & clam habebant, 2. *Reg. 11. 4.* Horum operâ usus Pontifex, depulit Athalias, Joaso reddidit, quod ei debebatur. Pergit *Becanus*: Pontifex omnia ista fecit propriâ auctoritate, executionem verò citra armorum usum peragere non potuit, quoniam Athalia satellitio munita & favore publico, solâ auctoritate depelli non poterat. Unde argumentum: Aut publicâ, aut privatâ auctoritate fecit Jojada, quod fecit. Non hoc, quia nemini licet privatâ auctoritate Regem deponere, qui à subditis toleratur. Ergo illud. At publi-

publica non fuit alia quàm Pontificia in Pontifice. Ergò Pontificiâ auctoritate fecit, quod fecit, *Id. pag. 136. 137.* Respondeo: Nihil fecit proprio arbitrio, itaque sancit fœdus cum Proceribus reliquis, tantùm quòd negotii supremus Procurator erat, idque meritò, quia erat proximus cognatus pupilli, & magnæ auctoritatis, *1. Reg. 11. 1. 2. 8. 15.* Falsum est, quòd Athalia favore publico munita fuerit. Tolerare furiam tot innocentium cruore madidam, non est pleno assensu venerari. Cæterùm non ferit dilemma. Nihil fecit Jojada, quod non impunè licuisset privato cuivis. Erat enim Athalia Tyrannus invasione, quem populorum omnium receptâ consuetudine licet ejusvis manibus è medio tollere, uti diximus *suprà cap. 7. dist. 8. (3.)* Pontifex Zacharias decernebat adversus Regem Ussiam leprâ fœdum, ut de templo ejiceretur, solioque privaretur, *2. Chron. 26. 16. seqq.* Respondeo: Non hoc quidem Pontificis decretum erat, ut templo vellet Rex leprosus exire, sed Rex ipse correptus leprâ, maturabat abire, *vers. 20.* Tantò minus eum solio privare debuit, quòd occupavit Ussias adusque obitum suum, filius Jotham Pro-Regis munus gessit, interim dum pater in domo privata vitam calamitosam agebat, *2. Reg. 15. 5. 6. 2. Paral. 26. 3.* Totum hoc Dei ultoris opus fuit, non verò Pontificis. Leprosi enim abstinebant consortio hominum, *Lev. 13. 1. 2. seq. cap. 14. 1. 2. seq.* Regerunt Bellarminus & Erbermannus: Ussiam leprâ percutsum, retinuisse quidem nomen Regium, sed inane, postquam loco ejus regnaret filius Jotham. Respondeo: Negatur, quòd nomen inane haberet. Namque filius patris vicarius, patri subiectus erat, quamdiu pater su-

perabat, exemplo ejus quod de Nebucadnesare ab atrabile vexato legitur, *Daniel. 4. 28. seqq.* Proinde Ussia defuncto successit Jotham, *2. Reg. 15. 7.* ante ejus obitum nec Regni proprietatem, nec Regis auctoritatem habebat, functiones verò aliquas patre volente jubente obiverat, Reipublicæ bono. (4.) Pastor bonus mactat arietes furiosos, ne damnum inferant ovibus: Eodem modo Pontifex animarum pastor abrogare potest Reges pravos, ne subditis exemplo factisque noceant. Respondeo: Simile pessimum & omnibus modis execrandum! Pontifex animarum pastor tunc demum est, cùm è verbi facti præscripto agit, monendo, orando, suadendo. Cùm aliter agit, occidendo, spoliando, rapiendo, latro est, Regum hostis. Interim Lector miretur compendium doctrinæ Papiſticæ in verbis illis, *pascite oves meas*, comprehensum. Monarchæ & Reges in Ecclesia esse volunt & sunt hodiè Papæ. Quare? Quia dixit Petro Servator: *Pascite oves meas.* Papæ volunt esse iudices controversiarum fidei, quæ fuerunt olim partes Conciliorum è verbo Dei, & probat Bellarminus inde, quia dictum est: *Pascite oves meas.* Papæ arrogant sibi jus, quod non possunt errare in fide, scilicet quia Servator dixit ad Petrum: *Pascite oves meas.* Papæ arrogant sibi jus ferendi leges obligantes in conscientia, quia dixit Servator: *Pascite oves meas.* Papæ largiuntur venias & indulgentias numero & pondere immensas, quia Servator dixit: *Pascite oves meas.* Papæ imperium exercent in Reges, quia Servator dixit: *Pascite oves meas.* Papæ denunciare possunt mortis judicium in Reges sibi immorigeros, quia Servator dixit: *Pascite oves meas.* Nimirum pascere est idem quòd occidere!

Et

Et unum est in terris nomen atque numen, Papæ! Unius Papæ sunt propria rerum summa arbitria! (5.) Sunt exempla Regum, quos Papa solio dejecit, videlicet Leonis Constantinopolitani, Childerici Franci, Henrici IV. Friderici II. Ludovici IV. Cæsaris Germaniæ. Atqui omnes illi patienter hoc pertulerunt, & factum laudant Authores. *Respondeo*: Quis verò collaudet ita Luciferos illos egisse, ut abominandis ausis obtendendo nomen pietatis, Unctos Domini soli Deo subiectos, solo Deo minores, perversè exagitando, orbem cladibus sanguinariis impleverint, familias illustres exitio addixerint! Erat hæc potestas tenebrarum æviejus, adeoque facinorosa illa apud posteros sunt damnata memoriarum, uti prolixius ostendit Wilhelmus Barret *lib. 3. de Jure Regis, cap. 2. seqq.* Neque laudant factum Authores, nisi Regum perduelles, aula Romanæ parasiti, rudes literarum meliorum, sed benè ac gnæviter impudentes Canonum Doctores. Aliter *Ordo Frisingensis*: Lego & relego Imperatorum gesta, & nusquam invenio, quenquam eorum ante hunc à Romano Pontifice excommunicatum vel Regno privatum, nisi fortè quis pro anathemate habendum ducat, quod Philippus ad breve tempus à Romano Episcopo inter pœnitentes collocatus, & Theodosius à B. Ambrosio propter cruentam cædem à limitibus Ecclesiæ sequestratus sit, *lib. 6. hist. cap. 35.* Hæc optimus ille Scriptor, & verissimè, quanquam de excommunicatione proponat duo exempla illa, si non vera, tantum veri speciem mentientia. De Philippo Cæsare dicemus *infra cap. 16. dist. 15.* esse fictum. De Theodosio constat, agnovisse ipsum crimen horribilis ejus lanienæ, quam

adversus homines promiscuos exercuerat, & paruisse monitis Episcopi, non etiam ut hic sese efferre posset, quasi pro Imperio ageret. Atqui Papis Imperium arroganti Canonistæ, quos imitari voluit Cæsar Baronijs mercede conductus, ut Hildebrandi nam hæresin vastis Annualium voluminibus incrustaret. Nulla inter Papas & ullum Principum rixa intervenit, quæ non ita describatur, ut excusentur Papæ, & verò Principes ejus potestatis, quam Dei nomine in his terris gerunt, tenaces, ut perditorum perditissimilacerantur. Itaque Principes locis innumeris & ad fastidium Lectoris hortatur, *ut humilis servitio Christi Vicarios colant.* Quasi Reges non essent in Regnis suis Vicarii Dei, quorum majestatem imminuere, crimen esse apud Deum, ante exortam hanc novam doctrinam nemo dubitaverat! Neque autem refert qualis sit Papa, nam cum ipsa rei veritas etiam illos, qui Papam Latinum ceu terrenum Jovem colunt, fateri coegerit, fuisse Papas sæpius scelestissimos, dicente Genebrardo *lib. 4. Chronici*, quando tamen optimus Cæsar improbos Papæ mores in Ecclesia accusavit, & Censuræ justæ subjecit, malè egisse contenditur verbis multis, Papæ jus asseritur, Sedes Apostolica neminis judicio subiacere, pronuntiatur, Spondanus *in Epitoma Annalium pag. 867. 868.* Ita omnino periit de rebus pudor!

IV. Fingit *Henricianos*, uti vocat, hæreticos, dictos ab Henrico IV. Cæsare Germaniæ, quem diris modis persecutus Gregorius VII. seculi sui opprobrium, arma, excommunicationes, diffidationem, citationes ad tribunal, infidas absolutiones, quoties voluit, minitando & exercendo, primus Imperia & Regna orbis in potestate sua esse

L

decre-

decrevit, ut posset dare illa, cui vellet. Diaboli præcepta hæc sunt, *Luc. 4. 6.* Multò aliter Paulus, *Roman. 13. 1. 2. seq.* Ecquæ igitur hæresis illa? Post Deum agnoscere potestatem supremam illam in tertis, quam Cæsar & Reges habent, *dare Deo, quæ sunt Dei, & Cæsari quæ sunt Cæsaris.* Ita iussit Christus hæreseos ejus (quam ita Hildebrandistæ vocabant) primus author, *Matt. 22. 21.* Lege de Schola illa celebres Doctores, Jacobum Gordonum in *Chronologicis, Tom. 2. pag. 295. seq.* Francisc. Longum in *Chronologia. fol. 314. seqq.* Theod. Petrejum in *Catalogo hæreticorum. pag. 84.* Spondanum in *Epitoma Annal. pag. 940. seqq.* Vidit similes conatus ætas nostra in Gallia, Anglia, Belgio, cædes Regum & Principum, qui ad impias Papæ aras Sacramentum dicere, & cœlestis veritatis ejus, quæ Reges magnos ab hac tertia servitute liberat, Professores ad necem persequi nolebant; Elisabetham Anglicam veneno tentaverunt, Jacobum Britannum & tot illustres viros pulveratiâ conjuratione aggressi, Henricum III. & Henricum IV. Gallos venenatis cultris foderunt, Wilhelmum Orangium globo percusserunt, Borreius, Varadas, Castellus, Guinandus, Parrius, Cullenus, Williamus, Jorkius, Sequijerus, Hesketus, Garnetus, Oldkornus, Hammonds, Grenvellus, Jac. Clemens, Fr. Ravalliacus, Balthasar Girardus patricidæ, quos de patibulo martyres libris instruxerunt, defenderunt, Sanctorum Catalogo adscripserunt, cœlis inseruerunt, Johannes Mariana libro de *Regno & Regis institutione*, Antonius Santarellus libro de *potestate Papæ in Reges*, Cornelius à Lapide, in *Expositionibus Biblicis*, Thomas Bozius libris de *ratione statum*, Petrus Obmcer, in

bro 6. *Chronographia. pag. 850.* Wilhelmus Estius in *historia de Martyribus Belgicis*, Clarus Bonarscius, in *Amphitheatro honoris lib. 1. pag. 56. seqq.* & rabiosus veritatis defensor Caspar Scioppius in *Ecclesiastico*. De Balthasare Girardo scripsit carmen Levinus Torrentius, quod inter Poëmata ejus extat, *pag. 308.* & commendat infamem sicarium: *Morte inferendus cœlicolum choris, Aeterno ab omni labe puram, Reddis ovans animam parenti.* Sicille. De Henrico Garnetto refert Cornelius à Lapide: Cùm Garnettus Angliæ Martyr, fociis in Anglia per viginti annos magna cum laude in quotidianis mortis periculis præfuisset, tandem gloriosum obiit martyrium pro Catholica fide. Catholicus qui spectator aderat, purpuratam sanguine spicam, ex sublatro martyris corpori stramine, religiose sustulit, quam cùm domi conspiciatur attentius, vivam patris imaginem in ea expressam conspexit. Verticem capitis ingens cingebat corona. Crux in fronte rutilabat stellæ inclusa, signaculum cordis illius utique, in quo fasciculus myrrhæ commorabatur. Sub mento Cherubinus visebatur alatus, vel Angelicam ejus puritatem, vel sapientiam & doctrinam indicans. Imago hæc vulturnus ejus sapiens excusa per omnes Christianorum provincias sparsa est, *Commentarius ad Apocal. 7. pag. 146.* Benè quidem, si Dominus ei gratiam dedit, ut setid poeniteret super horribili factò, quod in confessionibus auditis approbaverat, & facti authoribus præmia cœlestia addixerat. Cæterùm Henricianam hæresin, utinos, defendunt Sorbonistæ, qui Marianæ & Santarelli scelestos libros ad sugillandam Regum potestatem compositos, carnificis manu palam exusse-

exulserunt, Bellarmini libello adversus Barclajum edito facturi idem, nisi pro Cardinale intercessissent Cardinales, Daniel Chamierus in *Panstratia Cathol.* Tom. 2. lib. 15. cap. 14. num. 11. Barthol. Gramondus lib. 1. *historia Gallicæ*, Joh. Cluverus in *Epistoma historiarum* lib. 10. pag. 816. Audiet interim posteritas, & mirabitur, quod Papistæ talibus Divis impleant cœlorum regiam, à qua homicidas istos longius proteclant sacræ literæ, & ad inferna deturbant, *Gal.* 5. 21. *Apoc.* 22. 15. ubi facinora expiare debeant.

V. Cùm Henricus III. Galliarum Rex prolem non haberet, successio in Regno pertinebat ad Henricum Burbonium Navarræ Principem, & post Condzum, Reformatæ Religionis addictos, quando Valesia familia defecerat. Contrario studio impulsus Princeps Galliarum Pontificii, conscio Hispaniarum Rege, iniverant validam conjurationem, Sanctæ Ligæ titulo, ad exstirpandos Religionis Reformatæ sectatores. Zampinus Italus tabula describebat schedam, quâ probare conabatur, Navarrhenum successionis jure spoliari posse, & Patronus causæ accedebat Papa Gregorius XIV. Qui in hanc nomina dederant, fidem mutuam juramento obstrinxerunt, se neutiquam in Gallia quam regnare passuros, qui aliam Religionem, quam Catholicam Romanam professus fuisset, & profiteri vellet, neque eum admissuros, qui in alia enutritus, etiamsi eam abnegaret, ne Regnum adeptus, Religionem majorum labefactaret. Quæ omnia ad excludendos Navarrhenum ejusque agnatum proximum Condzum spectare, nemo dubitabat, & ne viderentur familiarum Regiarum desertores esse, igitur Burbonii pa-

truum, Carolum Romanæ Sedis Cardinalem, Latinis sacris additum, Regio folio impositum cupiebant, Paulus Piatecius in *Chronico Europe* pag. 92. 93. Petrus Bartholdi in *Floro Francico* lib. 4. cap. 35. Jacob. Aug. Thuanus in *historia* lib. 90. 91. 92. 93. Summa totius negotii erat ista: Jus successionis in Regno ratione sanguinis à Legibus humanis dependere, quas populus mutare possit: In successione qualitates alias, quàm propinquitatem sanguinis adverti debere, ne ineptus imponatur folio: Religionem & cultum Dei præcipuum cujusque Reipublicæ finem esse, & proinde ab omnibus cavendum esse, ne Principem admittant, qui à vera Religione alienus est, & quem cultui divino inimicum esse suspicentur. Pro Navarrhenis diligenter urgebant Franciscus Hottomannus in *Bruto fulmine*, Johannes Haivardus libro de *Successione Regia*, Johannes Servinus Advocatus Regius, *Vindictiæ pro libertate Ecclesiæ & Regni status Francorum*, quod in Regnis, ubi successores per electionem surrogantur, populi quidem jus sit de idoneis statuere, verum in Regnis, ubi hæreditaria successio valeat, jus quod sanguinis effectum est, nemini auferri posse. Leges enim non esse mutabiles, postquam universalis consensus stabilivit eas. Porro verum est, quod ne ineptus quidem excludatur, ubi mera successio est, itaque cùm Lysander vellet ferre Legem, ut maximè idoneus, non verò sanguine proximus in Regno Lacedæmonio succederet, neminem invenit, qui sententiæ illi suffragaretur, teste Plutarcho in *Vitis Illustribus*. Denique Religionis causa nihil injustum peragendum, quando illa est pænes omnes, qui

Venienti ei occurrit populus, & vestibus suis confternit vias publicas, *Matth. 21. 8.* scilicet ex more applaudentium novi Regis honoribus, 2. *Reg. 9. 13.* Sunt talia apud *Æschylum in Agamemnone*, & *Plutarchum in Catone Ulicensi*. Sic *Johan. 12. 13.* ἰλαβεν τὰ βία τῶν Φοινίκων καὶ ἐξήλθεν εἰς ἑρῶν σιν αὐτῆς. Palmarum tam s Principibus & Regibus adventum gratulari, mos erat, quomodo excepti fuerunt *Judas Maccabæus*, 2. *Macc. 10. 7.* *Simon Maccabæus* post victoriam illustrem, 1. *Macc. 13. 51.* *Alexander Macedoniæ Rex*, *Josephus lib. 11. Antiquit. cap. 1.*

II. Potenter gubernat.] Contendunt *Photiniani*, quod *Servator* demum post *Resurrectionem* factus fuerit *Rex*, *Socinus Animadversionibus in Collegium Positanense pag. 65. 87.* *Catechismus Racovienfis pag. 311. seq. Valent. Smalcus Examine centum errorum Sinigleci, sect. 40. & libro de Christi divinitate cap. 13.* Verum quemadmodum *Propheta & Sacerdos* fuit in terris ante *Resurrectionem*, docendo videlicet ac populum expiando: Ita non minus *Rex* erat, saltem potestate. *Exercitium* potestatis obscurius quidem, non tamen prorsus nullum erat, cum primis quoties pellebat *dæmonas* ex obsessis. Debebat enim potestatis exercitio sese abdicare, ut hominum communi more pati ac mori posset, *Philip. 2. 6. 7. 8.* Eminentior potestatis usus fuit post *resurrectionem*, *Matth. 28. 18. Luc. 24. 26. Philip. 2. 9. 10. 11. Eph. 1. 20. 21. 1. Petr. 3. 22.* Huc pertinet locus *Rom. 1. 3. 4.* De filio ejus factō ex semine *Davidis secundum carnem*, declarato filio *Dei potenter secundum Spiritum sanctitatis per resurrectionem ex mortuis.* *Christus* homo de *virgine Maria* natus est,

quæ erat è posteris *Davidis*, *Matth. 9. 27. cap. 12. 23. cap. 15. 22. Marc. 10. 27. 48. Luc. 1. 32. 69. cap. 2. 5. cap. 18. 38. 39.* Atque idem filius *Dei* multis modis dicitur, maxime populariter idē, quod ad *Regnum* à *Deo* erectus est, quo sensu verba *Psalmi 1. 7.* de *Rege Davide* prolata, cum ad *Regnum* pervenit, *Christo* aptantur, *Act. 13. 33. Hebr. 1. 5. cap. 5. 5.* Hæc autem filii sive regia dignitas *Jesus* præfigurabatur, jam tum, cum mortalem agens vitam, magnam signa & prodigia ederet, quæ συνζευγες voce indignantur, *Marc. 6. 5. cap. 9. 39. Luc. 4. 36. cap. 5. 17. cap. 6. 19. cap. 8. 46. Act. 3. 12. cap. 4. 33. cap. 6. 8. cap. 10. 38.* Signa talia edebat *Jesus* per *Spiritum* illum sanctitatis, id est, vim divinam, per quam ab initio conceptionis sanctificatus fuerat, *Marc. 2. 8. Luc. 1. 35. Joh. 9. 36.* Ostenditur ergo *Jesus* nobilis à parte materna, utpote ex *Rege* terreno ortus, sed nobilior à patris conditione, quippe à *Deo* factus *Rex* cælestis post *resurrectionem*, *Act. 2. 30. cap. 26. 23. Hebr. 5. 9.* & ei *Regno* etiam ante destinatus per tot miracula, facta vi divina ipsi propria & in ipso habitante, *Col. 2. 9.*

III. Omnia in cælo & in terra.] *Matth. 28. 18. 1. Cor. 15. 27. Eph. 1. 20. 21. Hebr. 1. 3.* Nimis amplè sentientes de potestate regia *Servatoris* *Doctores* *Scholastici* & *Canonistæ*, qui *Regem* illum in temporalibus etiam, tunc cum in his terris miser oberrabat, fuisse affirmant, ut inde aliquod fulcimentum potestatis ejus, quam *Papa Romanus* in temporalibus sibi arrogat, desumere possint, *Alexander Carrerius lib. 2. de potestate Papæ cap. 5. Torreblanca Villalpandus lib. 3. de Magia cap. 4. Thomas Bozius lib. 2. de Jure statum cap. 8. seq. Franciscus Bo-*

zius lib. 4. & 5. de temporali potestate Papa, A'phonfus Mendoza Relezione de Regno & Dominio Christi, num. 6. & 13. Petrus Hurtadus de Mendaza libro de Deo & homine, disput. 81. Calpar Scioppius in Ecclesiastico, cap. 36. seqq.

IV. Rectius hoc negant Bellarminus lib. 5. de Pontifice Romano, cap. 4. 5. Albertus Pighius lib. 2. de Hierarchia Ecclesiastica, cap. 4. seqq. Marcus Antonius de Dominis lib. 5. de Republ. Ecclesiast. cap. 1. seqq. Gregor. de Valentia Tom. 4. Commentar. Theolog. disput. 1. quest. 21. Franciscus Victoria Relezione de potestate Ecclesie, quest. 5. num. 16. seqq. Tostadus Commentarius ad Matthaeum, quest. 30. cap. 21. Becanus Tom. 2. Theologia Scholastica, pag. 609. Gabriel Vasques Tom. 1. Commentar. in part. 3. Summa Theolog. fol. 683. seqq. Et constat: (1.) Quia rejecit à se omne arbitrium rerum civilium, Luc. 12. 13. 14. (2.) Quia recusavit accipere dignitatem Regiam, communi populorum assensu oblatam, Johan. 6. 15. (3.) Quia disertè fassus est, Regnum suum non esse de hoc mundo, Johan. 18. 36. (4.) Quia non venerat, ut ministerio aliorum frueretur, sed ut ministraret ipse aliis, Matth. 20. 28. (5.) Quia agnovit potestatem civilem, cui ex ordinatione divina subiectus esset, Johan. 19. 11. (6.) Quia solvit tributum ordinarium, Matth. 17. 27. Excipiunt Bozius & Scioppius: (1.) Servator pro hereditate accepit gentes & fines mundi, Psalm. 2. 8. Respondeo: Non ut imperaret Rex temporalis, verum ut illos prædicatione Evangelii converteret Rex Sionis, Psalm. 2. 6. Dan. 2. 44. 45. cap. 7. 27. Apocal. 1. 5. 6. cap. 2. 26. 27. cap. 17. 14. cap. 19. 15. 16. (2.) Servator accepit omnem potestatem in cælo & in ter-

ra, Matth. 28. 18. Respondeo: Accepit post resurrectionem, & usurpavit in adfensione ad cælos, quod non pertinet ad Servatorem exinanitum, Luc. 24. 26. Philip. 2. 6. 7. 8. Hebr. 1. 3. (3.) Servator exercuit potestatem illam, cum mercatores ejecit de templo, Johan. 2. 15. seqq. Respondeo: Erant privati illi, adeoque tabernarios pellendo, magis fecit officium Sacerdotis, quàm Regis, nam templi curam gerere, ne rebus profanis contaminaretur, ad Sacerdotes pertinebat, 2. Par. 26. 17. seqq. (4.) Servator natus est ex tribu Juda, ad quam potestas regia devoluta erat secundum ordinationem Jacobi, Genes. 49. 8. 9. 10. Respondeo: Natus est quidem à tribu illa, sed tunc cum inde sceptrum erat ablatum, proinde jubeat dare Casari, quæ sunt Casaris, & negabat, Regnum suum de hoc mundo esse, Gen. 49. 10. Matth. 22. 21. Johan. 19. 15. In:ò assumpserat formam, non tantum hominis, verum etiam servi, nempe ut omnibus modis ostenderet, se regiam originem suam non trahere in argumentum potestatis regie, Matth. 20. 28. Apoc. 5. 5. Philip. 2. 7. 8. (5.) Servator affirmat, quod sit filius Regis, & immunis à tributo solvendo, Matth. 17. 25. 26. Respondeo: Non qui se Regis filium esse dicit, simul dicit se Regem esse, sed tantum pronunciat hoc, se jure debere esse Regem, si nihil novi accidisset. Atqui hoc acciderat novi, quod majores Servatoris jus Regis amiserant, Gen. 49. 10. Matth. 22. 21. Quamobrem ut ostenderet, se non esse Regem, solvit tributum, Matth. 17. 27. non facturus ita, si Rex fuisset.

V. Regnum Christi est triplex, Potentie, Gratie, Glorie. Potentie est, quæ omnia sustinet verbo potente suo.] Psalm. 110. 2. Daniel.

7.14. Ephes. 1. 21. Hebr. 1. 3. cap. 2. 8. Johan. 5. 17. & confer librum nostrum de Operibus Creationis, *Exercitat. 2.4. dist. 2.* Hæc ejus providentia completur omnes creaturas. Credebant prisci Judæi, & credunt hodiè quoque, Regnum Messie fore dominatum secularem, quo ille orbem totum bello subigere, & populares suos in Palæstinam restituere debeat, opum plurimarum dominos futuros. Testis est Syrachides cap. 48. 9. 10. 11. *Qui conscriptus es* (prænunciatus in libro Malachie c. 4. 5. 6.) *Comminatio.* (comminationem allaturus) *adversus tempora, ad mitigandam Deitatem, antequam furor fiat, ad convertendum corporum ad filios, & ad restituendum tribus Jacob, Beati, qui videbunt te, & in dilectione (Dei) obviabunt. Nos enim* (qui tales erimus) *visâ (reditâ) vivemus.* Locum Malachie 4. 5. 6. intelligebant hujus Scriptoris, atque etiam Christi tempore, ut & nunc intelligunt Judæi de Elia, non quidem mystico, (seu Johanne Baptista, quomodo Christus interpretatur, *Matth. 17. 11.*) sed Thesbita illo, qui olim Achabo comminatus fuerat, quem putabant venturum ante Messie tempora, & denunciationem gravium malorum, quæ instarent, effecturum, ut Israëlitz inter se concordēs restituerentur in veterem statum, deinde superventurum Messiam filium David, ut procuraret Resurrectionem primam, nempe eorum Israëlitarum, qui in vera pietate diem obierunt, quique omnes participes futuri sint bonorum Messie in hac terra. Illis piis hic Scriptor se quoque annumerat. De re eadem testes porro sunt Phariseus ille, *Luc. 14. 15*; & Discipuli Christi, *Matth. 20. 21. cap. 24. 24. Act. 1. 6.* Adde his, quæ sunt 4. *Esdræ 13. 1. 2. seg. cap. 14. 1. 2. segg.* & Rabbinum Menassch Ben-Israel lib.

3. *de Resurrectione Mortuorum, cap. 1. 2. seg.* Nos ejus sententiæ vanitatem ostendimus, quando Messiam venisse, ex literis sacris probavimus, libro de Scriptura sacra, *Exercitat. 31. dist. 1 segg.* Servator negat, quod venerit ad potestatem civilem obeundam, *Matth. 8. 20. cap. 22. 21. Luc. 17. 20. 21. cap. 22. 25. 29 Joh. 18 36.*

VI. Tantò magis mirandum est, quod Photiniani eadem cum Judæis sentiant. Nimirum Servatorem promissum orbis Regnum terrenum habiturum, quod quidem ut Jesus Nazareus statim occuparet, missum fuisse cœlis, sed quia Judæi, ad quos missus erat, recipere hunc Regem suum cum debita reverentia noluerunt, ideò postquam occisus fuit ab improbis, Deus resuscitatum cum abduxerit in cœlos, ubi Deo præsens tantisper maneat, donec ad meliorem mentem conversis Judæis, oportunitus in terras redeat, & in urbe Hierosolymorum Rex inauguratus, Judæos mora aliorum Regum civili imperio moderetur, populosque reliquos ad illud congreget. Ita Franciscus Davidis libro *de adoratione Christi ad Socinum, pag. 184. segg.* Seidelius *Epist. 2. ad Socinum.* Verùm hæc frustra dicuntur, ipsique adeò Socino displicuerunt. Nolebat Jesus Nazareus Rex esse, quanquam populi voto expeteretur, *Johan. 6. 15.* veneratur potius Regiam potestatem in Cæsare, & superiorem illum fatetur esse, *Matth. 22. 21. Johan. 19. 11. 15.* & Regnum Messie esse Regnum gratiæ spiritualis, non etiam in potentia seculari consistere, pronuntiat, *Luc. 17. 20. 21.* Repetimus argumenta: Tunc venit Messias in populos omnes ad se congregavit, quando sceptrum à Juda ablatum fuit. Atqui sceptrum fuit ablatum, cum primò Christus in

carnem

carnem venit. Ergò cum primùm in carnem venit Christus, venit ut Messias, & populos omnes ad se congregavit. *Item:* Tunc venit Messias, & Regnum suum dedit Sanctis, quando Syror. & Ægyptior. regna potentix Romanæ succubuerunt. Atqui Regna illa potentix Romanæ succubuerunt, tunc cum primò venit Christus in carnem. Ergò tunc venit Messias, & Regnum suum dedit Sanctis. Confer *Gen. 49. 10. Dan. 2. 44. cap. 7. 27. Job. 12. 32. & quæ nos diximus supra cap. IX. dist. 9.* Neque cum veniet Messias alterâ vice, restaurabit populum Judaicum, sed redibit ad iudicium universale, *Matth. 25. 31. seqq. Hebr. 9. 27. 28.*

VII. *Gratia est, quâ Ecclesia bona disponit, ut per illa homines veniant ad salutem.* Matth. 28. 20. 1. Cor. 15. 24. seqq. Eph. 4. 8. 11. cap. 5. 26.

VIII. *Gloria est, quâ homines pios resuscitatos cœlestibus premiis coronabit.* 1. Cor. 15. 18. Apoc. 21. 1. 2. seqq. cap. 22. 1. 2. seqq.

CAPUT DUODECIMUM.

De Jure Regio Hebræorum.

SUMMARIA.

1. *Jus Regium à Samuele promulgatum.*
2. *Solvuntur contrariæ rationes.*
3. *Potestas Regum Hebræorum.*
4. *Solvuntur argumenta.*

I. **E** Minentia Regis apud Hebræos patet evidenter secundum Jura illa, quæ promulgabat Samuel, 1. Sam. 8. 11. seqq. De illis ita refert *Sulpicius Severus*: Igitur frequentes Samuelem circumfistunt, ut quia jam ipse senuisset, Regem eis constitueret.

At ille placidè salubri oratione ab insana voluntate detorquere plebem, dominationem regiam & superba imperia exponere, libertatem extollere, servitutem detestari, postremò divinam eis iram denunciare, siquidem homines mente corrupti Deum Regem habentes, Regem sibi ex hominibus flagitarent, *lib. 1. historia sacra, cap. 8.* Verùm Jura illa sunt Majestatis, quæ Rex apud subditos suos exercere potest, & secundum quæ tenentur subditi excellentiam Regis perfectè venerari, ut dudum notavit *Rabbinus Maimonides in Halachoth Melachim cap. 4.* Quod enim *Wilhelmus Bucanus in Analyti Theolog. Loco 49.* scribit, absolutam potestatem aliquam verbis illis non contineri, erroneum est. Sanè omnia ponuntur in manu Regis, adeoque negatur verbis expressis, quòd populus quicquam contrà moliri debeat. Et qui cum *Bodino lib. 1. de Republica, cap. 10.* exponunt, *hæc est mos Regis*, si de more, id est, consuetudine ordinaria, intelligunt, nobiscum sentiunt. Fuit enim hoc Jus Regum omnium, temporumque omnium, ita ut consuetudine perpetuâ illud metiri possimus, quanquam nullæ de illo scriptæ sint Leges. Itaque *Chalæus* vocem מלכות exponit discretè satis per מלכות legem, hæc est ordinaria Lex Regis. Sin de Tyrannorum ausis explicant cum *Becano libro de Analogia cap. 16. quæst. 8. & libro de Primatu ad Regem Angliæ, pag. 36. 37.* *Besoldo, libro de Majestate in genere, pag. 66. seqq.* *Vatablo, Johanne Drusio, Cornelio à Lapide, Casparo Sanèio, Jacobo Tirino notatis adh. l. Serario, Commentariis adh. l. pag. 40. Lamberto Dana o lib. 1. Politica Christiana, pag. 73. Zeppero, lib. 4. de Legibus Mosaiis, cap. 8. Buchananus.*

Dialo-

Dialogo de Jure Regis, pag. 70. Olao Laurelio in *Synagmate Theologico*, pag. 663. seqq. Johanne Piscatore *questionibus ad h. l. num.* 104. Johanne Althulio in *Politiciis*, cap. 18. num. 5. 1. seqq. Miltono *Defensione pro populo Anglicano*, pag. 32. seq. Balthasare Willio in *Institutionibus Politicis*, pag. 533. seqq. Adamo Conzeno lib. 6. *Politicorum*, cap. 2. num. 9. seqq. Johanne Angelio Werdenhagen in *Medulla Politica*, lib. 1. cap. 3. *quest.* 10. Timplero lib. 5. *System. Politic.* cap. 1. *quest.* 3. Petro Fabro lib. 3. *Semestrium Juris* cap. 16. Tholosano lib. 8. *de Republica*, cap. 1. *dist.* 8. seqq. Cyriaco Lentulo libro *de convertenda Republica*, pag. 24. 25. Wolffgango Francio libro *de Interpretatione Scripture*, Oraculo 126. Balthasaro Cellario lib. 2. *Institutionum Politicarum*, cap. 2. *dist.* 21. Andree Riveto in *Expositione Decalogi Tom.* 1. *Operum*, pag. 1364. Leonhardo Huttero in *Lociis Theologicis*, pag. 1039. graviter hallucinantur. Nihil enim ibi continetur, quod non posset Rex à subditis exigere bono titulo, quatenus ad aulæ magnificentiam sustinendam, & res omnes domi forisque feliciter gerendas, plurimæ impensæ requirebantur. Et probatur ulterius: (1.) Quia rescripta debent interpretari secundum petitionem. Atqui populus Regem petebat, non verò Tyrannum. (2.) Quia talem Dominum imposuit ipsis Dominus, qualem petebant, id est, Regem, quem jussit ungi; quem reverenter populo commendabat Samuel; quem populus cupidis animis suscipiebat; quem David colebat veluti Domini Unctum; quem Deus jovit in rebus gerendis pro populo; cum tamen hostis Tyrannorum esset, eosque Abimelechi & Absoloni exemplo male perderet, *Judic.* 9. 1. 2. seqq. 2. *Sam.* 18.

1. 2. seqq. qui David testis est, quod pascere debuerit populum in fide & animi rectitudine, *Psalm.* 78. 70. 71. 72. qui Regibus dedit sapientiam ut populo bene & rectè præessent, 1. *Reg.* 7. 57. seqq. *Psalm.* 72. 1. 2. seqq. (3.) Quia nihil dicit Samuel, quod Rex non possit exigere pro Reipublicæ defensione, aut si denegetur à subditis, quomodo stabit Respublica? Non poterant recusare decimas, id est, tributa; non poterant Regem deserere, cum is prodibat in bellum; non poterant servitia & operas rusticas denegare, quatenus aulæ redditus illis describerentur, nec poterant ministeria aulica detreciare, quia peregrinis & incircumcis uti non licebat (4.) Quia in formam Legis redactum Jus & scripto comprehensum deponeretur apud arcam fœderis, ut in testimonium esset posteris, 1. *Sam.* 10. 35. Quæ manifestè iniqua erant, Legis Regiæ perpetuæ instar esse non poterant.

II. Vera sententia ergò est, quod sit Regum Jus, uti rectè defendunt Albericus Gentilis in *Disputationibus Regiis*, fol. 18. Jacobus Rex Britanniae libro *de Jure libera Monarchia*, pag. 184. seq. Barclajus lib. 2. *de potestate Regia*, pag. 239. Arniseus lib. 2. *de Jure Majestatis*, cap. 1. num. 4. Wilhelmus Barret lib. 2. *de Jure Regis*, cap. 1. Thomas Hobbes libro *de Crve*, cap. 11. num. 6. Johannes Cammannus *de Jure Majestatis*, disput. 2. *dist.* 11. seq. Claudius Salmasius in *Defensione Regia*, pag. 35. seqq. Philippus Henonius in *Disputationibus Politicis*, pag. 433. seq. Martinus Scokius libro *de Jure belli Belgici*, cap. 2. Johannes Wandalinus lib. 1. *de Jure Regis*, cap. 2. seqq. Contrarias rationes videbimus ordine. Dicunt: (1.) Jus Regium descriptum à Mose, *Deut.* 17. 16. seq.

M

aliter

aliter se habet. *Respondeo*: Describitur ibi Rex secundum virtutes Theologicas & Ethicas, unde quidem nihil commodè educi potest, quod cum politica gubernatione, uti à Samuele describitur, pugnet. Dicitur ibi, *non multiplicabit sibi equos.* Ne bellicas artes nimium docti, victoriam & prosperos successus adscriberet sibi, quam laudem Deus solus habere volebat, *Psalm. 33. 17.* Hinc afinorum usus apud Judæos invaluit, peccavit vero Salomo Rex, & Rex tamen esse non desinit, *1. Reg. 9. 19. cap. 10. 26.* Porro est, *neque facito ut hic populus revertatur in Ægyptum, ad multiplicandum equos.* Ne occasionem det popularium multis pro terra Chanaan eligendi habitationem in Ægypto, & eò migrandi eorum amore. Judæa afinorum ferax, equorum indigens. Itaque viri illustres vehebantur afinis, *Judicum 10. 4. cap. 12. 14. 2. Samuel. 18. 9. 2. Reg. 1. 33. 38. 1. Chronic. 27. 30.* Additur, *non habebit uxores plurimas.* Salomon fecit adversus Legem, neque tamen à Synedrio Legis violatæ reus postulatur, *1. Reg. 11. 1. 2. seq.* Ultimo, *neque argenti & auri immensa pondera.* Scilicet in thesauris, quibus usus ademptus, aut quos abusus ad fastum & luxum nimium transfert. (2.) Quia decimæ Levitis debitz, ad Regem deferuntur. *Respondeo*: Decimæ à Levitis accipi solitas, non intercepti Rex, sed novas decimas imposuit, unde aula magnificèntia consisteret, secundum Jus gentium omnium, *Matth. 22. 21. Rom. 13. 7.* Non video quam ob causam Scickardus libro de Jure Regio Hebræorum, pag. 105. 106. 107. adversus Maimonidem pertendat, nullas Regi solutas fuisse decimas. Aliter est in expressa litera. (3.) Quia Rex Achabus non fecit impunè, cum vi-

neam Nabothi regio fisco adjudicaret, *1. Reg. 21. 19.* *Respondeo*: Erat vetitum in Lege, ne agri familiarum proprii, cum hæredes adhuc vivebant, extra cognationem devolverentur venditione, donatione, oppignoratione in potestatem alterius, *Num. 36. 7. Deuter. 14. 25.* videlicet ne de nomine familiaris suæ exirent. Si Nabothus retinere volebat vineam suam, erat observantia erga Leges: Cum verò Achab sibi rapiebat per homicidium & calumniam, erat factum tyrannicum, quatenus ad privatam libidinem etiam inserviebant ista, non verò utilitatis publicæ intererat, in rerum omnium copia spoliare, ac propterea occidere civem, adeoque jure illo, quod Samuel descripsit, non poterat sese tuere. (4.) Quia futurum erat, ut populus oppressus clamaret ad Deum, nec exaudiretur: Atqui contra Magistratum bonum nemo insurgit precibus. *Respondeo*: Est hic potestas jure concessa, populo tamen molesta futura, quando facile est Regi, licentius uti potestate suâ in adducendis subsidiiis publicis, quod facere non poterant Judices hæctenus, tum quod hi aulam nullam habebant, tum quod milites præsidarios non alebant. Hinc quærelæ poterant oboriri, sed quod placuerat seinel, deinde non poterat displicere. (5.) Quia Samuel multis agit, ut populum revocet à proposito. *Respondeo*: Non tam idèò quod peterent injusta, fuerat enim permisum in Lege, ut cum vellent, post finitum erroris tempus, & Chanaanis terram in potestatem redactam (*Dent. 16. 15.*) Regem à civibus electum præficerent sibi: Sed quod cuperent onerosa, & quod libertatem à majoribus eorum liberaliter cultam, vellent cum subjectione rigorosa permutare.

tare, solum ut vicinos populos exemplo imitarentur. Hoc est, quod Rabbini Levi Ben-Gerson eleganter vocat הכהן הכהן clausulam malam, *Commentar. ad lib. 1. Samuelis, cap. 8.* videlicet in eventu. (6.) Quia Samuel increpat populum Dei nomine, ut ab ejus ira sibi non frustra timeant. *Respondeo:* Hoc ideo, quod Regem postularent, impatientia aliquam commoti, & quod sibi viderentur melius res suas administrare Gentium more, quam si Deus pergeret eo quo cœperat modo. (7.) Quia Samuel erat Rex populi, neque tamen unquam talia onera exegisse legitur. *Respondeo:* Negatur quod Samuel Rex fuerit, nam discrimen satis magnum ipse constituit inter Regem & se, qui in libero populo summum Magistratum gesserat hactenus, *1. Samuel. 12. 1. 2. 3. 4. 5.* (8.) Quia petebant Regem, uti habebant vicini in Asia populi. Atqui Reges horum erant Tyranni. *Respondeo:* Regebantur addicte modo imperandi illo, quem Dominatum vocamus, *suprà cap. 5. dist. 6. 7.* Neque verò Dominus fuerit idem qui Tyrannus est, quando ille imperat quidem citra leges descriptas, hic legibus adversus justitiam evertit, salutem populi turbat, jura conculcat, vita opibusque mulctat subditos, quos habet inobsequentes, Dominus verò imperat obsequiosis.

III. Quæritur porro: *An Reges Hebræorum præfuerint cum potestate summa?* *Respondeo:* Negant Martinus Scogkii *libro de Justitia belli Belgici, cap. 3.* Jacobus Mil-tonus *Defensione populi Anglicani, pag. 23. seqq.* Scikhardus *libro de Jure Regio Hebræorum, cap. 2. theor. 7.* Joachimus Stephani

lib. 1. de Jurisdictione, cap. 7. num. 17. Simon Episcopus *lib. 3. Institut. Theolog. sect. 2. cap. 8.* Bæoldus in *Collegio Politico, Class. 1. disput. 8. dist.* Johannes Althusius in *Institutionibus Politicis, cap. 14.* Et probare volunt: (1.) Quod Athalia Regina mulctatur solio ad voluntatem Sacerdotis & Procerum, *2. Regum 11. 1. seqq.* (2.) Quod Herodes vocatur in judicio à Judicibus, & horum nonnulli capitalem sententiam in eum pronunciant, *Josephus lib. 16. Antiquitatum, cap. 17.* (3.) Quod Jeremiam Prophetam Rex damnat velut blasphemiae reum, sed Proceres eum absolvunt, *Jerem. 26. 1. 2. seqq.* (4.) Quod Procerum populique Delegati postulaverint multa apud Rebe-beam, & cum ille denegaret, obedientiam ei renuntiaverint, *1. Regum 12. 1. 1. 16.* (5.) Quod Saulum Regem Imperio abdicat Samuel Ephorus Regni, populique jura conservat, cum Rex male præfesset, *1. Samuel. 15. 16. seqq.* (6.) Quod Maimonides in *Halachot Melachim cap. 3. num. 4.* referat, Parliamenti jussu potuisse Regem verberibus affici, quando Legem *Deuter. 25. 2.* agendo, uxores, equos, divitias nimium multiplicaret. (7.) Quod Procerum conventus plurimum valuerit in disceptandis rebus publicis, *Iosue 22. 1. 2. seqq. Esdra 9. 1. 2. seq. Nehemie 5. 1. 2. seqq. & cap. 9. 1. 2. seq. 1. Sam. 12. 1. 2. seq. 1. Chronic. 11. 1. 2. seq.* Hæc illi.

IV. *Respondeo:* (1.) Athaliasse ream tyrannidis, & jure merito occisam à Regni civibus, diximus *suprà cap. X. dist. 3.* (2.) Herodem privatum fuisse illo tempore, quo Judices eum provocabant ad dicendam causam, notum est, quia

Palæstina cum imperio præerat Hyrcanus, imperii præfecturam inferiorem gerebat Antipater, atque hic filio suo Herodi Galilæam procurandam tradiderat, uti diximus in Recensu historię universalis *lib. 24. cap. 2. dist. 7.* Proinde uti Regni subditus veniebat coram eis, illos ipsos verò Judices potestate, vita, opibus multavit tunc, cum Regio solio impositus, Romani Imperii cliens erat, Josephus *lib. 14. Antiquit. Rom. cap. 17.* (3.) Non legitur isto loco, quòd Rex damnaverit Prophetam, sed quòd Sacerdotes eum persecuti fuerint, adversus hos causæ patronos invocavit Proceres, atque obtinuit, *Jerem. 26. 7. 10.* Secus erat, cum Rex interponebat iudicium suum, uti *Jerem. 36. 12. segg.* Mitebat Rex qui occiderent Prophetam, adeoque Proceres consilium dant, *eat, abscondat se ab ira Regis.* Non egissent consilio, quando agere licuisset pro Imperio. Porro cum Rex librum Prophetę incendebat, non intercedebant aliter quàm deprecando, Rex verò non auscultabat eis, *vers. 25.* nullum, inquam, deprecationi locum dabat. Hæc sunt argumenta potestatis Regiæ. (4.) De facti ejus causis dico, quòd non fuerint validæ satis ad rebellionem concitandam, itaque de progressu non satis benè erat, ubi sanè constat, multos praves Reges fuisse, nec tamen occisos, nisi per seditionem. Quærit Tostatus: *An Proceres jure potuerint novas leges præscribere Rehabeamo?* Commentar. ad h. l. quæst. 11. Et affirmat, *non habebat*, inquit, *populus Rehabeamum in Dominum, sed in Rectorem.* Quæ sunt misera effugia; Rex erat Dominus, & subditi erant servi ejus, *1. Sam. 8. 17.* Nequetamen nego, potuisse Regem civibus supplicibus animum mulcere dictis,

& partem oneris deminuere. Sed hæc non erat causa sufficiens, quòd vigiliatum onera obtentui sumsit Jeroboam, ad convertendam plebem, omniaque latè turbavit, & maximarum calamitatum, quæ Palæstinam mox invaserunt, author fuit. Davidis & Salomonis virtute ac prudentiâ ad summam felicitatis gradum evecta fuerat gens Ebraeorum, tutæ & tranquillæ res omnes, affluentia opum incredibilis, Reges Principesque in vicino, atque etiam procul, amici erant. Verbo: Erant impleta, quæ ita magnificè promiserat olim vates Bileamus, de optimo statu Regni in populo, *Num. 24. 17. segg.* Tantò minus laudari poterat, quòd defuncto Salomone, etli hostem foris non habebat, domitamen reperiret. Quòd verò dicunt, *quæ nobis portus est in Davide*, malitiam prodit, quando uni Davidi innumera beneficia debebant perfidi homines, *Psal. 78. 70. 71. 72.* (5.) Denunciabat Samuel, quid Deus post obitum ejus facturum erat: cæterum, quòd ipse non haberet potestatem, velut Rege superior, constat inde, quia dicit, *quomodo vadam, audiat Saulus & interficiat me*, *1. Sam. 16. 2.* Regem ergò verebatur vitæ necisque dominum, & se fecisse aliquid morte piandum, rectè fatebatur, si proprio ausu Regem novum surrogaret. Frivolum est, quod Althusius eum vocat *Ephorum*. Atqui post gesta illane quidena vidit Regem, *1. Sam. 15. 34. 35.* id est, vixit, obiitque privatus. Quin verò David, non obstante eo, quòd unctus esset, Regiam potestatem reverenter habebat, exemploque suo alios instrucebat, ne Regem lædere vellet, uti diximus *suprà cap. VII. dist. 4.* (6.) Est hoc commentum Maimonidis, quò nunc quidem infeliciè & præter morem suum.

foam locutus aliena est, neque igitur ei temerè credi debet. Lex illa *Deut.* 25. 2. est merè positiva, & moderationem aliquam Ethicam injungit, à qua si vellet Politicus rigor evagari, poterat impunè, postquam Lex Regia descripta erat, *1. Sam.* 8. 11. *seqq.* Testantur exempla. David multiplicabat uxores, etiam per adulterium, neque tamen propterea flagris cæsus esse legitur, tantùm à Propheta correptus fatebatur, se in Deum peccavisse, & Deus ab illo poenas repetebat, iusta judicia per injustos executores irrogando, *2. Sam.* 11. 4. 15. *cap.* 12. 7. 8. 13. *Psal.* 11. 6. Salomon perinde equos, opes, uxores multiplicabat, & verò opes ipse Deus procurabat, nusquam tamen coram Parlamento accusatus esse legitur, cò minus flagris cæsus esse credebatur, *1. Reg.* 4. 26. *cap.* 10. 1. 2. *cap.* 11. 1. 2. *seqq.* 2. *Chron.* 1. 12. 14. 16. 17. *cap.* 9. 1. 2. *seqq.* (7.) Proceres apud Comitibus adfuisse, verum quidem est, sed Regibus parebant, postquam libertatis suæ non amplius tenaces, more populorum vicinorum colebant majestatem, Regum servi, in quos omne jus belli ac pacis transulerant, *1. Sam.* 8. 20. Neque tunc in Procerum arbitrio erat, Regem ultra hominum judicia evectum, uno Deo inferiorem, vocare in jus. *Argumentamur:* (1.) Nemo inferior potest sibi jus arrogare in eum, qui superior est. Atqui Proceres Hebræorum erant inferiores Rege suo. Ergò. Minor constat per verba illa, & vos eritis servi ejus, *1. Sam.* 8. 17. (2.) Quicumque est Dominus supremus in omnes & in omnia, ille neminem habet superiorem. Atqui Rex Hebræorum erat Dominus in omnes & in omnia. Ergò Rex Hebræorum neminem habebat superiorem. Minor constat, quòd Samuel post constitu-

tum à Deo Regem, omne imperium à se removerit, & in dicenda causa propria, Regem pronunciaverit Judicem supremum, uno Deo inferiorem, *1. Sam.* 12. 3. 4. 5. (3.) Quicumque facere potest ea, quæ vult, & neminem habet contradicentem, ille omnibus superior est. Atqui Rex potest facere ea, quæ vult, neminemque habet contradicentem. Ergò. Minor est Ecclesiast. 8. 1. 2. 3. *Ubi* *cunque verbum Regis est, ibi dominatio est, & quis vult ei dicere, quid faciat?* Regerit Scogkias: Agitur de Regis aulicis, quibus oblequi gloria relicta est, ut Rex eis imperare possit. *Respondeo:* Imò de omnibus subditis agitur, uti constat, quòd nec Leges aliæ sint, neque facta, nisi manifestò sediciofa. Magis sunt Leges & facta pro omnibus. *Rex est, adversus quem nemo insurgit,* Proverb. 30. 31. Nimirum Reges sunt non solum superiores aulicis, verum omnibus subditis, ut Deo locum in terris obtineant, de quo simile dicendi genus existat, *Jobi* 9. 12. *Dan.* 4. 35.

CAPUT DECIMUM TERTIUM.

De Aristocratis.

SUMMARIUM.

1. *Definitio Aristocratie.*
2. *Regimen populi Judaici.*
3. *Exempla Aristocratie.*
4. *Imperator & Collegarum.*
5. *Definitio Oligarchie.*

I. *Aristocratis est imperium, quòd à Proceribus regitur.* Proceres sunt illi, qui opibus, donis, gratiâ valent imprimis, quando ista omnia tantò fortius Rempublicam

fulciunt, & hujus Rectoribus auctoritatem conciliant. Olim tale Imperium habebant Spartani, ut dicemus *infra* cap. 15. dist. 3. Nec non Massilienses Galliarum incolæ, à Græcis profecti, qui sibi præfecerant sexcentos Optimates, velut Senatores, in quibus erant præcipui Tres Viri, velut Consules, uti refert Strabo *lib. 4. Geographia*. Talis etiam status Hebræorum erat post Moysen & Josuam obitum. Mira, uti solet, narrat *Hobbesius*: Tempore Josuæ, aut, interpretatio Legum & Verbi Dei erat penes Eleasarum summum Sacerdotem, eundemque Regem sub Deo absolutum. Id quod primò colligitur ex ipso pacto, in quo Respublica Israëlitarum appellatur Regnum Sacerdotale, *Exodi 19. 6. 1. Petri 2. 9.* Quod nullo modo dici poterat, nisi potestas Regia esset penes Sacerdotem. Deinde probatur hoc ex verbis illis, ubi describitur Josuæ vocatio ad rerum administrationem, *Numer. 27. 18. 19. 20. 21.* Scilicet, consulere Deum, quid agendum sit, est idem quod verbum Dei interpretari, & Dei nomine imperare in omnibus, quod pertinet ad Eleasarum, egredi autem & ingredi ad verbum ejus, hoc est. ei obedire, pertinet ad Josuam & populum omnem. Notandum quoque est, vocem illam, *partem gloriæ tuæ*, aperte significare, non habuisse Josuam potestatem æqualem ei, quam habuerat Moyses. Post mortem Josuæ, sequuntur tempora Judicum, usque ad Saulum Regem, in quibus manifestum est, jus Regni à Deo instituti mansisse penes Sacerdotem. Atque tale esse debuit, usque dum forma illa à populo, consentiente Deo, mutaretur, id quod factum est, cum Regem eligerent, *1. Samueli 8. 7.*

In Elementis de Cive, cap. 16. num. 14. 15. *Respondeo*: Auctoritas interpretandi Legem dabatur quidem Eleasaro, verum potestas omnis agendi & jubendi pro Reipublicæ commodo tradebatur Josuæ, neque eam minor multò, quàm uti Moyses habuerat, *Josue 1, 5. 6. 7. segg.* Non ergò Eleasar erat Rex, neque absoluti juris. Pacti verba sunt ista: *Vos eritis mihi Regnum Sacerdotale & populus sanctus.* Perinde uti appellationem istam Christianis tribuunt Scriptores fœderis novi, *1. Petri 2. 9. Apoc. 1. 6. cap. 5. 10.* De toto populo verissimè dicitur, quod sui juris fuerit, neque ut olim, Regibus peregrinis adscriptionum jure interserviret. Deo auctore, qui eos Moysi operâ eduxerat, & terræ optimæ habitatores efficere volebat: Sacerdotes erant, id est, sacra propria celsitudo acceperant, Sacerdotio hæcenus etiamungebantur primogeniti eorum in familia qualibet, *Exodi 13. 2. cap. 19. 22. cap. 24. 5. Numer. 8. 16. segg.* Ahen-Eldras & Tremellius *notis ad Exodi 19. cap.* Porro in eo, quod Deum consulebat Sacerdos, nullam exercebat potestatem, sed ministerio aliquoungebatur, uti dicemus *infra* lib. 2. cap. 2. dist. 9. Temporibus proximè lapsis, quando Judices in populo prærant, non quidem semper, verum per intervalla temporum, Sacerdotis potestas nulla erat, adeoque nec commemoratur. Proinde Senatus magnus è Tribuum Proceribus electus, summam Imperii administrabat; Judices verò in expeditionibus bellicis absolutè agebant, ceterùm domi præstant Senatu, atque ita permansit, donec Rex unanimi consensu peteretur, & Senatus magnus, Regiis consiliis inferior, publica negocia omittebat, in privatis liti-

bus

bus solum occupatus, *Iosue* 22. 1. *seq. Iudic.* 1. 1. 2. *seqq.* 1. *Samuel.* 8. 4. 5. *seqq.* 2. *Chron.* 19. 5. 6. Rectè ita censent Alphonsus Tostatus *Prologo ad librum Iudicum* *quest.* 1. 2. *seqq.* Salmasius in *Defensione Regiæ* pag. 71. Arnisaus *lib. 2. Relectionum Politicarum* cap. 4. *sect.* 5. Joachimus Stephani *lib. 1. de Iurisdictione*, cap. 6. 7. Carolus Sigonius *lib. 1. de Republica Hebræorum*, cap. 5. & *lib. 7. cap. 2.* Nam quod sub Iudicibus Monarchiam fuisse, ajunt Belarminus *lib. 1. de Summo Pontifice*, cap. 2. Maximilianus Sandeus *libro de Rege*, pag. 18. 19. Johannes Stephanus Menochius *lib. 3. Hieropoliticorum* cap. 4. *dist.* 5. Cornelius à Lapide *Commentariis ad librum Iudicum* pag. 91. multum falluntur illi, cum Iudices Hebræorum vocant Reges. Quod Reges non fuerint, constat inde, quia non habebant potestatem summam, adeoque fatebantur ipsi, nec Reges esse, nec Regum jura exercere posse, nec aliorum Imperio exsolutos esse, exemplo Gideonis, *Iudicum* 8. 12. 23. Pars erant Senatus magni, & primum in illo obtinebant locum Senatus Principes, (uti vocabant Romani, teste Aldo Manutio, *libro de Senatu Romano*, pag. 33. & adde nostrum Recensum Antiquitatum Romanarum, *lib. 2. cap. 3. dist.* 5.) quamdiu ille Optimatum status durabat in populo, volente sic populo, *Iudicum* 1. 1. *cap. 2. 16. 18. cap. 3. 9. 15. cap. 4. 6. cap. 10. 18. cap. 11. 8. cap. 13. 6.* Tales erant Sufetes, id est Iudices in Senatu Pœnorum, estque idem nomen *שופט*, uti docuimus *libro de Scriptura sacra, exercit.* 7. *dist.* 2. tantum quod Pœnorum Sufes erat cum annua potestate, uti Consul in Romano

populo: Hebræorum Sufes toto vitæ tempore principem locum in Senatu, absolutam potestatem in bello, habebat, quò propius ad Regiam dignitatem accedebat, scilicet quia unus fuit, & quia principatum obtinuit, dum vivebat, 1. *Samuelis* 7. 14. 15. Improprie verò Cornelius Nepos in *vita Annibalis*, & Solinus in *Polyhistore* cap. 70. Sufetes illos vocant Pœnorum Reges, uti non minus figuratè dicitur Hannibal Pœnorum Dissolutor, Inscriptione ad Columnam rostratam, de qua est *infra lib. 2. cap. 18. dist.* 5. Atqui Sufetes isti, ne essent Reges, duabus his rebus efficiebatur, & quod annui essent, & quod *bini* essent. Attamen Hebræorum Iudices quoque vocantur Reges, *Iudicum* 18. 1. *cap. 2. 1. 25.* licet illud, quod maximè Regium erat, non *judicari posse à quoquam*, non haberent, 1. *Sam.* 8. 17. 18. *cap. 12. 1. 2. 3.*

II. Petinde apud eosdem Hebræos erat Aristocrata, temporibus istis, quæ post Babilonicam captivitatem sequebantur. Habebant Duces, quorum primus fuit Zorobabel, nepos Jechoniæ Regis, *Esdra* 2. 2. *cap. 3. 8. cap. 4. 2. 3. Nehemia* 7. 7. 1. *Chron.* 3. 16. 17. 18. 19. *Matth.* 1. 12. Patrem habebat Sealthielem, 1. *Chron.* 3. 17. ubi anno-
tant Tremellius & Vinarientes Scholiastæ Sealthiel, & qui eum ordine sequuntur in hoc Catalogo, non erant jure nativitatis filii Jechoniæ, quandoquidem ille nullos post se reliquit filios, *Ierem.* 22. 30. sed oriebatur à Nathane filio Davidis, *Luc.* 3. 27. Vocantur autem Jechoniæ posterii, quod solum ejus occupaverint, Duces facti in populo suo à captivitate exacta. *Hec illi.* Verum nulla est ratio, ob quam negetur, esse istos Jechoniæ Regis

Regis filios & nepotes. Locus è Jeremia prolatus, haudquaquam negat, Jechoviam habiturum filios, sed negat, habiturum eum filios regia dignitate in populo conspicuos, itaque quantum ad successores in Regno, prorsum sterilis futurus esset, uti exponit Johannes Maldonatus *Commentarius ad Matthæum*, pag. 21. Duces isti primum locum in Synedrio occupabant, uti olim Judices, & horum ultimus occisus est tempore Antiochi Epiphanis. Interim à Persiæ Regibus, quorum nonnulli Judæorum rebus impensè favebant, mittebantur sæpius Legati extra ordinem, ut Reipublicæ bonum procurarent. Talis erat Nehemias, filius Hacheliæ, *Nehem. 1.1. cap. 2. 11. cap. 3. 1. cap. 10. 1.* Annotat *Johannes Quislorpius*: Nehemias ille, de quo sermo est *cap. 10. 1.* erat Sacerdos, uti dicitur *infra vers. 8.* cum ille alter Dux Israëlitarum fuerit, omnes verò Duces & Ethnarchæ Judæorum sunt ex tribu Juda, & de stirpe Davidis, nec aliunde progeniti assumuntur. Error est Scriptoris *lib. 2. Macc. cap. 1. 2 1.* dum Nehemiam Ducem vocat Sacerdotem, *notis ad h. l. pag. 377.* Nos plurimos in verbis illis errores detegimus. (1.) Quòd Nehemias unus & idem fuerit, ostenditur inde, quia ubique locorum est filius Hacheliæ. (2.) Fuit Legatus vel Commisarius Regius, non verò inter Duces, multo minus Sacerdos, quod posterius invitâ veritate asserit etiam Georgius Hornius *notis ad Salpicium Severum*, pag. 318. 319. (3.) Dicitur *cap. 9. 38.* quòd *Principes subscripserint fœderi.* Atqui cum negatur, quòd Nehemias ille, de quo refertur *cap. 10. 1.* fuerit Princeps, aut Principis instar, fallit compositor libri, quia Principem nullum recenset. Ergò Principes erant Ne-

hemias & Zedekias, reliqui fuerunt Levitæ & Sacerdotes. (4.) Fallacia compositionis & divisionis est, quando comprehenditur Nehemias Sacerdotum nomine *cap. 10. 1. 8.* Imò debet eis contradistingui, velut Commisarius Regius, qui optumatum nomine unâcum Zedekia instrumentum obligationis confecit. (5.) In Maccabæorum libro Nehemias haut appellatur Sacerdos. Quòd enim Romanus Interpres legit, *inssit Nehemias Sacerdos ad aspergere aquam*, vitiosum certè est, & contra fidem Græcorum codicum, ubi *τὴν ἐν ἑαῖς* habetur sensu illo, *inssit Nehemias ut Sacerdos aquam ad aspergerent*, quomodo etiam Tigurini, Arias Montanus, Tremellius reddiderunt. Porro non obstantè Ducum potestate, magna quoque fuit Sacerdotis summi autoritas, uti docebat exemplo suo Jaddus, qui occurrebat Alexandro Macedoniæ Regi, *Josephus lib. 1. 1. Antiquit. cap. 17.* Donec Oniâ interfecto, Sacerdotium venalitiū esset apud Reges Syriæ, & Epiphanis Regis sævitia intolerabilis bellum concitaret, quod à Judæis haud infelicitè gestum est. *Tacitus* de his temporibus: Rex Antiochus demere superstitionem (Judæorum) & mores Græcorum dare annixus, quò ininus teterriam gentem in melius mutaret, Parthorum bello prohibitus est, namque eâ tempestate Arsaces desceverat. Tum Judæi Macedonibus invalidis, Parthis nondum adultis, & Romani procul aberant, sibi ipsis Reges impofuerunt, qui mobilitate vulgi expulsi, resumptâ per arma dominatione, fugas civium, eversiones urbium, fratrum, conjugum, parentum neces, aliaque solita Regibus ausi, superstitionem fovebant, quia honos Sacerdotii firmamentum potentix assumebatur,

lib. 5.

lib. 5. *hiflor.* Ergo perseverabat Aristocratia temporibus Hasamonzorum sive Macca-
bæorum (de quo nomine videlibrum no-
strum de Scriptura sacra, *Exercitat.* 21. *dist.*
1. & Nicolaum Fullerum lib. 2. *Miscellaneorum sacrorum cap.* 13.) quorum ductu
in primis Syrorum jugum excusserant, in-
tolerabile prorsus, quia Antiochi & Deme-
trii Reges divinis & humanis Legibus con-
traveniendo, populi occidionem quære-
bant, ut coloniam à Paganis ibi facerent,
Ezech. 38. 1. 2. *segg.* 1. *Maccab.* 1. 11. *segg.*
Durabat Senatus magnus, atque in illo pri-
mum locum obtinebat Princeps illustis fa-
milie ejus, cæterum potestatem habebat
modicam, itaque plerisque ævi istius actis
exprimuntur *Princeps, Senatus*, additur sæ-
pè adeos, *Populus*, tùm in civilibus nego-
ciis, quæ bellum pacem, fœdera attinebant,
tùm in sacris, uti cùm festum Encaniorum
instituitur, 1. *Maccab.* 4. 59. *cap.* 8. 20. 23.
cap. 12. 6. 14. 40. 48. *cap.* 15. 1. 2. 3. Josephus
lib. 13. *Antiquit.* *cap.* 11. Regiam potestatem
beneficio Romanorum primus obtinuit
Herodes Idumæus, atque ita libertate sua
exuti parebant Regi peregrino, Josephus
lib. 15. *Antiquit.* *cap.* 1. & nos ex illo in Re-
censu hiflorie universalis lib. 24. *cap.* 2. *dist.*
8. *segg.* Peregrini dico, neque enim erat ille
de femore Jacobi, adeoque proximabat
tempus, quo Messias adfuturus erat, uti præ-
dixerat Jacobus Patriarcha, *Gen.* 49. 10. De
quo vaticinio quædam notavimus libro de
Scriptura sacra *Exercitat.* 31. *dist.* 6. Quod
verò Josephus Scaliger in *Anmadversionibus*
Ensebianis pag. 148. 159. 259. Causabo-
nus *Exercitat.* 1. *dist.* 3. Torniellus in *Anna-*
libus sacris Tom. 2. *pag.* 132. num. 7. *segg.*
Leonhardus Hutterus in *Lociis Theologicis*,

pag. 849. *segg.* contendunt, Herodem fuisse
indigenam, non est verò consentaneum, &
merito refellunt Jacobus Saliarius in *Anna-*
libus sacris Tom. 6. *Anno mundi* 4017. num.
14. *segg.* Nicolaus Serarius libro de *Herode*,
cap. 3. *segg.* Richardus Montacutius in *Ori-*
ginibus Ecclesiasticis, Exercitat. 10. *sect.* 1.
Dionysius Petavius in *doctrina temporum*,
lib. 11. *cap.* 5. Dicit *Scaliger*: Natus est Hero-
des patre Antipatre ex Idumæis oriundo,
qui populus à Johanne Hyrcano compul-
sus Judaica sacra accepit, ejusque gentis ci-
vitatem sortitus est, Josephus lib. 13. *Anti-*
quit. *cap.* 17. Respondeo: Atqui ob istam
causam fuit proselytus & advena, non etiam
civis originarius, id est, non fuit de posteris
Jacobi. Et verò dedititios rectius appella-
veris, quàm cives pleni juris. Instat *Torniellus*:
(1.) Damascenus familiam ejus derivat
à primatibus Judæis, olim à Babilone rever-
sis. Respondeo: Damascenus ille usus est pha-
lerismo aulico, quod notat Josephus. (2.) Si
verè Idumæus erat, quare non coëgit Ju-
dæos, ut gentis ejus sacra amplecteretur?
Respondeo: Majores ejus dudum receperant
circumcisionem & alios ritus Hebræorum,
quibus ille, ut Hebræis placeret, adhærere
voluit, nec pauca à Paganis accepta, ut à Ro-
manis gratiam iniret, clam pulam miscuit.
(3.) Si verè Idumæus erat, quare Mariamnen
conjugem Judæam ei matrimonio dede-
runt? Respondeo: Atqui Regi illi, & incir-
cumciso, & patriæ legis in speciem obser-
vantissimo nihil poterat denegari. (4.) Si
verè Idumæus erat, quare eum Herodiani
coluerunt velut Messiam? Respondeo: Erant
Religionis deturpatores, qui non adino-
dum curabant, quæ gente oriundus esset
Herodes, uti diximus libro de *Scriptura sa-*

tra, Exercit. 31. dist. 5. (5.) Si verè Idumæus erat, quare de illo vaticinium protulit Jacobus, Gen. 49. *Respondeo:* Vaticinium sonat de Rege Davide, qui vicinos populos victoribus armis edomuit, quod idem verbis aliis prædixit Bileamus, Num. 24. 17. 18. 19. Regerit Vaticinium Jacobi pertinet ad illum, qui vi corripit Regnum, uti Herodes, non qui ultro delatum fulcipit, uti David. *Respondeo:* Dicit Patriarcha, quid futurum esset à Rege oriundo è posteris Juda, non etiam addit, quis, vel quomodo Regnum invasurus esset in populo isto.

III. Ad eundem modum apud veteres Etruscos præerat duodecim Lucumones, sive Prætores, eorumque princeps vocabatur Lartes, (Florus lib. 1. *Historia Romana*, cap. 5. Servius *Commentar. ad lib. 8. Æneid.* pag. 358. Alexander Neapolitani lib. 3. *Genialium dierum*, cap. 28.) Aut potius Lar, quomodo scribi debere, cōstendit Carolus Sigonius lib. 2. *Emendationum*, cap. 9. Apud veteres Ægyptios post discessum Regis Teatki imperabant duodecim Principes, Herodotus lib. 2. *histor.* & nos ex illo in Recensu historiarum universalis lib. 1. cap. 5. dist. 2. 3. Apud veteres Saxones erant duodecim Comites, & præcipuus eorum belli tempore usurpabat nomen Regis, Granzius lib. 2. *Saxonia*, cap. 22. Duodecim Palatini in Sarmatia post extinctam Lechi Regis familiam imperabant, Hebertus lib. 1. *historia Polonica*, cap. 3. Joachimus Pastorius in *Floro Polonico*, lib. 1. cap. 2. Hodie ita imperant Veneti, de quibus plura dicemus *infra* cap. 15. dist. 3. Nec non Genuenses, uterque populus ad gubernacula collocat Patrios opibus, gloriâ, splendore conspicuos, atque in eis legit Ducem sceptro & paluda-

mento nobilem, quod Veneti Candia, Genuenses Cortice Regna dominio obtineant, quamvis Regiis Legibus non administrant, sed in provinciâ formam redactas moderentur, Ludovicus Godofredus lib. 1. *Archontologia Cosmica* pag. 611. *segg.*

IV. Contendunt W'olfgangus Heiderus in *Institutionibus Politicis* pag. 787. Henonius *Dissert. Polit.* 10. dist. 21. Jacobus Martini lib. 2. *Instit. Polit.* pag. 338. Cl Felvvingerus in *Dissertationibus Politicis* pag. 9. *segg.* Johannes Ahlhusius cap. 39. *Instit. Politic.* num. 54. Martinus Ruelinus *part. 3. ad Auream Bullam, dissertat.* 2. dist. 17. & ibidem Nicolaus Mylerus in *Additionibus*, pag. 642. 643. fuisse Aristocraticum Imperium, quando Cæsares legabant sibi Collegam, uti fecerunt Antoninus Philosophus, Diocletianus, Gratianus, Theodosius, Valentinianus, Eutropius in *Breviario* lib. 8. 9. 10. Zolimus lib. 3. & 4. *hist.* Ammianus Marcellinus lib. 25. 26. 27. *histor.* & nos ex illis in Recensu historiarum universalis lib. 5. cap. 2. dist. 8. cap. 4. dist. 4. 5. 6. 7. lib. 6. cap. 2. dist. 3. cap. 3. dist. 1. 2. 3. *Respondeo:* Erat Monarchia, uti rectius dicit Barth Keckermannus lib. 2. *Systematis Politici* cap. 2. Namque Cæsar ille, quem Collegam sibi petebat Augustus, erat ferè Imperator belli, suberatque Augusto, coram quo rationes administrationis suæ reddebant, & si male egisset, capitis iudicio postulabatur, ita Galerio fecit Diocletianus, Gallo Constantius, uti diximus in Recensu historiarum universalis lib. 5. cap. 4. dist. 4. 5. lib. 6. cap. 1. dist. 5. Quando erant duo Augusti, habebant divisa Imperia, alter Orientis, alter Occidentis, & pactis eorum sese obligabant quidem, ut Leges univer-

solent

sales conderent , ut armis conjunctis sese defenderent , ut Imperium utriusque vocaretur Romanum : Cæterum quilibet Imperio suo cum potestate summa præerat , neque potestate alterius contineri volebat in negotiis privatis. Ita erat cum Imperium Orbis dividerent tres filii Constantini Magni, ac deinceps cum post obitum Theodosii Magni succederent duo filii ejus, alter in Græcia alter in Italia, uti diximus in Recensu historiarum universalis lib. 6. cap. 1. dist. 2. cap. 3. dist. 4.

V. Ejus oppositum est Oligarchia. Oligarchia est , cum Proceres opprimunt æquales suos.] Ita Romæ accidit, postquam Triumviri imperio potiebantur, Antonius, Octavius, Lepidus, Florus lib. 4. Historie Romanæ cap. 6. Epitome Livii lib. 119. 120. Appianus lib. 3. et 4. de bellis civilibus, & nos ex illis in Recensu historiarum universalis, lib. 4. cap. 3. dist. 14. 15. Ejus rei memoria servatur in veteribus nummis, ubi incusæ tres facies, aut tres dextere invicem complicate, Johannes Tristavius Commentarius de Imperio Romano Tom. 1. pag. 47. et 73. Antonium Augustinus Tabula 9. numer. 14. 15.

CAPUT DECIMUM QUARTUM.

De Democratia.

SUMMARI A.

1. Definitio Democratie.
2. Exempla Democratie.

I. Democratia est Imperium , quod à populo regitur.] Populus est ille, qui jas

civitatis habet, ac verbo, *cives minorum ordinum* comprehenditur. Ut tale sit Imperium, quinque potissimum requiruntur : 1. Magistratus à populo constituitur, & ab illo accipit auctoritatem. 2. A sententia magistratus in causis gravioribus ad populum appellare licet. 3. Leges, per quas bonum publicum regitur, à magistratu quidem proponuntur, sed à populo jubentur. 4. Magistratus apud populum deferri, & jussu ejus vita mulctari potest, cum male egit. 5. Magistratus non est perpetuus, sed ambulatorius, ut qui imperaverunt aliquando, hi pareant alio tempore, Aristoteles 4. Politic. 4. seq. 6. Politic. 2. seqq.

II. Hoc ergo interest, quod in Democratia secundum proportionem *Arithmeticam* censentur omnes, id est, ut non respiciatur ad familiam & opes : Verum in Aristocratia secundum proportionem *Geometricam* censentur pauci, id est, ut ratio habeatur familie, dignitatis, opum. Tale Imperium erat apud veteres Athenienses, ut constat ex illis, quæ ordine persequitur Joachinus Stephani lib. 2. de Jurisdictione Græcorum, cap. 1. 2. seqq. & nos paucis dicemus *infra* cap. 15. dist. 3. Nec non apud Romanos, postquam illi Reges depulerant solio, & Senatam formabant, cui præerant duo Consules, alter patricius, alter plebejus, uterque anno uno præerat, deinde Consularis & Senator erat, ad populum suprema provocatio valebat, qui potestatem illam per Tribunos suos exercebat. De hac re quoque est *infra* cap. 16. dist. 6. Florentini Democratiam habebant, antequam Mediceorum Principum opibus & Caroli V. Imperatoris armis succumbent. Tunc enim populus renunciabat & abrogabat magistratum, legemque civium

civium libertate asserenda sanciebat Hieronymus Savoranola Monachus Dominicanus, hostis Papæ, & Mediceis infensissimus, Religionis opinione inter suos eximiè cultus, uti disserit Johannes Franciscus Picus *libris duobus Apologie pro Savonarola Prophetæ ad Herculem Estensem*. Ex lege illa provocare licebat à Senatu & Octoviris ad populum, quæ tamen lex per negligentiam populi & Legislatoris ipsius animum timore oppletum, à Senatu abrogata est, adeoque libertatem populo, vitam famamque pristinam eripuit Legislatori, civitati imposuit Principes, Machiavellus *lib. 1. de Republica*, cap. 39. & 45. Guicciardinus *lib. 3. histor.* Stephanus Forcatulus *lib. 4. de Imperio Gallorum*, pag. 241. seqq.

CAPIT DECIMUM QUINTUM.

De Republica mixta.

SUMMARIA.

1. *Exempla Reipublicæ mixtæ.*
2. *Rationes adversus Rerum publicarum mixtionem.*
3. *Solvuntur rationes contrariæ.*

I. **D**Ocent vulgò, plures Imperiorum modos ita posse invicem attemperari, ut vel ex duabus vel tribus speciebus hætenus enumeratis, nova quædam Respublica composita existat. Exempla proferunt notissima: (1.) Imperium Germanicum est gubernationis mixtæ, ut Monarchia & Aristocratio concurrant. (2.) Vetus Lacedæmoniorum Respublica, quomodo eam Lycurgus formaverat, composita fuit è tribus

speciebus. Reges habebant potestatem belli, Magistratus exercebant judicia per Successiones annuas, Senatus habebat custodiam Legum, populus creabat Senatores, *Plato lib. 3. de LL. Polybius lib. 6. Aristoteles lib. 4. Politicor. 9.* (3.) Hebræorum Respublica administrabatur per Reges, atque hi Parlamento suberant. (4.) Regnum Poloniæ est Monarchia & Aristocratio commixtum est, Nobiles enim penes Regem votis suis electum, consultant, decidunt in pace, belloque, uti patet è Statutis Regni, consensu Regum evulgatis, & provocatio suprema non tam ad Regem, quam Regni Comitia deferunt, testibus Cromero *libro de Magistratibus Poloniae*, Chytræo *lib. 2. 3. histor.* (5.) Angliæ Regnum constat è Monarchia & Aristocratio, quando Rex obnoxius est Parlamento, & promittit juratus, quòd patrias Leges observare velit, Johannes Casus in *Sphæra civitatis*, lib. 3. pag. 132. (6.) Consimiliter Galliæ, Hispaniæ, Scotiæ, Daniæ, Suediæ Regna habent Monarchiam cum Aristocratio temperatam. Reges enim publica acta disceptant in Comitibus Ordinum, & jurant in Leges patrias accuratè servandas, quas cum non servant, removeri possunt, Hottomannus *lib. 1. de antiquo jure Galliæ*, cap. 23. Georgius Buchananus *libro de jure Regni Scotiæ*, Thomas Smithus *lib. 2. de Republica Angliæ*, cap. 4. 5. (7.) Veteres Athenienses misceverunt Aristocratiæ cum Democratia, postquam Senatum Areopagiticum formaverunt, teste Itocrate in *Areopagiticis*. (8.) Veneti miscent Aristocratiæ cum Monarchia, & Ducis imperium conjungunt unà cum Senatus auctoritate, Contarenus *lib. 1. & 2. de Republica Venetorum*. Hæc ita proponunt Machiavellus

Vellus *lib. 1. de Republica, cap. 2. Arnizæus lib. 1. de doctrina, cap. 8. & lib. 2. Relectionum Politicarum cap. 4. sect. 6.* Johannes Eiche-
lius *Dissertatione de Republica mixta*, Her-
mannus Conringius *Dissertatione de Rebus-
publicis in genere, dist. 4. & seqq.* Wollstang-
us Heiderus *in Institutionibus Politicis*,
pag. 82. seqq. Johannes Paulus Felvinge-
rus *in Dissertationibus Academicis, pag. 417.
seqq.* Christophorus Besoldus *lib. 1. doctrina
politica, cap. 11.* Balthasar Cellarius *lib. 2. In-
stitutionum Politicarum, cap. 6.* Georgius
Schönbornerus *lib. 1. Institutionum Politi-
carum, cap. 16.* Johannes Althusius *in Insti-
tutionibus Politicis, cap. 39. num. 15. seqq.* Bar-
tholomæus Keckermannus *lib. 2. Systematis
Politici, cap. 4. seqq.* & *in Cursu Philosophico*,
Disput. 36. quest. 8. Martinus Schoegkii *li-
bro de Majestate, dist. 47. 48. 49.* Lælius
Zecchi *lib. 1. de Principe, cap. 4.* Benedi-
ctus Carpzovius *Commentario ad Legem
Regiam Germanorum, cap. 13. sect. 9. num.
13. seqq.* Vernulejus *lib. 1. Institutionum Pol-
iticarum, est. 2. cap. 2.* Adamus Conzenus
lib. 1. doctrina politica, cap. 14. Ananias Scur-
cius *dist. polit. 3. pag. 102. seqq.*

II. In contrarium disserunt Johannes Bo-
dinus *lib. 2. de Republica, cap. 1. & in Metho-
dohistorica, cap. 6.* Tholofanus *lib. 5. cap. 1.*
Melchior Junius *part. 1. Questionum Poli-
ticarum, pag. 32. seqq.* Jacobus Bornitius *libro
de Majestate, cap. 11. 12. 13.* Philippus He-
nonius *disputat. polit. 9. dist. 2.* Michaël Pic-
carcus *in Philosophia Altorfina, disputat. 30.
dist. 50. seqq.* Thomas Hobbes *libro de Cive
cap. 7. dist. 4. & rectè negant*, dati Imperia
mixta Rationes sunt: (1.) Quia omnis Res-
publica ordinem benè constitutum obser-
vat, neque igitur confusionem, aut mixtio-

nem ipso nomine perversam admittit. (2.)
Quia summum Imperium est per se unum
& indivisum, adeoque contradictionem
implicat, velle dicere, quòd idem Imperium
per se, & simul penes unum, & penes com-
plices sit depositum. Excipit *Arnizæus*: Plu-
ra sunt capita è quibus constat majestas,
quam totam & universam communicari
pluribus, equidem impossibile est, sed par-
tes ejus separari atque inter plures dividi
possunt, ita quidem ut singuli habeant par-
ticulam majestatis, in toto verò corpore sit
majestas perfecta. *Respondeo*: Partes inte-
grantes communicari, ita verò, ut non com-
municetur totum, contradictorium est. Et
verò communicatio, quæcunque illa fue-
rit, non eripit subiecto primo dignitatem
aut potestatem suam, ut æqualiter utrique
imputetur effectus. Itaque corpus non sen-
tit, verum corpus vivens sentit, id est, cor-
pus animæ unitum, & ab anima præsentis im-
fluxu affectum, ut sensus ei possit inesse.
Multò minus indignius, si ve illud quod ac-
cipit, potest digniori, si ve illi quod imper-
tis, præscribere, & imperare. quomodo Rex
præstantior est, neque igitur leges accipere
potest ab illis, qui eo inferiores sunt. (3.)
Quia Respublica quæ vis suam formam ha-
bet, eamque specificam, ut illa non possit
cum forma alia numero eadem communi-
cari. (4.) Quia mixtio hujusmodi citra tur-
bas non esset, quando alius alii compar obe-
dientiam denegabit, atque bonum publi-
cum evertet. Dicit *Felvingerus*: Elementa
sunt specie diversa, & miscentur: Equus &
asina sunt species diversæ & miscentur, ut
nascat inde mulus. *Respondeo*: Elementa
non tam miscentur invicem, quàm a super-
ioris alicujus formæ dominio unantur &

continentur, ut faciant, quæ ad compositionem existentiam per se utiliter conferunt. Ita Rex cum dominio superiori præstet, & inferiores quoscunque diripit, ut agant quæ vult ipse, quæque putat commode esse ad conservandum bonum publicum. Nulla hic est mixtio, per quam superior ita cum inferiori copulatur, ut inferior potestatem cum superiori communem habeat. Equus & asinus producent monstrum, an tale quid est Respublica mixta? (5.) Quia summus Princeps non poterit citra existimationis suæ iacturam aliquid de Imperio abdicare, & cum inferioribus communicare. (6.) Quia non datur exemplum, nisi ubi Princeps fortè jubet, ut suo nomine agant inferiores, quicquid rerum occasio movet. Atqui *beneficio alterius* agere, non est parem esse illi, qui *potestate sua* agit, multò minus in agendo ita concurrere, ut ab actione habeat denominationem. De exemplis ordine dicemus.

III. Ac (1.) quidem Imperium Germanicum est Monarchicum, uti dicemus *cap. 16. dist. 27.* (2.) Vetus Respublica Lacedæmoniorum erat perfectè Aristocratica, quando Reges eorum dignitatem aliquam habebant, potestatem verò nullam. Dicit Machiavellus, *instituisse Lycurgum, ut Regibus sua dignitas, Optimatibus potestas, civibus perfectæ libertas conservarentur.* Atqui dignitas non facit Regem, sed potestas & imperium. Neque etiam dignitas eorum magna erat, cum teste Xenophonte, libro de Republica Laconica, *Regum honores parum admodum differrent à privatorum splendore.* Quòd ergo Justinus *lib. 3. histor.* dicit, *Reges habuisse jus belli,* verum est sensu illo, quòd in expeditionibus habuerint potestatem amplam agendo, quòd viderent e Respublica usu esse, cæterum neminem hostem ar-

bitrio suo invadere poterant, nisi in quem eos miserant Ephori, quorum consilium regerantur omnia, & coram quibus Reges gestorum suorum rationem addicere reddebant, Aristoteles *2. Politic. 7. 4. Politic. 9.* Plutarchus *in vita Cleomenis.* Verbo: Ephori pro arbitrio decernebant in Actis publicis, Senatores decernebant in privatis litibus, itaque Aristocratia erat, uti rectè pronunciant Thucydides *lib. 2. histor.* Nicolaus Crægius *lib. 1. de Republ. Lacedæmon. cap. 4.* (3.) Reges Hebræorum præerant cum imperio absoluto, uti diximus *suprà cap. XII. dist. 3.* (4.) Regnum Poloniæ est status Monarchicus, quando subditi omnes sunt in Regis clientela, & adversus eum committuntur à subditis crimen læsæ majestatis Johan. Herbutus *lib. 1. Statutor. Polon. cap. 1. art. 4. num. 6.* Quòd suprema provocatio deferatur ad Comitum, Regiæ potestati non detrahit, quando Regum beneficium est, quòd Ordines usurpant peculiares libertates. Aliàs constat, quòd Poloniæ Reges vitæ necisque potestatem sibi arrogare possint, cum volunt, itaque Ordines Regni neminem proscribere, neminem damnare possunt, nisi quem ille decreto suo poenâ illa affici jussit, uti constat ex actis Zborovianis, quorum unum capitule clecti, alterum proscripti edicto suo imperavit Stephanus Bathor juris Regii callentissimus, uti referunt Martinus Cromerus *lib. 2. de Statu Poloniæ,* Paulus Piascius *in Chronicis Europæ pag. 13. 14. 15.* Scilicet Magistratus omnes civiles perinde atque Ecclesiasticos eligit Rex, & isti in potestate ejus agunt, quæ agunt, ut satis hinc etiam pateat, non esse illos suæ potestatis, verum à Rege constitui, & potestate sibi à Regibus data uti in judiciis peragendis. De quo refert idem Piascius *lib. 2. dist. 2.*

dislopag. 50. (5.) Regnum Angliæ est Status Monarchicus, quando constat esse populum bello victum, & victorem Wilhel- mum Conquistorem omnes Anglis ademptos agros militibus suis beneficio suo possidendos tradidisse, novas leges sancivisse, potestatem in omnes Clericos perinde ac Proceres exercuisse, quod refert Polydorus Virgilius lib. 9. *historiæ Anglicæ*, & nos ex illo protulimus in Recensu historiæ universalis lib. 15. cap. 1. dist. 2.3. Regum benignitas deinceps promulgavit & confirmavit libertates aliquas. non ut Proceribus adderent potestatem, sed ut conciliarent dignitatem, quâ supra vulgum eminent, aulæ splendorem augerent, Regibus obsequia cum majori prolubio exhiberent, uti multis persequuntur Salmasius in *defensione Regni* pag. 120. seq. Johannes Seldenus in *Jano Anglicæ lib. 1.* David Jenkins in *Statutis Anglicanis*. Nam quæ ad offerendam Procerum civiumque potestatem nuper exal- gavit patricida Jacobus Mitonus in *defensione populi Anglicani*, ea, inquam, sunt apinæ tri- cæque & si quid vilius istis. Regula immota est: *Beneficium suum nemini debet esse fraudi*. Atque libertates sunt beneficia Regum. Ergo non debent usurpari ad infringendam Regum potestatem, turbas conciendas, factiones alendas. Parliamentum cepit de- mum post tempora Eduardi III. Regis, & uti à Regibus institutum fuit, ita potestatem Regibus subjunctam habuit semper, ab eis pro lubitu convocatur, & absque horum jussu nunquam coire potest, eorum etiam jussu, quando cunque libet, vicissim dissolvitur, adeoque Regis nutu & arbitrio omnia fiunt, ut ipsa etiam, quæ ab omnibus Proce- ribus ita congregatis sanciuntur, Regis Le- ges & Statuta nuncupentur. Constat ex hi-

storia Henrici VII. Regis à Francisco Bacono de *De ulamio* scripta, Parlamentum semper inferius fuisse ipso Rege. Condonatione omnium delictorum, nequidem in partes consilii vocato Parlamento, ipsemet per edictum Regum refractariis subditis concessit, l. d. pag. 28. Scotis rebellibus noluit permi- ttere, ut leges Regibus suis impone- rent, sed tunc communem Regum causam agi censuit, quando subditi conarentur Re- gem unum in ordinem redigere, l. d. pag. 122. leges in Regno suo validas solus ipse promulgavit, l. d. pag. 125. 355. Possemus idem ex aliorum Regum ge- stis ostendere, qui nunquam admiscent, ut Parlamentum vires tantas sumeret, quibus potestatem Regiam deminuerent. Sed ista nunc sufficiant. (6.) In omnibus Regnis il- lis est Status perfecte Monarchicus, & pa- rum obstat, quod Reges permittant Con- ventus Ordinum, inque patrias Leges jura- mento sese obligent, namque id demum est, Regem esse, quatenus Rex agit secun- dum Leges & Pacta, Dominus agit citra Le- ges, quibus nunquam fuit circumscriptus, Tyrannus agit contra Leges, qua de re plura dicemus intra cap. 19 dist. 2. Conventus Ordinum sunt in potestate Regum, qui eos cogere & dissolvere pro lubitu possunt, adeoque Regis Consilium quasi sunt, quod ille pro deliberando super negotiis publi- cis cogit, majestatem salvâ. De Gallis no- tissimum est, multa Reges agere, ad quæ probanda, velint nolint Proceres, obli- gantur, quia Regibus in Consilio priva- to ita placet, quod testatur Wilhelmus Barclajus lib. 4. de *Potestate Regali* cap. 14. 15. 16. 17. 18. 19. Neque aliter est de Hispanis. Postquam Mauri va- stabant omnia, indigenarum plurimi ad

20. *Translatio Imperii ad Gallos & Germanos.*

21. *Origo Imperii Germanici.*

22. *Imperii Germanici Jura.*

23. *Libertas civitatum Italiae.*

24. *Origo Electorum Principum.*

25. *Imperii decrementum.*

26. *Coronatio à Pap. facta.*

27. *Status Imperii Germanici.*

28. 29. *Rationes pro Statu Monarchico adferuntur.*

I. DE origine & incrementis Romæ urbis sunt quædam in sacris literis testimonia, ut Interpretes aliqui censent. Quod Daniel originem notet, putat Hugo Grotius, verbis illis, cum ait, *lapidem à monte revulsam obruisse lapsu suo omnia Regna ista*, Dan. 2. 34. Nam quicumque Colossi partem inferiorem ad Romanos applicant, saluntur. Sulpitius Severus lib. 2. *historia cap. 4.* Crura ferrea, ait, Imperium quartum. idque Romanum intelligitur, omnibus antè Regnis validissimum. De hac re diximus *suprà cap. IX. dist. 1. seqq.* Et verò quod lapidem à monte revulsam de Romanis interpretatur Grotius, non minus pugnat cum veritate Namque de novo aliquo (non tantum ratione *populorum*, sed quoque *regiminis*) Imperio agitur, uti Prophetæ verba ostendunt, *vers. 44. 45.* Neque Romani obruerunt omnes illos in prioribus Imperiis populos, à Parthis repulsi toties ac profligati. Sælus Christus mundum totum ad se convertit, nunciando Evangelium per Apostolos, *Matth. 28. 19. 20.* Locus est Numer. 24. 24. *Et naves de litore Kirthim (venient) visitabunt, Ebraos, & deinceps ipse quoque in perditionem tendet.* Kirthim

de Romanis exponunt Rabbini Salomoh Aben Esdras, Vatablus, Cornelius à Lapide, Bonfrerius, Tirinus *Comment. ar. ad h. l.* Samuel Bochartus *part. 1. Geographia sacre lib. 3. cap. 5.* Nullo cum successu, quandoquidem כרתים sunt Græci & horum vicini Insulani, uti rectius monent Sebastianus Castalion *notis ad h. l. pag. 3. 38.* Franciscus Junius *notis ibidem*, & patet è collatione, *Gen. 10. 4. Dan. 11. 2. 1. Maccab. 1. 1.* Græci sunt, qui Assyrios eorumque successores Medos ac Persas armis subegerunt, transverſi Helleſpontum. Et Assyrii Medi, Persæ sunt כר, id est, *περάται* appellativè capiendos. illi, qui *ultra flumen sunt*. Flumen, id est, Euphratem. Etiam hunc superaverunt Græci, Insulani, (quos inter potentissimi erant Cyprii, Cretes, Rhodii) Macedones sub Rege Alexandro Magno, & devastaverunt florentissimas Orientis provincias. Sequitur, *ipse in perditionem tendit*, factumque est, cum victoricia Græcorum arma succubuerunt fortunatis Romanorum successibus, *Florus lib. 2. histor. Rom. cap. 8. 12. lib. 3. cap. 5. lib. 4. cap. 11.* Appianus in *Syriacis*, & adde Recensum nostrum Antiquitatum Romanarum *lib. 4. pag. 707. 708.*

II. Conditor urbis Romulus erat, uti prolixius referunt Livius, Dionysius Halycarnassæus, Florus, Plutarchus, & nos ex illis in Recensu historiarum universalis *lib. 4. cap. 1. dist. 2. seqq.* diximus. *Virgilius*: Quin & avo comitem sese Mavortius addet Romulus, Asraraci quem sanguis Ilia mater Educet, *lib. 6. Æneid.* Et *lib. 8. Æneid.* Fecerat & viridi frætam Mavortis in antro Procubuisse lupam: Geminis huic ubera circum Ludere pendentes pueros, & lambere matrem Impavidos. *μυδίζων* de Romulo & Remo patre

tre Marte, ut aiebant, genitis. *Horatius*: Iliæ Mavortisque puer, *lib. 4. Carm. 8.* Deliquit Sol passus est ipso die Solis, quo Iliam stupravit miles, eamque gemellis iniprægnavit, ut narrant *Plutarchus in vita Romuli*, *Valerius Maximus lib. 5. cap. 5.* & deliquit ejus accuratum calculum ponunt *Laurentius Eichladius Præfat. ad part. 2. Ephemerid. novar.* *Thomas Lydiatus libro de Emendatione temporum pap. 44.* Lupæ imago sub ficu Ruminali duos puellios istos lactantis est in antiquis nummis *Commodi*. *Alagabali*, *Macrini*, apud *Abr. Gorlaum Tab. 44. num. 7.* *Ant. August. Tab. 1. num. 2.* *Sebast. Erisum Expositio ad nummos pag. 461. 475.* *Johan. Tristatium Commentarius de Imperio Romano Tom. 1. pag. 716.* Per sacrificios confectus est, subornatis à Patribus, qui austeros mores ejus pertæsi Regem habuisse quàm habere malebant, ut verò populo exandescenti religionem injicerent, *Julium Proculum* obtulerunt: Affirmabat ille, quòd vidisset *Romulum* formâ augurâ armis fulgentibus ornatum, eumque dicentem audivisset de sua in cælos emigratione, atque deinceps *Quirinum* appellari voluisse. *Livius lib. 1. Florus lib. 1. cap. 1.* *Plutarchus in vitis illustribus pag. 25.* Inde est, quod *Virgilius* dicit, *Remo cum fratre Quirinus jura dabunt*, *lib. 1. Æneid.* *Quirinus* deducitur à *Quiri*, atque ita *Sabini* veteres, (quorum sermo paulatim cum *Latiali* coauluit, & *Romanam* dialectum effecit) vocabant hastam, *Servius Commentar. ad lib. 1. Æneid. pag. 199.* Hastam bellator *Romulus* secum perpetuò tulit, Regum veterum consuetudine ipse etiam usus, de quibus constat sacris literis, *1. Samuel. 18. 10. cap. 19 2. cap. 20. 33. cap. 26. 11.* Statuæ eorum

habitu consimili ponebantur, nam sceptrum multò serius adhibitum fuit, uti notat *Cælius Rhodiginus lib. 1. 1. Antiquarum Lætionum cap. 49.* Primus ille & ultimus Regum inter Divos relatus est, ejus verò exemplo deinde Imperatores consecrari voluerunt, statuas, imagines, coronas radiatas, hastas, fulmen, templa, aras, flamines acceperunt, quod de *Julio Cæsare* narrat *Florus lib. 4. histor. Rom. cap. 2.* de *Augusto* *Suetonius lib. 2. cap. 94.* *Tacitus lib. 1. Annalium*, *Dion Cassius lib. 56.* Scilicet coronas radiatas petiverunt à Sole Deorum illustriissimo, quem Regum suorum esse progenitorem voluerant etiam *Aborigines.* *Virgilius* describit: *Quadijugo* vehitur curru, cui tempora circum, Auratibis sex radii fulgentia cingunt, Solis avi specimen, *lib. 12. Æneid.* De *Latino Rege* agit. *Cæleste* quoque quod propter *Augustum* contigit, refert *Vellejus Paterculus*: Cum intraret urbem, Solis orbis super caput ejus curvatus æqualiter, rotundatusque in colorem arcus, velut coronam tanti mox viri capiti imponens, conspectus est, *lib. 2. cap. 59.* Coronas radiatas videmus in nummis *Augusti*, *Neronis*, *Trajani*, *Pupieni*, *Decii Gordiani*, *Philippi*, *Valeriani*, *Æmyliani*, apud *Onuphrium Panvinium lib. 2. de Ludis Circensibus pag. 87.* *Antonium Augustinum Tab. 16. num. 17. 22. Tab. 47. num. 17. Tab. 57. num. 9. Tab. 60. num. 5.* *Johannem Tristatium Commentarius de Imperio Romano Tom. 1. pag. 225. 227. 233. 236. 246. 415. Tom. 2. pag. 494. 496. 509. 518. 520. 569. 650. Tom. 3. pag. 12. 68. 70. 194. 195. 212.* De hastis est testimonium *Justini*: Ob religionis memoriam adhuc Deorum simulacris hastæ adduntur, *lib. 43. cap. 3.* Verba *Luca-*

Lucani: Fulminibus manes, radiisque ornatibit & hastis, *lib. 7.* Ita enim refcribit *Johannes Freinsheimius notatis ad Florum lib. 4. pag. 351.* ubi lectio vulgaris est, radiisq; ornatibit & astris. Nihil mutant *Berlmannus, Farnabius, Grotius, Screvelius, Hortensius, Justus Lipsius (notis ad lib. 1. Annalium Taciti num. 63.)* atque illi astris referunt ad stellam crinitam post *Cæsaris* obitum exortam *suprà cap. 8. dist. 15.* De flaminum collegiis diximus *lib. 1. cap. 12. num. 6. Antiquitatum Romanarum.*

III. Regum successio post obitum Romuli, qui sine hæredibus obiit, electionis jure prorogata fuit. Negat quidem *Marcus Zuerius Boxhornius Dissertatione Politica 5. dist. 2.* quòd Romanorum à Romulo conditum Regnum fuerit hæreditarium, & *Dionysium Halycarnassæum* reprehendit, qui hæreditarium fuisse, non uno loco affirmat. Quid enim, ait, apertius, quàm post Romulum omnes hæcenus electos fuisse? Unde illa solennia apud *Livium*, ubi de creatis Regibus ait: Regem populus jussit: Patres autores facti. Et: Regem populus creavit: Patres fuerunt autores. Neque obstat, quòd absolutissimo imperio usi sunt Reges Romani. Qui enim statuunt, omnia illa esse summa Principum imperia, quæ per successionem; nunquam verò illa, quæ per electionem deferuntur, nimium aberrant. Formam enim imperii non afficit aut facit modus, quo ad id pervenitur. *Hæc ille.* Respondet: Quòd Regnum pertineret ad filios hæredes, constat satis inde, quia Rex *Ancus Marcius* tutorem *Priscum* designavit filiis suis, qui post obitum suum curam horum ageret, atqui *Priscus* tutor liberis relictus, Regnum intercepit, ait *Sextus Aurelius Victor libro de viris illustribus.* Si Regnum in-

tercepit, certè Regnum filiis *Anci Regis* natalium jure debitum fuit. Electi quidem fuerunt Reges, sed tunc, cum pater nullos progenuerat filios, itaque *Livii* verba de *Romulo, Numa Pompilio, Tullo Hostilio* valent, quibus omnibus deerant hæredes. Regum ultimus erat *Tarquinius superbus*, civium impetu dejectus, quòd multa crudeliter & ignavè ageret, uti diximus in *Recensu historiarum universalis lib. 4. cap. 1. dist. 11. cap. 2. dist. 1.* Cæterum sub Regibus hanc dignitatem habuit *Senatus*, ut magistratus crearent, leges sancirent, de bello unà consultarent, secundum pacta illa quæ cum eis fecerat *Romulus*, *Dionysius Halycarnassæus lib. 2. histor.* Potestas verò omnis Regum erat, nobis *Romulus, ut libitum, imperaverat*, ait *Tacitus lib. 3. Annal.* Neque injuriâ, vel urbis author, qui subditos fecerat, non invenerat. Quod enim *Marcus Fabius* (apud *Livium lib. 8. histor.*) *Papyrio Dictator* filium ejus ad supplicium poscenti obijcit, *Hostilium Regem* concessisse provocationi ad populum, hoc inquam, potestati Regiæ non detrahit, quando Rex delegerat ad negotium judicandum *Duum viros*, hæc lege, ut ab illis provocatio esset ad populum, itaque non à Rege quidem, sed à *Commissariis Regis*, volente jubente Rege, provocari poterat ad populum in isto perditionis, uti vocabatur, crimine. Quod tamen Rex æquiori animo pertulit, veritus crudelitatis notam incurtere, si damnasset pronunciatum suo *Horatium*, uti refert *Livius lib. 1. histor.* Regibus ejectis successit *Democratia*, auctore *Junio Bruto.* *Tacitus*: Libertatem & Consulatum *Junius Brutus* instituit, *lib. 1. Annalium.* Libertas deinceps fuit, cum populare esset regimen, Majestas desit esse, quia

quia Reges nulli erant, nisi cum potestatem Regiæ similem exercebat per intervalla Dictator, ut porro docebimus in *frâ lib. 2. cap. 1. dist. 5.* Quando verò apud Ciceronem *locus plurimis* Majestas adscribitur Reginini populari, catachresis est Oratori quidem non insolens, sed quæ tamen à proprio dicendi genere multum distat. Contraria sunt *Majestas & Libertas*, utraque verò in suo genere una est, perpetua est, suprema est, uti porro dicebimus in *frâ lib. 2. cap. 1. dist. 3. 4.*

IV Consules præerant duo, ut Regum instar agerent, quos Lacedæmonii præferebant sibi, perpetuos quidem hi, illi verò ambulatorios. Duo erant, quòd novam libertatem uni periculosè committi arbitrantur, ac divisio Imperio, si alter malus esse voluisset, alter qui potestatem æqualem habebat, cum coherceret, nec Imperium longius quàm anno habebant, ne per diuturnam potestatem insolentiores redderentur, sed civiles essent, qui se post annum scirent futuros esse privatos, Livius lib. 2. hist. Dionysius Halycarnassæus lib. 4. Eutropius in *Breviario* lib. 1. Onufrius Panvinus *Commentariis* ad lib. 1. *Fastorum* pag. 57. seq. Jus militiæ summum habebant, civibus & sociis imperabant, Tribunos militum, Centuriones. Officiales majores, minores designabant, populum convocabant, fœdera sanciebant, leges promulgabant. Breviter, *authoritas erat in Senatu, potestas erat in populo*. dicente Cicerone, lib. 1. de *L.L.* Nam à Senatu provocare licebat ad populum, velut ad Judicem majorem. Quin & Tribunorum plebis intercessio arbitrium pacis, belli, ferendarum legum eripuit illis, ut *sine populi jussu nulli eorum verum Consuli jus esset*, ait Salustius in *Catilinaria*. Ad curiam ve-

hebantur curru, in quo sella elevata posita erat, cui insidere honoris majoris gratiâ possent, atque illa dicebatur esse sella curulis. Ejusmodi sellas exhibent nummi apud Gortzum *Tab. 18. num. 9. Tab. 29. num. 4. 5. 6. 7. 8. 9. 10.* Sellæ fuerunt eboratæ & variis signis exsculptæ. *Ovidius*: Aut reget ille suos dicendo jura Quirites, Conspicuum signis cum premet altus ebur, lib. 4. de *Ponto Eleg. 5.* Horatius: Hic fasces dabit, eripietque curule Cui volet importunus ebur, *Epist. 1.* Sceptrum vel scipionem eburnium, in cuius apice erat aquila, tenebant manu, quando in curia jus dicebant. Juvenalis: *Danunc & volucres sepiro qua surgit eburno*, Sat. 10. Prudentius: *Aquila ex eburna sumit arrogantiæ Gestator ejus*, libro de *Coronis* pag. 203. Inde est, quòd Domitianus in equo confidens, manu sceptrum, tanquam Consulatus insigne gestans, imprimatur numismatis apud Antonium Augustinum *Tab. 31. num. 3.* Similiter Antoninus Cæsar sceptrum & rami laurum tenet in statua sub tecto quodam columnis superimposito, *Tab. 42. num. 14. Tab. 47. num. 6.* & confer Thomam Reinesium in *Epistolis Philologicis* num. 21. 22. 3. Petrum Fabrum *Commentario de Origine Juris* pag. 748. 749. seqq.

V Dictator magistratus summus & cum potestate absoluta, à quo non licebat provocare ad populum, insignia omnia quæ Regum antea fuerant, usurpabat, & Dictatorum turbâ comitatus viginti quatuor fasces atque securis ostentabat. Eos pingit in nummis Abraham G. ultus *Tab. 17. num. 6.* De pace bel oque agebat præsentioris imperii viribus, exercitum scribebat, educebat, abdicabat. omnia pro arbitrio decidebat. Nam quod Bodinus lib. 1. de *Republ. cap. 8.*

cap. 8. contendit, *potestatem Dictatoris obnoxiam* fuisse populi & Tribunorum iussis, sequioris ævi consuetudo quidem erat, prima verò institutio nihil tale concedebat Tribunis, itaque in refellendo Bodino frustra occupatur Arnifus *lib. 2. Refert. Politic. cap. 2. sect. 15. num. 19. seqq.* Negari enim haut potest, quòd Tribuni plebis cornua sumperint adversus Dictatorem, ut dicimus *infra lib. 2. cap. 1. dist. 5.* Tantam potestatem semestrem esse voluerunt, ne longiore ejus usu libertas acciperet aliquid detrimenti, atque potestas fortè in tyrannidem abiret. Polybius *lib. 5.* Dionysius Halicarnassæus *lib. 5.* Livius *lib. 2. histor. & confer Onufrium Panvinium Commentariis ad lib. 1. Fastor. pag. 70. 71. 72.* Bartholomæum Marlianum *Commentariis ad Annales Consulium, Dictatorum & Consulum pag. 8. 9. 10.* Cæsaris verò Dictaturam perpetuam inter abusus dominationis meritò refert Suetonius *lib. 1. cap. 76.*

VI. Tribuni plebis creati sunt, postquam Consules & Senatores annis sedecim ab ejectionis Regibus urbi præfuerant, non sine damno plebis, uti credebatur, quàm censibus describendis pro usu expeditionum adversus hostes vexarent. Proinde factâ secessionem in montem sacrum, ut concordia reduceretur, postulatis annuit Senatus, & concessit Tribunus plebis, quos venerantur populus, custodes defensoresque juris ac libertatis, ut plebis commoda adversus Patricios & Optimates tuerentur Senatusque Decreta vel approbarent suffragio vel intercederent, Livius *lib. 2. histor.* Dionysius Halicarnassæus *lib. 7.* & ex illis Onufrius Panvinus *Commentariis ad lib. 1. Fastor. pag. 74. seqq.* *Summam potestatem eos ges-*

sisse, ait Salustius in Catilinaria. Et addit, eos plebem exagitare solitos criminando Senatium. Quod eis non difficile factum fuit, in ea opportunitate, & exempla Gracchorum, Cornelii, Rulli, Labieni, Curionis, Antonii testantur apud Ciceronem & Appianum locis multis. Lucanus: *Venalî Curio lingua Vox quondam populi, libertatemq; tueri Ausus & armatos plebi miscere potentes,* *lib. 1. Pharsal.* Tantis polluerunt viribus, ut cum nollent Consules eorum postulatis, aut contrâ ipsos vellent edicere, ad vincula & carceres deposcerentur, Livius *lib. 2. & 4. histor.* Dionysius Halicarnassæus *lib. 9.* Florus in *Epitoma Livii lib. 48. & 55.* Valerius Maximus *lib. 9. cap. 5.* Quod Consulibus accidit, idem quoque adversus Dictatores ac Censores ausi facere, multas & vincula comminabantur, nisi populo gratificari vellent, Livius *lib. 8. & 9. histor.*

VII. Omnia ista arguunt, Democratiam fuisse apud Romanos. Porro Salustius in Catilinaria *cap. 6.* duos Imperatores vocare non dubitat Consules, eam ob causam, quòd belli delectum cum potestate summa facerent, perinde uti Sufetes Hebræorum in sacris literis vocantur Reges, *Judic. 19. 1. cap. 21. 25.* qui hoc unum Regi simile habebant, ut in expeditionibus agerent pro arbitrio, in aliis omnibus parebant Senatui magno, uti dictum est *suprà cap. XIII. dist. 1.* Quod etiam Polybius *lib. 6.* scribit, Regiam potestatem in Consulibus, Aristocratiam in Senatu, Democratiam in populi Comitibus fuisse, atque ita mixtam Rempublicam obtinuisse, approbat quidem Albericus Gentilis *lib. 3. de jure belli cap. 22.* sed rectius improbat Johannes Bodinus *lib. 2. de Republica cap. 1.* Constat enim, quòd Imperium ab

uno geri solitum non possit imponi duobus Consulibus, multò minus Regiam potestatem arrogabunt sibi, qui nec legem jubere, nec fœdera sancire, nec verberibus civem cedere, nec tributum imperare in jussu populi potuerint, imò qui a Tribunis plebis in vincula duci potuerint, qui ad plebem sedentem in concionibus stantes dixerint, quasi populo submitterent fasces, ex instituto Valerii Publicolæ, ut testatur Plutarchus in *vitis illustribus*. Denique quod Cicero lib. 3. de *Legibus* pronunciat, *Regis imperio duo sunt, nemini parento, velut obiter dictum æstimari debet*. Consules enim suberant populi judicio, & verò leges istas Ciceronis examissim non congruere ad Romanorum consuetudines, multis ostendunt Carolus Sigonius *libris de antiquo jure Italiae*, Franciscus Pollettus in *historia fori Romani*.

VIII. Liber primus de rebus gestis Macabæorum describit multa, quæ ad civitatis Romanæ statum cognoscendum pertinent, nectamen sine errore. Percurremus singula, quamvis in eis sive corrigendis, sive conciliandis operam sedulam navaverint Serarius *Commentariis ad h. l.* Jacobus Saliarius in *Annalibus sacris* Tom. 6. pag. 166. seqq. Verba sunt ista: 1. *Eos placido animo acquiescere vis omnibus, quæ proponebantur ipsis.*] Si postulata illa æqua essent. Describitur civitatis status, quomodo fuit ante bellum Numantinum. De quo tempore Florus: Hactenus populus Romanus pulcher, egregius, pius, sanctus atque magnificus, lib. 2. cap. 19. Postcà degeneravit valdè, crescentibus cum ipsa Imperii mole vitiis, uti docet Augustinus lib. 3. de *Civitate Dei*, cap. 21. *Et quicunque ad ipsos veniunt, consti-*

tuere cum eis amicitiam.] Servare cum eis amicitiam, qui sese ad ipsos applicuerunt. Dicebat Florus: Summa fœderum Romanis religio est, lib. 2. cap. 6. & similia Aulus Gellius lib. 20. cap. 1. adfert è Sexto Cœcilio 2. *Rebus strenuis quas gerebant apud Galatas.*] Notat *Vat ablus*: Gallos intelligit, apud quos Cæsar spacio decem annorum maximas res fortiter gesserat, eosque in potestatem populi Romani redegerat. *Hec ille.* Committitur *ἀναρχοντες*, quandoquidem agitur de rebus gestis hactenus: Cælaris bella multo post tempore contigerunt, annis centum & ultrà. Rectius accipitur de bello cum Galatis in Asia peracto, brevi post quando Antiochus Magnus profligatus erat, Livius lib. 38. histor. Florus lib. 2. cap. 11. 3. *Et quæcunque fecerant in Regno Hispanie.*] Florus lib. 2. histor. cap. 17. 4. *Reges qui invaserant eos ab extremis terris.*] Quicunque eos bello petiverant, Pyrrhus Macedo, Viridomarus Gallus, Annibal Pœnus, Syphax Numida, Florus lib. 1. cap. 18. lib. 2. cap. 4. & 6. 5. *Philippum quoque & Perseum Cetheorum Regum.*] Cetheorum, id est, Macedonum, uti diximus *suprà* num. 1. Bellorum seriem describunt Livius lib. 31. 32. 33. 34. 40. 41. Florus lib. 2. cap. 7. & 12. Justinus lib. 29. 30. 33. Eutropius lib. 4. 6. *Antiochum Magnum Regem Asiae.*] Syriæ, multarumque præterea in Asia provinciarum. Referunt Livius lib. 34. Justinus lib. 37. Florus lib. 2. cap. 8. Appianus in Syriacis. 7. *Et quia ceperunt eum virum.*] Constat Authorem virum bonum (Propheta enim haut fuit) deceptum famâ retulisse ea, quæ vero dissimilia sunt. Allaborat Serarius, ut quem Patres Canonicis adscriperant, eum ab errore liberet. Olim Apocryphus erat, teste

Hiero-

Hieronymo in *Prologo galeato*, & nos demonstravimus libro de Scriptura sacra, *Exercitat. 16. dist. 1. seqq.* Et verò, quod Serarius dicit, *Regem captivum factum & à Scipione dimissum*, unde probabit? Narrat Florus, quòd Rex non spectaverit prælum, lib. 2. cap. 8. Polybius addit, *Regem victum*, fide acceptà venisse I. ysimachiam, & pacis leges procuravisse, lib. 17. *Datis obsidibus.*] Viginti, ut refert Livius lib. 38. *Et divisione instituta.*] Romanis dedit partes Europæ & Asiæ Cis- Taurinæ, ut hæbent verba Romanorum in rescripto illo, quod extat apud Appianum in Syriacis. 8. *Regiones verò has, Indiam, Lydiam, & alias ex optimis regionibus illius ab eo acceptas, Regi Eumeni tradiderant.*] Indiam neuter possedit unquam, neque Romanus, neque Syrus, itaque nec eripi Syro, nec Pergameno dari potuit. Mediam retinuit Antiochus. Unde ergo sunt relata ista? Serarius, Emanuel à Sa, Jacobus Tirinus, Menochius subsidio eunt, *ad veritatem historia sufficere, quòd Judas audita retulerit in literas, et si res aliter sese habeat.* Parùm verò hoc est ad excusandum *φύδος & φημεα*. Sanè Judas incola partium Syriæ melius ista noverat, melius, inquam, sciebat pacis leges cum Rege suo factas, ac ut de India & Media vellet cogitare manifestum errorem. Ergò Franciscus Junius & Hugo Grotius notis ad h. l. imputare malunt descriptorum negligentiam, ac corrigunt, *regiones has, Joniam, Mysiam, Lydiam ab illo acceptas dederunt Eumeni Regi.* Ita docent Livius lib. 38. Appianus in Syriacis. 9. *Et quia Græci consilium iniverant invadendi & tollendi ipsos.*] Græcos intellige, Ætolos, Histros, omnemque latè Zephaloniam, Zazynthum, & quicquid Insularum in

co mari inter Ceraunios montes jugumque Malzum, unde Antiochus acceperat auxilia. 10. *Et miserunt adversus eos Ducem.*] Fulvium Nobiliorem, Livius lib. 38. Florus lib. 2. cap. 9. 10. Appianus in Syriacis, Justinus lib. 32. 33. 13. *Quibus verò vellent auxilio esse, ut regnarent, regnabant.*] Ut Masaniissa Numidiæ, Eumenes Pergami, Prusias Bithyniæ Reges. 14. *Et in omnibus istis nemo portabat diadema.*] Post Reges ejectos, cum imperium ad Consules deferrebat, libertatem usurpavit populus, suprâ num. 4. 5. 6. 15. *Senatum fecisse sibi, & quotidie consilium sibi esse trecentorum viginti.*] Demptis viginti illis, qui per librarii errorem accreverunt, numerus trecentorum ad veritatem congruit, uti diximus lib. 2. Antiquitatum Romanarum cap. 3. dist. 1. 16. *Et committunt uni homini per singulos annos magistratum suum, qui imperium habeat totis terris ipsorum.*] Ecquis verò unus ille, cui per singulos annos imperium committunt? Consularem potestatem intelligit, ait Vatablus in notis. At Consules semper erant duo, ut Solis radio in Romanorum Annalibus scriptum est. Quòd Salianus dicit, *missi se quandoque Consules sine Collega*, hoc tamen erat rarissimum, & præter institutum primitus editum, uti Bartholomæus Marlianus in *Annalibus Consulium* testis est. Neque ad Dictatorem potest referri. Hoc enim munus gerebat quidem unus, sed nec magistratus ordinarius erat, nec annuus, uti dictum est suprâ cap. 5. Rursum Menochius: *Falsa quidem hæc sunt, verum ita Judas audierat.* Melius omnia ista noverat Judas in tanta populi Romani celebritate, postquam Leges & Instituta bellica eorum pervaserant Orientem totum, verum negligentia

Scripto-

Scriptoris (hominis quidem non mali, sed qui Prophetico spiritu destitutus errare potuit) famam rei maculavit falsâ relatione. 22. *Exemplum illius Epistole quam rescripsit Senatus in tabulis æreis.*] Fœdera describebant in tabulis æreis, & deponebant ad posteritatis memoriam in Capitolio, ut exemplis docent Plinius *lib. 34. cap. 9.* Polybius *lib. 3.* Cicero in *Catilinaria*, Livius *lib. 43. histor.*

IX. Democratiam primi corruperunt Triumviri, Marcus Crassus, Cneius Pompejus, Julius Cæsar, ut Oligarchia quædam tunc esset, sed Crasso inter Parthorum armis mista sublato Pompejo in Ægypti Regis gratiam occiso, superavit Julius, & perpetuam Dictaturam obtinuit, itaque Senatus auctoritatem apud populum meritò commendavit. potestatem obtinuit, Suetonius *lib. 1. cap. 76.* Metator Imperii vocatur ab Orosio *lib. 7. cap. 2.* quando quidem viam munivit posteris, quâ ad Imperatoriam Majestatem virtute suâ eniti possent. Nec tamen honore illo diu uti frui licuit, periitque cæsus ab iis, quos beneficiis summis exornaverat. post obitum suum hoc etiam promeritus, ut *Cæsar* nomine vocaretur quicumque Princeps in Romano populo erat. De nominis origine variant sententiæ. Plinius *lib. 7. histor. natur. cap. 9.* & post eum Julius Solinus in *Polyhistor* *cap. 4.* scribunt: Rursum necatis matribus ortus est auspiciator, sicut Scipio Africanus prior, qui de sanctâ parente, cum excisus utero in diem venerat, primus Romanorum Cæsar dictus est. Aliiter *Servius*: Cæsar dictus est vel quòd cæso matris utero natus est, vel quòd avus ejus in Africa occiderat elephantum, qui Cæsar dicitur Pœnorum linguâ, *Commentar. ad*

lib. 1. Æneid. cap. 149. Hanc ultimam sententiam defendit Franciscus Robortellus *libro de Prænominibus Romanis*, & vult firmare inde, quòd exstat nummus uno latere habens imaginem elefanti atque nomini *Cæsaris* adscriptum. Sed hoc argumentum non est validum, potestque imaginis ejus alia causa adferri, quàm ut voluerit Cæsar familiæ suæ originem asserere. Carolus Sigonius *libello de nominibus Romanis*, *pag. 379. 380.* & *lib. 1. Emendationum cap. 53. lib. 2. cap. 34.* inscitiam Robortelli meritò redarguit, ac porrò ostendit instrumenta in altera nummi facie non esse mactatoris alicujus pro interimendo elephanto, verùm pontificalia & religionis, puta albogalerum vel tutulum, secespitam, asperforium, & vas sacrificiale. De quibus omnibus prolixè docet, ac tandem concludit, esse ea instrumenta Pontificalia, quæ Julio Cæsari consecrato, inque divos relato, tributa sint ab Augusto cujus tempore nummus fuerit cusus, & proinde elephantem in altera facie procusum, esse consecrationis symbolum. præsertim cum etiam apud Suetonium in *Claudio* legatur, Claudium avix Livix divinos honores & Circensi pompa currum elephantorum, Augusti exemplo decernendum curavisse. Accedit, quòd elephanto subjiçitur anguis, qui heroibus sacer, ut Plutarchus in *Cleomenis vita* author est. *Hæc ille.* Nos de omnibus dicemus aliquid. Plinius & Solinus duos errores committunt, nanque Cæsarem prænomen apud Romanos vetustius multò erat, quàm ut Scipioni Africano priori debeat originem, probaturque exemplis apud Johannem Glandorpium in *Onomastico Romano pag. 419. 420.* Itaque ante bellum Sarmaticum

Clau-

Claudius quidam Cæsar exstitit, & à cæso utero non tam Cæsar vocabitur, quam Cæso. Festus dicat: *Cæsones appellati, ex utero matris exfelli.* Elephantis cædes unde probabitur? Et verò quis præter Servium dixit, Cæsaris vocabulo Pœnos designare Elephantum? Falsum hoc esse, uti alia omnia ejus interpretamenta Punica, docet Bochartus in *Geographia sacra*; part. 2. lib. 2. cap. 10. Nummus ille exstat apud Antonium Augustinum Tab. 4. num. 19. 20. Johannem Tristinum Tom. 1. *Commentariorum de Imperio Romano*, pag. 30. habetque authorem Cæsarem ipsum. Elephas calcit Draconem, ob victoriam de Rege Juba obtentam, quia nempe regio illa serpentibus & elephantis abundat. Manilius lib. 4. *Horrendos angues, habitat atq; membra venenis*. Et *vastos Elephantas habet.* Adde Lucanum lib. 7. vers. 700. seq. Solinum in *Polyhistore* cap. 40. Nummus apud Goriæum Tab. 24. num. 4. qui pro Mario cusus est, cernitur, & ab uno latere habet Elephantis imaginem, cum verbis adscriptis, à Boccho, nimirum, ut servaretur memoria victoriæ à Boccho Africæ Rege partæ. Sacrificialia vasa prostant in nummis Cæsarum omnium ferè, quando notum est, Cæsares in simul Pontifices fuisse, uti diximus *suprà* cap. V. dist. 4. & vide Antonium Augustinum Tab. 2. num. 3. 4. 5. 7. Tab. 3. num. 8. 12. 13. 24. Tab. 4. num. 2. 3. 4. Tab. 5. num. 10. Tab. 6. num. 11. 12. Tab. 7. num. 10. 11. 12. Johannem Tristinum *Commentariis de Imperio Romano*, Tom. 1. pag. 29. Itaque Sigonius cogitando multa de Consecratione, aberravit à vero. Verè scribit Festus: *Cæsar, quod est cognomen Juliorum, à cæsarie dictus est, quia scilicet cum cæsarie natus est.* Nec dubium est, quin idem

tradiderit Verrius Flaccus, quem Festus in compendium redegit. Ut non temerè debeat hæc sententia damnari, cum non solum ætate Augusti vixerit Verrius, sed ab eo etiam præfectus fuerit nepotibus, teste Suetonio libro de *illustribus Grammaticis*, cap. 17. Potuit igitur doctissimus Grammaticus facillè novisse, quid Cæsares de familia suæ nomine arbitrantur. Latinum nomen est, non Punicum, & significat τὸν κυριῶντα sive comatum. Casaubonus annotat: Falsum est, quod Græci ajunt, Cæsarem Dictatorem à cæso matris suæ utero nomen invenisse. Legere id memini apud Cedrenum, Suidam, Authorem etymologici magni, & alibi. Decepti sunt, quod putarent, primum hunc in ea gente Cæsaris cognomen habuisse, id verò falsissimum esse sciunt & qui nondum ære lavantur. Verùm id genus Scriptores peccare ignorantia rerum Romanarum, non miror. Illam Helychii doctissimi Græcorum Criticorum notam sæpè miratus sum, καί σφαις πάλαι φάλαγξ. Audicemus, vocem veteris Græciæ esse καίσιος; An fallitur ille in vocis Latinæ *cæsaries* interpretatione? Potest & Syriaca vox esse, ut aliz multæ in eo auctore. Namque in Targum Jonathanis יצחק exstat notione affini *proscuto* vel *clypeo*. Et fortassè inde est, quod Punicè linguâ elephas *cæsar* dicebatur, quasi tutamen & præsidium legionum. Pœnorum idioma è Syriaco tractum, vel Plauti pœnulus si fide abundè faceret, si aliunde id notum non esset. Hæc ille *animadvertens* in Suetonium pag. 7.

X. Julio per conjuratos sublato, novæ turbæ succreverunt, Octavio, Antonio, Lepido novis Triumviris enixè hoc agentibus, ne Senatus autoritas in integrum re-

P stitue-

stitueretur, Suetonius *lib. 2. cap. 27.* Florus *lib. 4. cap. 4.* Dion Cassius *lib. 45. seqq.* Demum Lepido ob socordiam exautorato, Antonio ob stultam ambitionem victo in pugna Actiaca, superstes Augustus, unicus volente Senatu, jubente populo, rerum dominus cepit esse, ad quem summo consensu delatus est Principatus, ut sacra perinde & civilia jura administraret, Imperator, Consul, censor, Tribunus, Aedilis perpetuus, Pontifex Maximus, de quibus omnibus prolixè agit Julius Cæsar Bulengerus *lib. 1. de Imperatore cap. 6. seqq.* Id vocabant Legem Regiam. De qua est testimonium *Ulpiani*: Quod Principi placuit, legis habet vigorem, utpotè cum Lege Regia, quæ de Imperio ejus lata est, populus ei & in eum omne suum Imperium & potestatem conferat. *leg. 1. ff. de constitutionibus Principum.* Hanc legem, velut Ulpiani commentum, quo ille Alexandri Severi gratiam redimere voluerit, traducit *Franciscus Connanus*: Si legem, aut, definimus, totius populi pactum & conventionem quandam esse, in iis autem, quæ vi & coacti fiunt, nullus est consensus, lex illa Regia Lex non est, neque istâ lege populus tam concessit potentiam suam Principi quàm ea se spoliari per vim magno suo dolore passus est. Qui post Augustum secuti sunt Principes, plus aut minus potestatis sibi vendicaverunt, pro sua bonitate aut æquitate quisque, nemo tamen non tantum, quantum voluit. Idem eorum voluntatis fuit, non populi. *lib. 1. Commentariorum Juri Civilis cap. 16.* Respondeo: Omnino ad legem talem faciendam concurrir totius populi voluntas, quando res populi Romani cò pervenerat, ut citra viri unitus, cui rerum omnium arbitrium per-

mitterent, imperium perfectum amplius esse non possent. Itaque malebant Principatum cum securitate, quàm securitatem cum periculo, eratque consensus ille undique relictus, quia compensabatur incomparabili bono, quod erat tranquillitas publica. Ob id nullus dolor oboriri poterat, quia calamitatibus imminendis finiendis unum hoc remedium aptum erat, venerari unum, qui auctoritas esset, teste Dione Cassio *lib. 53. histor.* Proinde Tacitus: Ubi militem donis, populum annonâ, cunctos dulcedine otii pellexit, insurgere paulatim, munia Senatus, magistratum, legum in se trahere, nullo adversante, cum ferocissimè per acies, aut proseriptione cecidissent, ceteri nobilium, quanto quis servitio promptior, opibus & honoribus extollerentur, ac novis ex rebus aucti, tuta & præsentia, quàm vetera & periculosa mallent, *lib. 1. Annalium.* Ad quæ verba luculenter commentatur Cyriacus Lentulus, *libro de convertenda Republica pag. 95. seqq.* Loquitur de Octavio, qui obtinuit Principatum, & posteri ejus eodem jure usurpaverunt, adeoque cum fortè posset Lex Regia eo temporum furores & bellorum civilium clades obliterari, voluit eam Senatus populusque Romanus novâ promulgatione restaurare, Vespasiani tempore. Neque deinceps Senatus ad pristinam potestatem aspirare unquam voluit, auctoritate contentus, quam Julius & Augustus eis conservaverant. Atque hæc species liberati erat, dicente Suetonio, *lib. 3. cap. 29.* Species, inquam, erat, namque totum illud ex mera Principis voluntate & arbitrio proveniebat.

XI. Hæc sunt tempora illa, de quibus prædicit Johannes Theologus in Apocalypsi,

pli, cap. XIII. 1. *Bestiam primam.*] Principatum in populo Romano è familiis Romanis constitutum. *[capita septem.]* Ob Romam septicollem. *[Cornua decem.]* Totidem Principes ab Augusto, & verò Domitianus tunc vivebat, ut non posset connumerari illis. *[Diademata.]* Cum potestare. Est enim Diadema insigne Regium, uti constat. *[Nomen blasphemie.]* Ob delubra, in quibus colebantur Idola vetera & nova, illa ab aliis accepta, hæc verò facta è Cæsaribus defunctis, suprà cap. VIII. 2. *Similis pardo.*] Invadebat plurima sub Augusto, Tiberio, Claudio, vincebat multa, non tardè sæviebat, ut Nero. *[Draco.]* Qui præsidebatur urbi, quicquæ Mars esse dicebatur ab ipsis Romanis, cæterum volentibus nomen & sacra ejus celare, ne posset evocari, ut diximus suprà cap. III. dist. 9. 3. *Unum ex capitibus.]* Monti Tarpejo impositum Capitolium redigebatur in cineres, Vitellianis & Flavianis Romæ inter se pugnantis. Crediderunt populi, finem rebus Imperii propè esse, everso Capitolio, quia fatum urbis templo illo omnium augustissimo contineri credebatur, uti docent Livius lib. 5. historiarum, Tacitus lib. 5. historiarum, & nos diximus lib. 1. Antiquitatum Romanarum cap. 8. dist. 6. *[Curata est.]* Vespasianus obtentâ pugnâ adversus antulum Vitellium, restauravit urbem, Capitolium, Imperium, Tacitus lib. 4. historiarum, & nummus à Vespasiano percussus apud Petrum Seguinum libro de numismatis pag. 135. *[Secuta est bestiam.]* Restituto Capitolio, ad concordiam sedato Imperio, pacatâ Judæâ, multi

iterum confidere Diis Romanis ceperunt, tam inopinato eventu velut attoniti. 4. *[Draconem.]* Verè enim Diabolo serviunt, quicumque colunt Idola. 4. *Bestiam,* Ritus & sacra Romana reverenter habuerunt. *[Poterit pugnare.]* Frustrâ sunt Judæi & Christiani, qui impugnant tantarum virium Numina. 5. *[Os loquens magna.]* Domitianus, à cujus edicto fugere coactus Johannes latuit in Pathmo Ægei maris Insula. *[Menses.]* Annis Imperii tribus cum dimidio seviit in Christianos, hætenus quidem crudelis, sed in alios; tunc etiam adversus Christianos, sed brevi destitutus, Paulus Orosius lib. 7. cap. 10. Sulpicius Severus lib. 2. historię sacrę cap. 45. Juvenalis Sat. 4. 6. *[Nomen ejus.]* Sibinomen Dei attribuendo, Martialis:

Edictum Domini Deiq; nostri.

lib. 5. Egigrammatum. 8. *[Tabernaculum ejus.]* Ecclesiam militentem. *Eos, qui in cælo sunt.]* Faniam piè defunctorum lædendo, quasi novam Religionem introducere voluissent, ut pacem civilem unâ turbarent. 7. *[Vincere.]* Morti vel exilio tradere. 8. *[Quorum non sunt scripta nomina.]* Quos magis juvabat idola colere, ut placerent Imperatoribus. 9. *[Habeat aurem.]* Animum advertendi diligenter ad magnas & futuras res. 10. *[In captivitate agit.]* Romanos, qui nunc innocentes multos in captivitatem rapiunt, simili modo habebunt olim Gotti, Vandali, Suevi, uti diximus lib. 8. historię universalis cap. 1. dist. 1. 2. seqq. 11. *[Aliam bestiam è terra.]* Principatum in eodem populo, sed allectis viris

obscurioribus, ad fastigium illud, vel extraneis, id est, terræ filijs. *Cornua duo similia agni.*] Nervam & Trajanum, cæterum virtutibus celebres, animique placidi erga Judæos & Christianos, ille semper, hic per multos annos, *Loquebatur ut draco.*] Romani Imperii auctoritatem defendebant armis. 12. *Potestatem prioris bestie.*] Sacra Imperii ejus vetera custodiebant. *Bestiam primam.*] Ne detrimentum aliquod acciperet Principatus, sedulo providebant. 13. *Editæ signa magna.*] Favebant Magis impostoribus, quorum princeps ævo illo erat Apollonius Thyaneus, tanti æstimatus à Paganis, ut eum Servatori opponerent, quod ex Hieroclis libro apparet, cui respondit Eusebius Cæsariensis. Est ille cujus vitam & miracula descripsit Philostratus. 14. *Ut faciant imaginem bestie.*] Credant imperium & sacra ejus vetera esse perpetuo duratura; quæ vero moliantur Christiani, esse vana. *Gladio.*] Bello civili, supra vers. 3. 15. *Animaret imaginem.*] Bellis adversus hostes feliciter gestis novum decus, novam vitam ingeneraverunt Imperio. *Non adoraverunt.*] Anacletus Romæ, Simon Hierosolymis, Ignatius Antiochiæ, Onchimus Ephesi Martyres pro doctrina Servatoris, Eusebius lib. 3. histor. Ecclesiast. cap. 32. 33. 34. 35. Baronius notis ad Martyrologium Romanum pag. 63. 87. 310. 487. seq. 16. *Characterem.*] Stigmata in Deorum honorem, uti Zachar. 13. 6. & vide nos lib. 1. Antiquitatum Romanarum cap. 11. dist. 15. Imprimebant talia Sacratæ, id est, sacrorum patriorum retinentissimis per Collegia sua, à quibus removebantur Profani, id est, peregrinorum Deorum præcones, uti erant Christiani. 17. *Ne quis possit emere.*] Qui nulli

Collegio Diis sacratio erat adscriptus, ille de nova Religione insimulabatur, & vel morte vel exilio puniebatur. *Nisiqui habent characterem.*] Generi addit species suas. Erat enim hujusmodi nota sacrorum vel exserta, ut Dei nomen ostentaret, vel secreta, ut per numeros indicaretur. Nominum talium mysticorum, id est, nonnisi mystis cognitorum, mentio est locis plurimis apud Servium in Commentariis ad Virgilium. 18. *Computet numerum bestie.*] Ex notis illis mysticis percontetur, quod Imperium sit per bestiam designatum. *Numerus enim hominis est.*] Designat tale quid, ut in hominibus reperiri possit. *Sexcenta sexaginta sex.*] *Λατίνῳ.* Imperium Latinorum, quod deinde multo tempore sacris melioribus obfisteret, nec tamen pervincet. Hoc nos docet Irenæus lib. 5. sed per analogiam ad Pontificem Romanæ Ecclesiæ accommodat. De quo negotio dicemus alibi.

XII. Extat Tabulæ antiquæ fragmentum, quod referunt Georgius Fabricius lib. 1. *Antiquitatum Romanarum*, Jacobus Guthetius lib. 1. *de officiis domus Augustæ* cap. 1. Stephanus Pighius lib. 18. *Annalium urbis*, Antonius Augustinus libro de *Legibus Romanorum* pag. 178 seqq. Janus Gruterus in *Volumine Inscriptionum* pag. 242. Justus Eccardus libro de *Lege Regia* pag. 5. seqq. Estque talc: Fœdusve cum quibus voler, facere liceat, ita uti licuit Divo Aug. Ti. Julio Cæsari Aug. Tiberioque Claudio Cæsari Aug. Germanico. Utique ei Senatum habere, relationem facere, remittere Senatus consulta, per relationem, discessionemque facere liceat, ita uti licuit Divo Aug. Ti. Julio Cæsari Aug. Ti. Claudio Cæsari Aug. Germanico. Utique cum ex voluntate auctori-

thoritateve, jussu mandatuve ejus, præsentave eo Senatus habebitur, omnium rerum jus perinde habeatur, servetur, ac si è Lege Senatus editus esset, habereturque. Utique quos magistratum, potestatem, imperium, curationemve ejus rei petentes, Senatui populoque Romano commendaverit, quibusque suffragationem suam dederit, promiserit, eorum Comitibus quibusque extra ordinem ratio habeatur. Utique ei fines pomæi proferre, cum ex Republica censebit esse, liceat, ita uti licuit Ti. Claudio Cæsari Aug. Germanico. Utique quæcunq; ex usu Reipub. majestate, divinarum, humanarum, publicarum, privatarumque rerum esse censebit, ei agere jus potestasque sit, ita uti Divo Aug. Tiberioque Julio Cæsari Aug. Tiberioque Claudio Cæsari Aug. Germanico fuit. Utique quibus Legibus plebeis scriptum fuit, ne Divus Augustus Tiberiusve Julius Cæsar Aug. Tiberiusque Claudius Cæsar Aug. Germanicus teneantur iis Legibus plebisve scitis, Imp. Cæsar Vespasianus solutus sit, quæque ex quaque Lege, rogatione Divum Aug. Tiberiumve Julium Cæsarem Aug. Tiberiumve Claudium Cæsarem Aug. Germanicum facere oportuit, ea omnia Imp. Cæsari Vespasiano Aug. facere liceat. Utique quæcunque ante hanc legem rogata acta, gesta, decreta, imperata ab Imp. Cæsare Vespasiano Aug. jussu mandatuve ejus à quoque sunt ea perinde jussu rectave sint, ac si populi plebisve jussu acta essent. SANCTIO. Si quis hujusce legis ergò adversus leges, rogationes, plebisve scita, senatusve consulta fecit, fecerit, sive quod eum ex lege, rogationeve, plebisve scito sive c. facere oportebit, non fecerit hujus legis ergò, id ei ne fraudi esto,

neve quid ob eam rem populo dare debeto, neve cui de eare actio, neve judicatio esto, neve quis de eare apud se agi sinito. Hactenus monumentum, quod Legis Regiæ plurima capita nobis conservavit.

XIII. Parum obest, quòd Tobias Paurmeisterus lib. 1. de *Jurisdictione* pag. 79. 80. Martinus Schogkiius libro de *Majestate* dist. 43. Tabulam istam suspectæ fidei esse arbitrantur. Rationes proferunt: (1.) Quòd Comitibus populi auctoritas sua conservetur per eam, quæ tamen post Augusti obitum sublata fuerunt. (2.) Quòd Augustus, Tiberius, Claudius solum nomineantur. Atqui Caligulæ, Neroni & Principibus aliis idem licuit ante Vespasianum. (3.) Quòd ineptum videatur toties commemorare de Tiberio & Claudio, quando sufficiebant Augusti, & semel quidem, meminisse. (4.) Quòd de pomæio proferendo unus Claudius nominetur. Atqui docet Tacitus lib. 12. *Annalium*, quòd Augustus etiam pomæria urbis promovit. (5.) Quòd Julii Cæsaris mentio fiat, de quo tamen constat, eum lege nullâ, nec populi voluntate regnavisse, sed per vim corripuisse Imperium. Hæc illi. *Respondet*: (1.) Constat potius, quòd post obitum Augusti duraverint Comitia annis benè multis. Namque Tiberius eumque secuti Cæsares hujusmodi Comitia permisierunt, uti referunt Tacitus lib. 2. *Annalium*, & lib. 1. *historiarum*, Dion Cassius lib. 58. & 59. Plinius in *Panegyrico ad Trajanum*, Aulus Gellius lib. 5. cap. 19. (2.) Caligulæ & Neronis mentio nulla est, quòd memoria eorum damnata esset ob res perversæ & crudeliter gestas. Galba, Ortho, Vitellius, ob brevitatem imperii & civiles discordias, in Fastos Romanorum haut sunt relati. Eò pertinent

ista *Curtii*: Proinde jure meritoque populus Romanus salutem se Principi suo debere profitetur, cui noctis quam penè supremam habuimus, novum fidus illuxit. Hujus, herclè, non Solis ortus lucem caliganti reddidit mundo, cum sine suo capite discordia membratrepidarent, *lib. 10. histor. cap. 12.* Quæ de Galba, Othone, Vitellio dici vult Janus Ruperfius *lib. 1. Variarum Lectionum cap. 19.* Sub illis enim, dum eorum quisque contendit militum ope subnixus de obtinendo Principatu, Respublica sine certo capite fuit. Itaque Suetonius motus illos non quidem bella, velut sub legitimo Principe, sed rebellionem vocat, *lib. 10. cap. 19. (3.)* Repetuntur toties ad commemorandam rei dignitatem, & illi ipsi exprimuntur, quod felicissimæ apud omnes recordationis essent. (4.) Quod Octavius è potestatis plenitudine fecit, idem Claudius jure eodem fecit, atque eò magis facere poterat, postquam è decreto Senatus ei hoc ipsum facere licebat. (5.) De Julio Cæsare nihil occurrit uspiam, falliturque Paurmeisterus, qui legere debebat, *Tiberius Julius Cæsar*. Est ille Augusti successor, dictus Julius propter adoptionem, quomodo mater ejus, Augusti Cæsaris uxor, vero nomine Livia, deinde in familiam Julii per adoptionem assumpta, vocabatur Julia, uti refert Suetonius *lib. 2. cap. 101.* *Drusus Livius Julia Augustæ* pater est apud Vellejum Paterculum *lib. 2. histor. cap. 71.* & plura allegant Jacobus Schegkii *notis ibidem pag. 396.* Antonius Thyfius *notis ibidem pag. 218.* Nummi quoque sunt cum inscriptione, *Julia Augusta*, & Lunæ sive Dianæ imagine, in quam per *Somnion* translata fuerat, Joh. Tristanus *Commentar. de Imper. Rom. Tom. 1. pag. 123. 126. 128.*

Petr. Seguinus *libro de numismatis antiquis pag. 53.* & vide nos *infra lib. 2. cap. 9. dist. 6.* nec non Johan. Schildum *notatis ad Suetonium pag. 274.*

XIV. Præva lectione seductus Bartholomæus Volcmarus *libro de Jure Principum, cap. 3. num. 5. 6.* differit, legem istam conditam esse sub Julio Cæsare. Falsum, inquam, hoc est, quia expressè & primo loco semper nominatur Augustus. Dicit Volcmarus: (1.) *Non minus fit mentio Julii Cæsaris quam Augusti.* Respondeo: De Julio Cæsare frustra quæritur, ubi legi debet, *Tiberius Julius Cæsar*. Si Julius ille erat, quare post Octavianum nominatur? Ergo Octavius successor erat, antecessor non erat, uti paulò antè dictum est. (2.) *Dion lib. 43. refert, populum dedisse Julio potestatem summam & prorsus Regiam.* Respondeo: Turbulenta hæc erant, neque agebantur consilio vel plenè voluntatis assensu, non omnium consensu, quia Proceres animo tenus dissentiebant. (3.) *Refert idem, quod Imperatoris cognomen habuerit Julius, idq. citra potestatem Imperatoriam esse non poterat.* Respondeo: Imperator erat quoque Pompejus, erant Cicero, Curio Julius Bræsus, Antonius, alii, qui potentes Reges victoriæ fregerant, ex usu populi Romani, apud Julium Cæsarem *lib. 2. de bello civili, Vellejum lib. 2. histor. Appianum lib. 5. histor. civ.* quibus plura alia addit Julius Cæsar Buelengerus *lib. 1. de Imperatore cap. 6.* adeoque nomen illud esse poterat, nec tamen opus fuit, Regiam potestatem unà adesse. (4.) *Refert idem, quod populum Julio posuerit statuam auream, uti Regibus fieri siveverat quondam.* Respondeo: Dixi antè, fuisse ista ab applaudente vulgo, ita verò ut Proceres, melior pars civitatis, non laudarent, quia excessus

excessus erat in omnibus, & major credebatur esse Julius, quam civitati liberæ expediret. (5.) *Refert idem, quod Antonius & Sacerdotes reliqui Julium vocaverint Regem, eiq; diademam imposuerint.* Respondeo: Ludi-
crum hoc erat, & proterviæ alicujus factum in Lupercalibus, uti refert Cicero *Phil.* 2. De Octavio omnia secus erant, ei enim ultro concesserant omnes, quæ Julio inviderant plurimi, ut esset perpetuus Consul, Censor, Tribunus, itaque unus ille Senatus populiq; rogatus erat instar omnium, & juræ libertatis dispersa hæc ænus in plures, colligi in uno illo, & cum Majestatis titulo eminenti agere ceperunt deinceps.

XV. Ad Christianam fidem animum primum applicuisse dicitur Philippus Imperator, Baronius *Tom. 2. Annal. Eccl. pag. 551.* Spondanus in *Epitoma Annalium* cap. 207. 208. Suggestit hoc eis Eusebius *lib. 6. histor. cap. 25.* ubi ei testimonium proferi Origenis epistolæ ad Philippum, & ab eo descripserunt Vincentius Lerinensis in *Commonitorio* cap. 23. Paulus Orosius *lib. 7. cap. 20.* Cedrenus in *Annalibus* *lib. 7.* Nicephorus *lib. 5. histor. cap. 27.* Hieronymus in *Catalogo Scriptorum Ecclesiasticorum* cap. 54. Zonaras *Tom. 2. Annalium.* Verum epistolæ Origenis nomine insignitæ omnino fictæ erant, & meliori fide idem Eusebius Constantinum M. vocat primum Imperatorem Christianum, *lib. 4. de vita Constantini*, c. p. 64. Nec non Sulpitius Severus: Constantinus primus omnium Romanorum Principum Christianus fuit, *lib. 2. historia sacra cap. 47.* Eundem compellat Lactantius: Primus tu Romanorum Principum repudiatis erroribus, majestatem Dei singulari ac veri cognovisti & honorasti, *lib. 1. Institutionum*

divinarum cap. 1. Quomodo Constantinus primus errores repudiavit, si jam ante eum Philippus ad veritatem Christianam animum suum applicuit? Qui relationis originem, qui tempora hæc Paganis impensè propitia, qui mores Philippi rectè considerant, non credent eum fuisse Christianum, ut rectè monet Josephus Scaliger *Animadversionibus ad Eusebii Chronicon* num. 226. Calaubonus *notatis ad historiam Augusti* pag. 446. Quod Philippus non fuerit Christianus, patet, tum quod celebravit ludos seculares, testibus Capitolino & Aurelio Victore, tum quod mortuus in Divorum numerum à Senatu relatus est, Eutropius *lib. 9. histor.* Si Christianus erat, unde illud pro Deorum & dæmonum cultu publicum testimonium? Fiebant ludi seculares in honorem Plutonis. Proterpinæ, Dianæ Apollinis, per delubra omnia Diis omnibus victimæ fectæ offeriebantur, Diis manibus cedebantur duo boves furvi & juvenca una, Horatius *lib. 1. Carm. 21. lib. 4. Carm. 6. lib. 5. Carmine ultimo,* Torquentius *Commentar. ad h. l.* Angelus Politianus *libro miscellaneorum* cap. 58. Eos paulatim abolitos restituit Augustus Cæsar, Suetonius *lib. 2. cap. 31.* Principes secuti retinuerunt, & Domitiani quidem nummos, ubi pingitur ille sacra secularia faciens, videris apud Sebast. Erissum *Expositione ad nummos Cæsarum* pag. 150. 152. Ant. Augustinum *Tab. 32. num. 3. 8.* Cum primis de Septimii Severi ludis secularibus testatur Herodianus *lib. 3.* estque nummus apud Erissum *l. d. pag. 388.* Anton. August. *T. 35. num. 9. 13.* Denique Philippi Cælaris nummi sunt apud Erissum *l. d. pag. 528. 532. 542.* Anton. Augustinum *Tab. 58. num. 1. 2. 3. 4. 5. 6. 7. 8. 9. 10. 11. 18. 23. 24.*

Onufrium Panvinium *lib. 1. de ludis Circensibus pag. 33.* Constantinus ludos illos omisit, spreuit, vetuitque maximo argumento, quòd Religionem Christianam unicè promotam cuperet, magno cum dolore Paganorum, qui ludos eos dicebant ad pestem morbosque sanandos, & avertenda bella fuisse à maioribus institutos, ut prodit Zosimus *lib. 2. histor. & adde nostrum Recensum Antiquitatum Romanarum lib. 2. cap. 6. dist. 18.* Proinde Jacobus Gordonius *Tom. 2. Chronologia pag. 82.* non leviter dubitat, nec Baronii exceptionibus satis fidit, quas ille pro asserenda Philippi Cæsaris ad fidem conversione profert.

XVI. De toto hoc negotio est Apocal. XVI. 1. *In terram.*] In Romanum Imperium, quod hætenus perstat in cultu idolorum, atque insuper vexat præcones doctrinæ melioris. 2. *Ulcus malum.*] Pestilentes morbi sæpè invaserunt urbem sub Commodò, Gallo, Volusiano, Decio, Flavio Claudio, quod referunt Zosimus & Trebellius Pollio. 3. *Cruor cadaveris.*] Factæ sunt strages domesticæ per militum rebelliones & Cæsarium sævitiam, Commodi, Severi, Gordiani, Valeriani temporibus. 4. *Influmina.*] Factæ sunt strages per urbes & provincias extra Romam, cum milites in diversa euntes non unum Cæsarem designaverunt. 5. *Iustus es Domine.*] Tàm iuste nunc agis cum Romani Imperii subditis, ac olim agebas cum Ægyptiis, Assyriis, Babiloniis, Antiocho nobili. 6. *Dedisti ad bibendum.*] Sivisti ut bellis intestinis confingerent, inque seipfos ad sanguinis effusionem defævirent, qui hætenus piorum sanguinem effundere amabant. 7. *Alium è sanctuario.*] Angelum, qui custodiebat spiritus marty-

rum sub ara compositos, Apoc. 6. 9. 8. *Afflu affligere.*] Unde sunt agrorum sterilitates & fames. 9. *Blasphemaverunt nomen Dei.*] Quòd lues, quòd fames sævirent, imputabatur Christianis unius Dei cultoribus, ajunt Cyprianus ad Demetrianum epistolâ, Paulus Orosius *lib. 7. histor. cap. 4. 10. Super thronum.*] Principatum in gente, quierat robur Imperii. *Tenebrosus.*] Exteræ gentes invaserunt provincias optimas, & non sine clade Imperii depulsa fuerunt, Marcomanni & Quadi sub Autonino Philosopho, Parthi sub Alexandro Sèvero, Germani sub Maximino, Gotti sub Decio, Sarmatæ sub Probo. *Lingua.*] Vindictæ studio. 11. *Nec respicerunt.*] Imò & nova sacra in honorem dæmonum, & ad augendam Servatoris contumeliam addiderunt, Criobolia, Taurobolia, de quibus egimus *lib. 4. Antiquitatum Romanarum pag. 697. seq. 12. Euphratem.*] Uti Roma ei Babilon est, ita fluvius Euphrates pro Tiberi ponitur. *Via Regum ab Oriente.*] Notat Constantinum Magnum, qui ad pontem Milvium Flumentanæ portæ conflixit adversus Maxentium paganum, & victor prælio, Imperium totum sacris melioribus erudit. Per Orientem indicatur Jesus Nazarenus, uti aliàs, Malachiæ 4. 2. Luc. 1. 78. Apoc. 7. 2. (De quo loco vide nostra Auctaria ad historiam Ecclesiasticam diatriba 3. dist. 12.) 13. *Draconis, & bestie, & Pseudoprophete.*] Dæmonis tutelarioris, Imperii sacris idololatricis consecrati, Augurum, quibus magna fides habebatur, erantque isti Vatum loco in populo Romano, uti dictum est *lib. 1. Antiquitatum Romanarum cap. 12. dist. 9. 10.* Et quamvis in illis vana omnia essent, ita ipsa disciplina inani crudelitate aucta Imperium habentibus

bus multum ad extorquenda promptius obsequia proderat. *Impuros spiritus.*] Oracula falsa, quibus deciperentur cœlestium inanes animæ, in peccatis suis ob ingentem malitiam relicta, iusto Dei iudicio, qui ad demonstrandam novæ religionis veritatem æterno silentio damnaverat. Responsa demonum, propagandæ idololatriæ instrumentum præcipuum, uti est infra lib. 2. cap. 3. dist. 4. §. 14. *Edentes signa.*] Fissicubabat prisco more anxius rerum futurarum Maxentius, Zosimus lib. 2. histor. & cum vera se putabat habere prædicta, decipiebatur. *Reges.*] Maxentium ejusque Proceres. *Prælium magnus illius dies.*] Quod movebat Constantinus animo intrepido, felici successu. 1. §. *Venio uti fur.*] De improvviso adero, ut idolorum cultores splendore suo despoliunt. *Servum vestimentis suis.*] Fidem tenet per opera bona efficacem, Galat. 5. 6. Apoc. 19. 18. 16. *Armageddon.*] Per analogiam applicatur id, quod est Judic. 5. 9. ubi strages à Baraco in Cananæos ad aquas Maggeddo edita, refertur. Notat Janiculum montem & proximè sita loca urbis Romæ, ubi castra castris opposuerunt Constantinus & Maxentius, Zosimus l. d. 17. *In aerem.*] In omnes partes Romanæ ditionis. *Fuit.*] Roma sacrorum falsorum cultus esse desit, imposterum veros cultus addiscet. 18. *Terra motus factus est.*] Evenit ingens rerum omnium mutatio: Paruit Roma Servatori, quem antè persequabatur. 19. *Dirupta est urbs.*] Ivit in partes, redactis ad pagos iis, qui volebant sacra vetera retinere. *Civitates.*] Dirutis ubique idolis. *Babylon.*] Ostendit Deus eventum illo, quod sit ultor criminum. 20. *Infula fugit.*] Perhilit in allegoria terræ motus: illa rerum mutatio

& Romæ & per omnes regiones proximas, remotas pervasit, ut non amplius diceretur, Chhristianus ad leones, sed potius diceretur, Chhristianus ad honores. 21. *Grando magna.*] Ingens obdurationis iudicium in reliquiis idololatrarum. *Blasphemaverunt Deum.*] Tanta erat obduratio ista, ut reliquæ Paganismi magis magisque insectarentur Christianos, quasi religio ipsorum præteriti & recentis ævi malorum causa esset. Hic fuit ultimus fragor decæpitæ idololatriæ, quem penitus dissipavit Augustinus libris eruditissimis de Civitate Dei.

XVII. Constantinus Magnus is est, qui primus Christianam Religionem exambivit & publicis exercitiis commendavit. Tunc impletum est, quod Apostolis rogantibus dixerat Servator: Non est vestrum scire tempora & opportunitates, quas Pater in sua ipsius auctoritate statuit, *Act. 1. 7.* Tempus illud erat ferè post hæc verba annis trecentis. Tunc enim Jesus Nazarenus Davidis surculus in terris regnare cepit per Constantinum Imperatorem, ejusque successores, nec non alios Reges, qui Regna sua Christo, uti Regi Regum subjecerunt. Christiani populus Dei atque idè verus Israël, Galat. 6. 16. Christus eorum caput Israëlita etiam secundum carnem, Rom. 1. 3. cap. 9. §. Cæterùm viderat Constantinus Imperator, antequam cum Maxentio pugnaret, in somnis columnam lucidam crucis specie per aëra fulgentem, & verba penes illam: *In hoc signo vince*, Eusebius lib. 1. de vita Constantini cap. 22. 23. 24. Philostorgius lib. 1. histor. ecclesiast. cap. 6. & nos ex illis in Recensu historiæ universalis lib. 5. cap. 4. dist. 8. Inde est Inscriptio ad arcum triumphalem Romæ in Colosso: Imp. Q. Cæf.

Cæſ. Flavio Constantino Maximo p. f. Auguſto S. P. Q. R. quod inſtinctu divinitatis mentis magnitudine, cum exercitu ſuo tam de Tyranno, quàm de omni ejus factione, uno tempore juſtis Rempubliſcè ultus eſt armis, arcum triumphis inſignem dicavit, Gruterus in *Volumine Inſcriptionum pag. 280. num. 6.* Jacobus Laurus *part. 2. Antiquitatum Romanarum fol. 29.* Johannes Jacobus Boiſſardus *part. 3. Antiquitatum Romanarum fol. 109.* Verba inſignita ſunt, inſtinctu divinitatis, id eſt, authore Deo, à quo in ſomniis de pugnæ eventu felice confirmatus erat. Porro galeæ & labro detraxit inſignia, atque horum loco reſtituit portionem aliquam (Kę.) de nomine Servatoris, uti nummiſtis oſtendunt Antonius Auguſtinus *Tab. 65. num. 24. Tab. 66. num. 14. 15. Tab. 67. num. 23.* Johannes Triſtanus *Commentariis de Imperio Romano Tom. 3. pag. 543.* Verè Princeps, Rex, Cæſar, Monarcha. Ejus pater Conſtantius Chlorus fuit, Helena mater. Et matrem fuiſſe Cœli Britannix Regis filiam, Scriptores Britanni ſidenter aſſerunt, Wilhelmus Malmesburienſis, Johannes Salisburienſis, alii, quos laudant & ſequuntur Wilhelmus Camdenus in *Deſcriptione Britannix pag. 570. ſeq.* Jacobus Uſſerus in *Antiquitatibus Britannicis pag. 174. ſeqq.* Stephanus Forcatulus *lib. 7. de Imperio Gallorum pag. 449. ſeqq.* Johannes Bodinus in *Methodo hiſtoricæ cap. 7.* Negant hoc & prolixè reſellunt Juſtus Lipſius *lib. 4. de magnitudine Romana cap. 11. & notis ibidem pag. 220. ſeqq.* Carolus Molinæus *libro de Origine & Preſtantia Regni Franciæ num. 49. 50.* Johannes Iſaacus Pouranſus *lib. 1. Diſcuſſionum hiſtoricarum pag. 239.* Teſtimonia ab antiquis petita adferunt duo.

Unum eſt Nicephori Callixti *lib. 7. hiſtoriæ Eccleſiaſticæ cap. 18.* Pater ejus Conſtantius, cum ad Perſas legatus iret, Drepanum Bithynia venit, dixerit, Helenam hoſpitiſ ſui ſiliam cognoviſſe, Conſtantinum hunc genuiſſe. Adducunt eundem locum Cæſar Baronius *Tom. 3. Annal. Eccleſiaſt. pag. 6.* Jacobus Gordonus *Tom. 2. Chronologia pag. 96.* Spondanus in *Epitome Annalium pag. 251.* ſed quia perſuaſum ſibi habent, Cæſaris matrem Britannam eſſe, in verbis Nicephori mendum ponunt, ut Bithynia ſcriptum ſit pro Britannia. Verùm ubi Drepanum eſt in Britannia? Ut tamen Batonius tueatur ſententiam, promittit verba Panegyriſtæ Gallicani: *Liberavit pater tuus Britannias ſervitute, tu etiam nobiles illic oriundo feciſti, in Panegyriſi 5. cap. 4.* Atqui non ſatis conſideravit Annalium conditor, quòd oriri in verbis illis ſit, Imperatorem fieri. Eumenius Panegyrico ad Conſtantinum: *O fortunata & nunc omnibus beatior terris Britannia, quæ Conſtantinum Cæſarem prima viſiſti.* Et nota ſis mihi additamentum, Cæſarem. Scilicet alter natalis, & quali quædam recreatio eſt, Cæſarem fieri. Ergò Principatus originem apud Britannoſ accepit, (quod Eutropius quoque atteſtatur *lib. 10. hiſtor.*) non verò etiam vitæ primordia De quo exſtat alterum teſtimonium Julii Firmici: *Dominum & Auguſtus noſter, orbis totius Imperator Conſtantinus Magnus apud Naſſum, genitus Romanum orbem ſalubri gubernationis moderamine ſuſtinuit, lib. 2. Matheſcos cap. 4.* Sic enim manuſcripti libri habent, teſte Friderico Valleſio notis ad Marcellinum *pag. 196.* ubi in editis eſt, apud Tharſum genitus. Cave interpretèrèis de Tharſo celebri apud Cilicæ urbe, namque in Bithynia

thynia ejusdem nominis oppidum percontantur Lipsius *l. d.* & Johannes Livinejus *notis ad Panegyricos pag. 331. 332.* monstrantque ex Stephano *de urbibus*, non procul à Nicomedia situm. Meliores codices Stephani *ἐν πόλει*, legunt expresse *ἐν πόλει*, estque illud Dacia mediterranea oppidum, & Julius Firmicus, qui de Constantino ista perscripsit, vixit ævo illo, ut certam de loco nativitatis magni Imperatoris hujus cognitionem habere posset, Cedrenus in genere contentus dixisse, quod Constantinus natus sit *ἐν τῇ τῆς δακίας πόλει*, loci nomen silentio committit. *Corrupta & falsa esse hæc in Cedreno pronunciat Lipsius l. d. pag. 212.* ipse corrupto Firmici loco nimium confusus. Beda lib. 1. *historiæ cap. 8.* scribit quidem, *Constantinum in Britannia fuisse creatum Imperatorem*, civem ejus gentis fuisse non meminit, quia verum esse non credidit.

XVIII. Hic est ille, qui Constantinopolin urbem condidit, Orientalis Imperii sedem, de qua prolixè agit Julius Cæsar Bulengerus lib. 1. *de Imperatore cap. 3.* Papæ & Papiæ veteres communiſcebantur donationem aliquam Constantini, quæ ille Romano Episcopo Sylvestro & successoribus ejus donaverat liberaliter Palacium Romanum Lateranense, agros Latiales & vectigalia magnifica per omnes Romani orbis provincias. Recitant atque urgent Augustinus Steuchius, Vincentius Speculator, Gratianus in Decretis, Julius Cæsar Bulengerus lib. 1. *de Imperatore Romano cap. 4.* Sed commentum repudiant seriotque refellunt Marfilii Patavinus, Aeneas Sylvius, Antoninus Florentinus, Laurentius Valla, & cum illis Antonius de Rosellis libro *de Potestate*

Imperatoris & Pape part. 1. cap. 64. 65. seqq. seqq. Heuricus Spondanus in *Epitoma Annalium pag. 283. 284.* Tholosanus lib. 6. *de Republica cap. 14. num. 3. 6. seqq.* Obiit demum postquam res magnas pari cum fortitudine animi feliciter gesserat De consecratione ejus nummus est apud Johannem Tristhanum *Commentariis de Imperio Romano, Tom. 3. pag. 418. 53.* scilicet, ut velato capite, tanquam defunctus, cætera nudus, quadrigis rapiatur ad cælos, ex adverso manus è cælis protenditur, ut eum suscipiat. Refert Eutropius lib. 10. *histor.* quod eum inter *Dios* annumeraverit Senatus populusque Romanus, itaque solemnia vetera adhibita sunt, ut saltem, uti aliis benè meritis consueverant facere, huic etiam in tertis immortalitatem conferrent, quando ita meruerat. Hoc inter est, quod Ethnici Imperatores aquilis in cælum vehi crederentur, Constantinus quadrigâ, ita ut non nisi brachio cælitus porrecto, quod divinam gratiam significare videtur, ingressum in cælos dari posse indicarent, uti docent G. Johan. Vossius lib. 3. *de Theologia Gentilium cap. 11.* Et verò usque ad tempora Honorii, plebs plurima ac Senatores perstabant in sacris veteribus. Neque in Senatu erant tantum Pagani, sed & Consulatus adipiscabantur, uti Symmachus ille, cujus exstat *Oratio pro sacris præsibus ad Theodosium, Cæsarem*, quam refellit Ambrosius Episcopus.

XIX. Occidentis Imperium invaserunt Germanicæ nationes, & inter illas præcipui Goti, Vandalii, Suevi, Heruli, Longobardi, suæque gentis Reges per Italiam præfecerunt, uti diximus in Recensu historiæ universalis

lib. 8. cap. 1. 2. 3. De hoc tempore sonantilla Apocal. XVII. 1. *Meretricis.*] Quibus modis Deus judicia sua exercebit in Romam, non solum idololatricam, sed quoque piis infensam. Πόρνη, ut describatur salacis mulieris specie, exemplo ejus, quod vetus Babilon ita describitur, Esa. 47. 1. Et notatur proclivis amor erga cultum idolorum, ut Esa. 1. 21. Mich. 1. 7. Nah. 3. 4. *Super aquas.*] Imperat populis magnis multisque. Romam vocant Reginam mundi, Athenæ, Ammianus Marcellinus, Rutilius Numatianus, denique Erinna versibus prolatis apud Justum Lipsium lib. 1. de magnitudine Romana cap. 2. βασιλεύουσα ῥώμην est apud authores plurimos, de quibus vide notas ad Martialem lib. 1. Epigram. 4. Desiderii Heraldis. 2. *Cum qua scortati.*] Ejus exemplum secuti profanus cultus pertinaciter observaverunt, Romam ipsam Deorum numero adscripserunt, dissidentes puniverunt. 3. *Bestia coccinea.*] Eo colore tingi solebant Imperatorum paludamenta, Plinius lib. 22. cap. 2. & nos lib. 4. Antiquitatum Romanarum cap. 5. dist. 6. 7. *Plena nominibus blasphemiarum.*] Pleni Diis, qui ita dicebantur in veri Dei contumeliam. *Capita septem.*] Quæ duplicem habebant significationem, unam, ut notarent septem Imperatores, alteram, ut notarent montes totidem, in quibus constructa est Roma. Signat septenis culmina grata jugis, de Roma ajunt Tibullus lib. 2. Eleg. 5. Rutilius Numatianus lib. 1. Itinerarii, Claudianus lib. 3. de laudibus Stiliconis. *Cornua decem.*] Decem Reges peregrini, qui hoc tempore nondum erant in fide & clientela Imperii Romani, infra vers. 12. 4. *Purpurea & cocco.*] Coccinium indumentum erat apud Roma-

nos in bello, purpureum in pace, illud quidem in toga tota Imperatorum, hoc verò in lato clavo Senatorum, uti diximus lib. 4. Antiquitatum Romanarum cap. 5. dist. 4. 5. 6. 7. 9. *Auro & lapidibus.*] Opes simul & luxum significat. *Abominationibus.*] Profanis cultibus in dæmonum honorem. 5. *In fronte.*] Ad modum characteris, de quo est supra dist. XI. *Mysterium.*] Ut aliud pronunciet, aliud verò notet. *Babilon magna.*] Roma orbis domina. 6. *Ebriam sanguine.*] Avide cruoris, quem cum prolubio effundebat. 7. *Mysterium.*] Quid sub hac figura lateat, Roma inquam, priorum cruore madida. 8. *Bestia quam vidisti, fuit & non est.*] Fuit olim magnæ autoritatis & penes Augusti familiam, præ aliis splendidam: Hodie non est in illa familiar regnatrice, sed militum consilio provehitur ad Imperium, quicumque horum favorem præmiis exambire volet. *Ex abyssis.*] Tanti sper à promiscuis regetur. *In exitum.* Donec in Paganorum manibus erit, quibus exclusis, ad alios transibit. *Mirabuntur incolæ.*] In tantis rerum motibus & legionum contrariis studiis perstare tamen Imperium. 9. *Septem montes.*] Imperii sedes Roma tot montibus inædificata est. 10. *Reges septem.*] Galba, Otto, Vitellius, Vespasianus, Titus, Domitianus, Nerva. Hi ordine exceperunt Neronem, qui primus orientem fidem cruentavit, dicente Tertulliano, id est, mortis supplicia irroganda piis, Romam fecit crudulem meretricem, qualem nunc describit Johannes. Reliqui non equidem erant Christiani, nec tamen his insenserant. Quod enim Claudius adversum eos promulgaverat, exilium fuerat, ut temporis non ita magni, adeoque vix debebat allegari. *Quinque ceciderunt.*

Galbæ

Galba, Ottonis, Vitellii, Vespasiani, Titi acta præterita sunt. *Unus est.*] Domitianus nunc præest rebus, portio Neronis de crudelitate, ait Tertullianus in Apologetico cap. 5. *Alius*] Nerva Cocceius primus ab advenis Imperator. *Exiguus.*] Brevi tempore præerit. 11. *Bestia autem.*] Bestiæ os, *κυριεύει*, uti clarè patet ex cap. 13. 2. 5. tantum quòd ibi Domitianum notet, hoc loco Trajanum virtutibus magnum, novæ religionis inimicum. *Octavius est.*] In ordine Principum, qui post Neronem Imperatoriæ crudelitatis autorem præ fuerunt. *Et septem illi est.*] Nervæ adoptione ad cuius Imperiale provectus est. *In exitum abibit.*] Finiet post bella multa in populis remotus gesta: Neque ei superest fuit Johannes, itaque successorum ejus nulla mentio deinceps injecta est. 12. *Decem Reges sunt.*] Reges in decem populis novis sive barbaris, qui hætenus extra Imperii fines consistunt. *Tantum Reges ad unam horam accipient.*] Connivente Imperio, atque quod prohibere non possit, irrumpent. atque in solo Romano jus aliquod acquirant, neque tamen diu in societate persistant, redituri ad ferociam pristinam, tunc cum licebit. 13. *Viris et auctoritatem suam.*] Socii velut populi Romani esse volent, eorumdemque sacrorum participes, ut ita magis coalescat jus novæ amicitiae. Sunt Ostrogotti, Visigotti, Vandalii, Gepidæ, Longobardi, Fleruli, Burgundiones, Avares, Franci, Saxones. Omnes illi aut stipendiarii Romanorum aut commilitones fuerunt aliquando in conservandis Imperii limitibus adversus hostes, deinde rerum suarum providi, hostibus à se depulsis, loco successerunt, atque intra Imperii Romani fines amplissima Regna condide-

runt, quæ etiam nunc sunt ab illo separata Hispaniam, Barbariam, Dalmatiam, Italiam, Siciliam, Galliam, Ungariam, Britanniam. *Pugnabunt cum agno.*] Sævient in pios, quousque pietatis doctrinam percipiant ipsi & sedulo retineant. *Rex Regum.*] Deus jam olim promiserat, fore ut Christo plurimi Reges obedirent, Daniel. 2. 4. 4. seq. cap. 7. 14. 15. *Populi sunt.*] Multarum linguarum homines sub Imperio Romano fuisse, notissimum est. 16. *Odio prosequuntur.*] Commoda propria petendo recedent à societate Imperii Romani, imò bellis invadent socios pristinos. *Carnes ejus.*] Provincias subigent armis, & uti proprias administrabunt. *Igni exurent.*] Ita fecerunt Alaricus, Gensericus, Totilas, Gotorum & Vandalorum Reges. 17. *Deus enim dedit.*] Deus illis Regibus usus erat tum ad augendum, tum ad labefactandum Imperium Romanum, prout ei videbatur, penes quem sunt rerum arbitria suprema.

XX. Neque dixerit quisquam, populos illos non habuisse jus ad occupandas Imperii provincias. Nam si quod jus est victoris in hostes & bona eorum, utique & Germanicis hæc populis non defuit jus sibi vindicandi armis, quod Romanis insensissimis suis & perpetuis hostibus per victoriam eripuerant. Erè non alià juris specie Germani potentiam suam in Italia & extra eam acquisiverunt, uti Annales docent. Donec illis vel pullis vel oppressis, Carolus Magnus Rex Galliarum, suo Imperio adjungeret Italiam, exceptis partibus illis, quæ Cæsari Græcorum parebant, Calabriâ & Apuliâ. Pari armorum felicitate acquisivit Germaniam, uti dislerit Hermannus Conringius libro de Germanorum Imperio Romano cap.

34. *seqq.* Eum origine, nativitate, sermonis ulu fuisse Germanum, Ingelheimi non procul Moguntiaco natum, contendunt Arumæus *Volum.* 1. *Juris publici, Dissut. at.* 3. Wilhelmus Beckerus *lib. 1. Synopsis Juris publici pag. 20. 2.* Bartholomæus Volmarus *libro de Jure Principum cap. 12. num. 8. 9.* Christophorus Sturcius *libro de Imperio Germanorum cap. 1. num. 10. seqq.* Benedictus Carpzovius *Commentario ad Legem Regiam Germanorum pag. 48 3. seq.* Michaël Beutherus *in Animadversionibus historicis pag. 242. 243.* Johannes Theodorus Sprengerus *lib. 1. Jurisprudentie Romana pag. 13.* Johannes Limnæus *Tom. 1. Juris publici lib. 1. cap. 4.* Nicolaus Myllerus *Additionibus ad Ruelini Commentarios in Auream Bullam pag. 17.* Johannes Theodorus Dietrici *notis ad Auream Bullam pag. 5. & nuper D. Jacobus Andreas Crusius lib. 3. de precedentia Regum & Principum cap. 1. num. 96. seqq.* ubi ordine proferit verba & testimonia Sieberti Gemblacensis, Rheginonis Prumiensis, Nacleri Tubingenfis, Aenæ Sylvii, Jacobi Wimpelingii, qui omnes dicunt, Carolum Magnum esse nativitate Germanum, & Germanis imperavisse. Neque hoc negamus, quando majorum ejus habetur ratio, qui olim Franci erant: Aut quando ad locum natalem ejus respicimus, qui sunt agri ad Unstrutum, pars hodie Abbatis Fuldenfis, ut docent è vetusto instrumento donationis factæ, Christ. Brovverus *in Antiquitatibus Fuldensibus lib. 3. cap. 12.* Thomas Reinesius *lib. 2. Variarum Lectionum cap. 16.* Cæterum Galliæ Rex erat, Galliæ Regem Pipinum habebat patrem, avum habebat Carolum Martellum, Brabantæ Ducem, Galliæ clientem, adeo.

que Galliæ populis acquisivit dignitatem Imperialem, quando Rex horum opibus armisque è Gallia prolatis vicinis per Italiani Germaniam, Pannoniam, Bohemiam, Sclaviam, Cimbricam populos fortiter domuit, cumque Regno suo, quod patrimoniale acceperat, victoriæ jure univit, uti rectè contendunt Johannes Bodinus *in Methodo historica cap. 7.* Tholofanus *lib. 7. de Republica cap. 15. dist. 18.* Johannes Citiærus *lib. 2. de Jure Frimogenitorum quest. 12. num. 17. seqq.* Aubertius *libro de Precedentia Regis Galliæ pag. 177. seqq.* Erycus Puteanus *notis ad historiam Insulicam lib. 3. pag. 181.* Frustrâ verò Dresserus *Oratione de Monarchia quarta* differt, Carolum Magnum dignitatem Imperialem in Germanos contulisse, quandoquidem Franci Galliarum incolæ olim in Germania habitaverant, antequam Varamundus Rex eos ultra Rhenum duceret. Erant sanè Franci Germaniæ populi hæctenus, sed postquam mutaverunt patriam, inque Gallia confederunt, animo nunquam revertendi, non jam Germaniæ pars erant, sed Galliæ dominium usurpabant, ubi novum Regnum instituerunt, quomodo Gotti fecerant in Hispania, Normanni in Anglia, Unni in Hungaria, quam illi à Germanis, isti à Scandix gentibus, hi verò à Scythiis Caucasæ indigenis provenerant. Eò magis hoc urget, quod Franci sub Clodoveo Rege admodum nocuerunt Germaniæ, ut cæsis Allemannis, longè potentissimo tunc Germaniæ populo, provinciam suam iidem fecerint, quicquid Allemannici hæctenus fuerat juris, omnemque adeo Sueviam, Helvetiam, Bavoriam, & Cis-Rhenanos agros, quos olim migratione suâ deseruerant. Sub Dagoberto

goberto Rege devicerunt Thuringos & Westphalos: Sub Theodorico Rege profligaverunt Frisios, Regnoque eorum dissoluto, omnem Germaniam Maritimam à Rheno ostiis usque ad Visurgim adjecerunt ditioni suæ, uti diximus in Recensu historiæ universalis *lib. 13. cap. 1. dist. 2. §. 6.* & illis adde Petrum Bartholdi in *Flora Franco lib. 1. cap. 17. & 36.* Falsus enim est Hugo Grotius libro de *Antiquitatibus Bataviae cap. 4.* ubi negat Bataviæ regionem & Zelandiæ Insulas unquam fuisse in ditione Francorum. Condonari debet viro summo, quod juvenis nimio in patriæ libertatem studio correptus, in hoc & paucis aliis errare voluerit. Sanè Hollandia & Zelandia eo tempore fuerunt pars Regni Ffliorum, quod universum devicto Rathbodis, in jus Francorum concessit, Rathbodus in Cimbriam aufugit, teste *Amonio, lib. 4. Historie Gallicæ.* Denum Carolus Magnus Saxones domuit atque ingentem terrarum tractum per Germaniam, adusque mare Balthicum, in quo etiam Venedi, Cimbri, Slavi, Obotriti comprehendebantur, occupavit, itaque habebat Germaniam pro accessorio, quatenus illam armis subegerat, neque Germani, à quibus per multa secula disseparati erant Franci sunt hæredes Caroli Magni, ejusque nomine Imperium sibi arrogare possunt.

XXI. Monarcha sanè erat, frivolus verò est, quod urgent Bellaminius *lib. 2. de translatione Imperii cap. 1. seqq.* Baronius *Tom. 9. Annalium A. C. 800. num. 6. seq.* Petrus Baptista Burgus *lib. 1. de bello Suedico cap. 1.* Restantius Castaldus libro de *Imperatore quest. 36* Spondanus in *Epitome Annal. pag. 77.* Franciscus Bozius *lib. 1. de temporali Ec-*

clesiæ jurisdictione cap. 1. seqq. Vernulejus *lib. 1. Institut. Politic. tit. 7. cap. 8.* Pontificis Romani beneficio & gratiâ factum esse, ut Imperium daretur Carolo Regi. Argumentatur: (1.) Quod aliquis non habet, illud non potest alteri dare. Atqui Imperium Romanum Pontifex non habebat. Ergò non poterat alteri dare. (2.) Quod victoriæ jure Carolus acquisivit, illud non potest gratiâ Pontificis imputari. Atqui Imperium Romanum victoriæ jure acquisivit Carolus. Ergò illud non potest gratiâ Pontificis imputari. (3.) Quicumque superior est, ille non accipit aliquid, velut beneficium, ab illo, qui inferior est. Atqui Carolus superior erat. Ergò non accipiebat aliquid, velut beneficium à Pontifice, qui erat inferior. Confirmatur: (1.) Papæ sacris peragendis unicè studebant, neque hætenas civilia negocia curabant, quando hoc faciebant Senatus populusque. (2.) Longobardi habebant dominium inter omnes, sacras perinde & civiles, tantum quòd urbi Religionis causa petiti non imponerent præsidium. (3.) Pontifex rogabat Carolum, ut adesse vellet auxiliator oportunus adversus hostes, qui libertatem urbis oppugnabant, venienti portas aperiebat, seque suosque cives supplex in clientelam Regis tradebat, Imperatorem Dei gratiâ, populi jussu irrefragabili proclamabat. Imperator ab eo nihil accipiebat, sed ille potius à Cæsare semper benigno, semper liberali, impetrabat Latii, Ravennarum, Emiliæ agros urbesque, unde proventus haberet Imperio fidelis, & Imperatoris subditus. Deinceps temporum Papa Romanus fuit civis Imperii, subditus Imperatoris, atque in eligendo illo Imperator solus potestatem exerce-

exerebat tanquam qui in fide Imperii esset, atque bona possideret, quæ ad Imperium pertinebant. Falsum est quod scribit *Besoldus*: Pontificis Romani electionem olim perperam, & magno cum scandalo Imperatores sibi adscripserunt, *lib. 1. Doctrina Politicæ cap. 5. dist. 14.* Atqui si perperam factum est, ut eligeretur Papa à Cæsare, perperam quoque fuerit actum, concedere Papis Imperii beneficia. Carolus M. Otto M. Henricus IV. Fridericus I. Ludovicus IV. Imperatores optimi jus illud usurpaverunt velut suum, & Papis nequam deposuerunt, suffectis aliis, qui melioris animi essent. Quod verò Lotharius, Rodolfus, Carolus IV. in conservandis Imperatorum juribus negligentiores fuerint, Papam à nexu non liberat. Memorabile est, quod Ludovicus IV. Cæsar imprimis cum ævi sui Papis magnas lites agitarit, Papis quidem & Monachis contranitentibus, interim omnibus Germaniæ, Galliæ, Italiæ Proceribus rectè judicantibus, Cæsari Romano in omnia Pontificum bona, in ipsorum officium, in Decreta ipsorum omnia integrum & summum jus esse, eaque Cæsar ipse Romæ promulgavit, Papæ nequam acta abolevit, igni imaginem ejus exussit, diras explosit, Jovem fulguratore loco movit, Papam novum designavit, juramento fidelitatis obligavit, de bonis invellivit, quæ Carolus M. Otto M. alii, donaverant, Rodolphus Austriacus confirmaverat, ut ipsi utile dominium acciperent, dominium supremum Cæsari acceptum ferrent. Narrat Abrahamus Bzovius in *Annalium supplementis A.C. 1327. num. 3.* persuasum Cæsari & orbi toto fuisse: Quod Clerici subessent potestatibus civilibus: Quod Imperatoris proprium jus esset,

Papam constituere & destituere: Quod Papa bona sua ab Imperatoribus acceperit: Quod Papæ bona omnia Imperii legibus, uti Procerum aliorum bona, sint obnoxia: Quod Reges & Imperatores potestatem suam habeant à Deo: Quod Johannes Papa hæreticus esset. Hæc omnia tunc Cæsar inculcabat Papæ, adversario suo, utque potestatem suam in urbem ipsam ostenderet, præfectum urbis constituit Castrucium, cæteris urbibus vicarios præfecit nomine suo, Gibellinorum opes exaltavit, Papæ diem indixit, & cum non veniret, honores, omnia abrogavit ei velut facinoroso. Nihil pro defendendo Papa adfuit Bzovius, præter convitia & querelas, solennia inter Monachos carmina. Nec verò hos invisos sibi Principatus, etiam in Ecclesiæ solo designatos tollere potuit ullus Papa, donec Alexandri VI. artibus, Cæsaribus Borgiæ sceleribus, Venetorum fraudibus, Gallorum in Italiam excursuonibus potentiâ eorum destructâ, denum Julio II. loricato integrum fuit, omnem illam ditionem Ecclesiasticam in unum corpus revocare, improbis conatibus, quos Machiavellus *libro de Principe cap. 11.* prudenter & accurate satis describit, Gibellinæ sectæ & immeritò à multis reprehensus. Prolixius ista exponunt Marcus Zuërius Boxhornius in *historia universalis pag. 546. seqq.* Franciscus Junius & Arnstaëus *libris de Translatione Imperii*, Melchior Goldastus in *Replica pro Imperio adversus Gretserum*, Wilhelmus Barret *lib. 1. de Jure Regis cap. 2.*

XXII. Grotius scribit: Postquam Græci contra mentem ac morem populi Romani scæminæ Irenes subivissent imperium, ut alias causas omittamus, meritò populus Roma-

Romanus illam concessionem sive expressam, sive tacitam (quâ permiserat, ut à Græcis Imperator eligeretur) revocavit, & per se Imperatorem legit, ac voce primi civis, id est, Episcopi, sui, (quomodo & in Judaica Republica Rege non existente prima erat summi Pontificis persona) pronunciavit. Fuit autem hæc electio personalis in Carolum Magnum & quosdam ejus successores, qui ipsi jus imperii quod habebant in Francos ut & Longobardos, à jure imperii in Romanos, ut nova ex causa quæsito, sollicitè distinxerunt. Postea verò diviso Francorum populo in *Occidentalem* (qui Galliam nunc obtinet) & *Orientalem* (qui Germaniam sive Alemanniam tenet) cum populus Francorum Orientalis eligendū sibi Reges facere cepisset, placuit populo Romano, quo certius præsidium haberet; Regem non proprium sibi sumere, sed eum quem Germani sibi fecissent, ita tamen ut jus sibi aliquod retineret probandæ vel improbandæ electionis, quantum scilicet ea res ad se pertinebat. Hæc quoque approbatio per Episcopum edici, & solenniter testata fieri peculiari coronatione solebat, quare ex electione septem Principum, qui Germaniæ corpus referunt, quilectus est, jus habet imperandi Germanis secundum eorum mores, ex approbatione verò populi Romani fit idem Rex aut Imperator Romanus, aut ut historici sæpè loquuntur, Rex Regni Italiæ, atque eo titulo sub se habet, quæcunque populi Romani fuerunt, neque pactionibus aut derelicti occupatione, aut victoriæ jure in aliorum populorum imperium concesserunt. Unde illud intelligi faciliè potest, quo jure Episcopus Romanus vacante Imperio, investituræ tribuat feudorum Imperii Ro-

mani, quia scilicet in populo Romano, tali tempore libero, primas obtinet. Solent autem quæ sunt corporis alicujus, per primam personam nomine corporis expediri. Neque verò malè *Cyru* & *Rainerus* tradiderunt, si Imperator Romanus morbo aut captivitate impediretur fungi Imperio, posse ei vicarium dari ab ipso populo Romano, lib. 2. de *Jure belli & pacis* cap. 9. dist. 11. Respondeo: (1.) Imperium Occidentis post Theodosii Cæsaris tempora destruxerunt Germanicæ nationes, omnibus partibus ejus victoriæ cursu edomitæ, itaque Græcos prorsus excluderunt locis iis, quæ sibi vindicaverant, novumque Imperium condiderunt, quod novis legibus munitum, veteres dominos abrogavit, & pro uno Imperio hæctenus per Italiam, Galliam, Hispaniam, Angliam, Germaniam magnarum virium compote obtrusit Regna varia, nullo obligationis jure secum connexa, legibus, populis, usu armorum separata. Heruli & Longobardi occupaverant imprimis Italiam, atque eis serviebat populus Romanus. (2.) Occasionem Legendi novum Imperatorem Romani ex sese invenerunt, cogitando, quod olim Græcia sæpius divortium fecerat ab Occidente, & quod ipsi nullo obsequii vinculo continerentur ab Imperatore Græciæ, qui eos ad Longobardorum obedientiam armis quæsitam, cum impedire non posset, transire permiserat, itaque Carolo nomen Imperatoris tribuebant Proceres Italiæ, postquam illos à dominio peregrinorum liberaverat, & Longobardorum jura ad se transtulerat. (3.) Romanum Imperium accessit Carolo Magno per jus renovatum, quando quidem ante secula pauca Romani habuerant Imperatorem, & Barba-

rorum invasionibus factum erat, quod nomen obsolesceret, potestas diminueretur. Receptis viribus, Carolus unà voluit instaurare nomen, quod excogitavit populus, Carolo displicere non poterat, quia ei debebatur, & ab illo transivit ad posterum. (4.) Postea verò diviso Francorum populo, ceperunt Allemanni Imperialem dignitatem, & unà Italiæ Regnum sibi arrogare. Certe Germanicum Imperium, quod Danubio, Rheno, Oceano, & mari Balthico includitur, florentissimis etiam Romanorum rebus, nunquam vel nonnisi levi ex parte, ac brevissimi temporis spacio fuit Romani juris, & verò provinciæ illæ, quæ Romano Imperio olim subditæ erant, jam ante mille annos ab eo separatæ & populorum novorum legibus subnoxie factæ fuerunt, ut Imperatores Germaniæ jus recuperandi amiserint. Re ipsa nihil verè Romanum est juris Germanici factum præter dominium urbis Romæ, & eas Italiæ regiones, quas Longobardiæ Reges Græciæ Imperatoribus ereptas, obtinuerunt. Ergò Germani acceptum è Franciæ Regum manibus Imperium acceperunt, & lege promulgatâ, quod in Germania sedes Cæsaris esse deberet, Italia ferè provinciæ togatæ instar esse cepit, uti veteres loquebantur, id est, jure Quiritium utitur, sed Imperatoris jura Germani soli custodiunt, quemque Imperatorem renunciaverunt Germani, cum Proceres Italiæ ultra recipere tenentur. Res merito consensu efficitur, probare velint nolint, improbare non possunt. (5.) Quod Pontifex feuda conferre possit, omnino frivolum est. Nemo enim Cæsarem legitur jus hoc dedisse Papæ, ut sit Vicarius ejus per Italiam. Hoc quoque futile est, Cæsari posse Vicarium da-

ri à populo Romano. Dominium penes Germanos est, Germanici Imperii provincia Italia est, adeoque non deliberat unà in Comitibus Imperialibus, multò minus Vicarium Imperatoris constituere potest.

XXIII. Galli hanc dignitatem per turbas intestinas ab Hugone Capeto excitas, amissam, Germanis commendabant, qui Reges Conradum Franconum & Henricum Saxonem tantisper habebant, patriæ suæ adversus Hunnorum irruptiones, consilio & re defensores fortissimos. Quamobrem Italia abstinere coacti, domi habebant quod agerent, Urbis tamen imperium nunquam penes Papam, sed penes alios, & quidem Thuscæ Marchiones, Imperii vallos, potissimum fuit, teste Luitprando *lib. 2. histor. cap. 13*. Demùm Otto M. in Italiam profectus Imperatoris Romani titulum sibi posterisque suis, Germaniæ Regibus, perpetuo jure acquisivit, Luitprandus *lib. 6. histor. cap. 6*. Multa in optimum Imperatorem dicit Andreas Brunnerus *lib. 8. Annal. pag. 505. seqq.* verùm falsa illa sunt & in Papæ gratiam prolata, qui tunc erat Johannes XII. monstrum nullâ virtute redemptum. Ab illo tempore Germaniæ Rex insinuat Romanus Imperator est, valetque quod Germaniæ Proceres dicunt apud Guntherum in *Ligurino*: Quemcunque sibi Germania Regem Præficit, hunc dives submisso vertice Roma suscipit & verso Tibeti in regit ordine Rhenus, *lib. 1*. Neque obstat, quod Johannes Bodinus in *Methodo Historica cap. 7*. Marthæ Neapolitanus *libro de Jurisdictione part. 1. cap. 21. num. 22*. Carolus Molinæus *libro de Monarchia Francicæ num. 20. 21*. Daniel Chamierus in *Panstratia Catholica Tom. 2, lib. 16. cap. 2*. Ulricus Hube-

Huberus in *Dissertationibus de Affyriorum & Medorum Regno* pag. 142. 143. disputant, Imperium Romanum nec superesse hodiè, nec penès Germanos esse. Rationes proferunt: (1.) Quòd amplissimè per Europam, Asiam, Africam provinciè defecerunt, suisque legibus reguntur. (2.) Quòd urbem Romam non habent Cæsares in potestate sua. Hæc illi. *Respondeo*: Superest omninò, quia superest Italia sedes Imperii ejus præcipua, quamvis ab ea plures diverterint provinciæ: Itaque nondum profusus interiit; ac penes Germanos est, quia non potest alius populus nominari, apud quem Aquila Imperialis superfit. Quòd provinciæ multæ defecerint, eo ipso non est Imperium sublatum. Namque sola *Aegyptus* defendit Imperii Macedonici titulum eo tempore, quo provinciæ reliquæ aut Parthis, aut Syris, aut Armenis in prædam cesserant. Quòd Roma sit amissa, falsum est, namque pertinet ad Imperium, & verò quòd suis legibus regi velit Curia Romana, pertinaciæ alicujus est, juris non est. Romani ergò Imperii dignitatem hodiè penes Germanos esse, rectè nobiscum concludunt Wilhelmus Barclajus de *Regno & Regis institutione* lib. 4. cap. 13. Albericus Gentilis lib. 1. de *Jure patris & belli* cap. 23.

XXIV. Nec minus reliqui Italiæ Proceres sunt in fide Imperii Germanici, quam in ditionibus suis acceperint dominium utile, & prætereà aliquam dicendi juris potestatem, beneficio Rodolphi, Wenceslai, Sigismundi, Friderici III. Maximiliani I. Caroli V. Imperatorum. Dominio in Italiam nec apertè nec tacitè renunciarunt Imperatores nostri, eoque nequidem longi temporis præscriptione aliquà

integram libertatem sibi paravit Italia. Falsum est, quod Carolus Sigonius lib. 20. de *Regno Italiae*, & Horatius Tursellinus lib. 9. *Epitome Historiarum* pag. 389. scribunt, Rodolphum Rufum, accepto pretio, Italiæ urbes Florentiam, Lucam, Genuam donavisse perfectà libertate. Atqui donavit eas libertate illa, quâ nunc in Germania civitates multæ pollent, non exemit ab obsequio Imperii. Constat satis, quòd nulla urbium Regni Italici post obitum Rodolphi negaverit obsequium Cæsari-bus, quin verò observantiâ debitâ prosequutæ eos, advenientes intromiserunt, claves obtulerunt, pecunias imperatas solverunt, judicio eorum paruerunt, nisi fortè in paucis locis aliter esset, ubi Guelfi resturbabant, quas tamen Imperiali banno percusserunt Imperatores, certo argumento, quòd eas dominio suo continerent. Hæc omnia indicant, si quid datum fuit libertatis à Rodolpho, id omne exigui fuisse momenti. Quod Rodolfus obedientiæ juramentum à Tusciæ populis exegerit per Legatum suum, referunt Antoninus Florentinus in *Summa Historica* tit. 20. cap. 4. num. 4. Gethardus de Roo lib. 1. *Annalium Austriacorum* pag. 27. seqq. Et verò notari debet, quòd jura Majestatis Imperii Germanici venalia non sint, nec si essent, ab Imperatoribus sine Principum Germaniæ consensu alienari possent. Est inter civitates illas Florentia, quæ partes Gallicæ secuta in bellis Italiciis, & à Carolo V. Imperatore expugnata, libertatem Democraticam amisit, ob admissam culpam, & Principatum Medicorum suscepit, non quidem ut hi

R 2 essent

essent sui juris, falsò enim Papa dicebat, *Mediceos suâ auctoritate urbem regere, non Cæsaris beneficio*, itaque Cosmum Ducem Magnum volebat creare, additâ coronâ Regali, teste Thuanolib. 46. *hisor.* Namque obrogavit decreto contrario Maximilianus II. Cæsar, & à Papa inaugurationem talem fieri vetuit, Cosmum ad dicendam causam velut Imperii beneficiarium evocavit, suæque auctoritate illum renunciavit Magnum Ducem, quia sic volebat, non ut Papæ etiam gratia illa esset, Thuanus lib. 60. *hisor.* Londorpius lib. 8. *supplement. hisor.* Johannes Baptista Adriani lib. 20. *historiæ Italicæ.* Luca hodiernum est civitas Imperialis, neque minus Genua, de qua tamen Menochius lib. 1. *conf. 2. num. 67. 68.* Fulvius Pacianus *conf. 19. num. 34 2. conf. 149. num. 76.* scribunt, plenam & vetustam habere libertatem. Id quod frivolum omnino est. Namque Henricum VII. uti Dominum excepit portis apertis, tributa eidem solvit, fidelitatem juravit, obsequium Imperio usque conservavit, inque nobilissima lite cum Marchione Finaliæ agitâtâ, ob vim illatam Marchioni, pœnalibus mandatis adacta, paruit decreto Maximiliani II. Imperatoris, prout æquum erat fieri ab urbe legibus Imperii Germanici obnoxia, utinarrant Bodinus lib. 1. *de Republica cap. 9.* Thuanus lib. 36. *hisor.*

XXV. Monarcha erat Otto, neque Monarchæ titulos, honores, potestatem diminuebat, quòd deinceps Principum suffragia designarent successorem, aut saltem Patri, qui filium suum virtutibus illustrem ad Imperium evehere studebat, non repugnarent. Namque Cæsares jura utriusque fori exercebant pleno jure in Pontifices, Episcopos,

Principes, Civitates omnes per Italiam & Germaniam, nisi quantum non simplici vice factiones Paparum & rebellium Episcoporum impediebant. Et cùm hæc omnes Principes ad suffragia ferenda coirent, deinde Electores pauci fuerunt, quorum vota cæteros ad assensum pertraxerunt. Quando ille numerus Electorum determinatus esse ceperit, queritur. Serarius lib. 1. *Rerum Moguntinarum cap. 26.* Grevoldus libro *de Septemviratu cap. 6.* Horatius Turcellinus lib. 7. *Epitom. hisor. pag. 321. 322.* Bellarminus lib. 3. *de Translatione Imperis cap. 1. seq.* Melchior Goldastus lib. 3. *de Regno Bohemæ cap. 6.* Petrus Heigius lib. 1. *Questio-num Illustrum cap. 3.* Simon Schar dius libro *de Electoribus cap. 1.* referunt ad tempora Ottonis III. Cæsaris, & Gregorii V. Pontificis, eoque sensu adferunt testimonia Blondi, Collenutii Platina, Volaterrani, Trithemii, Naucleri, Egnatii, Bonfinii, Cusani, Aenæ Sylvii, Marsilii Patavini, Polydori Virgilii, Genebrardi. Atque testes illi non satis certæ fidei sunt, quandoquidem remotissimi sunt ab ævo Cæsaris ejus, quo hæc gesta esse creduntur, & verò sequentium temporum Imperatores Henricus II. Conradus Saliquus, Henricus III. Henricus IV. Henricus V. Lotharius II. Otto IV. Fridericus I. ab omnibus Imperii Principibus electi fuerunt, ita ut peculiarem de Electoribus præcipuis mentionem haut faciant Authores, qui temporibus istis vivebant, Otto Frisingensis lib. 6. *cap. 27. 28. lib. 7. cap. 22.* Uspersgenensis in *Chronico A.C. 1053. 1107. 1220.* Dithmarus Merseburgensis lib. 4. & 5. *Chronici.* Proinde hanc opinionem refelunt Cardinalis Baronius Tom. 10. *Annales A.C. 996. num. 60. seqq.* Spondanus in *Epitome*

some *Annalium* pag. 883. seqq. Onufrius Panvinus libro de *Comitiis Imperatoriis* cap. 6. 7. 8. 9. Hermannus Conringius libro de *Finibus Imperii Germanici* pag. 384. seqq. Johannes Freinshemius libro de *Præcedentia Electorum Principum* diatr. 3. sect. 22. seqq. Johannes Theodorus Sprengerus lib. 3. *Jurissprudentiæ Romanæ* pag. 242. seqq. & originem referunt ad Concilium Lugdunense, ubi Papa Innocentius IV. & Cæsar Orientis, nec non Regum Principumque Legati, Patriarchæ Orientis, Episcopi Occidentis aderant, de rebus maximè profuturis consilia formandi causa, A. C. 1245. In hujus rei testimonium allegant Matthæum Parisiensem industriâ & fide celebrem, qui ævo illi suppar Concilii acta descripsit, & de Electoribus retulit, constitutos fuisse Coloniensem, Moguntinum, Salisburgensem Archiepiscopos; Austriæ, Bavarix, Saxonix, Brabantix Duces. Sic illi. Quando alii pro aliis substituti fuerint, Trevirensis, Comes Palatinus Rheni, Marchio Brandenburgensis, Rex Bohemiæ, non satis liquet.

XXVI. Hæc eo tempore acta sunt, quo post Fridericum II. infelicibus Paparum ausis, & Procerum cruentis liubus misceri omnia ceperunt, ac prisca Imperatorum auctoritas, Imperiique dignitas conciderunt. Hactenus Neapoleos, Burgundia, Polonia, Ungariæ, Bohemiæ, Daniæ Regna, Venetorum populus, aut in clientela Imperii fuerant, aut comiter illud obsecrando, Imperatori prolixa obsequia præstiterant, deinceps verò licentius agendo, obedientiam debitam exuerunt, & tantum non bellis Imperium vexare, hujusque partes sibi rapere voluerunt, uti Annales docent, & ex illis

Hermannus Conringius lib. 2. de *Imperio Germanici finibus* cap. 24. seqq. Gallix ipsius Reges ob Provinciæ Comitatum liberum, partesque multas Arelatensis Regni Imperio Germanico obnoxii, intestinis Germaniæ dissidiis illecei, clientelam istam devolverunt à sese, auctisque opibus robur maximum acquisiverunt, adeò ut Italiam sub Carolo VIII. invaserint, Neapolim corripuerint velut Regnum suum, uti diximus in *Recensu historiæ universalis* lib. 13. cap. 4. dist. 10. 11. & jam seculo integro amplius, qui sua antehac ægrè ob vicinorum Germanorum potentiam tuebantur, Europæ universæ fortunam non levi ex parte moderentur.

XXVII. Queritur hinc: (1.) *An coronatio Papæ sanibus peracta requiratur ad constituendum Imperatorem?* Respondeo: Affirmant veteres Jureconsulti, Alcuius in *Formulis Imperii Romani*, Oldradus volum. 2. cons. 90. num. 7. seqq. Lancelottus in *Templo Judicum* lib. 1. cap. 1. sect. 1. quest. 4. Johannes Azorius lib. 10. *Institutionum Moralium* cap. 5. Et rectè, uti probat argumentum: Quicumque Imperio fidelis est, ille Imperatori præstat fidelitatem jure merito. Atqui Pontifex Romanus Imperio fidelis est. Ergo Imperatori Romano præstat fidelitatem jure merito. Minor constat, quia Roma & territorium ejus sunt portio Imperii fiduciæ nomine Papis data olim, cum Imperatores nondum ceperant ultra meritum ælimare Curiam Romanam, orbis vastatricem sub pietatis specie. Negant quidem Recentiores, Theodorus Reinking lib. 1. de *Regimine Seculari* clas. 3. cap. 8. num. 20. seqq. Matthias Stephani lib. 2. de *Jurisdictione* cap. 1. num. 142. Bartholomæus

Keckermannus in *Cursu Philosophico disput.* 29. *quest.* 16. Bocerius libro de *Regalibus cap.* 2. *num.* 6. Tobias Paurmeisterus lib. 2. de *Jurisdictione cap.* 4. *num.* 4. Verum non satis considerant illi, quod ceremoniarum pertinent ad solennia, & quod solennia negligendo, sæpe remissionem spoliemus jure nobis competente. Ecquis verò non dixerit nefas, ingentem adeò thesaurum Imperii à majoribus, quorum virtute & sanguine est comparatus, ad posteros translatus, si non ignavià, saltem incurià & negligentiam perdere velle: Roma est pars Imperii Germanici, Pontifex territorium urbis possidet è beneficio Cæsaris, quem coronando proclamatur Dominum suum, se facitur subditum ejus esse.

XXVIII. Quæritur: (2.) *An Imperium Germanicum sit status Monarchicus?* Respondeo: Negant Bartholomæus Keckermannus in *Cursu Philosophico disput.* 36. *quest.* 12. Benedictus Carpzovius *Commentario ad Legem Regiam Germanorum cap.* 13. *sect.* 8. 9. 10. Johannes Linnaeus *Tom.* 1. *Juris Publici lib.* 1. *cap.* 10. Arniseus lib. 2. *Religionum Politicarum cap.* 6. *sect.* 5. *num.* 69. *segg.* Johannes Bodinus lib. 2. de *Repubblica cap.* 6. & in *Methodo historica cap.* 6. 7. Tobias Paurmeisterus lib. 2. de *Jurisdictione cap.* 2. *num.* 1. *segg.* D. Jacobus Andreas Crusius lib. 3. de *Præcedentiâ Regum & Principum cap.* 2. *num.* 64. *segg.* Johannes Felwingerus in *Dissertationibus Politicis pag.* 16. *segg.* Johannes Wurmserus *Exercitat.* 1. ad *Jus Publicum dist.* 9. quorum omnium sententia est, Germaniarum statum esse mixtum, inque mixtione illa dominari Aristocratiam, ita ut auctoritas sit in Statibus Imperii dignitas penes Cæsarem. Rationes proferunt: (1.) Quòd dicat Elector Mogun-

tinus: Aristocratia nobis imprimis est retinenda, Sleidanus lib. 1. *histor.* Et Mauritius Elector Saxonicus: Carolus attentat Monarchiam diu cogitatum introducere, Sleidanus lib. 24. & 25. *histor. Respondeo:* Si intelligi debet in verbis illis Aristocratia vero sensu, quam obrem adeò solliciti fuerunt Electores pro eligendo Cæsare? Moguntini verba uti obiter prolata esse censerì debent, quatenus prohibere volebat, ne successivum Imperium cum magno libertatis præjudicio invaleretur, atque Electores suo jure spoliarentur, quod Aurea Bulla confirmaverat. Sensu eodem Mauritius inculcabat Carolum, quòd armorum progressu fretus, Germanicum Imperium posteris suis acquirere, & cum Belgica unire velle, non vana suspicio esset, quando maximam ejus partem bello Smalcaldico domitam, in potestate sua velut haberet, plura conaturus, & jus Electionis prorsum aboliturus, nisi maturè & constanter ausis ejus occurrerent hi, quorum intererat, providere, ne Germanici Imperii comitas ab Hispanica ambitione supprimeretur, quod facile fieri poterat, cum auro obedirent omnia, & Hispanus militem perpetuum haberet, pacatis gentibus terribilem. (2.) Quòd Cæsar juramento obligetur ad servandas Leges Imperii, quas olim descriperunt Principes. *Respondeo:* Et Monarcha tamen est, quando citra Leges regere ac regi Barbarorum consuetudo est. Capitulatio, in quam sese Cæsar obstringit, ipsius Majestatis effectus est, qui Majestati non obest, ac propterea non facile quis alia pollicetur, ac quæ ab Antecessoribus ejus probata sunt, cum nova inseruntur, nova ipsius imperantis effecta fieri, satis superque notum est. Et verò Capitulatio non tam Lex est, quam mera Conventio. Neque enim

enim obligat Cæsarem invitum ex potestate eorum, qui præscribunt, sed demùm obligat Cæsarem, qui acceptat, vi promissionis juratæ. Cæterum populi moratiores omnes Regibus suis præscripserunt leges, non quidem ut eorum potestatem diminuerent, sed ut subditorum animos eis conciliarent magis, quando hi de Regis erga leges observantia palàm edocti, tantò lubentius obsequium præstant. (3.) Quòd Cæsar neque leges condere aut abrogare, neque vectigalia imperare, neque bella decernere, neque Comitia vocare, neque pacem sancire possit, citra Cæsarem consensum *Respondeo*: Et tamen in omnibus illis agendis ac petagendis summa potestas est penes Cæsarem, velut Principem cum potestate, quanquam Optimatum autoritas evidenter concurrat. Ergò uti Cæsar sine Electorum scitu ita Electores & Optimates sine Cæsaris jussu convenire, decernere, decidere non possunt. In Hispaniæ, Galliæ, Angliæ, Daniæ, Suediæ Regnis vel par, vel non multò minor autoritas est Optimatum, unde tamen potestati Regum non detrahatur. Uti enim pater familias eo ipso, quòd præscribat leges familiæ ex consilio uxoris, eamque participem faciat gubernationis, & cum filiis operetur in commune bonum, non spoliatur sese autoritate sua, ita quoque bonus Princeps, quamvis è consilio Procerum omnia agat, non tamen exuit se potestate suprema, aut Majestatem cum illis communicat, sed liberè ab illis etiam unanimiter consentientibus dissentire, & in alia omni re suo jure potest. Ideoque post factam deliberationem Imperii, vis in executione adhuc satis clarè elucet, ut consiliorum & negotiorum conficiendorum author unus existat Prin-

ceps. Scilicet interest tùm libertatis tùm æquitatis, ut quorum periculo res geritur, eorum consilio illa administretur, & quod omnes attinet, id ab omnibus approbetur. (4.) Quòd Cæsari possit imperium abrogari per Ephorum, id est, Optimatum consensum, uti factum est Henrico IV. Adolpho Nassovio, Wenceslao Bohemo. *Resp.* Qui Electores Imperii vocant Ephoros, cum Keckermanno in *Cursu Philosophico disput.* 36. *quest.* 10. & 12. Hermanno Conringio *Disputatione de Ratione Status dist.* 49 graviter impingunt. Ephori apud Lacedæmonios fuerunt, ubi præerant simul Reges duo, id est, neuter Rex erat, Reges nominare, re ipsa civitatis Officiales, potestas enim penes Ephoros erat, uti diximus *suprà cap.* 15. *dist.* 3. Ergò quòd dicitur, *Electores habere potestatem removendi Cæsarem*, liberale nimis est, ac perinde valet adversus Reges alios, quos ubique gentium legitimus dejectos esse in Gallia, Hispania, Anglia, Suedia, quando in Tyrannos degenerare volebant. De Henrico IV. est res pessimi exempli, nihil enim commiserat, ut deferere eum vellent Principes, & verò Papistunc multa licebant, cum religionis prætextu mala omnia impunè patrarentur. Si enim vera fateri volumus, Principum optimus pariter ac mitissimus ab Imperii Proceribus vexatus, Imperio ipsi exitiū attraxit. Postquam enim illa quæ cum annis immaturis ejus acta male essent, emendare deinde conaretur & vacillantem auctoritatem confirmare, obfirmati adversarii ejus magis magisque sese opposuerunt, cum primis Episcopi, atque hi opibus pariter ac Religione armati, Imperatori facilè impietatis & injustitiæ opinionem in populis istis conciliabant.

His

His itaque rebus cum tandem inauditum hactenus, sed ab eotempore exemplis tribus roboratum fulmen Pontificium à Gregorio VII. emissum accederet, certè fieri aliter non potuit, quàm ut Regiæ Majestatis quod supererat, magnâ prorsus parte interiret. Et certè interiit, quando Episcopi bonorum suorum collationes Imperatori ereptas, Papæ attribuebant ausu turbulento & hactenus novo, quod Proceres Germaniæ laxatis habenis patriam Rempublicam æternum hanc fatigaturo periculo objicere vellent, tantum ut privata libidinis arbitria adversus Regem suum exercere possent. Deinceps enim Pontifices unâ cum Rege ad rerum gubernacula evecti, Regum metu, quo hactenus in officio continebantur, abjecto, Regibus ludibria pro beneficiis retribuerunt. Proinde res mali exempli fuit, illa Procerum adversus Cæsarem arrogantissima factio, bellique civilis materia. Idem judicium est de Adolpho Nassovio, quem vincerâ, nullo jure deseruerunt Principes, non omnes quorum intererat non nisi publico consensu ita fieri, sed aliqui, inque bellum protruserunt. Episcopi imprimis, quando autem Dei numen magnis ausis prætexebatur, faciles sese ad omnia præbent subditi, & melius vatibus suis infidiosâ pietate subnixis, quàm Regibus parebant. Itaque ofores & percussores ejus omnes mære perierunt. Wenceslaus spontè potius, ut magnis curis, quibus impar erat, sese exoneraret, remigravit in Bohemiam suam, quàm ut eum Imperio dejecerint Electores, Otto Fuisingensis lib. 7. *histor.* Aventinus lib. 7. *Annalium Bojorum*, Sigonius lib. 9. *histor.* Cuspinianus in *Catalogo Cæsarum* pag. 282. 357. 388. Peucerus lib. 5. *Chronici*,

& nos ex illis in Recensu historiz universalis lib. 10. cap. 2. dist. 6. lib. 11. cap. 1. dist. 2. cap. 3. dist. 1. quibus adde Melchiorum Goldastum in *Bohemia* lib. 1. cap. 5. num. 1. seqq. Nimirum facta, quibus signoscendum esse magna ratio dicitur, jus nec constituunt, nec probant. (5.) Quod Principes Imperii adhibeant in titulis suis, *Nos Dei Gratia*, atque ita ostendant potentiam aliquam. Respondet: Potentia illa, quæcunque est, infra Cæsarem est, & hujus potestati subiecta. Titulum usurpant, uti constat, quia plurimi eorum orti sunt è prosapia Regum veterum, qui olim cum plena potestate imperabant in variis Germaniæ populis, donec Carolus Magnus è Gallia profectus, Reges illos in ordinem redegit, atque Imperio subiectos hactenus potestatis magna parte spoliavit, aut ipsi etiam Imperio spontè sese obligaverunt. Retinebant splendorem titulorum, ut velut solatium esset diminutz potestatis.

XXIX. Argumentamur: Quicumque jura Majestatis usurpat eminenter, ille est Monarcha. Atqui Imperator Romanus jura Majestatis usurpat eminenter. Ergo est Monarcha. Probatur major: Jura Majestatis efficiunt Monarchiam. De minore non potest esse dubium, quia Cæsar imperat omnibus, ipsi Deus solus imperat. Itaque (1.) Leges universales promulgat, cum solenni formula: *De Imperialis potestatis plenitudine decernimus*. (2.) Bella gerit pacemque sancit nomine suo, omnium bono, velut author unicus & summus rerum gerendarum. (3.) In Comitibus per Legatum suum præsidet cum summa potestate proponendi, consultandi, decidendi, exsequendi. (4.) Principibus imperat absolute, quam

quam comitit, confert eis feuda, eademque illis secundum Legem Majestatis auferre potest, cum peccando in Leges Imperii, pœnam justam incurrunt. Olim Carolus V. proscripsit, bonisque multavit Johannem Fridericum, belli Smalcaldici Rectorem, Saxonie Ducem, Sleidanus *lib. 19. hist.* Nuper Ferdinandus II. pari jure animadvertit in Fridericum Palatinum, Bohemix invasorem, rebellium concitorem, uterque Elector erat, Johannes Petrus Lotichius *lib. 9. histor. cap. 5. 6. 7. 8.* Adolphus Brachehus *lib. 1. histor. pag. 47.* Paulus Piascius in *Chronico pag. 327.* & nos ex illis *lib. 12. Historiæ universalis cap. 1. dist. 6. 7. cap. 1. dist. 8.* Hæc omnia arguunt, Cæsarem Monarcham esse. (5.) Privilegia donant à seipso, & quidem cumulativè, non privativè, id est, donat illa, ut retineat potestatem eripiendi, quando malè adhibentur, docente Tobia Paurmeistero, *lib. 2. de Jurisdictione cap. 3. num. 32.* Deus multa impertivit Naturæ, quæ tamen ab illo dependet ratione conservationis, *Job. 5. 17. Hebr. 1. 3.* Ita Rex, Princeps, Imperatores imitantur Deum, quando Majestatis effectus aliquos donant subditis, dominium sibi reservant, ut ipsi quidem nullo excellentiæ jure spolientur, atque subditis gratia aliqua fiat.

CAPUT DECIMUM SEPTIMUM.

De Successione.

SUMMARI A.

1. Jus Primogenituræ.
2. Primogeniti apud Hebræos.
3. Rationes contrariæ solvuntur.

4. Successio patrimonialis.
5. Successio legitima.
6. Filius natus patri ante Regni adoptionem.
7. Solvuntur rationes contrariæ.
8. Nepos patris suo debet præferri.
9. Successio filiorum nobilium.
10. Exempla successionis hujus.
11. Emptiones, donationes, testamenta.

I. **A**djuncta Imperii sunt modi, quibus pervenitur ad Imperium. Modi sunt duo, Successio & Electio. Successio est, cum quis natalium jure imperat. De Primogenitis æterna lex est, quod semper illi succedant. Legem istam usu ac favore suo stabiliverunt gentes omnes ab Imperiis summis regni assuetæ, uti copiosis exemplis docent A. Tiraquellus, Johannes Cirierius, Martinus Laudensis, *libris de Jure Primogenituræ*, P. Tholosanus *lib. 7. de Republica, lib. 5. 6.* Vernulejus *lib. 1. Politica, tit. 7. cap. 5.* Proinde Rex Persiæ Cosroës exitio suo luit, cum majori natu filio Siroi, nullius improbitatis in patrem reo, vellet Imperium abrogare, & minori filio Mardassæ illud tradere, bello propterea victus & occisus, Zosimus *lib. 2. histor.* Petrus Bizarus *lib. 6. Historiæ Persicæ*, & nos ex illis in Recensu historiæ universalis *lib. 2. cap. 1. dist. 3.* Alioquin cum improbitatis eum se fecerat, à patre abdicari poterat, cum primis ubi erant Regna patrimonialia. Ita Ptolemæus Lagus majorem filium Ceraunum, quia degener erat, præterivit, ac Regnum dedit minori Philadelpho, Justinus *lib. 1. 6. histor.* & nos ex illo in Recensu historiæ universalis *lib. 3. cap. 1. dist. 19. 20. 21.*

II. De Hebræis litem movent Tostadus, *lib. 3. Regum, cap. 1. 7. 8. 9. 10. 11.* Johannes Pineda,

neda, lib. 2. de rebus Salomonis cap. 1. Maximilianus Sandæus libro de Rege, pag. 130. 131. & probare volunt, successione in populo illo non fuisse restitutam ad primogenitos. Atqui Principatum jure perpetuo debitum fuisse primogenitis, etiam apud Hebræos, rectius affirmat Johannes Stephanus Menochius lib. 1. Hieropoliticorum, cap. 7. dist. 1. seqq. Idemque constat: (1.) Quòd ante Legem à Mose promulgatam, Deus primogenito jus illud expressè tribuerit: *Ad te appetitum ejus et tu dominaberis illi*, Gen. 4. 7. Sensus est: Abel natu minor, potestati tuæ, qui primogenitus es, subiectus est, teque ille colit submissè. Quam verborum istorum expositionem sequuntur Alexandrini Interpretes, & retinent, Chrysostomus in *Commentariis*, Tremellius, Rivetus, Grotius in *notis h. l.* Johannes Tarnovius in *Exercitationibus sacris*, pag. 358. Genus dicendi adstruitur per loca similia, Genes. 3. 16. Cantic. 7. 11. quæ accuratè interpretatur Nicolaus Fullerus lib. 1. *Miscellan. Theolog. cap. 15.* (2.) Quòd Esau primogenito suo dicat Isaac: *Esse dominus fratrum tuorum, et filii matris tue adorent coram te*, Gen. 25. 32. cap. 27. 29. Eodemque sensu dicat Jacobus ad primogenitum suum Rubenum: *Prior in donis, major in imperio fuisses*, Gen. 49. 3. Primogenitum, inquam, itaque dicitur: *Vis mea, et principium roboris mei*. Romanus Interpres vertit: *Principium doloris mei*. Annotat Menochius & Tirinus: *Sensus est, tu mihi fuisti præcipua causa doloris et tristitiæ ob tuum incestum*. Atqui nec præcipuus, nec primus fuit, qui patris iram justam & dolorem provocaverat, nam ante ipsum Simeon

& Levi in Sichemo stragem crudelem patravèrant, magno cum patris dolore & familiæ totius incommodo, Genes. 34. 25. seq. cap. 49. 5. 6. 7. Ergò mala versio est, præquam meritò valet altera, estque descriptio primogenitorum, quæ etiam occurrat, Psalm. 78. 51. Psalm. 105. 36. Conpetebat Rubeno imperium sive prærogativa in Principatu atque Sacerdotio, utroque ob delictum suum caruit, & Principatus quidem ad Judam, Servatoris progenitorem devolvebatur, Sacerdotium verò donabatur Levi, Gen. 49. 7. 8. 9. 10. Num. 3. 1. 2. seqq. Porro in successione ad bona privata, duas partes capiebat filius primogenitus, idque lege latè promulgabat Moyses, Deuter. 21. 17. Ille honos à Rubeno translatus est in fratrem ejus Josephum, Gen. 48. 22. 1. Paralip. 5. 6. Hinc exponas illud: *Sit ergo portio dupla de spiritu tuo penes me*, 2. Reg. 2. 9. Annotant Salius, Menochius, Cornelius à Lapide, Titinus, & ante illos monuerant Theodoretus, Procopius Gazæus, Augustinus, sensum esse, *ut peteret Elias duplò majorem Spiritus gratiam ac Elias habuerat*. Dudum reprehenderunt Cajetanus *notis ad h. l.* Tostadus in *Commentariis quæst. 15.* atque illi rectè arguunt, postulatam istud non convenire modestiæ Eliaz, ob quam velle non poterat offerri supra Magistrum suum. Optimè exponit Levi Ben- Gerson: *Quando separabis et distribues de spiritu tuo super filios Prophetarum, tunc sis quæso mea portio dupla ex adverso uniuscujusque eorum*. Sequuntur Vinarientes Scholiastæ, Junius, Grotius, *notis ad h. l.* Hoc petebat, ut quavis fortè ultimus ad Magistrum suum venisset,

let, primo tamen censeretur loco, & velut primogenitus duas portiones hereditatis gratiosa ejus caperet, quam abitu suo desereret. Ita volebat excellere præ competitoribus suis, non verò superare Magistrum. (3.) Quòd tale jus profiteatur Adonias, Regis Davidis filius major adversus Salomonem fratrem, 1. *Regum* 2. 15. neque inficiatur Salomon, tantum quòd expressio mandato Dei jus illud postponi debuit, 1. *Regum* 2. 22. *seqq.* (4.) Quòd Josaphat Rex filio primogenito suo Regnum, velut jure universali debitum addiderit, 2. *Chron.* 21. 3.

III. Excipit *Pineda*: (1.) Deus relaxavit jus illud, postquam Rubenum primogenitum spoliabat Principatu, *Genes.* 49. 3. Respondeo: Quomodo poterat esse juris relaxatio, nisi fuisset aliqua juris ejus, eaque ordinaria rati habitio? Sanè poterat jus illud primogenituræ ob antegressa delicta perdi, & superiorum arbitrio ad alium deferri. (2.) David minimus filiorum Jesse ungitur in Regem populi, 1. *Samuelis* 12. 25. Respondeo: De jure successionis quaeritur. Atqui exemplum hoc electionis non facit ad rem. Licuit Deo & nunc, & aliàs jure suo uti ad constituendum Regem, quem ipse præoptaverat, quando ad Jus Gentium servandum non erat obligatus. (3.) Salomon evehitur in solium, neglecto fratre majore, Adoniâ, 1. *Regum* 2. 22. 1. *Chronic.* 28. 5. *seqq.* Respondeo: Simile exemplum, uti constat, namque de jure ordinario, quod Deus hic personaliter mutavit, non verò prorsus abrogavit, erat aliter, quomodo supra dictum est. (4.) Rehabcam designat Regem, filium minorem, Abiam,

2. *Chronic.* 11. 18. *seqq.* Respondeo: Erat in potestate Regis, uxorem quam vellet, quamque habebat charissimam, Reginam facere per solennem renunciationem, & filio ex illa nato successionis jus conferre. Ratum hoc fuit, ubi Regnum patrimoniale erat. (5.) Judas Maccabæus succedit in Principatu, filius tertio loco genitus, uti ordo recensionis monstrat, 1. *Maccab.* 2. 25. 26. Respondeo: Dico, quòd Judas fuerit primogenitus. Neque obstat, eum loco tertio poni. Japhetus loco ultimo nominatur, qui tamen erat primus filiorum Nohe, uti docebimus *infra cap.* 20. *dist.* 4. 5. 6. Abraham primo loco nominatur, cum tamen esset filiorum Tharæ minimus, *Gen.* 9. 18. *cap.* 10. 21. *cap.* 11. 26. 27.

IV. *Estque vel Patrimonialis vel Legitima. Patrimonialis est, quæ obtinet inter populos bello subactos.* Atque hi concesserunt in potestatem Domini, ut posteror ejus utriusque sexus ad continuam successionem vellent admittere. Est igitur successio cognatica, quæ mares & fœminæ admittuntur, habito respectu, in gradu quolibet, primò sexus masculini, deinde majoris ætatis, ita ut ob sexum vel ætatem nunquam de linea in lineam transceat, & regressus ad fœminas sit, cum propiores aut pares cetera mares aut ex matribus nati defecerint. Tale erat vetus Regnum Hebræorum, quod Deus Regi Davidi velut proprium donaverat, & deinceps filio ejus Salomoni, quamvis natu minori, conferebat, 2. *Samuelis* 7. 8. *seqq.* 1. *Regum* 2. 15. 1. *Chronic.* 28. 4. *Psalms.* 2. 7. *seqq.* *Psalms.* 45. 27. 28. *Psalms.* 132. 11. *seqq.* Scribit Petrus Gregorius Tholosanus, quòd

S 2 posteri

posteri Salomonis defecerint omnino in filiis Ochosis ab Athalia occisis, & successerit proximus agnatus Joas, ex posteris Nathan, qui fuit filius Davidis, 2. Samuel. 5. 14. Zachar. 12. 12. lib. 7. de Republica, cap. 4. num. 2. Nec aliter Victorinus Strigelius *Notis ad Evangelia*, pag. 35. Wilhelmus Xylander *Notis ad Sleidani quatuor Imperia*, pag. 45. Errant verò, namque Joas erat filius Ochosis legitimus, adeoque è posteritate Regis Salomonis, uti liquido constat ex 2. Regum. 11. 1. 2. 12. 2. *Chronica*. 22. 11. 12. cap. 23. 3. 11. & mirer, voluisse Besoldum lib. 1. de *Electione & Successione*, Dissertat. 1. num. 14. commenta illa recoquere. Hodie Italia sunt Regna Hispanorum, Siculorum, Anglorum, & novissimè Danorum, postquam armis Suedicis attriti nobiles ejus populi, Regem hæreditarium Fridericum sibi constituerunt, uti diximus in Recensu historiarum universalis lib. 16. cap. 2. dist. 6. Atque illi Reges plenum imperium obtinent in cives suos, ut testamento disponere possint in causis ad successionem pertinentibus secundum arbitrium proprium, salvo tamen jure, quod primogenito debetur, Vincentius Cabottus lib. 1. *Juris Publici*, dissertat. cap. 10. 11. 14. Ludovicus Molina lib. 1. de *Majoratu*, tract. 2. dissertat. 626. Oldradus de Ponte conf. 94. 95. 230. Emanuel Rex Portugalliarum filios habuit, Johannem, Henricum, Ludovicum, Eduardum, & Elisabetham filiam. Johannes III. successit Emanueli, cujus stirpe deficiente, Regnum Henrico Cardinali delatum est, qui cum senex esset, atque orbis, de successione judicium publicum instituit, in quo comparuerunt Antonius Ludovici filius nothus, Rainutius Farnesius, Dux Parmensis, ex Maria Eduar-

di filia nepos, Catharina Bragantia Ducis uxor, ejusdem Eduardi filia, Philippus Rex Castellæ, filius Elisabethæ. Quæstione habitæ de natalibus Antonii, sententia lata est contra Antonium, quâ spuris pronunciabatur. Henricus priusquam aliquid de successione decrevisset, decessit, populusque Antonium Ludovici filium, Hispanicæ dominationis fastidio, Regem elegit, quem deinde Philippus II. Rex Castellæ, misso exercitu sub Albano Duce, profligavit, & Portugalliam occupavit. Pro Antonio differebatur, sententiam ab Henrico latam, quæ nothus pronunciatus erat, à Papa Romano improbatam esse: Ludovicum patrem ejus, cum matre conjugium, etsi clandestinum, & ob causas aliquas dissimulatum, legitimum tamen contraxisse, & ita habitum, impedimento fuisse, ne Henricus VIII Rex Angliæ, filiam Mariam Ludovico desponsaret: Sin minus legitimè natus fuisset, exemplis ostendi posse, quod nothi in Lusitania & Castellâ successerint: Demùm, postquam in cognatione Regia masculi deficerent, populum habere jus eligendi Regem. Pro Philippo arguebatur, quod satis exploratum esset, Antonium illegitimo thoro progeneratum esse; quod Henrici, sententia displicuerit Papæ, idè, quoniam inconsulto ipso, Rex in causa matrimonii judicavisset; quod præternum jus Antonii ab omnibus cognatis improbaretur; quod populo non competeret jus eligendi Regem novum, ubi de cognatione veterum Regum iusti hæredes superessent; quod magna pars Jureconsultorum à Philippo Regis partibus starent. Pro Catharina Bragantina adferre hatur, patrem Eduardum, si tempore defuncti Henrici in vivis fuisset, indubitato Regnum accepisset.

cepisset, defuncto Eduardo, competere filiarum eius jus idem, ergo Philippo Regi fororis filio, quando ipsa esset filia fratris, merito anteferretur. Philippus contendebat, Eduardi ante Henricum defuncti rationem non posse haberi, utpotè qui semel exclusus fuerat proinde cum mater sua tempore defuncti Henrici gradu proprio vicerat Catharinam, ipse velut masculus hæres jure justo prætendat successionem in Regno, quod semper habuerit Reges propinquos è cognatione. Et obtinuit, uti prolixius narrant Hieronymus Conestagius *lib. 2. de conjunctione Portugallie & Castilie*, Antonius Viperanus *libro de obtentu Portugallie*, Maximilianus Sandæus *libro de Rege pag. 99. 100. 101. 102.*

V. *Legitima est, quæ obtinet inter populos sponte subiectos.*] Atque hi concesserunt in fidem Domini, ut posteros ejus tantum mares vellent per continuam successionem admittere. Est igitur successio *agnatica*, marium ex maribus, idè introducta, ne per sceminarum matrimonium imperium ad peregrinum sanguinem deveniret. Talia Regna sunt Gallicum ex instituto Hugonis Capeti & Suedicum, uti hoc ordinavit Gustavus Wala, atque illi Reges certis pactis obligantur erga cives suos, ut cum horum consensu disponere opus habeant in causis ad successionem pertinentibus, Johannes Serranus in *Inventario Gallie fol. 355.* Carolus Molinæus *Commentariis ad Consuetudines Perisicenses tit. 1. dist. 13. not. 3.* Bernhardus Gerhardi *lib. 6. Historiarum Francicarum*, Johannes Loccenius *lib. 6. Histor. Suedic.* Philippus Pulcher Rex Gallie habebat tres filios, Ludovicum, Philippum, Casolum, & filiam Isabellam, nuptam Eduar-

do II Regi Angliæ, ex qua natus est Eduardus III. Angliæ Rex. Mortuo Philippo Pulchro successit Ludovicus, huic Philippus, hunc excepit Carolus, omnesque citra hæredem masculum obiverunt. Itaque Pares sive Proceres Franciæ Philippum Valesium, Caroli defuncti patruelem, ad successionem in Regno admitterebant, posthabita Isabellâ, ejusque filio Eduardo rejecto, unde maxima bella inter Galliarum & Angliarum Reges exorta sunt. Pro Rege Galliarum Philippo, adversus Regem Angliæ Eduardum prætendebatur, quod Lege Salicâ, & consuetudine vetere apud Gallos receptâ, fæminæ à successionem in Regno arcerentur. Ita postquam Childericus III. obiverat, duabus filiis exclusis, Regnum delatum fuit Lothario: Nec minus post obitum Heriberti V. tribus filiabus præteritis, frater Sigibertus successit. Et cum fæminæ ipsæ capaces non sint, non posse jus ad filios transmitti. Deinde, quod Eduardus Philippo Valesio tanquam Regi legitimo, homagium præstitisset, seque vassallum ejus legum, fide interpositâ, constitueret, unde ipsum Regem agnoverit, & juri suo, si quod habuit, in Regno Galliarum renunciaverit. Rursum, quod jure merito Eduardus Anglus jus suum armis defenderet, istæ rationes proferebantur: Quod cum coram Patribus quæstio haberetur, ipsius Procuratores admissi non fuerint, verum minis coacti discesserint: Quod fundamentum pro Valesio præcipuum, Lex Salicâ, novum inventum sit, apud veteres Francos nunquam cognitum: Quod Lex Salicâ, de terra Salica nulla portio hæreditatis ad mulieres transeat, ad patrimonium domestica ex veteri usu pertineat quidem, sed ad Regum hæreditates non debeat transferri.

Quòd in omnibus Galliæ Ducatibus fœminæ succedant, in Normannia, Britannia, Aquitania, Burgundia: Quòd exempla Lotharii & Sigeberti, qui posthabitis filiabus succedebant, non sufficiant ad probandam consuetudinem, quando iis temporibus Regnum non tam hæreditarium erat, quàm commendatione ad Proceres factâ, obtinebatur: Quòd homagium non obstitaret, utpotè in minori ætate Eduardi præstitum. Referunt Frollardus *lib. 1. & 2. histor.* Paulus Æmylius *lib. 9. Historia Galliæ*, Petrus Bartholdi in *Flora Franco* *lib. 3. cap. 31. seqq.* Hottomannus *libro de successione in Regno Galliæ, cap. 2. 3. & ex illis Johannes Limæus Commentariis ad notitiam Regni Galliæ*. Sed tamen maluerunt Galli operosis bellis permiscere omnia, quàm peregrinum Regem solio imponere. Apud eosdem Robertus successorem in Gallia consensu Procerum designavit filium minorem Henricum, præterito majore, quòd ille videretur ineptus ad res gerendas esse, Paulus Æmylius *lib. 3. histor.* Johannes Tilius *lib. 1. histor.* Apud eosdem Hugo Capetus primogenituræ & Apanagii jure introducto, perpetuâ inter Francos lege firmavit, ne Regnum divideretur in plures easque æquales portiones, quando hæcenus cùm ita secundùm Allemannos & Longobardos factum erat, licibus & bellis domesticis omnia plena fuerant, potentia verò decreverat, uti exemplis ostendimus in *Recessu historię universalis lib. 13. cap. 1. dist. 3. 5. 6. cap. 2. dist. 4.* & illis adde Petrum Bartholdi in *Flora Gallico lib. 1. cap. 22. 23. 30. 39. 42. lib. 2. cap. 23. 33.* Johannem Bodinum *lib. 6. de Republica, cap. 5.* Johannem Tilium *lib. 2. histor. fol. 117.* Ita Suedicæ na-

tiones Gustavi Adolphi maximis meritis hanc velut gratiam retulerunt, ut admovent Christinam filiam solio: Hæc porrò traderet Regnum Carolo Gustavo felicissimę recordationis agnato suo, quem adoptaverat, habilemque ad successionem fecerat, Johannes Loccenius *lib. 9. histor. pag. 608. 700.* Deinceps fecerunt statutum, ne fœmina ad Imperium evchatur.

VI. Quæritur hic: (1.) *An filius ille, qui ante Regni adeptionem natus est, præferendus sit ei, qui in regia fortuna natus est?* Respondet: Antonius Corsetus *libro de potestate & excellentia Regia, quæst. 26.* Franciscus Hottomannus in *Quæstionibus illustribus, controuv. 2.* Tholosanus *lib. 7. de Republica, cap. 9.* Martinus Laudensis *libro de Principatu, quæst. 441.* Vernulejus *lib. 1. Politicarum Institutionum, tit. 7. cap. 10.* Lælius Zecchius *lib. 1. de Principe, cap. 3. num. 4.* distinguunt: Ille qui à majoribus accipit Regnum hæreditarium, potest illud transferre in filium à se privato genitum, sed cùm pater Regnum primus occupat, meritò filius ille præfertur, quem genuit jam compos imperii & potestatis. Exempla sunt in promptu. Artamenes & Xerxes filii Darii Hytaspis Regis contendeant de successione. Demaratus Lacon exsul arbitrio suo litem decidebat, videlicet filium à patre jam Rege progenitum anteferendum esse alteri, qui patri non dum Regi natus fuerat, itaque Xerxes obtinuit Regnum, Herodotus *lib. 7. histor.* Justinus *lib. 7.* Rursus cùm post obitum Regis Darii Nothi similis contentio inter filios ejus Artaxerxem & Cyrum exorta esset, quorum ille primo loco natus erat, sed cùm pater velut privatam vitam degebat, hic natus minor erat, sed à patre genitus, cùm

tum ille Regno potiebatur, mater Parysatis quidem in gratiam Cyri proferebat decisiones majorum, verum Proceres contradicebant illi, & Artaxerxen solio imponebant, Plutarchus in *Vitis Illustribus*, Justinus *lib. 5. histor.* Eò justius hoc factum est, quò injustius Turcorum Proceres egerunt post Muhammedis II. obitum, cum natu majorem filium ejus, in privata fortuna genitum, Zisimum abdicabant, solioque imponebant Bajasetem filium minorem, quem pater Imperator primo loco genuerat, Jovius *lib. 2. histor.* Leonclavius *lib. 16. histor. Turcic.* Antonius Sabellicus *Enneade 10. lib. 8.* Bajasetes eadem pallus est in filiis, quorum minimus Selymus, Procerum militumque favore subnixus, pepulit majorem Achmedem, & captivum factum, vitam exiit, Jovius *lib. 13. & 14. histor.* Ludovicus Tuberus *lib. 9. & 10. histor.* Philippus Loucerus *Tom. 1. Historie Turcice, pag. 45. seqq.* & nos ex illis in Recensu historiarum universalis *lib. 20. cap. 2. dist. 12. 14.*

VII. Rejiciunt distinctionem illam Arniseus *lib. 1. Doctrina Civilis, cap. 9. & lib. 2. Relationum Politicarum, cap. 2. sect. 11.* Besoldus *lib. 1. de E. ed. & Success. dissertat.* 7. Johannes Cirierus *lib. 1. de Primogenitis quest. 12.* Hugo Grotius *lib. 2. de Jure belli & pacis, cap. 7. dist. 28.* Tiraquellus *libro de Jure Primogeniture, quest. 31.* Wolfgangus Heiderus in *Institutionibus Politicis, pag. 807. seq.* & citra discrimen modi, quo pater obtinuit Regnum, primogenito illud assignant. Rationes profert Arniseus: (1.) Quia filius succedit patri velut hæres in Regno successivo. Constat verò, ad successionis jus obtinendum, non interesse de modo,

quo pater illud obtinuit, an bello, an suffragiis, an donatione. (2.) Quia pater bona quæcunque aut jura acquirit non minus filio nato quàm nascituro, quando uterque est ejusdem sanguinis. (3.) Quia jus primogenituræ est à natura, neque hoc mutatur accessione dignitatis. (4.) Quia Otto Magnus Imperator successit patri suo Henrico Aucupi, licet natus esset patre tunc cum hic privatus erat, & prævaluit fratri suo Henrico, qui sibi petebat Imperium, quia natus erat patre tunc cum hic Imperator esset, uti referunt Witichindus *lib. 2. Annalium*, Dithmarus *lib. 2. histor.* Huldericus Mutius *lib. 13. Chronicis Germanica.* Hæc ille. *Respondeo:* (1.) Ubi sunt Imperia legitima, necessario civium suffragia valent, ut quomodo volunt illi, ita successionis ordo prorogetur. (2.) Verum hoc est de bonis, quæ propriâ industria acquirunt: Quæ verò excellentiore modo sibi comparat, pro illis hæredes ejus inæqualem portionem obtinere possunt. (3.) Bona privata, quæ sunt in parâ dispositione perfecta, non possunt eripi filio primogenito, quatenus illa conditione lautiori debentur ei, sed de publicis opibus aliter est. (4.) Electionis exemplum hoc est, neque igitur infert aliquid contra jus successionis. Aneæ filius major Ascanius ex Creusa natus, in Latino- rum Regno, quod pater ejus cum Lavinia, conjuge secunda, velut dotale acceperat, non successit, verum minor Julius, cognomine Sylvius, successit, Lavinia filius, Dionysius Halycarnassæus *lib. 1. histor.* Sextus Aurelius Victor *libro de Origine Urbis Romæ*, & nos ex illis in Recensu historiarum universalis *lib. 4. cap. 1. dist. 1.* Erat enim Latinorum Regnum, non verò Trojanorum.

VIII.

VIII Quæritur: *An nepos ex filio primogenito debeat præferri filio secundo, patruo suo?* Respondeo: Affirmant Arnæus *lib. 2. Relectionum Politicarum cap. 2. sect. 10.* Tiraquellus *libro de Jure Primogenitura, quest. 3. 2.* Antonius Corsettus *libro de Potestate Regia, quest. 115.* Johannes Bodinus *lib. 6. de Republica, cap. 5.* Grotius *lib. 2. de Jure pacis et belli, cap. 7. dist. 30.* Keckermannus *lib. 1. Systematis Politici, cap. 4.* Hottomannus in *Questionibus illustribus, controu. 3.* Petrus Gregorius Tholosanus *lib. 8. de Republica, cap. 10.* Vernulejus *lib. 1. Institutionum Politicarum, tit. 7. cap. 11.* Ratio est, quia patris defuncti jus undiqueque perfectis modis transit ad filium superstitem, adeoque per jus representationis filius patris locum subit. Qui enim succedit in locum, ille pariter in jus succedit, qui que subrogatur, ille naturam ejus cui subrogatur, perfectè accipit. Exempla sunt plurima. Charilao suo ex fratre nepoti Lycurgus conservavit Regnum Lacedæmoniorum, & in eodem populo Areus defuncto patre suo Cleonymo, quando avus etiamnum vivebat, hoc quoque mortuo obtinuit Regnum, excluso patruo, Plutarchus in *vitis illustribus*, Justinus *lib. 3. histor.* Paulanias *lib. 3.* Lusitanæ Rex Sebastianus, avo defuncto, quamvis pater ejus solium non occupaverat, patruo tamen anteferri meruit, uti dixi in Recensu historiarum universalis *lib. 14. cap. 4. dist. 4.* Sunt tamen exempla contraria, ubi vel necessitatis durum telum, vel Testatoris alicujus, quatenus patrimoniale Regnum habebat, voluntas aliter ordinavit, secundum prærogativam ætatis. Hunericus obtinebat Regnum patris Genferici, quamvis frater ejus primogenitus morte

præproperâ defunctus, filios reliquerat ætatis minimæ, sed Vandali nondum satis firmato Regno inter Numidia populos, cupiebant Regem vitum, Procopius *lib. 3. Vandalicorum.* Ita Ludovicus cognomine Pius, successit patri Carolo Magno, præterito Bernhardo, qui ex fratre natu majore Pipino, nepos superstes fuit, Paulus Æmylius *lib. 3. Historiarum.* Ita Caroli Claudi Neapoleos Regis successor fuit filius Robertus, exclusis nepotibus, qui à primogenito Martello supererant, Paulus Æmylius *lib. 9. Historiarum.* Ob eandem causam olim Demetrius Syriæ Regnum petebat, cum enim Antiochus decesserat relicto parvulo admodum filio, hujus patruus Demetrius, qui Romæ obses erat, cognitâ morte Antiochi fratris, Senatûm adiit, obfidemque se vivo fratre venisse, quo mortuo, cujus obses sit, sese ignorare, ait: Dimitti igitur se ad Regnum petendum æquum esse, quòd sicuti jure gentium majori fratri cesserit, ita nunc sibi qui pupillum ætate antecedit, deberi. Refert Justinus *lib. 34. Historiarum*, quamvis non sine errore. Neque enim Demetrius erat patruus Antiochi junioris, verum patruelis ejus, & Regnum sibi petebat, non uti patruus, qui ætate superaret patruelem, sed uti heres patris Seleuci, Regis ejus, qui olim regnaverat, cujus ipse primogenitus esset, cæterum malis artibus ab Antiocho patruo suo circumventus, ne potiretur solio, uti dictum est *suprà cap. IX. dist. 8.* & adde nostrum Recensum historiarum universalis *lib. 3. cap. 2. dist. 8. 11.* Appianum in *Syriacis*, Epitomen Livii *lib. 46.* Mulejus Serisus testamento legabat Maroeci in Africa Tingintana Regnum filiis suis tribus, ut secundum ætatis gradum, cum

cum proviverent, ordine succederent, exclusis nepotibus, unde bellum exstitit in populis illis, namque avo defuncto, succedebat maximus filius Abdalla, & verò quando is obibat, filius ejus Muhammedes occupavit solium, adversus quem patruus Abdel Melekus lites cepit, armisque causam egit, ut Muhammedes Regno dejectus, ad Lusitanos fugâ abiret, novum bellum concitatus, Thuanus lib. 65. *histor.* David Chytraeus lib. 25. *histor.* & nos ex illis in Recensu historiarum universalis lib. 14. cap. 4. dist. 4. Et lib. 22. cap. 1. dist. 2. Londerpius in *Continuatione Historica*, lib. 18.

IX. Quæritur: (3.) An filii nobis succedere possint? Respondeo: Prolixè differunt Covarruvias lib. 3. *Variarum Resolutionum*, cap. 6. Tholosanus lib. 7. *de Republica*, cap. 8. Johannes Stephanus Menochius lib. 1. *Hieropoliticorum*, cap. 7. dist. 6. Besoldus lib. 1. *de Successione & Electione*, Dissert. 9. Arnisæus lib. 2. *Relectionum Politicarum* cap. 2. sect. 13. ubi Legem adferunt: Non veniat nothus in congregationem Domini, ad decimam generationem, Deut. 23. 2. De qua Lege multis agunt Tostadus *Commentarii ad cap. 23. Deuter. quæst.* 1. Johannes Stephanus Menochius lib. 1. *de Republica Hebræorum* cap. 3. *quæst.* 6. Si quis Jephthæ exemplum urgere volet, de quo est *Judic.* 11. 1. respondent Menochius l. d. Serarius in *librum Judicum*, cap. 11. *quæst.* 5. Bonfrerius, Cornelius à Lapide, Jacobus Tirinus *notia ad h. l.* quod pecuniæ sit & profectum ab instinctu divino, ut Princeps eligeretur Jephtha, præstantissimus inter populares suos, militiæque peritissimus, quamvis è thoro illegitimo progenitus esset. Sic illi movent componuntque litem. Nos jam loco alio diximus,

Jephtham non fuisse nothum, *suprà cap. 4. dist. 4.* Lex quæ prostat Deuter. 23. 2. est merè ceremonialis, ac potius excludit spurios quorum pater incertus est, mater prostibulum erat. Constat, non admitti nothos, ubi legitimi hæredes supersunt. Martinus Rex Arragoniæ & Siciliæ habebat filium unicum Martinum, qui obiit ante patrem, relicto filio Friderico illegitimo, sororem habuit germanam Eleonoram, & ex ea nepotem Ferdinandum Castellæ Regem, consanguineum Jacobum Urgellensem Comitem, Johannis scilicet patris filium. Defuncto Martino propter successionem contendebant Fridericus nothus, Jacobus Urgellensis Ferdinandus Castellanus. Arbitri deligebantur, tres Arragonii, totidem Valentini, totidem Catalonii, summæ prudentiæ viri. Fridericus Regis defuncti è filio nepos contendebat, se non omninò illegitimum esse, quia ex patre cœlibe & matre innupta procreatus esset; quia natalibus à Pontifice summo restitutus esset. Jacobus Urgellensis distitabat, quòd masculus à masculo descendere, fœminæ verò incapaces Regni, haud possint jus aliquod dare iis, qui ab ipsis procreati essent. Ferdinandus Castellanus urgebat, quòd procreatus esset à matre, quæ Martini Regis defuncti soror erat, itaque cum sanguine proximis erat, naturali jure & legibus succedere deberet; neq; cautum esse legibus Arragoniæ, ne fœminæ succedant, sed id receptum, quando mares cum fœminis sint eodem gradu conjuncti, & æquè proximi. Arbitri, qui sacris ritè peractis, Advocatos per triginta dies audiverant, tandem in publicum progressi, cum summa totius populi expectatione, Ferdinandum Arragoniæ Regem pronuntiaverunt,

T

Abra-

Abraham Bzovius in *Annalium supplemento A.C. 1410. sect. 28.* Thomas Facellus *lib. 9. de rebus Siciliae*, Johannes Mariana *lib. 20. Annalium Hispaniae, cap. 2.* Verum in defectu istorum, populus suffragio efficit, ut succedant, qui eis natalium jura simul ac Principis dignitatem conferre potest, ut ipsi etiam pertinaci virtute juvent fortunam, uti de Ferdinando filio notho suo eodemque successore prædicabat Alphonsus Rex Neapoleos, Bartholomæus Facius *lib. 10. histor.* Johannes Jovianus Pontanus *lib. 1. histor.* Paulus Jovius *lib. 2. Elogiorum, num. 13.* De Antonio Notho in Lusitania repudiando, multis agebant Octavius Cacheranus, Alexander Raudensis, Amedæus Pontanus *libris peculiaribus* in gratiam Regis Philippi vulgatis. Atqui res ista erat, non quidem juris, sed facti, quando Antonius inferior armis, non poterat Castiliæ Regi Philippo II. resistere, nam gentis ejus Nobiles plurimi bello in Numidia gesto occubuerant, quoniam una peribat Sebastianus Rex, cæterum haut negari poterat, quod apud Lusitanos olim successerant nothi, cum legitimi filii nulli erant, exemplo Johannis Regis, qui patre natus erat Rege Petro, matrem habuerat pellicem, Hieronymus Conestagijs *libris de conjunctione Lusitaniae et Castiliae*, Antonius Viperanus *libro de obtentu Portugalliae.* Armis per fas nefas partum Regnum tertio hæredi Philippo IV. ereptum fuit nostro seculo, civium impetu, Gallorum incitu, qui invidiosam Hispanorum quovis modo capere gaudebant, uti diximus in Recensu historiarum universalis *lib. 14. cap. 4. dist. 5.* Proclamabatur Rex Johannes Bragantiæ Princeps, non alienus à Regum veterum sanguine. Castiliani impugnabant factum: (1.)

Quod Regnum istud pervenisset ad Philippum jure cognationis & victoriæ. (2.) Quod Lusitani omnes præstito juramento in fidem ejus concessissent. (3.) Quod Bragantinus Princeps obsequium renuncians, non servaverit promissam fidelitatem, & militari potentia contra Regem abusus fuerit. Lusitani defendebant factum: (1.) Quia Philippus II. nullo sanguinis jure obtinuerat Regnum, quod naturam suam legitimum sit, ac per Leges Fundamentales vetet, peregrinos in solium evehere. (2.) Quia populus armorum terrore oppressus, armis perinde se possit liberare à Regis peregrini obsequio. (3.) Quia possessor male fidei nullo tempore, nedum sexaginta annis, præscribere possit. (4.) Quia Reges Castiliani à Lusitanis juramentorum, quibus obedientiam promiserunt, observationem expectare non debuerint, cum ab ipsis, quæ tempore inaugurationis jurati promiserant, non observarentur. Scilicet negocia ad Regnum Portugalliae spectantia, non quidem consilio Lusitanorum in Hispania, prout debuerant, sed arbitrio Castilianorum expediebantur. (5.) Quia Princeps Bragantinus non sponte sua relaxavit obsequium, victus gementis sub alieno imperio populi questibus, itaque favoris Regii causa non debuit officium erga patriam omittere. Prolixè ista exponit Antonius de Sousa in *Lusitania liberata.*

X. Alibi gentium similia reperias. Theſeus filius nothus Aegæi successit patri in Attica, Plutarchus in *Vitis illustribus.* Darius Nothus in Persia regnavit, Justinus *lib. 5. histor.* Molossus filius nothus Pyrrhi in Epiro successit patri defuncto, Pausanias

nias *lib. 1. Servius Commentario ad lib. 3. Aeneidos*. Robertus Normanniz Princeps successorem constituit Wilhelmum Nothum, (qui postea dictus est Conquerstor, repudiatis ex fratre nepotibus,) ilque deinde etiam Rex Angliz factus est, Georgius Lilius *lib. 3. histor.* Polydorus Virgilius *lib. 9. histor.* Lambertus Sylvius in *Flora Anglicâ, cap. 7. 8.* Manfredus filius nothus Cæsaris Friderici II. regnavit apud Siculos & Neapolitanos, Paulus Æmylius *lib. 7. Historie Gallicæ*. Arnulphus Carolomanni filius nothus, Imperium Germaniz obtinuit, Luitprandus *lib. 1. histor.* Regino *lib. 2. histor.* Carolus Sigonius *lib. 5. de Regno Italiae*, & nos ex illis in Recensu historiz universalis *lib. 9. cap. 3. dist. 2. lib. 19. cap. 1. dist. 3. f. 99.*

XI. Ad Successionem reducuntur Emptiones, Donationes, Testamenta. Namque his etiam modis acquiruntur Principatus & ditiones amplissimæ, quatenus populi voluntas in quibusdam accedit. Et quidem Regna illa, quæ bello acquisita in Regis unius potestate sunt, non habent annexam conditionem derogando subditorum consensu, donantque Reges, cum deficiunt hæredes, cui volunt. Quæ verò populi assueti à Principe regi voluntate delata sunt, citra ejuſdem consensum non possunt donari peregrino. Alphonſus Rex Legionis filio carebat, itaque testamento donabat Regnum suum Carolo Magno Imperatori Romano & Galliz Regi, eâ lege, ut Saracenos pelleret, verum Proceres irritam fecerunt donationem, tùm quòd propinquior hæres supererat, tùm quòd Regis peregrini Imperio nolebant adjungi, itaque Raminum patruelem Alphonſi

cligebant Regem, Paulus Æmylius *lib. 3. histor.* Impugnant hos modos ac veluti inhonestos traducunt Junius Stephanus Brutus in *Vindictis contra Tyrannos, pag. 132. seqq.* Ferdinandus Vasques *lib. 1. Quaestionum illustrium, cap. 2. num. 1. seq.* Hottomannus in *Quaestionibus illustribus, controu. 1.* Rationem adferunt, quia liberi homines non sunt in commercio. *Respondeo*: Non sunt liberi, in quos habet Rex potestatem, velut superior. Non mutatur status, quia sueverunt ferre donum. Et verò planè sicuti homines singuli aut pauci, ita populus aliquis in dominio alterius esse potest, neque ratio ulla est, quare illos velut in plenam proprietatem redactos alienare liceat, hos non liceat. Dicit Vasques: Omnis Respublica in populi usum constituta est, ejusmodi verò alienationes populo noxiæ sunt. *Respondeo*: Quanquam verum sit, non debere ex imperio aliquid damni ad subditos redundare, tamen falsum est, per alienationem talem populo aliquid damni inferri. Nullum hîc damnum est, quando notum est, populum istum semper assuetum dominis, sub jugo fuisse semper. Et fieri potest, ut conditio reddatur melior, perinde atque servus aliquis cum venditur, dominum inclementem sæpè mutat benigno & molli. Quando igitur Principatus alii donatur, non fit hominis liberi alienatio, sed jus, quod in hominem subiectum perfectè Rex aliquis habet, in alium transfert, eumque hæredem suum adoptat. Sic Attalus bonorum suorum, quo Regnum Pergamenum comprehendeſebatur, hæredem testamento scribebat populum Romanum, Justinus *lib. 36. Historiarum*, Epitome Livii *lib. 58. 59.*

Florus *lib. 2.* *Historia Romana*, cap. 20.
 Strabo *lib. 13. & 14. Geograph.* Vellejus *lib. 2. histor.* atque ejus terras τῷ δικαιοτάτῳ τῷ πρῶτο optimo jure, scilicet propter legatum accepisse populum, ait Sertorius apud Plutarchum in *Vitis Illustribus*. Nicomedes Bithyniæ Rex, suum Principatum iisdem testamento donavit, Appianus in *Mithridatico*, Epitome Livii *lib. 93.* Vellejus *lib. 2.* Eutropius *lib. 6. histor.* Cytenaicam idem populus testamento à Rege Appione accepit, quia filios non habebat, Justinus *lib. 39.* Epitome Livii *lib. 43.* Eutropius *lib. 6. histor.* Regna Palestinæ & Cypri inter Christianos Orientis victores partim legatis, partim emptionibus distributa sunt, & Venetis placuit Rempublicam suam ita augere, Petrus Bembus *lib. 7. histor.* Paruta *lib. 1. Dissertationum.* Burgundiæ Regnum Rudolphus Ignavus, ultimus Regum, testamento donavit Conrado Francono, Germaniæ Imperatori, exclusis Galliæ Regibus, qui illud sibi, velut propioribus hæredibus deberi, contendebant, & ab eo tempore Burgundiæ Regnum cepit esse provincia Imperii Germanici, donec Carolus IV. Imperator illud venderet Johanni Vallesio Galliæ Regi, Imperium ipsum venditurus, si emptorem invenisset, Guilielmus Paradinus *lib. 1. Animalium Burgundicorum pag. 139. seqq.* Paulus Amylius *lib. 9. Historia Gallica.* Scribit Cranzius: Equidem ædes, prædia, agros, vineas, & similia testamento dari audivimus, Regnum autem præstare chartæ beneficio, prodigii loco habitum est, *lib. 2. Dania cap.*

2. Atqui vetustissimum est, quod minor tam docto viro non succurrisse.

CAPIT DECIMUM OCTAVUM.

De Electione..

S. U. M. M. A. R. I. A..

1. Electionis exempla.
2. Electio restricta, & lata.
3. An Gallus possit eligi?
4. Rationes pro successionem.
5. Solvuntur rationes contrariæ.

Electio est, cum quis suffragiorum jure imperat. Germani veteres, cum Francis vel subditi vel conjuncti erant, postquam eos Carolus Magnus armis domuerat, habebant Cæsares jure successionis. Donec posteri ejus in Gallia dejecti solio, atque intra Lotharingæ Ducatum compulsi, Imperialem dignitatem non poterant tueri, itaque Germani à Francorum jugo liberati, sub Henrico Saxoniarum Duce, novum quasi Imperium, idque votis liberis nixum condiderunt, ut semper eligere vellent, suasque libertates, conservare, intercedendo apud Imperatorem: Poloni & Hungari Regem eligunt, omnesque populi illi, qui Aristocratiam & Democratiam sectantur, votis Magistratus suos designant. Mameluchi eligebant olim Sultanum Ægypti, antequam eos Turci exstirparent armis. Legabantur è militari ordine & à solis militibus, atque omnis militia illa coacta fuit ex peregrinis, & quidem in servitutem redactis, vel aliunde coemptis, exclusis omnibus, qui in Ægypto & Syria, quamvis militibus nati fuerant. Id quod omni prorsus exemplo caret, Paulus Jovius in *Vitis illustribus pag.*

271. 272. & lib. 17. 18. *histor.* Sabellicus lib. 7. & 8. *Supplementorum.*

II. *Estque vel Lata, vel Restricta.* *Lata* est, cum peregrinus eligitur. *Restricta* est, cum indigena eligitur. Peregrinum sapius eligebant veteres Romani, itaque præerant Trajanus Hispanus, Severus Afer, Marcianus Numida, Elagabalus Syrus, Maximinus Cottus, Philippus Arabs, Flavius Claudius Dalmata, Constantinus Dacus. Hodie verò exterum Principem eligunt Poloni, quando gens libertatis inter omnes æqualis retinens, ad peregrinum mavult votis deferre summam rerum, quàm unum è sui similibus evchore in solium, ut super alios emineat, & factiones vel excitet, vel foveat, Bartholomæus Keckermannus in *Cursu Philosophico*, *disput.* 29. *quest.* 8. Christ. Förstnerus *notis ad lib.* 2. *Taciti*, pag. 122. Et verò consuetudinem illam in gente sua firmis radicibus innotam non addidit collaudat Paulus Plesicius in *Chronico Europe* pag. 19. Indigenam eligunt Germani secundum veterem consuetudinem, & legem eo sensu describam in *Bulla Aurea tit.* 2. uti diximus *suprà cap.* 16. *dist.* 23. 24.

III. Quod verò Petrus Gregorius Tholosanus lib. 7. *de Republica*, cap. 15. num. 18. Fulvius Pacianus lib. 2. *de Probatione*, cap. 35. num. 50. Ciriæus lib. 1. *de Primogenitu*, *ra quest.* 12. num. 27. Restaurus Castaldus libro *de Imperatore*, *quest.* 7. num. 8. docent, posse quoque Gallum eligi ad capeffendum Imperium, frustra illi sunt, quia post Ottomem Magnum cepit Imperium esse Germanicum nomine, re, legibus, votis. Dicit Tholosanus: (1.) Galli habuerunt olim Dignitatem Imperialem, neque ulla proflat Lex, quæ eos removeat ab honore isto sotten-

do. (2.) Gallia est quædam velut portio Germaniæ, itaque Elector Trevirensis est Cancellarius Imperii per Galliam. *Respondeo*: (1.) Carent dignitate illa, postquam Germani ea potiti sunt, itaque Elector Trevirensis pro Gallia-Rege conatus aliquas, tulit repullam, uti narrat Sleidanus lib. 1. *Commentariorum.* (2.) Id arguit, Galliam Atelatensem fuisse olim provinciam liberam Imperii, ejusque ratione Gallia Reges præstitisse clientelam Imperatori, donec Carolus IV. pretio accepto venderet Præfecturam Imperialem, & verò partes aliquas, Burgundiam, Lotharingiam, Sabaudiam, retinuit. Atqui provinciæ liberæ non habent votum, uti de Italia diximus *suprà cap.* 16. *dist.* 22.

IV. Quæritur: *An Successio melior sit quàm Electio?* *Respondeo*: Electionem præferunt Aruifæus lib. 1. *Doctrina civilis*, cap. 9. Machiavellus lib. 1. *de Republica*, *Dissertat.* 19. Balthasar Willius in *Institutionibus Politicis*, pag. 571. seq. Alstedius in *Encyclopadia*, lib. 18. cap. 3. reg. 5. Nos verò successionem meliorem esse, dicimus cum Johanne Boddino lib. 6. *de Republica*, cap. 5. & in *Methodo Historiarum*, cap. 6. Keckermanno lib. 1. *Systematis Politici*, cap. 4. Johanne Caso lib. 3. *Politicorum*, cap. 11. *quest.* 2. Tholosano lib. 7. *de Republica*, cap. 4. & 12. Nicolao Vernulejo lib. 1. *Institutionum Politicarum*, tit. 7. cap. 2. Justo Lipsio lib. 2. *Doctrina civilis*, cap. 3. 4. & lib. 2. *Monitorum Politicorum*, cap. 3. 4. Eelio Zecchio lib. 1. *de Principe*, cap. 3. *dist.* 2. Adamo Conzeno lib. 1. *Doctrina civilis*, cap. 25. Petro Laurembergio in *Epitome Politica* cap. 9. *dist.* 15. Johanne Stephano Menochio lib. 1. *Hierapontica*, cap. 6. *dist.* 3. Rationes sunt: (1.) Quia

Successio est naturale aliquid, electio verò est aliquid artificiale. Atqui naturale omne est præferendum illi, quod est merum artificiale. Excipit *Arnsæus*: Virtus semper est certior magistra, quàm natura. *Respondet*: Natura, quam optima educatio adjuvat, non est citra virtutem. Sæpè Electio corrumpitur per indecoram adulationem, suffragia prece precioque extorquentur, Regni census privatorum opibus addicuntur, jura & leges in spem promovendæ familiæ inflectuntur, ut eligatur ille, quem virtutes nullæ ornant. Carolus IV. multa donaria promissit Electoribus Principibus, ut filio suo natu majori Wenceslao acquireret Imperium, cumque solvere non posset, vectigalia publica eis addixit, inde Imperio additus fuit Imperator non satis commodus, atque Imperatoris opes sunt diminutæ perpetuq Imperii malo. *Æneas Sylvius lib. 3. histor. Bohemic.* & nos ex illo in Recensu historiæ universalis *lib. 11. cap. 2. dist. 5. cap. 3. dist. 1.* (2.) Quia Successio continuat imperium, Electio verò interruptit illud. Atqui quod interruptit aliquid & ordinem turbat, illud est deterius eo, quod ordinem conservat & prorogat. Excipit *Arnsæus*: Si fœmina adsit, non etiam masculus, oriuntur lites inter agnatos & successores. Et verò cùm filius hæres nondum est ætatis iustæ, ubi est continuatio illa? *Respondet*: Leges Regiæ vel admittunt vel repudiant fœminam, itaque avertunt lites. Hæres minoris ætatis Rex est, & ad juvandum ejus defectum concurrunt Tutores, quorum incorruptæ fidei Regis negocia tutò committuntur. (3.) Quia successio est cum pace, quòd Lege perpetuâ succedat filius natu major: Electio verò obnoxia est pe-

riculis dissensionum & discordiæ. *Minoris discrimine sumitur Princeps, quàm queritur*, ait Tacitus *lib. 2. histor.* Exempla sunt in Germania post obitum Friderici II. Rudolphi I. Henrici VII. Maximiliani I. Imperatorum, de quibus omnibus dictum est in Recensu historiæ universalis *lib. 10. cap. 4. dist. 10. lib. 11. cap. 1. dist. 2. cap. 2. dist. 2. lib. 12. cap. 1. dist. 1.* Similia exempla occurrunt in Polonicis rebus post obitum Ludovici, Sigismundi Augusti, Stephani Batoris Regnum, uti diximus *ibid. lib. 18. cap. 1. dist. 2. 8. 9.* Electionis intercisio afflixit olim Mameluchos, ut civilibus bellis conficti, optimos quosvis milites gladio objicerent, neque deinceps sufficerent prohibendis Turcorum irruptionibus, à quibus extirpati sunt, uti dictum est *ibidem lib. 22. cap. 2. dist. 2. 3.* Successio potius componit intestinas lites, ne damnum Imperio concilient, quod Turcorum gesta res sub Osmannæ, Multaphæ, Ibrahimæ ostendunt, uti dictum est *ibidem lib. 20. cap. 2. dist. 21. 22.* (4.) Quia Successio est cum utilitate insigni. Possunt enim illi, qui naturæ jure succedunt, accuratius informari, ut virtutis pariter hæredes optimè administrant Imperium. Excipit *Arnsæus*: Principes negotiorum multitudine prohibentur, quò minus diligenter advertere possint ad filiorum suorum educationem. *Respondet*: Si ista universaliter vera sunt, unde ergò accipiemus Principes, quos in defunctorum locum subrogemus? An à plebejis & proletariis, quibus obnegociorum inopiam eò melius vacat, ut filios suos rectè educant? Scilicet, rarò ita contigisse legitur, & verò nunquam committet pater, quantiscunque curis oneratus, ut filiorum suo-

tum curam negligat. (5.) Quia major est benivolentia amorque inter Regem civem, qui jure sanguinis ad solium pervenit, & subditos, quàm Regem peregrinum satque aliunde gentium adductum. Excipit *Arniseus*: Electio quoque conciliat benivolentiam. *Respondeo*: Imò non conciliat, sed diminuit, quando vitia Regis ejus qui succedit, excusando tolerant omnes, alterius ejus qui eligitur, traducendo augent. Et Reges ipsi civitatis bonum non eo semper, quo nati in gubernacula, studio diligentiaque curant. Suo ipsorum intenti commodo, minus de protoganda in posterum tempus Regni felicitate adnituntur, cujus hæreditatem non hæsuram in suo sanguine verentur. Locatam sibi & commodatam, non datam Rempublicam cogitant, ex qua non quàm diuturnos, sed quàm uberes ipsi dum vivunt, capere possint fructus, laborant. (6.) Quia successio obtrinet apud gentes numero plures, dignitate superiores, potentiâ clariore. Soli olim Mameluchi eligebant, hodiè Germani, Poloni, Ungari eligunt, apud reliquos toto orbe populos succedunt Reges. (7.) Quia successio fuit in populo Dei velut perpetuum unius Principis regimen. *Deuter. 17. 20.* adeoque insignis beneficii loco imputat Deus, quòd Regis Davidis familiæ donat jura successionis, 2. *Sam. 7. 13. seqq. Psalm. 2. 6. 7. 8. Psalm. 89. 4. 5. Psalm. 132. 11. 12.* (8.) Quia populi isti, apud quos Electio in precio est, defunctorum Principum filiis hanc gratiam faciunt, ut peregrinis anteferrantur, atque ita successionis vel quasi beneficij civilium bellorum occasio tollatur. Poloni familiam Jagellonicam, Dani Oldenburgicam, Germani & Hungari Au-

striacam præfecerunt Imperiis suis, quamdiu hæres masculus superest, Johannes Hebertus in *Historia Polonica lib. 12. 13. 14. 15. 16. 17. 18. 19. 20.* Johannes Pontanus in *histor. Dan. lib. 2. seqq.* Gerhardus de Roo in *Histor. Austr. lib. 1. 2. 3. 4. seqq.* Caspar Erasmus in *Historia Ungar. lib. 5. 6. 7. seqq.*

V. Instat *Arniseus*: (1.) Docet natura, quòd Imperium dignissimo concedi debeat. Atqui electio quærit dignissimum, successio admittit quemcunque ætatis jura solio donant. *Respondeo*: Si rectè constituta sit suffragatio, nullis illaqueat a præjudiciis, quis neget, optimum quemque per electionem requiri, ait Tacitus lib. 2. *histor.* Attamen virtutis excellentia est quidem requisitum necessarium imperantis, sed non est causa principalis Imperii. Frequentissima interregna, æqualium factiones, suffragiorum voluntates contrariæ, inferioris exaltatio, peregrinorum invisa c consuetudines, ab Electione proveniunt, histamen non oneratur successio, unico majestatis jure absoluto contenta. Electio præscribit conditiones Regi, ut non possit agere quid liceat, sed quid fecisse decebit. *Respondeo*: Rex quatenus succedit, in Leges Regias jurat, adeoque frustra verearis, Regem electum magis ad servandas condiciones obligari posse. Et quid si Rex electus mutet mores? Verbo: Æquiori animo ferunt Principem cum homines, quem natura parum feliciter genuit, quàm alium quem homines malè elegerunt. (3.) Eligunt Germani, Hungari, Poloni, magno cum Republicæ suæ commodo, & regionum incremento. *Resp.* Utinam non etiam cum Republicæ suæ detrimento magno! Quid enim commodi oriatur ab interregnis, factionibus, dissensionibus?

Et

Et ubi sunt illa Hungarorum commoda? Germani postquam elegerunt, dicam audacter, perdidit multo plura quam lucrati sunt. Et verò quis non laudet commoda Gallorum, Hispanorum, Britannorum, Suedorum, Turcorum, ubi Reges succedunt?

CAPUT DECIMUM NONUM.

De Inauguratione.

SUMMARIUM.

1. *Definitio inaugurationis.*
2. *Principis obligatio.*
3. *Ritus in populo Judaico.*
4. *An unctio fuerit apud externos populos?*

I *Inauguratio est, quâ Princeps solemniter consecratur.* Tunc verò etiam Princeps à subditis obsequii debitum, præstito ab eis homagio, suscipit, ipse dicto sacramento, repromittit, quod Imperium justè, piè & fortiter administrare velit. Ritus ille nusquam non gentium receptus, observatur meritò: (1.) Quia Princeps cum autoritate admoveatur Imperio suo. (2.) Quia Princeps admonetur officii ejus, quod subditorum bono in se recepit. (3.) Quia subditi eriguntur animis ad obsequium Principi suo cum debita fide præstandum, *Eccles. 8. 2. 3.* (4.) Quia Princeps coram omnibus accipit solennia Regni, & consecratione publicâ declaratur esse omnibus superior, uno Deo inferior. (5.) Quia Princeps votis publicis vitam & victoriam sibi apprecari audit, ipse vicissim congratulatur subditis, exemplo ejus quod legitur *Psal. 118. 22. seq.* ubi la-

pis reprobatur, est Rex David, hætenus à Saulo Rege vexatus, demùm Rex populi factus post obitum Saulis, & magno omnium applausu exceptus. Benedictus sit qui venit. *vers. 26.* Felix sit Rex à Deo nobis datus. (6.) Quia populus Hebræorum isto modo homagium veluti præstitit Regibus suis, *Josue 1. 16. 17. seq. 2. Sam. 5. 3. 1. Reg. 11. 17. 1. Chron. 11. 3. 2. Chron. 23. 3. cap. 34. 3. 1. seqq.*

II. Nec tamen desinit esse Imperium summum, etiam si Princeps obstringat sese juramento ad servandas Leges patrias, secus quàm videtur Johanni Bodino *lib. 1. de Republica, cap. 8.* Arniseo *lib. 1. de Jure Majestatis, cap. 6. num. 5.* Balthasari Conringio *lib. 1. Institutionum Politicarum, cap. 7. dist. 16. 17.* Namque hinc petitur discrimen Regis & Tyranni, ut ille compromittat in Leges, & servet quod promittit, volens enim sequitur, & tanquam deliberatum approbat, quod Majestati non officit. Si invitatus sequeretur, Majestati detraheret, quis sic nihil vi propriâ approbaret, sed aliunde, velut jussum, & supra se imperium civile admitteret: Tyrannus verò obligationem negligendo, spernat Leges, atque omnia metiatur è libidine sua. Non desinit supremus esse, quia superiorem agnoscit neminem hominem, itaque Dominatus non minus quàm Regia potestas, apud gentes quasdam obligationes tales permisit. Rex Persarum cum Dominatu præerat, & verò patrias Leges juramento stabiliebat tunc cum Imperio admovebatur, *Xenophon lib. 8. Cyropædæ Diodorus Siculus lib. 17. Plutarchus in vita Themistocli, Procopius lib. 1. Persicorum.*

III. Ritus illi, quos adhibebat populus Hebræ-

Hebræorum pro Regibus suis inaugurandis, prolixè describuntur apud Johannem Pinedam *lib. 2. de rebus Salomonis cap. 5. 6. 7. 8. 9.* Adamum Conzenum *lib. 7. Doctrina civilis cap. 1. 2. 3.* Breviter dicendo, ungebantur, 1. *Sam. 10. 1. 2. Sam. 2. 4. cap. 5. 3. 1. Reg. 1. 34. 3. Reg. 9. 6. cap. 11. 2.* Tradebatur eis in manum liber Legis, 2. *Reg. 11. 12.* Coronâ ornabantur, 2. *Sam. 12. 30. 2. Reg. 11. 12.* Solio obaurato imponebantur, 1. *Reg. 1. 35. 2. Chron. 23. 30.* Solennibus votis proclamabantur, 1. *Sam. 10. 24. 1. Reg. 1. 39. 2. Reg. 11. 12.* Hastam ferebant manu, quæ sceptri instar erat, 1. *Sam. 18. 10. cap. 19. 9. cap. 20. 33. cap. 26. 11.* De populorum aliorum Regibus, qui hastas pro sceptris ferebant, referunt Justinus *lib. 43. histor. Cælius Rhodiginus lib. 11. Antiquarum Lætionum cap. 49.* & adde nostrum Recensum Antiquitatum Romanarum *lib. 1. cap. 3. dist. 5.* Quibus ritibus Imperatores Romani fuerint inaugurati, prolixè describit Julius Cæsar Bulengerus *lib. 2. de Imperatore Romano cap. 1. 2. 3. 4. 5.*

IV. Quæritur: *An populi reliqui Orientis Reges suos unxerint oleo, secuti morem Hebræorum?* Respondeo: Affirmant Caspar Sanctius *Commentariis ad libros Samuelis pag. 192.* Cornelius à Lapide *Commentariis ad lib. 1. Samuelis cap. 10.* Serarius *Commentario ad librum Judicum cap. 9. quest. 10.* Salius in *Annalibus sacris Tom. 3. pag. 105. 106.* Conzenus *lib. 7. Doctrina Politicæ cap. 3. sect. 1.* Rationes proferunt: (1.) Quod Abimelech unctus est à Sichemitis in Regem, proinde Jotham dicebat, convenisse arbores, ut Regem ungerent, *Judic. 9. 8.* (2.) Quod Rex Syriæ ungebatur ab Elisa Propheta, 1. *Reg. 19. 15.* scilicet è præcæri-

tu, quando novum ritum apud eos Deus instituisse noluit. (3.) Quod Cyrus Persiarum Rex vocatur Unctus Domini, *Esaia 45. 1. Respondeo:* (1.) Non legitur, Abimelechum esse unctum, & verò liber Judicum seriori ævo descriptus, inque Historiæ formam redactus est, quando Reges solebant ungi. Itaque loquitur Author velut *παραπλήσιως*, & secundum ævi sui consuetudinem. (2.) Est factum singulare, neque Deus ita morem novum introduxit. Noverant populi isti Hebræorum ritus, & Prophetas eorum credebant esse tales, quibus de voluntate Numinis constaret liquidò, uti patet 2. *Reg. 5. 3. seq. cap. 6. 12. cap. 8. 7. seq. 2. Chron. 35. 21.* Permittebant, ut fieret semel quod nunquam imitati sunt faciendo. (2.) *κατάχρησις*, ut populari modo appellandi Unctus Domini ellet, qui Dei nomine potestatem habebat in populo suo. Consimiliter Abraham, Isaac, Jacob erant Uncti Domini, *Psalms. 105. 15.* Scilicet quia erant Regum æquales, ne tamen uspiam legitur, oleo inunctos fuisse. Regum æquales fuisse, constat *Gen. 14. 14. cap. 23. 6.* Abraham Regis nomine vocatur apud Justinum *lib. 36. histor.* Hoc certum est, non inveniri aliquid in Annalibus gentium, unde constet, Unctionis ritum ab illis receptum fuisse, uni quoque notavit Rabaunus Maurus in *Glossa Ordinaria ad Esaia 45. 1.*

CAPUT VIGESIMUM.

Diatriba singularis de natura populorum.

SUMMARI A.

1. Adam progenitor omnium hominum.
2. Solvuntur contrariæ rationes.

V

3. Dilu-

3. Diluvium universale.
4. Ordo filiorum Noë.
5. Jupiter Hammon.
6. Semus primogenitus.
7. Septentrionales populi.
8. Meridionales populi.
9. Temperate provincie.
10. Locus Avernii.
11. Migratio in Americam.
12. 13. America incognita.
14. Solvuntur rationes.
15. Navigatio Ophiritica.
16. Ophir non est America.
17. 18. Origo Americanorum.
19. Bestie in America.
20. Color Æthiopum.
21. Hominum generatio.
22. Origines Italice.
23. Gotti, Franci, Vandali.
24. Palæstina.
25. Imperium Babilonicum.
26. Civitas Babilon.
27. Lingua primæva.
28. Lingua Hebræa.
29. Hercules Phœnicium.
30. Abraham Ebræus.
31. Solvuntur instantiæ.
32. Lingua exoleta.

I. **D**escribemus à Befoldo quæ ad hoc negotium pertinere videntur, & notis illustrabimus. Sic verò ille: *Omnium primò qualis naturæ populus sit, cui imperatur, ab eo, qui vel Rempublicam administrare, vel de rebus politicis judicare velit, cognoscendum est.* [lib. 1. Doctrinæ Politicæ cap. 11. dist. 1. Novus Prometheus è Gallia Isaac Peirerius, editis nuper opusculis assererat summo animi studio, quòd ante Adamum

seculis multis vixerint homines in orbe dudum à Deo conditi, antequam hic terræ glebâ formatus, connubio jungeretur Evæ, progeniturus haut quidem mortales omnes, sed tantum aliquos, videlicet Judæos, Palæstinæ incolas, cum quibus deinde scædus inivit Deus, & peculiatem sibi populum effecit, *Exercitatione de Præadamitis, cap. 8. & lib. 2. Systematis Theologici, cap. 10. lib. 3. cap. 1. 2. 3.* Nos verò hoc negamus, & Adamum constanter asserimus esse primum in orbe hominem, eumque progenitorem credimus esse omnium hominum, quicumque ab orbe condito vixerunt hætenus, vivunt nunc, vivent in omnibus terræ partibus usque, donec visum fuerit Deo finem imponere mortalium rebus hujus sæculi, ac dare æternitatem sequuturo ævo. Argumenta nostra sunt hæc cum primis: (1.) Quia disertè ait Moyses, quòd unum fuerit opus Creationis, actale quidem, ut uno opere isto perfecti sint cæli terræque exercitus, deinde requieverit Deus ab omni opere suo, quod fecerat, *Gen. 2. 1. 2. 3.* Ergò non debet statui creatio duplex, multò minus Adami creatio millibus annorum separari à creatione primæ, quacum arctè & immediatè connectitur, *Gen. 1. 26. 27. 28. 29. cap. 2. 5. 6. 7. 15. 16. 18. 19. 20. cap. 5. 1. 2. Marc. 10. 6. seq. (2.)* Quia Eva dicitur esse mater viventium omnium, *Gen. 3. 2. 3.* nimirum, quia ipsa communis hominum omnium mater, in conjugio cum Adamo, primo hominum omnium patre, vitam hominibus omnibus multiplicatione ordinariâ dedit. (3.) Quia testatur Paulus, quòd Deus ex uno sanguine fecerit universum genus humanum per totum orbem. *Act. 17. 26.* *Excipit Peirerius:* Dicere Paulum, nos esse proge-

progeniem Dei, non verò Adami. *Respondeo* : Eam ob causam homines omnes sunt progenies Dei, quòd homines omnes ex uno Adami sanguine fecerit, atque ex eodem luto in Adamo formaverit. Ergò sanguis ille unus est ex Adamo & Eva, quatenus hæc ab illo veluti transumpta, atque eidem per generationis opus iterum unita, principium unum efficit, à quo derivantur non Judæi tantum, sed quoque homines omnes per totum orbem dispersim viventes, *Gen. 2. 2. 1. 2. 2. 3. 24.* Atque hoc confirmatur eò validius, quando constat satis, Noachum certissimæ originis ab Adamo, propagavisse à se homines omnes ab exacto diluvio quaquaversus per orbem agentes, *Genes. 10. 1. 2. seq. cap. 1. 1. 4. 5. 6. 7. 8.* (4.) Quia omnes homines dicuntur morti obnoxii facti esse, propter unum Adamum, in quo peccaverint omnes, *Rom. 5. 11. 19.* Adamum, inquam, qui solus & unus hominum omnium mortis legis constructorum pater est, de terræ gleba formatus, *1. Cor. 15. 22. 45. 46. 47. 48. 49.* Nec verò soli Judæi moriuntur, uti experientia docet.

II. Excipit *Peirerius* : (1.) Nisi plures simul homines in quacunque orbis parte fuissent conditi, per immensum temporis spacium in plurimis regionibus frustra germinavissent herbæ, arbores, olera, frustra egissent pecora campi. *Respondeo* : Frustrà non erat, quod secundum inditas sibi à Deo & natura vires agebat. Satis erat, quòd sibi similia producerent, seque conservando, ornarent orbem. Quot hodieum pereunt semina, etiam in percultis agris? Quot agri non satis perculti apud feros Barbaros ante seculum erant, & adhuc sunt?

Si non omnia erant propter hominem, erant sanè propter Deum, & sic frustra fuisse, quis dicat? (2.) Verebatur Cainus, ne occideretur ab illis, qui eum invenirent, *Genes. 4. 14.* Ergò aderant jam tum homines extra familiam Adami nati, à quibus hoc ei periculum imminere poterat. *Respondeo* : Est dictum hominis ob facinus patrum animo anxii, quando noverat plures fratres in domo Adami natos, plures nascituros esse, suos quoque posteros citra dubium esse aliquos. Ab omnibus illis jure timebat sibi. (3.) Cainus profugus habitavit in partibus Arabiæ, non quidem desertis, verum in consortio hominum aliorum. *Respondeo* : Si qui homines locis iis habitabant ante ipsum, ab Adamo non fuisse ortos, quomodo probabit? (4.) Caini uxor non erat de familia Adami. *Respondeo* : Erat sanè, & non poterat aliter esse sub initio mundi. Sororem duxit conjugem, & retinuit ex filii comitem, quando aliunde uxorem petere haud licebat. (5.) Adamus habuit multarum rerum exactam cognitionem, sed unde, nisi à magistris, & quidem illo prioribus? *Respondeo* : Habuit à Deo & Geniis bonis, quibuscum familiariter conversando, multa occultioris indaginis percepit, ac porro filios suos docuit. (6.) Gentes mundi obiverunt mortem è primi ortus lege, quo ceperunt produci è materia corruptibili. *Respondeo* : Ergò bestiis accenseantur, non verò hominibus, quos ad imaginem suam produxit Deus immortales & incorruptibiles, *Gen. 1. 26. 27.* (7.) Soli Judæi, Palestini incolæ, à diluvio vastati sunt, & superstes mansit Noah, qui per tres filios suos propagavit novos Judæos, Palestini habitatores. *Respondeo* : Si tantum obruebantur

hantur Palæstinæ incolæ à diluvio, quomodo verum est illud, *finis omnis carnis venit coram me?* Gen. 6. 13. 17. cap. 7. 4. 21. 22. 23. Certum igitur est, maximam partem Asiæ diluvio inundatam esse, nam hæc tunc temporis habitabatur, ut dicemus *infra* dist. 3. Nec solius Palæstinæ incolæ oriundi sunt à Noacho. Verba manifesta docent aliter: *Ab his divise sunt postea regiones gentium, per terras earum*, Gen. 10. 5. Gentium dicit, & mox enumerat colonias per Asiam, Africam, Europam dispersas, uti accuratè disserunt Franciscus Junius *notis ad h. l.* Paulus Merula *part. 1. Geographiæ universaliæ lib. 3. cap. 14.* Benedicte Pererius *lib. 15. Commentariorum ad Genesim pag. 399. seqq.* Samuel Bochartes *lib. 1. 2. 3. Geographiæ sacrae*, Hugo Grotius *notatis ad lib. 1. de Veritate Religionis Christianæ pag. 194. seqq.* (8) Adamus accepit vestes pelliceas, quas indueret, Gen. 3. 21. Ergò ante eum in gentibus aliis fuerunt coriarii, alutarii, pelliones. *Respondeo*: Nullus erat vestium usus, antequam laboraretur Adamus, Gen. 2. 25. cap. 3. 7. Ergò nec vestium concinnatores in orbe erant. Vestes, quas induebat Adamus post lapsum, consecit ipse pro notitia ea, quæ animo ejus à Deo indita fuerat, ut imposterum sciret quocunque modo resarcire jacturam horum, quæ perdiderat. Certè quòd congenitam habuerit rerum notitiam, vel in præsentī negotio constat, dum consecit amulicula è ficu foliis, Gen. 3. 7. Quod ruditer primò consarcinavit, melius deinde efformavit.

III. Pergit Befoldus: *Ingenium autem & studia hominum à situ sedeq, regionis præcipue formantur, ac pro locorum diversitate mutantur.*] l. d. dist. 2. Non suffragamur il-

lis, qui diluvium Noëticum adeò maximum fuisse censent, cum Samuele Marcio *disput. 7. adversus Pre-Adamitas*, Philippo de Priet *Anima adversionibus in librum de Pre-Adamitis pag. 70. 71.* Christ. Scotano *part. 2. Commentariorum ad Sulpitium Severum pag. 168. 169.* Georgio Hornio *libro de vera etate mundi cap. 13. & in notis ad Sulpitium Severum pag. 15. 16.* Johanne Pythio in *Responsione Exegetica adversus Pre-Adamitas lib. 1. cap. 30. 31. seq.* ut orbem totum inundaverit. Asiæ partem illam quæ tunc habitabatur, obruisse credimus, & verò si regiones ad habitandum commodæ fuerunt olim, ubi nunc sunt maria, id particulares aliorum locorum inundationes fuisse aliquando probat, non verò totum orbem aquis demersum, evincit, uti nobiscum statuit Isaacus Vossius *libro de vera etate mundi cap. 12. & in Epistola ad Andreæ Colvium Dodracenum.* Instat Marcius: (1.) Omnis caro viam suam corruerat, adeoque nemo viventium evasit adversus aquas diluvii, Gen. 6. 11. 12. *Respondeo*: Nemo hominum evasit quidem, sed tunc ævi præter maximam Asiæ partem non erat habitatus orbis, & proinde omnes perierunt aquis diluvii, non tamen orbis totus demersus fuit. (2.) Si diluvium non erat universale, quare Noah fabricavit arcam tanto cum labore, & non potius abiit in vicinas terras, quod minori operâ fieri poterat? Quare aves & quadrupedia ad se congregavit, neque hæc potius in vicinas terras abiverunt, ubi contra aquarum impetum defendi potuerunt? *Respondeo*: Voluit Deus isto facto docere impios, quid certo certius acciderere posset, nisi maturè pœnitentiam agerent. Scilicet, quia verbis fidem non dabant,

ergò.

ergo facti aliquid addere debuit, idque erat hoc, ut arcam in ipsorum conspectu fabricaret. Quodque animantia eo colligebat, finiserat idem, ut pertinaces emolliret. De arca Nohe & dimensione ejus copiose describit Johannes Bodinus Delphinus *peculiaribus* libro, ut animalia omnia in ista collocata ordinatè collocentur. Sed non opus est tantum opera impendere, quando certum est, quod è vicinis terris accurrerint quædam animantia, crescentibus subinde aquis, non verò etiam toto orbe. (3.) Moyses expressè dicit, petiisse quicquid erat hominum & brutorum de terra, exceptis illis, qui cum Nohe in arca fluctuabant, ideoque rupti sunt fontes abyssi magnæ, id est, aquæ nubium destillabant, quæ Oceani effluvis repagulis omnibus, incumbebant mundo, ut super altissimos montes eminerent, *Gen. 6. 17. cap. 7. 11. 18. 19. 20. 21. 22.* Ad partem orbis obruendam non erat opus, tantam vim aquarum cogere. *Respondeo:* Imò opus erat, ut tanta vis aquarum cogeretur, quando non exigua orbis pars est Asia, & illa quidem aquis impleri debuit ad altitudinem istam, ut montes operirentur, quod uti Dei elementia maxima apparuerat in admonendis improbis, ita non minor iracundia existit adversus eosdem, quando nolabant corrigi, perinde uti cum Sodomitis deinceps egit, *Gen. 19. 24. Deut. 32. 22.* (4.) Promittit Deus, quod nolit orbem vice alterâ diluvio inundare, vel animantia omnia extirpare, vel naturæ ordinem turbare, *Gen. 8. 21. 22.* Fuerat ergo prior clades illa universalis, & totum naturæ ordinem intervertit. Particulares verò eluviones quoque fuerunt alibi gentium. *Respondeo:* Universale diluvium fuit, quatenus animantia

omnia ex stirpata sunt una cum homine, neque opus est, ut super orbem totum inducatur. Isteque fuit naturæ ordo mutatus, quando homo naturæ compendium ad pauciores redigebatur, bestia verò, quæ obscuris locis apud Antipodas errabant, non curabantur admodum, quia non vivebari ibi timo, propter quem delecerentur. Particulares eluviones fuerunt loci ratione, sed non erant tales, quæ omnes homines ubique terrarum peremerunt. (5.) Deus benedixit Nohe & posteris ejus, verbis usus, quibus homini benedixerat in prima rerum origine, *Gen. 9. 1.* quod eos non minus quàm istos mitteret in sedes vacuas & in incolis prorsus destitutas. Scilicet diluvium hoc universale fuit. *Respondeo:* De hominibus non negatur, petiisse omnes: De bestiis constat, quod pauca illæ, quæ apud Antipodas inque desertis Europæ, Africæque terris vagabantur, non opus erat, ut colligerentur, quia non erat causa, ob quam extirparentur. Non habitabant ibi homines, adeoque novi aliquid circa illa fieri haut debuit, *Gen. 10. 1. 2. seqq.* ostendit, populos omnes toto terrarum orbe distributos, fuisse oriundos è Nohe posteris. *Respondeo:* Hoc certum est, quod homines omnes perierint, & quicunque hodiè supersunt, à Noachi familia descenderint, sed quod orbis totus aquis fuerit obrutus, falsum est. (7.) Testantur novi sæderis loca manifesta, quod diluvium merxerit omnes homines, *Matth. 24. 37. seqq. Ebr. 11. 7. 1. Petr. 3. 20. 2. Petr. 3. 6. 7.* Ad verò ad paucos Asiæ incolas restringi non potest. *Respondeo:* Atqui partes Asiæ tunc temporis habitabantur solum. Quorsum ergo eo velle derivare aquas, ubi non erant homines, qui submergerentur? (8.) Nulla ferè gens

superest, quæ non habeat memoriam diluvii hujus. Retulerunt de illo Berolus, Abydenus, Plutarchus, Lucianus, Damascenus, Apollodorus, uti nos docent Eusebius *lib. 9. de Preparat. Evangel. cap. 12. & 19. Josephus lib. 14. Antiquitatum cap. 4. & lib. 1. contra Appionem*. Fuit quoque memoria ejus in America, uti Hispani testantur apud Josephum Acostam *lib. 1. Historie Indica cap. 25*. Plinius dicit Joppen urbem Phœnicum, fuisse terrarum inundatione antiquiorem, *lib. 5. histor. natur. cap. 13. Respondeo*: Diluvium fuisse, nemo negat, an de isto diluvio, quod Noë temporibus erat, loquantur omnes, dubium non leve est. Fuerunt enim particulares eluviones sub Ogyge, Phoroneo, Deucalione, Dardano, Prometheo in partibus Europæ atque Asiæ. Et verò apud Americanos esse poterat de universi illi memoria aliqua, quando Phœnices multa noverant de Jano prisco, uti dicemus *lib. 2. cap. 17. dist. 2*. Phœnices fuerunt, qui primi orbem novum incoluerunt. Attamen de particulari diluvio, quod Americanos tantum vastavit, exponit Acosta, & consentit Georgius Hornius *lib. 2. de Origine Americanorum cap. 6. (9.)* Neque filiorum Noë nomina, qualia referuntur à Mose, tam latè per orbem propagata fuissent, nisi illi orbem terrarum inter se partiti essent. hic gentis humanæ reparator esset. Itaque Latini multa de Semo dicunt: *Aut tibi Sempater, tu mihi Sancus eris*, ait Ovidius. Cham est Hammon, & Japhet est Japetus. Noah ipse Janus est, *διπορευς*. *Respondeo*: Fuisse omnes homines ab illis ortos, non inficiamur. Quæ de Semo immiscet Maresius, non probamus. Semo ille Hercules est, uti diximus *lib. 1. Antiquit. Roman. cap. 3. dist. 2*. De reliquis erit *infra dist. 5. & alibi*. Proinde

non approbamus eorum sententiam, qui totum orbem, Antipodes quoque, ita aquis involutum fuisse existimant, ut nulla prorsum existeret ejus portio. Ad hoc efficiendum, multa debuissent concurrere miracula. Cum enim universæ Oceani aquæ non sufficerent ad obruendam ita altè terram, etiam si omnia maria licerentur, debuissent vel plures aquæ creari, vel dicendum est cum aliquibus, istam aquarum molem ex immanis ultra cælum stelliferum gurgitibus præcipitem decidisse, ac denudò finito diluvio, ad sedes suas revolasce. Neutrum veritati consentit. Non prius, quia nullas aquas de novo produxit Deus, sed pluvias & Oceanum pro immittendo diluvio adhibuit, *Gen. 7. 4. 11. 12. 17. 18. 19. 20. cap. 8. 1. 2. 3. 7. 13. 14*. Non posterius, quia tales aquæ supra cælos stellatos evectæ, nusquam sunt, nisi in hominum quorundam cerebro, uti contra Bodinum disseruimus libro de Creatione *Exercitat. 13. dist. 2. 1*. Regetit *Hornius*: Quis aquas defuisse credat ad obruendum terræ globum, postquam cataraectæ cæli sese aperuerunt? Et annon in prima rerum creatione terra aquis obruta fuit, quæ aquæ postea divisæ in terrestres & cælestes, inferiores & superiores, in diluvio iterum conjunctæ fuerunt, donec montes altissimos quindecim cubitis superarent. *Respondeo*: In prima rerum origine, cum omnia pondere agebantur, & unumquodque Elementum obtineret situm atque locum naturalem, necessariò terra uti gravius, ita quoque depressior fuit præ aquis. Quia verò terra perfectè rotunda erat, hinc manifestum est, quod vel minima aquæ portio sufficiebat ad terram inundandam. Deinde cum terra hætenus informis cepit habere vales & montes, aliter fuit, namque tertiò die

die factum est, ut terra nudaretur, ut montes eminent, ut valles subsiderent, *Gen. 1. 9. 10. Psalm. 104. 5. 6. 7. 8. 9.* Neque tunc aquæ istæ sufficiebant ad obruendam terræ universæ faciem, ut quindecim cubitis supra montes altissimos eminent. Frustrâ ergo est, cum pergit *Horatius*: Non est causâ quare debuissent plures aquæ creati, quàm prodita fuerant initio, cum tota terra erat aquis immersa, & quæ postea in cœlestes & terrestres alveos velut thesauros congeltæ sunt, unde iterum pro beneplacito Creatoris vel ad præmium, vel ad poenam humani generis effunderentur. *Scilicet*, causa est, quod multum distet terræ globus informis à terra formata. Ad hanc obruendam requirebantur aquæ immensæ, & quantam copiam haud ferat natura, ad illam paucæ ita satis erant, ut facies terræ ad modicam altitudinem operiretur.

IV. Pergit Bodinus: *Qui frigida Septentrionis loca inhabitant, illi quidem animosi existunt.*] dist. 3. Primo hominum à diluvio magno colonia fuit in Armenia & Gordiæne, itaque sacræ literæ dicunt, arcam requievissè in montanis Ararath, *Gen. 8. 4.* Montes Cardu vocant Josephus, Chaldaeus Onkelos, Arabs Paraphrasta. Gordiazos appellant Curtius, Ptolomæus. Strabo, ubi Armeniam majorem describunt, eisque adde Nicolaum Fullerum *lib. 1. Miscellaneæ. cap. 4.* Reliquias arcæ in montis ejus apice deprehensas abstulit demum Omar Califa, & pro tabulato Meskitæ sive delubri à sese exstructi adhibuit, uti refert Benjamin Tudelenis in *מסעות pag. 61.* & quæ in notis ad h. l. monet Constantinus Lempereur *pag. 181.* Postquam auctum magnâ sobole, & multiplicatum fuisset genus humanum, discesserunt ab invicem, & quicunque hæcenus unâ habita-

verant, diversas & procul sitas regiones occupaverunt. Secundum numerum filiorum Noæ, distributio orbis veteris facta est, namque orbis novus cepit serius habitari, uti dicemus *infra dist. 17. 18.* Semus obtinuit Asiæ partem maximam, id est, quicquid terrarum ab Hellesponto ad Indiam usque situm est. Chamus ab Euphrate porrectam Arabiam totam, Palestinam, & torrida Africae regiones acquisivit. Omnium amplissimas sedes Japhethus habuit, quicquid supra Assyrios in Septentrionem Asiæ excurrit, atque omnes Europæ agros complexus, uti profequitur Torniellus in *Annalibus sacris Tom. 1. pag. 130. seqq.* Nos Josephum *lib. 1. Antiquit. cap. 7.* & Rabbini à Abraham Salmanticensi in *מדרש רבי fol. 136.* secuti, ordine enumerabimus populos. Dicit ille à *גלגל* esse *גלגל* *מאגל* Galatas, ubi oppidum Gomara est Plinio, Comari populi Melæ *lib. 1.* Ex *סבא* Scythas, à quibus condita est Scythopolis in Syria, & altera urbs Magoga Plinio *lib. 5. cap. 23.* aliis dicta Hierapolis, ubi colebatur Dea Atergatis, quam Altarten vocat Scriptura. Scythæ progressi inde ad superiorem Asiam, condiderunt Noma dum gentem latissimam, quos nunc vocamus Tattaros, & Tattarorum pars sunt Chinæ incolæ, Plinio, Solino, Virgilio, Pomponio Melæ appellati Seres. *אשור* Medos esse apparet, ab *נ* Jonas omnesque Græciæ incolæ, qui colonias in Asiam traduxerunt, ut diximus in Recensu historiarum universalis *lib. 1. cap. 7. dist. 1.* Itaque Alexander Magnus & Rex Javan, *Dan. 8. 21.* quia futurus erat dominus Græciæ & omnis tractus litoralis, unde idem venturus esse prædicitur ex *Cethim*, *Numer. 24. 24.* de quo loco est *supra cap. 16. dist. 1.* Mancipia ex Javan, id est, Græciæ & Jonica venalia prostitisse Tyri,

Tyri, narrat *Ezechiel cap. 27. 13.* Erant enim illatoto Oriente in maximo precio, Heliodorus *lib. 7. & 8.* אֲרָם sunt Iberi Asiae, in quorum vicinia Thabilacam urbem, vetustae originis vestigia servantem, collocat Ptolomaeus. אֲרָם sunt Cappadoces, quorum praecipua urbs Caesaria vocabatur Mazaca, Strabo *lib. 12.* Moschinos in oris illis ponit *Mela lib. 1. cap. 21.* Mazaces & Moschyos, Plinius *lib. 6. cap. 3.* Moschios montes & populos Ptolomaeus. אֲרָם sunt Thracae, quorum pars ad Haemum montem sunt *Δαίονος* populi, uti commemorat Herodotus *lib. 5.* Eorum traduces sunt Rossi, Finnonnes, Lappones maximo tractu barbarae gentes, à Tanai fluvio ad mare Hyperboreum, nunc cultos, nunc incultos agros habitando. Nec non Alani, Bastarni, Peucini, Gepidae, qui ad Boristhenem & Vistulam sitos agros occupaverunt. Ab אֲשְׁכָּזי sunt Aseanii, quos Homerus commemorat in Phrygia & Mylia, nec non Strabo *lib. 12.* Plinius *lib. 5. cap. 30. 31. 32.* Horum propago sunt omnes nationes Germanicae, à Ponto Euxino ad usque mare glaciale, inque Boreali Oceano, extensa. אֲרָם sunt Paphlagones, quibus locis Rhiphaces, memorat Pomponius *Mela lib. 1.* atque horum posterii sunt ad Pontum Enxinum gentes praedatrices. אֲרָם sunt Phryges & vicinae gentes per Asiam minorem. Ab אֲלֵשֶׁרזי sunt Aeoles, novis coloniis ex Peloponnesi regione Elide aucti purpure negotiationibus celebres, *Ezech. 27. 7.* Plinius *lib. 9. cap. 36.* Horatius *lib. 2. Oda 18.* אֲרָם sunt Cilices & ultramarini populi, Hispani, Celtae, Britones. אֲרָם sunt Cypriota & Insulani alii Cretes, horumque propago Macedones, Itali, ut dicemus *infra dist. 22.* A

אֲרָם sunt Dores, & propago horum Rhodienses. Addit Samuel Bochartus *part. 1. Geographiae sacrae lib. 3. cap. 6.* quod posteri ejus in Gallia appulerint, ubi est fluvius Rhodanus. Verum, nos Gallos arbitramur esse originis Celticae, quos progeneravit Tharsis. Neque etiam Rhodanus fluvius dictus est à אֲרָם, sed à Rhoda oppido, quod à Rhodiis conditum est, in regione Volcarum Telesagum, unde exivit colonia, & fluvio nomen suum iudidit, Plinius *lib. 3. cap. 4.* Strabo *lib. 14. Geographiae, Livius lib. 34. histor.* Haestenius familia Japhetis, *Gen. 10. 2. 3. 4. 5. 1. Paralip. 1. 5. 6. 7.* Sequitur Chami. אֲרָם Aethiopes Chusaei & sibiimet ipsis & vicinis, ut Josephi tempore, ita & nunc vocantur, itaque & fluvius apud Ptolomaeum, & apud Geographum Arabem urbes Aethiopiae duae nomen retinent. Ceterum primo tempore habitaverunt Arabiam, inde Arabum nationes illae, quae prope mare Rubrum sitae erant, Chusaei nominantur passim, *Num. 12. 1. Job. 28. 19.* quibus Samuel Bochartus *part. 1. Geographiae sacrae lib. 4. cap. 2.* addit loca *2. Reg. 19. 9. Esai. 20. 4. 5.* Verum non rectè. Agitur enim locis illis de Tearkos Rege, qui à Libia profectus, auxilio veniebat Aegyptiis adversus Regem Assyriorum. Pariter à אֲרָם Mesori sibi ipsis & accolis ii, qui Graecis sunt Aegyptii. Verè & hoc Josephus, à אֲרָם esse Nigritas, itaque Phut amnis est in Mauritania, Plinius *lib. 5. cap. 1.* Est non procul ab urbe Fessa, manente nunc etiam vocabulo. Porro, qui Mosi est אֲרָם, is contractius Sanchuniathon, & ex eo Philoni Biblio est אֲרָם, invenies id apud Eusebium *lib. 1. Praeparat. Evangel. cap. 10.* Et terra ipsa sic dicta. Stephanus *de urbibus,*

χῆν ἄνω ἢ φοινίκη καλεῖται, *Chna* sic appellatur Phœnicia. Et tantum de familia Chami, *Gen.* 10. 6. 7. 13. 14. 15. 16. 17. 18. 19. 1. *Paral.* 1. 8. 9. 11. 12. 13. 14. 15. 16. Superest familia Semi. Ergo ab 𐤇𐤆𐤅 sunt Elymæi Medis contermini apud Strabonem *lib.* 16. Plinium *lib.* 5. *hiflor. natur. cap.* 26. 27. 7. Livium *lib.* 36. Itaque passim in literis sacris conjunguntur, *Esa.* 21. 2. *Jerem.* 25. 25. *Act.* 2. 9. Estque celebre templum Veneris Elymææ, quod Antiochus spoliare volebat, *1. Macc.* 6. 2. Ab 𐤇𐤆𐤅 Assyrii noti omnibus, eorumque vicini Chaldæi, quos Samuel Bochartus *part.* 1. *Geographiæ sacræ lib.* 2. *cap.* 4. falsò derivat à 𐤇𐤆𐤅 filio Nachor fratris Abrahami, *Gen.* 22. 22. Erant enim Chaldæi, antequam Chafed nasceretur, *Gen.* 11. 31. A 𐤇𐤆𐤅 sunt Lydi, omnium in Asia populorum splendidissimi. Ab 𐤇𐤆𐤅 in hunc diem semet appellant, qui Græcis ab urbe 𐤇𐤆𐤅 Syti, ἀργεῖμος nominat Homerus *lib.* 2. *Ilad. vers.* 783. & Syriam ipsam intelligit. Strabo, τὴν γὰρ ὕψ' ὁμῶν σύρος καλεμένην ὥσ' αὐτῶν τῶν σέων ἀραμμαίους καλεῖσθαι, nam qui à nobis dicuntur Syri, eos ab ipsis Syris dici Arammæos, *lib.* 13. *Geographiæ.* Cumque latius habitare cepissent in vicinis montibus, Armeniam denominaverunt, quæ est 𐤇𐤆𐤅 *Jerem.* 5. 1. 27. ubi Chaldæus vertit 𐤇𐤆𐤅, itaque Armenos & Syros τοὺν ὁμοφυλίαν ἰμφοῖναι κατὰ τὴν διάλεκτον, καὶ τὴν βίαν, καὶ τῶν σιμαίων χαρῶντιναι, retulit Strabo *lib.* 1. *Geographiæ.* Ab 𐤇𐤆𐤅 est Ausanitis regio, nomine Trachonitidos celebris deinde, pars Comagenes. Ab 𐤇𐤆𐤅 sunt Palmyreni ad Euphratem, ubi Ptolomæus urbem Chollas ponit. A 𐤇𐤆𐤅 Gindarus urbs apud Ptolomæum, & populus Gindareni in Coele-Syria, Plinius *lib.* 5. *cap.* 23. A 𐤇𐤆𐤅 est

Masius mons, non procul Nisibi, apud Strabonem *lib.* 11. & Ptolomæum in *Mesopotamia.* A 𐤇𐤆𐤅 sunt Gedrosiæ, Susianæ, Indiz, & ultra sitarum Orientis regionum incolæ, quod docent nomina Seba, Ophir, Chavila, *Gen.* 10. 22. 23. 24. 25. 26. 27. 28. 29. 1. *Paral.* 1. 17. 18. 19. 20. 21. 22. 23.

V. Tres illos generis humani proavos celebrant quoque Scriptores profani. 𐤇𐤆𐤅 est Japetus, de quo meminerunt Ovidius *lib.* 1. *Metamorph.* Virgilius *lib.* 1. *Georg.* Silius Italicus *lib.* 12. Valerius Flaccus *lib.* 1. *Argonaut.* Semi vestigium est in nomine Sambethæ, quæ una Sibyllarum fuit. Chamus est Hammon, non Libyum tantum, sed & multarum aliarum gentium pater consecratus ab ipsis in Jovis stellam. Apud Ægyptios No-Ammon, urbs populosa & magna ad Nilum condita, quam Sennacheribus (uti rectè docet Jacobus Usserius *Tom.* 1. *Annal. sacror. pag.* 103. evertit, tempore illo, quo Sethon Ægypto præerat, *Jerem.* 46. 25. *Ezech.* 13. 15. *Nahum.* 3. 8. 𐤇𐤆𐤅 𐤇𐤆𐤅 est διοπολις, uti diximus in Recensu historiz universalis *lib.* 1. *cap.* 3. *dist.* 2. Quæ enim Johannes Tarnovius *Commentarius ad b. l. pag.* 54. sequutus Johannem Drusium & Riberam, annotat de *Alexandriæ* eversæ per Nabuchodonosorem, illa, inquam, procul à vero deviant, quandoquidem Alexandria tuncævi nondum condita erat. Et verò addit Propheta, Ethiopiam, Phutæos, Libyas auxilio ivisse urbi isti, *Nahum.* 3. 9. 10. Quæ non pertinent ad Nabuchodonosorem Chaldæum. Evertit enim Sennacheribus, frustra que accurrebat Tearkos Chusæus, ut hostes pelleret, ergò victus prælio, magnam exercitus sui jacturam fecit, quam Esaus *cap.* 18. 1. 2. 3. 4. 5. 6. prædixerat. Idque no-

retur adversus Bochartum *part. 1. Geographiæ sacrae lib. 1. cap. 1.* ubi incassum laborat, ut Nahumi verba ad Nabuchodonosorum applicet. Diospolin commemorant Strabo *lib. 17. Geograph. Plinius lib. 3. cap. 9.* Arrianus in *Periplo Maris Rubri.* Cæterùm de Hammone Lucianus *lib. 9. Quamvis Æthiopum populis Arabumq; beatis gentibus, atque Indis unus sit Jupiter Ammon.* Inscriptio *Romana: Jovi. Hammoni. & Silvano. P. Stertinius. Quartus. D. D. Gruterus in Volumine pag. 21.* Petrus Appianus in *Collettancis pag. 316.* Jovem Arietinum vocat Aulus Gellius *lib. 3. cap. 3.* scilicet quia specie arietis cornigeri nonnunquam apparebat. *Lucanus:* Ventum erat ad templum Libycis quod gentibus unum Inculti Garamantes habent, stat corniger illie Jupiter, ut memorant, sed non ut fulmina vibrans, Aut similis nostro, sed tortis cornibus Ammon, *l. d.* Apud Garamantes collocat, quod in Cyrenaica situm erat. Nummos cum imagine Jovis Ammonis excuderunt Cæsares Romani, Domitianus, Nerva, Alexander Severus, ut monstrant Antonius Augustinus *Tab. 7. num. 7. Tab. 40. num. 24.* Johannes Tristanus *Commentariis de Imperio Romano Tom. 1. pag. 344. 365. Tom. 2. pag. 399.* Res ipsa arguit, non exprimi tam faciem Jovis Ammonis, sed vel Alexandri vel successorum ejus. Namque Jovis forma erat longè alia, ut Batti Cyrenæorum Regis nummus argenteus exhibet apud Isaacum Vossium *notis ad Melam pag. 34.* Exactè Ammonem describit Curtius *lib. 4. Id, quod pro Deo solitur, non eandem effigiem habet, quam vulgò Diis artifices accommodaverunt. Umbilico maxime similis est habitus, smaragdus & gemmis coagmentatus. Hunc,*

cum responsum petitur, navigio aurato gestant sacerdotes, multis argenteis pateris ab utroque navigii latere pendentibus. Ita legunt Aldus, Frobenius, Merula, Basileenses, Colonienſes editiones, & sequuntur Nicolaus Blancardus *notis ad Curtium pag. 304. 305.* Johannes Tristanus *Commentariis de Imperio Romano Tom. 1. pag. 420.* Confirman, excogitando rationem. Negaverat in prioribus, quòd effigiem aliquam exprefſam Deus ille haberet. *Umbilico alicui, id est, tuberi vel cono, ut hac informi formâ Numen suum indicaverint potius quàm effigierint. Veneris Deæ signum apud Cypri Paphum erat continuus orbis, latiore initio, tenuem in ambitum metæ modò exsurgens, ait Tacitus lib. 2. hist. cap. 3.* De Solis figura apud Gebalitis *Herodianus: Simulacrum nullum Græco aut Romano more manufactum ad ejus Dei similitudinem, sed lapis est maximus ab imo rotundus, & sensim fastigiatus, propemodum ad coniformam, lib. 5. hist. cap. 5.* Hæc omnia Blancardus *l. d.* Martinus Raderus in *Commentariis pag. 179. 180.* ex Andrea Schotto, & Abrahamo Ortelio in *Theſauro Geographico.* Nummus Alagabali, in quo iste lapis rotundus impressus est, cernitur apud Antonium Augustinum *Tab. 55. num. 20.* Sed à vero aberrant. Scribe cum Vossio, *umbiliculo maxime similis est, habitus smaragdus & gemmis coagmentatus.* Ab umber fit umbiliculus, quomodo à venter est venterculus. Quinam sint *umbri* docet Plinius, nimirum initium quoddam genus ovium, quæ pro lana habent villum caprinum. Certè non aliter intellexit olim Athanasius, *ἀμβροσιον, ὁ καλῶς ἐστὶν ἀμμουτα, θρόν' ἔχον, ὃ τὸ τοιοῦτος παρ' ἱερέων ἐστὶν ὄνομα.*

VI. Quæritur: *An Semus fuerit primogenitus inter filios Nohe?* Affirmant Nicolaus Sanderus lib. 4. de *visibili Monarchia* cap. 3. Johannes Quisidorsius *notatis ad Vetus Testamentum* pag. 28. Wolfgangus Franzius libro de *Sacrificiis*, *Disputat.* 8. dist. 58. Alstedius in *Thesaurio Chronologico* pag. 9. 10. 11. Josephus Scaliger in *Elenchis Chronologicis* pag. 52. Rabbini Abravaniel & David Kimhi *notis ad Gen.* 5. 22. Pererius, Tirinus, Bonfrerius, in *Commentariis* *ibid.* Rectius verò hoc negant, & Japheto primogenituram attribuunt Genebrardus in *Chronologia* lib. 1. Jacobus Gordonus in *Questionibus Chronologicis* pag. 24. Franciscus Junius, Paræus, Mercerus, Cartvrius, Johannes Gerhardus *notis ad Gen.* 9. Johannes Tarnovius in *Exercitationibus Biblicis* lib. 4. pag. 402. Rabbini Moses Gerundenfis, Salomoh Jarchi, Levi Ben-Gerson *Commentariis ad Gen.* 5. Aben-Esdras *notis ibid.* Rabbini Menasseh Ben-Israël *Conciliatore ad Genesin* pag. 28. 29. Samuel Bochartus in *Geographia sacra* part. 1. lib. 2. cap. 1. Matthæus Beroaldus in *Chronologia sacra* lib. 3. cap. 2. Jacobus Ulfertius *Tom.* 1. *Annalium sacrorum* pag. 3. 4. Christ. Scotanus *part.* 3. *Commentariorum ad Sulpitium Severum* pag. 38. *seqq.* Argumentatur: Filius Noachi maximus ipso diluvii anno fuit centum annorum. Atqui Semus anno illo non fuit centum annorum. Ergo Semus non fuit filius Noachi maximus. Probatur major: Noachus cepit gignere, postquam annis quingentis natus erat, *Gen.* 5. 32. & anno ætatis sexcentesimo fuit diluvium, *Gen.* 7. 6. Minor constat, quia Semus tunc natus fuit annis nonaginta octo, & biennio circiter minor natu præ Japheto, *Gen.* 11. 10. Cha-

mus enim natu minimus erat, *Gen.* 9. 24. Excipiunt Scaliger & Alstedius: (1.) In recensu filiorum Nohe Semus priori loco semper ponitur, *Gen.* 5. 32. cap. 10. 1. 1. Paralip. 1. 4. *Respondeo*: Ordo non est unus in literis sacris. *Personalis* ordo est, cum Semus primo loco ponitur, quando quidem inter posteros ejus fuerunt Patriarchæ, Judæorum populus Deo imprimis dilectus, Servator ipse. Itaque servatur ordo *dignitatis*. Aliter est, cum servatur ordo *naturalis*, tunc enim *etatis* ratio habetur, & Japhetus primo loco ponitur, *Gen.* 10. 2. 6. 22. 1. Paralip. 1. 5. 8. 17. (2.) Quia postulat hoc prærogativa ejus, ut sit major natu, est enim ortus de familia ejus Servator. *Respondeo*: Non semper de primogenito nasci voluit Servator. Arphaxadus certè de minimis erat, primogenitus non erat, *Gen.* 10. 22. cap. 11. 10. 11. 12. 1. Paralip. 1. 27. 28. & tamen est inter progenitores Servatoris. Abraham fratrum suorum minimus erat, quanquam in recensu semper primo loco referatur, *Gen.* 11. 26. 27. progenitor verò Servatoris erat, *Gen.* 11. 5. 6. Cæterùm, quòd Abraham loco ultimo inter filios Tarachi patris sui natus fuerit, optimè ostendit Tornellus in *Annalibus sacris* *Tom.* 1. pag. 55. *seqq.* (3.) Dicitur expressè, quòd Semus esset frater Japheti major, *Gen.* 10. 21. *Respondeo*: Rectè veritas, frater Japheti majoris, cum Tremellio & Ariz. Montano, ubi in Hebræo est אֲדָמָה יָפֶתְ דָּגוּר. Alexandrini expresserunt, ὁ ἀδελφὸς τῆς λαφὲς τοῦ Ἰαφὲτος. (4.) Est Semus de numero patrum generationis, *Gen.* 5. 6. 11. quos inter omnes sunt maximè natu. *Resp.* Falsum est, quòd illi omnes sint primogeniti, estque de Arphazado manifestum, uti

paulò ante diximus. (5.) Semus est Melchisedechus Rex & Sacerdos in Salem, qui duplex honor primogenitis olim dabatur. *Respondeo*: Commentum est quorundam Interpretum, nec video, quomodo Alstedius illud defendere velit. Ratio non una est, quare hoc meritò negatur, uti probat Samuel Bochartus *part. 1. Geographia sacra lib. 2. cap. 1.* Nostra hæc est: Author Epistolæ ad Hebræos *cap. 7.* ait, Melchisedechum ignoti patris, ignotæ matris, ignotæque familiæ fuisse, cujus nec initium dierum, nec finis vitæ memorentur. Ista verò in Semum non conveniunt, de cujus patre, familia, origine satis constat ex literis sacris, *Gen. 5. 32. cap. 7. 13. cap. 9. 18. cap. 10. 22. cap. 11. 10.* Ergò Semus non erat Melchisedech. Rege-rit *Alstedius*: Melchisedech fuit vel filiorum Noachi vel nepotum ejus aliquis. Sed non fuit è nepotibus, l. d. pag. 94. *Respondeo*: De nepotibus ejus fuit, & quidem è Chami posteris, Regulus in Jerusalem. *Instat*: Nullus ex iis fuit major quàm Abrahamus. *Respondeo*: Eâ ratione, quòd hic erat pater credentium. Aliàs Melchisedech major erat, quia Rex fuit, Dominus in populum suum, Abraham verò minor, quia peregrinus, & alterius potestati subiectus, *Gen. 23. 4. 7.*

VII. Pergit Befoldus: *Eamque ob causam in Zona polari habitantes, minoris statura conspicuntur.*] dist. 4. Veteres negabant, in Zona frigida homines incolere. *Horatius*: Pone me, pigris ubi nulla campis Arbor æstivâ recreatur aurâ, Quod latus mundi nebula, malusque Jupiter urgent, *lib. 1. Carm. 22.* Nunc ibi habitant Samoedæ, Finni, Lapponi, Grönländi. De quibus olim *Tacitus*: Cætera jam fabulosa, Hellufios & Oxionas ora hominum, vulcusque, corpora

atque artus ferarum gerere, *libro de Germania.* Sunt autem regiones illæ nondum satis cognitæ, & verò species ejusmodi quondam ibi apparuisse, equidem haut dubito, non tamen hominum, sed daemoniorum, homines navibus appulso illudentium. Et demùm Islandi, quorum regionem esse illam, quam Thulen vocabant, affirmant Casubonus *notis ad Strabonem pag. 35.* Georgius Hornius *lib. 3. de Origine Americanorum cap. 6.* Philippus Cluverius *lib. 3. Germania antiqua cap. 39.* De quò tamen non obscurè dubitat Petrus Bertius *in Tabulis contræstis lib. 1. cap. 69.*

VIII. Dicit Befoldus: *Meridionales ut artificiosi & intelligentes, sic quoque parum animosi videntur.*] dist. 6. Non sedibus modò & terrarum spaciis distabant populi Noëticiæ originis, verùm insuper corporis habitu, moribus, linguâ. Nigri Æthiopes, adustâ cute, capillitio crispo & lanuginoso, naribus simis, tumentibus labris, Fufci, quì à Semo. At Japhetigenis lacteum corpus, color floridus, cœrulei oculi, coma aurea, validi artus. Major in moribus diversitas, Ingenio pravo & servili Æthiopes, itaque Abassinorum Negasch sive Imperator appellatur נגשט Rex Cham, id est, Rex mancipiorum, ait Jacobus Golius *in Lexico Arabico.* Sunt enim illi Æthiopes mancipia toto Oriente frequentissima. Itaque dicitur Amos 9. 7. *Nonne ut filis Chusæorum vos mihi estis filii Israël, dicit Dominus?* id est, viliissimi & abjectissimi. Chusæi sunt illi, quos vocamus Æthiopes, *suprà dist. 4.* Asiatici molles, circumspetti, magno animo & artium omium capace. Europæi simplices, aperti, feroces. Dixerat Noachus: *Dilates Domus Japhetnm.*] Dilates, nempe locum, ut *Psal.*

Pſalm. 18. 20. Iocum, in quo habitat, id est, accipiat latissimam terræ hæreditatem à Deo. *Et habitat in tabernaculis Sem.*] Scilicet Deus. Ita Chaldaus Onkelos, quem sequitur Nicolaus Fullerus lib. 2. *Miscellan. cap. 4.* Xerus Deus coletur in posteris Semi, quando ab illo orti Judæi leges à Deo acceperunt, *Pſalm. 147. 19. 20.* atque Servator ipse ab eis carnem allumere voluit, per quem benedictio venire debebat super omnes populos terræ, *Gen. 12. 2. 3. Eritq. C. in anserum eis.*] *Gen. 9. 27. cap. 15. 18. 19. 20. Numer. 24. 8. 9.*

IX. Dicit Befoldus: *Gracia, Italia, Germania aliæque temperate provincie civiles maximè sunt, & magna Imperia artibus politicis gubernaverunt.*] dist. 7. De Gracis verum est, si Alexandri Magni expeditionem consideres, qui hirco volanti assimilatur, *Dan. 8. 5.* Namque è Macedonia progressus ad ultimos fines Indorum, quod nemini hætenus inter Reges contigerat, horribili celeritate, fulminis in modum pervasit, Alexandriam in Ægypto condidit felici auspicio, quando urbs illa deinceps caput Imperii Macedonici fuit, donec in Romanorum potestatem concederet, *Num. 24. 24.* De Italis notum est, quid Romanifecerint. Quicquid regionum est à Sarmatis & Danubio ad Euphratem & Æthiopiam usque porrectum, hoc omne in Romanorum potestatem redactum est. Ejus Imperii caput Roma fuit, omnium quo fuerunt unquam, atque etiam erunt, urbium magnitudine, splendore, cultu, atque incolarum multitudine princeps, uti breviter describitur apud Justum Lipsium lib. 3. *de magnitudine Romæ cap. 2. 3. 4. seqq.* Denique Germanorum potentiam extulit Carolus Ma-

gnus, gente Allemannus, dominatu Francus, uti diximus *suprà cap. 16. dist. 20.* Scilicet Imperium Occidentis, quod Barbarorum irruptionibus oppressum erat, instauravit ille, atque Italiani, Allemanniam, Saxoniam, Cimbricam, Galliam, Pannoniam, Hispaniæ partem, Imperio suo acquisivit.

X. Pergit Befoldus: *Septentrio apud priscos Philosophos & mysteriorum explanatores cæteris plagis postponitur, ab iisq. ubi inferi loquantur.*] dist. 8. Fabulæ origo fuit inde, quòd montes in Thule vomerent ignes, veluti ibi essent Averni portæ, uti refert Petrus Bertius in *Tabulis contractis lib. 2. pag. 71.*

XI. Pergit Befoldus: *Hoc quoque adde, totum mundum habitabilem esse, secus ac antiqui crediderunt, qui zonas torridas hominibus privatas reputaverunt.*] dist. 9. Americæ populos non esse gentem ante secula pauca in terras illas delatam, satis convincunt Imperiorum ordinata distinctio & constans ratio, superba urbium & viarum structura, ædificiorum splendor, legum multitudo, religionis & sacrorum cum antiquissimis Asiæ Africæque incolis maxima convenientia, opificum industria, hominum multitudo non in continente solum, verum etiam in vicinis Insulis maxima. Omnia illa non tam secula, quam millenarii de orbe novo arguunt. Neque fidem merentur illa, quæ dissertit Johannes Henricus Ursinus *Tom. 1. Analect. sacror. lib. 6. cap. 24.* scilicet, post Christum natum cepisse demùm habitari Occidentem. Rationes adfert: (1.) Quia non erant migrationes gentium ante Servatorem natum, quæ demùm post tempora illa fuerunt plurimæ. *Respondeo:* Erant olim migrationes Phœnicum, Græcorum, Cæ-

rum, Celtarum, aliorum populorum, de quibus referunt Diodorus Siculus *lib. 5. cap. 81. 82. seq.* Curtius *lib. 4. histor.* Pausanias *lib. 7.* Thucydides *lib. 1. hist.* Justinus *lib. 4.* Strabo *lib. 4. Geograph.* Et illæ ipsæ, quæ post Christum natum describuntur factæ esse, expressè additas habent circumstantias in Annalibus, unde venerint, quò contenderint, nemo tamen commemorat Americam. (2.) Quia regiones istæ longius remotæ sunt, itaque olim habitari non potuerunt, quomodo Japonia, Grönlandia, Islandia aliquot seculis demùm post natum Servatorem acceperunt incolas, antea jacebant incultæ. *Resp.* Quòd remotæ sint, verum est, atqui navibus adiri poterant. Boreas incultior semper fuit, neque eò ceperunt esse migrationes, quòd nihil ibi preciosum aut jucundum esset, sed ingrata omnia. (3.) Quia ante illa tempora non fuit causa exeundi de hoc nostro orbe, in quò terræ multæ jacebant desertæ. *Respondeo:* Causa erat, quòd abundante multitudine loca quæerent spaciola, eandem ob causam, uti hodiè Europæorum coloniarum abeunt ad Indos, ibidem habitandi gratiâ.

XII. Non tamen ita antiquos colonos dixerimus, ut ante diluvium Noëticum habitavisse per Americam, statuamus cum Petro Opmeiro *lib. 1. Chronographia pag. 13.* vel cum Marco Lescarboto *lib. 1. de nova Francia cap. 3.* fingamus, eò Noachum profectum cum nave sua, importavisse nepotes suos. Quòd si in re obscura divinare liceat; à Tyriis & Pœnis originem petiverim, qui soli Oceanum Eoum & Atlanticum classibus quondam peragraverunt, & colonias in remotissima loca deduxerunt, quòd magnetis usum benè cognitum haberent, uti

censet doctissimus Fullerus *lib. 4. Miscellaneorum cap. 19.* De quò tamen dubitare nos jubet magna ratio, uti indicabimus infra *lib. 2. cap. 18. dist. 11.* Expressit veterum Annalium fidem Curtius de Tyro: *Diu mare non vicinum modò, sed quocunque classes ejus adiverunt, ditiosis sua fecit.* Et paulò post: *Colonia ejus penè toto orbe diffusa sunt, Carthago in Africa, in Bœotia Thebe, Gades ad Oceanum.* Credo libero committentes mari, sepiusq; adendo cateris incognitas terras, elegisse sedes juveniunt, quatinus abundabant, *lib. 4. Historiarum.* Eteredo factum illo tempore, cum Hebræi pepulerunt Cananæos. Tyrum prædicat, vocatque civitatem munitam Josua *cap. 19. 29.* & partem aliquam Cananæorum à Josua expulso in Africa Tingitana consedis, omnemque illum tractum ad Herculis columnas obtinuisse, author est Procopius Cæsariensis *lib. 4. de bello Vandalico.* Soli Phœnices, & qui ab eis descenderunt populi, Solis ac Lunæ cultum, nullis aliis Idolis permittum, observaverunt. Eadem sacra habebant Americani, addebantque victimas humanas, uti refert Ludovicus Godofredi in *Archontologia Cosmica lib. 1. pag. 315.* Hoc quoque arguit primos incolas Phœnicibus fuisse Molochi famosis cultoribus, *Dent. 18. 10.* Post Salmanassar & Nebucadnezaris bella continua in gentibus illis ac vicinia gesta, Phœnicum expeditiones maritimæ diminui admodum, tandem verò etiam prorsus omitti ceperunt Tyro devastatâ, urbe incensâ, civibus inde ad Pœnos abeuntibus, quod narrat Josephus *lib. 10. Antiquit. & lib. 1. contra Appionem.* Ac post restauratam urbem, nullas ferè quàm propiores in Oceano Atlantico Insulas & divites

divites Indiæ Orientalis regiones supra promontorium Bonæ Spei adiverunt, itaque accidit, ut secutis deinceps annis Atlanticus orbis paucis obscurissimè notus, plurimis ignotus fuerit.

XIII. Obscuræ famæ indicium est, quod Diodorus Siculus *lib. 5. cap. 19. 20.* narrat, Phœnices olim extra columnas Herculis profectos, ventorum procellis in Oceanum abreptos, tandem ad Insulam magnam apulisse, complurium dierum navigatione à Lybia versus occasum remotam, cujus solum fugiferum, annes navigabiles, sumptuosa ædificia fuerint. De America rectè exponit Adrianus Turnebus *lib. 1. §. Adversus. cap. 6.* ut vocetur Insula, quia talis putabatur, nondum satis exploratis finibus, esse, uti neque hodiè patet. Quòd verò Gerhardtus Johannis Vossius *Dissertatione de Scientiis Mathematicis cap. 42. num. 10.* putat Britanniam esse, non approbo: (1.) Quia Britonicæ Insulæ non sunt ad Occidentem sitæ, verùm ad Boream. (2.) quia ille maris interfluentis ambitus, quæ Britanniam, non est ita spaciosus. (3.) Quia Britonicæ Insulæ fuerant dudum antea cognite, propter commercia in Tartessò vel Gadibus, unde non magnus transitus est in Britanniam. Porro etiam, quòd plurimis ignotus fuerit, constat duplici argumento. Primum est, quòd Aristoteles *lib. 2. de Meteoris cap. 5.* Plinius *lib. 2. histor. natur. cap. 68.* Cicero, Macrobius statuunt, duas frigidas & unam torridam Zonam nec habitari, nec posse habitari, ob solis ardores frigorisque laxitiam intolerabilem. Virgilius concinit: Quinque tenent cœlum Zonæ, quarum una coruscò semper sole rubens, & torrida semper ab igni est. Quam circum extremæ & extræ laque tra-

huntur, cœruleæ glacie concretæ, atque imbribus atris. Has inter mediamque duæ mortalibus agris Munere concessa Divum, & via secta per amplas, Obliquus quæ se signorum verteret ordo, *lib. 1. Georgic.* Cæterum multò aliter sese rem habere, atque illi existimabant, docuerunt olim Eratosthenes, Marinus, Tyrius, Ptolomæus, Avicennas. Nec tamen hi de America quicquam exposuerunt, sed Ceilanam, Taprobanam, Abassinos incolentes Zonam torridam, descriperunt. Secundum est, quòd veteres omnes, qui vel orbem universum, vel regiones propius ad Americam contingentes illustraverunt, de America nihil commemorant, Strabo, Mela, Plinius, Ptolomæus, Solinus, Philostratus, Dionysius, Periegetes, Eustathius, Marcus Paulus Venetus, Benjamin Tudelensis, Nubianus, Antoninus, Vincentius Speculator.

XIV. Frustrâ ergò probare contendunt Bartholomæus Keckermannus *lib. 2. System. Geograph. cap. 4.* Isaac Habrecht *Recognitionibus ad Elementale Mathematicum Langii pag. 539. seqq.* Justus Lipsius *lib. 2. Physiologia Stoica Dissertat. 19.* Matthias Berneggerus *Commentario ad Germaniam Taciti quest. 188.* Georgius Hornius *lib. 1. de Origine Americanorum cap. 10.* quòd orbis novus fuerit non solum antiquissimis Tyriis, verùm etiam populis aliis exactè cognitus, quanquam non frequentatus propter multos in re navicularia defectus. Rationes adferunt: (1.) Quòd Plato in *Timeo & Critia*, nec non Aristoteles *libro de mirabilibus auscultationibus* nominent Insulam Atlantidem, Asiâ & Africâ major em, in ostio Oceani non procul à columnis Herculis positam. Hæc sanè America erat. *Resp.* Dicit Acolta

(&

(& ante eum observaverat Marſilius Ficinus) omnem Platonis de Atlantide narrationem eſſe *μυθικὴν* τι , cū præſertim à Critia puero inter cantilenas mulierum cam narrationem auditam eſſe fateatur. Contextus totus ejuſmodi *μυθικὰ* plurima continet, ac quamvis fortè videri poſſit primò τα *μυθικὰ* fundari in re verè geſta , non tamen Atlantides illæ, Inſulæ fuerint aliæ, quàm quæ in Oceano poſitæ Atlantico ſunt Inſulæ Fortunatæ, Plutarcho etiam in *Sertorio* nominatæ, & Plinio, Solino, Ptolomæo. (2.) Quòd Hanno Pœnus à Gadibus ad fines uſque Arabiæ circumvectus, novas terras invenerit, teſte Plinio *lib. 2. hiſtor. natur. cap. 66. lib. 6. cap. 32.* Reſpondeo: Pœnorum ſolertia in peragrando Oceano laus nota eſt , veruntamen Hanno in Americam eo tempore non pervenit , ſed Nigritarum, Guineæ, Indiæ littoralis citra promontorium bonæ ſpei tractum perlustraſcit, ut dicemus *infrà lib. 2. cap. 18. diſt. 18.* ubi Periplum Hannonis brevibus notis illuſtrabimus. (3.) Quòd Seneca in *Medea* dicat: *Veniunt annis ſecula ſeris, quibus Oceanus vincularum laxet & ingens pateat tellus, Tiphiaq; novos detegat orbes, nec ſit terris ultima Thule.* Si Veteres nihil ſciverunt de novo orbe, quomodo Seneca tam expreſſè de eo potuit vaticinari? *Reſpondeo:* Atqui Seneca non de certo aliquo orbe novo , ſed de orbibus, id eſt, terris & inſulis novis poëtice aliquid exponit, deque illis ut futuris, non ut tunc cognitis vaticinatur, eo verò etiam vaticinii genere, quod viri ſapientes familiare habent. Videbat namque jam illo ſeculo, navigationibus amplis mare ſulcari. *Horatius:* Impiger extremos currit mercator ad Indos, Per mare pauperiem fugiens, *lib. 1.*

Epist. 1. Poteratque hominum induſtriam eò aliquando progreſſuram exiſtimare, ut magno Oceano enavigate, magnos orbes aperiret. Britanniam nuper inventam, velut orbem novum habebant. *Toto drusus orbe Britannos,* ait Virgilius *Bucolic. 1.* erantque navigationes & naufragia illa, quæ Diodorus Siculus & Plinius *l. d.* ex antiquis Phœnicum, Tyrrhenorum, Pœnorum monumentis narrant, in Oceano magno cognita. Senecæ ergò verba non habent locum in præſenti negotio , ubi demonſtrandum erat, non quid futurum eſſet, vel fieri aliquando poſſet, ſed quid tunc eſſet. Ac Senecam noville, quæ diligentiffimus Geographus Strabo , & ſummus Coſmographus Ptolomæus ſignorabant , improbabile admodum eſt, uti quilibet videt.

XV. Addunt: (4.) Quòd Rex Salomon in portu quodam maris rubri naves conſtruxerit, quæ in Ophir proſectæ maximas auri opes inde petiverint, 1. *Reg. 9. 26.* 2. *Chron. 8. 17. cap. 20. 36.* Ophir ſono convenit cum Peru Americæ, atque indidem eſt aurum Parvajim, uti ſtatuunt Ariæ-Montanus, Vatablus, Genebrardus, Eugubinus, Poſtellus, Emanuel Sà, Philippus Mornæus *lib. de Veritate Religionis Chriſtiana cap. 26.* Paulus Merula *Diſſertatione de Maribus cap. 3.* Eraſmus Smidius *Diſſertatione de America Commentariis Pindaricis inſerta pag. 261.* Petrus Bertius in *Tabulis contractis lib. 7. pag. 774.* Verùm quòd Ophir non ſit Peru, rectius tuentur ac operoſè Probant Joſephus Acoſta *lib. 1. de Natura Orbis Novi cap. 13. 14.* Johannes Pineda *lib. 4. de rebus Salomonis cap. 3. ſeqq.* Caſpar Enſius *lib. 2. de India Occidentali cap. 2.* Orbis novus, ſi aurum Peruanum excipias, nihil earum rerum

rum habet, quæ ex Ophira ad Salomonem deferebantur, cujusmodi erant gemmæ preciosissimæ, ebur, pavones, simiæ, lignaque rarissima, ex quibus citharæ aliaque instrumenta Musica fabricabantur. Neque auri copia in America tam celebris est, ut Indix Orientali præferatur. Ubi ergo dicemus, fuisse hanc terram, an dextram egredientibus mare rubrum, id est, in Africa, an ad sinistram, id est, in Asia? In Asiam, & quidem partem eam Indiæ, quæ aurea Cherfonesus à Ptolomæo vocatur, nos ducunt Josephus lib. 8. *Antiquit. cap. 6.* Hieronymus *Epistolâ ad Principiam.* Lusitanorum quibus regiones illæ maximè innotuerunt, eruditissimi, & inter eos Pineda lib. 4. *de rebus Salomonis cap. 16.* Johannes Maffæus lib. 1. *histor. pag. 35.* Caspar Verreri *libello de Ophir*, Thomas Campanella *lib. de Monarchia Hispanica cap. 31.* ajunt, in eam partem Indiæ, quæ ultra Gangem est, & Sumatræ, Pegusæ, Sian, Malaccæ Regna complectitur, congruere omnia: Esse ibi auri & argenti copiam magnam, gemmas optimas, elephantos, simias, pavones, ligna pulcherrima, & quibus parentur citharæ. Et fortè Sapphirus nomen habet ab illa terra, in qua reperitur. Sequuntur hoc Tremellius & Grotius *in notis*, ac Consentiant Conimbricenses lib. 2. *de Cælo cap. 14. quest. 1. art. 4.* Jacobus Saliæ in *Annalibus sacris Tom. 3. pag. 791.* Cornelius à Lapide *Commentarius in libros Regum pag. 153.* Caspar Sanctius *commentariis ibidem pag. 1111.* Samuel Bochartes lib. 2. *Geographia sacra cap. 27.* Franciscus Stypmannus lib. 2. *de navigatione cap. 3. num. 35. seqq.* Petrus Ravanellus in *Bibliotheca sacra pag. 159.* Augustinus Tornællus in *Annalibus sacris Tom. 2. pag.*

27. num. 8. Johannes Stephanus Menochius lib. 7. *de Republica Hebræorum cap. 10. quest. 5.* Johannes Gerhardus Vossius in *Lexico Etymologico pag. 350.* Firmaturque manifestò ex sacris literis conferendo loca Gen. 2. 11. cap. 10. 29. & vide nos *suprà dist. 4.* In Africa quæritur Gilbertus Anglus lib. 1. *de Magnæ cap. 1.* Paulus Merula *part. 1. Cosmographia lib. 2. pag. 196.* Matthæus Berwaldus lib. 3. *Chronici pag. 146.* Abrahamus Ortelius in *Thesaurò Geographico*, nominantque Sofatam in Oceano Æthiopico sitam Insulam. Verùm, cum in Sofala nullæ sint gemmæ, argentum nullum, nulli pavones, quæ omnia ex Ophir præter aurum etiam adferrebantur, Sofala non potest Ophir esse. Dicunt *Morneus & Habreßius*: Si Ophir in Orientali India erat, quid opus fuit, ut Salomon Hiram naves ejusque nautas ad consiciendum iter tantillum adhiberet? Neque Orientalis India tam est à Judæa remota, ut triennium in ista navigatione consumendum esset, quantum in Ophiriticis mercimoniis impendebatur. 1. Reg. 10. 22. *Respondeo*: Navibus Hiram utebatur Salomon, tanquam amici sui, & cum quo societatem nauticam pactus erat, quod solenne est, & in simili casu vide 2. Paral. 20. 35. 36. Nautis quoque utebatur ejus quod illi navigationum periti, & mercimoniis intenti, melius omnia administrare possent, quàm Hebræi, agriculturæ & militiæ adversus vicinas gentes studiosi. Denique iter ad Ophiram non erat trium annorum, ut tot anni impenderentur uni itineri, sed naves sociæ quovis triennio semel conmeabant ad Ophiram. Tremellius expressit clarè: *Semiliteris annis venebat classis ex Oceano adferens aurum & argentum.* Cogitemus ta-

men, an forte non in Indiam usque iverint naves Phœnissæ & Judaicæ, sed ad oppidum situm prope Arabicum sinum, quâ ille Oceanum spectat, quod à phar vocat Arrianus in *Periplo*, Saphiar appellant Plinius & Ptolomæus, Homeritarum Metropolim, videlicet Indires suas huc detulerunt, inde autem petiverunt gentes longius ab India remotæ.

XVI. Plura cumulat Georgius Hornius *lib. 2. de Origine Americanorum cap. 8.* ut evincat, Ophiram esse regiones Americæ. Dicit: (1.) Cùm immenta fuerit sapientia Salomonis, necesse omnino est, ut magnæ illius terrarum orbis partis non fuerit ignarus, quæ tot miraculorum ferax est. *Respondeo*: Sciverit, annon, nunc quidem scire haut interest. Scivisse eum, non inficiamur, quia scire potuit ob commercia cum Tyriis & Bœticæ incolis frequentata, quibus notæ erant terræ istæ à populis suis habitatæ, aut saltem non poterant esse incognitæ. An verò inde sequitur, Ophiram esse in America? Nequaquam, aliter nos docet Moses, *Gen. 10. 28. 29.* (2.) Sive igitur ex Erythræo, sive Mediterraneo mari solverit ejus classis, Americam præsertim trienni navigatione petere potuit. *Respondeo*: Classis ejus solvit à mari Erythræo, quia ibi est Tyrus Insula, colonia veteris Tyri, *1. Reg. 9. 26. 2. Chronic. 8. 17. 18.* Neque tres anni illi debent aliter sumi, quàm dictum fuit *suprà dist. 15.* (3.) Quanquam sententia Goro-pii Becani & Francisci Bivarri non omni fundamento careat, Itatuentium factam illam navigationem per mare Mediterraneum, non verò quod communiter putant, è mari Rubro. *Respondeo*: Ineptissima-

rum originum Scriptor ineptus Becanus, plurimis commentis dudum omnem decoxit fidem. Disertè nominantur *Esiogaber, Eloth, mare Suph, terra Edom*, quæ omnia commonstrant mare Rubrum, itaq; non potest esse mare Mediterraneum. (4.) Quia & Tharsis & Tyrus & Esiogaber sunt ad mare Mediterraneum. *Respondeo*: Tharsis nunc valet appellativè, ut *navis Tharsis* rectè dicatur esse, *navis oceanica*. Tyrus non est illa Phœnicæ urbs, sed est insula in sinu Arabico, ubi Erythræi sepulchrum ostendebatur, palmis undique constum, ut inarrant Strabo *lib. 16. Geograph.* Stephanus *ᾠδὴ πηλεον*, Plinius *lib. 6. cap. 28. lib. 12. cap. 10. 11.* Hodie est Baharem, ut notat Johannes Wilhelmus Stukius *Scholius in Periplus maris Erythræi, pag. 56.* Esiogaber est ad mare Rubrum, civitas quondam opulenta cum portu amplissimo, diruta sub Alexandro Magno, Strabone teste *l. d.* (5.) Nec Tyria classis ex sinu Arabicoolvere potuit, cum qua iverunt Salomonis naves. Namque Hiram non classarios tantum, sed & classẽ Salomoni suppeditavit. *Respondeo*: Navigaverunt à Tyro insula, quam colonis suis impleverant, uti antea dictum est, ac notavit Franciscus Vatablus *1. Reg. 9. 27.* (6.) Eziongaber, unde classis abivit, non fuit ad mare Rubrum, sed potius ad Mediterraneum. *Respondeo*: Imò expressè dicitur, quod Esiogaber fuerit *propè Eloth ad litus maris Suph*. Hoc mare non est aliud, quàm mare Rubrum. Ac Eloth fuit urbs ad eundem sinum, quod docent Ptolomæus *lib. 6. cap. 28. Geograph.* Strabo *lib. 16.* Plinius *lib. 5. cap. 11.* atque insuper testantur itinera Ebræorum per desertum, *Numer.*

33. 35. 36. 37. *Deuter.* 2. 8. Namque illi dicuntur ab Eloth & Esiongaber venisse ad terras Midianitarum & Moabitarum, qui tunc temporis habitabant ad Rubrum mare, & prælio inferiores, terram suam rapinis exposuerunt, *Numer.* 3. 18. (7.) Suph cum terminum quemvis notet, non Erythræo tantum mari, quanquam huic frequentius, verum etiam Mortuo & Mediterraneo tribuitur. *Respondeo:* Mare Suph, id est, *Juncofum*, in sacris literis perpetuo est mare Rubrum, *Exod.* 23. 30. *Numer.* 33. 11. *Deut.* 2. 1. *Psal.* 106. 7. 9. 22. *Jerem.* 49. 21. (8.) Tharsis est Hispaniæ urbs Tartessus ad mare Mediterranium, celebris navigationibus ob copiam auri. *Respondeo:* Frequenter valet de urbe ista, uti *Ezech.* 27. 11. *Jona* 1. 3. & confer Johannem Druisium lib. 3. *Observationum* cap. 13. lib. 6. cap. 3. lib. 9. cap. 12. Nunc verò sumitur appellativè, uti *Psal.* 48. 8. *Esa.* 2. 16. cap. 23. 1. (9.) Falsum est, quod Idumææ termini unquam fuerint ad mare Rubrum producti. Tempore Moïsis Midianitæ littoralem illum tractum accolebant, postea Troglodytæ. Idumæi fuerunt interiores. *Respondeo:* Antiquissima Idumæorum habitatio fuit ad mare Rubrum, quomodo etiam mare istud ab Esavo progenitore eorum habet nomen suum, inde posteriores, cum Idumæi Horrazum agros occupabant, Amalekitæ successerunt, & permisti Midianitis habitaverunt, *Judicum* 6. 7. Deinceps Amalekitæ totis agris ab Havila usque ad Sur clade internecina deleti sunt, 1. *Sam.* 15. 1. 2. *segg.* Qui evaserunt, Agarenis & Ægyptiis immixti, alii etiam procul in Mesopotamiam abive-

runt, 1. *Samuelis* 30. 1. 2. *segg.* 2. *Samuelis* 8. 12. 2. *Chronic.* 20. 2. *Psal.* 83. 7. 8. Ita factum est, ut vacuos agros repeterent veteres seu accolæ seu incolæ, Horrazi, Edomitæ, Moabitæ, Themanitæ, unde posteris seculis effecti sunt Nabathæi, *Strabo lib.* 16. *Geograph.* *Attrianus in Periplo maris Euxini.* Namque Midianitæ antè etiam profligati & fugati fuerant à Moïse, plurimi eorum in peregrinas terras abiverant, *Numer.* 31. 1. 2. *segg.* Proinde cum Rex David prælis multis conterebat Idumæos, Moabitas, omnis illa regio à montanis Seir adusque Rubrum mare, nomine renovato, dicta est Idumæa, quandoquidem olim Edomitæ, & ab eis ratione ortus non multum diversi Amalekitæ terras illas habitaverant, *Gen.* 36. 9. 10. 11. 12. Inde Eloth & Esiongaber sunt in regione Idumææ, quæ deinceps fuerunt Nabathæorum, & hodiè sunt Troglodytarum. Cæterum neque Idumæorum fines unquam fuerunt ad mare Mediterraneum producti. Tempore Moïsis & Regum habitabant ibi Philistini, *Exod.* 13. 17. *Iosue.* 13. 3. 1. *Regum.* 8. 2. 2. *Reg.* 18. 8. 2. *Chronic.* 26. 6. Quibus per Nebuchadnesarem non leviter afflictis, successerunt Kedareni vicini & Horritæ, turbamiscella, uno verbo, Arabes, *Jerem.* 25. 20. cap. 47. 1. *Amos* 1. 8. cap. 6. 2. 1. *Maccab.* 3. 24. Edomitæ sensu vero loca montosa in mediterraneis incoluerunt, & ipsi à Chaldæis vastati, *Jerem.* 25. 21. cap. 27. 3. cap. 49. 7. *Threnor.* 4. 21. 22. *Ezech.* 25. 12. cap. 32. 29. cap. 35. 5. 6. *Obadia* 1. *segg.* Donec recollecti in patriis terris majori etiam numero habitaverunt,

Malach. 1. 4. 1. Maccab. 5. 3. 2. Maccab. 10. 15. 17. (10.) Josephus manifestò Esiongeber apud Berenicen, id est, mare Mediterraneum posuit. *Respondeo:* Imò Beronice est portus ad mare Rubrum, uti Arrianus *in initio Peripli*, Strabo *lib. 16. Plinius lib. 6. cap. 23.* docent. (11.) Accedit, quòd Tyrium Regnum longè à Rubro mari & ad Mediterraneum situm fuerit. Quomodo ergò Hircanus naves suas per Arabicum sinum emisit? *Respondeo:* Jam dictum est, quòd colonia quædam Tyriorum fuerit in Rubro mari, in qua navigationes illæ commodè fieri poterant. Inde merces terrâ per camelos subvectæ in Syriam & Palæstinam, domi suæ appellebant. (12.) Sed utcunque serres habeat, sive per Arabicum sinum, sive per mare Mediterraneum navigaverint, in Americam venire potuerunt, quod Vatablo & Ariæ Montano visum est. *Respondeo:* Visum fuit idem Johanni Gotopio Becano *lib. 5. & 6. Hispanicorum*, à quo hæc omnia descripsit Hornius. Atqui si Americam petiverunt, ille in mari Rubro navium apparatus erat molestus futurus ob locorum distantiam magnam, commodus unicè, si versus Orientalem Indiam navigarent.

XVII. Contendit Hugo Grotius *libro de Origine gentium Americanarum*, quòd Americæ Septentrionalis incolæ orti sunt à Norvagijs & Germanis. Nam, ait, Mexicani & eorum vicini, cùm eò primùm veniebant Hispani, dixerunt, se non esse indigenas, & majores suos à Septentrione venisse. Itaque habent vocabula quædam Norvagica, & mores cum eis congruos, quòd venatus amarent, tempora computarent per noctes, infantes recens natos lavarent in fluviis, animas immortales crederent, captivos

Diis mactarent, corpora nuda haberent, nisi ubi hoc vetat pudor. Quæ omnia de Germanis prodit Tacitus, à Germanis verò oriundos esse Norvagos, haut debet negari, *l. d. pag. 6. 7. 8.* Probat Thulen seu Islandiam excoluerunt Norvagi à Germanis oriundi. Ab ea profecti sunt in Gronlandiam, hinc itum est in Frislandiam, ei proxima est Estotilandia, quæ est pars continentis Americæ. Rursus Americam Meridionalem cultam esse à Javæ & Gilolo populis: Peruanos verò ob Imperii ordinem & ingeniorum elegantiam à Sinenfibus provenisse Jucatenenses Æthiopice originis esse, quia circumcidantur. Hæc ille. *Respondeo:* Serius habitari cepit Septentrio, & verè illæ per Thulen vicinasque Insulas hominum migrationes ad Estotilandiam, Norumbegani, Mexicanos agros, eò minus probabiles sunt, quia non satis est, vocabula pauca sive integra sive corrupta accipere, verùm insuper opus est, ut pronuntiandi ratio, constructionis modus, imprimis nomina rerum earum, quæ domesticæ & maximè communes illi genti sunt, observentur, namque aliàs non est difficile in omnibus populis reperite vocabula, quæ cum aliis linguis conveniant. Neque igitur argumentum est, unde populi origo demonstretur. Perinde & alia sunt ejus generis, utpote apud plerasque gentes obvia, & nulli peculiaris, quamobrem certi indicii loco esse non possunt. Adhuc plurima alia obstant, quando: (1.) Terræ illæ ob cœli inclementiam rarius habitatæ sunt. (2.) Propter frigus sævissimum non possit ita migrari, atque iter longinquum perfici. (3.) Distantia per mare non nisi magnis navigiis tentari queat, glacies verò non facile multorum millia-

milliatum progressum admittat. (4.) Norvagi colonias suas, vel Americani progenitores suos in ista, quæ statuitur, vicinia non poterant oblivisci. (5.) Frislandia & Esotilandia nusquam gentium sunt, quicquid Zeni Veneti in itineraio maritimo persuadere nobis voluerint. (6.) Gronlandia in littore solum habitabatur. (7.) Nulla est ratio, quare non Boreales isti viatores secum equos & boves pro labore & pastu deduxerint, quibus tamen hæcenus carebat America, & primi intulerunt Hispani. (8.) Gilolo, Java, Insulæ aliæ nimis remotæ sint, & incolarum diversi mores ab eis, qui Americam habitant. (9.) Peruviani quæ omnia differant à Sinarum populis, adeoque isto argumento non possit origo eorum demonstrari. Regerit Grotius: Venisse è Sinis, confirmant repetæ ad oram Pacifici maris supra Floridam reliquæ navigiorum Sinenium, uti Acoëta Hispanus narrat. Solis cultus apud Peruanos fuit ante Hispanorum adventum, idem ab omni ævo præcipuus apud Sinenfes. Et quomodo Rex Sinenfium se vocat filium Solis, ita etiam Peruanorum Ingæ sese appellabant. Scriptura Peruanis erat per rerum notas, haut per litteras, idque à summo chartæ adimum, uti in Sinis, l.d. pag. 12. 13. Respondeo: Difficilior est illa navigatio, quàm ut à Sinarum navibus obiri potuerit, unde fortè fuerint illæ navium reliquæ! Solis cultus apud gentes multas fuit, non tantum in populis Sinarum. Etiam Mexicanorum Reges se filios Solis vocabant, quos tamen non venisse à Sina, docet Grotius, manetque quod Satanas eadem arte in seducendis variis populis usus fuerit. Scribendi ratio talis, qualem Grotius profert, quam fuit in usu apud Peruanos, undecun-

que falsum relatum acceperit ille. Ingæ magnificum cognomen imposuerunt sibi, quod è Jucatanæ profecti cum valido exercitu occupaverant provinciam hanc, atque populos à barbaria repurgaverant, non sine aliquo Dei consilio, itaque se à Deo ortos esse, aiebant. Quod si venerunt à Sina, uti etiam Georgius Hornius lib. 4. cap. 10. 11. differit, edicant illi, an soli venerint, an cum exercitu valido satis? Non prius, quia viri pauci non acceperant Barbaros ita faciliè in obsequium. Ergo posterius. Quando verò ante secula quatuor contigit, teste Garcilasso Inga verissimo patriarum rerum Scriptore, libro de Peruanorum Origine & Moribus, ut Ingæ in Peruviam commigrarent, quomodo non exstaret rei memoria inter Sinenfes? Quomodo non isti perrexissent ad novos noviterque exploratos vicinos itineribus perpetuis ultrò citròque commeari: Atqui nihil tale est in gentis ejus Annalibus, neque uspiam tradit Garcilasso, quod à populis ultra mare sitis majores sui provenerant, imò de Sinenfibus iste nihil omnino ex sese noverat. (10.) Quod in Jucatanæ circumcisio fuit, teste Petro Bertio, in Tabulis contræstis, lib. 7. pag. 787. putaverim à priscis Hebræis esse, qui cum Tiglathphulassar & Salmanassar irruptiones facerent cum damno incolarum, patria egressi navibus Phœnicum ad regiones procul distitas abiverunt, 2. Reg. 17. 3. segg. Pro origine Æthiopica differit Grotius his verbis: Circumcidimos vetus est Æthiopum, uti Herodotus testatur, & verò gentis hujus imperium, ante quingentos annos, quo tempore colonia eo deducta est, pertingebat ad Oceanum. Et Christianos fuisse qui illuc venerunt Æthiopes, colligimus ex-

Bapafino, quem administrabant Jucatenſes infantibus poſt annum tertium, ut Guæci & Altiæci, vocabantque regenerationem. Trahunt nos eodem celebrata in Jucatana unctio in fronte, peccati confeſſio in morbis, honeſta ſepultura, & certa de præmiis pœniſque poſt hanc vitam perſuaſio. Neque verò mirum videri debet, ſi alia ad Chriſtianam Religionem pertinentia lapſu temporum interciderunt, quod & alibi gentium novimus factum eſſe, *l. d. pag. 10. 11.* Reſpondeo: Suſpecta omnino eſt origo iſta, tùm quòd Abaſſinorum Imperium nunquam ad Oceanum Atlanticum pervenerit cò uſque extenſis limitibus, tùm quia in Jucatana omnes ſunt albi & capillati, Abaſſeni verò nigerrimi & lanati. *Regerit:* Solent corpora vini novi cœli degenerare ab origine ſua. *Reſpondeo:* Atqui candor ab æſtu inſulſcatur facilè, nigrèdo haut ita facilè à cœlo frigido repurgatur. *Æthiopus* & *Caſares*, licèt migrent in cœlum aliud, colorem haut mutare, notiſſimum eſt. De circumciſione quod dicitur, negat *Joſephus Acoſta*, fuiſſe circumciſionem notam in ullo populo Americæ, *lib. 1. Hiſtoria Indica cap. 23.* Cerimoniam aliquam Baptiſmo noſtro haut abſimilem fuiſſe ibi, ſatemur, neque tamen eos Nigrorum ſubolem eſſe credimus, ob coloris diſſimilitudinem. Uti linguarum inter ſe, ita & cerimoniarum eſſe communitatem aliquam, notum eſt. Magis vero horrenda idololatria & ſacrificia hominum oſtendunt, eos à Paganis ortos eſſe, non verò à Chriſtianis. Neque enim intra aliquot ſecula potuerunt adeò degenerare. Porro *Menaffeſ Ben-Iſraël* libro, quem vocat, *Speſ Iſraelis, pag. 22. ſeqq.*

ſeductus erroris alicujus Apellæ, Montezini, relatione, contendit, Iſraëlitas decem tribuum à *Salmanaſſare* & *Sennacheribo* Aſſyriæ Regibus deportatos in Orientis regiones, conſediſſe multis ſeculis quietos, & Imperio ſuo uſos, donec à *Scythiſ* vicinis multitudine populorum auctis, coacti excederent de terris iſtis, & viâ per *Tattariæ* deſertæ agros vaſtiſſimos repertâ in Americam conceſſerint. Hoc proriſus falſum eſſe, oſtendit *Theophilus Spizelius* *Diſſertatione de Iſraëlitis Americæ.* Paucis ſanè locis, aut potius nullis, fuit circumciſio, peculiaris character Judaïſmi; literarum Ebraicarum nuſquam aut vola aut veſtigium. Regiones, in quas poſt deportationem conceſſerunt, ſunt *חין* Colchenſes & *חין* ſeu *Iberi*, 2. *Regum* 17. 6. cap. 18. 11. 1. *Chronic.* 1. 26. Uterque populus accenſetur Ponto. An ibi peculiare imperium habuerint per ſecula multa, dubium ingens eſt, quando nullus unquam nuncius, literæ nulla hoc docuerunt, & Imperium illud nec vidit quiſquam, nec videbit unquam, ad hoc tantùm à nugatoribus excogitatum, ne promiſſa de manſuro ſemper Regno in ſemine Davidis, in Jeſu Nazareno impleta, & adhuc imperi credantur, *Luc.* 1. 32. 33. Sanè, quòd eorum origo, mores, ſacra, & quæcunque memoria in terris ſupradictis, jam à ſeculis multis perierint, conſtat, quia per *Caspianam* totam, omneſque *Scytharum* hordas ævo præterito non ſunt deprehenſi populi, qui circumciderentur. Apud *Tattaros* verò circumciſio tunc demum adhibita fuit, poſtquam *Mulamedis* ſacra perceperunt, & *Chingis*

Cha

Chanisnum, novam inter Musulmannos sectam condiderunt, ut refert Matthias Michovius in *Descriptione Sarmatiae* lib. 5. cap. 5. Tantum abest, ut Tattari sint propago decem tribulorum, & circumcissionem longis retrò seculis usurpaverint, quod Philippus Mornæus libro de *Veritate Religionis Christianae* cap. 26. Gilbertus Genebrardus lib. 1. *Chronographiae* pag. 159. persuadere conantur. Eos diligenter refellit Nicolaus Fullerus lib. 2. *Miscellaneorum sacrorum* cap. 6. Sparsas in regionibus istis Hebræorum reliquias indicabat ævo suo Benjamin Navarthenus in *Itinerario*, pag. 84. 90. 96. populos integros non reperiebat, nec commemorabat, ceterum pronus ad laudes gentis suæ consarcinandas. Instat *Rabbinus Menasseh*: Repetenda esse in Azoribus Insulis antiqua sepulchra literis Hebraicis inscripta. *Respondeo*: Magno intervallo distant ab invicem Caspiana, Tattaria, Peru, Azores, ut si in Caspiana fuerunt, & si in Azoribus, fuerint quoque in America! Potest esse Pœni alicujus sepulchrum, quem populum usurpavisse literas Phœnicicas, atque Insulas maris Atlantici navibus suis pererravisse notum est.

XVIII. Porro, Eduardus Brerevodus in *Scrutinio Linguarum & Religionum* cap. 13. Philippus Mornæus libro de *Veritate Religionis Christianae* cap. 8. Johannes Pythius in *Responsione Exegetica adversus Præ-Adamitas*, lib. 1. cap. 49. 50. Nicolaus Fullerus lib. 2. *Miscellaneorum sacrorum*, cap. 4. Thomas Campanella libro de *Monarchia Hispanica*, cap. 31. originem harum gentium accersunt ex Asia, & quidem ex Scythia Orientali

seu Tattaria, quæ si non continua pars Americae, tamen exiguo solum freto ab ea separata sit. Probanthoc, tum quod America sit obversa ad Asiam populis multis gravidam, tum ex ignorantia litterarum, idolorum cultu, morum incivilitate, quæ omnia cum Tattaris communia habebant. *Respondeo*: Atqui tractus ille est nimis amplus, neque in populis iis fuit unquam ista rei naviculariæ peritia, quando mediterraneis contenti, & pecuariæ studiosi, non curabant sulcare maria, & verò Tyrii ab antiquo studiosi mercaturæ, naviculariæ, peregrinationum, veluti qui solum non quidem fertile habitabant, sed tamen incolas haberent peregrinitatis amantissimos, magis curabant inquirere in terras procul disitis, cumque vicinis terris non possent commodè incubare, mari tentaverunt feliciter. Præterea Tattari & Sineses, imbelles genus hominum, terrestribus migrationibus celebres fuerunt, quod non fuissent toties ausuri, si maris notitiam habuissent, ita enim leviori ope obtor inhabitatos per mare agros, exoneravissent multitudinem hominum. Denique à Tattaris vagis & tentoriorum incolis non possunt derivari Americae incolæ, preciosarum domorum habitatores. Fretum Anian citra dubium fabula est, licet in Tabulis Geographicis pingatur, quomodo etiam partes alix Americae Borealis nomen equidem habent in Globis & Mappis, signenta verò sunt, uti satis constat. Nam quò minus tale fretum admitti queat, faciunt Relationes aliorum, qui regiones illas extremæ Tattariæ magnâ curâ perlustraverunt.

Geo-

Geographus Nubienſis, Marcus Paulus Venetus, Vincentius Speculator ultra Sinas & Tattariam Oceanum magnum, inque eo quaſdam Inſulas nominibus ſuis appellatas deſcribunt, Americam non referunt. Atqui ſi fretum ibi, & quidem ita anguſtum adeſſet, negari non poteſt, accolis ejus notam fore oppoſitam continentem Americæ. Concludimus: Mores, ritus, domus, ſacra Americanorum oſtendunt, eos originem debere non quidem pauperrimis Lapponibus, non etiam rudiffimis Tattaris, ſed populo alicui cultiſſimo, quales olim fuerunt Phœnices, & ab eis tra ducti Pœni. Hoc literæ ſacræ pariter ac profani Scriptores abundè teſtantur, ut de iſta origine haut debeat amplius dubitari. Certè Pœni Africæ regiones plurimas navibus ſuis adiverunt extra fretum Herculum proſecti, quod nos docet Hannonis Periplus, magnorum per mare conatuum non leve indicium, de quo agemus *infra lib. 2. cap. 18. diſt. 14.* Atque inde & ipſi & permiſti ipſis Africæ quidam populi indigenæ ad Americam itinere maritimo proſecti ſunt, facileque fuit ſuperare Oceanum Atlanticum propter crebras ex intervallis Inſulas, ut ſunt Azores, Fortunatæ, Heſperides. Sanè Azores mediâ quaſi viâ inter Hiſpaniam & Americam jacent. Ab Inſulis Heſperidibus quoque ad promontorium Viride ſitis, haut adèd longus in Braſiliam eſt trajectus, conveniunt Getulorum, qui Africam habitant, mores, corporiſque habitus ad Braſiliæ incolarum conſuetudines. Demùm fuiſſe bellum magnum inter Phœnicas advenas & incolas Libyæ exortum, in quo Phœnices ſuccubuerint, novique itineribus novas regiones quaſi verint, referebat olim Eratoſthenes, imme-

ritò ſuſcitatis ob id reprehenuſus à Strabone *lib. 2. Geograph.* Tunc verò Americam petiſſe, quò eos rectè verſus Occidentem ſpirando venti proveherent, valdè probabile eſt. Quòd Diis maſtarent homines, Saturno & Molocho conſecratos, primum incitum fuit, ut ſeritate longius procedente, invaleſceret apud populos aliquos immanis mos veſcendi etiam carne humana. Aliquos inquam, nec enim omnes dapibus hujusmodi fruebantur. Omnium Americanorum cultiſſimi Peruviani abſtinebant victimis ex hominum genere, neque carnes hominum appetebant pro victu, qua in re horum innocentiam adverſus falſas Joſephi Acosſæ relationes vindicat Inga Garcilaſſo Regiâ familiâ oriundus, *libro de Origine & Moribus Peruanorum.* Atqui in Braſilianis, Canibalibus, Mexicanis, Guajanis, Popajanis fuerunt cùm hominum victimatores, tùm homiedones, in altero imitari veteres Phœnicum mores, quorum res geſtæ crudelibus iſtis victimis plenæ fuerunt, teſte Sanchuanione apud Porphyrium *lib. 2. de abſtin. animal.* In altero diverſi ab eis, quanquam enim Marcus Leſcarbotus *lib. 1. de nova Francia cap. 3.* & Johannes Henriens Uſſinus *lib. 2. Analeſtorum ſacrorum queſt. 27.* probare velint, veteres Phœnices comedere ſolitos dapes è carnibus hominum adornatas, & aderant locum *Sap. 1. 2. 4. 5* fruſtrâ tamen illi ſunt, & veterum Authorum, qui mores Phœnicum exactè deſcripſerunt, ſuffragio carent. Verba libri dicti ſunt iſta: *Et viſcerum carnumq; humanarum voratores, epulumq; ſanguinarium.* Reſpondeo: De vivis comēſtis, ut dixi, nihil occurrit uſpian, de vivis hominibus pro victima exuſtis, plena ſunt omnia. Figuratè ergò interpretari

pretari debent verba illa, & *sanguinarium epulum* vocat convivium post sacra oblata celebratum, humano sanguine deturpatum, adeoque maximè nefarium.

XIX. De bestiis & feris quæritur, unde illæ venerint in Americam, plurimis iis, crudelibus, & quæ nusquam gentium aliàs reperiuntur. Augustinus *lib. 16. de Civitate Dei, cap. 7.* docet, feras illas vel natando pervenisse ad Insulas remotas, vel studio venationis ab hominibus eò deportatas, vel divinâ procuratione è terra noviter progenitas esse, uti olim factum est in primo rerum omnium ortu. Verùm causæ illæ omnes faciliè elevantur. Ad creationem frustrâ provocatur, quia Deus cessavit ab operibus suis, *Gen. 2. 1.* Perinde est de venatione, quia lupos, pardos, leones, tigrides, urfos, apes, vulpes, nemo ob venationis studium deportaverit eò, imò potius amovissent omnes ob greges & armenta conservanda. Restat natatio. Scilicet ex Asia ulteriori, protinus cum cepit esse universitas rerum, instinctu naturæ, quæ omnes partes orbis impleri volebat, pellebantur ad terras illas. Et verò ante diluvium facilis omnino trajectus fuit, quando nondum erant intervallo tanto superatæ orbis partes. Namque in diluvio cum aperiebantur fontes abyssi magnæ, partes orbis invicem disrumpæ alibi sunt, alibi Insulæ exstiterunt, ut quod olim natando superabant feræ, istud intervallum ne quidem aves hodiè superent volando, *Gen. 7. 11. 12. 13. 14. 15.* Exemplis similia habemus in diluviis aliis. Oceanus quondam Germaniæ agros, & Scandivaniam ita inundavit, ut hanc ab illa disseparet, freto interluente, quod nunc Coda-

num vocamus, & in quo plurimæ Insulæ deinceps exstiterunt. Refert de eluvione illa Aristoteles, *lib. 3. Eudemiorum, cap. 1.* Ex profugis erat Cimbrorum multitudo, quæ victricibus armis partem Europæ cismontanæ pervagata, demùm in Italiæ claustris à Cajo Mario prorsus deleta est, Florus *lib. 3. Historiæ Romanæ, cap. 3.* Appianus in *Celticis*, & prolixè Philippus Cluverius in *Germania antiqua, lib. 1. cap. 10. lib. 3. cap. 22.* Multas illas ad Mexicum sitas Insulas olim fuisse partem ejus continentis, ac per aquarum eluvionem maximam divulsas, ajebant ipsi Americani, teste Petro Martyre. Quemadmodum & Malabares referebant, plurimas Maldivas Insulas olim fuisse unam Continentem, uti prodit Georgius Hornius *lib. 2. de Origine Americanorum, cap. 6.* Ergò bestię in regiones illas abiverunt, antequam diluvium superfundebatur orbi, neque per diluvium eneclæ sunt, quia hoc fuit solum in illis Asiæ partibus, quas incolebant homines. A Borea non venerunt, secus quàm statuit Josephus Acosta *lib. 1. de Natura Orbis Novi, cap. 20.* Namque leones, pardos, tigrides non habet Boreas, qui tamen copiosi reperiuntur in America.

XX. Pergit Besoldus: *Ad promontorium bonæ spei incolæ nigerrimi sunt, & causam hujus nigredinis, calorem propinquitatemque solis omnes opinantur esse.* dist. 10. Unde sint Æthiopes nigri, pluribus disquirat Augustinus Torniellus in *Annal. sacr. Tom. 1. pag. 133. seqq.* Concludit demùm, esse ab aspectu nigri rei, quam Chusi à quo Æthiopes orti sunt, mater gravida per imaginationem firmam apprehenderit, quomodo oves

positis à Jacobo variegatis baculis contraxerunt pelles maculosas, Gen. 30. 37. *Respondéo*: Quòd magna sit potestas imaginativæ in efformando fœtu, quatenus illa per objectum externum afficitur, negari haut debet, probatque Thomas Fienus *libro integro de Imaginativa*. Cæterùm in præfenti negotio haut valet, quando si unus isto modo productus est, non etiam sequitur, plures ita produci deinde temporum cepisse. Quòd enim occasio hujusmodi pluries sese obtulerit, ac populus universus nigrum colorem acceperit, probabile non est. Ab æstu vera causa non satis verè petitur, uti constabit per argumenta varia: Quia ab utero & cum primo ortu colorem istum habent ex albo quamvis semine: Quia in locis istis, ubi perinde validus, imò validior est æstus, quàm in Congo & Abassina, tamen sunt homines candidi, videlicet in Mombaza, Melinda, & S. Thomæ Insula: Quia inter medios Æthiopas in Regnis Congo, Quiloa, Zofala, aliis progenies Lusitana ab avito colore non degenerat, etsi jam centum annis amplius eisdem æstus toleraverint: Quia America, licet æstuosissima, nullos alios tamen agnoscit Æthiopas, quàm paucos indigenas in Quaregua exigua ad fluvium S. Marthæ, provincia, & alios ex Africa ab Hispanis & Batavis importatos advenas: Quia in maximis Afrix ardoribus pauci inveniuntur fuscì, nulli verè nigri: Quia non potest dari evidens causa, quare corpus nigrum sit, corporis quædam partes albæ. Proinde à feminum natura jam olim colorem illum derivavit Herodotus, ineptè causatus tamen ipsorum seminum nigredinem similem, quo nomine rectè illum confutavit Aristoteles *lib. 2. de generat. animal.*

cap. 2. Haut facillè tamen dixerim, quo auctore aut qua de causa primò omnium iste color ceperit, antequam quasi in hæreditatem veniret. Fabulis simillimum est, quod Wilhelmus postellus *libro de Concordia orbis* scribit, à diris Noachi, quibus ille filium suum Chamum oneravit, in nepotem Chusum nigredinem eam derivatam esse. Quare enim non ob similem causam nigredo in Caino & filiis ejus ante diluvium effecta est, & ob similes diras? Imò quare Chusi unius posteritas à diris illis contraxit nigrorem, & non perinde alij posterì Chami? Denique si color iste ab intenso calore est, quamobrem non deteritur sensim eorum nigredo, cum deportantur extra patriam suam, & sub nostrate cælo provivunt, ubi non est calor adeò intensus & penetrabilis?

XXI. Magis verò etiam hîc refelli mereatur Andreas Cæsalpinus Medicus Romanus, qui dum Aristotelicæ opinioni de æternitate mundi palàm cupit patrocinari, fingit, mortalium vetustissimos, instar murium aut ranarum in locis ob solis calorem actuosissimis, quæquam ob varia impedimenta inaccessis, ex putredine olim procreatos fuisse, & quoque hodiè procreari, *lib. 5. Questionum Peripateticarum sect. 1.* Eo commento vult solvere nodum, qui constituitur contra Aristotelem à progressu in infinitum, (quem aliàs Peripatetici negant esse admittendum) si per continuam ab æterno successionem homines ex hominibus progeniti fuerint. Atqui longè facilius nobis est negare hoc assertum Cæsalpini, quàm ipse probaverit illud, quando istorum hominum è terræ putredine à solis influxu editorum nec vola, nec vestigium uspiam reperitur. Instat Cæsalpinus: (1.) Dictum Ari-

stoteles

stotelis est : *Sol & homo generant hominem*, 2. Phyl. unde constat, quod animalium calor fecundus est virtute caloris, qui soli inest. Quod ergo intra animalia operatur sol, idem ipsum operabitur quoque intra aliam materiam congruam, ut illa fecunda efficiat. *Respondeo*: Negatur, quod seminis fecunditas præcisè à sole dependeat, erat enim herbarum fecundarum progenies à Verbo Domini, antequam sol erat, *Gen. 1. 11. 12. 13. 14. seqq.* Deinde: Sol est agens universale, quicquid autem fit est singulare, itaque Philosophus expressè addit particularem efficientem, *sol & homo*. Cæsalpinus non rectè omittit, ut soli pares cum Deo vires agendi vindicet, impudenti ausu. (2.) Concedit Aristoteles, possibilem esse hominum generationem ex verme, *lib. 3. de generat. animal. cap. 10.* Et 7. *Metaph. tit. 22. 3. 1.* ait, posse in natura eadem fieri, quæ ex semine fiunt, uti pateat in artibus. His ratio accedit: Cæli motus omnem perfectionem qualitarum & effectuum producit in sublunariis, ut quod potestate illà continent, actu perficiant, *1. Meteor. 3.* Ergo etiam putrem materiam afficere potest, ut animal producat. *Respondeo*: Mera testimonia à Philosopho, & tamen illa etiam in sensum prævium detorci. Loco primo non concedit, sed tantum *ἡνέκα*; ponit: *Si est, ut veteres dicunt, initio quosdam homines de terra procreatos fuisse, omnino vel ex verme, vel ex ovo produrisse illos necesse est.* Loco secundo ait de formis accidentalibus, itaque ad omnia Naturæ opera, quod illa imitari Ars possit, imperitè trahitur. Loco ultimo describit influxum Cæli, quem in elementa derivat. Hoc non probat animalia posse nasci à quiscunque per influxum So-

lis. (3.) Experientia testatur, plantas multas è putredine otiri, cimices, pulices, pediculos in vestibus gigni, mures in navibus procreari. Quod natura facit in quibusdam, idem facere potest in omnibus. *Respondeo*: Negamus antecedens. Putredo sola nullam speciem efficere potest, verum seminalis vis ad producendam speciem certam requiritur, uti alio loco demonstrabimus, & multis prosequitur Fortunius Licetus in *signi Opere de spontaneo vivendi ortu*.

XXII. Dicit Besoldus: *Hominum etiam varia commistiones ex populorum migrationibus ortæ, mirabiles mutationes produxerunt. Ita Celte in Liguriam; Longobardi & Gotti in Italiam; Gotti, Vandali ac Suevi in Hispaniam; Franci & Burgundiones in Galliam; Suevi in Allemanniam magnis agminibus profecti sunt.* Primi Italiæ habitatores sunt à *Ἰάβρι* Javanis filio, Japheti nepote, *Gen. 10. 2. 4. 5.* & prolixè Samuel Bochartus *part. 1. Geographiæ sacræ lib. 3. cap. 5.* Hinc enim propagavit ex sese partem Insulanorum, & illam continentem, quæ à Macedonia sese porrigit usque ad Italiæ fines mari separatos à Sicilia, olim verò cum Sicilia uno tractu adhæserat, uti referunt Justinus *lib. 4. histor.* Pomponius Mela *lib. 2. cap. 7.* Strabo *lib. 6. Geograph.* Antiquitatis sensum expressit Virgilius: Est locus, Hesperiam Graii cognomine dicunt, Terra antiqua, potens armis atque ubere glebæ, Oenotrii coluere vini, nunc fama minores Italiam dixisse Ducis de nomine gentem, *lib. 1. Æneid.* ubi Servius annotat: Oenotria dicta est à vino optimo, quod in Italia nascitur, *pag. 216. Commentar.* Prima horum sedes fuit in Mesopotamia, ubi Oenotrios olim habitavisse, ex Hecataeo Abderita do-

cet Stephanus *Ἐπιπλάων*. Ac verè tradit Dionysius Halycarnassæus *lib. 1. Historiarum*, fuisse Pelasgos, id est, advenas è Syria, *ἡλῆς*. Accesserunt plures, atque turba miscella ista vocabantur Aborigenes, *οἱ ἀυτοχθόνες*. De quibus iterum *Virgilius*: Tunc Rex Evandrus, Romanæ conditor arcis, Hæc nemora indigenæ Fauni Nymphæque tenebant, Genisque virum truncis & duro robore nata, Quæis neque mos neque cultus erat, nec jungete tauros, Aut componere opes norant, aut parcere parto, Sed rami atque asper victu venatus alebat, *lib. 8. Aeneidos*. De *Ἐνδρ* vide plura in sacris literis, *Numer. 24. 24. Esa. 23. 1. cap. 11. 10. Ezech. 27. 6. Dan. 11. 30. 1. Maccab. 1. 1.* Celtæ verò sunt pars Gallorum, quos commigravisse in Liguriam, refert Strabo *lib. 2. Geograph.* & adde prolixè Philippum Cluverium, *lib. 1. Italia antiqua, cap. 1. 2. 6. 7.*

XXIII. Primi Gotti exterarum nationum in Imperium Romanum invaserunt, eo tempore, quo Decius Cæsar præerat, Vistulæ, Danubii, Balthici maris accolæ, iis locis, ubi nunc sunt Borussia, Cassubii, Tattari, Destenses, Crimæi, Roxalani, Siberi ad paludem Mæotidem. Postquam diriperant Græciam & vicinas Asiæ provincias, repetiverunt patriam, sed post aliquod tempus ipsi etiam ab Hunnis Scythiæ Caspianæ populis in arctum redacti, adeoque novorum hospitem tædio iterum egressi, ceperunt Romam, Galliam Narbonensem, pulsas Vandalis, Hispaniam totam, Africam Tingitanam. Prisci noverant eos, uti Herodotus auctor est, quid dicit, Electrum vel succinum provenire ad fluvium Eridanum, *lib. 3.* Verba ejus sunt: Deul-

timus Europæ quid pro comperto referam, non habeo, neque adfentior, fluvium quendam esse, Eridanum à Barbaris vocatum, qui exit in mare Septentrionale, unde electrum venire narratur. Nam vel ipsum nomen fluvii Eridanum coarguit, esse Græcum, non verò Barbarum, ab aliquo Poëta confictum. Constat tamen, ab extremis Europæ ad nos venire succinum. *Hæc ille.* Insulas Electrides in Oceano Septentrionali ponunt veteres Geographi, Plinius *lib. 4. cap. 16.* De quibus vix dubitare licet, quòd sint Danici Regni Insulæ, & verò succinum hodiè colligitur affatim per littora Borussia ac Casubia. Guthones verò nomine vocabat Pytheas Massilienlis, relatus apud Plinium *lib. 37. historia naturalis, cap. 2.* Eridanus est, quem Vistulam appellamus, à quo profecti Gothi, versum regiones Danubio proximas, agros suos permiserunt ab Henetis Sarmatiæ populis inhabitandos. Tacitus libro de Moribus Germanorum: *Trans Lygios Gothones regnantur, paulò jam additis quàm cetera Germanorum gentes, nondum tamen supra libertatem.* Horum traduces fuerunt Gutæ, qui Chersonesum Cimbricam, Daniam & Scandinaviam incoluerunt, atque in continentem regionis ejus secum adduxerunt Suiones, qui Suediam hodiè obtinent, Sitones, qui in Norrvagia habitant, Plinius *lib. 4. cap. 13.* De iisdem Tacitus: *Suonum hinc civitates, ipso in Oceano.* Et paulò post: *Suionibus Sitonum gentes continuantur.* Prolixius ista docent Philippus Cluverius *lib. 3. Germaniæ antiquæ, cap. 3. 4.* Johannes Loccenius in *Antiquitatibus Suedo-Gothicis, lib. 1. cap. 1.* Gothi perinde & Gutæ adhibuerant olim Runicas litte-

ras, de quibus agit Olaus Wormius libro de *literatura Danica*, cap. 4. Fallitur verò Wormius, cum negat, verè tradidisse Socratem lib. 4. *Historia Ecclesiastica*, cap. 33. Sozomenum lib. 2. *Historia Ecclesiastica*, cap. 37. Albertum Cranzium lib. 2. *Suedie* cap. 25. quòd ab Episcopo Ulfila sint inventa litteræ Gothicæ: Nam, inquit, hregiones Aquilonares peragrati fuissent, invenissent cautes atque cippos his elementis ante tempora Ulfilæ exaratos, l. d. pag. 23. Respondet: Litteræ veteres Gothicæ, quas in Borealibus cippis reperias, non sunt eadem cum novis Gothicis ab Episcopo Ulfila repertis. Hæ sanè parum discrepant à Græcarum litterarum forma, præter paucas aut aliunde acceptas, aut quas ipsi artifices pro arbitrio excogitabant ad exprimendos sonos unicuique sermoni peculiare. Testatur hoc quatuor Evangeliorum literis verbisque Gothicis edata versio, ex Codice argenteo in Bibliotheca Abbatia Werdingen reperto, per Franciscum Junium è Typographeo Dodraceno. Runicæ sunt prorsus aliæ, uti collatio docet. Porro Franci ad Albim & Rhenum accolæ in Belgicam & Galliam expediturunt, nunquam reverfuri, novumque Regnum condiderunt, uti latè exponit Johannes Isaac Pontanus in *Originibus Francicis*. Longobardi sunt Germani ad mare Balticum, itque primo in Pannonia confederunt, inde Italiam aggressi, multis annis dominium obtinuerunt. Vandali quoque expilaverunt, inde Narbonensem Galliam, & Andalusiam Hispaniæ partem acceperunt, demùm verò Numidiam petiverunt, urbe Regiæ Carthagine electâ. Diximus in Recensu historiæ universalis lib. 8.

cap. 1. dist. 1. 2. 3. cap. 3. dist. 1. lib. 13. cap. 1. dist. 1. lib. 14. cap. 1. dist. 1. lib. 22. cap. 1. dist. 1. ubi porro legantur.

XXIV. Dicit Besoldus: *Non amplius ea fertilitas est in Palestina, quæ Mosis & Iesue tempore erat.* dist. 14. De Palestina sterilitate suo jam tempore narrat Strabo lib. 16. *Geograph.* Scilicet vastaverant eam incolis asportatis, perpetuis bellis, Chaldæi, Syri, Macedones, ut deinceps non esset terra lacte & melle fluens, quam laudis prærogativam ferebat Mosis avo, *Exod.* 3. 8. Moses erat, qui profugos ex Ægypto Hebræos per desertum Arabiæ duxit in Palestinam. *Jussumus*: Dux igitur exsulum factus, sacra Ægyptiorum furto abstulit, quæ repetentes armis Ægyptii, domum redire tempestatibus compulsi sunt. lib. 16. *histor.* De transitu per mare Rubrum ista sonant, & quidem corruptè. Transiebant Hebræi per mare, aquis resurgantibus ad partem alteram, ut per modum semicirculi, ducto intra mare longo ordine, promontorium circumirent, & ad littus idem, à quo progressi fuerant redirent. *Constat*: (1.) Quia mare Rubrum non omninò separat Ægyptum à Palestina, sed tantùm partes Ægypti superiores disclimat ab Arabia, itaque poterant Hebræi transire de Ægypto in Palestinam, ut non opus esset ire per mare itinere facto secundum latitudinem. (2.) Quia certum est, quòd tam antè quàm post ingressum exitumque de mari Rubro Hebræi ambulaverint per desertum Etham, uti manifestè dicitur, *Exodi* 13. 20. *Numer.* 33. 8. Itaque ad littus idem reversi fuerunt, quando notum satis est, maris unum latus solum à deserto comprehendi.

hendi. (3.) Quia profundius est mare illud per latitudinem eundo, quam ut possit solum ejus pedibus contingi, aut inde ad littora aliquis enitatur. Hanc sententiam rectè defendunt Aben-El-dras & Tostadus *Commentariis ad Exod. 14. quæst. 9.* adversus quos frustra disputant Torniellus *Tom. 1. e Annalium sacrorum, pag. 290, 291.* Jacobus Bonfrerius *Commentariis ad Exodum, pag. 417.* Andreas Rivetus *Commentariis ad Exodum, pag. 937.* Cornelius à Lapide *Commentario ibidem.*

XXV. Pergit Besoldus: *In Chaldaea, ubi imperium nulli simile, ubi hominum incredibilis erat multitudo, nunc tristis est solitudo.*] I. d. Neque Asia vicissitudinibus suis caruit. Imperium Chaldaeorum erat potentissimum, tunc quando Nebucadnezar præerat, everso illo, Persæ dominium corripuerunt, hos Græci destruxerunt, *Dan. 2. 37, 38. 39. 40. 41. cap. 8. 4. 5. cap. 10. 20. 21. cap. 11. 1. 2. 3. 4.* Deinceps instauraverunt Parthi, & contra Romanos acriter defenderunt, mox Arabes, Saraceni, Turci, Tattari Imperium Orientis per vices invaserunt. Arabum Cederenorum obscuram hæcenus gentem ad summum potentiam & gloriæ fastigium evexit Muhammedes Patricius Meccanus, sed vates impostor, qui armis rem gerere ausus, Regnum Higiazæ condidit, inque septem *ממנות* Præfecturas divisit, uti sunt Mecca, Bahra, Taifa, Sana, Gineda, Jemen, Giufrea. Ejus memoriam sanctè colunt Arabes in Meccæ templo uno, nec non in altero Medinæ, ubi sepultus est Orientis audacissimus seductor. Porro successores in Bagdad & Kairovana Califæ felicissimo progressu Asiam majorem, Persiam, Parthiam, Mediam, Insulas Mediterranei & Ægei maris,

Africanam maritimam, Nigritarum populos, Hispaniam, Galliam Narbonensem occupaverunt, Italianam multis cladibus affecerunt. Deinceps Turci à Corasena & Hircania profecti eis eripuerunt Persiam, Syriam, Ægyptum, ubi Duce Togrul Beki: Hospitèr atque istos oppresserunt Tattari, ex remotissimo orbis supra Mangi, alio nomine China dicta, angulo egressi, ducta Changis-Chani, qui Mogolis provincie in Turquestana dominus correptis armis subigebat vicinas provincias, Argon, Tenduc, Tangut, Tebet, Chincital, Cathai, ubi hæcenus imperaverat Juhanna Chan, dictus à subditis suis cognomine Persis fanulartia *מלך פרס* Preste Chan, id est, Rex Orthodoxus, quia profitebatur Religionem Christianam Nestorianæ sectæ, quam eis olim obtruserat Cosdroës Parthiæ Rex incitus odio erga Heraclium Cæsarem. Occiso Johanne, & terris ejus ad tributa danda coactis, Chingis Mogoles desertâ Turkestana emigravit in vicinæ Scythiæ hordas, potitusque omnibus illis vocavit Tattariam, ab avita familia sua, quæ sibi cognomen Tatar imposuerat. Ejus posteri Sinam, Persiam, & maximam Indiæ partem corripuerunt, inque Europam effusi, Gotos sive Polaccos in Taurica vicerunt, Rossos, Moscos, Nisovios, Lithuanos, Livonos, Alanos domuerunt, omnemque Sarmatiani ad mare glaciale usque, & in Germania Silesiam, Moraviam, Bohemiam, Austriam, Ungariam vastaverunt, ita ut à Nova Zembla ad mare Caspium & à sinibus Cathajæ ad Germaniæ fines vastissimum imperium obtinerent. Nec tamen ad tempus benè longum. Namque Parthi libertatem recuperabant, deinde etiam Ottomanni in Asia minori, Ciracassi

Manna-

Mamaleki in Syria, oppugnauerunt Tattaros. Donec è Tattaria Sagachai prodiret magnus ille Timur-Leng, novaque expeditione obrueret Parthos in Asia maiori, Turcos in Asia minori, Circassios pelleret Syria. Tattarorum Hordas omnes uno imperio conjungeret, innumeras provincias debellando, ut à Sinarum finibus ad mare Mediterraneum populos omnes imperio suo complecteretur. Sed posterius ejus amiserunt. Plura dixi in Recensu historiarum universalis lib. 20. cap. 1. 2. lib. 21. cap. 1. 2. lib. 22. cap. 1. 2.

XXVI. Dicit Belsoidus: *Et ubi olim orbis miraculenti Babilon fuit, ibi nunc nullum est vestigium humanum.*] I. d. Babilonis conditor fuit Nimrodus, de quo Moses: *Erat principum Regum ejus Babel, Er. 4. Acad. Calne in terra Sinear* Gen. 10. 10 Babilonis auspiciam refert idem divinus Scriptor, *Gen. 11. 2. 3. seq.* ad quem contextum luculenter commentatur Samuel Bochartus in *Geographia sacra, part. 1. lib. 1. cap. 8. 9. 10. 11. 12. 13. & lib. 4. cap. 12. 13. 14. 15. 16. 17. 18. 19.* Ab Erech fuerunt olim campi Arætei, quos memorat Tibullus: *Ardes Aræteis aut unda per hospita campis*, lib. 4. Eleg. 1. De campis igne flagrantibus ob copiam Naphtæ ebullientis, loquitur, uti annotant Josephus Scaliger in *Commentariis*, pag. 150. & Claudius Salmastius in *Exercitationibus Plinianis* pag. 1194. Unda per hospita, id est, nimis frequens liquor, τὸ ἀγαν ἑνὶ τόπῳ. Estque ἀράξξξ apud Ptolomæum in *Descriptione Sussiane*. Pergit Moses: De terra hac processit in Assyriam, ubi ædificavit Niniven, & Rehobotas urbem & Calachum, *Gen. 10. 11.* Sic enim debent verba illa transferri cum Paraphrasta Chaldæo, uti

re. Etè monent Tremellius *notis ad b. l. Janus Drusius Observationibus ad Genesim, cap. 27.* David Paræus *Commentariis ad Genesim, pag. 870.* Johannes Gerhards *Commentariis ibidem, pag. 257.* Samuel Bochartes in *Geographia sacra part. 1. lib. 4. cap. 12.* Christ. Scotanus *part. 3. Commentariorum ad Sulpitium Severum, pag. 120.* Andreas Rivetus *Exercitat. 65. in Genesim.* Alium omnino sensum inferunt Romanus Interpres, Castalion, Munsterus, Pagninus, quando reddunt, *de terrâ illâ (Babilonis) egressus est Assur, & ædificavit Niniven.* Unde quidam cum Hieronymo in locis Ebraicis excogitant Assures duos, unum Semi filium, *Gen. 10. 22.* alterum de posteris Chami. Verùm impingunt illi, nec enim loquitur Moses de posteris Semi, ad quos demum *infra vers. 22.* pervenit, sed agit de posteris Chami, inter quos excelluit Nimrodus Imperii Babylonici conditor. In Hebræo est ellipsis præfixi 2, & Assur ponitur loco regionis, quam incoluerunt Assyrii, *Num. 24. 22. 24.* Egredi, est suscipere expeditionem in terras peregrinas, uti *Judic. 2. 15. cap. 11. 3. 2. Sam. 11. 1. Psalm. 60. 12. Psalm. 68. 8. Esa. 42. 3.* Notæ Vatabli: Assur fuisse unum de posteris Semi, credibile est. Vulgò autem obtinuit opinio, per occasionem verba de eo fieri, quòd cum habitaret in vicinia Nimrod, violenter inde expullus fuerit. Hoc modo barbaram ferocitatem Nimi odi notaret Moses. Alii volunt, non violenter fuisse expullum, sed cum esset Assur vir pius, ne cum homine impio habitaret, discessisse ab eo, & ædificavisse Niniven, Rehoboth, Calnen urbes. Sic ille. Quæ omnia perinde, uti illa quæ supra retulimus, oriuntur à prava interpretatione verborum Moſis.

XXVII. Dicit Besoldus: *Hebraea seu lingua sancta produxit Chaldaeam, Syriacam, Arabicam, caetera ratione, quâ Latinacum Germanicis dialectis confusa Italicam, Hispanicam, & Gallicam modernas generavit.*] l. d. dist. 16. Vulgò statuitur, Ebraeam esse inter omnes linguas antiquitate nobilissimam, quandoquidem illa seculis antediluvianis obtinuerit, itaque in familia Noë adusque constructam turrim Babilonicam duraverit, cum porrò aliæ gentes orbis peculiarias quasque linguas acceperunt, Ebraeam domi suæ conservaverit Eber, qui turrim structam nullo consilio vel opere adjuverat, inde ad posteros suos, quos inter celeberrimus erat Abrahamus, commendaverit invariata. Ita docent Rabbinus Simeon Ben-Jochai in libro *Ṭaṣṭi*, Author libri *Ṭaṣṭi Orat. 2. sect. 68.* Rabbi Ben-Gerion, Aben Eldrās, Abtravaniel, Salomoh Ben-Jarchi *Commentariis ad Genesim* 11. 1. 2. & sequuntur Augustinus *lib. 16. de Civitate Dei, cap. 11. lib. 18. cap. 39.* Eucherius *lib. 2. Commentariorum in Genesim, cap. 7.* Daniel Chamierus *Tom. 1. Paustratis Catholicae, lib. 12. cap. 1. num. 2.* Matthæus Beroaldus in *Chronologia sacra lib. 3. cap. 3.* Jacobus Usserius *Tom. 1. Annalium sacrorum, pag. 11.* Christianus Scotanus *part. 3. Commentariorum ad Sulpitium, pag. 83. seqq.* Abraham Calovius in *Critico sacro, pag. 307. seqq.* Nicolaus Fullerus *lib. 4. Miscellaneorum sacrorum, cap. 4.* Franciscus Junius *Oratore de lingua Hebraea, Andreas Rivetus Commentariis ad Genesim, Exercitat. 66.* Johannes Stephanus Menochius *lib. 1. de Republica Hebræorum, cap. 2. quæst. 14.* Samuel Bochartus in *Geographia sacra, part. 1. lib. 1. cap. 15.* & defendit prolixè Johannes Bux-

dorffius in *Dissertationibus Philologico-Theologicis, sect. 1. 2. 3.* Claudius Duretus in *Historia linguarum, cap. 2. 3. 4.* Johannes Seldenus *Prolegomenis ad libros de Divis Syrorum, cap. 2.* Verùm lingua Hebraea nec ab Ebero denominatur, nec est primitiva illa ante diluvium usitata: Sed est Chaldaica origine, quam Abrahamus è patria sua Dei auspicio evocatus, in Phœniciam secum deportavit, ubi ejus posterì incolatus jure uli commorabantur, & Phœnicium sermonem permiscebant Chaldaico, quæ dialectus cepit vocari Ebraica. Cumque novo genere dicendi efferebatur, cepit esse Arabica ab Ismaele, qui erat Abrahami filius, & porro ab Esavo, qui erat ejusdem nepos ex Isaac, *Gen. 15. 16. seq. cap. 32. 3. seq. 1. Chronic. 1. 29. seq.* Nam horum duorum posterì Chusitis immixti habitaverunt Arabiam. Posterì Ismaelis referuntur ordine, *Gen. 25. 13. 14. 15. 16.* & sunt in eis Nabathæi. Kedareni, Ithuræi, de quibus agit Plinius *lib. 5. cap. 11. & 23.* De Esavo cum primis sciri debet, quod ille fuerit Edom, id est, Ruber, eodemque significatu meruerit appellari & *Ṣômîç*, nec non & *Ṣeoçegis*. Plinius scribit: Nave primus in Græciam ex Aegypto Danaus advenit, ante ratibus navigabatur inventis inter Insulas maris Rubri ab Erythra Rege, *lib. 7. cap. 56.* Erythra Rex est ille, cujus sepulchrum narrat Curtius, receptum esse in quadam Oceani Insula palmetis consita, *lib. 10. cap. 2.* Et Scriptor idem: Mare certè quo alluitur, nec colore quidem abhorret à cæteris. Ab Erythra Rege inditum est, propter quod ignari ruhere àquas credunt, *lib. 8. cap. 17.* Eodem modo Strabo *lib. 15. Geograph. Solinus in Polyhistore, cap. 46.* Arrianus *lib. 8. Philo-*
tatus

Stratus lib. 3. de vita Apollonii. Erythram literæ sacræ insigniunt cognomento Edomi, qui in has regiones profectus cum imperio amplissimo longè latèque gentibus illis dominatus Oceano nomen indidit יֶדֶם, ut ad posteritatis memoriam duraret. Latius hoc monstrant Nicolaus Fullerus *lib. 4. Miscellaneorum sacrorum, cap. 20.* Ludovicus Capellus *Spicilegio ad Novum Testamentum, pag. 108. 109.* Janus Drusius *Observationibus ad loca difficultiora Exodi, pag. 187.* Gerhardus Johannes Vossius *lib. 1. Theologia Gentilium cap. 34.* Quòdenim Joachimus Vadianus *Notis ad Melam, pag. 205.* dicit, rubram arenam esse aquis subjectam, unde nomen illud mare adsciverit, hoc, inquam, oppidò falsum est, quando bolidis jactu exploraverunt illi, qui totum hunc sinum diligenter navigatione perlustraverunt, arenas maris ejus esse aliis consimiles, Ludovicus Vartomannus *lib. 1. Itinerarii Orientis, cap. 21.* Christophorus Fureus *in Itinerario, pag. 34.* De Phœnice notum est illud *Sili Italici*: Et qui longa dedit terris cognomina Phœnix, *lib. 1. de bello Punico.* E Syria Palestina, quam à cognomento suo Phœniciam denominavit, appellatione inter Græcos familiari, profectus ad mare Rubrum, colonias suas ibi deposuit, quomodo etiam aliis populis contigisse, notum est, ut emigrando mutaverint loca veteris habitationis.

XXVIII. Jacob & posterius ejus in Ægyptum detulerunt, unde egressi iterum, Moise duce, Phœniciam majoribus suis promissam, & quasi possessam, armis occupaverunt pulsas Chanaanis. Inde est *Esaie 19. 18.* כְּנָעַן אֶרֶץ חֲנָנִי *lingua Chanaan sive Phœnicia, id est, Ebræa, ubi Nicolai Lyrani*

equidem notat, dici linguam Chanaan, non quòd eà Chananæi uterentur, sed quòd eorum, qui terram Chanaan multis jam seculis possederant, nempe Judæorum propria esset. Quæ ratio non sufficit. Non solum enim quia Judæi terras illas habitabant, sed imprimis, quia terræ ejus sermonem vernaculum, advenæ ipsi assumpserant, lingua Hebræa vocatur lingua Chananæa. Ita literas Phœnicicas vel Punicas nominat Plutarchus *lib. 9. Sympof. quæst. 3.* quæ sunt Hebraicæ. Et quantum Punica lingua non differat ab Hebræa, constare potest è Plauti Comici *Pænulo*, ubi sunt multa Punica malè descripta, quæ emendaturus aliquando fuisset Josephus Scaliger, uti promittebat, *Appendice ad lib. 7. de Emendatione Temporum*, sed tamen negotiis aliis impeditus haut fecit, itaque loco ejus prælitit Samuel Petitus *lib. 2. Miscellaneorum, cap. 1. 2. 3.* post quem novo labore Samuel Bochartus *part. 2. Geographia sacra lib. 2. cap. & Philippus Paræus Animadversionibus in Planti Comædiis, pag. 61. seqq.* idem egerunt. Qui Punica legit, is Chananæa legit, Hebræa legit, quatenus omnes istæ dialecti sunt ejusdem originis. Pœnorum Metropolis Carthago, vocatur Chadre-anach, id est, civitas Anakæorum, postquam scilicet Chananæi bello sacro devicti concesserunt in agros illos, atque inter illos præcipui Enacei עֲנָכִי. Nova colonia deinceps accessit cum Didonis Regina adventu, manstque nomen vetus, non invidentibus advenis hanc, quantulacunque esset, appellationis gloriam, præcis conterraneis suis, quibus acceptum referre debebant, patere sibi in Africam aditum.

XXIX. Quòd veteres ibi conterraneos

Aa

habua-

habuerint, negari haut debet, constatque factis de Hercule Tyrio מלך קדש , quod Phœnicum ritu coleretur in Gadium temphlo , uti testantur Pausanias in *Phocicis*, Pomponius Mela *lib. 3.* Appianus in *Ihericis*. Tantum hinc noteretur, quod Salustius in *Jugurthina* dixit, postquam in Hispania Hercules, sicuti Africantus, interit, exercitus ejus compositus ex variis gentibus, amisso duce, brevi dilabitur, ex eo numero Medii, Persæ & Armeni navibus in Asiam transvecti, proximos nostro mari locos occupaverunt, pag. 95. Decepit eum nominum similitudo, adeoque Medos & Armenios notissimas libigentes perscripsit, ubi in Punicis Annalibus erant Midianitæ & Aramæi cives Herculis, ejusque comites, sed profugi, cum Syriæ partes illas occupabant, duce Josuâ. aut saltem quando in vicinis Arabiæ locis habebant stativa latissima. duce Mose, & inter necionem gentis facere volebant gladio, postquam Bileam fraudibus seducti, cladem à Deo acceperant. *Num. 25. 7. 18. cap. 31. 1. 2. seq.* Populi hi Romani ignoti erant, id quod alio versus convertit optimum Scriptorem. Ita etiam Persas appellavit, qui in iisdem Annalibus erant פֶּרְסִי Pherseï, magna itidem Phœnicum pars. Quod porro ait, nomen eorum parlatum Libys corrumperunt barbarâ lingua Maurus pro Medis appellantes, nimium etiam recedit à vero. Mauri sunt ab Amorrhæis de trita litera prima, solita proxime ἀμαρῆσαι, & verò Amorrhæi, celebres fuerunt in Cananæis, fugati inter primos *Num. 21. 21. seqq.*

XXX Indidem est, quod Abraham vocatur Hebræus עֶבְרִי, *Gen. 13. 14.* Cui nomen illud minimè ab Hebero accessit, secus ac contendunt Janus Drusus *Observationibus*

ad loca difficiliora *Genesios, cap. 29.* Vatablus & Tremellius *Notis ad Genes. 15. 21.* Carolus Sigonius *lib. 1. de Republica Hebræorum, cap. 1.* Samuel Bochartus: *Geographia sacra, part. 1. lib. 2. cap. 14.* quatenus ille ita nobilis erat præ majoribus aliis in eadem serie, & quia tot alii parentes intercedebant: Sed sua vocabant eum Cananitæ, quod è Chaldaea & locis trans Euphratem sitis advenerat, ut rectè contendunt Chrysostomus *serm. 15. in Genesim*, Theodoretus *quest. 60. in Genesim*, Augustinus *quest. 29. in Genesim*, Moses Gerundensis *Commentarius ad Genes. 14. 13.* Christianus Scotanus *part. 3. Commentariorum ad Sulpitium Severum, pag. 87. seqq.* ac confirmatur loco manifesto, *Josue 24. 3.* Ergò πατρίτης, id est, transiorem venit Aquila Ponticus. Deinceps nomen illud in cognomen gentilitium venit *Gen. 39. 14. 17. Exod. 3. 18. 1. Sam. 13. 3. Jona 1. 19.* Instat Bochartus: (1) Certum est, quod Trans Euphratenles in literis sacris dicantur עֲבָרֵי נָהָר מִבְּרַת עֶבְרָה. *2. Sam. 10. 16. Esdræ 4. 10. 11.* quod non est עֲבָרֵי. Respondeo: Neutrum repugnat alteri, itaque utroque nomine vocantur. (2) Præterea Ebræi non fuisse Abraham non etiam commune cum posteris, quia solus fuit Trans-Euphratenlis. Respondeo: Superius usu venit ut agnomen proprium vertatur in cognomen gentilitium. Edom erat viri agnomen, quia cum rubra cæsarie in lucem prodiderat, *Gen. 25. 25.* ab illo dicti sunt posterij eius, quanquam non ita pilosi nascerentur. (3) Denique Ebræorum gens etiam vocatur Eber, *Numer. 24. 24.* & fuit Eber, *Genes. 10. 21.* ut ab Ehero tam deduciscias Ebræorum nomen, quàm Judæorum à Juda. Respondeo: Negatur, quod locis illis

Judæi

Judæi intelligentur. Sermo enim est de populis ultra Euphratem degentibus, ut dictum est *suprà cap. 16. dist. 1.* quos bello vastavit Alexander Macedo. Semus dicitur esse *pater omnium* (qui habitat) *ultra* (flumen.) Tales sunt, qui vel Euphratem accolant, ut Syri, Chaldei, Armeni, vel mare magnum, ut Indi. Omnium horum progenitor Semus est. Denique lingua Hebræa non tam posterorum Semi atque Heberi propria erat, quam Chami & plurimarum ab eo derivatarum gentium communis, itaque Hebræi & Phœnices invicem colloquebantur, nullo interprete usi, *Gen. 12. 5. cap. 23. 3. 4. Judic. 1. 14. Josue 2. 2. seqq.*

XXXI. Nostra sententia est, quod primæ lingua non exstet hodiè apud gentem aliquam, sed cum dispersione gentium defuerit prorsus esse, quanquam in omnibus linguis reliquæ ejus superesse, non immerito credantur. Ita nobiscum docent Josephus Scaliger *Animadversionibus ad Eusebii Chronicon, num. 1617.* Johannes Gerhardus *Vossius lib. 1. de Arte Grammatica, cap. 10.* Ludovicus Cappellus in *Phalego*, Hugo Grotius *Notæ ad Genesim 11. 1.* Philippus Cluverius *lib. 1. Germaniæ antiquæ, pag. 74.* Georgius Hornius *Notis ad lib. 1. Sulpitii Severi, pag. 22.* Porro expendamus ea, quæ Fullerus *l. d.* in contrarium adfert. *Dicit: (1.)* Qui linguas comparat, pidebit Hebræam esse matricem omnium, itaque viri docti Græcarum & vocum Latinarum derivationes in illa scrutantur. *Respondeo:* Multa in illis conatibus sunt coacta nimis, quæque fortuna & conjectura valent, non etiam studio & secundum rei veritatem. Si quædam congruunt, tam illa ex Chaldæo, imò Syro, quam ex Hebræo sermone derivari potuerunt. *(2.)* Quemadmodum in re qua-

vis Deus voluit esse primum aliquod, secundum quod alia mensurantur, ita quoque in linguarum varietate esse voluit primam aliquam linguam, secundum quam alia mensurentur. Hæc verò quænam est, nisi Hebræa est? *Respondeo:* Si olim una lingua exstiterit, quæ mensura cæterarum esse poterat, & verò deinde per confusionem omnium non exstiterit pura, quid inde perfectioni linguarum vel accedit, vel detrahitur, quæ non tam in derivatione ociosa, quam in notione pervulgata consistit. *(3.)* Lingua illa divinitus conservata est, ut nobis in memoriis revocet confusionem Babeliticam, quomodo in Iridis aspectu discimus, fuisse diluvium. *Respondeo:* Non valet consequentia, quando hoc de Iride scriptum est, & merito creditur, *Gen. 9. 13. 14. 15. 16.* illud de linguæ Hebrææ primæ vetustate scriptum non est, itaque nec creditur, *Gen. 11. 6. 7. 8. 9.* *(4.)* Tanti precii linguam fuisse in maledicta Chami posteritate, non est credibile. *Respondeo:* Imò quia rationem illis voluit largiri Deus, quomodo orationis commercium denegaret? *(5.)* Potius verum est, quod penes domesticos Ecclesiæ Nam, Semum, Heberum, qui non fuerunt participes conspurationis in turri condenda, remanserit, ut docet Augustinus *lib. 16. de Civitate Dei, cap. 11.* *Respondeo:* Habuerunt Chaldaicam linguam eamque Abrahami posteritas cum Phœnicia miscendo effecit, ut Hebræa dialectus existeret. *(6.)* Ab Hebero dicti sunt Hebræi, quod ejus posterii essent, & ab eo primæ linguam accepissent. *Resp.* Fallum hoc est, uti diximus *suprà dist. 30. (7.)* Oportebat Hebræam esse linguam principem, quam Patriarchæ & Prophetæ non solum in sermonibus suis, verum etiam in literis sacris describendis adhibuerunt. *Resp.* Principem

esse linguam, id est, præstabilem, non negamus, ob causas illas, quas profert Fullerus, verum negamus, primogeniam esse. Græca lingua non est primæva, & tamen Scriptores divini adhibuerunt illam in Novo Testamento. (8.) Viri pii abstinerunt semper à consortio pravorum, quomodo igitur Abrahamus accepisset à Chananæis linguam Hebræam? *Respondeo*: Non abstinuit à consortio Phœnicum, quia inter illos vixit obijtque, *Gen. 11. 31. cap. 12. 1. 2. seq. cap. 23. 1. 2. seq. cap. 25. 7. 8. seqq.* Et ab hac consuetudine, quam ipse & posterius ejus apud gentes istas habuerunt, est illa perceptio linguæ peregrinæ, cumque vernacula permixtio, quomodo fieri solet. (9.) Abraham nolebat sepulturæ consortium habere cum gentibus pravis, *Gen. 23. 1. 2. seqq.* multò minus eorum linguam addisceret, quòd plus hoc quàm illud pietati nocere poterat. *Respondeo*: Inòd cum veniebat è Chaldæa, docebat verum Deum cæli terræque potentem, *Gen. 12. 8.* Tantum proderat habere commercium sermonis, non verò oberat, *Gen. 23. 5. 6.* Denique falsum est, quòd inter Chananæos sepeliri noluerit. Quos enim vivos coluerat, uti amicos & patronos suos, illis defunctus adesse vellet semper, & apud eos cum posteris suis voluit sepeliri, *Gen. 25. 4. cap. 25. 9. 10. cap. 35. 29. cap. 49. 30. 31. cap. 50. 13. Exod. 13. 19.* (10.) Hebræi nolebant secum pati Moabiticam linguam, *Nehem. 13. 2. 3. seqq.* multò minus progenitores eorum, addicerent. Phœnicicam, quando Phœnices religione profani, origine extranei essent. *Respondeo*: Hebræi terrarum suarum domini, respuebant illa commercia & connubia, quia erant periculosa: Abrahami in terris peregrinis hospes, non

poterat sine terræ ejus incolarum commercio esse, quando linguæ consortium nihil mali in se habebat.

XXXII. Dicit Belsodus: *Celticæ pariter, Cantabricæ, vetus Hetrusca, Egyptia, atque multa linguæ abolitæ omnino sunt, & planè hodiè ignorantur.* J. I. d. De his videantur Gesnerus libro de *Linguarum Differentiis*, Waserus in *Annotatis*, Paulus Merula, part. 2. *Cosmographiæ*, lib. 2. cap. 8. lib. 3. cap. 15. lib. 4. cap. 18. Athanasius Kircherus in *Prodromo Coptico*. Samuel Bochartus part. 2. *Geographiæ sacræ*, lib. 1. cap. 42. Philippus Cluverius lib. 1. *Germaniæ Antiquæ*, cap. 5. 6. 7. 8. Nos hic finimus.

COROLLARIUM.

Relectio de origine gentium.

SUMMARIA.

1. Noah agricola.
2. Ejus tres filii.
3. Posterius Japhethi.
4. Gomer & Magog.
5. Madai.
6. Javan, Thubal, Mesech, Thiras.
7. Ascenas, Riphath, Togarma.
8. Elfas, Tharsus, Kittim.
9. Chus, Misraim, Phut.
10. Patros, Caphtor.
11. Posterius Chanaanis.
12. Semus, Assur, Elam.
13. Eber, Phaleg, Jectan.

I. De gentibus, quas à sese filii Noæ propagaverunt, ita docet Rabbini Abraham Zacuthi in ספר יוחסין fol. 134. seqq. *Posita*

Postea fuit vir iustus & integer, de quo scriptum est, iste consolabitur nos, Noah nomine. Huius etatis anno sexcentesimo diluvium fuit supra terram, & servavit eum Deus benedictus in arca, quæ requievit in monte Ararath, id est, Armenia, ubi hodieque supersunt arce reliquie, quibus superiori seculo utebantur pro medicamento.] Quare de Noacho scriptum sit, iste consolabitur nos ab opere nostro, & ad id ire manuum nostrarum de terra, cui maledixit Dominus, Gen. 5. 21. causa est, quod aratra & plura instrumenta inveniendo, ruris operas deinde multò faciliores præstiturus erat, postquam terra maledictio divino percussa, molestum cultum peteret sibi, Gen. 3. 17. 18. cap. 9. 20. 21. Dereliquiis arce dictum est. *suprà. cap. 20. dist. 4.*

II. Pergit Rabbinus: Porro in *Lege* quidè habetur, Noam cum tribus filiis ex arca abivisse, sed in *Annalibus* refertur, illi natum esse deinceps quartum filium, Jonichum nomine, *Astrologia* inventorem, quicq, Nimrodum docuit rationem belli gerendi.] Commenta sunt, quæ de Jonico dicuntur. Noam enim post diluvium nullos procreavisse liberos, docet Scriptura, cum ait, à tribus filiis illis, quos generaverat ante diluvium, propagatum esse genus humanum in universa terra, Gen. 10. 1. 2. 6. 21. 32. 1. *Chronic. 1. 5. seqq.*

III. Pergit: Filii Japhet septem fuerunt in Europa regione, & habitaverunt ab initio Moscoviæ usque ad Portugalliam, quæ vocatur finis terra.] Non rectè Japheti posteris eosdem, quos Europæ, limites ponit, cum exiis non pauci in Asia habitaverint, ut dictum est *suprà. cap. 20. dist. 4.*

IV. Pergit: Gomer & Magog sunt Gothi,

qui venerunt è locis Moscoviæ vicinis, & Moscovia & Haliz.] Neque ista verò censentia sunt. Gotti sunt populus Germaniæ Balthica, uti diximus *suprà. cap. 20. dist. 23.* & Moscovitæ sunt propagæ Thracum, à Ponto Euxino remotius profecti in Scythiam vicinam, quæ Sarmatia alio nomine vocata est. In cujus extremis finibus posuerunt veteres Geographi montes Riphæos & populos Hyperboreos, gentem felicem, quæ anno degat ævo, fabulosus celebratur miraculis, ait Plinius *lib. 4. cap. 12.* & adde Pomponium Melam *lib. 3. cap. 4.* Ac montes quidem sunt, quos hodiè appellamus Obi, à faucibus Albi sinus ad ostium usque Obii fluminis, & promontorium ejusdem nominis, Russiæ littori & Septentrionali Oceano obtenta juga. Lucanus: Populos utraq, vagantes Armeniâ, Pontique feras per littora gentes, Riphæasque manus, & quas tenet a quore denso, Pigra palus; Scythici patiens Mæotica plaustris, *lib. 2.* Hyperborei sunt, quos hodiè vocamus Tingoëfios. Haliz quid sit, nescio, ait Bochartus *part. 1. Geographiæ sacre, lib. 4. cap. 38.* Nos scimus, esse maximam urbem Roxalanæ, apud Petrum Bertium in *Tabulis contræctis, lib. 6. pag. 685.*

V. Pergit: *Madai* sunt Medi, atque hi ab una parte contingunt Regnum Moscoviæ, & magnum fluvium Adel nomine, qui è deserto Moscoviæ fertur ad mare Chozar. Ad illud, inquam, mare à parte est versus Occidentem Media, quæ hodiè Sirvan dicitur cum vicinis omnibus Regnis. Fluvius Adel est, quem alio nomine appellamus Volgam, & mare Chozar, in quod fertur ille, est Caspium, Petrus Bertius in *Tabulis contræctis, lib. 6. pag. 688.* Scribit Beroaldus: *Madai*

teritias Japheti filius nomen dedit Medis, populus à se prognatis, quorum fuit, quemadmodum & Allyriorum, amplum in Asia majore Imperium. Ii enim everterunt aureum Imperium Babyloniorum, non autem Persæ, qui tunc temporis aut fœderati, aut subditi Medorum fuerunt. Quod quidem ex Jeremiæ Prophetæ scriptis potest intelligi, qui Medos adevertendam Babilonem, advocatis auxiliis parentum sibi populo- rum, hortatur, *cap. 5. 1. 11.* Daniel quoque *cap. 5. 18.* idem docet: Phares, divisum est Regnum tuum, & datum est Medis ac Persis. Persæ autem Medis in Imperio successerunt. Mortuo enim Dario Medo, qui potentiam Babilonicam ad se, cæso Balthasare, & captâ Babilone, traduxerat, successit Cyrus Persa, sicut Danielis Historia monstrat, *cap. 5. 30. cap. 6. 1. 2. 29.* Quæ vanitatis & mendacii redarguit profanas historias, quæ tradunt, cæsum esse à Cyro Balthasarem, & occupatum ab eodem continuo fuisse Imperium Babilonicum, *lib. 4. Chronologie sacre, pag. 288.* Respondeo: (1.) Babiloniorum Imperium affligerunt quidem Medi, tunc cum Arbacis voce excitati, in prælium adversus Regem Sardanapalum exiverunt, & Niniven urbem expugnaverunt: Sed respiravit illud auspicio Nabonassaris, & erectum est ad summam potentiam sub Nebucadnesare, ut tunc verè aureum esset, id est, validissimum multò & toti Asiæ formidabile, quod diximus in Recensu historiæ universalis, *lib. 1. cap. 1. dist. 8. cap. 4. dist. 1. 2. 3.* (2.) Posterî Nebucadnesaris florentissimum Imperium amiserunt, victi à Persis & Cyro Rege horum, qui anteâ Medos bello victos, fregerat, subditosque Imperii Persici effe-

cerat, uti diximus *loco prolato, lib. 1. cap. 2. dist. 3. cap. 4. dist. 3.* Et de hoc bello vaticinatur Jeremias *cap. 5. 1. 11.* Verùm, quod Daniel refert *cap. 5. 28.* non pertinet ad hoc negotium, aut saltem obscurè. Nabonidus enim, qui Balassarum excepit, Medus erat, Nabonidum ejecit Cyrus, atque ita Regnum Babilonicum accessit Persis Medisque in solidum, *Dan. 5. 30. cap. 6. 1. 2. 39.* & nos in Recensu historiæ universalis *lib. 1. cap. 4. dist. 3.*

VI. Pergit: Terra autem Javan nupsit aditus & exitus. Thubal est Hispania, & Mesech vocatur Regnum Russiæ, quod Regnum magnum est, situm ultra mare Nigrum, unde est, quod hodieque in terra illa est fluvius nomine Meschinus. Thirai est Thracia, inde à Venetiâ usque ad Hungaros. Javan est progenitor Jonum, qui olim habitaverunt in Asia, & porro egressi occupaverunt Græciæ partem illam, quæ vocatur Attica. His verò quoque locis permanserunt, donec multitudine aucti, exonerarent colonias novas, inque patriam antiquam remitterent. Quod Jones ex Asia in Græciam venerint, docet Hecateus Abderita apud Strabonem *lib. 9. Geographiæ.* Quod alio tempore vicissim Græcia incolis abundantior, Joniam Asiaticam bellis afflictam, novis colonis recreaverit, docent Eusebius in *Chronicis*, Vellejus Paterculus *lib. 1. histor. cap. 4.* Pausanias *lib. 7.* Strabo *lib. 8. Geograph.* Non ergo αὐτοὶ θῶνις fuerunt Atticæ incolæ, neque ipsi primam originem dederunt Asiæ habitatoribus, verùm ab Asiaticis populis originem suam acceperunt. Thubal Josepho sunt Iberi ad mare Caspium, adeoque omnes populi in Caspiana latrocinii dediti, non verò

vero תַּבְּוּ, quomodo Hispaniam vocant Rabbini, & proferunt locum *Obad. 20.* Qui à Thubale derivant Hispanos, erant, fuisse enim populum in Asia, constat satis ex verbis Prophetæ: Fili hominis, converte faciem tuam versus Gogum, terram Magogi, Principem primum in Mesech & Thubal, & pronuncia contra eum, *Ezech. 32. 2. 3.* Prædicit, quid olim Syro-Macedones adversus Hebræos acturi essent quorum Rex Antiochus Epiphanes savi admodum, uti annotant Franciscus Janius, Grotius, Polenus, Latæternus *Commentarius ad h. l. fol. 66.* Matthæus Beroaldus in *Chronologia lib. 4. cap. 6.* Scilicet multus ante Ezechielem annis Lydiam & vicinas Asiæ regiones imperio suo rexit Gyges, à quo nomen habet lacus Gygarus, γυγαίν λιμνη apud Homerum & Propertium, *lib. 3. Eleg. 10.* Tum quoque præpe Libanum montem Geographi ponunt urbem Gygartam, hoc est, Syrorum vocabulo גִּיגָרְתָּא, namque in his Asiæ minoris locis, Gyges & postea ejus lausissime imperaverunt. Cholem Ebræum solet pro Ypsilon Græcorum poni, ut in Cyri nomine videre est *Esa. 44. 23. cap. 45. 1.* *Dan. 6. 29.* nec non in Tyrus & תִּירָס, *Psalm. 45. 13.* *Esa. 23. 1. 5. 8.* Lydia cum vicinis populis fuit in parte Seleucidarum, itaque Appianus in Syriacis, quæ ab Antiocho Magno possessa fuerunt, refert Pergamum, Sardes, Phrygiam, Aëliam, Jomam, Pan-phylia, Mysiam, Ciliciam, Galatiam. Et quæ in istis regionibus confedit Otomanus, Turcorum Rex, atque Muhammedis doctrinam, S. tanæ inventum, inde propagavit in omnibus Asiæ minoris partibus, factum est, ut Gogi & Magogi nomine de-

pingatur ille apud Johannem Theologum, *Apoc. 20. 7. 8.* ubi ὁ πᾶρεμβῆλη τῶν ἀγίων, sunt septem illæ Ecclesiæ, quibus præcipuè dedicata est Apocalypsis, & ἡ πόλις ἡγαμένη, est Constantinopolis, quam Sionem novam vocabant Græci non immerito. Cæterum notetur, quod vaticinia Prophetarum omnium in Veteri Testamento sortiantur finem cum excidio Hierosolymorum, neque terminum illum egrediuntur, *Dan. 9. 24. 25. 26. 27.* *Malach. 4. 6.* *Johan. 19. 30.* Quod cum non observent Caspar Sanctius, Hector de Pinto, Cornelius à Lapide in *Commentariis h. l.* Samuel Bochartus *part. 1. Geographiæ sacre, lib. 3. 13.* Philippus Cluverus in *Germania antiqua, lib. 1. cap. 4.* atque horum similes Interpretes plurimi, non est mirum, si κῆρ ἐδὲ πύχιστος. Indidem patet, quod תַּבְּוּ fuerint in Asiæ partibus, neque possint Moscovitæ intelligi, progenies verissima Thracum, quorum progenitor דִּרְתָּא fuit, uti dictum est *suprà cap. 20. dist. 4.* Breviter: Mesech & Thubal populi conjunctissimi, uti è multis Scripturæ locis patet, haut debent in terras ab invicem procul distitas collocari. Mossini in Asia fuerunt, pars Cappadociæ ad fluvium Thermodonta, ubi Veteres collocaverunt Amazonas, gentem fœmininam & bellatricem, hinc ambiguit. præsertim cum nulla post Alexandrium Magnum, ut neque diu ante, earum memoria exstiterit, sive quia viciorum conspiratione penitus deletæ, sive quod potius crediderim, quia nullæ unquam fuerunt, uti differit Johannes Goropius Becanus *l. b. 8. Originum*, & ante illum monuerat Strabo *lib. 12. Geographiæ.* Dicit.

Dicit Beroaldus : Bonâ ratione dicimus, vicinas sibi & Palæstinæ circumfusas gentes fuisse, Melech, Thubal, Kedar, Magog, *l. d. pag. 290.* Et provocat ad verba Davidis, plorantis conditionem suam, quod inter gentes barbaras, Melech & Kedar versuri cogatur. Atqui Melech Asiæ superioris populi multum distant à Cedarenis Arabiæ incolis, neque in verbis Davidis gentium istarum vicina fundamentum habet, quanquam eandem ex iisdem verbis inferre velit Paulus Merula in *Cosmographia universali part. 1. pag. 194.* Locus est Psalm. 120. 7. *Hei mihi quod peregrinatus sum in Melech, habitavi in tabernaculis Kedar.* Itaque reddunt Castalion, Paginus, Lutherus, verum non satis rectè. Quandoquidem ibi מֶלֶךְ non est loci nomen, sed temporis. Aquila vertit, πῆρς πλὺθύνον ἐς μακρὸν χρόνον advena fui longo tempore. Neque aliter Alexandrini, Tremellius, Romanus, Syrus, Arabs. Loca similia habes Psalm. 36. 11. Psalm. 85. 6. Psalm. 109. 12. Proverb. 13. 12. Nehem. 9. 30. Esai. 13. 22. Ezech. 12. 25. 28. & dudum monuit Rabbinus Kimhi *Commentario ad h. l.*

VII. Pergit: Et filii Gomer, Asienaz Regni caput est Bohemia. A Riphath sunt Aquilenses & Turvisiani, qui fuerunt olim in Illyrico, unde profecti considerunt urbem Venetias. Thogarma est Turcia, quæ alio nomine vocatur Turquestan, estq; Regnum magnum, quod ab una parte attingit Persiam.] Asienas primitus habitavit Asiam, quod constat satis. Nam, ut aliataceam, populos Regni אֲשִׁינָז evocat Deus, ut sub Cyri auspiciis invadant Babylonem, *Jerem. 51. 27.* An illi erant Germani? Non, sed erant Phrygiæ populi, à quorum abitu vacuas sedes

occupaverunt Pamphyliæ & Pisidiæ gentes è posteris גִּרְגָּשִׁי, ceperuntque in literis sacris alia nomina sortiri. *Gen. 14. 1.* est Thideal *Rex gentium*, ubi גִּרְגָּשִׁי exponit Græcorum Scholiorum author, quod sit παμφύλια. Rursum *Ezech. 27. 11.* in præsidario milite, quem Tytus live secum habebat, sunt גִּרְגָּשִׁי, & norantur habitatores Phrygiæ *Anconitane.* Verum tamen est, ab Asiæ Phrygiæ veteris incolis originem trahere Germanos, ut diximus *supra cap. 20. dist. 4.* Quod enim Johannes Bodinus in *Methodo Historica, cap. 9.* disserit, Germanos provenisse à Celtis live Galis, & Gallos originem suam debere Græcis, hoc, inquam, falsum est, ac operosè refellitur à Philippo Cluverio, *lib. 1. Germaniæ antiquæ, cap. 3.* Qui tamen non minorem errorem errat, dum tuetur communem originem Hispanorum, Gallorum, Britannorum, Illyriorum, atque omnes illos ab Asienaze totos esse, pronunciat, *l. d. cap. 4.* Denique Turci pars Scytharum sunt, descenduntque à גִּרְגָּשִׁי progenitore Tattarorum omnium. Olim propius habitaverunt, in parte aliqua Syriæ, itaque mulos atque equos dicuntur vendidisse in nudinis Tyriorum, *Ezech. 27. 14.*

VIII. Pergit: Et filii Javan: Elisa sunt Insule Archipelagi circumquaque, itaque mare illud, quod à Calliopoli procurrit ad usque Constantinopolim, vocatur Hellespontus, אֲרִישֵׁי פֹנֶט. Tharsus est Metropolis Regni ingentis ad oram maris prope Antiochiam, quod Ciliciam vocant. Cisthim sunt insule Cyprî Insulæ, & Dodanimes Insula Rhodus.] Sunt aliqua in his ero consentanea, quam de appellatione Hellesponti repugnare cogamur. Quæ de Cisthim proferunt,

vera sunt, adeoque *κίτιος* erat urbs Cypri, patria Zenonis Cittizi, quem propter eam Phœnicem alio cognomine appellabant, uti docet Cicero *lib. 3. de Finibus*, & Suidas in *Lexico*. Sanè Phœnices multis post annis venisse eò, constat ex Menandri Ephesii relatione apud Josephum *lib. 9. Antiquit. cap. 9.* ubi narratur, Kitthæos, id est, Cyprios defecisse à Tyriis, & horum Regem Elulæum cum navibus profectum domuisse rebelles. Equidem Jacobus Usserius *Tom. 1. Annalium sacrorum, pag. 100.* vult emendare *Gittheos*, ut notetur urbs Phœnicie Gitta, quàm vocat Polybius, estque Gath urbs Philistæorum, *2. Sam. 15. 18. cap. 21. 19.* Verùm civitas illa non erat subiecta Tyriis, ad Philistæos omninò spectabat, quos hoc tempore adhuc superfuisset, patet ex *2. Reg. 18. 8.* Hæc non approbat Bochartus: Si Cittim est Cyprus, quando impletum est illud quod prædicitur, *Num. 24. 24.* fore, ut Citthæi affligant Assur & Eber? Et quænam erant illæ Cittim, *Dan. 11. 30.* quarum adventu Antiochus, qui cogitabat Ægyptum invadere, cogitur regredi re infecta? *part. 1. Geographia sacra, pag. 356.* Eadem habet Matthæus Bernaldus in *Chronologia sacra, lib. 4. pag. 294. 295.* Respondeo: Prædictum Bileam tunc impletum est, cum Macedoniæ Rex Alexander bello superavit Persas Asiæ potentes, uti dictum est *suprà cap. 16. dist. 1.* Danielis vaticinium pertinet ad Romanorum gesta, qui Antiocho grave bellum comminabantur mari & terrâ, nisi pacem faceret cum Rege Ægypti, habebantque in maris Ægei portibus naves militibus instructas, uti docet Livius *lib. 45. histor.* Porro negat Bochartus, quòd Rhodanum fuerit progenitor Rhodiorum, ma-

vultque ab illo derivare Gallos, apud quos est fluvius Rhodanus in Gallia Braccata. Rationes, quas profert *part. 1. Geographia sacra, lib. 3. cap. 6.* sunt istæ: (1.) Nomen Rhodi est multò recentius, quàm ut Mosis ævo notum esset. *Respondeo:* Græculi sæpius vocabula prisca obliterare voluerunt, postquam eorum derivationes in lingua sua quæssiverunt. Veruntamen conatus ille non est bonæ fidei. (2.) Affirmat Pindarus *Olymp. 7.* veterum sermonibus jactari, quo tempore Dii, id est, filii & nepotes Nohæ, terram inter se diviserunt, Rhodum nondum apparuisse, sed in fundo maris latuisse. *Respondeo:* Est Poëticum dictionum, in quo veritatem rei frustra rimeris. (3.) Rhodus Insula est angustior, quàm ut uni è quatuor filiis Javanis sufficeret, quibus Europæ magna pars in sortem obtigit. *Respondeo:* Multi quidem in Europa populi originem habent à Javanis filiis, non verò omnes, & ne quidem plurimæ numero, uti satis patet ex illis, quæ diximus *suprà cap. 20. dist. 4.* ubi videantur. (4.) Præterea videtur, quòd Rhodus cum vicinis Insulis ceciderit in Elisæ sortem. *Respondeo:* Non videtur ita factum esse, quando Æoles nimis remoti sunt ab Insula Rhodo, propiores multò sunt Diores, qui vicinam Asiæ continentem occupaverunt.

XI. Pergit: *Et filii Cham sunt Chus, Misraim, Phut, Canaan. Et filiorum Chus loca non cerò novimus, tantum in genere scimus, eos in Æthiopie Regno & in Mauritania degere, quæ sunt Regna Nigrorum & Abassinorum. Porro Seba, qui in hac sectione memoratur, non est Regnum Arabie felsicis, sed ille Seba, cujus mentio est inter filios Keturæ, Gen. 25. 3. Phut ei autem habitant in montibus*

Bb

Lub,

Lub, vocantq; *Liby*.um, unde est quod hodieque vocatur *Phutiten* acorum, & magnus fluvius illam ambiens. *Libya* autem vocatur de nomine *Lehabim* filii *Afrim*.] De *Chusæis* & *Phutæis* verissima dicit, non tamen à *Chusæis* debent excludi *Arabiz* populi. Diximus *suprà* cap. 20. dist. 4. atque inde satis constat, errare *Beroaldum*, qui ita *Arabas* derivat à *Chuso*, ut neget, ab eodem *Chuso* descendere *Æthiops*, lib. 4. *Chronologia sacra*, pag. 296. seqq. uterque populus uni progenitori originem suam debet, *Æthiopes* verò *Chusæi* appellantur expressis Scripturæ locis, 2. Reg. 19. 9. *Esa.* 20. 4. 5. *Zephan.* 2. 12. Regerit *Beroaldus*, omnia loca ista intelligenda esse de *Arabiz* populis in vicinia *Palæstinæ*, quandoquidem *Ægyptus* navium ac mercimoniorum ferax itaturus esse ultra fluvios *Æthiopiæ*, *Esa.* 18. 1. 2. ubi rectè quidem interpretabimur, sitam esse ultra *Arabiam*, non etiam rectè dicemus, sitam esse ultra *Æthiopiam*, quæ est in *Zona* torrida. Et *Zephan.* 2. 12. prædicitur, *Chusæos* debere petiri gladio, nimirum *Arabes* *Palæstinæ* finitimi sunt, quibus extrema comminatur *Deus*, utpotè qui molesti fuerant populo suo. Hec ille, & cum illo *Paulus Merula* in *Cosmographia universalis*, part. 1. pag. 197. Respondeo: Similis locus est *Esa.* 43. 3. Ego Dominus Servator tuus dedi propitiationem tuam *Ægyptum*, & *Chus* & *Saba* pro te. Hic ordine ponuntur gentes vicinæ, ait *Beroaldus*, nempe *Ægyptus*, *Chus* est *Arabia* propè ostium *Pelusiæ* cum, *Saba* est interior *Arabia* prope mare *Rubrum*, l. d. pag. 303. Nos ordine alia omnia monstrabimus. Locus 2. Reg. 19. 9. ita sonat: Audiens autem de *Thirhaka* Rege *Cuschi*, ecce procedit, ut pugnet contrate. Erat ille Rex *Libyæ*

& partium *Æthiopiæ*, cujus terras proximas *Ægypto* carperant *Assyrii* compotes *Ægypti* per armorum successum triennio integro, adeoque vicinis suis auxilio futurus, atque injurias proprias ulturus, *Tearkos* expeditit contra terrarum populatores *Assyrios*, nec vicit prælio hostes, tantum attrivit vires uti poterat, domumque reversus est. Narrat *Herodotus* lib. 2. & nos diximus in *Recensu* historiæ universalis lib. 1. cap. 2. dist. 2. Ad negotium idem pertinent verba *Esaie* 20. 4. 5. ubi prædicitur infelix progressus *Thirhaks*, qui vinctus prælio, captivos multos in potestate *Assyriorum* reliquit, ipse fugâ evasit ad Regni interiora, quò non poterant sequi hostes. Frustrâ obtenditur, quòd *Ægyptus* ultra fluvios *Æthiopiæ* sita non sit, *Esa.* 18. 1. 2. Verba Prophetæ sunt: O terra umbrarum, quæ est (sita) secundum flumina, (nempe ô tu) *Æthiopia*! Constat perpetuis montibus obductas esse partes *Nubiæ*, quæ vergunt istâ ad mare *Rubrum*. Flumen intellige *Nilum*, qui de *Lunæ* montibus progressus, emetitur regiones *Æthiopum*, anrequam perveniat ad *Ægyptios*. Nihil de *Ægypto* commemorat *Propheta*, id solum notetur, quòd describatur apparatus bellicus *Æthiopum* adversus *Assyrios*, eventu cariturus, uti diximus in *Recensu* historiæ universalis lib. 1. cap. 5. dist. 2. Sequitur locus *Zephan.* 2. 12. Sed & vos *Æthiopes* gladio meo interfecisti eritis, sicut illi. Nempe *Philistæi*, *Moabitæ*, *Ammonitæ*, de quibus antè egerat. Impletum est, cum *Nebucadnesar* *Assyrius* auxilia *Getulorum* & *Nubiensium*, qui veteres *Ægyptiorum* socii & à *Necone* Rege adducti erant, prælio fundebat ad *Euphratem*, de quo est *Jerem.* 46. 2. Denique illud *Esa.*

Esa. 43. 3. *Dedi propitiationem tuam Aegyptum, & Chus & Saba, non obstat sententia nostræ. Sensus est: Cùm Sennaheribus cogitaret tibi inferre malorum ultima, objeci ei hostem alium, qui præcipitem Regis potentissimi cursum averteret aliò. Nempè Thirhakam Libyæ partium & Nubiz Regem, quem Aegyptii rerum suarum protectorem contra Assyrios vocaverant. Dum ille pugnabat & vincebatur, Judæis respirandi spacium concessum fuit. Tantum de Nigritis à Chuso oriundis. Hoc verò etiam notetur, quòd gentes Arabum ceperunt valdè augeri, postquam Hagaræ & Keturæ posteri unà cum eis habitare volebant, Gen. 21. 21. cap. 25. 1. 2. segg. 1. Paralip. 1. 29. 30. 31. 32. 33.*

X. *Pergit: Filii Misraim Pathros & Caphtor, id est, Damiatæ & Philistæ à Gaza usque ad Aegyptum. Dereliquis ignotum est, ubi habitaverint.* Pathros sunt incolæ in Phatrite Nomo & proxima regione, quæ sese extendit ad ostium Pelusiæ, eratque ibi condita urbs, quæ vocatur Daphnæ Pelusiæ, Jerem. 41. 7. cap. 44. 1. cap. 46. 14. Esa. 11. 11. Ezech. 29. 14. Herodotus lib. 2. Cæterum Moses exprimit Ludæos, Hanamæos, Lahabæos, Naphthuchæos, Casluchæos, à quibus egressi sunt Philistini, & Caphtoræos, Gen. 10. 13. 14. Eos scimus esse incolas Maræotidos, Cyrenæos, Libyas, Marmaricenses, Cassiotides, Sethroitides. Ita Junius in notis ad h. l. secutus plurimum Chaldæum Paraphrastam. Quodenim Vatablus in notis exponit Ludæos de Lydis Asiæ populis, oppidò falsum est, quoniam Lydi isti sunt è posteris Semi, Gen. 10. 22. A Cassiotidos incolis originem habuerunt Philistini, itaque dicitur Amos 9. 5. Annon

filios Israël adscendere feci de terra Aegypti, & Philistinos de Caphtor, & Syros è Kiro? Similis locus est Jerem. 47. 4.

XI. *Pergit: Et filii Chanaan. Sidon primogenitus ejus, cujus sedes hodieque vocatur Sidon: Et Chittæus: Et Amorrhæus propè Jerusalem: Et Jebuseus in ipsa urbe Jerusalem: Et Girgoseus, qui relicti Israël terrâ suâ, se contulit in regionem, quæ adhuc usque dum appellatur Georgestan: Hevæ autem habitaverunt in monte, qui est ante Libanum: Et Akei, in urbe Arka, quæ à Tripoli distat unius diei itinere: At Sinai sunt Tripolitani: Et Arvadæorum est hodieque Insula Aradus Antarado opposita in sinibus Tripolitæorum: Et Semaræ tenent Emesam: Et Emathæi Hamam. Omnes populi isti habitabant regionem unam, quæ vocabatur Phœnicia. Hanc Bochartus compositam vocem ex עַנְק בני arbitrat, cujus quidem, neque in hoc, neque in multis aliis probare opiniones possumus. Quis enim sibi persuadeat, Britannicæ nomen Phœnicium esse, & quia plumbi ferax regio, idè dictam בְּרַחַם id est, agrum plumbi? Hoc verò omnem fidem superat, quòd ipsius Thules nomen Phœnicium esse vult à שׁוֹל sive tenebris deductum, quia nimirum ibi sint longissimæ noctes. Quasi non etiam dies longissimi, imò per ætatem ferè perpetui illic tetrarum essent. Jam illud quàm aptum, quòd Hibernicæ nomen Phœnicium esse contendit, & cum ultima terrarum veteris orbis in Occidentem fuerit, dictam עַנְק בני id est, ultima habitatio, part. 2. Geographia sacra, lib. 1. cap. 1. 39. 40. Et ex hujusmodi conjecturis tota ferè Canaanis moles composita est, laboriosè quidem, sed parum probabiliter. Græcorum vocabulum est Phœnicia, uti dictum*

Bb 2 est

est *suprà cap. 20. dist. 27.* Cæterum Amor-
rhæos propè Jerusalem habitavisse, Scriptu-
ra non dicit uspiam. Plerique trans Jorda-
nem sedes fixerant inter torrentes Jabok &
Arnon, ubi sunt Basan & Hesbon, depulsis
inde Moabitibus, qui nimium graves accolæ
potentiam suam augere volebant, in cuius
victoriæ memoriam Poëta Chananæus
scripsit carmen *הַיְיָ יְהוֹה*, quod Moses vocat
librum bellorum Domini, & libris suis inseruit, *Num. 13. 30. cap. 21. 27.* Sidon primogenitus condidit urbem
Sidonem, celebrem perinde in sacris & pro-
fanis literis, *Gen. 49. & 13. Josue 13. 4. Ju-
dicum 18. 7. 1. Reg. 5. 6. Homerus Iliad. 6. &
23. Odyssæa 4. & 13.* Celebre est illud testi-
monium *Iustini*: Phœnices terræ motu ve-
xati, relicto patriæ solo, Assyrium stagnum
primò, mox mari proximum litus incolue-
runt, conditâ ibi urbe, quam à piscium
ubertate, Sidona appellaverunt, nam pi-
scem Phœnices sidon vocant. Post multos
deinde annos à Rege Ascaloniorum expu-
gnati, navibus appulsi, Tyrum urbem ante
annum Trojanæ cladis condiderunt: Ibi
Perfarum bellis diu varièque fatigati, victo-
res quidem fuerunt, sed attritis viribus, *lib. 18. histor.* Assyrium stagnum est lacus Gene-
sareth, de quo refert Strabo *lib. 16. Geo-
graph.* Bella Perfarum sunt expeditiones
Salmanassaridis & Nebucadnesaris Regum,
qui armis suis florentissimas res Tyrorum
valde afflixerunt, de quibus prædicta con-
tinentur in literis sacris, *Esa. 23. 1. seqq. Jerem. 25. 22. cap. 27. 4. Ezech. 26. 2. seqq. cap. 27. 1. seqq.* & meminit Josephus *lib. 9. & 10. Anti-
quitatum.* Ergò Tyrii provenerunt à Si-
doniis, & ab utrisque Pœni. Ad Euphratem
habitabant Chittæi à septem populis cla-

rimissimi, *Josue 1. 4.* hireliquis aut excisis aut
accisis peculiare Regnum in Syria consti-
tuerunt, *2. Reg. 7. 6.* Jebusæos habitavisse in
agro Hierosolymorum, constat ex *Judic. 1. 21. cap. 19. 10. 2. Sam. 5. 8. 1. Chronic. 11. 6.*
Girgozæos hæc ille circa Gerafa vel Gadaræ,
tempore Christi, docetur *Matth. 8. 28. Marc. 5. 1. Luc. 8. 26.* Quòd venerint
emigrando in Gurgestanam, falsum est,
namque Gurgestana est ad mare Ponticum,
ubi nunc sunt Iberiæ & Albanæ incolæ, &
posteris Japheti, ut dictum est *suprà cap. 20. dist. 4.* Mons ante Libanum, in quo Hevæi
confederunt, vocatur Hermon, *Josue 11. 3. Judic. 3. 3. Psalm. 89. 13.* Eorum coloni Gi-
beonitæ & Sichemitæ fuerunt, quorum illi
Jerosolymis, hi Samaritæ magis finitimi
erant ad Occidentem, *Josue 9. 19. cap. 11. 19. Gen. 34. 2.* Arcitæ pars Phœnicum ad
Libanum, à quibus est Juno Architis, in
templo splendido culta, Macrobius *lib. 1. Saturnal. cap. 7.* Omnium non modò Phœ-
nicitæ, verum etiam totius orbis pulcherri-
mus mons Libanus censetur, cediti quon-
dam adèò ferax, ut materiam Salomoni
struendo templo & palatio, Tyriis etiam ad
classes suppeditaverit. Hodie vix quatuor
& viginti numerantur. Sinæos negamus esse
autores Tripolis urbis, namque hæc po-
tius est Arvadæorum colonia: Et verò Bo-
chardi error est, qui Sinæos exponit de Pe-
lusiotis in Ægypto, *part. 1. Geographia sa-
cre, lib. 4. cap. 36.* Et addit: Sunt qui Sinæos
montis Sinæ accolæ fuisse putent, quod vix
patitur illius eremi vastitas, in quo Sina
mons est. *Hæc ille.* Atqui vastitas non impe-
dit, quò minus locis quibusdam habitari
poterat, estque sententia illa Matthæi Be-
roaldi *lib. 4. Chronologia sacra, pag. 310. Lo-*
cus

cus est Esa. 49. 16. *Ecce issi à longinquo venient, ecce quoque illi ab Aquilone & ab Occasu, denique illi à terra Sinearum.* Putant Olorius, Ariæ, Montanus, Sanctius, Cornelius à Lapide, Franciscus Junius *Commentariis* ad h. l. Patricius Armatus lib. 1. de *Iustitia armorum Regis Christianissimi*, cap. 26. quod sit manifestum vaticinium de conversione Sinenfium ad Ecclesiam, neque dissentit Georgius Hornius lib. 1. de *Origine Americanorum*, cap. 4. Atqui sonat litera de recollectione Iudæorum per Afriæ loca exsulum, & reditu eorum in patriam. Hoc certum est, quod Sinarum populi sint אֲרָמִי, non verò sunt שִׁמְרִי. Post Ortum, Septentrionem, Occidentem restabat Auster. Ad Austrum Judææ sunt deserta Sin, & in eis mons Sinai, Exod. 16. 1. cap. 17. 1. Ceterum, à Sinæis illis ortos esse populos Sinarum, audaciter divinat Hornius l. d. Nimirum ex Arabiæ deserto profectos esse ad ultimos Indos, hauri verosimile est. Scythis originem suam debent, atque regionem eorum Sericam appellant Veteres, uti diximus *suprà* cap. 20. dist. 4. & adde Theodorum Spizelium *libro de re literaria Sinenfium*, cap. 1. Isaacum Vossium *notatis ad Pomponium Melam*, lib. 3. cap. 8. Arvadæi occupaverunt Aradum Insulam prope Eleutherum fluvium, & partem vicinæ continentis, ubi sunt Antaradus, Marathus, Laodicea, Tripolis, Gabala, ut prodit Strabo lib. 16. *Geograph.* Arvadi & Gebal junctim memorantur, Ezech. 27. 8. 9. Gebal verò habebat templum Solis cultu exiniium, quem Alagabalus Cæsar in populis illis educatus, Romanam deinceps transfudit, ut dixi lib. 1. *Antiquitatum Romanarum*, cap. 6. dist. 4. Inscriptio Romana: Soli. Alagabalo. Julius. Bal-

billus. Aquila. Gruterus in *Volumine*, pag. 32. 313. Semarzi condiderunt Emisfenos. Quod enim Tostadus eos cum Samaritanis confundit, magnus error est, quando constat שְׁמַרְזִי esse Cuthæos, origine Medos, ut proluxit docui libro de Scriptura sacra *Exercitat.* 37. Hemathæi erant prope Libanum montem, Numer. 13. 21. cap. 34. 8. Josue 13. 5. 2. Reg. 23. 22. cap. 25. 21. Jer. 39. 5. cap. 52. 9. 27.

XII. Pergit: *Dixerunt patres nostri, Semum esse Melchisedechum, qui condidit Jerusalem.* Porro Semus habuit quinque filios, qui omnes habitaverunt in Asia, ab Euphrate fluvio usque ad mare Indicum. Elam, à quo descendunt Perse: Assur, à quo sunt Assyrii: Arphaxad, à quo sunt Chaldei: Lud, à quo sunt Lydi: Aram, à quo sunt Aramei, qui Græcè Syri vocantur, & Damascus habent pro Metropoli. Quod Semus non fuerit Melchisedechus, dictum est *suprà* cap. 20. dist. 7. Scribit Beroaldus: Assur nomen dedit Assyriis, quorum florescentes opes & diuturnum Imperium profanâ memoraturo historiâ, sed verendum est, ne Herodotus & alii plus sibi licentiæ in eo describendo sumpserint, quàm par fuerat. Scriptura enim cum maximè florescentes opes proponit, quod potissimum sub Rege Sennacheribo contigit, eas tantum gentes narrat, quæ Taurum montem vix contingunt, & Syriâ comprehenduntur, Esa. 37. 11. Hæcille lib. 4. *Chronologia sacra*, pag. 112. 313. Respondeo: Antiquissimum illud Imperium, quod Nimrodus in Babylonia & Assyria condidit, amplissimum omnino fuit, uti constat ex Gen. 10. 8. 9. 10. 11. 12. Novum illud, in quo flourerunt Salmanassar & Sennacheribus, plurimas etiam gentes complectebatur ne-

que Herodotus plura eis attribuit, ac veritas patitur. Diximus in Recensu historię universalis lib. 1. cap. 3. dist. 1. & 2.

XIII. Concludit: *E filiis Arphaxadi unus nomine Selah genuit Eberum, à quo Judei Ebraorum nomen sumpserunt. Eber autem filios habuit Phalegum & Jectanem. Hujus filii tredecim fuerunt, qui omnes habitaverunt à Mesa. Ea vocatur Arabum lingua Mecca, estq; locus peregrinationis eorum. Regnum extenditur usque ad Aiman, quod vocatur Regnum Seba.]* Quòd Ebraei non acceperint cognomen suum ab Ebero, dictum est *suprà cap. 20. dist. 30.* Mesa ne-

quaquam est Mecca Arabum civitas, & Semi posteri non venerunt in Arabiam, sed tota illa penes Chusum remansit, quem longo post tempore exceperunt Ismaëlis & Keturae filii, uti dictum est *suprà c. p. 20. dist. 27.* Molis verba sunt: Omnes illi habitaverunt à Messa, quà itur Sepharat, ad montes Orientis usque, *Gen. 10. 20.* De Arabia non debet quicquam cogitari. Messa est tractus montanus in Mesopotamia, & Sephara est oppidum ad Euphratem. Utrumque commemorat Ptolomæus lib. 5.

Tab. 4. cap. 18.

INSTITUTIONUM POLITICARUM LIBRI I.

F I N I S.





INSTITUTIONUM POLITICARUM

LIBER SECUNDUS.

CAPUT PRIMUM.

Denaturâ Majestatis,

SUMMARIA.

1. *Definitio majestatis.*
2. *Legibus soluta potestas.*
3. *Majestas personalis, realis.*
4. *Majestas Regum propria.*
5. *An Dictator majestatem habuerit?*
6. *Jura majestatis.*
7. *Jus circa sacra.*
8. *Venietorum libertates.*
9. 10. *Clericorum Privilegia.*
11. 12. *Rex caput Ecclesie.*
13. *Papa caput Ecclesie.*
14. *Ecclesie unitas.*
15. *Religiosa pax.*
16. *Præses Conciliorum.*
17. *Papa superior Concilio.*
18. *Bona Ecclesiastica.*
19. *Defensio Ecclesie.*

I.

P *Ars propria est, que jura majestatis exponit. [Majestas est potestas soluta legibus.]* Dicitur ab antiquo positivo *majus*, id est, excoelsus, eminens,

quomoddò Jupiter à Tusculanis dicebatur *Majus*, velut Deorum maximus, & Terra Dea vocabatur *Maja*, uti magna mater nostra. Docent Macrobius *lib. 1. Saturnalium cap. 25.* & ex illo Gerhardus Joh. Vossius *lib. 2. de arte Grammatica pag. 361.* Eam Gentiles uti Deam coluerunt, honoris & reverentiz filiam. Pulcherrimè *Ovidius*: Pulcher honor, placidoque decens Reverentia vultu, Corpora legitimis imposuere thoris. Hinc sacra Majestas quæ mundum temperat omnem, quaque die partu est edita, magna fuit. Nec mora, confedit medio sublimis Olympo, Aurea, purpureo conspicienda sinu. Consedere simul Pudor & Metus, omne videres Numen ad hanc vultus composuisse suos. *Et paulò post*: Assidet inde Jovi, Jovis est fidissima custos, Et præstat line vi sceptrâ tenenda Jovi. Venit & in terras, coluerunt Romulus illam, Et Numma, mox alii tempore quisque suo. illa patres in honore suo matresque tuetur, Illa comes pueris virginibusque venit. Illa datos fasces commendat, eburque curule,

IIla coronatis alta triumphat equis, *lib. 5 fa-
storm.* Inscriptio Romana: D. Cæsari,
Gordiano. felici. inuictō. Augusto. Nu-
mesius. Quintilianus. Urbis. Præf. ab. Epi-
stolis. Latinis. devotus. numini. Majestati-
que ejus. Gruterus in *Volumine pag. 272.
num. 1.*

II. *Legibus soluta.*] Negant Henonius
disputat. Polit. 9. dist. 5. 6. Althujus *Insti-
tut. Politic. cap. 9. num. 20.* Timplerus *lib.
5. System. Polit. cap. 1. quest. 1.* verè dici,
quod Majestas sit legibus soluta. Rationes
addunt: (1.) Quia omnis Princeps inferior
est populo universo, à quo potestatem ac-
cepit, & coram quo rationem reddere tene-
tur. *Respondeo:* Falsum est, quod Princeps
inferior sit populo, uti diximus *supra lib. 1.
cap. 7. dist. 1. seqq. (2.)* Quia nullus unquam
fuit Princeps à legum vinculo exemptus.
Respondeo: Imo nullus unquam fuit Prin-
ceps, qui cum vellet à legum vinculo exem-
ptus esse, illis obnoxium præbere sese co-
actus fuisset, uti porro dicemus *infra à cap. 5.
dist. 6.*

III. Dividunt vulgo Majestatem, quod a-
lia sit realis, alia personalis. Illam vocant,
quæ Reipublicæ inhæret, unde populus ju-
ra singularia acquirat, & de quâ intelli-
geat, quod habetur 2. *Samuel. 5. 3.* fecisse
Reges fœdus cum subditis suis. Hanc, *ajunt*,
spectare ad constitutionem Reipublicæ, ut
nec sumus Princeps eam mutare possit: esse
Reipublicæ cœvam, & durare quamdiu
Reipublica vel non vi majore, vel omnium
quorum interest, consensu mutatur: com-
prehendere leges fundamentales à populo
toto promulgatas. Personalem vocant, quæ
penes Magistratum reposita est, & concer-

nit. Reipublicæ administrationem. Ità Be-
soldus *lib. 1. doctrina Politica cap. 1. dist. 4.
5. 7. 8. 9. 10.* Martinus Schokius *libro de Ma-
jestate dist. 61.* Benedictus Carpzovius *Com-
mentario ad Legem Regiam Germanorum
pag. 68. seqq.* Arumæus *Volum. 1. juris pub-
lici Dissertat. 30.* Theodorus Grafwinke-
lius *libro de jure majestatis cap. 10. 11.* Marti-
nus Rumelinus *commentariis ad Auream
Bullam part. 3. dissertat. 2. dist. 13.* Arnisaus
lib. 1. doctrina civilis cap. 11. Barthol. Kec-
kermannus *lib. 1. System. Polit. cap. 6.* Her-
man. Kirchnerus *Dissertat. 2. de Republicâ
thesi 3.* Johannes Paulus Felwingerus in *Dis-
sertationibus Politicis pag. 428. seqq.* Re-
spondeo: Una solum majestas est, videlicet
rectoria seu personalis, & illa altera, quam
vocant realem, tantum modaliter differt à
Legibus fundamentalibus, quæ sunt effectus
eorum, qui vel majestatem habet, uti Rex,
vel libertatem, uti Populus. Falsum est, quod
populus jura singularia acquirat. Namque
privilegia omnia, libertates, jura, quæ habet
populus, Regum beneficia sunt, quando no-
tum satis est, Reges fuisse ante populum, &
Regum gratia omnia sua debere populum.
Reges à populo vel parum vel nihil lucrati.
Falsum est, quod Reges in populo Dei subditis
suis potestatem aliquam dederint. Servi Re-
gum suorum erant, & Reges absolutè age-
bant omnia, ut ne quidem, cum res suas cru-
deliter gererent, populi judicium subire co-
gerentur, uti dictum est *supra lib. 1. cap. 12.
dist. 1. seqq.* Falsum est, quod majestas rea-
lis sit cœva Reipublicæ. Sanè hoc majestati
personali competit, quæ perpetuò durat in
Imperiis illis, ubi Reges succedunt: cessat
tantisper, non prorsus tollitur, ubi Reges
eliguntur.

eliguntur. Falsum denique est, quod populus totus promulgat leges. Regum id semper & ubique munus fuit, populi nunquam fuit, qui leges accipit, non verò dat.

IV. Et verò Majestas personalis unicè ibi est, ubi Princeps est, secus quàm statuunt Besoldus *lib. 1. doctrina Politica cap. 1. dist. 11.* Martinus Schogkii *libro de Majestate dist. 14. & 37.* Vernulejus *lib. 1. Instit. Politicarum Tit. 19. cap. 1.* Martinus Rumelinus *l. d. dist. 14.* Carpzovius *l. d. pag. 69.* Henricus Bocerius *libro de crimine lese majestatis cap. 1. num. 25.* Certè ipsum nomen docet, quod tantum esse in personâ, id est, individuo possit: Atqui in Aristocratia & Democratia sunt personæ multæ. Accedit ratio manifestâ: Regi datur potestas agendi quomodò vult, ad eòque populus ei perfectè obnoxius est, neque reservat sibi ullam partem imperii, ut Regem velit cogere ad reddendam rationem. Hæc est majestas personalis, videlicet uni permittere summam potestatem in omnes & super omnia. Verum in Aristocratia & Democratia concurrit populus quâ imperium, ut Magistratui quidam tribuant potestatem agendi secundum Leges, attamen reservent sibi partem Imperii, quatenus unâ cum illo deliberant, decidunt, exsequuntur, & adversus corruptores boni publici jure suo itâ procedunt, ut supplicio afficiant illos, vel saltem officio deturbant. *Argumentum*: Illi habent majestatem qui agunt cum potestate translata. Atqui Reges soli agunt cum potestate translata. Ergò Reges soli habent majestatem. Minor constat, quia Proceres agunt cum potestate delegatâ. Regerit Besoldus, *populum simul sumptum esse personam quan-*

dam sictam. Contrâ: Nullum adjunctum reale potest subjecto sicto inesse. Atqui majestas est adjunctum reale. Ergò non potest subjecto sicto inesse. Dicimus, quod in Aristocratia & Democratia est Libertas, quæ hoc sensu non opponitur quidem servituti, verum dominio superiori unius Viri. *Tacitus*: Urbem Romam à principio Reges habuerunt, Libertatem & Consulatam Lucius Brutus instituito *Rursum*: Drusi magna apud populum Romanum memoria, credebaturque si rerum positus fuisset, Libertatem reddidurus, *lib. 1. Annal.* Hæc ille.

V. Quæritur: *An Dictator Romanorum habuerit majestatem?* Respondeo: Affirmant Hugo Grotius *lib. 1. de Jure pacis & belli cap. 3. dist. 11.* Arniseus *lib. 2. Relationum Polit. cap. 2. sect. 15. num. 17. seqq.* Martinus Schogkii *libro de majestate dist. 16.* Johan. Felwingerus *in Dissertat. Politicis pag. 91. seqq.* Wilhelmus Barclajus *lib. 3. de potestate Regali cap. 5.* Nos verò negamus cum Besoldo *lib. 1. doctrina Politica cap. 1. dist. 25.* Joh. Bodino *lib. 1. de Republicâ cap. 8.* Vernulejo *lib. 1. doctrina civilis Tit. 19. cap. 1.* Jacobo Martini *lib. 2. doctrina Politica pag. 659.* Martino Rumelino *part. 3. dissertationum ad Aurcam Bullam pag. 619. 620.* Rationes sunt istæ (1.) Quicumque non habebat exercitium perfectum ad omnia jura majestatis, ille caruit majestate. Atqui Dictator non habebat exercitium perfectum ad omnia majestatis jura. Ergò Dictator caruit majestate. Minor constat: *Perfectum* non erat, quia populus non abdicabat prorsus à se libertatem, verum de illius arbitratu remittebat pro tempore. *Optimum* non erat, quia tantum creabatur pro bello

bello gerendo, seditionibus componendis, magistratibus constituendis, clavo figendo, comitiis habendis. (2.) Nullus magistratus extraordinarius, habet jura majestatis. Atqui Dictator erat magistratus extraordinarius. Ergo Dictator non habet jura majestatis. Minor constat: Opposita sunt libertas & majestas, ubi ergo libertas obtinet viâ ordinariâ ibi majestas est nulla. (3.) Ubi est potestas delegata, ibi non est majestas. Atqui penes Dictatorem erat potestas delegata. Ergo penes Dictatorem non est majestas. Major probatur: Delegata potestas est à beneficio alterius majestas verò est juris proprii. Minor: delegata erat, quia cum aliquâ temporis rerumque circumstantiâ descripta erat, majestas verò nec majore potestate, nec legibus ullis, nec tempore definitur. Excipiunt *Arnisæus & Grotius*: (1.) Dictator erat cum potestate irrefragabili, neque actus ejus ab alio poterat reddi irritus. *Respondeo*: Erat quidem irrefragabilis, sed non nisi ex commisso, adeoque non jure proprio & quoque in casibus quibusdam, non verò in omnibus. Verbo: Populi vices, in quantum ille de jure suo remittebat, Dictator præstabat. Itaque non debet hîc tam spectari quid commissum erat Dictatori, sed quis commiserat, & quousque (2.) Temporis circumstantia externa est, neque igitur immutat naturam rei. *Respondeo*: Non semper est circumstantia externa, & cum primis tunc non est, quando cum effectu aliquo necessariò concurrit secundum pacta. Nam si pactis non comprehenditur, extrinsecum est. Erat verò expressè definitum, ut eò usque duraret, neque longius. (3.) Intercedere poterant adversus

mandata ejus, sed precibus, non etiam vetando uti jure suo. *Respondeo*: Intercessionem per oportunas preces in rebus gestis Papirii Dictatoris, narrat Livius *lib. 8. hystor.* Atqui utrumque poterant Tribunum, alterum fecerunt, ut dignitatem suam magistratui conservarent ex officio, alterum, si preces negligerentur, conati sapius, ut libertatis excellentiam nullam à se abdicarent, jura sua defendendo. Vires suas Dictatori committebat populus, majestatem non dabat, quam nec ipse habebat. Tunc verò saltem habebat alius, quando illi in sese potestatem lege irrevocabili & ad posteros duraturâ tradebat, atque libertatem abdicabat, uti sub Augusto Cæsare evenit. Quin potius mutabilia fuerunt, quacunque populus in Dictatorem conferebat. Initio valuit Dictator sine provocatione, deinceps provocari ab illo poterat, uti docent Livius *lib. 8. cap. 33 lib. 12. cap. 11. 25. Plutarchus in questionibus Romanis.* Namque rogationem populus tulit, ut secundum formulam mandati ab ipso descriptam ageret Dictator, secus agendo multam incurreret: utque Dictatoris & Magistrum equitum imperium esset cum pari potestate. Quæ rogatio, quanvis novi exempli erat, tamen de jure populi testabatur, & potestatem Tribunorum exemptam demonstrabat.

VI. Cæterum Jura majestatis sunt plurima (1.) Religionem curare. (2.) Leges ferre. (3.) Judicia exercere. (4.) Bella gerere. (5.) Fœdera pangere. (6.) Societates ordinare. (7.) Aerarium disponere (8.) Legatos mittere.] De his omnibus dicemus ordine. Fallitur verò Reinerus Sixtinus *lib. 1. de Regalibus cap. 4. num. 1.* ubi scribit, regalium

materiam esse tantum de civilibus. Rectius censlebant Veteres, qui curam sacrorum imponebant Regibus, ut diximus *suprà lib. 2. cap. 5. dist. 4.* Et negat Albericus *Genilis*, Reges istos qui in causâ Religionis constituenda superiorem agnoscunt Papam, supremos Principes vocandos esse, *Disputat. Regia 1. fol. 8.* Verba ejus sunt ista: De Rege Galliz & Hispaniz dubito, an supremi Principes sint, qui in re divinâ & in causâ Religionis constituendâ superiorem sibi Pontificem tenent, Pontificique subiecti vivunt. Quod est procul dubio contra jus suprematatis, quæ custos sub uno tantum Deo & assertrix primæ etiam est tabulæ. Felices Principes, verè Principes, qui nullâ vel tantillâ in re agnoscunt jurisdictionem peregrinam. Nullos suos cives habent, qui tantillâ in re venerentur, jurisdictionem peregrinam, sive temporalem sive spiritualem. Alii non sunt Principes supremi, imò nec Principes, ante quos alii capiunt locum primum. Supremi sunt, quibus est nullus *suprà*, sed ipsi sunt *suprà* omnes in omnibus. *Hæc ille.* Non tamen propter rationes à Gentili prolatas volent Reges Galliz & Hispaniz, ut sibi derogeretur jus suprematatis in Regnis suis, quandò Reges illi dictû jus metiuntur secundum externum dominium, quod perinde uti Reges alii, habent in Clericos suos, atq; horum bona. Itaque Archiepiscopos, Episcopos, Abbates, Equites, Clericos omnes instituunt ipsi, confirmationem Papæ demandant honoris gratiâ, jurisdictionem in Clericos minorum ordinum per Episcopos à se constitutos exercent, iudiciis à se institutis vitam moresq; eorum subijciunt Innocentius Gentilettus in *Exa-*

mine Concilii Tridentini pag. 12 2. seqq. pag. 194. seq. Renatus Choppinus *lib. 1. de Potestate Ecclesiast. Tit. 7.* Salgado de *protectione Regiâ part. 2. cap. 4.* Joh. Mariana *lib. 26. de rebus Hispaniæ cap. 5.* Quod Religionis negocium idem cum Papâ Romano tueri velint, ad superioritatem eis abrogandam nihil refert, quandò illi sese putant Religionis Decreta sacris literis & primitivâ Ecclesiæ consentanea obtinere.

VII. Reprehendit Besoldus: *Jura majestatis Ecclesiastica imprimis eo sine introducta sunt, ut Imperantes divinarum simul acque humanarum rerum, animarum æquæ ac corporum domini existere possint.*] *lib. 1. doctrinæ Politicæ cap. 2. dist. 4. Respondeo:* Imò cum ob suam Principi imponitur sacerorum cura suprema, ut ex officio inquirat de veritate doctrinæ, quam subditi ejus amplectuntur, adeoque ita ipse literarum sacrarum studio impendat aliquid operæ, uti Deus præcepit, *Deuter. 17. 18.* Hoc non est, animarum dominum esse, qui solus Deus est, sed Religionis procuratorem esse. Et quis quæso Papam Romanum ferat, animarum dominum esse: Is enim arrogat sibi potestatem describendi regulam agendorum & credendorum, adversus quam nemo excipere quicquam possit.

VIII. Pergit Besoldus: *Verum quatenus Ecclesiastica res pertineant ad majestatem civilem, anceps & periculosa quæstio est, cum ea de re non solum Catholici à Protestantibus dissentiant imprimis, sed nec ipsi Catholici inter se convenient planè, aliudque Sorbonici & Veneti Theologi, aliud alii hac de re tradant.*] *l. d. dist. 5.* Theologos istos, à Venetis & pro Venetis adver-

sus Curiam Romanam editis libris celebres, in unum fasciculum collegit, evulgavitque Melchior Goldastus. Scilicet Venetorum civitas processum Juris instituebat adversus Patres Societatis Jesu, quod avidi vultures in viventium & defunctorum bona involarent, Reipublicæ vires & vectigalia diminuerent, clandestinas factiones lererent, arcana Curia perquirerent & in Pontificis aures enunciarent, Ordines religiosos alios opprimerent, edicta magistratuum contemnerent. Mittebantur in carcerem Patres quidam flagitiis infames, Scipio Canonicus Vicentinus & Brandelinus Waldemarus Abbas monasterii de Nervosâ, Sodomitar, ob venificia, patricidia, falsimonias & vim publicam accusari, renovabantur leges majorum, quibus cavebatur, ne liceret absque Senatus suffragio templa nova struere, vel Clericorum mendicabilis donare fundos, agros, pascua, domos, prædia. Verum Papa Paulus V. defendebat Jesuitas, cumque Veneti nollent Baronii & Bellarmini scriptis commendari, sacris interdicebat eos. Sed illi non intermiserunt sacra, armisque sumptis pro libertate Reipublicæ constabiliendâ, Jesuitas in perpetuum telegabant, Papæ diem dicebant, & Clericorum suorum, Antonii Quirini, Johannis Marfilii, Pauli Servitæ, Fulgentii Brixiani, Hieronimi Vendrameni, Nicolai Crassi, aliorum, eruditâ operâ usi, Regibus evidenter demonstrabant per libros editos, quod Statuum omnium interesset, Clericos esse magistratui civili subiectos. Gallia Rex intervenit, ac pacem restituit Venetis utilem, Hispanis valde contrariantibus, Paulus Pisacius in *Chronico Europæ* pag. 233. 243. 244. Thuanus lib. 137. *histor.* Julius Cæsar Bulengerus lib. 12. *histor.*

Caspar Lunderpius lib. 12. *Continuat. histor.* Hugo Grotius lib. 15. *histor. Belgica.* Emanuel Meteranus lib. 28. *historia Batavica.*

IX. Pergit Befoldus: *Huc pertinent illæ quæstiones: An magistratus punire possit Clericos & Religiosos graviorum criminum reos? An requiratur consensus Magistratus, ubi Ecclesie nova sunt adificanda, novisque Ordines introducendi? An Magistratus prohibere possint, ne ad Ecclesias perveniant immobilia bona? Quorum omnium affirmativam Veneti, & quoque præfense libertatis Ecclesia Gallicana defensores evenerunt.*] l. d. dist. 8. Quod Princeps jure possit Clericos magnorum criminum reos punire, constat exemplo Regis Salomonis, qui Abiatharem Pontificem in populo Judaico damnavit velut læsæ majestatis reum, & officio dejecit, 1. *Regum* 2. 26. 29. Quod etiam Princeps consentire debeat, cum novi Religiosorum conventus exstruuntur in territorio ejus, constat quia scire debet, quos habeat cives, quos subditos, & undè veniant illi, quid agere velint, & quoniam jurisdictio soli atque uni Principi competit. Demum, quod jure prohibeat immensas largitiones, constat, quoniam Ecclesia justitiæ cultrix non debet aliena concupiscere, & cum damno alterius res suas augere præter modum. Quia enim Religiosi & se & bona sua ab oneribus extimunt, inde non potest non Respublica debilitari admodum, cui tantum decedere necesse est. quantum Ecclesiæ accedit. Prolixè hoc demonstrant Hieronymus Vendramenus Theologus Venetus in *Antiparanesi* ad Baronium de libertate Clericorum scil. 5. & 6. Ventura Vicentinus Theologus *Consideratione rerum controversarum* scil. 5. & 6.

X. Pergit Befoldus: *Sed magis est ut dica-*

WINE

mus, exemptiones Clericorum, Ecclesiasticorumque bonorum, juris diuini esse. Unde & Ecclesiam ejusque personas in territorio, non verò de territorio esse, atque Clericos à magistratu civili puniri non posse, dicunt.] dist. 9. *Respondeo:* Nec personæ, nec bona Clericorum sunt exempta jure diuino. Ubi enim lex scripta est? quod bona sunt exempta, est omnino magistratus beneficium, qui bona illa donat, cum retinere posset. De personis hoc idem constat, uti dicemus *infra* cap. 4. dist. 1. seqq.

XI. Pergit Besoldus: *Porro autem, quod ipsa Religio cultusque religiosus, minimè sit à magistratu administratone, cum pecuniariis sit Ecclesiasticus ordo, à Politico & Oeconomico distinctus, Catholici ac quoque ex hereticis nonnulli asserunt.*] dist. 12. *Respondeo:* Nemo dicit, quod Princeps debeat ipse functiones religiosas obire, id est, concionari, baptizare, certam sacram administrare, pauperes visitare, hæc enim & his similia ministeria peragant Sacerdotes, quorum interest. Ecclesie ministros nomine ac re esse. Interim sententia vera est, quod Princeps debeat esse Religionis Curator summus, quatenus Deum religionis promulgatorem ex animo veneratur, & cultus legis diuinæ est, uti prolixius dicemus *infra* cap.

XII. Pergit Besoldus: *Corruit et go dogma Anglicanum, quod Regem & Principem quemlibet caput Ecclesie sue esse arguit. Hujus autem, antea inauditis dogmatis autor fuit, Henricus Anglia Rex, qui cum diuortium à Pontifice Maximo impetrare non posset, ab eodem secessionem fecit.*] dist. 13. *Respondeo:* Et tamen Sorbona Parisiensis diuortium approbavit, uti dixi in Recensu historiarum vniuersalis lib. 15. cap. 1. dist. 12. Cæterum

Henricus Rex proclamatur *mortalium pessimus & Tyrannorum maximus* à P. Jovio lib. 6. *Elogiorum* num. 24. Atqui ille quamvis in uxoribus abdicandis nimium facilis erat, & libidini suæ magis quam dignitati consulebat, quamvis etiam præter modum in eos, qui libidini ejus adversabantur & potestati detrahere volebant, cædibus & tormentis grassaretur, non tamen ob id Jovius eum tantis conviciis insectari & Tyrannum vocare debebat, quando aliàs Reipublicæ optimè præfuit. pace bonus, felix bello, arbitri fortunæ ejus quam Carolus. V. Imperator & Franciscus I. Galliarum Rex, uterque pro se deposcebat, ut Europæ dominium ad se pertraheret, qui posset. Neque enim de Religionis veritate quaestio tunc erat, sed de Jure Regio, quod Rex à Papis detentoribus vindicabat. Miror tantè quod Johannes Wurmserus scribit, eos qui Principem constituunt Ecclesie caput, magnum errorem errare, *Exercitat. 5. Juris publici* dist. 1. Imò error non est. Regem esse caput in populo suo, expresse dicunt literæ sacræ 1. *Samuel* 15. 17. *Psalms* 18. 44. Scilicet in Reipublicæ corpore Rex capitis vice fungitur, & verò in Republicâ sunt tam Clerici quam Laici. Regem quemlibet caput Ecclesie suæ esse, non malè dicitur, si rectè intelligatur. Est caput Ecclesie, id est, membrum principale quatenus præ subditis omnibus excellit: non etiam, quod pro arbitrio jubeat vetetque in Religionis negotio, hæc enim ad Scripturæ normam obstrictus est, *Deut.* 17. 18. 19. 20. Quo jure verò alii Papam faciunt Ecclesie caput? Non enim ille vel Rex Regum qualis est, sed Regum servus, uti constat per exempla similia, 1. *Samuel* 22. 13. 15. 1. *Regum* 1. 33.

XIII. Pergit Beloldus: *Præterea multi ex prætensis Reformatis concedere nolunt, Ecclesiam constare ex Clericis solis, nec eam habere monarchicum caput, scilicet Pontificem Romanum. Et cum omnia ordinatè in Ecclesia fieri deceat, magistratum idè civilem, nunticum, defensorem ac protectorem Ecclesia esse, tradunt. Inde quoque ius vocandi ministros, hant magistratus soli, neque etiam populo soli, verum Ecclesie toti competere, ajunt.*] dist. 14. Respondeo: Falsum omninò est, quod Ecclesia tantum constet ex Clericis sive Religiosis. Sanè in Veteri Testamento populus omnis dicitur esse *κλήρῳ*, *Deut.* 4. 20. *cap.* 9. 29. 2. *Samuel.* 21. 3. *Psal.* 33. 12. *Psal.* 78. 71. *Esai.* 19. 25. Falsum est, quod Papa Romanus sit caput Ecclesie, hoc enim prædicatum soli Christo tribuunt literæ sacræ, *Ephes.* 1. 22. 23. *Coloss.* 1. 18. *cap.* 2. 10. 19. Aut igitur Papa Romanus Ecclesie caput non est, aut si penes Servatorem est caput, Ecclesia biceps fuerit, quod monstruosum est. *Excipiunt*: Servator est caput visibile & primarium, à quo Ecclesia donis gratiæ vegetatur, Papa est caput visibile & secundarium, à quo Ecclesia regitur externè. Sic Regnum Siciliæ est biceps, habet enim Regem absentem & Pro-Regem præsentem, utrumque uti caput in externo regimine, sed alterum subordinatum. Sic vir est caput mulieris, *Ephes.* 1. 23. At præter virum illa habet quoque caput naturale, Becanus lib. 1. *Manualis Controversæ*, *cap.* 4. dist. 26. 27. 28. Antonius Petilius lib. 2. *Exarchiæ* *cap.* 9. Wilhelmus ab Effern in *Manuali Politico* *pag.* 309. *seqq.* Respondeo: Negamus, quod externum regimen Ecclesie non competat Servatori, *Matth.* 18. 19. *cap.* 28. 20. *Marci* 16. 20. *Altor.* 1. 24. 25. 26. *cap.* 4. 33. 34.

seqq. *Ephes.* 4. 11. 12. 13. *cap.* 5. 23. 24. Reliqua sunt nugis similia. Fingit Becanus, Papam suum divisum imperium cum Servatore habere, quomodò verò non dividerunt Siciliarum Pro-Rex & Hispaniarum Rex. Nova hæc Politica est, vicarium esse caput Regni. Et cum vir appellatur caput mulieris genus dicendi figuratū est. Non est mulier illa biceps, quæ habet caput unum naturale, & unum maritale, sed quæ habet vel duo capita naturalia, vel duo maritalia, unum primarium, alterum secundarium, id est, quæ duos habet maritos uno eodemque tempore. Edicant porrò etiam Adversarii, quando in Gallorū, Hispanorum, Italarum concertationibus, sedebant duo vel tres Papæ, ubi tunc fuerit unicum Ecclesie caput pro externo Regimine occupatum? Addimus hoc: Paulus accuratè & prolixè describendo Regimen Ecclesie externum, *Ephes.* 4. 11. Apostolos, Prophetas, Doctores, Curatores honorum, Censores vitæ & morum commemorat, de primatè aliquo & Rectore Catholico prorsus tacet, non prætermisurus eum, quod si talem aliquem ordinavisset Servator. *Excipiunt*: Apostoli sunt caput Ecclesie, horum successores usque fuerunt Papæ & Episcopi, Cornelius à Lapide *commentariis ad b. l. num.* 38. Respondeo: Si Apostoli erant caput Ecclesie, non sanè unus Petrus fuit caput quod aliàs semper declamant adversarii? Et si Apostoli duodecim erant caput, monstruosum animal Ecclesia primitiva fuit, capitibus duodecim oneratum. Longè verius atque ornatus sacræ literæ describunt Ecclesiam quod unum habeat caput, Christum, *Ephes.* 4. 10. *seqq.* *cap.* 5. 23. 24. Et si Episcopi omnes sunt Apostolorum successores, quo jure solus Papa corripit atque exercet pri-

matum in Ecclesia? Regerit *Bellarminus*: Apostoli reliqui habuerunt privilegium extra ordinem, ut caput Ecclesie essent, unus Petrus ordinario privilegio summam potestatem accepit, & successoribus suis tradidit in urbe Româ, *lib. 1. de Pontifice Romano cap. 5.* Respondeo: Commenta sunt, quæ de privilegio ordinario Petri dicuntur. Parem sese illis aliis proficitur, non verò ut superiorem effert sese, *1. Petri. 5. 1.* & Apostoli alii pares ei sese prædicant, nequaquam verò inferiori, *Galat. 2. 7. 8. 9.* Non ergò habuit privilegium ordinarium, quod reliqui non habebant, & successores ejus in urbe Româ Episcopi non poterunt universalis Ecclesie dominatum arrogare sibi præ aliis Episcopis apostolorum successoribus, quos idem Petrus Antiochiæ, Jacobus Hierosolymis, Marcus Alexandriæ, Johannes Ephesi ordinauerunt. Itaque veteris Ecclesie Doctores increpabant serio eos, qui universalis Episcopi nomen in Ecclesia ambiebant, & hostales Anrichristi præcursores esse palàm docebant, *Gregorius Magnus lib. 6. Epistola XXX.* Denique jus vocandi ministros, Ecclesie toti meritò arrogatur secundum leges atque exempla primitivæ Ecclesie, *Actor. 1. 22. 23. cap. 6. 5. 6. cap. 14. 23.*

XIV. Pergit *Besoldus*: *Ex hoc fundamentum Practici fori Germanici, pro maxima habent: Religionis immutationem, sequelam esse territorialis jurisdictionis. Certè hoc pacis gratia toleratur, non quod hoc ipso jure fieri debuisse, aliàs namque Pax religiosa non ad duas tantum confessiones restricta fuisset, sed statum & Dominum territoriorum, quamcunque libet, fovere possent Religionem. At nunc autonomiam, quæ est aperta via ad Atheismum, urgent liberèque Calvinismum, & ne-*

scio quas alias fanaticas sectas vel introducunt vel foveant.] dist. 18. Respondeo: Pax Religiosa habet jus radicatum, postquam conscientie libertatem promulgabat adversus maculata Religionis præcones. Frustrà sunt *Besoldus verbis allatus*, *Fridericus Lindenpuhr in Analyysi pacis Religiosæ*, qui dicunt, *pacem istam esse per aliquam tolerantiam.* Atque etiam per conventionem, itaq; obligar, Legisque & Juris nomine venit, eò magis quod voluntas ejus qui Legem istam tulit, rectè sese habuisse, negari haut possit, quodque Religio sit juris Gentium & inauditum sit, velle Reges sibi arrogare dominium in animos, tantum ut Papis animatum vexatoribus placeant. Cæsar per potentiam suam toleret fortè, sed ob justitiam suam servare tenetur, quatenus promissum nullà vi, nullo metu extortum cadit in debitum, & Princeps bonus non tantum fortis, verum etiam justus est. Falsum verò est, *quod status fovere possint Religionem, quam velint.* Unam enim illam, sacris literis & primitivæ Ecclesie testimoniis roboratam, à sordibus Monachorum repurgatam, novis Papistis ingratam, Religionem in Augustanâ Confessione verbis planissimis descriptam, votis liberis expetivimus, defendimus voce, scriptis, armis quoq; postquam illa nobis obtrudere voluit adversariorum importunitas. Quantillum ab illà evagantur Prædestinationiani, parum est, neque hac de re novas lites capessere opus fuerat, cum veteres etiam num ferebant.

XV. Pergit *Besoldus*: *Planè hæc contradicunt Ecclesie unitati quam etiam Symbolum Nicenum agnoscit.*] dist. 19. Respondeo: Ecclesia est una, quatenus subest uni capiti, Christo, *Ephes. 4. 5. 15.* Hoc tamen non ob-

stat quò minus in verâ Ecclesiâ quædam opinio-
nionum & rituum exstet diversitas, Uni-
tas enim fidei habet pro fundamento De-
um creatorem mundi, & Christum servato-
rem hominum omnium. Quæcunque aliâs
opiniones fuerint, non evertunt doctrinam
veram, & ad salutem futuri necessariam. In ri-
tuum diversitate mutua debet esse toleran-
tia neque enim illi vel dant vel adimunt sa-
lutem, præmium fidei & bonæ actorum.

XVI. Pergit Besoldus: *Quod autem Se-
cretarij scribunt, Conciliorum generalium præ-
sidem esse debere Imperatorem, falsum est.*]
dist. 21. *Respondeo:* Ettamen in Veteri Tes-
tamento Reges pietatis studiosi convoca-
bant, Synodos inque illis præsidebant,
David, 1. *Chronic.* 13. 1. 2. *cap.* 23. 1. 2.
Salomon, 1. *Regum* 8. 1. 2. Ezechias, 2.
Chronic. 29. 4. Josias, 2. *Regum* 23. 1. 2. Ex-
empla horum Imperatores Christiani se-
quuti & jure suo usi convocaverunt Orbis
universi Concilia, inque illis præfederunt,
quod contra Baronii infelices conatus de-
monstrat Philippus Mornæus in *Mysterio in-
iquitatis* pag. 42. 95. 128. 164. 273.

XVII. Pergit Besoldus: *Firma est conclu-
sio verè Catholicorum, Papam Romanum non
præsidem Conciliorum, verum etiam il-
lis superiorem esse.*] Id *Respondeo:* Attamen
in Veteri Testamento Pontifices erant in-
frâ Concilia, infrâ Reges. Prius verum est,
quia in rebus dubiis adire jubentur Ebræi
ad Sacerdotes unâ congregatos, *Deuter.* 17.
9 Idemque Doctores Sorbonici hodiernum
defendunt adversus graviter impudentes
Canonistas, postquam in Conciliis Con-
stantiensi, Basiliensi, Pisano itâ definitum
fuit, ut pluribus docent Antonius de Rosel-
lis *libro de potestate Imperatoris & Papæ*
part. 4. cap. 1. seqq. Guilielmus Wittakerus

libro de Conciliis cap. 5. Johannes Gerson
Parisiensis *libro de austeritate Papæ.* Marti-
nus Papa supremo vitæ suæ anno a se con-
gandos deformes Clericorum mores indi-
xerat Concilium Basileæ, eodemque Juhum
Cæsarium Legatum suum destinaverat.
Defuncto illo suscebat Eugenius Vene-
tus, corruptissimi animi, qui Basileam recu-
sabat, & Italiæ urbem Bononiæm eligebat,
decretis Romanæ curiæ propiorem. Atqui
ob hanc ipsam causam Sigismundus Cæsar
negabat, concilium è Germaniæ urbe clarif-
sima deducendum ad Italos, Papæ dominan-
tis nutui obnoxios nimium, itaque Theolo-
gis, qui Basileæ convenerant, imperabat, ut
Papæ denunciarent supremo consulto de-
nunciarent, Papam esse infrâ Concilium, ac
nisi ille Basileam mitteret Legatum, unani-
mi præsentium voto alium esse eligendum.
Territus Papa, Cæsarium loco restituebat,
ut Basileæ præfens esset, veruntamen de-
creto illi, quod Concilium suprâ Papam ef-
ficeret, ad eò non acquievit, ut contrarium edictum
evulgaret in Concilio Italicorum Ferrariæ
collektorum Peste ingruente abibant Flo-
rentiam, & pergebant eodere sanctiones Pa-
pæ decreto conformes. Patres Basileæ con-
gregati abrogabant factioso Eugenio pri-
matum, & subrogabant Felicem Amadæum
è Sabaudis Ducem. Proinde Eugenius im-
plorabat arma Gallia Regis, patrisque Ca-
roli VII. jussu adventabat Ludovicus Del-
phinus cum exercitu triginta mille virorum in
Rauracos, contra progressu tres legiones
Helvetiorum itâ exceperunt Gallos, ut pul-
si laceras copias in Lotharingiam reduce-
rent, neque Concilium loco moverent. Di-
ximus in Recensu historiciæ universalis *lib.*
13. cap. 4. dist. 7. Posterius verum est, quia
Pon-

Pontifices erant servi Regum, & horum iustis, quanquam pravis, ultro morem gerebant, 1. Samuel. 12. 13. 15. 1. Regum 1. 33. 2. Regum 16. 10. 11.

XVIII. Pergit Besoldus: *Detestandum est quod haeretici Ecclesiastica & monasteriorum bona, etiam quae ipsis non omnino subiecta sunt, sibi arrogare & quasi illa ad superstitionis cultum sint destinata, aliis magis piis usibus, ut praefecerunt, attribuire velint. Sunt enim res ille Deo semel datae atque ita alienae.* dist. 24. *Respondeo: Quod bona Ecclesiis donata possint repeti inque usum civilem adhiberi, Papiſtae ipsi factò celebri ostenderunt. Ità Carolus V. Episcopatum Ultrajectinum mutavit in dominium seculare, atque titulo isto hodiernum à Regibus Hispaniae possidetur. De Canonici Ultrajectinis librum scripsit Martinus Schokius, qui legatur. Non ergò accusent in Evangelicis, quod ipsi exemplo commendaverunt velut bonum factum. Obtentendunt, efferes Deo liberaliter datas. Atqui personas Deo consecramus, non res. Largitiones, quae in sacros usus erogantur, temporales sunt, & iure humano à Clericis possidentur, quod accuratè demonstrant Ferd. Vasques lib. 2. Controvers. illustrium cap. 89. Covarruvias lib. 1. variarum resolut. cap. 17. adversus quos frustra litigat P. Laimannus lib. 4. Theolog. moralis tract. 6. cap. 12. Proinde, cum legitimae causae occurrunt, possunt ab eis auferri, videlicet cum Reipublicae damnum procurant, aut causa propter quam donatae sunt, defecerit; aut earum perceptores ad luxum & libidinem abutuntur, uti nobiscum docet Johannes Gerson libro de vita spiritualis anima Lektion 3. Affirmabat olim Hieronymus, quod bona Ecclesiae ad pau-*

peres pertinerent. Atqui hodiernum non convertuntur in usus pauperum, sed impenduntur in usum divitum Sacerdotum, ut magis etiam per ea saginentur. Notum est quam urgeant eos aviditas opum & ambitio. Haec neque eos unquam quiescere sinunt, nec patiuntur, ut alios optatae quieti permittant, in furis perpetuò agitati, otium & pacem, quibus voluit alii homines frui, in gravissima dissidia, & lites cruentas perverſi convertunt. Hoc profus aliud Evangelium est, quàm ipsi ab Apostolis acceperunt, non quidem Angeli pacis, sed turbarum incensores, Ephes. 5. 14. 15. 16.

XIX. Concludit Besoldus: *Qui autem libertatem conscientiarum prohibent, concedunt tamen, si quis vicinus, intuitu religionis, Imperio vicino moveret bellum, eo quoque in casu armis defendere licere Religionem.* dist. 25. *Respondeo: Quod armis defendi possit Religio, patet exemplo Maccabæorum, de quorum gestis rebus testantur libri sacri. Et eodem proposito ceptum est bellum scædusque Smalcaldicum adversus Carolum V. Imperatorem, Sleidanus lib. 16. 17. 18. 19. hystor. Primi equidem Christiani versabantur in patientiae ludo, quod viderent, si Religionis, jura acrius vindicarent, in ipsos Cæsares peccarent, qui sese Religionis dominos eo titulo, quod Pontifices maximi erant, profitebantur. uti dictum est supra lib. 1. cap. 5. dist. 4. Deinde cum ipsi ad sacra meliora transiverunt, armis defenderunt Religionem uti Heraclius Cæsar adversus Cosroem Parthiae Sultanum, de quo egimus in Recensu hystoriz universalis lib. 7. cap. 2. dist. 4. Nostro tempore bellum Smalcaldicum gestum est pro Religione, quod describit Hortleder: ru-*

libro prolixo de causis belli Germanici. Idque fieri poterat rectè, postquam Cæsares voluerunt ius circa sacra Papæ committere, Orbis expilatori sub pietatis specie & sacrorum deturpatori. Quæ adversus hunc pro Religionis libertate armis scriptisque egerunt Protestantes, nullam Cæsari faciunt injuriam, à cuius obedientiâ nunquam recedere voluimus, arma ab eo nobis illata deprecari sumus, à superstitionum onere liberari cupimus in istâ veritatis luce, à Papæ jugo & ipsum & nos exsolvi optavimus, controversias de fidei veritate non misceri cum illis, quæ Deus ad conservandum ordinem in societate humanâ instituit, oravimus, & cum exorare non possemus, Jure Gentium usi arma contrariis armis feliciter depulimus.

CAPUT SECUNDUM.

Diatriba singularis de suprematu
Papæ Romani.

SUMMARIUM.

1. Suprematus Papæ.
2. Regis prerogativa.
3. Sacerdos à Deo.
4. Sacerdos prior tempore.
5. Sacerdotis inauguratio.
6. Sacerdotis unctio.
7. Sacerdotis ornamenta.
8. Sacerdotis officium.
9. Sacerdotis arbitrium.
10. Sacerdotis negotia.
11. Sacerdotis exemptio.
12. Sacerdotis authoritas.

I. Martinus Becanus cum primum animi ad scribendum (vel potius Bellarminum describendum) appulit, id sibi

negotii credidit solum dari, *Papæ ut placerent quas fecisset fabulas.* Quas inter haur postrema est, ubi Papæ dignitatem super Regum potestatem longè exchit. Argumentatur: Pontifex veteris Testamenti præcelluit Regi ejusdem secundum varios titulos. Ergò potestas ejus dignior & super regiam fuit. Antecedens probatur: Pontifex præcelluit Regi titulo originis, antiquitatis, familiar, inaugurationis, unctionis, ornatus, officii, exemptionis, authoritatis apud populum. Hoc constat: Pontificatus originem habuit à Deo, regnum cepit importunitate populi, *Hebr. 5. 8. 1. Samuel. 8. 4. 11. 18. cap. 12. 16.* Primus Pontifex Aharon fuit, quem decimum annis quadringentis postsecutus est Primus Rex Saulis. Pontifex sumebatur tantum è familiâ Levi, omnium honoratissimâ, Rex poterat eligi de qualibet tribu, Saulus erat Beniaminita, David ex Judâ, Jeroboam Ephratæus, Pontificis inauguratio ex solenni lege fiebat, peculiari cum pompâ, toto populo in spectante, *Exodi 29. Levitic. 8.* De Regis consecratione Deus nihil expressit unquam, quin constat, omnes solo titulo successionis, aut electionis jure citrà solennitatem aliquam Regium thronum occupavisse. Pontifex quilibet ungebatur oleo sancto, *Exodi 30. 30.* Reges oleo communi, neque ipsi omnes, sed quidam tantum, etenim præter Saulum, Davidem, Salomonem, Joam, Iehu nemo Regum unctus esse legitur Ornamenta Pontificum erant varia & precii multi, *Exodi 28.* Reges nihil tale habuerunt, tantum diadema & monilia gestabant, exemplo Saulis, 2. *Sam. 1. 10.* & Davidis, qui coronam idoli Moloch consuebat in diadema aliquod, 1. *Chronis. 21. 2.* Officium Pontificis erat excellen-

tius quàm Regis. Ille curabat spiritualia, intrabat sanctuarium, offerebat sacrificia, ex-
piabat populum, consecrabat verbi mini-
stros, legem interpretabatur. Hic curabat
civilia, iustitiam conservabat, bella gerebat.
Ille negotia sua gerebat non requisito pri-
us Rege, hic non auspicabatur bella nisi
consulto Pontifice, *Numer. 27. 21. 1. Samu-
el. 23. 9. cap. 30. 6.* Ille officio Regis titulo
Vicarii defungi poterat, exemplo Ioiadæ, 2.
Regum 11. Hic nihil eorum, quæ ad Pontifi-
cem spectabant, ausus est tractare, 2. *Samuel*
13. 132. *Chron. 26. 18.* Pontifex erât exemptus
à potestate Regis, neque Rex eum poterat
quicquam jubere, non poterat eum ad suum
tribunal vocare non poterat eum punire, si
deliquisset. Quin & Leuitæ omnes fuerunt
exempti à potestate Regis, *Numer. 3. 12.
cap. 8. 13. 18.* non dederunt veſtigal, aut tri-
buta, quæ solet magistratus à subditis exige-
re. Deniq; Pontificis maior erat autoritas
quàm Regis. Ille enim solenniter consecra-
batur, oleo sacro tingebatur, ornatu pul-
cherrimo splendebat, cum Deo colloquia
miscere, miracula patrabat: Rex nihil ho-
rum ostentabat, itaque orto dissidio inter
Pontificem & Regem, semper favit populus
Pontifici, adeoq; Saulis mândata noluerunt
exsequi satellites ejus, cum jubebat Abime-
lechum occidere. Hactenus Becanus libro de
potestate Pontificis & Regis adversus Laugel-
lorum Anglum pag. 27. seq. Similia ferè ha-
bent Adamus Conzenus lib. 6. Politicorum
cap. 3. Sanderus lib. 2. de visibili Monarchia
cap. 1. & furiosus Protestantium hostis Cas-
spar Scioppius in Ecclesiastico cap. 140. seqq.

II. Nos verò excellentias illas negamus. Et
quod Rex Veteris Testamenti præ ejusdem
Pontifice multum eminuerit, ostenditur (1.)

Quia Deus velut eminens beneficium pro-
mittit Abrahamo, fore ut ex illo nasceren-
tur Reges *Genesi 17. 16. cap. 35. 11.* Majus pro-
mittere non poterat Deus, cum maximum
dare vellet. (2.) Quia Deus multis locis sese
vocat Regem Regum, quod majus aut excel-
lentius aliquid non occurrat. (3.) Quia Re-
ges vocantur Dei in sacris literis, velut Deo
unicè proximi. At tale nihil Papis competit.
(4.) Quia Saulo dicitur, cujus erunt optima
in Israël? 1. *Samuel. 9. 20.* Nimirum de re-
gno loquitur Samuel, atque illud optimum
esse verbis expressis testatur. (5.) Quia hoc
patet in Messia tres coronas gerente, Regni,
Legis, Sacertotii. Et regni quidem clarissi-
mam præ caeteris, atque exaltationis jure
multum excellentiorem, *Dan. 7. 27. Philip.*
2. 9. 10. 11. Becani prærogativas ordine ex-
nūabimus.

III. Prima est; Pontificatus originem ha-
buit à Deo, regnum cepit importunitate po-
puli *Respondet*: Oninis potestas à Deo est,
Roman. 13. 1. seq. itaque portio Legis Regiæ
promulgabatur, antequam Reges ordinari
successione in populo essent, auctore Moſe,
Deut. 17. 14. seq. Neq; vetabat Deus habere
Principem secundum jus gentium, tantum
imp obabat, quod suo veluti arbitrio de-
poscerent, ac prudentiæ Regis innixi vellent
res magnas gerere non requisito Deo qui
hactenus eos Regis instar defenderat consilio
& judices milerat armorum successu fe-
lices, de quâ re accurata censura est *Syrachi-
dis, cap. 17. 14. 15.*

IV. Secunda est; Pontifex erat annis mul-
tis, antequam Rex esset. *Respondet*: Imò
Rex erat Moſes, antequam Pontifex Aha-
ron esset, *Deuter. 33. 5.* Potestate summa &
prorsum regiæ populum Israëlitis eduxit, re-

xitque porrò in deserto, uti fatetur Bonfrenius *commentariis ad Deuteronomium pag. 1050.* Proinde secuti eum Iudices quamcum multò minori potestate, vocantur Reges, *Iudicum 17. 6. cap. 21. 25.* Namque regalia aliqua jure veluti suo usurpabant.

V. *Quarta* est: Pontificis inauguratio sollemnis admodum erat, Reges absque ullâ solennitate promovebantur ad solium, *Respondet*: Ceremoniæ illæ operosæ omnes aliquid dignitatis conciliabant muneri, attamen nihil potestatis addebant Pontifici. Rex certè excellebat, quoniam habebat optima in Israël, & operosæ inaugurationis ejus circumstantiæ prorsus mysticæ erant, ad Messiam relatæ, ut interpretes Christiani ad Legem uberius docent.

VI *Quinta* est: Pontifex quilibet ungebatur, & quidem oleo sancto, *Exodi 30. 30.* Reges non omnes ungebantur, neque enim præter Saulum, Davidem, Salomonem, Joas, Jehu, Regum aliquis unctus esse legitur, & fiebat unctio illa oleo communi. *Respondet*: An quilibet Pontifex ungeretur oilin, & verò, an Reges non omnes uncti fuerint, nondum pro certo asserunt Interpretes Tostadus *commentariis ad lib. 1. Samuelis cap. 10. quest. 2.* Isidorus *lib. 2. de officiis Ecclesiast. cap. 25.* statuunt, Reges omnes fuisse unctos. Rursum Tremellius Grotius, Vinarienses Scholiastæ *notis ad Exodi 40. 15.* negant, quod Pontificum filii fuerint uncti, quando ad minorum ordinum sacerdotes redigebantur. Sufficiebat illis, esse de unctorum sacerdotum familiâ, 2. *Maccab. 1. 10.* De Sacerdotibus summis aliter erat, *Exodi 29. cap. 30. 30. Levit. 4. 3. cap. 21. 10.* adeoque ungebatur ille quoties sacro muneri admo-

uebatur successor novus. Quicquid sit, nihil indè sequitur ad conculcandam Regis excellentiam, quæ secundum effecta propria judicari debet. Usus sacræ unctioms post Moïsis tempora obtinuit in populo Hebræo cæterùm non imposuit necessitatem absolutam. Non enim fuit adhibita, cum Regnum hæredes legitimi adhibant, & quando adhibebatur, liberum factum erat, cum primis propter excitatam Competitorum, quos inter de jure prærogativæ lis mota erat, factionem, quomodo Salomon propter Adoniz tumultus, Joas propter Athaliæ, & ob Joramo abdicatum imperium ungebatur Jehu. Hoc nos docent Gemara Hierosolymitana ad Titulum תרומה & confirmant Levi Ben-Gerson *commentariis ad lib. 1. Regum 1* David Kimhi ad *Esaiæ 10. 17.* Quod oleo sacro Reges perinde ac pontifices uncti fuerint, constat per dicta & facta manifesta, 1. *Samuel. 10. 1. 1. Regum 1. 39. Psalm. 89. 21.* adeoque consentiunt nobiscum Tostadus *l. d. quest. 1.* Pineda *lib. 2. de rebus gestis Salomonis cap. 6.* Barradius *Tomo 2. Concordiæ Evangelicæ lib. 3. cap. 41.* Genebrardus *commentariis ad Psalm. 89. 21.* Saliarius *Tomo 3. Annalium Veteris Testam. pag. 104. 105* Sanctius *commentariis ad lib. 1. Samuelis pag. 194.* Wilhelmus Scickardus *libro de Jure Regio Hebræorum pag. 22. seqq.* Janus Seldenus *lib. 2. de successione Pontificum Hebræorum cap. 9.* Cum Becano dissentiant Simon Episcopus *lib. 3. Institutionum Theolog. sect. 2. cap. 2. theorema 16.* Joh. Stephanus Menochius *lib. 1. de Republica Hebræorum cap. 9. quest. 4.* Rationes adferunt: (1.) Quia Deus præcepit, ut oleo sacro ungeretur nemo præter sacerdotes & Pontificem. *Exodi 30. 30. (2.)* Quia oleum ad sacerdotes uni-

gendos præparatum semper vocatur oleum sacrum, *Exodi* 29. 7. *cap.* 30. 25. 31. *Leuit.* 8. 10. *cap.* 21. 12. non etiam alterum illud, quo Reges ungebantur, 1. *Samuel.* 10. 1. *cap.* 16. 1. 13. *cap.* 26. 9. 2. *Regum* 9. 1. (3.) Quia Pontifices non debebant, velut oleo sacro uncti, adesse apud funera, *Leuit.* 21. 10. *seqq.* At Reges poterant lugere & prosequi funera, ut David Sauli, Jonathas Abneris. Ergò oleum sacrum non erat fustum super caput eorum. (4.) Quia oleum sacrum tractabant Pontifices & Sacerdotes. Atqui Saulus, David, Salomò ungebantur à Prophetis, non etiam à Sacerdotibus. (5.) Quia Eliás iubetur ungere Ahasalem Syriæ Regem, & Elisæum Prophetam uno eodemque oleo, 1. *Regum* 19. 15. Atqui Ahasel non poterat ungi oleo sacro, veluti gentilibus sacris additus. Ergò nec Jeshu nec alii Reges oleum sacrum acceperunt. (6.) Quia David ter legitur esse unctus, 1. *Samuel.* 19. 13. 2. *Samuel.* 2. 4. *cap.* 5. 3. Atqui repetitio illa non poterat fieri, si oleum sacrum adhibitum fuisset. (7.) Quod Salomò accepit oleum sacrum, est peculiaris dispensatio. (8.) Aut fuit duplex in tabernaculo oleum, unum aromaticum, quo Pontifices & Sacerdotes, alterum vulgare, quo Reges & Prophetæ ungebantur. Hactenus Episcopus l. d. & Becanus libro de potestate Regis & Pontificis adversus Lancelotum Anglum pag. 36. f. 99. Respondeo: (1.) Notat Salianus l. d. cum dicitur, non debere illo alicui ungi, prohiberi, ne quis eo unguento utatur ad profanos usus, at Regum & Sacerdotum unctio est sacrosancta, & Davidis judicio etiam in capitali hoste formidabilis, 1. *Samuel.* 24. 7. Verbo: Excluditur homo privati ordinis, qui non erat Rex, Propheta, Sacerdos. (2.) Etiam illud

oleum, quo Rex ungebatur, vocatur oleum, sacrum, *Psal.* 89. 21. itaque ad ungendum Salomonem accipiebat Sacerdos cornu olei de tabernaculo, 1. *Regum* 1. 39. Ad accipiendum commune oleum non erat opus adire tabernaculum. (3.) Tantò major libertas Regum erat, ut non essent legibus ceremonialibus additè subjecti, itaque majoretiam potestas eorum fuit. (4.) Prophetæ erant majores præ sacerdotibus & contra sacerdotum decreta pronunciare poterant, quod notissimum est, *Deut.* 18. 18. *Amos* 7. 10. Et hoc ipsum toties urgent Apostoli in novo fædere, ut Jesu Nazareni auctoritatem defendant. Scilicet, quicumque Propheta surgebat in populo Dei miracula faciens & futura incognita certò prædicens, nec abducens populum ad Deos falsos ei parendum fuit, etiamsi quid contrà Legem aut decreta Sacerdotum præciperet. Atqui Jesus Nazarenus demonstrabat, se esse Prophetam, miraculis plurimis in vulgo editis, adeoque crimine interfecti ejus onerabantur meritis Sacerdotes primoresque alii, *Luce* 24. 20. 21. *Act.* 3. 22. *seq. cap.* 5. 30. *seq. cap.* 7. 37. *seq.* Idque eò iustus quod constabat, Sacerdotum officium exegisse, ut Jesum tuerentur, quandoquidem eorum tutelæ Prophetæ commissi erant, contrà verò ipsi nihil omiserant, quo mors ejus procurari posset. Sed nec verum est quod Sacerdotum ope non fuerint uncti Reges Contrarium exemplum vide 1. *Regum* 1. 39. 45. (5.) Quod Hazaël poterat ungi oleo sacro nulla causa prohibet, itaque Reges gentium sunt etiam Uncti Domini, perinde uti Reges Israël, 1. *Samuel.* 24. 7. *Esaiæ* 45. 1. (6.) Nulla unctio in Davide erat supervacanea, Prima erat instar testimonii, quod

quod ei Deus regnum destinavisset, post Saulis obitum occupandum: Secunda eum declarabat actu Regem in Iudâ: tertia verò addebatur ei regnum in decem tribubus. Perinde uti de Sadoko sacerdote legitur, quod bis unctus fuerit, 1. *Chron.* 29. 22. Fuerat ille quidem Davidis tempore Pontificis Coadiutor, quem literæ sacræ vocant חזקוני פשנכרן 2. *Regum* 25. 18. sed Abiathare pulso Pontificatum suscepit, & secundâ vice ungitur. (7.) Dispensatio est exceptio adversus regulam expressam: nulla verò est Regula, quæ vetat Regibus oleum sacrum addere. Contrarium potius est expresso loco *Psal.* 89. 12. Rex Joas in templo ungebatur à Sacerdote Jojadâ, ineptumque est arbitrari, alio quodam oleo ac quod præ manibus erat, usum fuisse. (8.) Duplex oleum in tabernaculo est figmentum.

VII. *Sexta* est: Varia erant Pontificis ornamenta, sed Rex præter diadema nihil habebat. *Respondeo*: Ornamenta spectant ad sensum mysticum, de quo fuit antea dist. 5. Rex de potestate absolutâ gloriabatur secundum Jus Regium à Samuele promulgatum, 1. *Samuel* 8. 11. quem contextum de jure Tyrannorum male exponit Becanus libro de primatu contrâ Regem Angliæ pag. 36. 37. Diadema non habebat, sed coronam, insuper hastam & gladium potestatis documenta, 1. *Samuel.* 19. 10. cap. 20. 33. Addit Becanus, David coronam idoli Moloch conflavit in diadema aliquod, 1. *Chron.* 21. 2. Falsò Rectius, accepit autem coronam Regis eorum de capite ejus Regis Havid, uti vocatur 2. *Samuel.* 10. 2. פלכס appellativè transferunt Vatublus, Tremellius, Castalio, Munsterus, Lutherus, Scholia Græca, Vinaricenses & Batavi Scholiasæ, Ariæ Montanus, Cajetanus,

Johan. Buxdorsius in *Lexico Thalmudico* pag. 1210. & ante omnes illos Josephus, Angelomus, Tostadus. Coronam eorum Regis jure sibi imponebat David. Erat enim victor, nec prohibita erant res idololatrarum, sed res idolorum, *Deuter.* 7. 25. De Molochi idoli ornamento exponunt Serarius & Cornelius à Lapide commentarius ad h. l. Pineda de rebus gestis Salomonis lib. 1. cap. 3. num. 19. & lib. 7. cap. 11. num. 5. 6. 7. Petrus Cunnæus lib. 3. de Republica Hebræorum cap. 6. Salius Tomo 3. *Annalium Veteris Testamenti* pag. 556. 557. Atqui non est verosimile, quod Rex pius & optimus voluerit impurissimi idoli coronam aptare capiti suo, per oleum sacrum affusum consecrato. Excipit Salius: Rex Ammonitarum in ultimo discrimine positus, longè aberat à tali ornamento gloriæ circumferendo, ne proderetur quilatere volebat, & quam ne ferre quidem poterat ob gravitatem ponderis. *Respondeo*: Neq; circumferebat tunc, quando urbs capiebatur. Verbo: Erat corona, quam Rex eorum in solennibus gestaverat.

VIII. *Septima*: pontifex curabat spiritalia, Rex verò civilia. *Respondeo*: Sacerdos tamen erat servus Regis, 1. *Samuel.* 22. 12. 15. 1. *Regum* 1. 2. 26. 27. 33. 43. 47. Quid multis opus est? Coronam Regis excelluisse semper præ corona Legis & sacerdotii, verè ait Rabbins Maimonides Tomo 1. *Halachoth Thalmud. Thor.* cap. 3. Neque Reges Hebræorum curabant solum civilia, verum insimul sacris præerant ita ut summa potestas in sacris præriter ac civilibus ad eos pertineret, 2. *Sam.* 6. 12. cap. 8. 11. 1. *Regum* 2. 27. cap. 6. 1. cap. 8. 1. 2. seq. cap. 15. 12. 2. *Regum* 13. 4. cap. 18. 4. 2. *Chron.* 17. 6. 7. cap. 19. 4. cap. 29. 3. 5.

Summa præfectura ad Regem pertinebat, veluti custodem utriusque tabulæ Decalogi: ministerium ad Pontificem, Sacerdotes, Levitas spectabat, *Dent. 17. 18. Joshua 1. 8.* Itaq; in sanctuario cum שכינה agere volens Rex, sedebat ut hoc ille eximium præ Sacerdote in sacris ipsis haberet, Religionis major Antistes: Sacerdos & coram Deo & coram Rege stabat venerabundus ac supplex. Locus est 2. *Samuel. 7. 18. seqq.* & ibidem Vatablus in *notis*, Petrus Cunaus lib. 1. de *Republi- ca Ebraeorum cap. 14.*

IX. *Octava*: Pontifex gerebat negotia sua non requisito prius Rege atqui Rex gerebat nihil inconsulto Pontifice, Numer. 27. 21. 1. *Samuel 2. 3. 9. cap. 30. 6. Respondeo*: Scribe rectius, *inconsulto Deo*, quomodo in Teraphim, id est, oraculis falsis respondebat dæmon, *Iudicum 18. 5. 14.* Satis constat, quod Reges ipsi præsentibus inspiciebant osaculum sacrum pro cognoscendis eventis rerum, Sacerdotes tantum externo ministerioungebantur, 1. *Samuel. 23. 9. 10. 11. cap. 30. 6. 7.*

X. *Nona*: Pontifices vice Regis erant, ubi Rex non erat, 2. *Regum. 11. 4.* Rex verò nihil eorum, quæ ad Sacerdotis functionem pertinebant, tractare debuit, 2. *Paral. 26. 18.* Respondeo: Non satis benè vel rectè provi- sum fuit regimini civili, quando illud à Sacerdotibus coniurabatur, populusque an- sam cepit res nocendi & Regem postulandi, qui secundum mores omnium gentium Reipublicæ supremus Curator esset, ac sacerdotum non minus quàm aliorum exerationes dignis modis puniret, 1. *Samuel. 2. 15. seq. cap. 8. 1. 2. seqq. cap. 12. 3.* Regiam potestatem venerabatur Samuel, 1. *Samuel. 12. 1. 2. 3. cap. 15. 30. 31. cap. 16. 2.* Et verum

quidem est, quod Sacerdos summus excelluit inter proceres, adeoque accensetur illis, 1. *Regum 1. 7. 8. 19. 25. 26. 32. 44. cap. 4. 1. 4. 2. Chron. 19. 11.* Hoc etiam verum est, quod perinde uti proceres alii fuerit Regis servus, & Regum iussis obsequio suo additus. Namq; de solo Rege valet illud: *Quis dicit ei quid facis, Ecclesiast. 8. 4. 5.*

XI. *Decima*: Pontifex erat exemptus à potestate Regis, neque poterat eum Rex punire cum deliquerat. *Respondeo*: Reges cum peccarent, non puniebantur. Hinc dictum Thalimudis notissimum:

היה אין בריאה דנחת הפין אין ה' *Nulla Creatura iudicat Regem, nisi Deus Benedictus.* Saul occiderat Sacerdotes conspirationis adversus Regem initæ sibi falsò suspectos, & verò David tamen dicebat, nolle se laedere Unctum Domini, 1. *Samuel. 22. 11. seq. cap. 24. 7. cap. 26. 9.* Summus Sacerdos à Rege poterat in iudicium vocari, damnari, puniri, ut Abiathar læsæ maiestatis reus & convictus damnabatur à Rege Salomone, 2. *Regum. 2. 26. 27.* Exemplum hoc multò evidentissimum est quod frustra Hildebrandinæ Scholæ Doctores multiplicibus elusionibus fatigant, ut dicemus *infra cap. 4. dist. 1. seq.*

XII. *Vndecima*: Pontificis maior erat auctoritas quàm Regis, ac populus à Rege semper dissenfit, assensitque Pontifici. *Respondeo*: Vel in ipso religionis negotio, de quo cum primis nunc agitur, constat, Regum exempla & decreta plus valuisse quàm Pontificis, corrigendo, mutando, depravando quoque illam, adeoque iubendo quæ sacra palam valere deberent, *Iudicum 17. 7. 1. Regum 12. 27. seqq. cap. 16. 31. seqq. 2. Regum 16. 10. seqq.* Ubique mutatio religionis ad-

c

scri-

scribitur Regi, velut factum ejus itaque auctoritate multum præpõllebat Sacerdoti, qui nec factum infectum reddere propriis viribus poterat, nec impedire, ne sacra laberentur in pejus. Tanta fuit potestas Regis circa sacra. Quæ porro inde elucescit, quod Reges potuerint dispensare circà Legis statuta 2. *Chronic.* 29. 34. *cap.* 30. 17. 18. Nam cum Lex esset, *ne quis immundus comederet agnum paschalem*, Ezechias tamen fufus ad Deum precibus, concessit, ut qui immundi essent, comederent sacra. Lex erat, *ut pecudes injularentur per Sacerdotes*, & tamen Ezechias admovit operi ei Levitas, quia sacerdotum copia non erat, *Levit.* 1. 5. *cap.* 7. 10. 22. Non quod Reges quenquam divinæ Legis vinculo solverent (id enim homini nefas) sed quod secundum æquitatem optimam divini humanique juris interpretem declaraverint, legem divinam in necessitatis casu non obligare. Pontifex nihil tale potuit, sed nec unquam cum successu fecisse legitur. Et tantum de Regis eminentiâ dixisse oportuit.

CAPVT TERTIVM.

De Jure circà Religionem.

SUMMARIA.

1. *Definitio Religionis.*
2. *Notitia Dei naturalis.*
3. *Theologia Gentilium.*
4. 5. *Oracula demoniorum.*
6. *Josephi testimonium de Christo.*
7. *Religionis necessitas.*
8. *Principis cura in sacris.*
9. *Solvuntur rationes contrariæ.*

10. 11. *Solvuntur instantiæ.*

12. *Variorum sacrorum toleratio.*

13. *Solvuntur rationes contrariæ.*

1. **R**eligio est modus colendi Deum.] Dicta est *de relegendo*, quod crebrâ lectione & meditatione statutorum eorum, quæ sacrorum Antistites condiderant, addisceretur, *Deuter.* 17. 18. Eò alludit *Arnobius*: Non qui sollicitè relegit & immaculatas hostias cædit, qui acervos thuris dat igni concremandos, numina censendus est colere, aut officia solus Religionis implere, *lib.* 4. *advers. Gentil.* Ejus oppositum Superstitio est. Utrumque tam Religionis quam Superstitionis nomen usurpaverunt Gentiles, *illud fuit laudis, hoc erat vitii*, docente Cicerone *lib.* 2. *de Natura Deorum*. Et *ibidem* utriusq; nominis rationem proferte conatur: *Quoties dies precabantur & immolabant, ut sui liberi superstites essent, supersticiosi appellati sunt, qui autem omnia, quæ ad Dei cultû pertinent, diligenter relegere, religiosi dicti sunt.* Aliter quidem cum de Religionis vocabulo *Macrobius lib.* 3. *Saturnal.* *cap.* 3. tum de Superstitionis voce *Isidorus lib.* 8. *Originum* *cap.* 3. docent: verum optima sententia est illa quam Cicero insinuavit, *superstitio quasi superstatio*, ut videantur modum in precibus fundendis, sacrificiis litandis, ceremoniis obêundis excessisse, quomodo nimia illa religionis ostentatio damnatur *Matth.* 6. 7. *Igitur qui post stabant cæteris domumabeuntibus, & finito ordinario sacrorum tempore non va quasi ordiebantur, supersticiosi apud vulgum audire ceperunt, cognominum audacem effictorem.* *Claudianus:*

Vm-

Rursum labefacta cadebat

Religio,

lib. 1. in Ruffinum. Nimirum uti ex cotextu patet, qualiscunque opinio de Diis notatur, quæ eos tamen esse & rerum humanarum curam gerere crederet, quorum neutrum credebant Epicuræi,

Parci Deorum cultores & infrequentes,
Infantis sapientia consulti,
teste Horatio lib. 1. Carm. 34. Proinde Religionem quamvis deridebant. Lucretius:

Quot contrà sapius olim

Religio peperit scelerosa atque impia facta. lib. 1. de naturâ rerum. Notat Servius ad lib. 8. *Æneid. Superstitio est superstantium rerum, id est, celestium & divinarum, quæ super nos stant, inanis & superfluus timor.* Sed leges originationis repugnant. Prudentius obsecras religiones dixit, & profanarum religionum errores peculiari libro exposuit Julius Firmicus. Namque universa illa Veterum religio mera superstitio erat, cumque vero Deo cultum exhibere sese putabant, Geniis malis serviebant, 1. *Chron.* 16. 16. *Psalm.* 96. 5. 1. *Corinth.* 10. 19. 20. Quare graviter illos increpant Autor Sapientie cap. 13. 1. seq. & Paulus. *Roman.* 1. 18. seqq. videlicet quod rationis sanæ dictamen adeo pessimè corruerint. pro Diis colendo illa quæ inter Creaturas abjectissima quæque fuerant.

II. Verba *Apostoli* sunt ista: Quoniam id quod de Deo cognosci potest, manifestum est in eis, Deus enim manifestavit eis, itaque invisibilia ejus jam inde à condito mundo ex iis quæ fecit, mente perpenſa pervidentur, æterna videlicet ejus cum potentia, cum divinitas, ὁ ὧν οὐρανὸς καὶ γῆ ἐκείνη vocat id quod de Deo scire & facili potest & expedit, qualia sunt, cum esse potentissimum & jus habere

in omnia, Hebr. 11. 6. Itaque *Seneca*: Primus est Deorum cultus Deos credere, deinde reddere illis majestatem suam, reddere bonitatem, sine quâ nulla majestas est, *Epist.* 96. ἐν αὐτοῖς hic est, multis inter ipsos, uti Pythagoreis, Platonis, Stoicis, quorum in hanc rem argumenta plurima refert Dion Prusæensis oratione *Olympica* lectu dignissimâ, eaque sufficiunt Aristoteli & Epicuro refellendis, quorum ille Deorum providentiam cœlis includendo, hic verò eam à cœlo & terris removendo, uterque admodum peccavit, & Deum verbis falsis reipsa abnegaverunt. Nec enim opus est Deo illo, qui non interest rebus humanis, Jerem. 9. 24. cap. 23. 23. 24. *Excipiunt*: Paulus non agit de operibus primæ creatoris, sed de revelatione Dei per opera novæ creationis, sive de gloriosis Servatoris & Apostolorum ejus factis, quibus doctrinam Evangelicam confirmaverunt, in quâ voluntas divina hætenus abscondita hominibus promulgatur ad salutem nostram, Socinus, in *prælectionibus Theologicis* cap. 2. Ostorodus in *Institut. Theologicis* lib. 1. cap. 1. dist. 6. libro de Deo pag. 117. Respondeo: De illis Gentilibus agit Paulus, qui hætenus Evangelium voluntatis divinæ oraculum non habuerunt, *Actor.* 14. 15. cap. 17. 24. Habuerant verò magistram Rationem, uti rectè adversus Socinum disserit ejus discipulus Johannes Crellius *commentarius in Epistolam ad Romanos* pag. 66. seqq. Ergò τὰ ποιήματα non sunt miracula Servatoris & Apostolorum operâ patrata, tunc cum Evangelium toto orbe prædicabatur, sed visibiles Creaturæ, quæ de Creatore testantur, ut *Psalm.* 8. 3. *Psalm.* 19. 1. 2. 3. *Ephes.* 2. 10. Similiter τὰ αἰετα non sunt mysteria salutem nostram concer-

mentia: verum sunt abstracta Dei essentia & potestas, quam ab hominibus reverenter haberi percipiscit, ut purâ mente illum colant, secus quàm factum erat à Paganis, qui Creatore præterito Creaturas venerabantur, cælum, terram, stellam, animantia, herbas, defunctos homines, Genios deceptores, *Psalm. 94. 6. Sapientie 13. 1. 2. 3. 4. 5. 1. Corinth. 10. 20.*

III. Multis adversus Ciceronem disserit Lactantius libro 4. de vera religione cap. 18. ubi post erudita plurima in medium allata concludit demum his verbis: *Omnino quid colas interest, non quemadmodum colas aut quid preceris.* Contra: Non tantum quid colas interest, sed & quemadmodum colas. Ibi cum erratur, est idololatria hic cum impingitur, superstitio est. Nec enim tantum se unicè coli verus Deus severè præcepit, *Exodi 20. 2. 3.* sed etiam non aliter coli acipse in verbo suo præcipit, *Deuter. 4. 2. cap. 12. 8.* Ea quam Gentiles naturæ ductu docebant, varia fuit, alia ceremonialis Vulgi, alia fabulosa Poëtarum, alia naturalis Philosophorum, alia civilis Regum & Sacerdotum. De quibus omnibus multa ex prisca monumentis excerpterunt & perspicuè proposuerunt Eusebius libris de præparatione Evangelica, Clemens Alexandrinus libris septem Stromatum, Arnobius libris septem adversus Gentes, Augustinus doctissimo Opere de civitate Dei, Theodoretus libris de fabulis Græcorum. Duabus partibus absolvebatur Cerimonialis Theologia, quæ partim & ubique invaluerat, unam vocabant Theurgiam, alteram Goëtiam, ut docet Cornelius Agrippa libro de vanitate Scientiarum cap. 45. 46. Illa colebat Deos su-

peros, ut pergerent juvare & favere, hæc conciliabat Deos inferos, ne vellent nocere. Utraque erat impia prorsus & nefaria, quod si ve superi illi si ve inferi Dii essent, omnes dæmonia essent, constatque Genios malos precibus & sacrificiis honoratos, eorumque Facies & Imagines nunc amicas nunc inimicas pro eventu præstando occurrisse visibiles quando consecrat omnes vel imprecationes recitabantur, uti diximus in Recensu Antiquitatum Romanarum lib. 1. cap. 12. dist. 18. Virgilius:

*Apparent dira facies, inimicæque Troje
Numina magna Deum,*

lib. 2. Æneid. Hinc explicatur illud Bileam vatis ad Balacum Regem: Forſan occurreret mihi Dominus & quancunque rem ostenderit mihi, indicabo tibi, *Numer. 23. 3.* Bileam Mesopotamenus erat, ἡλῆς incantator, quod miror à doctis quibusdam negari, cum manifestò constet ex *Numer. 24. 1.* atque de illâ re pluribus egimus lib. 4. Antiquitatum Romanarum pag. 992. seqq. Sacrificiis peractis avertēbat faciem, ut facies Numinum videret, amicæ eæ vel inimicæ essent, sed amicas comperit, ut coactus bona precaretur populo, quem diris devovere jussus fuerat. Disertè fatetur: Non est incantatio contrâ Jacobum, neque divinitio contrâ Israëlēm, *Numer. 23. 23.* Sensus est: Non poterunt ulla maleficorum carmina præstare, ut Numen eorum tutelare evocaretur, atque itâ illis armis debellari & deleri possint. Certè Goëtia Paganorum manifestò ad artes necromanticas, Spirituumq; deceptorum & Manium sepulchris conditorum adjurationes, obtestationes, de futuris interrogationes desciscēbat, adeo potentes cultoribus suis visas, ut carmini-

bus recitatis Natura ipsa moueretur, Jove infcio tonaret, imbres, procellæ tempestates cicerentur, amnes reverterentur, starent maria, Solis cursus sisteretur, Luna cœlis detraheretur, stellæ in nubila conderentur, viperarum fauces rumperentur, hominum formæ mutarentur, terra usque Acherontem sinderetur, imò Mundus torpesceret, quomodo produnt Virgilius 8. *Bucolicorum* & lib. 4. *Æneid.* Lucanus lib. 6 Seneca in *Hercule Oetao* & *Medea*, Tibullus lib. *Elegiarum* 1. num. 1. Petronius in *Satyrico*, Ioh. ratius lib. 5. *Carm.* 5. & 18. Ouidius in *Epistola Hipsipyles* & lib. 14. *Metamorphos.* Aristophanes in *Nubibus*, Martialis lib. 9. *Epigram.* 30. Appollonius lib. 2. *Agonastichor.* Claudianus lib. 2. *Russinum*, Theocritus *Idyll* 1. Hæc illi de potestate τῆς πρῆμης τῆς ἐν τῷ οὐρανῷ τοῖς ὕμνις τῆς ἀπειθείας, Ephes. 2. 2. De eadem re plura diximus lib. 1. *Antiquitatum Romanarum* cap. 2. num. 5.

IV. Quanta fuerit potestas Dæmonis in seducendis illis, vel unæ Oraculorum sortes ostendunt, descriptæ à Julio Cæsare Bulengero amplissimo libro de *Oraculis*. Locus est 1. Corinth. 12. 2. *Quomodo ageremini ad Idola muta* abducti nempe à Deo Ageremini spe discendi futura, ad idola muta, id est, ad vates qui illis aderant, uti in fanis Apollinis Delphici, Amphiarai, Tiphonii, Cereiris, Æsculapii. Significanter autem dicit, *idola muta* ex Abacuc 2. 18 ubi in Græco est, ἰδωλὰ κενὰ, ut moneret, vni illam quâ vates isti prædicebant quædam, quæ deinde euentus comprobat, aut quædam humanam vim superantia efficiebant, non fuisse à simulo chro uti vocis illa mentis experte, *Psal.* 115. 4. sed à dæmonibus, qui falsâ illâ persuasione populum à vero Deo abducebant, ut ipsi Deorum loco apud imperitos essent,

2. Corinth. 4. 4. Postquam Messias venerat, debebant falsi cultus malorum Geniorum aboleri, & homines ad puriorem cultum Dei unius converti, *Esaie* 9. 2. 3. cap. 11. 10. cap. 42. 1. 4. 7. cap. 49. 5. cap. 60. 1. 2. 3. cap. 65. 1. *Zephan.* 3. 9. *Zacharia* 9. 10. cap. 13. 2. 3. Atqui cum promulgato Evangelio prorsus conticuerunt Oracula, præcipua deceptionis instrumenta, uti monet Theodoretus lib. 10. de *curandis Græcorum affeclibus*. De Apolline Delphico scribit Cicero: *Jamdiu idem non facit*, lib. 2. de *Divinatione*. Et Juvenalis:

Delphis oracula cessant,

Satyrâ 6. Cessavit quôque Jupiter Ammonius, *Sirabo lib. 11. Geographiæ*. De omnibus aliis idem, prodit, reiq; insolite causam quærit *Plutarchus libro de defectu Oraculorum*. Narrat vocem apud Echinadas Insulas regnante Cæsare Tiberio auditam esse: *Magnus Pan obit*. Quod Sapientes ævi ejus de Pane Arcadiæ Deo interpretati sunt, atq; hincille concludit, Genios Oraculorum infellores mori perinde uti homines, ut non possint oracula esse perpetua. De veritate relationis dubitat Spondanus in *Epitoma Annalium*, *fides*, ait, *estopenes autorem*, pag. 34. Veruntamen quia *Plutarchus* non autorem solum relationis ejus, sed testes quoque collaudat, ac circumstantias addit, meritò ei fides habetur cum *Eusebio lib. 5. de preparat. Evangel.* cap. 5. Hoc erroneum est, quod Genios credit esse mortales. Factos quidem novimus ex sacris literis nulli tamen hæcenus perierunt, nec perituri sunt unquam. Audita est vox eo tempore quando *Jesus Nazarenus* ὁ ἀρχιπρεσβυτερος (*Iohan.* 10. 11. 14. 16. *Hebraeor.* 13. 30) in crucis ara oblatus est, ac morte suâ Spiritus

imundos pepulit, ne ultrâ seducerent mortales, *Zacharia* 13. 2. 1. *Johan.* 3. 8. Hæc vera causa est oppressorum oraculorum, à quâ veritate longius etiam recedunt *Lucretius lib. 2. de rerum natura*, *Plinius lib. 2. historia naturalis cap. 95.* *Ammianus Marcellinus lib. 21. histor.* *Levinus Lemnius lib. 2. de occultis naturæ miraculis cap. 2.* *Pomponatius libro de Incantatione pag. 298. segg.* ubi produnt, vetustate exoleville benignam vim terræ & siderum influentias steriliores factas esse, ut non potuerint Vatum mentes efficaciter ad eò afficere *Lucanus eodem sensu*:

Quid spes, ait, improba veri

Te Romæ trahit? muto Parnassus hiatus
Conticuit, prestitque Deum, seu Spiritus
istas

Destituit fances, mundique in devia ver-
sum

Duxit iter: seu barbaricâ cum lampade
Pytho

Arfit, in immensus cineres abiectæ caver-
nis,

Et Phœbi tenuere viam: seu sponte Deo-
rum

Cirrhæ flet, fatique sat est arcana futuri
Carminalongæ vobis commissa Sibyllæ:
Seu Pæan solitus templis arcere nocentes,

Ora quibus solvat, nostro non invenit avo,
lib. 5. Pharfaliæ. Causas quærît cessantis Or-
raculi & non invenit.

V. Ex his enim meritò quæras, cur non a libi locorum nova terræ benignæ vis egressa sit, adeoque cur ubique locorum Oracula omnia exspiraverint, nullis relictis, aut novis eorum loco restitutis? Nec terræ vis nec Syderum impressiones vel editorum vel extinctorum Oraculorum causæ sunt. Non e-

nim prædictiones rerum futurarum nisi ab intelligente Creaturâ, edi possunt, ac istâ quidem quæ communem hominum sortem longè transcendit, uti Genius est: Et nunc quidem Genius non bonus, sed malus, qui honorem Deo proprium sibi arrogavit. Atque idem Genius est, qui per Sibyllas pronuntiavit oracula. Eas per afflatum verè divinum edidisse vaticinia, ajunt *Hieronymus lib. 1. adlv. Jovinia.* *Joh. Steph. Menochius lib. 3. de Republic. Hebraeorum cap. 14. quæst. 12.* Ego hujus opinionis levitatem non satis mirari possum. Constat, anus illas fuisse - *ἡ δὲ γὰρ* *πρὸς μάλινον, 1. Corin. th. 12. 1 segg.* id est, de illis qui spiritu afflantur sive bono sive malo, quomodo posset vates bonus dignosci ab illo, qui malo genio impulsus futura prædicebat, hanc in aliis ponit differentiam, quod spiritus boni, per quos agunt, eis velut subditi sunt, *1. Corin. th. 14. 32.* id est, non ita extrâ se rapiant eos, ut ad gestus insanos redigantur, & veluti emotæ mentis esse videantur. Sibyllæ arripiebantur & agebantur, ut lux potestatis non essent quomodo è Veterum traditionibus nos docent *Virgilius lib. 6. Æneid.* *Lucanus lib. 5. Pharfal.* Non sic *Esaias*, *Jeremias*, & Prophetæ alii afflatu divino agebantur, sed leniter & cum modo, adeoque poterant etiam non obsequi, uti

Jo-

Jonas detrectavit munus, *Jonæ* 1. 2. seq. De hac re prolixius egimus in *Auctorariis ad historiam Ecclesiasticam* pag. 78. seqq. & in Recensu Antiquitatum Romanarum lib. 1. cap. 12. dist. 15. Manet ergò indubitatio verum, uti dictum est, prædictiones futurorum contingentium ab Oraculis enunciata non esse à Genio; Spiracula verò terrarum inanes & inanimes res sunt, *Rabbinus Menasseh* scribit: Quamdiu prophetia viguit, tamdiu etiam vignerunt Oracula; prophetiâ verò desinente etiam oracula desiverunt. Nec mirum: contrarium quodlibet pugnat cum suo contrario. Hinc fit, ut Spiritus etiam isti tanquam quidam sunt finis & mini qui pro more suo semper fictione quadam imitantur res ipsas, & similia is facere videri volunt, *libro de Creatione* pag. 95. At quamobrem desiverit prophetia, nulla est causalia, quàm quod Messias venerit ac novum Testamentum in melioribus promissis fundatum promulgaverit, *Hebr.* 1. 1. 2. cap. 7. 22. Ità prædictum legimus, *Dan.* 9. 2. 4. & pro demòstrandâ re exclamabat ipse consummata esse omnia, *Ioh.* 19. 30. Quia ergò adventu suo finem imposuit Prophetiis Maximus Propheta, certè idè advenu suo destruxit Oraculorû potestates. Et quò magis per rumpebat lux Evangelii, tantò minus precium erat tenebricosis dæmonum Oraculis, uti fateatur ipse impietatis affector Symmachus lib. 4. ad Theodosium Imperatorem cap. 33. Tantum, quod irreconciliabilis Jesu Nazareni hostis Julianus Cæsar pro restaurando Apollinis Delphici Oraculo quadam conaretur. Authores pessimi facti habebat Maximum Alexandinum, Paulum Orabasium Pergamenum, Libanum Anriochenum, Jamblichum Egyptium, quos passim lau-

dat Julianus in *Epistolis suis*, & meminit Eupapius Sardinus libro de vitis Philosophorum. Omnes illi sic foris Philosophos agebant, ut tamen Magos intus gererent, dicente Nazianzeno lib. 2. adversus Julianum. Ac Orabasius quidem Archiater ejus sulcicipiebat negocium arduum in Cæsaris gratiam, adibat Delphos, locabat tripodem, vates conducebat, sed dæmonis potestatem oracula proferendi frustra implorabat. Nimirum infelices labores ejus infringebat Jesus Nazarenus, qui divinum illud suum φημῶδης, cum imperio adversus malos Genios oraculorum præcones pronuntiabat, *Luce* 4. 35. De negotio eodem egimus lib. 1. Antiquitatum Romanarum cap. 1. dist. 1. & 26. ubi legantur.

VI. Solet proferri celebre illud testimonium de Jesu Nazareno, quod habet Josephus lib. 18. Antiquitatum Judaicarum cap. 4. ubi eum appellat virum sapientem, veritatis studiosum, miraculis supra fidem humanam efficiendis celebrem, τῶν παραδόξων ἔργων ποιῆν. Concludit, eum redi vivum tertio post mortem die aparnisse, quomodo Prophetæ de illo prædixerant, τῶν θεῶν προφητῶν ταῦτα τε καὶ ἄλλα. Et αὐτὸ θαυμαστὰ ἱερρότατα. Tanquam Josephi ipsius descriptum allegant Spondaeus in *Epitoma Annalium* pag. 40 Hottingerus in *Epitoma historia Ecclesiast.* part. 1. pag. 23. Iacobus Usserus *Tomo 2. Annalium Testamenti Veteris* fol. 513. Conradus Hornejus part. 1. *Disputat. Theolog.* 2. thesi 48. Thomas Reinecius in *Epistolis Philologicis* num. 69 Iacobus Altingius lib. 4. de *Sciloh.* cap. 29. Casaubonus *Exercitat. XI* sect. 2. Gerhardus Ioh. Vossius lib. 2. de *Historiis Grecis* cap. 8. Antonius Polsevinus lib. 16. *Bibliotheca sanctæ* cap. 1. 4.

Dum

Danhaverus in *Hodosophia Christiana* pag. 597. Bellarminus libro de *Scriptoribus Ecclesiasticis* pag. 38 39. Philippus Mornæus libro de *veritate Religionis Christiane* cap. 39. & prolixè defendit Isaacus Vossius in *Isagogæ Chronologia sacra* cap. 17. Aliter verò judicant, & Chistiani alicujus Relectoris glossema esse proximis Apostolico ævo annis ad marginem fortè exaratum, denuum cum succellu temporis intrâ contextum receptum, statuunt Ludovicus Cappellus in *Compendio historiae Iudaicæ* pag. 110. Lucas Osiander *Centuria 1. historie Ecclesiast. lib. 2. cap. 7.* Tanaquillus Faber *Volum 1. Epistolarum* pag. 125. seqq. Nam à quo, nisi viro Christiano, verba illa, *quomodo prophetae de illo prædixerant?* Nemo Judæus credebatur, à morte resurrexisse Jesum Nazarenum, *Matth. 28. 15. Act. 25. 19.* & ipse Josephus, uti nunquam Christo nomen dedit, *ἐκ ἀναδείχμεν ὅτι τὸν κύριον ἡμῶν ἰησοῦν χριστόν*, ait Origenes *commentariis ad Matthæum*, ita non leviter impegit, accommodando textus Propheticos de Messîa palam sonantes, ad Vespasianum Imperatorem, hominem præputiatum, *lib. 3. de bello Iudæico cap. 49. & lib. 7. cap. 13.* Attamen vetus est *ἡμ. 2. 2. 101.* & de Josephi libris proferunt Eusebius *lib. 1. historie Ecclesiasticæ cap. 11.* Hieronymus in *Catalogo Scriptorum Ecclesiasticorum* cap. 12. Sed Justinus, Clemens Alexandrinus, Origenes, Tertullianus prætereunt silentio, ubi adversus Judæos rationibus & testimoniis diligenter rem gerunt. Notetur hoc quoque dicere institutum illud testimonium, *εἰς ἐπὶ τὰν τῶν χριστιανῶν δόξιν τῆς θεῶν ὁμομυσίας ὡς ἐπέλειπε τὸ φύλον*, & usque hodiè *Christianorum* genus ab eo nomen sortitum non defecit. Ignotum primis illis annis erat

τῶν χριστιανῶν cognomentum, & qui novam Christi Legem sequebantur, erant τῶν αἰσθητῶν ἀρετῶν, *Act. 24. 5.* Nominis ratio est à Christo, quem vocabant Nazarenum & Nazoræum, *Matth. 2. 23. cap. 26. 71. Ioh. 18. 7. Act. 2. 22. c. 26. 9.* Patet satis, quod nec Iosepho auctore nec Josephi ævo istud perscriptum fuerit. Dicit *Vossius* (1.) Josephum quidè credidisse, Dominum Jesum fuisse Messiam, sed hominem tamen, non etiam Deum, quemadmodum Christiani sentiunt. *Respondet:* Non poterat credere, illum Messiam esse, cujus doctrinam recusavit amplecti, Legis à majoribus tradite cultor studiosus, cæterum de adventu Messie incertus adeò, ut literatum sacrum effata (*Genes. 49. 10. Daniel. 2. 43. 44. Michea 5. 1.*) ad Vespasianum accominodaret, quod ipsum Pagani quoque crediderunt. *Tacitus* : Pluribus persuasio fuerat, antiquis Sacerdotum libris contineri, eo ipso tempore fore, ut invalesceret Oriens, profectique Iudææ rerum potirentur, quæ ambages Titum & Vespasianum prædixerant, *lib. 5. histor.* Erat Iosephus de Pharisæorum numero, qui separabant ad venturum Messiam *μὴ τὸ πᾶν ἑσθλασίζεσθαι*, adeoque cum videbat turbatas rationes sui simulum & suas, pax animi incertitudine & desperatione eò prolapsus est, ut omisâ illâ de venturo Messia opinione, nihil crederet eorum, quæ vulgò credebantur. Vaticinia prolata rectius multò de Iesu & Apostolis ejus interpreteris, qui Iudæi ex Iudæis prognati in Iudæâ cœlestis regni primordia fecerunt, inde amplissimo progressu in Orientem cæterisque Orbis partibus propagaverunt, *Matth. 16. 18. Apocal. 12. 19. (2.)* Nec hodiè inter Iudæos defunt, qui equidem nolunt fateri, Iesum Nazarenum esse

verum

verum Servatorem attamen cum largiuntur magnum fuisse Prophetam, multaque priorum Prophetarum vaticinia de illo intelligenda esse aut posse intelligi, illud ipsum quod tacent, indicant. *Respondeo*: Nemo Judæorum reddet testimonium hoc Jesu Nazareno, quod fuerit Propheta, quodque veteris Testamenti prædicta de illo intelligi debeant: omnes potius Apellæ criminantur eum velut Legis prævaricatorem, Magum, dæmonium ope patratis miraculis celebrem, Thalmudistæ in libro מדרש cap. 11. Chronicon minus templi secundi, fol. 36. 37. 382. (3.) Quod autem dicunt, Josephum Phariseorum sectæ fuisse additum, illos autem Christiano nomini fuisse insensissimos, & hoc quoque aliter sese habet. Fuerunt multi inter Phariseos, qui Christi doctrinam admiserunt, Evangelistis testibus, & Josephus non tam Phariseis additus fuit, quin Essenis additior esset. Non uno loco reprehendit Phariseorum facta & mores, ubique verò laudat Essenos. *Respondeo*: Ostendere debebat Vossius, in paucis illis Phariseis, qui Christum vivum ob edita ab ipso miracula suspiciebant, fuisse Josephum Quod ille non poterit facere, & verò manet verissimum, Phariseos insensissimos Christi hostes fuisse, teste passim Evangelicâ historiâ. Quàm faverit Josephus Essenis, non video Phariseum fuisse nemo certè negaverit, quando in gente suâ ille ad honores aspirabat, à quibus noverat Essenos removeri longius. (4.) Cæterum utcumque aliquis non admittat testimonia illorum Patrum, qui Essenos Christianis accensent, certum est tamen illos propius à vero ab esse, qui Essenos ferè Christianos fuisse credunt, quàm qui hos Christianorum præcipuos

hostes fuisse tradunt. *Respondeo*: Quod Esseni falsò putentur Christiani fuisse, docebimus *infra* cap. 14. dist. 1. segg. (5.) Johannes Baptista quin Essenus fuerit, quomodò negari possit, non video. Cibi & vestitus simplicitas, baptismus, odium contrà Phariseos & Saducæos clarissimè evincunt, aut Essenum fuisse, aut saltem horum sectam probavisse. *Respondeo*: Multa ostendunt quod non fuerit Essenus, unum hoc proferre sufficit, quod agnoverit, Iesum Nazarenum esse Orbis Servatorem, *Matth.* 11. 2. 3. segg. (6.) Non erat opus ut antiquiores Patres Iosephum testem adducerent, quando recentia etiamnum erant tot Evangelistarum & Apostolorum testimonia. *Respondeo*: Atqui juvare multum poterat, quando Iesu Nazareni vita moresque probarentur à teste domestico, genisque suæ Annalium conditore inelyto (7.) Improbatur ille eadem Jacobi Justi fratris Domini. Quod si hic pro impostoris doctrinâ perpellus esset martyrium, utique supplicium istud justum fuisse censuisset. *Respondeo*: Improbatur eadem patratani, non tam proclivis favore in Jacobum, quàm plenus odio ergà Sacerdotem Ananiam, hostem capitalem, utpote Saducæum, & seditiosum plebis concitorem, *Act.* 5. 17. cap. 23. 5. 6. Et verò illa ipsa narratio in Iosepho passa est peregrinæ manus correctionem, lib. 20. *Antiquitat. Iudaicar.* cap. 8. Quod enim hodie legitur ἀδελφὸν τῷ ἰησοῦ χριστῷ, non est Iosephi additamentum. Nusquam ille aliquid de Servatore Christo, utpote qui magis curabat perscribere eventa civilia, de turbis citrà Legem ritusque sacros commotis non sollicitus ad eò. Quamquam causa evidens est, ob quam poterat favere Jacobo. Retinebant primi illi Christiani

stiani cerimonias aliquas veteris Legis, ut *Synagoga cum honore sepeliretur*, dicente Tertulliano, & vide *Actorum*. 16. 3. cap. 18. 18 *Galat.* 1. 18. 19. cap. 2. 12. 13. 14. Post prolata Ecclesiæ pomæria inter gentes, legales quidam ritus ad sollicitandos Judæorum animos hætenus seruari soliti omittebantur, & Christiani dicebantur, quicumque libertate per Christum partâ usi gravissimum illud rituum legalium onus à sese removebant: aliis verò qui Legis observandæ necessitatem una cum præceptis à Servatore datis conjungebant, Nazæorum nomen adhæsit, & ipsi hæreticis accenseri meruerunt, Epiphanius *hæresi* 29. Hieronymus *Epist.* 89. Theodoretus *lib.* 2. de *fabulis hæreticorum*.

VII. *Est modus colendi Deum.*] Pietate sublatâ fides etiam & societas humani generis, atque unâ excellentissima virtus, iustitia tollitur, ait Cicero *lib.* 1. de *natura Deorum*. Hujus rei argumentum evidens est, quod Epicurus, postquam divinam providentiam abrogaverat, iustitiæ reliquit nomen inane, itaque dixit, nasci illam ex solâ conventionione, neque durare ulterius quam communis duret utilitas, ὅςτις πρὸς δὲ οὐκ ἔστι δίκαια ὅτε μὴ συνέφερον, abstinendum verò ab his, quæ alteri nocitura essent, solo pœnæ metu, Laërtius de *vitis Philosopharum* *lib.* 10. Seneca *Epist.* 97. Judæorum veterum iustitiam Religionem permixtam, laudat Justinus *lib.* 36. *historiar.* δίκαιοι πρὸς πάντας ἀποδοῦναι ὅντες, ait de iisdem Strabo *lib.* 16. *Geograph.* Religionis veritas penes solos Judæos olim fuit, qui unum Deum cæli terræque potentem colebant ritu eo, quem iste legibus suis præscripserat, & cunctis primis tribus prioribus Decalogi præceptis, ubi cultus Dei u-

nus, providentiæ ejus circa actus humanos, opus creationis universi, inculcantur, velut compendium religionis. Et hanc de Creatore omnium noticiam quivis homo jure ortus secum in mundum infert, τὰς τῆς ἀρχῆς ἀρχὴς ἐκ τῆς οὐρανίας φύσεως, Aristoteles *lib.* 3. de *cælo*, Plato *lib.* 10. *LI.* Alianus *lib.* 2. *Varia historie* cap. 31. Seneca *Epist.* 117. Proinde Gentiles maluerunt in Dei cultu errare, quam Numine aliquo carere. Evidens quidem animi notio est, *Deus est*, sed non perinde evidentiæ habent illa, *Deus est tantum unus*, & non plures: *Deus non est aliquid visibile*, non cælum, non Sol, non Luna: *Deus est opifex mundi*. Itaque istarum perceptionem cum temporis lapsu videmus apud gentes plurimas interivisse, ut populo suo voluerit Deus expressis legibus proponere summa Religionis capita, & pœnarum acerbitate munire adversum prævaricatores, *Exodi* 20. 1. 2. 3. *seqq.* Insuper commendare voluit publicâ in cœtibus commonefactione per Sabbathæ, ut modis omnibus honorem sibi debitum vindicaret, ne quid ei exempla magna & mala detraherent, *Exodi* 16. 23. 25. 26. 29. Pagani attripuerunt velut ansam calumniandi sacra Judaica. *Rutilius Numatianus*: Septima quæque dies turpi damnata veterno, Tanquam lassati mollis imago Dei, *lib.* 1. *Itineras.* Attamen frustra illi reprehendebant ferias Deo sacras quandoquidem magnæ utilitatis erat, celebrare unanimi consensu publicos conventus, ubi verâ colendi Deum ratio traderetur, & religionis concordissima unitas firmaretur, ne peregrinis opinionibus maculata damnum caperent sacra ab ipso Deo promulgata, quibus validè adversabantur cœtus solennes Paganorum, im-

pietatis & improbitatis scholæ fœdissimæ, *Psfam.* 96. 5. Plura diximus libro de *Creatione Exercitat.* XXIV. & XXV.

VIII. Quæritur hic: (1.) *An Princeps debeat sacrorum curam exercere?* Respondeo: Negant Pontificii, atque omnem sacrorum curam, quocunque modo exerceri illa potest, Regibus ereptam, uni Papæ Romano tribuunt, Bellarminus libro de *Laicis* cap. 17. Sanderus lib. 2. de *visibili Monarchia* cap. 23. Becanus in *Manuali* controvers. lib. 5. cap. 19. Vernulejus lib. 1. *Institutionum Politicarum* Tit. 11. cap. 2. Wilhelmus ab Effern in *Manuali Politico* pag. 86. seqq. Christof. Befoldus in *Synopsi Politica* lib. 1. cap. 2. dist. 4. seqq. Jacobus Oranus in *Principe Christiano* lib. 1. cap. 19. 20. Nos verò affirmamus: (1.) Quia Reges & Principes jubentur esse custodes Legis divinæ, ejus verò pars maxima est Tabula prior de cultu Dei & sacrorum observatione, *Deut.* 17. 18. *Jesue* 1. 7. 2. *Regum* 11. 12. 2. *Chronic.* 23. 11 (2.) Quia Principes & Reges vocantur pastores ac Patres subditorum, Vicarii Dei, *Exodi* 21. 6. 1. *Samuel.* 12. 15. *Psfalm.* 82. 2. *Esa.* 44. 28. Nimirum eam ob causam, ut diligenter sacrorum & Ecclesiæ curam habere debeant. Quamobrem etiam sunt nutritii Ecclesiæ, *Esaie.* 49. 23. Excipit Becanus: Illud *Psfalm.* 80. 2. *Ego dixi, Dii estis*, non de solis Regibus, verum de Prophetis quoque intelligendum esse, monet Christus, *Johann.* 10. 34. Et alterum, *erunt Reges nutritii tui*, est vaticinium de statu Ecclesiæ in Testamento Novo, ubi Reges converti debebant ad veram doctrinam, ne ceteri primates in Ecclesiâ futuri, quam potius filii & subiecti, qui vultu interram demisso adorent Ecclesiam. Cæterum Nutritii Ecclesiæ fuerunt Apostoli eorum-

que successorès, qui gentes omnes prædicando converterunt ad Christum, *1. d. num.* 50. & 57. Respondeo: Verba Davidis omnino de Regibus valent sensu proprio, & vocantur Dii, quoniam ad illos sermo Dei factus est, dicente Christo, *Johan.* 10. 35. Poterit equidem hoc affirmari de omnibus illis quos modo quocunque afflat Deus, hoc tamen loco rectè λόγος interpretabimur de mandato, quomodo 127 nunc λόγος nunc πρὸς τὰ γένη vertunt Alexandrini 1. *Chronic.* 26. 32. Reges ergò Dii sunt, quoniam à Deo mandatum acceperunt judicandi populum, 2. *Chronic.* 12. 11. cap. 19. 6. Populum inquam, ut comprehendantur unà ministri sacrorum, *Roman.* 13. 1. 2. Porro de verbis *Esaie* notetur, prædici Regum conversionem ad Ecclesiam, ità ut eam in sinu foviant, curent, orientque. Id verò non poterit esse, nisi primatum in Ecclesiâ obtineant, id est, curam supremam habeant rerum illarum, quæ secundum verbi Dei præscriptum in sacris publicis geruntur. (3.) Quia idem fecerunt Principes & Reges pietatis studio celebres in Veteri Testamento, David, 2. *Samuel.* 7. 2. *Josaphat.* 2. *Chronicor.* 17. 7. seqq. *Ezechias.* 2. *Chronic.* 30. 22. *Josias.* 2. *Chronic.* 34. 3. 4. 2. *Regum* 22. 8. seqq. *Nehemias.* *Nehem.* 13. 10 seqq. Excipit Becanus: Reges isti omnes non exercuerunt iudicium discretivum in sacris negotiis, verum credendo Sacerdotibus ad horum arbitrium faciebant ea quæ debebant. Respondeo: Atqui jubentur etiam habere iudicium discretivum, *Deut.* 17. 19. adeoque Becanus fingit, Reges pios in solo iudicio Sacerdotum acquievissse. Certè fides quæ Deo pios omnes commendat, non est merus assensus secundum illa quæ alius nobis annunciat,

verum deliberata notitia secundum illa quæ Deus in literis sacris proponit, *Psal.* 1. 1. 2. *Psal.* 72. 1. 2. *seqq.* *Habacuc.* 2. 4. *Johan.* 4. 28. *Actor.* 17. 11. *Roman.* 4. 3. 10. 17. Satis docet experientia, Reges eos qui Sacerdotum dictis assensum præbuerunt, sæpius circumventos, felicitate suâ excidisse, quando non semper tuta fides est iis, qui se præcones doctrinarum sacrarum esse jactant, *Esaia* 55. 10. *Ierem.* 6. 13. 14. *cap.* 18. 18. *Ezechiel.* 21. 26. *Hosæ* 9. 8. (4.) Quia est expressum mandatum Dei: Cum Rex sedebit in folio regni sui, describet sibi exemplum Legis hujus, eritque pennis cum atque leget in eo omnibus diebus vitæ suæ, ut discat timere Dominum Deum suum, observare omnia verba Legis hujus, & statuta ista faciendo ea, *Deuter.* 17. 18. 19. Ergo legere debebat eam imprimis ob causam, ut veritatem cognosceret, & de erroribus judicare posset. (5.) Quia cum Sacerdote summo in exercendâ curâ sacrarum manifesto præcepto conjungitur supremus Judex ordinis civilis & Princeps in Senatu magno, uterque Regum imperio obnoxius, *Deut.* 17. 12. 2. *Chronic.* 19. 8. 9. *seq.* Excipiunt: Rex Josaphat non consecravit Levitas & sacerdotes, verum applicavit eos ad munus sacrum, neque præterea arrogavit sibi in negotiis sacris quicquam, utpote quarum curam habebat Amarias Pontifex, Becanus *l. d. num.* 17. *seqq.* Bonfrerius *commentariis ad Deuteronomium* pag. 973. Respondeo: Consecrare est actus ministerialis, quem Regibus imponere nolumus, at cum Rex Levitas officio admo-
vet, legibus instruit, *vers.* 8. 9. 10. facit, quod Regis interest, ut faciat visuprematus ejus quem habet in negotio Reli-

gionis. Neque Pontifex absolute habebat curam sacrarum, erat enim Regis subditus, ejusque vicarius in rebus sacris, quomodo Regis subditus ejusque vicarius in rebus civilibus erat Zebadiah Judex supremus. Constat ex iis, quæ dicemus *infra cap. 4. dist.* 1. ubi est de negotio inter Salomonem Regem & Abiatharem Sacerdotem oborto. (6.) Quia Moyses Princeps & Legillator supremam curam sacrarum in populo Dei usque exercuit, Legis tabulas promulgando, Aharonem & Sacerdotes ad munus sacrum applicando, statuta illis præscribendo, *Exodi* 20. 1. 2. *seqq. cap.* 28. 1. 2. *seq.* Atqui ille se Regem vocat, *Deuter.* 33. 5.

IX. Instat Becanus (1.) Regium justotum describitur, *Deuter.* 17. 14. *seqq.* Atqui in illo nihil continetur, quo sacrarum cura commendatur. Respondeo: Negatur, quod ibi Jus Regium describitur, adeoque contextus iste hoc solum docet, quomodo Rex in familiari conversatione sese gerere debeat. Verum Jus Regis promulgabatur, tunc cum populus à Regibus volebat regere, *1. Samuel.* 8. 10. 11. *seqq.* Falso toties inculcat Becanus *l. d. num.* 11. quod loco isto describitur Jus tyrannorum. Refutavimus *suprà lib. 1. cap.* 12. *dist.* 1. *seq.* Cæterum quàm non dissimuletur, ut Rex velit curam sacrarum gerere, constat verbis manifestis, *Deut.* 17. 18. (2.) Rex Josaphat curam sacrarum mandat Amariæ Sacerdoti, 2. *Chronic.* 19. 11. Respondeo: Demandat uti vicario suo, & ut Regi suo esset subiectus, neque ergo cum potestate summâ ageret. (3.) Judicium in negotio fidei adscribitur Sacerdotibus, non verò Principi aut Regi *Deuter.* 17. 8. 9. *seq.* Numeror. 27. 21. Respondeo: Neuter locus est Regibus adversus, imò ab utroque

habent causæ suæ ingens præsidium. *Deuter. 17. 8. 9. seqq.* agitur de promiscuis litibus, & Iudices minores, cum aliquid minus perspicue in forensibus & ceremonialibus Lex scripta proponeret, ad Parliamentum in populo Dei remittuntur, quod præter Sacerdotum summum in sacris præfectum habebat quoque Præsidem curiæ, qui pari cum potestate jus dicebat in foro, uti constat ex *Deuter. 17. 12. 2. Chronic. 19. 11.* Et hic Præfex uterque erat in potestate Regis. *Numeror. 27. 21.* agitur de Oraculo apud Sacerdotem inspiciendo. Nihil hic addebant Sacerdotes nisi ministerium externum, quod Oraculum è sacrario prolatum luci exponerent. Reges ipsi inspiciabant, & Dei responsum percipiebant inde. Neque de rebus fidei in Ulrim perquirebant, sed de belli eventis, familiarium obsoletarum discrimine, 2. *Samuel. 23. 9. 10. 11. cap. 30. 6. 7. Nehemie 7. 65. (4.)* Christus uni Petro velut capiti summo, imposuit curam Ecclesiæ & sacrorum, dando ei claves regni cælorum, & construendo super eum Ecclesiam, ut non prævaleant inferorum portæ, *Matth. 16. 18. 19.* jubendo ut pascere vellet oves atque agnos, *Johan. 21. 22. Respondeo*: Neutiquam describitur primatus aliquis, unde Petrus vel præ Regibus, vel præ aliis Apostolis emineat. Dicebat Servator, & *super hæc petram ædificabo Ecclesiam meam.* Videlicet, Petrus futurus erat, qui post Servatoris abitum in cælos, Spiritus Sancti gratiâ & præsentè animo fultus, concionibus suis primus ingentem hominum turbam ad Religionem novam amplectendam adducere debebat, *Actor. 2. 14. seqq. cap. 3. 2. seqq. cap. 10. seqq.* Hocerat, fundamenta Ecclesiæ jacere, & Servato-

reimundi cum successu bono commendare. Porro cum dicit, *tibiabo claves regni cælorum*, hoc vult, constituo te Apostolum meum & novæ Religionis præconem. Ejusce generis præcones erant Apostoli omnes, *Matth. 28. 30.* Claves cæli pariter datæ sunt omnibus, unde quoque participant omnes Ecclesiæ ministri, quod ad sacri muneris perfectionem attinet, *Matth. 18. 18. 1. Corinth. 4. 11. cap. 5. 19. 20.* Reponit Bellarminus: Claves notant primatum & supremam potestatem in Ecclesiâ, quomodo *Esaie 22. 22.* legitur, *velle Deum imponere clavem domus Davidis humero ejus*, id est, Sobnam Pontificem, improbum remove, & loco ejus restituere Eliakimum, virum optimum. *Respondeo*: Negatur, quod claves semper notent suprematum in Ecclesiâ. Dico semper, nam aliquandò notat supremam potestatem, uti *Apocal. 3. 7.* ubi de ipso Ecclesiæ domino est sermo Cum de ministris agitur, de notat ordinarium munus prædicandi & docendi, *Luce 11. 51.* Petrus erat minister, deditque ei, & cum eo Apostolis omnibus, claves ad cælum Ecclesiæ dominus, ut in Christi nomine solvant & ligent, non verò ut per injuriam & malitiam excludant cives, intromittant alienos, utque spolient quos velint, & causarum injustarum patronos adfiscendo, spoliis eos ditent. Potestas ergò hæc est, sed qualis servorum, qualis mandatiorum in negotiis esse solet, potestas inquam limitati juris non verò propriæ voluntatis. Apud *Esaïam* est potestas vicaria, eaque civilis. Falluntur Bellarminus, Baronius, Torriellus Suarez, Boxius, Sanderus, Scioppius, Menochius, & in eadem scholâ Hildebrandistæ alii, qui contendunt Sobnam Pontificem fuisse. Atqui erat præfectus domus re-

d. 1. g. 10.

glæ five Magister palatii, vir amplissimæ dignitatis, 2. *Regum*. 18. *Esaia* 36. 22. perinde uti Iosephus erat in Egypto, *Genes*. 41. 40. Achisar apud Salomonem Regem, 1. *Regum*. 4. 6. Rabadias apud Josaphatum, 2. *Paral.* 19. 2. Nobiscum consentiunt Tostadus *commentarius ad* 2. *Regum* 18. *quest.* 33. Saliarius in *Annales sacris*, Franciscus Forerius & Ariæ-Montanus *commentarius ad Esaia* 22. c. De aulicis sermo est, & quo functus sit quisque officio, additur *ἱεροπονητὴς βασιλείας* verissimè appellat Iosephus. Res ipsa etiam ad quam obbundam à Rege mittuntur hi viri, in castra ad Assyrios proficiscendo & pacis leges faciundo, arguit, procures aulæ fuisse, non verò sacerdotes. Denique pascere oves non est peculiare donatum Petro, sed omnibus æque competit Apostolis, quos toto mundo gentes docere atque baptizare iussit Servator, *Matth.* 28. 19. *Marci* 16. 15. *Actor.* 20. 28. 1. *Petri* 1. 2. Singulariter autem cum Petro verbis istis egit, ut abnegatorem Magistri sui & desertorem functionis sacræ in pristinum locum reponeret, *Matth.* 26. 70. *seqq.* Sed & Consequentia est falsa: Authoritas enim, si qua foret ejusmodi, Petro data, falsò ad Papam Romanum devolvitur, qui nec Petrus nec Petri successor est. (5) Paulus describendo functiones sacras, nullum Regibus adscribit munus vel locum, *Ephes.* 4. 11. *Respondeo*: Describit Paulus quoscumque sacrorum ministros, atqui Reges in horum numero non esse, constat. Hoc verò etiam constat, ministros sacrorum esse obnoxios Regum, *Roman.* 13. 13. 1. 2. *seqq.* (6.) Apostoli obortas lites non requisito prius magistratu composuerunt, & contumaces puniverunt, *Actors.* 5. cap. 15. 6. *seqq.* 1. Ti-

moth. 5. 19. *seqq.* *Respondeo*: Tunc cum Ecclesia constabat privatis cœtibus, factum est ut Apostoli domesticas lites aut ipsi componere, aut virorum bonorum arbitrio deferendas curare studerent, 2. *Corinth.* 6. 1. 2. *seqq.* Et tamen illis ipsis temporibus d. seceptabant Apostoli negotium Religionis apud Judices publicos, Regum vicarios eosque infideles, uti Paulus fecit coram Felice & Festo præsidibus Judææ, à quibus etiam provocavit ad Cæsarem velut supremum Judicem. Neque verò aliud negotium erat, quàm Religionis, *Actors.* 24. 3. *seqq.* cap. 25. 1. 2. *seqq.* 2. *Timoth.* 4. 16. 17. 18. (7.) Principes sunt oves, neque igitur potestatem exercere poterunt adversus pastores suos, sacrorum ministros. *Respondeo*: Quod curam rerum sacrarum attinet, Reges non solum oves, verum etiam nutritii Ecclesiæ sunt, *Esaia* 64. 23. Adeoque quamvis ipsi non debent oves pascere, ovibus tamen pastores idoneos addent, utque illis dent commodum pabulum, summiâ cura providebunt. Propterea Reges impii, qui populum fecerunt peccare, & calamitatum publicarum authores exstiterunt, toties increpantur, ut intelligatur, nequaquam ipsos hoc impunè luros in judicio divino. Non minus ergò Reges quàm ministri verbi sunt pastores, atque de sacris ad populum promulgatis Deo reddent rationem, quamvis non eodem modo, ubi sacra corruperunt, illi falsos cultus imperando, hi seducendo verbis & exemplis (8.) Reges non possunt sacrificare, prædicare sacramenta administrare, 2. *Regum* 15. 10. *Matth.* 28. 19. Ergò multò minus possunt sacerdotes officio suo admove-
Respondeo: Consequentia negatur. Quod prius non debeant facere, constat

quia

quia non sunt ministri verbi, non sunt, inquam, sacerdotes. Quod posterius facere debeant, constat, quia sunt Reges, Nutriciæ Ecclesiæ. (9.) Principes non habent iudicium discretivum in rebus fidei, quia non illis, sed Apostolis & verbi ministris promittitur Spiritus Sanctus, ut eos ducat in omnem veritatem, Johan. 14. 16. cap. 16. 13. *Respondeo*: Tam Princeps sacris literis imbutus potest de summâ fidei iudicium formare, quàm minister verbi divini, *Josue* 1. 7. *Matth.* 7. 15. Uti enim hic discit ex literis sacris, in idem ille discat, exponatque literas sacras cum fide, non etiam cum autoritate & præjudicio. Ratio falsa est, quando præceptum illud est personale, & Apostolis promittitur Spiritus Sancti immediata assistentia. De omnibus verò dictum est illud: *E-runt omnes docti à Deo*, Johan. 6. 45. Hæc omnino ad Reges quoque pertinent.

X. Befoldus scribit: *De institutione Religionis sciendum est, quod ea non pertineat ad magistratum civilem, sed is solum sit defensor & executor Ecclesiæ, ejusque legitimi Capituli, decretorum. Subditi autem merito ab omni innovatione abhorreant, & Religionem eam verissimam censere debent, quæ convenit cum literis sacris, institutis item ac traditionibus Ecclesiæ Catholice, & ita antiquissima existit.* lib. 2. doctrinæ Politicæ cap. 2. dist. 7. *Respondeo*: Verum est, quod magistratus non debeat novam religionem introducere sed & hoc verum est, quod abusus, quicunque in Religionis negotio per incuriam Doctorum irrepperunt, debeat abolere, quando constat, esse eos literis sacris contrarios. Falsum est, quod Princeps tantum sit executor Ecclesiæ ejusque legitimi Capituli decretorum. Certè debet considerare etiam quæ ex-

sequitur, & quòd Papa non sit Caput Ecclesiæ, diximus *suprà* cap. 1. dist. 12. & 13.

XI. Porro falsum est, quod *Papiste sint Ecclesia Catholica*. Namque ab Ecclesiæ prisce institutis plurimum defecerunt, invchendo cultum sanctorum, purgatorium, opera satisfactoria, delectum ciborum, vota monastica, Clericorum scortationes, calicis sacri abrogationem, quæ omnia cum Ecclesiâ antiquâ pugnant, uti Papistarum integerrimus Georgius Cassander in *Consultatione de Religionis negotio ad Ferdinandum Imperatorem* luculenter ostendit.

XII. Quæritur: (2.) *An Princeps debeat sacrorum illorum, quæ ipse non approbat, exercitium permittere inter subditos suos?* *Respondeo*: Contendunt Papistæ, quod unam Religionis formulam à Pontifice Romano descriptam Princeps approbare debeat, & ad eandem observandam vi cogere subditos suos, Wilhelmus ab Effern lib. 2. *Manualis Politici* pag. 129. seqq. Justus Lipsius lib. 4. doctrinæ Politicæ cap. 2. 3. Petrus Thyraeus dissertatione de libertate fidei, Bellarminus libro de Laicis cap. 17. 21. Joh. Stephanus Menochius lib. 2. *Hieropoliticorum* cap. 3. Antonius Petilius lib. 3. *Exarchie* cap. 12. Adam Conzenus lib. 9. doctrinæ civilis cap. 10. seqq. Vernulejus lib. 1. *Institut. Politicarum* Tit. 3. cap. 2. & Tit. 11. cap. 6. 7. Nos verò affirmamus, & pro libero cultus sacri exercitio rationis animorum turbatores, proferimus rationes istas: (1.) Quia Principes non habent dominium in animos subditorum, verum Deus uni sibi reservavit illud 2. Corinth. 1. 24. Regebat Effern: Quanquam à solo Deo pendeat arbitrii liberi usus, certas tamen leges constituit ille secundum quas

Quas credi oportet, adeoque meritò puni-
untur, qui contraveniunt. *Respondeo*: Atqui
legibus illis, quas Deus sancivit, ut secu-
dum eas credamus, non est conditio adje-
cta, ut violentis modis obrudantur. Multò
aliter sonat illud. *Sic eis & liberauisti ani-
mam tuam*, Ezechiel 3. 4. 5. Quamobrem
Deus ipse toleravit in populo suo quoscun-
que peregrinos qui tamen non amplecte-
bantur omnes ritus Moisaicæ Legis, sufficie-
bat enim quod Deum unum colerent, &
Leges Noxæ datas observarent, *Exodi* 11.
12. 45. 48. 49. & multi tales incircumcisi
provixerunt in Judæâ, sed certis adstricti re-
gulis ne possent latius evagari. Postquam
Macedones, deinde Romani summo impe-
rio tenuerunt Judæam, aut Iudæa Reges ha-
buit obnoxios Romanis, ægrè servatâ sibi
sacrorum libertate, jurisdictionem in alieni-
genas secum habitantes amiserunt, ideo-
que eos intrâ illas regulas cohercere non
poterant, instituerunt sapientes, ut Judæi
planè alienigenarum commercia evitarent,
quia vel idolorum cultores erant, vel certè
præcepta Noxæ haut putabantur servare.
Et hoc perpetuò secuti essent Apostoli eti-
am, neque illum non Iudæum gente, aut
profelytum Legis admisissent ad suam fami-
liaritatem, nisi Deus Petro ostendisset, id si-
beri sibi placere. Quando enim post Chri-
stum missum nolebat Deus aliam esse viam
ad salutem, quàm per ejus cognitionem, i-
deò Petrum iussit adire Cornelium Centu-
rionem, qui primus è gentilibus ad religio-
nem Christianam sese applicuit, ejusque ho-
spitio & convivio frui, ut tanto exemplo
constaret Apostolos à Deo solutos esse præ-
ceptis illis Sapientum, de vitandâ familiari-
tate cum incircumcisis, *Acto.* 10. 1. 2. seqq.

De Nahamano profelyto multa diximus lib.
1. *Antiquitatum Romanarum* cap. 8. num. 4.
(2.) Quia David tot gentium sacris profa-
nis usque addictarum victor, patria sacra
nuquam eripuit victis, contentus quod
præstarent subjectionem, & quod pacis Le-
ges fervarent. Magni hujus Regis clarissi-
mas victorias prænunciat Bileamus vates,
Numer. 24. 17. Multis præliis attrivit Moa-
bitas, 2. *Samuel.* 9. 2. 1. *Chronicor.* 19. 2. *Psal.*
60. 10. Sequitur, & destruet omnes illos qui
pone sunt. Videlicet מִן הַיַּם adverbialiter
exponit Tremellius, secutus Rabbinum
Hiscuni. *Qui pone sunt*, id est, Ammonitas,
Philistinos, Syros Euphratis accolæ, Idu-
mæos. Omnes gentes illas à tergo sitas ha-
bebat Bileamus, tunc cum converso ad Isra-
ëlitarum castra ore vaticinia proferebat, ac
Davidi Hæbræorum Regi potentissimo
subiectas fore prædicebat. De Ammonitis
vide 2. *Samuel.* 11. 1. cap. 12. 26. seq. 1. *Chron.*
20. 15. cap. 21. 1. 2. 3. De Syris est 2. *Samuel.*
8. 3. seqq. cap. 10. 6. seqq. 1. *Chron.* 19. 3. seq. cap.
20. 6. seqq. *Psal.* 60. 2. 1. *Regum* 11. 23. 24.
25. De Idumæis est 2. *Samuel.* 8. 14. 1. *Chronic.*
19. 12. 13. *Psal.* 60. 2. 10. De Philistinis est 2.
Samuel. 8. 3. seqq. cap. 10. 6. seq. 1. *Chronic.* 19.
3. seq. cap. 20. 6. seq. *Psal.* 60. 2. Ingenstra-
ctus maritimus est in Phœniciâ, quem Plin-
ius lib. 36. cap. 26. vocat Cindeviam. מִן הַיַּם
Syriacâ formâ, ut per apocopen abradatur
à מִן, מִן הַיַּם יָם סָעִיד. namque ille primus
hanc regionem Philistinis ereptam sui juris
fecit, 2. *Samuel.* 5. 25. Itaque dicitur, quod
David accepit frenum Amgaris è manu
Philistinorum, 2. *Samuel.* 8. 1. Frenum Am-
garis, uti notant Tremellius, Grotius. Sholia-
stæ Vinatienfes, sunt claustra montis Am-
mæ, cui imposita erat urbs Cath, quæ Poly-
bio

bio Gitta est, & vide 1. *Chronic.* 18. 1. nec non *suprà lib. 1. cap. ult. dist. 8.* Amgaram montem in Phœniciâ collocat Plinius *lib. 5. cap. 13. (3.)* Quia religio vera est cultus Dei spontaneus, adeoque solum illud acceptum Deo est sacrificium, quod lætis animis liberis votis offerimus, *Psalm.* 110. 3. Ergò non debet quisquam ad hæc talia faciendi cogi. (4.) Quia cultus Dei solum persuadetur monendo & docendo. Ergò non potest violentis modis in animos hominum introduci. (5.) quia Christus & Apostoli propagaverunt religionem veram, non armis, minis, aculeis, sed prædicando, adhortando, suadendo. Cum quis nollet meliora discere, eum conscientia suæ permiserunt, *Actor.* 13. 46 47-48. (6.) Quia Servator in Religionis diversæ negotio imperavit mansuetudinem, & Apostolos suos ob intempestivi zeli votum ad verum Cuthæos graviter increpuit, *Luce* 9. 54. 55.

XIII. Instat *Vernuleju*: (1.) Nulla societas inter eos potest esse, qui diversas Religiones sectantur, itaque oriuntur seditiones, quando potentissimus est religionis affectus. *Respondeo*: Falsum est, societatem non posse esse inter eos, qui sacris diversis utuntur. Quod turbæ oriuntur, est à religionis ambitione & improborum sacerdotum furore, à religionis diversitate non est, quando Hebræis olim cum Asiæ & Africæ populis ἐν ταῖς διασποαῖς optime conveniebat *Actor.* 2. 9. 10. 11. & hodiernum sub imperiis Turcorum, Persarum, Indorum, Nigritarum in mutuâ pace degunt Saraceni, Christiani, Judæi, Pagani multiplicibus sectis distracti. (2.) Princeps non caret periculo, quando uni sectæ favet, alteram odio habet, inde oriuntur insidiaz adversus vitam

famamque ejus. *Respondeo*: Ubi per leges & pacta est mutua tolerantia, ibi Princeps non verebitur infelas vel offensus. Nemo Sultanorū Serifiorum, Mogolorum, nemo Germaniarum Cæsarium, nemo Poloniæ Regū ob tolerata sacra diversa unquam occisus est: Gallicæ verò Reges occisi sunt ab illis, quibus impensè favebant, sacrorum ministris, æterno religionis opprobrio. (3.) Romani veteres habebant legem: Privatim nemo Deos colito, neque novos, sed publicè adscitos habeto, *Dion Cassius lib. 52. histor.* *Respondeo*: Lex dicta est adversum conventicula privata, quæ meritò suspecta fuerunt ubique gentium. Publicos ob sacra diversa conventus non vetuerunt, imò promoverunt, dum populis victis prudenti confidio sacra patria legesque majorum relinquebant. Augustus ipse pro se & Imperio Romano pecuniâ suâ victimas offerre iussit Ebræorum Deo. Is Princeps, qui constanter per vitam omnem aversatus est ceremonias peregrinas. Et factum laudabat Agrippa Rex Judæorum in eâ urbe, ubi recens adhuc omnibus hærebat memoria Octavii Principis, & ad Cajum Cæsarem Oratione, quâ Philo recitat in *sua pro Iudeis Alexandrinis legatione*. Atque ipsi Pantheon in honorem Deorum omnium exstruebant, ut dixi in *Recensu Antiquitatum Romanarum lib. 1. cap. 8. dist. 6.* Ità etiam in populo Dei factum est, ubi Deus præscriperat in templo offerri sacrificia, attamen Reges multi, quorum pietas laudatur, concedebant, ut vulgus in excelsis Deo vero sacra faceret. 1. *Regum.* 3. 2. *cap. 22. 44.* 2. *Regum.* 12. 3. *cap. 14. 4.* 2. *Chronic.* 33. 17. (4.) Hebræorum opes florentes vertebantur & Romanis subiciebantur, postquam sectæ Phariseorum, Essænorum,

Excipiunt: Apostoli temporibus illis, quando Reges infideles erant, monebant subditos quoscunque, ut imperio horum paterent libentes, ne prædicatio Evangelii impediretur, nunc verò postquam Evangelii prædicatio orbem pervasit, Apostolica præcepta valebunt quoque de magistratibus Ecclesiasticis, quales sunt Papæ & horum delegati, à quibus in Clericos imperium exercetur, Bellarminus *libro de Clericis cap. 30* Cornelius à Lapide *commentariis in Epistolam ad Romanos cap. 13. num. 164.* Respondeo: Nulli sunt magistratus Ecclesiastici, nisi quantum illi sunt Regum administratores, & horum potestati obnoxii. De Regibus unice valent dicta Apostolorum, uti contextus evincit. Paulus vocat magistratum illum qui jus gladii habet, quique tributa exigit, *vers. 5. 6. 7.* Petrus magistratum illum suum, cui omnes homines subijcit, vocat βασιλεὺς & κύριος. Hi Reges sunt, hi Principes; de Papis & horum delegatis nusquam literarum sacrarum occurrit. (2. Quia Reges Veteris Testamenti in potestate suâ continebant populi ejus Clericos, ac puniebant, quando crimen aliquod publicum designaverant, exemplo Salomonis, qui Sacerdotem Abiatharem perduellionis reum ab officio removet, Zadokum loco ejus restituit, 1. *Regum* 2. 27. 35. Excipiunt: Si regiâ auctoritate Salomon deposuit Abiatharem, malè fecit, uti Saulus cum occidebat Abimelechum, 1. *Samuel.* 22. 17. Becanus *libro de primatu contra Regem Angliæ. pag. 66. 67.* Respondeo: Iniquissimè dictum: Nihil peccaverat Abimelechus, itaque innocens periiit: Abiathar verò inter complices rebellionis deprehensus & perversè molestus Regi legitimo, justo Regis pronuntiato capitis

supplicium incurrebat, sed pro gratiâ erat, vitam donavisse nocenti, & relegationis poenâ mitiori contentum esse. *Pergunt:* Salomonis factum narratur, & non approbatur: nec enim videtur mortis poenâ idèò dignus esse Adonias, quod Abisag Sunamitidem sibi ille conjugem posceret, Bellarminus *responsio ad Barclajum cap. 15.* Respondeo: Omnino approbat Scriptura factum Regis, cum Pontificis iniquam conspirationem adversus Regem damnat, 1. *Regum* 2. 22. Tale facinus merebatur supplicium condignum. Nec aliter est de turbatore Adoniâ, quem Regis gratia absolverat semel, atqui redibat ille advomitum, petendo Abisagam conjugem, ut turbas novas Reginæ maritus dare posset, eodemque pertinent manifesta verba ejus coram Bathsebâ matre Reginâ prolata, 2. *Regum* 2. 15. Corrigenda sunt illa, quæ Salmasius scribit: *Salomon cum fratrem suum natu majorem interficere mandavit, paricidii scelere maculatus est*, in defensione Regiâ cap. 4. Erat certè Adonias perduellis, neque enim ferebat mos Ebraeorum, ut Regum sive conjuges sive pellices viduæ sociarentur privato. Docent Vatablus *in notis*, & Scickardus *libro de Jure Regio Hebraeorum pag. 174. seq.* Hanc ergò cupiens Adonias, jus regni ad se pertinere novis molitionibus ostendere vult, tentatque animum Salomonis, ut si metu juvenili hoc ei concessisset, auderet mox majora: mulierem autem aggredditur, ut regnandi ignaram, ita amoribus facilem. Notant Rabbini Kimhi *commentario ad h. l.* & Theodoretus *quest. 7.* Addunt: Non poterat Laicus Princeps jure communi Sacerdotem deponere, itaque divina intervenit ordinatio, cujus exsecutor Salomon fuit, Bellarminus *lib. 2. de Pontifice Romano*

cap. 29. Cornelius à Lapide *commentariis ad. h. l. pag. 109.* Saliarius Tomo 3. *Annalium Veteris Testam. pag. 745. 746.* Bonfrerius, *commentario ad Deuteronomium pag. 973.* Johan. Pineda lib. 6. *de rebus Salomonis cap. 15. num. 5.* Respondeo: Rex poterat de jure communi Pontifices privare officio, etiam morte mulctare, ubi facinus exilio vel morte dignum patraverant. Ex officio inquam; Rex enim Dominus erat, Sacerdos verò subditus & Regis servus, uti non semel prolatis Scripturæ tabulis firmavimus, & exempla ordinaria prostant, quod Reges dederint leges & præcepta Sacerdotibus, ne salus publica labefactaretur ipsorum vel incuriâ vel temeritate, 2. *Regum. 22. 23.* 1. *Chron. 23. 24. 25.* 2. *Chron. 17. 19. cap. 29. 30. cap. 34. 35.* Verbo: Uti Rex puniebat Abiatharem, Adoniam, Joabum, Simei, non verò uti Prophetæ, cujus non est pœnam irrogare delinquentibus. (3.) Quia Sacerdotes & Levitæ erant sub imperio Moysi Principis, à quo jure accipiebant, & in judicium evocati rationem factorum suorum coram illo reddebant, *Exodi 28. 1. 2 seq. cap. 29. 1. 2 seq. cap. 32. 21. 22.* Excipiunt: Moyses non tam Rex erat, quàm Pontifex, itaq; Levitæ & Sacerdotes imperio suo regebat. Constat inde, quia dicitur, *Moses & Aharon inter sacerdotes ejus, Psalm. 99. 6.* & quia non unum sacrificium Deo obtulit, *Exodi 29. 11. Levitic. 8. 15. 19.* Genebrardus *notis ad Psalmos p. 525.* Franciscus Bozius *de temporalis potestate Papa lib. 3. cap. 12. lib. 5. cap. 10.* Respondeo: Nequaquam erat Pontifex, sed Princeps & Legistator erat, *Exodi 3. 10. Dent. 33. 5.* atq; idè comprobatur Alphonsus Toftadus *commentariis ad c. 32. Exodi quæst. 33.* Locus Psalmi com-

modè vertitur, *Moses & Aharon cum sacerdotibus ejus.* Quod sacrificium obtulit, causa est, quoniam Propheta erat & verò Pontifex quidem offerebat sacrificia, nec minus Propheta offerebant ista, ut patet exemplo Samuelis, 1. *Samuel 7. 9. cap. 9. 19. cap. 16. 2.* & Heliz, 1. *Regum 19. 23. seqq.* Falso narrat Sulpicius Severus, quod Samuel fuit sacerdos, lib. 1. *historiæ sacræ cap. 64.* Atqui Levites erat, Judex, Propheta, non verò sacerdos, imò ne quidem sacerdotali familiâ oriundus erat, 1. *Samuel. 1. 11. Chronic. 6. 28. (4.)* Quia Christus in Novo Testamento dicebat ad Clericos populi Judaici, date Cæsari quæ sunt Cæsaris, *Matth. 22. 21.* Pharisei certè erant Clerici, & verò Servator jubebat eos Cæsaris imperio subiectos esse, tributumque dare, quod erat nota subjectionis, *Roman. 13. 5. 6. 7.* Phariseorum acerrimi fuerunt eo tempore, quos Judas Gaulonites instituerat, ut quovis modo obtrestando, calumniarentur vel Herodis vel Cæsaris imperium, de quibus refert Josephus lib. 17. & 18. *Antiquitatum*, & adde *Luce 13. 1. 2. 3. Actor. 5. 37.* At quod legitima istorum imperia non repugnarent legi divinæ, secus ac homines perditii sibi persuaserant, docebat eos Servator, & Regum jus confirmabat. Non verbis tantum, sed exemplo quoque. Quod enim Bozius, Carrius, Scioppius, Bzovius, & alia Obis Christiani purgamenta obtundunt, *Servatorem cum potestate regni egressum in his terris apud homines*, falsissimum est uti diximus, 1. *cap. XI. dist. 1. seq. (5.)* Quia Servator solvit census, *Matth. 17. 27.* Verba sunt, *ἐν οἷς ἑστάντα, ἡκεῖνον λαὸν δὸς αὐτοῖς ἀπὸ τοῦ κεφαλή*; Controversia est, de quo tributo sonet. Ad capitationes à Romanis impositas referunt Be-

Beza in notatish. l. pag. 81. Jansenius in Concordia Evangelica cap. 69. Barradius in Concordia Evangelica lib. 10. cap. 32. Alphonsus Salmeron Tomo 6. Commentariorum Evangelicorum tract. 36. Emanuel Sà in scholis ad h. l. pag. 346. Maldonatus & Ariz-Montanus commentariis ad h. l. Richardus Montacutius in Analèctis historia Ecclesiastica pag. 315. Julius Cæsar Bulengerus lib. 9. de Imperatore Romano cap. 17. Thomas Carturigtus in Harmonia Evangelica pag. 584. Cornelius à Lapide, Paræus, Hunnius commentariis ad Matthæum pag. 341. Vinarientes Scholiastæ ad h. l. Johannes Seldenus lib. 6. de Jure naturali gentium & Habraeorum cap. 18. Ergò, κνισθαι sunt capitaciones, quomodo τέλη sunt vectigalia. Nec aliter Hieronymus & Beda commentariis ad h. l. Discendunt ab illis, & de tributo sacro exponunt Grotius commentariis h. l. pag. 308. Bellarminus libro de Laicis cap. 16. Justus Lipsius lib. 2. de magnitudine Romana cap. 3. Baronius Tomo 1. Annalium A. C. 33. num. 30. Spondanus in Epitoma Annalium pag. 25. Calaubonus Exercitat. 15. scilicet. 19. Marcus Tomo 1. Theologia Elenctica pag. 41. seq. Joh. Cameron in Myrothecio Evangelico pag. 55. Sholiastæ Batavi ad h. l. Guido Perpignamus in Concordia Evangelica p. 596. Sacrum hoc tributum dabatur, ut in templi usum acciperetur ad sartum tectumque conservandum illud adversus ruinas, Exodus 30. 13. 2. Regum 12. 4. eodemque pertinere contendunt Hilarius & Chrysostomus commentariis h. l. Nos cum priore sententiâ affirmamus, quod pertineat ad Romanos. Primò, quia Evangelistæ verba sunt, ἐ βασιλεῖς τῆς γῆς δότε τίνας λαμβάνειν τέλη καὶ κῆσιν? Censui erat tributum, quod Ro-

mani poscebant, Matth. 22. 21. Secundò, quia publicani vicatim obibant, & collectas indicabant: tributum sacrum verò quilibet mittebant ultrò ad templum Hierosolymitanum. Tertiò, quia huc nos ducunt verba alia Servatoris, Reges terræ à quibus accipiunt? Regalis census utique erat, non verò sacrum tributum. Dicat Lipsius: Christi ipsa responsio nos à tributo Casariano abducit. Imò non abducit, sed potius adducit, quia κῆσιν vocat, & quia addit βασιλεῖς τῆς γῆς. Neutrum ad tributum sacrum quadrat. Scribit Lyserus in Continuatione Harmoniæ pag. 1711. & ab illo describit Caspar Bertraminiotis ad Matthæum pag. 491. Sicli sacri dimidium, quod olim vi Legis Exodus 30. 13. pendebant Hebræi Domino pro templi & sacerdotum ejus refectione; Romani postea domiti sub Pompejo Judæa ad se transferunt, ut in fiscum inferretur, itaque Josephus lib. 14. cap. 8. refert, Judæos hoc tempore obnoxios factos esse tributo Romanorum. At enim haut verosimile est, Romanos sacrum tributum abrogavisse templo, quod cum non dependebatur Principi, ad eorum res minimè pertinebat, nisi cum abolito templo sacrum denarium ad se pertraherent, Vespasiani tempore, Josephus lib. 7. de bello Judaico c. 28. Tunc demum ita factum est, nò ante, & capitaciones novas in ærarium Romanorum detulerunt, easq; imperiales. (6.) Quia Christus de subversa Lege & turbis contrà Cæsarem datus accusatus, dicebat causâ in judicio, quod Cæsaris nomine exercebat Pilatus, Mat. 26. 63. seq. Marci 15. 2. seq. Joh. 19. 10. seq. Exciipiunt: Judicium hoc non erat juris alicujus, sed facti, quando placebat Deo tale quid permittere, ut coram Judice injuste fieret, Bel-

In *ultimo libro de Clericis cap. 30.* Albertus Magnus *lib. 5. Hierarchia Ecclesiastica cap. 3.* Respondet: Eo quidem sensu iudicium hoc erat factum, quo constat, Servatorem innocentem fuisse delatum coram Iudice: at non quia comparere & potestatem à Deo concessam Iudici agnoscere volebat Servator, certe iudicium hoc erat *iuris ordinarii*, ut mortis sententiam adversus se pronunciata audiret ille, qui patri suo factus obediens, hominibus in se commendabat magnum obedientiæ ergà Reges exemplum, *Iohan. 13. 15. Galat. 4. 4. 5. Philip. 2. 1. 2. (7.)* Quia Paulus coram Festo & Felice in Judæa Prætoribus causam dicebat, imò ob defensionem famæ vitæque suæ provocabat ad Cæsaris tribunal, *Actor. 24. 3. 4. seqq. cap. 25. 1. 2. seqq.* Quando enim videbat Paulus, quod porcius Festus volebat eum tradere Synedrio iudicandum, & verò constabat, quod Synedrium haberet quandam in Judæos jurisdictionem, Paulus declinabat, iudicium apud hostes, adeoque cum Jus civitatis validius multò esset quàm Jus Synedrii, non poterat invitatus cogi, ut illos agnosceret iudices, neque Festus eum poterat illis offerre. Erat enim contra leges Romanas, civem Romanum provincialibus hominibus iudicandum tradere, & id nolentem, uti docet Plinius *lib. 10. Epist. 97.* Excipiunt: Paulus de facto agnoscebat Cæsarem superiorem non vero de jure. Causa hæc erat, quia opprimebatur calumniis Judæorum. Eos non poterat loco alio quàm apud Cæsarem accusare, Bellarminus *l. d. Johannes Lorinus, Cornelius à Lapide commentarii ad h. l. pag. 238.* Respondet: De facto subjecit sese iudicio Cæsaris, quoniam de jure Cæsarem superiorem habebat. Erat enim

civis Romanus, *Actor. 16. 37. cap. 22. 25. 27. 23. 11.* Atqui jus civitatis Romanæ & provocatio ad Cæsarem civitatis, ejus Dominum mutuo sese consuebantur.

II. Instant Bellarminus & Becanus: (1.) Levitas Veteris Testamenti, ex omni populo delectos soli Aharoni Pontifici subiciebat Deus, ut rebus sacris operam darent, & Regum imperiò nunquam obnoxii essent, Numeror. 3. 5. 6. seqq. *Respondeo:* De ministerio agitur, quod Levitæ exercebant circa res sacras, Pontifice velut Rectore supremo constituto, ut procuraret quæ videbat necessario requiri ad functiones illas sacras ritè obeundas. Caterùm potestas nulla data est Pontifici, adeoque non minus Sacerdos summus, quàm sacerdotes minorum ordinum & Levitæ subiecti erant imperio Mosis, Regumque aliorum, uti dictum est supra, atque exemplis confirmatum. (2.) Liberi sunt filii à subiectione Regum & tributo eis persolvendo, *Matth. 17. 26.* Annotat Menochius: Ex hoc testimonio satis aperte colligitur, Clericos qui sunt filii & domestici Dei, à solutione tributorum immunes esse debere, nam Christus solvit quidem didrachma, sed tamen addidit, *ne offendantur deus illi*, non soluturus, si collectarum illarum scandalum abfuisse. Deinde, si ipse & ejus discipuli Ecclesiæ Clerique primitiæ & tributum pensionem tenebantur, cur non pro omnibus solvit, sed tantum pro se & Petro? Adde, quod Christus asseruit, *filios Regum esse liberos à tributo*, aut hoc nomine cunctos significans Apostolos, aut se ipsum tanquam æterni Regis, Dei, filium, quomodocumque autem hoc intellexerit, semper sequitur immunes esse debere Apostolos à tributis, eorumque successores, Cle-

Clericos. Nam si filii sunt Regis propterâ liberi sunt, quia filii: si verò Christus Regis filius est, adhuc Apostoli sunt liberi, quia in benè constitutâ Republicâ Regum familiares & domestici à tributis solvendis eximuntur. Adde, Dominum non ex loculis ad suorum victum destinatis didrachma solvi voluisse, sed aliunde pecuniam paravisse, ut indicaret Ecclesiæ bona in Principum tributa vertenda non esse. Hæc ille *lib. 2. Hieropoliticorum pag. 201.* Respondeo: Neutiquam ex hoc testimonio sequitur, Clericos ab obsequio ergâ magistratum esse exemptos, invertimus verò, & ostendi potius ex hoc loco posse contendimus, debere Clericos esse magistratui subiectos. Dicit Menochius, *voluisse solvere, idcirco daret scandalum.* Bene ita voluit, quanquam enim esset dominus super omnia, tamen cum ultrò sibi nil factus esset hominibus aliis, jura Dei propria non usurpavit, onera hominum communia subivit, ut documentum aliis præberet, non quidem arrogantia, sed humilitatis. Pergit, *cur non pro omnibus Apostolis solvit.* Atqui non aderant Apostoli reliqui, propterea neque solvebat pro illis. Inquit, *Servator asserit, filios Regum, esse liberos à tributo.* Verum Servator loquitur de filiis Regum per naturalem generationem talibus, quod porro soli Christo per quandâ imitationem applicari potest, de reliquis Apostolis non valet. Neque enim Servator pronunciat sese exemplum, quâ Doctor erat, sed quâ erat filius Regis, uti exponit Augustinus *lib. 1. Evangel. quæst. num. 23.* Regis, intellige Dei. Et ne prærogativa ista esset imitamentum ad iniquitatem, præveniebat facto libero, ut quod sibi proprium esset, aliis non esset commu-

ne. Regerit, *domestici Regum perinde uti Regum filii sunt immunes à tributo.* Atquâ ille, qui non pendit vectigalia, non statim est exemptus ab omni jurisdictione, cum etiam filii Regum, etiam si tributum non pendant, Regis tamen dicto obedientes cogantur esse. Denique ait, *Servatorem aliunde pecuniam paravisse.* Quid tum? Solvit tamen censum, & solvendo fatebatur, se cum hominum more in his terris obvagabatur, Cesaris subditum esse.

CAPVT QVINTVM.

De Jure circâ Leges.

SUMMARIA.

1. *Definitio Legis.*
2. *De jure aureum.*
3. *Lex illi universalis.*
4. *Lex particularis.*
5. *Ornamenta compli primi.*
6. *Princeps solutus legibus.*
7. *Leges Mosaicæ.*
8. *Explicatur caput XI. Apocalypses.*

I. *Ex est regula actuum nostrorum quatenus ordinantur ad bonum.* Leges condere Deorum est, Regum est, qui Deorum vice præsumt in his terris, *Proverb. 8. 14. 15. 16.* Itaque veteres Legumlatores, ut Legibus suis auctoritatem concilarent, & metu religionis obedientiam imperarent, hoc dixerunt, quod leges suas Deorum auspicio accepissent. Zoroastres legum suarum auctorem denunciavit Orimaldam, id est, Solem Deorum maximum, *שמש מלך*: Trismegistus legibus suis Mercurium, Charondas

Tha-

Thurius Saturnum, Solon Palladem, Lycurgus Apollinem, Minos Cretensis Jovem, Numa Pompilius Egeriam Nympham legibus suis autores summos addiderunt, Cælius Rhodiginus *lib. 10. Antiqu. Lætionum cap. 19.* Machiavellus *lib. 1. de Republ. cap. 11.* Egeria verò erat ipsa Juno, sic dicta quod juvaret gravidas, ut faciliè conceptum egerent, alias Lucina, *Ἰλκεῖν*, de quo vide Thomam Reinesium *lib. 1. variarum Lætionum cap. 8.* & adde nostras Antiquitates Romanas *lib. 1. cap. 1. dist. 10.* Saron veterum Gallorum Legislator cum Genio loci consultit, eumque consuluit, Stephanus Forcatus *lib. 1. de Philosophia Gallorum fol. 19. 20.* Eis omnibus major & certioris fidei Legislator Moses tabulas Dei manu exaratas in monte Sinai cœlitus accepit, *Exodi 19 3. cap. 20. 1. 2. seqq. cap. 24. 16. 17. 18. cap. 32. 15. 16. cap. 34. 1. 2. seqq. Deuter. 18. 18. 19. cap. 34. 10. Galat. 2. 19.* (de utroque loco vide quæ nos scripsimus in *Anctaris ad historiam Ecclesiasticam Diatriba 3. dist. 18. 19.*) Et quod ætate superaverit Græcorum magistratus omnes qui legibus scriptis Respublicas instituere voluerunt, contendit Josephus *libro adversus Apionem Alexandrinum.* Hujus exemplo Muhammedes impostor, Alcoranum à Deo Compositum, & ad se per Gabrielem Angelum cœlitus perlatum esse, juramento affirmabat, *Azar. 22. 49. 50. 51. 53. 55. 56. 62.* Denique, Regem esse & Leges condere velut necessaria connexa simul ponunt, *Genes. 49. 10.*

II. *Regula ætuum nostrorum.*] Nunquam fuit uspiam sine legibus. Quod enim Arnæus *lib. 1. doctrina Politicæ cap. 17.* refert, Aborigines & Scythas veteres egisse citrà leges, ac porro quod Melchior Goldastus

lib. 3. de majoratu cap. 8. Danæus *lib. 1. Antiquitatum mundi cap. 3.* Ferdinandus Valques *lib. 1. illustrum quæst. cap. 41. num. 33.* obtundunt deseculo aut eo Poëtarum, hoc inquam, partim fabulis deputandum est, partim malè accommodatur. Namque seculum aureum de statu Paradisi exponendo, equidem aliquid dicitur, neque enim *inno justo posita erat lex*, videlicet quæ eum cogeret, aliqua tamen quæ eum dirigeret, præscripta erat: malè verò seculum illud à plurimis Authoribus prolatur, homines, *ajunt*, libertatis compotes debebant, & dispersi per agros, per silvas, per spelæa habitabant, sine probro, sine scelere, eoque sine pœnâ aut coercitionibus, cum Tacito *lib. 3. Annal. & Platone, in Politico.* Indidem est, quod Ovidius laudat: Aurea prima fata est ætas, quæ vindice recto Sponte suâ sine lege fidem, rectumque colebat, *lib. 1. Metamorphos.* Neque dubitant Albertus Bolognetus *libro de Jure & Legibus*, Hugo Grotius *lib. 2. de Jure belli & pacis cap. 2. dist. 2.* scribere, *aureum seculum fuisse apud Americanos, antequam eò advenirent Hispani.* Scilicet conjugia ignorare, obvios spoliare, occidere innocentes, rapto vivere, bestiarum more vagari, humanis carnibus vesci, demonum consortia sollicitare, erant præclara istorum facinora! hæc aurei seculi nomen integræque justitiæ laudem vix obtinebunt apud æquos rerum judices, qui potius negabunt, in isto *χρυσαιῶν* nullas virtutes emicuisse.

III. *Est q, vel universalis vel particularis. Universalis est qua gentes omnes omni tempore obligat.* J Tales sunt Noëticæ, post diluvium à Deo promulgatæ, *Genes. 9. 1. 4. 5. 6.* Easq; recentem Hebræorum magistrum in *חובות*

cap.

cap. 5. & ex illis Simon Episcopus lib. 1. *Institutionum Theologicarum* cap. 8. videlicet: Idola non colunt: Nomen Dei haut profanant: Neminem occidunt: Adulterium non committunt: Furtum non faciunt: Judices instituunt salutis publicæ curatores: Carnem sanguinolentam non edunt. Tales quoque sunt Leges Mosæicæ in Decalogo contentæ, *Exodi* 10. 2. 3. *segg.* *Denter.* 5. 13. *segg.* De quibus valet illud Apostoli, *opus legis scriptum est in cordibus gentium*, *Roman.* 2. 14. *Excipiunt:* Gentes dicuntur habere opus legis scriptum in cordibus suis eo sensu, quod ex objectis sensibilibus ratiocinando inferant ea, quæ lex Moïsi scripta proponit, Flacius in *Clavis Scripturæ* part. 1. fol. 564. 565. *Timpterus* lib. 4. *Systemat. Metaph.* cap. 2. *quest.* 2. Respondeo: Quicquid non est præscriptum sensibus, verum cordibus inscriptum, illud non acquiritur per illationes externas, sed cognoscitur per dictamen internum. Atqui notitia de Deo creatore & conservatore omnium est cordibus nostris inscripta. Ergo notitia illa percipitur à dictamine interno. Proinde sequitur in contextu, *cogitationes se mutuò arguere & defendere.* de cōscientiâ illud expresse dictū est, quæ magnam vim habet in commovendo homine rationis sanæ compote. *Juvenalis:* Cur tamen hos tu Evasisse putas quos diri conscia facti? Mens habet attonitos & surdo verbere cædit. O cultum quatiente animo tortore flagellum? *Pœna* autem vehementis & multo sævior illis Quas & Cæditus gravis invenit & Rhadamantus, Noctæque suum gestare in pectore testem. Cui simile est illud Taciti: *Perfecto demum scelere magnitudo ejus intellecta est.* Adeoque prædominatur in illis etiam, qui positi su-

præ hominum judicia timent omnino Judicem alium, infra quem ipsi sunt, & qui rationes actorum ab eis certò repetat. Scilicet, mentis nostræ instinctus illi sunt, ex seipsis vegeti, quamvis à nullo objecto externo moveantur. Aliter *Valentinus Smalcius:* Paulus agit de gentibus sub novo fœdere, quos ait, naturâ fecisse ea quæ sunt Legis, id est, per Evangelii doctrinam conversos tam accuratè implevisse viri boni officium, perinde uti olim fecerant Judæi secundum legem scriptam, *Disputat.* 8. *contrâ W. Franzium* pag. 419. Respondeo: Loquitur Paulus de gentibus oppositè ad Judæos, *cap.* 2. 10. 17. 18. *cap.* 3. 1. 2. 3. *cap.* 9. 4. Ergo non considerat illos uti sub novo fœdere constitutos, ubi cum Judæis in unum corpus redacti esse censetur, *Ephes.* 2. 15. 16. *cap.* 3. 5. 6. *Coloss.* 1. 20. 21. Potius intelligit Gentes à quibus lege ille carentes, quæ se adeò præ omnibus efferebant Judæi, *Roman.* 9. 2. Denique opus Legis non potest exponi de Evangelio, quoniam Apostolus totâ hac Epistolâ Legem oppositè ad Evangelium usurpat, *cap.* 3. 27. 28. *cap.* 10. 5. 6.

IV. *Particularis est, quæ certas gentes ad certum tempus obligat.* Tales sunt Mosæicæ in ceremonialibus & forensibus, quæ solos Judæos ad Messiam usque tempora obligabant, *Denter.* 4. 7. *Psal.* 147. 19. 20. Scilicet Lex illa ritualis quæ nihil in se habebat vel boni vel mali, quæque ad hoc à Moïse prolata erat, tum ut istis ritibus oneratus populus rituum amans, eò minus causæ haberet sequendi ritus idololatrias, *Jerem.* 7. 22. tum ut sub illis figuris intelligerent res majores Servatoris in carne venturi beneficia, *Ebr.* 10. 1. 2. *segg.* hæc inquam Lex per adventum Servatoris antiquata est, atque tunc Deus

orſus eſt rem prorſus novam, inauditam & incredibilem, oſtenditque ſe illos è gentibus, qui pietatis doctrinam à Jeſu Nazareno deſcriptam ſequi vellent, nihilò minoris ducere, quàm aut Judzōs aut proſelytos, eaque ratione tum Judzōs multo exemplo gentium, quas contemſerant, ad pietatem perduxit, tum innumeram hominum multitudinem, Apoſtolorum miniſterio, ad eum pietatis gradum promovit ad quem ne optimi quidem ex Judzīs pervenerant. Fallitur Tryphon diſputatione cum Iuſtino, qui dicit, peregrinos etiam, ſi cuperent beati eſſe neceſſario totam legem Moſis recepiſſe. Atqui inter Ebrzōs ipſos vixerunt multi fideles & Deo grati, quamvis neque circumciſionem neque ſabbatha vel ſacrificia habebant, *Levit. 22. 25. cap. 25. 47. Matth. 23. 22. Act. 10. 2. cap. 17. 4. cap. 18. 4.* Hi ſervabant leges Nohæ datas, erantque עֲבָרִים נֶאֱדָוָה advena domicilii, cavendo idola & carnem ſanguinolentam, unde eſt manifeſta diſtinctio in Legibus poſitivis. *Deut. 14. 21. & monuerunt dudum Joſephus lib. 20. Antiquitat. cap. 2. Chryſoſtomus commentariis ad Romanorum cap. 11. & Oratione 12. adverſus idola.* Quod verò peregrini alii eſſe mallent פְּתִיךָ נֶאֱדָוָה juſtitia & circumciſionem admitterent, aqua proluerentur, ſacrificia offerrent, cauſa erat, ut juſcivitatis acciperent, *Numeror. 15. 15. Exod. 12. 4. 5. 48. 49. Matth. 23. 15.* Vocantur ἀνέρις ὑποβαπτὴς, *Act. 10. 2. 5.* Prolixius de his adveni tradunt Johanes Buxdorffius in *Lexico Thalmudico pag. 407. ſeqq.* Richardus Montacutius in *Originibus hiſtorie Eccleſiaſt. Exercitat. II. ſect. 9.* Joh. Seldenus libris ſeptem de *Jure naturali & Gentium*, Wilh. Scickardus libro de *Jure Regio Hebræorum cap. 5. diſt. 7.* Petrus Cu-

nus lib. 2. de *Repubblica Hebræorum cap. 19.* Joh. Cocchius notes ad *Sanhedrin pag. 269. ſeqq.*

V. Abſque iſtâ Lege & cultu rituali cum fuiſſet, Iudæi ad tantam impietatem ob mala exempla, quæ à vicinis gentibus attrahere poterant, prolapſi eſſent, ut ad prædicationem Evangelii obſcuruiſſent, itaque Lex eſſe dicitur παιδαγωγὸς ἵς χρίστος, *Galat. 3. 24.* Eſt verò παιδαγωγὸς non niſi temporaria autoritas, & ſtatim cum auſpiciis templi ſecundi voluit Deus eos ſecundum aliquas circumſtantias inſtituere, eſſe aliud fœdus in quo res magis eximie proponerentur. Aberant enim in eo quinque precioſa, de quibus in templo primo fuerat ingens gloria, videlicet, ignis ſacer qui cœlitus immiſſus comburebat victimas, *Levit. 9. 27.* Præſentia divina feu הוֹדוֹת quæ apud propitiatorum vocalia reſponſa dabat, *Levit. 1. 1. 2.* Spritus Sanctus, qui Prophetas inſtruebat ſenſibus integris, non per viſiones obſcuras, *Numer. 11. 16. ſeqq.* Arca fœderis cum throno expiationis & Cherubim, *Exod. 37. 1. 2. ſeq.* Urini & Thumim ſive oraculum tacitum in peſtorali Aharonis, *Exod. 39. 7. ſeq.* Quanquam verò Iacobus Salianus Tomo 5. *Annal. Vet. Teſtam. A. M. 1609. num. 85. ſeqq.* Auguſt. Torniiellus in *Annalibus Vet. Teſt. Tomo. 2. pag. 227. ſeq.* probare velint, quinque precioſa illa in primo ad fuiſſe perinde atque in ſecundo templo, nihil tamen proficiunt adverſus expreſſa teſtimonia veterum Hebræorum in libris מִגְדָּלֵי הַכֹּהֲנִים & מִשְׁפָּחָה, nec non Magiſtrorum novorum, qui de rebus majorum ſuorum liquidò poſſunt teſtari, R. Maimonides in *More Nevochim lib. 2. cap. 41. 44.* R. Menasſeh Ben - Iſrael Conciliatore ad *Geneſin quaſſ.*

quæst. 41. R. Abravaniel *commentariis ad* מִנְחָה פֶּרֶק cap. 4. 5. Expediamus objectiones quasdam: (1.) Quod ignis facer fuerit in templo secundo, constat inde quia Jeremias Propheta abscondidit ignem cœlestem & arcam fœderis in monte Nebo, atque inde Nehemias iterum protulit, cum Babilone rediret, 2. *Maccab.* 1. 18 seq. cap. 2. 4. seq. Respondeo: Fabulæ sunt, à quopiam consarcinate Græculo libro cæterum non malo assutæ. Certè sacerdotes non permisissent viro quem oderant, ut pretiosa illa vasâ templi procul asportaret in regionem Moabiticam. Et quicquid sit, victimas in templo secundo combustas esse igni de silicibus excusso, notum est 2. *Maccab.* 10. 3. (2.) Erant post captivitatem Aggæus, Zacharias, Malachias Prophætæ, & longo post tempore Zacharias Baptistæ pater, Simeon, Anna, *Lucæ* 1. 76. cap. 2. 27. 36. Respondeo Malachias ultimus eorum fuit, qui divinis revelationibus usus populum docuit voce & scriptis; disertè enim conqueruntur, *non est amplius Propheta*, *Psalm.* 74. 9. 1. *Maccab.* 4. 46. cap. 9. 27. cap. 14. 41. Simeon, Anna, Zacharias sacerdos informabantur per illud vaticinii genus, quod vocatur, מִנְחָה פֶּרֶק, *Mat.* 3. 17. f. *Lucæ* 2. 25. 26. *Iohann.* 12. 28. 29. (3.) Referuntur preces coràm facie Domini, *Zachar.* 8. 21. Atqui ità vocatur arca fœderis, ubi Deus sedebat inter Cherubimos, *Psalm.* 99. 1. Respondeo: Facies Domini non semper est arca fœderis: sed templum est, ubi Deus promiserat gratiæ suæ præsentiam, 1. *Regum* 8. 10. seqq. De toto negotio prolixius egimus in *Auxiliis ad historiam Ecclesiasticam* pag. 270. seqq. & vero quomodò oraculum in Urim & Thumim consulverint, vide Nicol. Serarium *com-*

mentariis ad librum Iudicum cap. 9. quæst. 30. seqq.

VI. Tales quoque sunt Leges civiles Romanorum, quas subditis suis præscripserunt illi, tunc cum melioris Orbis imperium per arma occupaverant, uti docet Hermannus *Conringius libro de origine Iuris Germanici*. Quæritur: An Princeps sit Legibus solutus? Respondeo: Subiectus est legibus universalibus, quia homo est quia civis mundi est, adeoque secundum virtutem agere debet Rex pius, iustus, fortis. Non est subiectus legibus particularibus, nisi spontè ut cum adversus eas agit, non possit à quopiam in iudicium vocari & puniri, quia omnibus præstantior est, uni Deo obnoxius, itaque leges dat aliis, non etiam accipit ob excellentiam suam, *Psalm.* 51. 6. *Sapientie* 6. 2. 3. Plura de hac quæstione, exponunt Tholosanus lib. 7. de *Repubblica* cap. 20. Grasswinkeliu *libro de maiestate* cap. 6. Vernulejus lib. 3. *Institutionum Politicarum* Tit. 2. cap. 3. Arnifæus *libro 1. de Iure Maiestatis* cap. 3. num. 6. seqq. Antonius Corsettus *libro de potestate & excellentia Regis* quæst. 60. Johan. Bodinus lib. 1. de *Repubblica* cap. 6.

VII. Porro quæritur: An Leges forenses Mosaica hodiernum valere debeant? Respondeo: Affirmant Rabbini Menasseh Ben-Israel *Conciliatore ad Legem* quæst. 7. in *Leviticum*, Geisterani *Monasterienses in libro Institutionum*, Johannes Angelius *Werdnighagen in Medulla Politica* lib. 6. cap. 4. quæst. 22. Joh. Maccovius in *Theol. Polemica* cap. 2. pag. 8. seqq. Nos verò negamus Rationes sunt: (1.) Quia Judæorum Respublica tunc cessare debebat ablato sceptro, legibus overis, cum veniret Messias, rejectus ab ipsis, itaque populum novum conditurus,

apud quem Leges veteres haud quaquam valere possent, *Genes. 49. 10. Daniel. 9. 26.* 27. Pluribus hoc demonstravimus libro de Scripturâ sacrâ *Exercitat. 31. dist. 1. seqq. (2.)* Quia in Veteri Test. licuit fideli & beato esse, non obstante quod sine legibus illis secundum leges alias rationi & æquitati consentaneas vivebatur, uti docuimus exemplis peregrinorum *suprà dist. 4. (3.)* Quia in Novo Testamento permîssum est, imò iussum, ut dentur Cæsari quæ sunt Cæsaris, *Matth. 22. 21.* utque simus obedientes Regibus illis qui potestatem in nos habent, *Roman. 13. 1. 2. seq. 1. Petri 2. 13. 14.* Atqui obedientia illa extendit sese ad leges ab illis promulgatas, quæ non erant Mosaicæ (4.) Quia Apostoli secundum leges Cæsarium in iudicio experiri voluerunt, *Actor. 22. 25. cap. 25. 10.* nusquam vero forenses leges Moïsi interposuerunt. Nimirum quia illæ vigeant, hæc obsolete erant, aut saltem obsoletis proximæ. Excipit *Maccovius*: Deus leges tulit, & pro normâ in populo suo haberi voluit. Nulla verò est ratio, ob quam hodie non possint iudicia secundum leges istas constitui. *Respondeo*: Tulit Deus, verum uni populo, quem in fidem, patrociniû & clientelam suam peculiari aliquâ ratione suscepit, imposuit Leges illas, uti rectè docet Ioh. Calvinus *lib. 4. Institut. Regionis cap. 20. sect. 16.* Qui desinit populus esse, postquam urbs perit, quam perire etiam pereuntium intererat, itaque leges neglectæ sunt has verò quilibet populus sibi potest congruis formulis describere ut salus publica conservetur, non obstante, quod populus alius diversas leges habeat, quæ ipsorum moribus congruant.

VIII. Hoc ipsum quoque prædixit Johan-

nes Theologus in Apocalypsi cap. XI. 1. *Mettire templum Dei.*] Templum vocatur area illa, in quâ olim steterant basilica & adytum, כֶּדֶר & חֵיכָל. *Qui adorant in eo.*] Atrium Israelitarum, in quo solebant illi adorare Deum 2. *Datum est gentibus.*] Post destructam à Tito urbem remanserant paucae tures, monumentum victoriæ, donec Adrianus. Cæsar in solo extrâ templum novam conderet urbem dictam Æliam, in quâ Græci, Judæi, Christiani permixtis domibus incolabant, Græci tamen prævalebant, quoniam eo tempore Paganismus obtinebat sub Romanis rerum dominis. *Urbs sanctam calcabunt.*] Dominabuntur in illâ, posito delubro Jovis Capitolini in Sione monte, quod olim nefas summum fuerat. Sanctam vocat nomine veteri, *Matth. 4. 5. cap. 25. 31.* & ob prærogativas varias. 3. *Seddabo illam duobus testibus.*] Duobus conventibus, qui Servatoris doctrinam tuebuntur, uni ex gentibus, alteri ex Judæis collecto, idolorum cultui & evacuatis ritibus Legis, quæ non proderant amplius, perinde infensis. *Saccus.*] More lugentium, quando illi equidem super idolo posito in urbe Deo, sacratâ commovebuntur, hi querentur super Iudæis, quod in tantis malis non emendent vitam moresque suos. 4. *Hi sunt dua olea.*] Sumptum ex Zachariæ 4. 3. 11. 14. Sensus est: illas duas Ecclesias perpetuò inservire Deo. 5. *Ignis prodit*] Preces eorum Dei iram excitant in perniciosam hostium. 6. *Habent potestatem.*] Nihil tam magnum aut stupendum est, quod non à Deo impetrent, si opus sit. Id verò explicatur per similitudinem eorum quæ olim Deus fecerat, tum Eliæ tum Moïsi causâ, *Exodi 7. 17. 1. Regum 17. 1. cap. 18. 41.* ut glo-

ria

riæ suæ inferviret. 7. *Bestia*.] Barchokebas, quem non obscurè indicaverat olim Servator, Iohan. 5. 43. *Φωνὴν ἔχον ὡς ὄντιον* ait Eusebius lib. 4. histor. Ecclesiast. cap. 6. & adde nos in Recensu historiæ universalis lib. 5 cap. 2. dist. 6. 7. Abraham Salmanticensem in *Ἰστορίῃ*. *Vincet eos*.] Quod nolint favere ejus rebellioni adversus Romanos, quorum imperium tamen in Iudæos præ aliorum Regum imperiis semper lenius fuerat. 8. *Vocatur spiritualiter*.] Notat urbem Hierosolymorum, uti constat Esai. 10. cap. 3. 9. Ierem. 23. 14. Ezech. 23. 19. seqq. 9. *Cadaver eorum*.] Quando prævalebit tempore non magno Barchokebæ factio. 10. *Incolæ terre*.] Iudæi obstinati. 11. *Spiritus vitæ à Deo prodians*.] Deo sic volente ejecta est factio rebellium, & Christiani in pace erant sub tutelâ Romanorum militum, quia non fuerant in auxilio eorum qui res novas molebantur. 12. *Ascenderuntque in cælum*.] Divina solatia perceperunt, fore ut de malis erepti non perirent unâ cum malis, qui hæc minus eos moleste satis vexaverant. 13. *Decima pars urbis cecidit*.] Barchokebæ sectatores cæli & fugati non amplius supererant. 14. *Væ secundum abissi*.] Templo atque urbe per Romanos, uti olim in vâ primo, per Chaldaeos, destructis. Væ primum suprâ cap. 9. 12. indicaverat obiter, ut ostenderet, quàm non dissimiles causæ essent excidii primi & secundi. Toto illo contextu agit de Zelotis, qui sunt locustæ ex abyssu profecti autore Eleasaro Ananix filio, qui est stella prolapsa cœlitus, vers. 1. 2. 3. Hi docebant, non esse recipiendas victimas à Regibus infidelibus contrâ quam fuerat factum authoribus etiam Prophetis sub Cyro & Alexandro, eorumque successoribus, sub Augusto quoque & Tiberio, Iosephus

lib. 2. Antiquitat. cap. 30. Itaque seditione concitâ viam præparabant Romanis, ut imperium suum in populos illos nuper obtentum conservare vellent armis, demum pertinaces in rebellionem funditus extirparent. Perinde uti olim stante Templo primo vates falsi inculcabant Regibus, non esse fas, ut Paganis Imperatoribus datam fidem servarent atque itâ seditionum ante signani seque Regesq. pœnis justis obtulerunt, Ierem. 27. 8. 10. cap. 18. 1. 2. cap. 37. 19. Ezech. 22. 28. 29. 30. seqq. *Væ tertium*.] Sub Adriano, quem ad arma provocabit Barchokebas. 15. *Christi ejus, qui regnabit*.] Iudæis perpetuo edicto relegatis ab urbe novâ, & porcæ simulachro uni portarum affixo, liberum erit Christianis ibi habitare & docere, Eusebius l. d. Hoc est quod dicit Tertullianus in Apologetico: Disperis, palabundis, & cœli & soli sui extorres vagantur per orbem sine nomine, sine Deo Rege, quibus nec advenarum jure patriam saltem vestigio salutare conceditur, cap. 21. Prostant nummi Adrianci, cum imagine porci lactantis apud Antonium Augustinum in Tabulis numismatum, & adde Petrum Pithæum lib. 2. Adversariorum c. 3. Deinceps Episcopi Hierosolymorum lecti sunt è conversis gentibus, postquam hæctenus ex Iudæis & circumcisitis fuerant, atque Synagoga cum honore sepulta est, uti refert Sulpicius Severus lib. 2. historiæ sacre cap. 45. 16. *Viginti quatuor seniores*.] Cœlites è Novi Testam. piè defunctis. 17. *Regnum inveteris*.] Hostes tuos oppresseris, ut spem omnem restitutionis unâ ademeris, conscripto populo novo, melioribus præceptis, melioribus pramissis ei additis, ut non debeat fœdus aliud in hoc ævo exspectari, Daniel. 2. 44. seqq. Matth. 28. ult. 28.

Mortuorum, ut iudicentur.] *νεκρῶν* est hoc loco vindicare. Tempus erit, quò vindicentur mortui ob Christi nomen. 19. *Templum Dei in celo, & visa est arca.*] Tanquam quorum memoria de hominum conversatione in æternum sublata esset, itaque in terris valeret deinceps pactum novum, quod veteri successit, *Hebræ. 9. 1. seq.* Longo post tempore *Julianus Cæsar* peculiari Epistolâ invitabat *Judæos*, ut reparare vellent templum *Sioniticum*, quando ipse stolidas inimicitias exercebat adversus *Jesum Nazarenum*, & prædicta ejus irrita esse percipiebat. Veritatem prædicti asseruit magister veritatis, opusque impedit, cæmenta, calcem, ferramenta, ligna, homines, jumenta, igni de subterraneis evocato exussit. Narrant *Chrysostomus Orat. 2. contra Judæos*, *Serm. 4. in Matthæum*, *Serm. 41. in Acta Apostolica*, *Nazianzenus orat. 2. adv. Julianum*, *Ammianus Marcellinus lib. 23. histor.* & fatentur *Judæorum Magistri in תורה פה* part. 2. pag. 36. Hactenus illa.

CAPIT. SEXTUM.

De Jure circâ Judicia.

SUMMARIA.

1. *Definitio Iudicii.*
2. *Supplicia publica.*
3. *Proportio inter penam & delictum.*
4. *Iudicium civile, criminale.*
5. *Iudicia sunt licita.*
6. 7. *Solvuntur contrariæ rationes.*
8. *Iustitia distributiva & commutativa.*
9. *Pœna hereticorum.*
10. *Samaritani heretici.*

11. *Arma Theologorum spiritalia.*
12. *Fides libera.*
13. *Priscilliani interfectio.*
14. *Religionis jus cum Deo.*
15. *Tyrannorum sevitia.*
16. *Roma Ethnica.*
17. *Male fruges extirpande.*
18. *Laniena Parisiensis.*
19. *Conjuratio Anglicana.*
20. *Solvuntur rationes contrariæ.*

I. *Iudicium est, quo Princeps animadversit in delicta.*] Quoniam in rebus nostris affectu corrumpimur, ideò simul familiæ multæ in locum unum conveniunt, *Judices* constituti sunt, & his solis data est potestas vindicandi læsos, uti docet *Theodoricus Rex Italiæ apud Cassiodorum lib. 4. Epist. 10.* Hic mos fuit apud Gentes meliores & plurimas, cæterum naturæ libertas retenta fuit apud alios, qui paulum despectendo ab animi cultu, propriâ manu vindictam reponere ab illo, qui prior læserat, concedebant neque obeam causam iudicia publica constituebant, uti de *Africæ gentibus* testatur *Iohannes Leo lib. 2.* & de *Tattarorum* horridis *Haithon Armenus lib. 1.* De veteribus Germanis prodit *Vellejus Paterculus*, miratos fuisse, cum viderent *Romanæ* jurisdictionis formam, quod injurias datas finiret iustitia, & quod armis inter ipsos disceptari solita jure componerent, *lib. 2. histor.* Veteres *Græcos* eodem more cædes suorum voluisse ulcisci, constat ex *Homero lib. 5. Odiss.* Laxior quoque in hoc negotio venia erat apud *Hebræos*, ubi propinquo occisi permissum fuit, ut percussorem ipse manu suâ occidere, extrâ alyli loca posset, *Exodi 21. 14. Deuter. 19. 1. Josue 20. 1. 2. seqq.* Eorundem

mo-

moribus Hebræus à Deo & Lege deficiens, aut ducem sese ad falsos cultus præbens, illi-
cò poterat à quouis & inultus occidi *Deut.*
13. 9. *Zachar.* 13. 2. 3. Multa ejusmodi exem-
pla assertæ Legis patriæ contrà detractores
prostant apud Iosephum & Philonem *libro*
de sacrificiis. Iudicium Zeli vocant Rabbini,
& primò à Phineâ sacerdote exercitū esse, a-
junt, qui scortatorum par hastâ confixit, in-
de cum laudaretur facinus à Deo, cepit ex-
emplo esse quod imitarentur alii. Sic Elias
invadit quadringentos divinos, Matthias
Iudæum trucidat in Modine sacrificaturum
è præscripto Antiochi Regis. Consumili
fervore virum, quem Antiochus miserat,
profanæ religionis exactorem futurum in-
terficit, primulque classicum belli sacri ca-
nit, *Numer.* 25. 7. 8. 9. 11. 12. *Psal.* 106. 30. 31.
1. *Regum* 18. 40. 1. *Maccab.* 2. 23. 24. 25. 26.
27. & ex illis Rabbini Maimonides *lib.* 3.
More Nuchim cap. 41. Sic trecenti Iudæi
legis desertores à popularibus suis in Egi-
pto occisi fuerunt, uti est in *tertio libro Mac-*
cabeorum cap. 7. 12. 13. Sub Maccabæis &
deinceps postquam vicini populi caterva-
tiam infunderentur, Zelotæ dicti sunt istud
hominum genus, quod amore Legis patriæ
solebat trucidare aut palam, aut privatim
eos, quoscunque novarum opinionum præ-
cones esse noverant. Mox in justum sodali-
tium coivit, & crescens indies audacia tan-
dem iram concitavit Romanorum, atq; ur-
bi temploque excidium intulit, uti acta e-
versionis Hierosolymorum testantur, Iose-
phus *lib.* 4. *de bello Iudaico* cap. 14. *lib.* 7. cap.
30. Neque alio obtentu instituta est lapi-
datio in Stephanum *Actor.* 7. 57. 58. 59. 60.
& conjuratio in Paulum, *Actor.* 23. 12. 13. 14.
De quâ re plura monent Grotius *lib.* 2. *de*

Iure belli ac pacis cap. 20. *dist.* 2. Iohan. Sel-
denus *lib.* 4. *de Iure Hebræorum* cap. 3. *segg.*

II. *Princeps animadvertit.*] Supplicia de-
bent esse publica, ità enim ad plures com-
monefactio pervenit. Pœnæ insignitur
non tam ob facinus præteritum, quod in se-
ctum fieri nequit, quàm propter incommo-
dum futurum, ut deterreantur alii, nec tale
quid memores eventus tristissimi commit-
tant, Plato in *Gorgia* & *Protagora*, Seneca
lib. 1. *de ira* cap. 12. Tempore Christi sole-
bant Iudæi in festis solennibus ad supplici-
um trahere, quò exemplum ad plures per-
veniret. Notat Maimonides *libro de fa-*
ctiosis, & exemplum habes *Matth.* 26. 5. Ità
& Romæ olim in comitio, postea quoque
ad classicum pœnæ publicæ sumebantur.
Publica supplicia erant, quæ Moses & Iosua
irrogabant reis, *Levit.* 24. 23. *Iosua* 7. 24.
25. 26.

III. *In delicta.*] Pœnæ haut debent exce-
dere personam delinquentis. Multis e-
quidem populis usitatum fuit, ut prodito-
rum & Tyrannorum liberos quamvis inno-
centes morte afficerent, unà cum parenti-
bus ipsorum. Reprehendunt meritò Philo
libro de pietate, Dionysius Halycarnassæus
lib. 8. Et Alexandrum Iannam, qui ità sævie-
bat, immanitatis *ὡς πρὸς ἀνθρώπους* suprà homi-
nem provectæ incusat Iosephus *lib.* 13. *Anti-*
quitatum cap. 22. Perindè utiliter sacre
vetant filios perdere ob iniquitatem pa-
trum, legibus atque exemplis, *Deuter.*
24. 16. *Ezechiel.* 18. 19. 20. 2. *Regum* 14.
5. 6.

IV. *Estque vel Civile vel Criminale.* *Civi-*
le est, quod pretio dato solvitur. Criminale est,
quod luitur in corpore.] Romanorum insti-
tuta retulimus *lib.* 2. *Antiquitatum Roma-*

narum cap. 7. ubi legantur. & verò de Supplicio Crucis in specie dicemus capite sequenti.

V Quæritur hic: (1.) *Anlicitum sit exercere judicia publica?* Respondeo: Negant Anabaptistæ, Geisterani, Photiniani, Confessio Hornensis *Artic. 27. 28. 29.* Colloquium Embdenſe *Actione 107. 109. 112.* Wegelius in *Postilla part. 2. pag. 140. 141. part. 3. pag. 33. 2.* Ostorodus in *Institut. Germanicus cap. 28.* Valentinus Smalcus in *refutatione Franzi Disputat. 6. pag. 359. seqq.* Daniel Brenius libro de *Regno Christi cap. 4. 5. 6. 7.* Nos verò affirmamus, quod jure iusto animadvertatur ad Magistratus iustum in eos, qui facinoribus suis bonum publicum lædunt. Rationes sunt: (1.) Quia naturæ instinctus jubet humanam societatem conservare integri. Hoc verò nequit fieri, nisi mali & nocentes excindantur, quos sapè minus est malum mori, quam vivere quando certum est illos vivendo peiores evasuros esse, dicente Senecâ lib. 2. de irâ cap. 5. (2.) Quia in ipsâ hominum origine facinorosi ad Conscientiæ dictamen supplicia extimescebant. Inde latro Cainus dicebat, *qui me invenerit, occidet me*, Genes. 4. 14. Non quod homines ante Adamum procreatos, & tunc cum ipso unâ viventes metueret (uti Peirerius libro de *Præadamitis pag. 126.* loquinnat) sed quod ponè secuturos olim vereretur, Judices scilicet, qui secundum leges in societate humanâ latas, capitis supplicium in ipsum pronunciaturi essent. (3.) Quia inter Leges Nohe in statu generis humani restituto promulgatâ exstat illa: Quicunque sanguinem humanum effuderit, per hominem sanguis ejus effunditor, Genes. 9. 6. Diserte additur, *per hominem*. Atqui homo

ille est Rex, Princeps, Legislator. Quia enim jam ante diluvium, Gigantum atate, promiscua invaluerat cædum licentia, Genes. 6. 4. 11. ne post diluvium nos idem invalesceret, Deus, quod natura iustum esse dictabat ante Leges scriptas, Genes. 4. 14. Roman. 2. 14. 15. ipse Lege velut scriptâ ad homines promulgare voluit, ut per Judices fieret (4.) Quia Deus in populo Judaico leges plurimas & prolixas descripsit, ut facinorosi capite luerent, quasunque prævaricationes atroces, Exodi 21. 14. 15. Numer. 33. 14. 37. Deuter. 19. 12. 13. (5.) Quia Seavator noster iustitia talia verbis disertis stabilivit: Qui gladium acceperit, gladio peribit Mat. 26. 52. Si quis gladio occiderit, oportet eum gladio occidi, Apocal. 13. 10. Excipiunt: Locis iis non fit mentio, cujus operâ futurum sit, ut quis gladio occidatur, sed tantum dicitur, fore ut qui gladium accipit, gladio pereat. Potest verò quis gladio petire, evamſi Legislator eum non damnat. Lex igitur non sunt, minæ verò sunt adversus illos prolatæ, qui bonos lædere volunt, adeoque vindictam illam non exercet Deus per magistratum, sed per alios, uti sunt fæx militum colluvies mancipiorum, Ostorodus & Smalcus l. d. Respondeo: Imò fit expressa mentio, Genes. 9. 6. atque huc respiciunt verba Servatoris, uti palâm est. Homo ista Legislator ell, per quem judicia Dei nomine aguntur in his terris, itâ ut Deus ipse iudicius eorum interſit, 2. Chronic. 19. 6. Psalm. 82. 1. 2. seqq. Legis ergò vim habent atque inſimul minæ sunt, quomodo edicta omnia adversus improbos sancita comminationes sunt. De melitibus aliter est, quorum officium non est, ordinaria judicia peragere, nisi quantum bella Deo commodant, ut il-

lorum ope iudicia sua extraordinaria perficiat, *Leuit.* 26. 17. 18. *Deut.* 28. 25. 2. *Samuel.* 12. 10. (6.) Quia non repugnat Evangelio Legislatorum munus, à quibus meritò iubet Apostolus timere illos qui malè agunt, siquidem Princeps à Deò gladium non acceperit frustra, *Roman.* 13. 1. 2. *1. Petri.* 2. 14. Excipiunt: Locis illis referunt Apostoli, quid Legislator infidelis agere soleat, non etiam laudant nisi patientiam, ut vellent si deles perferre omnia, etiam si nihil promeritis irrogarentur supplicia. De fidelium Republicâ aliter est, ubi non debebant metui pœnæ tales à Paganis excogitatæ, *Ostrodus* l. d. *Respondeo*: Pia res est imperium, licet à viro impio teneatur, uti benè satis describit Chrysostomus *ad cap.* 13. *Romanor.* Neque ergò solum refert Apostolus, quid fieri soleat, verum simul inculcat, iure ità fieri, commendatque magistratum velut Dei nomine agentem, excitat conscientiam, ut ratio ejus habeatur, dum Legibus obsequium sub gladii pœnâ injectum præstatur. Si quis injusta patitur, facti est & ob hominum errorem: non verò juris, quod in se legitimum est, atque unicè nititur institutione divinâ *Johan.* 18. 23. *Actor.* 25. 11. 1. *Petri.* 4. 14. 15. 16.

VI. Instat *Ostrodus*: Servator vetat litigare, vetat injurias ulcisci, adeoque animi lenitatem injungit, quæ non permittit, ut vita alicui eripiat, *Matth.* 5. 39. *Respondeo*: Servator vetat temerè litigare, non etiam vetat, se suamque potentia, famam exultationem honestis modis tueri adversus malos & perversos. Certè Apostoli non fecerunt aliter, cum licebat, *Actor.* 22. 28. *cap.* 23. 3. *cap.* 25. 8. 11. 17. Proindè lenitas animi toties nobis commendata non tollit

severitatem publicam. Gladius est pro extirpandis malis. qui hoc uno modo, si moriantur, desinunt malè esse, ait Seneca lib. 1. de ira cap. 15.

VII. Quod enim Maldonatus commentariis *ad cap.* 5. *Matthæi* num. 21. *seqq.* cumque secutus Nicolaus Serarius in *Tribaresio* lib. 3. *cap.* nec non Faustus Socinus Senensis *Explicationibus ad Caput* 5. 6. 7. *Matthæi* pag. 162. *seqq.* & *Responso ad Palaeologum* part. 1. pag. 156. *seqq.* Jonas Schlingingus *dissertationibus adversus Meisnerum* pag. 690. *seqq.* Johan. Volkelius lib. 4. *de veritate Religionis* cap. 10. 11. *seqq.* Ostrodus in *Institut. Germanicis* cap. 22. disputant, Servatorem non tam corrigere, depravationes à Phariseis excogitatas, quam novis additamentis exornare Legem, hoc inquam est nullius momenti. Constat potius, quod redarguat Phariseorum corruptiones in vulgum notas & nimis receptas, ut præ illis Legem ipsam velut minoris æstimando, mandata Dei prævaricarentur. Excipit Maldonatus (1.) Christus ait dictum esse antiquis, id est, illis quibus olim Moses legem dedit. Et ne intelligantur Scribæ aut Pharisei, oppidè constat, quia illos haut exprimit nomine, quod alias facere solet, *Matth.* 16. 16. *Respondeo*: Verti debet cum Bezà, ἐπὶ τοῖς ἀρχαῖς, dictum est ab antiquis. Exempla similia habes *Lucæ* 24. 34. 1. *Corinth.* 15. 6. Antiqui sunt Magistri & Rabbini istorum dogmatum authores. Regerit Maldonatus: Non poterant illi Antiqui vocari, nec enim Pharisei multò ante Christi tempora, uti Josephus refert, existerunt. *Resp.* Atqui satis longum tempus erat ab imperio Johannis Hircani, sub quo in sectas divisus est populus (uti diximus libro de Scriptura sacra Ex-

eritat. XIV. sect. 1.2. adusque Chrifti in *ἀποκρίσει*, ut sic omni jure priscorum magistrorum titulo compellari possent. Denique falsum est, quod illos haut exprimat nomine. Diserta verba sunt: *Nisi abundaverit justitia vestra plus quam Scribarum & Phariseorum*, cap. 5. 20. (2.) Multa permittitur, quæ non à Phariseis introducta, sed in Lege expressa fuerant, quale est illud *vers. 31.* de non demittendâ uxore per libellum repudiî, quod tamen fieri poterat vi legis, *Deut. 24.1.* Itemque illud *vers. 33.* non pejerabis, *Levitic. 19.12.* neque hoc Pharisei corrumpebant. *Respondeo*: Lex non permittebat quidem divortium, sed quod arduas habebat rationes, easque apud Judicem probatas. Degenerante seculo res ista pro levi habebatur, nam neque Judex conveniebatur, & frivolas quasque causas fingabant Judæi, conviventibus Phariseis in favorem malitiæ suæ cumprimis illi qui scholam Hillelis sectabantur. De quâ re vide *Joh. Seldenum lib. 3. de uxore Hebraica cap. 9.* & adde illa quæ dicemus *infra cap. XII. dist. 17.* Similiter de perjurio erat, uti docet Christus, *Matth. 23.16.* Itâ ubique Phariseorum corruptelæ invaluerant, præter & contrâ scriptam Legem. (3.) Nusquam lex præcipiebat, ut ei qui percutiebat maxillam unam, obverteretur altera, utque ei qui raperet tunicam, dimitteretur insimul pallium *Matth. 5.39. 40.41.* Non ergo Legem tantum interpretatur Christus, sed novam doctrinam quoque adjicit. *Respondeo*: Lex talionis, quæ descripta est *Exodi 21.24. Deut. 19.21.* valebat demum, tunc cum legitima causæ cognitio evidenter coram Judice acta & peracta erat. Successu temporis ad privatam ultionem detorquebant ista Judæi.

Vindictæ privatæ studiū reprehendit Christus, & patientiam commendat, non eam quæ injurias atroces coram Judice denunciare prohibet, sed eam quæ ob levissimas causas indignationem, odia, ultionem imparem animo concipere vetat. Salutis publicæ interest, ne mali spe impunitatis injuria audeant, ubi vitæ famæque incolumitas in periculo est. Et tamen quoque processus in foro bonam perinde quàm malam causam affligere potest. Utinque oris litis æquissimam decisionem pervertere queunt. (5.) ubi in lege scriptum est illud, *dilige te inimicos vestros*, quod *vers. 44.* inculcat Christus? *Respondeo*: Et ubi in lege scriptum est illud, quod Antiqui, id est, Pharisei inculcabant, *odio habebis inimicum tuum*? *ve. 43.* Cum dicit Moses, *dilige proximum tuum* & hoc ipsum dicit, *inimicum tuum dilige.* Hebræum *אויב*, cui Græcorum *πρόσιον* respondet, non tantum eum qui sanguinis, amicitie, vicinitatis nexu conjunctus est nobis, significat, verum quoque laxissimo sensu notat quemvis alterum, *τὸν ἕτερον*, uti exponit Paulus, *Roman. 13.8.* At Pharisei nimium perversi Interpretes explicabant proximum de solo amico & contribuli, Iherosolimitæ scilicet ortu, vel religionis *περὸς αὐτοὺς*, quomodò recentis memoriæ Doctores Levi Ben-Gerson & Salomoh Jarchi *commentariis ad Legem*, disertè contestantur. Itâ factum est, ut Judæi quævis humanitatis officia denegaverint peregrinis, eamque ob rem malè audiebant. *Tacitus* de illis: Apud illos fides obstinata, misericordia in promptu, adversus omnes alios hostile odium, *lib. 5. histor.* Redarguit Servator prolato a polologo de viatore Samaritano, *Luce 16.16. 37.* atque ostendit, non ob stare arctum ne-

xum originis & sacrorum communium inter Iudæos, quò minus advenas beneficiis prosequantur, quandò Lex naturæ, quam Moses non abolevit, hominem omnem omni homini faciat esse proximum, atque ejus impulsu Abraham, Isaac, Jacob magni progenitores Iudæorum quosunque homines non habito respectu populi, maximis beneficiis affecerint. Instat *Maldonatus*: Veros inimicos delere omninò jubebat Moses, Deut. 2. 5. 19 in Evangelio neminem omninò licet odio habere, neminem privata authoritate delere. *Respondeo*: Neque etiam privatum hoc odium fuit, quo Iudæi persequabantur septem populos internecioni destinatos: sed publicum, quod nos vocamus Ius belli, nullo modo contrarium Evangelio, *Luce* 3. 14. *Roman.* 13. 4. adeoque fuit mandatum speciale ad exsequendam rem à Deo judicam in populos maximorum criminum reos, *Deuter.* 7. 1. 2. 3. *segg.* cap. 9. 2. 3. 4. 5. 6. cap. 19. 1. Speciale inquam, ut non simul populi alii involvantur, utque illa quæ Legis naturæ erant, quæque his populis civitate donatis (cum recipiebant leges Nohæ) haur poterant denegari, accurate discernantur ab iis quæ sunt merè civilis obligationis.

VIII. *Quæritur*: (2.) *An iudiciorum publicorum administratio fieri debeat secundum justitiam distributivam: vel potius commutativam?* *Respondeo*: Duplex ista justitia non servat proportionem unam. Distributiva est quæ agit secundum proportionem *Geometricam*, & verò *Commutativa* agit secundum proportionem *Arithmeticam*. Proinde suppliciorum irrogationem hæc annumerat personis citrà respectum, illa ponderat respectu habito ad personas. Ad

Iusticiam distributivam referunt *Leopoldus Hakelmannus Disputat. select.* 1. dist. 2. *Alexander Piccolomineus lib. 8. Institut. morai. cap. 3. 4.* *Goclenius in questionibus Ethicis pag. 306. segg.* *Ioh. Bodinus lib. 6. de Republica cap. 6.* *Christ. Ehemius lib. 5. de principis Juris pag. 213. segg.* *Tiraquellus libro de nobilitate cap. 20.* *Herm. Kirchnerus Disputat. 19. de Republica dist. 3.* Scilicet, ut proportio *Geometrica* in decernendis istis observetur. Adversus illos contendunt *Arnsæus lib. 2. doctrina Politica cap. 18.* *Dominicus à Soto lib. 3. de Justitia & Jure quest. 5. art. 1.* *Balthasar Cellarius lib. 2. Institut. Politicarum cap. 10. dist. 9. 10.* *Conradus Horneus lib. 3. doctrina civilis cap. 13. num. 10. segg.* videlicet pœnarum irrogationem pertinere ad Iusticiam commutativam, ut in decernendis istis observetur proportio *Arithmetica*. Nos priorem sententiam defendimus. Rationes sunt (1.) Quia veteres Legislatores nunquam constituerunt, ut Legis pronunciatum absque ullâ circumstantiarum eâque debitâ connotatione intelligatur. Proinde nobilem & ignobilem, quamvis in eodem crimine deprehensos, non tamen eodem supplicio affici voluerunt, ut patet è Lege *Cornelia de Sicariis*, Lege *Vilcellia de plagiaris*, Legibus de pœnis, de incendiariis. (2.) Quia circumstantiæ tales sunt, ut nobilis mitius puniatur. Caret enim, quandò moritur, opibus suis, amicis, cognatis. Et verò his per mitius supplicium prævaricatori irrogatum, nulla irrogabitur infamia: Quæ omnia sese aliter habent in proletario, cui non pereunt opes & cognati, quia vel nulli vel nullius pretii super sunt. Nobilis in latrocinio deprehensus, gladio punitur, honesto genere pœnæ:

ignobilis rotâ contunditur & rotâ imponitur. Servos plagiatos Romani detrahebant in arenam, ut à bestiis lacerarentur, ingenuos securi percutiebant. Dicit *Armsæus*: Præcipitur, ut non sit acceptio personarum in iudicio, *Levit. 19. 15. Deuter. 1. 17. Respondeo*: Vetat præceptum, ut mutetur poenæ genus, non etiam vetat, ut poenæ modus ob circumstantias aliquas inflectatur. Perit gladio nobilis, rotâ contunditur ignobilis, ambo luunt capite, non tamen eodem supplicii modo, qui honestus est alius, alius cum infamiâ conjunctus ob diversitatem circumstantiarum.

IX. Quæritur: (3.) *An heretici debeant capitali supplicio affici?* Respondeo: Affirmant *Bellarminus libro de Laicis cap. 21. Becanus in Manuali controversiarum lib. 5. cap. 17. & Tomo 2. Theologie Scholastica pag. 470. seqq. Gregorius de Valentia Tomo 3. Commentar. Theolog. Disputat. 1. quæst. 11. Tholosanus lib. 12. de Republica cap. 4. Theodorus Beza libro de puniendis hereticis, Lambertus Danaus lib. 2. Ethicæ Christianæ pag. 205. Bucanus in Institut. Theolog. Loco 49. quæst. 34. Wilhelmus ab Effern in Manuali Politico lib. 2. pag. 134. seqq. Lelius Zechus lib. 2. de Principe cap. 5. num. 1. Jacobus Oranus in Principe Christiano lib. 1. cap. 26. Joh. Steph. Menochius lib. 2. Hieropoliticorum cap. 3. dist. 1. seqq. Joh. Scarpus in Cursu Theolog. Tomo. 2. pag. 985. seqq. Henr. Aantingius part. 2. Theolog. problemat. pag. 335. seqq.* Nos verò negamus. Rationes sunt: (1.) Quia Servator noster exemplo commendavit animi lenitatem ergà hereticos, & Apostolos suos ignem super Cuthæis vovere aulos gratæ crepuit, ut omisso Veteris Test. ri-

gore ad Novi Testam. mansuetudinem se componerent, *Lucæ 9. 54. 55. Ex quo Bellarminus*: Non est eadem ratio Cuthæorum & hæreticorum. Illi nunquam promiserant, quod doctrinam Christi servare vellet, quanquam tunc eis offerebatur, ut amplecti possent, cum vellet, itaque supplicii vexari non debebant: hi verò defecerunt à doctrinâ Christi, quam hætenus tuebantur, adeoque meritò puniuntur. *Resp.* Erant sanè Cuthæi hæretici, quando quidem Judæis adversariam constituebant, Legis per Moysen latæ corruptores. Eam ob causam potius debebant, quando hæretici capitis supplicium incurrerent, verum Servator prohibebat: *Non venit filius hominis perdere animas, sed convertendo servare.*

X. Dicit *Scarpus*: *Christum prohibet emendatam privatam.* *Resp.* Atqui cum ait, *nescitis, cujus spiritus filius estis*, non tam prohibet vindictam privatam uti principale, quàm supplicium extremum, uti accessorium, videlicet novæ Legis novam constitutionem promulgat, ne qui emendari possent, tolleretur. De Cuthæis verò ità sese res habet: Post deportatos decem tribuum Hæbræos, ne tamen agri silvescerent, novos incolâs ista terra dimiserunt Assyria Reges, quos proprio nominè Cuthæos vocabant, Samaritanos verò inde, quia Samariæ regiones inhabitabant. 2. Regum 17. 24. *Deinde adduxit Rex Assyria è Babel & è Cutha, & è Hava, & è Chamata, & è Sepharvaim colonos, quos collocabat in civitatibus Samariæ loco Israelitarum & hæreditario jure possidentes Samariam habitabant in civitatibus ejus.* Cutha est fluvius in Pælide, uti refert *Josephus*, inde sunt Cuthæi.

tractu illo, ubi urbem Cothamba assignat Ptolomæus. Hava est in Bactrianis, & Ptolomæus ibi recenset populos Avadis; Hamatha est urbs Syriæ propè montem Libanum. Sepharvaim est ad Euphratem in Mesopotamiâ, *ספרבאי* vocat Ptolomæus, & vide *Gen. 10. 20.* Ab Hebræis sacerdotibus Dolitheo & Sebaicâ, (ut eos vocat Autor libri *נבטרי*) instituti susceperunt leges ritulq; Moysi, 2. *Regum 17. 27. seq.* Nectamen cum Judæis è captivitate reversis concorditer vivere poterant, quoniam de semore Jacobi hant erant, & quod veteres ægrorum domini incolis novis adversabantur, *Esdre. 4. 1. 2. 3. 9. 10. cap. 5. 3. seqq. Nehemia 4. 1. 2. seqq. cap. 6. 1. 2. seqq. cap. 13. 4. seqq.* Utque tantò longius ab eis distarent Judæi, literas à Phœnicibus acceptas (quod Samaritani illas usurparent) repudiaverunt, eamque loco Assyriacas literas receperunt, quas adhuc tenent, uti dictum est *libro de Scriptura sacra Exercitat. XIII. dist. 1. seqq.* Satrapa gentis erat Sanballates, tunc cum Darius Codomannus imperium Persicum moderabatur & Judæi templum urbemque suam maximis restaurabant viribus, *Nehemia 13. 28.* Hujus filiam Nicaso in matrimonio habebat Manasses frater Jaddi summi apud Judæos Sacerdotis, ejusque sacerdos vicarius, cumq; ob id (quod contrà patris leges matrimonium cum peregrinâ niverat) pulsus esset à Nehemia genitis præfecto, abiit ad socerum suum, qui multa conabatur, ut civibus suis eum reconciliaret. Frustrâ agebat Sanballates, proinde ad Alexandrum Macedonem, qui Darium Regem prælio ad Ißum vicerat, cumque exercitu suo in Syriam procefferat) profectus, gentis suæ nomine fidem ei præ-

stabat, Syriæ præfecto (quem maxime *cremaverunt Samaritæ*, teste Curtio lib. 4. histor.) regiones suas adjungebat, vicissim à Rege (qui tunc obsidionem Tyri pertinaciter urgebat) impettabat, ut quo vellet loco, templum concedere posset. Ergò in monte Garisim propè Sichemum exstrebant Cuthari delubrum, magnificum prorsus & Siohitico æmulum, sacrificia, preces, ceremonias addebant Manassen Pontificem designabant, ac porro animos illos fumeabant, ut de loco adorandi Deum moverent litera Judæis, & tantum Moysi legem, quam vernaculo sermone legebant (nam qui hunc errorem Saducæis & Karæis impingunt, illi omninò errant uti diximus *libro de Scriptura sacra Exercitat. XIV. sect. 1. seqq.*) approbantes, Davidem ejusque filium Salomonem hanc restetecisse dicerent, quod monte Siloh in Ephraim deserto, arcam fcederis in montem Sionem transulissent, 2. *Samuel. 6. 1. seq. 1. Regum 8. 3. seq. 1. Chronic. 15. 29. 2. Chronic. 5. 1. 2. seqq. Josephus lib. 11. Antiquitatum cap. 8. Autor libri *נבטרי* pag. 1. pag. 26. Autor libri *נבטרי* pag. 14. Petrus Cunæus lib. 2. de Republ. Hebræorum cap. 16. Nicolaus Serarius in *Tribaresio* lib. 2. cap. 22. & adde nostrum Recensum historici Universalis Tomo 2. lib. 24. cap. 2. Hic est pastor ille, cui gravia comminatur Zacharias cap. 11. 16. 17. Magis hinc odium increvit, & Judæi Samaritam vocabant convitiis instar illum qui improbus esset, *Syrach. 50. 27. Lucæ 9. 53. Johan. 8. 48.* Quicumque Judæorum ob maleficia & Legis præiudicationes censuram acceperant, à popularibus dissidentes ad Samaritanos confugiebant, ibi loco optimo habiti. Et metuebant Judæi, tantum in occursum per-*

à Samaritanis impurari, deumque reuerſi
lavabant ſeſe *Marci 7. 3. 4.* Cum Antio-
chus Epiphanes Judæam vaſtabat, ut Regis
ſeuiſſimi gratiam inirent, templum ſuum
Jovi Xenio conſecrabant, 2. *Maccab. 6. 2.*
Et quanquam Johannes Hyrcanus victis
Samaritanis, templum illud poſtquam annis
ducentis ſteterat, deinde etiam urbem ipſam
incolis ad pagos redactis, ſolo æquaviſſet,
non tamen deſiſerunt litigare, & templi ru-
dera inſidendo, adorabant ibi velut in loco
ſancto, *Johann. 4. 21. ſeqq. Joſephus lib. 12.*
Antiquitatum cap. 1. 10. lib. 13. cap. 17. lib. 15.
cap. 12. lib. 18. cap. 3.

XI. Secunda: Quia Apoſtoli præcepta &
exempla Magiſtri ſui ad pacem omnia refe-
rentis imitando, authoritatem ſuadendi, ci-
trâ ſuppliciorum comminationem, orbe
toto circumtulerunt, dum Evangelium præ-
dicabant. 2. *Corinth. 10. 4. Armam militis non*
ſtre carnalia non ſunt, ſed divinitus valida ad
deſtructionem operum. Dicit Scarpius:
Eccleſia quâ talis non agit his armis, ſed ma-
giſtratus, qui eſt cuſtos utriusque tabulæ.
Reſpondeo: Nullibi Servator utriusque tabu-
læ dominus, vel verbis vel exemplo juſſit
magiſtratum, ut ſuppliciiis tollerent hæreti-
cos, ſed tolerantiam imperavit ferio propter
ſpeciem converſionis in melius. *Beza* admo-
dum ſtomachatur: Qui hunc locum, ait, ob-
jiciunt fidelibus Dei ſervis, ut magiſtratus
gladio Eccleſiam exariment, digni quidem
eſſent commiſeratione potius quam reſ-
ponſione, ſi duntaxat ignorantia peccarent,
ſed cum cauſam ſuam agant per ſummam
improbritatem, nec jam pridem aliud qua-
rant, quàm ut crudeliſſimæ ſuæ clementiæ
obtentu impune poſſint nocentiſſimo ve-
neno Eccleſiam perdere, digni ſunt quorum

juſto ſupplicio magiſtratus Chriſtiani au-
thoritatem ſuam ſanciant, niſi forte dederit
illis dominus, ut ſerio reſipiant, *notis ad h.*
l. pag. 215. Reſpondeo: Crudeliter nimis
rem agit, ut ſervet incendium per ſas nefas,
deſendat. Peragrabat ejus tempore Gal-
liam Michaël Servetus Arrago, qui olim
Feſſæ Maurorum linguam Arabicam didi-
cerat, & Alcoranum familiari lectione per-
ceperat. Errores cum fide pugnantes alius
perſuadere conobatur, Veneris primum, ſed
urbe illâ exactus (quod Melanchton per-
ſcriptâ ad Senatū epistolâ procuraverat)
venit Genevæ, & medicinam ſecit, cumque
fidei veritatem libros palâm edendo inſe-
ctaretur, Saracenicis ſuore impuſſus, vitæ
finem ibi invenit Sermonibus multis tenta-
vit Johannes Calvinus, ut in viam reduceretur,
cumque nihil proficeret, vivi comburio
ſublatus eſt, Fatello unâ eunte ad locum ſup-
plicii. An tam atrociter paniri meruerit
inter eos & ab eis, qui manuſtudinem E-
vangelicam profitebantur, ipſi viderint Bor-
boritæ, autores peſſimi facti in alios. Quod
ab aliis in eos designatum, atrocitatis homi-
ne Chriſtiano indignæ accenſant. Neque eri-
pitur magiſtratu gladius, quem ille non ac-
cepit niſi in facinoroſos delictorum civili-
um reos, *Genef 9. 6. Matth. 26. 52. Roman. 13.*
1. 2. 3. 4. Hæreſis verò delictum ſpirituale
eſt. Aliter, occurrit *Benedictus Iuſſimianus*:
Non ſunt, inquit, militiæ Eccleſiaſtica car-
nalia, arma ſi de authoritate & poteſtate ac-
cipias. quia Eccleſiaſticorum præſulum au-
thoritas non dependet ab ullo principio hu-
mano, ſed ab eo ſolum, qui Apoſtoliſ
eorumque ſucceſſoribus oves ſuas paſcendas
tradidit, itaque cœleſtis & ſpirituſ omni-
nō eſt eorum poteſtas, *Commentarius ad 1. 1.*

pag. 777. Respondeo: Auctoritas præsulum Ecclesiæ magna est, potestas nulla. Illam habent, quia docendo veritatem sacram tuerentur, errores profligant, hanc non habent, itaque nec in hominem sæuire possunt, *Regunt*: Apostoli exercuerunt potestatem eternam in administrandâ Ecclesiâ, quomodo Petrus morte plectit Ananiam, & Paulus excitate percussit Magum, *Aëtor. 5. 10. cap. 13. 11. Respondeo*: Fecerunt hoc illi ea, quam Servator eis dabat, miraculorum potestate, uti dicemus *infra dist. 20.* Hodie aliter est. *Pergit* attamen corporibus quoque, non animis tantum interrogaverunt supplicium. Si hoc fecerunt absque auctoritate, injuste egerunt, quod absurdum est dictu. Sin iuste, certe non sine auctoritate. *Respondeo*: Non fecerunt sine auctoritate, quando Zeli divini extraordinario motu adducti, corruptores fani & publicæ & hostes veritatis cœlestis, percusserunt anatemate perinde uti olim peculiaris instinctus Numinis erat apud Phineam sacerdotem & Eliam vatem quorum ille par scortatorum hastâ confodit, hic quadringentos ariolos gladii smactavit, neuter verò potestatem civilem habuit, *Numeror. 25. 7. 8. 1. Regum 18. 40. Instat.* Phineas auctoritate Judicis prædictus nefarios homines peremit, quia jam tum sacerdotes & Levitæ externis judiciis præerant. *Respondeo*: Parlamentum equidem institutum erat, ubi, civilis ordinis viri spiritus prudentiæ à Deo peculiariter donati exercebant potestatem judiciorum, *Numeror. 11. 24. 25.* Cæterum de potestate aliqua sacerdotibus & Levitis concessa nullibi legitur quicquam.

XII. Tertia: Quia errant omnes quicunque magnum se facturos operæ pretium o-

pinantur, cum supplicis & terrore Religionis negocium agunt, quandoquidem animus omni externa violentia superior, potestaturam suam velle quod nolit, & quod velit, nolle nequit. *Quis imponat mihi necessitatem vel credendi quod nolum, vel quod velim, non credenar,* ait Lactantius *lib. 5. Institutionum cap. 14.* Quam ut maxime imposuisset credideris, quid aliud quæsi hypocrisin & simulationem, rem si quæ alia pietati validissimè contrariam induxeris? *Apol. cal. 3. 15. 16.*

XIV. Quarta: Quia Ecclesiâ vetus multo aliter censuit. Nemini bono, ait *Augustinus*, in Ecclesiâ Catholica placuit, si usque ad mortem in quenquam licet hæreticum, se viatur, *lib. 3. contra Bressonium cap. 50.* Similia habent *Athanasius Epistola ad solitarios*, *Hilarius oratione ad Constantium Imperatorem.* In Gallia olim etiam, Ecclesiæ judicio damnati sunt Episcopi, qui ut in *Priscillianum hæreticum gladio animadverteretur*, in aula Maximi Tyranni procuraverant, & in Oriente reprobata est Synodus, quæ in *Bogomili exultionem* consenserat, *Ambrosius Epist. 75.* *Sulpicius Severus lib. 2. historia sacre cap. 64.* *Nativus Pacatus in panegyrico ad Theodosium Imperatorem.* De hoc facto ita censet *Spondanus*: Quod pertinet ad Maximum, licet ipse exserens uti alter Phineas, gladium in turpissimum hominum necem, sanctificasse manus suas Domino, ob idque perennitatem imperii commoverisse videri potuisset, tamen quod arrogaverit sibi iudicium sacerdotale, quantumlibet nonnullorum Episcoporum consensu delatum, deferensque appellationi hæresiarchæ, causam iudicaverit meruit paulò post iacturam imperii & vi-

& vitæ pati, ut intelligant omnes, quàm gravius delinquant, qui causas Ecclesiasticas contradicentibus sacerdotibus sibi vendicant, in *Epitoma Annalium* pag. 415 num. 6. Respondeo: Inipia comparatio Maximi sediciosi adversus Imperatorem suum, & Phineæ sacerdotis divino Zelo impulsus. Erat Priscillianus hereticus imò ne vix quidem, alter erat scortator impurus & idolorum cultor, *Numer. 25. 7. 8.* Arrogavit sibi Maximus, quod non illi, non etiam Episcopis, verum Cæsaris debebatur, controversiarum quarumcunque supremo cognitori, & improbè partum Imperium non diu obtinuit. Nimium quia rebellis esse pergebat, adversus Dominum suum, & armis eum persequere bello victus, captus, peremptus, merito luit perfidiam adversus Dominum suum acceptam, *Zosimus lib. 4. histor. Socrates lib. 7. histor. cap. 14. Procopius lib. 1. de bello Vandali.*

XIV. Quinta: Quia religionis jus non quidem homini cum homine intercedit, sed inter Deum atque hominem versatur, proinde Religionis diversitate hominum jus non laeditur, itaque nec bellum eo nomine inferri posse censemus, nec supplicia debere irrogari, ut porro dicemus *infra* (cap. 8. dist. 5. Hoc est quod dicebat Gamaliel *Actor. 5. 38. 39.* & exemplis demonstrabat Phariseus ipse, quod genus hominum erat lenius circa poenas exigendas eis asperiores Sacerdaci, nimium qui omnem spem in hac vitâ collocatam habebant, itaque severè occurrendum putabant omnibus iis, quæ poterant turbare quietem populi, in quâ & ipsorum quies continebatur. Et tamen à Gamalielis consilio optimo multum deflexit Paulus, qui tunc Gamalielis scholam frequentare

studiorum causa solebat, sed æstu abreptus, à lenitate magistri ad atrociora multorum exemplis patiebatur se trahi, Zelotarum locius, uti patet rebus gestis cum: Stephano. *Actor. 7. 58 59. cap. 22 3. Philip. 3. 6.* Hunc enim Zelotæ non rationali scientiâ, quæ eis pro irritamento ad persequendos novarum doctrinarum præcones erat, impulsu lapidabant, quasi falsos cultus doceret. Acquiesce Deum cæli terræque creatorem, quem Abraham, Isaac, Jacob adoraverant, doceret, non alium, adeoque pecebant in Legem, quæ etiam liberâ Republicâ iudicium illud populare exerceri noluit, nisi in autores idolatriæ, *Deut. 13. 6. Zachar. 13. 2. 3. 4.* Solebant autem sacerdotes, etiam cum sub Romanis essent, ad talia connivere. Ceterum jus suppliciorum capitalium eis ademerat Romani, prehensionem & verberationem tantum reliquerant, *Actor. 5. 39. Joh. 8. 18. 31. cap. 19. 6.*

XV. Sexta: Quia Tyrannorum veterum à Christi fide abhorrentium consuetudo fuit, dissentientes à se doctores in negotio sacrorum persequi quæ suppliciiis conficere. Id nos docet exemplum Herodis Agrippæ Regis cæterum non mali, sed aulæ assentatorem cavillis ducti, is Jacobum Apostolum gladio percussit, incarcerationem Petrum, *Actor. 12. 1. 2. 3. seqq.* ubi est de Petro, καὶ μὴ ἴσως μεταξὺ δούλων τοῦ αὐτοῦ. Namque hæc ævo isto erat custodia militaris rationis, ut vinculus in brachio haberes catenam, militis brachio perinde alligatam uti diximus *lib. 2. A. 1. inquietum Roman. cap. 7. dist. 13.* De Nerone prodit Suetonius: Afflicti supplicii Christiani genus hominum persecutionis novæ ac maleficæ, *lib. 6. cap. 16.* Plura quoque Tacitus: Ergo abolenda, tu-

mor.

mori Nero subdidit reos, & exquisitis pœnis affecit, quos per flagitia inuisos, Christianos vulgus appellabat. Autor nominis ejus Christus, qui Tiberio imperante, per procuratorem Pontium Pilatum supplicio affectus erat, repressæque in præsens exitialis superstitionis rursus erumpebat, non modò per Judæam, originem ejus mali, sed per urbem etiam, quò cuncta atrocità & pudenda confluunt, celebranturque. Igitur primò correpti qui fatebantur, deinde judicio eorum multitudo ingens, haud perinde in crimine incendii, quàm odio humani generis cōvicti sunt, & pereuntibus addita ludibria, ut ferarum tergis contexti canum laniatu interirent, aut crucibus affixi, aut flammam di aut ubi defecisset dies, in usum nocturni luminis urerentur; lib. 5. *Annalium*. In verbis Taciti *flagitia & odium generis humani* sunt falsorum Deorum neglectus, quam eandem causam etiam Judæis maledicendi Tacitus lib. 5. *histor.* habuit. Inter alia supplicia dicit, *aut ubi defecisset dies, in usum nocturni luminis urerentur*. Repetit ex eo Sulpicius Severus lib. 2. *historie sacre cap.* 47. Operimento quodam ex sarmentis, tædâ, pice, papyro, contexto & perlito (vocabant *tunicam molestantem*, uti patet ex Juvenale *Satyrâ* 8. & Martiale lib. 10. *Epigram.* 24.) vestiiebantur, imò potius obvolvebantur Christiani, & palis gutture affixi, ut semper starent arrecti, apex capiti imminens accendebatur, ità pergebat ardere tunica, donec unâ cum homine incluso deflagraret cerei instar, maximos inter dolores. Juvenalis de supplicio eodem: *Teda lucebis in illa, Quæ stantes ardent, fixo qui gutture sumant*, *Satyrâ* 1. Ob id probrobo nomine Christianos vocabant *sarmentitios* & *semarios* quod

ad stipitem dimidii axis revincti sarmentorum ambitu exurerentur, dicente Tertulliano in *Apologetico*, & illi adde nostrum Recensum Antiquitatum Romanarum lib. 2. cap. 7. *dist.* 4. Permanisit deinceps temporis, ut exemplo Neronis adversus novæ Religionis sectatores, nunc diutius nunc remissius sævire vellent Domitianus, Trajanus, Adrianus, Antoninus Philosophus, Septimius Severus, Maximinus, Diocletianus, quos libris oblati erudire & ad meliorem animum convertere annisi fuerunt Justinus Martyr, Quadratus, Athenagoras, Tertullianus, Minucius Felix, Arnobius, Lactantius, & aliquandò pervicerunt.

XVI. Septima: Quia Antichristum magnum describunt literæ sacræ analogico sensu, futurum talem, quod de Inferni barathræ progressus adversum testes veritatis exemplo Barchokebæ, Domitiani, Trajani, bellum concitet, vincat occidat, *Apocal.* 11. 7. cap. 13. 7. 15. Perindè uti septicolis urbis Domina ad ebrietatem & vomitum bibere gestiat sanguinem Confessorum veritatis, *Apocal.* 17. 6. cap. 18. 24. De Papâ Latino ista omnia non obscurè sonant, quandò in Româ novâ ille haut ferat veritatis doctrinam, quomodo eam in Româ vetere non tulcrunt crudeles Tyranni, *suprà* lib. 1. cap. 16. *dist.* 11. 16. 18. lib. 2. cap. 5. *dist.* 8. Excipiunt: Describitur Roma, non quidem Christiana uti longo tempore fuit sub imperio Paparum, sed Ethnica, qualis erat quondam sub Cæsarum dominio, & qualis olim erit proximo ante novissimum judicium tempore, quandò fidem Christianam deseret, ac Papas sanctos expellet, Ribera *commentariis ad Apocal.* 17. num. 39. Cornelius à Lapide *commentariis ibid.* pag. 258. *seqq.* Pazmannus in

Hodego Catholico lib. 10. cap. 7. Respondeo: Quod de Româ Ethnicâ sonet vaticinium, concedimus ita verò ut ad Romam sub Papæ dominio gementem optimè applicari possit; Illam enim Romam intelligit, quæ fascino scortationis sur Reges atque incolæ terrâ ligat. De Româ nova Paparum fraudibus subjugatâ hoc etiam verum est, non de Româ Ethnicâ vetere solum Roma dederat post Constantini tempora nomen Christo, igitur meretrix, id est, perfida, vocabitur, Psalm. 73. 27. Esaiæ 1. 21. cap. 57. 3. Jerem. 3. 6. Hoseæ 5. 6 cap. 6. 10. cap. 9. 1. Româ inquam, nova est meretrix, quia ommissa Religione puriori, quam ab Apostolis & viris Apostolicis acceperat, commentis hominum otiosorum delectari cepit atque Orbi sensim persuasit Missam, Purgatorium, Sacramentum unâ specie contentum, Celibatum impurum, delectum ciborum, Papæ suprematum, honorum operum merita, Sanctorum invocationem, peregrinationes religiosas ad loca miraculis celebrata. Descripserunt Henricus Camsius *Mariam Ottingensem*, Horatius Tursellinus *Lauretanam*, Thomas Weissius *Cellensem*, Justus Lipsius præ senio delirans *Aspiccollem & Hallensem*, legasque apud eos solo Mariæ nomine invocato, & votis prolatis culto, sanatos esse cæcos, claudos, obessos, epilepticos, herniosos, hydropicos, amentes, mutos, paralyticos: in vitam hanc reuocatos defunctos, servatos à periculo naufragos, parturientes, peste correptos, donatos prole steriles tanto numero, tanto cum successu, ut Christi & Apostolorum miracula æquaverint, certè superaverint. Nisi credas, esse omnia illa commenta vanissima, & dolus subesse ut alibi prolixius demonstrabi-

mus. Seculis primis haud erat ita. Neque potest intelligi de Româ futurâ, quæ religionem Christianam prorsus deseret. Si enim Roma deficiet, quomodò vera fuerint illa quæ aliàs de perpetua duratione Ecclesiæ Romanae contentiosè declamant Catholici scriptores? Quomodò Roma est atque semper erit columna veritatis Apostolicæ ad consummationem seculi? Imò, si deficere potest, quis spondere ausit, non currere tempora illa erroribus plena? Si Roma cjecto Domino Papa redibit ad Paganismum, quomodò consultantibus adversariis in odium adducetur apud Antichristum, & ab illo devastabitur? Nunquam ille urbem sacris profanis addictam damno affecerit. Instat *Ribera*: Causa est nulla, quare Johannes vellet tanta mala prædicere adversus Romam, urbem sanctissimam. Porro describit ille urbem amplissimam orbis Reginam, populorum dominam. Denique, illa Roma intelligitur, quæ Apostolos & Sanctos persequuta est. Atqui Roma Catholica neminem virum pium interfecit. *Respondeo*: Causa vera ob quam Johannes prædicit mala adversus Romam, est quod vera pietate desertâ animos ad pravam superstitionem applicaverit, orbemque exemplo suo corruerit, *Apocal. 17. 2. 6. 15. 16. 17.* Romam novam esse orbis Reginam, quis negaverit? Scilicet, *quicquid non possidet armis*, uti Roma vetus, illud *religione tenet*. Denique, quàm multos veritatis Apostolicæ defensores miserè afflixit Roma Catholica? quàm multos crudeliter occidit meretrix ebria sanguine bonorum? Waldensium putata, Albingensium, Almaricanorum, Wiclefistarum, Hussitarum, Communellorum, Hugonottarum, Geusiorum. In omnibus.

bus illis oderat constantem veritatis amorem.

XVII. Octava : Quia Servator fovere potius malas fruges, quam extirpare iussit. Rationem addit, quod malæ frugis extirpatione conjuncta sit cum præsentis periculo, ne unâ fruges bonæ extirpentur, *Matth. 13. 29. 30. 41.* Hoc ergo vult: Converti posse aliquando in melius, uti Paulo Apostolo accidit, uti plurimis aliis, ut benè exponunt Chrysostomus *homilia 47. in Mattheum*, Theophylactus *notis ibidem*. Excipiunt: Per malas fruges intelliguntur mali quicunque non verò soli hæretici, adeoque si valeret ista parabola expositio, nemo improbus puniri deberet à magistratu, quando improbi omnes tolerantur à Deo; atqui hoc est contrà divinæ & humanæ justitiæ regulas. Constat inde, quoniam ager exponitur de mundo, *vers. 38.* non verò de Ecclesiâ, Cornelius à Lapide *commentarius adh. l. pag. 286 Beza notis adh. l. pag. 68.* Respondeo: Imò non quidem de quibusvis pravis hominibus, sed de hæreticis nunc agi, ostendimus argumento: Ubiunque Servator de semine loquitur, ibi notatur doctrina fidei, non verò morum. Atqui loco præsentis Servator de semine loquitur. Ergo notat doctrinam fidei, non verò morum. Accedit, quod regnum cælorum agro compareretur, *vers. 24.* Atqui per agrum intelligitur Ecclesia. Quod dicitur, *agrum esse mundum*, exponitur per *συνεχόμενον* in literis sacris usitatam. Etenim colligitur Ecclesia in mundo, & de mundo. Ergo *mundum* nominando Servator illam *partem mundi* intelligit, quæ per seminis injectionem, hoc est, per verbi prædicationem, in regnum Christi Ecclesiam colligitur.

XVIII. Nec verbis tantum defendunt sanguinariam adversus hæreticos latam Legem, verum factis etiam comprobant animi feritatem. Notissimæ sunt orbe toto matutinæ Parisienses, Bartholomæi festo patratae, ad omnem posteritatis memoriam infames. Gallis tum præerat Carolus IX. qui cum lacte materno hæc à Loiolitis magistris disciplinam percepserat, ut dejerare, pejerare, contumeliosè nomen DEI ciere, scortationibus indulgere, fidem, religionem, consilia dissimulare, vultum componere, ludum duceret, pacem daret. Atqui pacis tempore de novis insidiis cogitabatur ab illis, quorum intererat, piorum sanguine imbui terram. Papa cum Rege sumesta consilia per literas conferebat de excindendis Reformatis tunc videlicet, cum præsentis in nuptiis, quas Rex Henrico Burbonio & Margaretae Vallesie, sorori suæ apparabat, Lutetia adessent. Galli destinatum laniam, latronum turmas ducente Guiso, magnâ sevitâ peregerunt, nobiles ignobiles, viri, famina, senes, juvenes citrà delectum occisi multo sanguine imbuerunt omnes totâ Galliâ urbes, fide publicâ non obstante, non Regis verbo, qui peregrinis omnibus vitæ opumque securitatem sponsoerat. Cadavera in lutum provoluta, ludibrium vulgi erant, opes direptæ sunt. Numerus caesorum septuaginta millia, eratque inter hos Colignius Admiralis. Solus ille perfidorum ictibus præcæteris appetitus, omninò mori debebat itaque nuper à Luparâ egressum, ut domum suam adiret, bombardâ feriebat Morvillius latrunculator, decumbentem è vulnere haud aspernatus ipse Rex invise

ferre, verbis compositis ad spem faciendam erigebat, vix dolorum memoria perierat, cum inter millium multorum ejulatus per viciniam strepentes advolabant Guisius, Engolismæus, Aumalius, unius mortis plures testes futuri, domoque effractâ imperabant Cossenio tribuno, ut Colingnium gladio foderet, cadaver projiceret. Hoc ustulatum prius, deinde capite resecto, ad patibulum suspendebatur pedibus in altum sublati, donec ablatus noctu vili sepulchro inferendum curaret Franciscus Mommorancius. Ubi hoc Romæ auditum est, Papa decrevit supplicationes apud templa omnia pro effuso Christianorum sanguine, & Rex cudi iussit nummos argenteos cum hac inscriptione: *Pietas excitavit iustitiam.* Bourbonio & Condeo vita donabatur, quoniam Regis agnati & propinqui essent ob recentem pactas nuptias, Thuanus lib. 52. *histor.* Author vitæ *Casparis Castilhonæi Admiralsii* pag. 187. *seq.* Robertus Jonstonus lib. 1. *hist. Britannicarum* pag. 11. *seqq.* Julius Cæsar Bulengerus lib. 1. *histor.* & nos ex illis in Recensu historiarum universalis lib. 13. cap. 3. dist. 30.

XIX. Anglicana illa pro subvertendâ Religione meliore conjuratio nonne scelus est humanam fidem omnem supergressum? Monachi ignem cœlestis de vocandi impetres, flammæ alias impetrare conabantur ab Archipyrobolatio Satanâ, ut Regem, Reginam, Walliæ Principem, Regni Duces atque Comites, Nobiles & Civitatum delegatos, unâ ruinâ involvere inque ærem mittere possent, sed facinus eo ipso momento ferè, quo peragendum fuerat, evulgatum fuit. Catholicorum in Britannia Religiosorum principes, consulti ab his, qui id

facinoris destinabant, an fas esset magnæ fontium turbæ paucorum infontium truculentum exitiû miscere, responderunt, egregio in Ecclesiam bono etiam non merentes aliquos rectè impendi, hoc ipsum urbium oblesarum argumento firmantes. Complices erant Thomas & Robertus fratres Winterti, Robertus Catesbejus, Guido Faukes, Thomas Perci, Johannes Wrighth. Scelestorum unus Montaquilius Baronem occultis literis monuerat, ne Comitibus adesse vellet ipse & cognati ejus, quæ improvissum idum sensura essent, ut non videretur percussor. Id suspicionem Regi sagaci movit, ut periculum subesse crederet, quia literas perlectas sedulo expendebat. Ejus jussu scrutabantur apparitores cellam subterraneam Curiz, ac viros horrendi operis custodes, nitratum pulverem, fungos ad intervalla temporum dispositos & lento tractu arduentes invenerunt Faukes primarius horrendæ necis instrumentorum procurator stabat ad ostium momentum temporis observaturus, quo commodè fieri posset fungorum excussio, visus in loco obscuro & deserto novus hospes, comprehenditur, & crimen quod celare nequibat, ubi rerum testimonia præstò erant, prodit, confcis que nominat omnes. Trigintâ sex dolia erant pulvere nitrate plena, & per angulos plurimos distributa, injectis saxorum, ferramentorum, truncorum, sarmentorum molibus, unde ictus posset validior esse. Sublatis fungis, ne pergerent ignem alere, dispositisque excubitoribus ad januam cellæ, comitia extrâ periculum fuerunt. Perduelles fugerunt, sed partim in fuga cæsi, partim retracti & ad patibula ignisque damnati iusto supplicio perferunt. Garnettus Loiolita multa

multa olim & in Elifabetham ausus, jus Papæ in regnum Regemq; extollere nimium solitus, ut Principi diris devoto non modò fidem obsequiumq; non deberi, sed cum juberetur, opponenda arma vel cum vitæ periculo didiciret, rerum horrendarum conficius & approbator, de patibulo martyris factus, à sodalitatibus ejus scriptore Eudemone Cretensi amplissima encomia retulit, Jacobus Rex libro de conjuratione susfuris, Thuanus lib. 135. histor. Grotius lib. 14. histor. Emanuel Metcraus lib. 27. histor. Robertus Jonstonus lib. 13. histor. Britanicarum pag. 418. segg. & nos ex illis in Recensu historiarum universalis lib. 15. cap. 3. dist. 1. Atqui hoc tam scelestissimum scelus laudat venalicium Papæ mancipium Seioppius, imò verbi sacri testimonio corrobatur, in *Classico belli sacri* p. 22. ubi ostendere vult, *Principes hereticos à subditis suis jure trucidari*. Adfert exemplum Zambri Regis, qui ab æmulo suo Amri obfessus, cum domo regiâ seipsum Thirsa incendit, 1. Reg. 16. 18. indè ad libri marginem annotat *Quid ad hoc exemplum pulveraria illa Anglorum conjuratio?* Respon. Erat utique Zambri non tam Rex, quàm Rege domino suo, interempto, Regni sceleratus invasor, cumq; nemo unquam imperium flagitio quæ situm bonis artibus exercuerit, ad tyrannidem seriò spectabat, itaque non potentia illi diuturna fuit, obfessus à populo, desperatis rebus, igni seipsum consumpsit. De Jacobo Rege omnia aliter fuerunt.

XX. *Instans* Bellarminus, Beza, Altingius: (1.) Quop Lex Mosis pronunciat mortis sententiam adversus omnes, qui verum Dei cultum volebant corrumpere, Deut. 13. 1. cap. 17. 12. cap. 18. 20. *Respondeo*: Leges istæ non amplius quadrant ad mores no-

stros, postquam Servator dicere voluit, *nescitis cujus spiritus filius estis*, Lucæ 9. 54. Erant tunc temporis idolorum cultores, unius Dei hostes qui populum vero unius Dei cultui obstrictum seducere poterant ad profanos malorum Geniorum cultus, adeoque non fuerunt illi hæretici, uti nunc quidem Orbis tolerat, sed blasphemii ac sediciosi, Dei & publicæ tranquillitatis hostes turbatores, digni qui capitis supplicio lucent nefarium scelus lege vetitum, & sub pœnâ talis interdictum, Exodi 22. 20. cap. 32. 26. segg. (2.) Quod exempla prostant Regum piorum, qui veri Dei insectatores & falsorum cultuum auctores virâ multaverunt, 1. Regum 18. 40. 2. Regum 10. 1. cap. 23. 30. Eisdæ 7. 25. Daniel. 3. 29. *Respondeo*: Qualis lex, talia exempla. Alia certè erat veteris populi ratio, alii mores erant, qui plurimum à nostris discrepant. Ubi enim hodiè in Ecclesiâ sunt malorum Geniorum cultores? ubi sunt profanorum cultuum prædicatores? Et quamobrem Judæi ipsi, cum Legem haberent, quæ supplicii vitæ hujus lanciebatur, nunquam tamen pœnis subdiderunt Cuthæos, Herodianos, Saducæos, qui repudiabant dogma Resurrectionis, verissimum quidem, sed in Lege Mosis non nisi obscurè & sub verborum aut rerum involucris traditum? *Menochius* reponit: Remissus tunc agebant, qui cathedra Mosis occupaverant, præsertim sub Idumæo Rege Herode, qui ad regni commoda Religionem referebat, parum motatus, quid variorum doctrinarum assertores inter se contenderent, Id. dist. 4. *Resp.* Non tunc solum verum olim etiam remissius egerunt, hoc uno excepto, cum idolorum præco & Planetarius

ius in populo obtrudebat. Adversus hos data est Lex, non adversus alios, qui diversas opiniones aut ceremonias in religione sequebantur. Quoties tollerata sunt excelsa, etiam sub Regibus bonis? 1. *Regum* 14. 23. *cap.* 15. 14. *cap.* 22. 44. 2. *Regum* 12. 3. *cap.* 14. 4. *cap.* 15. 4. Quis non pertulit Essenos? Quis Cuthæum occidit? Quis Saducæum flammis iniecit? Et tamen hi omnes fuerunt, antequam Herodes in Judæa Rex erat. (3.) Ananias & Sapphira lætæ religionis damnantur & interficiuntur à Petro Apostolo, *Actor.* 5. 5. *Respondeo:* Crimen illud, quod eis imputatum est, non erat hæresis: neque occidio per miraculum procurata erat supplicium à carnifice exactum. Tempore isto quo Magistratus extrâ Ecclesiam constitutus ius puniendi sibi concessum ad purgandam tuendamque Ecclesiam non exercebat, Deus miraculo supplevit, quod interitis haberi non poterat. Inde est, quod apud Corinthios ob profanatum Dominicæ cœnæ mysterium, multi egrotarent, multi occumberent, 1. *Corinth.* 11. 30. Et quod alibi dicitur, tradere Satanae, pœna inflicta fuit à miraculo, ut corpus torqueretur ab imundo spiritu, quale tormentum olim Rex Saul post defectionem à Deo senserat, 1. *Samuel.* 16. 14. *seqq.* *Corinth.* 5. 5. 1. *Timoth.* 1. 20. Ità interpretantur Chrysostomus, Ambrosius, Hieronymus, Theodoretus, Sedulius, Oecumenius, Theophylactus, Pacianus, quos sequitur Cornelius à Lapide *commentarius ad h. l.* Eodem pertinet, quod loco alio dicit, *utinam abscondantur qui vos turbant.* *Galat.* 5. 12. Quod enim Chrysostomus, Theodoretus Hieronymus, Oecumenius, Cajetanus, & hos sequutus Benedictus Justinianus

commentariis adh. l. exponunt, *utinam desecentur*, id est, virilibus desectis prorsus careant materia super qua litigant; hoc inquam est contrâ gravitatem Apostolicam, uti bene monet Paræus *commentarius adh. l. pag.* 372. Deus ad Ecclesiæ preces talia iræ suæ signa ostendebat sæpius, ut Apostolorum dignitatem conservaret. Deinceps temporum postquam Imperatores patrociniū Ecclesiæ susceperunt, quorum officium erat punire eos, qui Ecclesiæ pacem quovis modo turbarent, miraculosa illa pœnarum genera deliverunt. Apostolos imitatur tunc demū, quando secundum Leges ab eis præscriptas agimus, secta eorū singularia cum timore admiramur & veneramur (4.) Servator dicit, ut qui Ecclesiā audire nolit, profani hominis loco aestimetur. *Matth.* 18. 17. Nimirum tradatur Regibus, ut morte puniatur, tanquam qui non sit Ecclesiæ filius. *Respondeo:* Servator agit de litibus civilibus, quæque nobis adversus proximum nostrum facile oboriri possunt. De falsa doctrinæ præconio nuspiam mentio est, multo minus de ablatione capitis agitur. Publicani & pagani instar esse, est relegari à cætu piorum, *Luce* 7. 34. c. 12. 13. *Ephe.* 2. 11. 12. Hoc non stabilit pœnam capitalem. Cum hæreticus admonitus non volet mutare sententiā excludatur, à cætu, ejiciatur ab urbe. Hoc nunc in Ecclesiā agit excommunicatio, quod olim agebat interfectio verissimè ait Augustinus *questionibus ad Deuteronomium* lib. 1. *cap.* 39. (5.) Quod hæretici sunt lupi rapaces, raptiores, de ovili, itaque mortis pœnam commerentur, *Matth* 7. 15. *Actor.* 20. 29. *Respondeo:* Lupi sunt *πύσφοροις*, quatenus doctrinā falsā pervertunt animos eorum, qui temerè credunt omnia. Notantur ergò mores *πύσφοροις*.

neque tamen inde sequitur, debere illos occidi quomodo occiduntur lupi. Vctant enim cum Servator, *Luce 9. 59.* tum Apostoli, *2. Corinth. 10. 4.* (6.) Quod magistratus non habet gladium frustra, *Roman. 13. 4.* Ergo debet hæreticis, qui pacem turbant, inferre pœnam capitis. *Respondeo:* Agit Paulus de illis qui mala agunt. Atqui hæreticus docet mala, non agit. Qui mala agit, id est, facinoribus turbat societatem humanam plectitur merito capite. Qui mala docet, admonetur erroris, & nisi pareat, remouetur à cœtu, *2. Timoth. 4. 2. Tit. 1. 10.* Interest Ecclesiæ, ut pacis doctrina propagetur sine cæde & sanguine, & Deus honoretur cultu spontaneo, *Psal. 110. 3. Esaiæ 11. 6. 9. Ephes. 6. 15.*

CAPVT SEPTIMUM.

Diatriba singularis de Cruce.

SUMMARIA.

1. Pœne capitales apud Iudæos..
2. Crux ignota Iudæis.
3. Petrus cruciarius..
4. Cruciariorum oblatio..
5. Cruciariorum flagellatio.
6. Cruciariorum abductio.
7. Cruciariorum onus impositum..
8. Calvaria mons.
9. Cruciariorum elevatio..
10. Impalatio.
11. Crucis variae species.
12. Crucis partes.
13. Crux inversa.
14. Crux altior.
15. Crucis ornamentum.
16. Cruciariorum vestimenta..

17. Crustodes ad crucem.
18. Cruciariorum titulus..
19. Cruces humiles.
20. Cruciariorum interfectio.
21. Cruciariorum sepultura.

I. Spondani verba sunt : Apud Iudæos homicidarum pœnam fuisse crucem, tradi Philo libro de legibus specialibus. Sed divina quadam dispensatione factum est, ut supplicium, quod Barabbæ duplici ex causâ debebatur, tum ut latroni, tum ut homicidæ, converteretur in Servatorem, cuius nulla esset mortis causa, ut Dei filius pro redemptione generis humani crucem subiret, quæ tam apud Iudæos, quam etiam Gentiles insigne salutis esset. Hactenus ille in *Epitome Annalium pag. 32. num. 29.* Quod dicit, crucem apud Iudæos fuisse pœnam homicidarum, sub examen vocabimus. Negant enim Josephus Scaliger in *animaduersis Eusebianis pag. 109. seq.* Casaubonus *Exercitat. 16. dist. 77.* Petrus Faber *lib. 2. semestrium cap. 8.* Joh. Drusus *lib. 4. prætoriorum pag. 97.* Joh. Gerhardi in *Harmonia Passionis cap. 13.* Georgius Calixtus in *Concordia Evangelica lib. 7. cap. 11.* Hugo Grotius in *Annotatis Evangelicis pag. 208.* Balduinus Walæus *commentariis ad Evangelia pag. 779.* Gerhardus Joh. Vossius in *Harmonia Evangelica lib. 2. pag. 241.* Constat, quod Lex Moïsi, atque ex eâ derivata iudicia, prout a Thalmudistis describuntur, solum quatuor supplicia enumerent in populo Judaico usitato, combustionem, lapidationem, gladium, strangulationem. Combustio quidem non fiebat ut corpus in cineres redigeretur, sed facinorosi os ferro aperiebatur, inde plumbum liquatum in funde-

ba-

batur, quo extra&intestina, exurebantur, corpore illzso. *Lapidatio* erat, cum lapidū iniectu opprimebatur intrā locum undique conclusum. *Gladio* feriebant cervicem. *Strangulabant*, quando per sudarium collo iniectum inneckebant guttur, donec praefocaretur reus. Hæc relata sunt in *libro Sanhedrim cap. 7. 1. seqq.* & apud Moſem & Kotſi in *preceptis poſitivis num. 248. & 365.* quibus adde Johan. Cocchium *notis ad Sanhedrim pag. 57. seqq.* Wilhelmum Stikhardum *libro de Jure Regio Hebræorum pag. 103. 104.* Joh. Leusden in *Philologo Hebræo diſſertat. 47.* De Crucifixione apud Judæos nihil occurrat, ſive legem ſpectes ſive exempla. Primus atrociffimum ignominiz ſupplicium iſtud adhibuit Alexander Haſamonæus, & oðtingentis crucibus totidem rebelles Judæos afflixit, non tam ſecundum leges patrias, quàm ex uſu Parthorum & Romanorum, quorum ſtudia bellica tunc temporis in Oriente clariffima erant, Joſephus *lib. 13. Antiquitatum cap. 22.* Totum ergò ſupplicium Romanorum eſt, flagellatio, ſuffixio in cruce, lateris ſuffoſſio, veſtimentorum diſſiſio. Parthi, Macedones, Pœni quoq; affigebant crucibus, hoc tamen cum diſcrimine quod apud gentes illas viri illuſtres perinde ut vilioris ſortis homines pœnā iſtā necabantur, *Eſdræ 6. 11. Eſther. 7. 9. 10.* Curtius *lib. 4. cap. 15.* Juſtinus *lib. 9. & 18. hiſtor.* Herodotus *lib. 1. hiſtor.* Romani ſervis tantum crucis ſupplicium irrogabant. Paulus Jure conſultus *lib. 5. ſententiarum diſt. 21. ait: Si ſervi de Domini ſalute conſiderent Mathe- maticos, ſummo ſupplicio, id eſt, Cruce afficiuntur.* Itaque ſervile ſupplicium vocant Tacitus *lib. 2. & 4. hiſtor.* Capitolinus in *vita Maerini cap. 12.* Vulcatius in *Avidio Caf-*

ſio cap 4 Hinc illud ſervi fatum: *Noli imitari, ſcio crucem mihi futuram ſepulchrum, Ibi majores mei ſiſi ſunt, pater, avus, proavus, abavus,* Plautus in *Milite glorioſo Actu 2. ſc. 4* Et conſentit *Horatius:* Si quis eum ſervum. patinam qui tollere juſſus, Semefos piſces, trepidumq; ligurriet ius, In cruce ſuffigat, Labeone infanior inter Sanos dicatur? *Lib. 1. ſerm. 3.* Solebat irrogari quoque liberis, verum ſeditioſis, latronibus, fugitivis, atque illis qui populum concitabant adverſus magiſtratum, *l. 38. §. 2. ff. de pœnis, Florus l. 3. c. 9. Vateria Maximus l. 2. c. 7. Cicero Oratione pro Deiotaro, & prolixè Marcellus Donatus elucidationibus ad Tacitum pag. 202. ſeq. Itaq; dicitur Act. 2. 23. διαχρῶν νόμῳ προς πῆξιν ἐν αἰετι. Interfecit is eum crucifigendo, per Romanos qui πτομῆς ſunt, quod Dei Legem nullam obſervarent eodem ſenſu ἀμαρτωλοί, *Mat. 27. 48. Marci 14. 41. Lucæ 26. 7.**

II. Contendunt Baronius *Tomo 1. Anna- lium p. 230.* Juſtus Lipſius *l. 1. de Cruce cap. 11.* Greſſerus *l. 1. de Cruce c. 18. 19.* Carolus Sigonius *lib. 6. de Republ. Hebræorum. cap. 8. Galatinus lib. 6. de Arcanis Cathol. Verit. cap. 8.* Theodorus Beza *libro de Excommunicatione pag. 107.* Joh. Scarpius *part. 1. Curſu Theolog. pag. 383.* Cornelius à Lapide *commentarius ad Galat. 3. 13. num. marg. 66. 67.* Matthias Stephani *lib. 1. de Jurisdiſtione cap. 8. num. 11. ſeqq.* Philippus Caroli in *Philologia ſacra Dialogo 3.* Joh. Stephanus Menochius *lib 8 de Republica Hebræorum cap. 2. quæſt. 3.* quod ſupplicium hoc fuerit è conſuetudine Judæorum, eā quidem obſervatā diſſerentiā, ut Romani facinoroſos clavis per manus ac pedes adactis ſuffixerint patibulo, Iudæi verò funibus alligaverint. Probare

bare conantur: (1.) Quod Moses iubente Deo Hebræorum primates ex arboribus suspendit, Numeror. 25. 4. *Resp.* Hebræi, quos suspendebant, eos primum jugulabant siue humi præfocarent ueruo prostratos, uti hodiernum Turci Mauri atque Indi facere consueverunt, siue lapidibus obruerent, inde cadavera ad lignum pendula ostentui exponebantur, eratque huiusmodi suspensio non tam supplicium quam supplicii consequens, *Deuter.* 21. 2. *2. Josue* 10. 26. Thalmudistæ in libro פְּתִילֵי חַיִּים cap. 6. dum. 4. Nec verum est, quod primates suspenderit, erantque in eo plurimi Interpretes. Verba sonant: *Assume omnes principes populi & suspende illos coram Domino.* Debebat Moses convocare principes, atque illis præsentibus iudicium ferre contrâ eos qui peccaverant. Pro nomen illos referri debet ad populum, id est, qui è populo deliquerant, non verò ad Principes, uti clarè exprimit Chaldaicus Paraphrastes, atque sequuntur Vatablus & Grotius in notis ad h. l. (2.) Quia Reges Cananitarum suspenduntur in ligno, *Josue* 8. 29. cap. 10. 26. nec non posteri Saulis, 2. Samuel. 21. 9. *Resp.* Eo, quo dictum est, modo. nec enim vera erat strangulatio, multò minus erat crucifixio, sed cadavera ostentui exponebantur è patibulo. (3.) Quia Paulus illud, maledictus qui pendet in ligno, *Deut.* 21. 22. applicat ad Christum crucifixum, *Galat.* 3. 13. *Resp.* Applicat per modum analogiæ, quandoquidem suspensio de ligno est generale, aliquid, & potest accommodari furcæ, cruci, patibulo, palis acutis *Grotius* annotat: Apud Ebræos non erat pœna vel crucis vel patibuli, sed eorum qui ob gravia crimina, puta idololatrem, erant lapidati corpora patibulo suspensa, per aliquot horas erant ostentui populo, ut qui supplicio ipsi non interfuis-

sent, eo conspectu à criminibus absterrentur: at si tam contumeliosum erat, post mortem suspendi, multò certè contumeliosius erat crucis supplicium, quod & ipsum cum afflictione suspensionem conjunctam habet, atque Romanis moribus erat maximè infame, undè nomen Cruciatii, ad h. l. p. 8. 527. Eodem modo etiam Seneca *Epist.* 7. dicit, *latrones suspendi*, id est, crucifigi. Et illos quos Saraceni palis infurcaverunt, per lessum adaëtis, *crucifixos esse*, scribit *Elmacinus lib.* 2. & 3. h. 5. *Historia Arabica.* De Régulo apud Pœnos captivo Seneca: *Tam vigilabit in pluma, quam ille in cruce*, libro de providentia cap. 3. Atqui paulò antea dixerat, *Régulum in machinâ religatum*, & resectis palpebris necatum esse perpetuâ vigiliâ. Quæ eadem referunt *Appianus in Punicis* & *Cicero in Tisoniana.* Neque tamen Seneca memorat solus Reguli crucem, verum etiam *Florus lib.* 2. *histoia Romana* cap. 2. *Silius Italicus lib.* 6. de bello Punico secundo, & rursum Seneca *Epist.* 48. ubi annotat *Lipsius: potuit post illa tormenta in crucem pro more Pœnorum sublatum esse.* Hæc ille. Atqui non dubito, quin ipsam illam machinam ligneam ferreis clavis præfixam & supplicio Reguli comparatam, isti authores crucem dixerint, namque Crux quid aliud est quam machina lignea, cui ferreis clavis affigerentur damnati? *Epist.* 67. *arcam Reguli* appellat. Proterius eadè in hoc negotio sunt *machina, crux, arca.* Audacius multò declamator ille apud Marcum Senecam *Controversia* 3. lib. 1. crucem appellat saxum *Tarpejum*, quod ait, *in ista cruce Vestam nominaverat.* *Manilius de Andromedâ: Adstrinxere pedes scopulis, injeclaque vincula. Et cruce virginita mortuâ puella pendit*, lib. 5. *Astronomiæ. quævis Lucia-*

nus vocat montem Caucaſum, in quo Prometheus erat alligatus pro ſupplicio.

III. Locus eſt Johan. 21. 18. *Postquam ſenueris, extends manus tuas, & alius te cinget ac transferet quò nolis.* Retro mortem in cruce deſungendam prædicit Seruator. uti rectè exponunt Joſephus Scaliger *notis ad Novum Teſtam pag. 5. 6.* Grotius in *notariis Evangelicis pag. 1029.* Balduinus Walxus *commentario perpetuo ad Evangelia pag. 1011. 1012.* Romæ crucis candidatus, poſtquam flagellis cæſus fuerat, manibus diſpeſſis & ad patibuli cornua deligatis, per urbem circumferebatur, & ex diutina traductione illà tandem extrà portam Eſquilinam in Campo Martio uni de crucilibus, quæ multa eo loco diſtributa erant, ſuſtinebatur nudus, clavis per manus (jam ope funiunt reuinctas) pedesque adaſtis. Et quanquam Beza *annotatis ad Johannem pag. 447.* Calixtus in *Concordia Evangelica lib. 7. cap. 6.* contendunt, dicendū genus à Chriſto uſurpatum communius eſſe, neque ad crucis ſupplicium præciſè applicari poſſe, errant tamen, & ſatis eos convincunt verba manifeſta collata cum Johan. 13. 36. Quod enim dicitur, *extends manus tuas*, conſtat dicere, manibus diſpeſſis patibulum quod geſtabat, amplexurum, uti loquitur Plautus in milite glorioſo. Et idem in Perſa: *manus vobis dono.* Et ibidem: *dabis ſub furcis*, id eſt, extends, quod proprium crucis eſt, *intèras σεαυτὸν ὡς εἰς ἰσχυροῦς*, ait Epictetus *lib. 4. diſſertat. cap. 26.* Sequitur, *& alius te cinget.* Cinctio illa vinculorum in patibulo eſt, ut corpora firmitus atq; cum adminiculo penderent. Denique eſt, *transferet quò nolis.* Circumlationem & traductionem per ora

populi intelligit, ut Marci 15. 20. 22. Ergo verbis illis *μὴν θανάτου* ſupplicium notat, quo Petrus damnatus eſt, in quo manus extenduntur, videlicet crucem, Perſequemur iſta latius, illo ordine quo ſuccurrunt in hiſtorià Paſſionis.

IV. Primum eſt: *operuerunt faciem ejus.* J. Marci 14. 65. Caput obnubere illi iniquam ſententia mortis vel recitata erat, vel recitanda eſſe certò, ſciebatur, ſolebant Romani & populi alii, uti diximus *lib. 2. Antiquitatum Romanarum cap. 7. diſt. 2.* Horribile carmen erat: I liſtor, colliga manus, caput obnubito, verberato intrà vel extrà pomerium, infelici arhore ſuſpendito, Livius *lib. 2. hiſtor.* Scilicet, dum verberabantur, namque deinde cum ad ſupplicii locum ibant cruciarii, oculoſe ejus recludebant, *Luce 23. 28. ſeqq.*

V. Secundum eſt: *Jeſum flagellavit.* J. Matth. 27. 26. Marci 15. 15. Erat pars horrendi carminis, verbera intrà vel extrà pomerium. Cæterum & Judæi flagellabant, non tamen alios, niſi quos ita cæcos dimittebant citrà ſupplicium capitale, *Dent. 25. 2. 2. Corinth. 11. 25.* Joſephus *lib. 4. Antiquit. Judææ. cap. 8.* Ad hunc morem reſpicit Pilatus ergà Jeſum Nazarenum hæc tenus miſiſ, *παίδευας ὡς αὐτὸν ἀποκρίσω*, *Luce 23. 16.* Alii verberabant eos, qui deinde vel gladio cæſi vel in crucem acti peribant. Livius de ſervis conjuratis, *multi occiſi, multi capti, alii verberati, crucibus affixi*, *lib. 30. hiſtor.* Verberati, id eſt, flagris percuſſi. De Judæis ſuis Joſephus, *μαρτυροῦμαι ὅτι πρὸς τὰς ἀντιθέσεις τοῦ θανάτου πρὸς τὸν δαίμονα, ἀνελκυσθέντες*, *lib. 5. de bello Judaico cap. 32.* Curtius de Alexandrò: *Omnes verberibus affectos ſub ipſis radicibus*

huius petre crucibus iussit affigi, lib. 8. histor. cap. 11. Seditioforum militum exempla, qui primum virgis cæsi, inde securibus percussu fuerint, narrat Livius lib. 2. & 28. histor. De Antigono Hasamonæo, quem vivum ceperat Antonius ita refert Dion Cassius, ἀντίγονον ἰμασίῳ ὡς σκαστὸν προειδήσας, καὶ μετὰ τούτῳ ἀσπίφει, lib. 49. histor. Eius autoritate inducti Baronius, & ex illo Spondanus in Epitome Annal. pag. 2. Petrus Seguinus libro de numismatibus antiquis pag. 83. scribunt, Antigonus esse sustibus cæsum & cruci alligatum. At quis σκαστὸς in verbis Dionis est palus, cretæ lignum, quam vocabuli esse propriam notionem, dudum observavit Eustathius in scholiis Homericis, & confirmat versus Homeri, ἀμφὶ δὲ οἱ μεγάλην αὐλὴν ποίησαν ἀνάνται, σαρκοῖσι πυκινέσι, lib. 22. Iliad. Itaque σκαστὸν αὐτὸν apud Thucydidem lib. 1. 2. 4. 6. 7. Xenophonem lib. 4. ἐκκλυσκῶν est palis cingere, vallos in circuitu figere. Vertere debuisset Baronius, ad palum deligatum, quomodo erat in horrendo carmine, deliga ad palum morte affice, Livius lib. 1. histor. Nimirum de illis qui securi percutiebantur. Tria verbis distinctis ponit Dion, μασίῳ ὡς in virgas, σκαστὸν περὶ δέσιν deligationem ad palum, σκαστὸν ἡν μακράtionem. Postquam virgis cæsus fuerat, securi percussus est, ut prodit, Josephus lib. 15. Antiquitatum cap. 2. ἀντίγονον τὸν ἐκ δίων πρὸς ἀγαθὸν ἐπελίκισεν, ait Plutarchus in vita Antonii. Puto huc referri debere illud Plauti: O carnificinum cribrum, quod credo fore, ita te forabunt patibulatum per vias Stimulis, si nos ter huc revenerit senex In Mostellaria Actu 1. sc. 1. De stimulis propriè dictis interpretantur Taubmanus in commentariis h. l. pag. 531. & Lip-

sius lib. 2. de Cruce cap. 6. Sed opus non est, quando μεταφορικῶς ita appellat virgas, quibus propellebantur Cruciarii, ut et alacrius progrederebantur in viâ, uti boves stimulis invitantur ad promovendum jugum. Nudi & femoralibus cincti ibant ad supplicii locum, itaque in viâ ipsâ & sub furcâ cadebantur destitictis flagris, uti de Charea tribuno refert Josephus lib. 19. Antiquitat. cap. 3. Alias ad crucem vestiti ibant, quando prius in carcere fuerant conciliis flagris, quod etiam Jesu Nazareno accidit. Flagra illa in partem magnam supplicii venerant à temporibus Hostilii Regis, qui Metium desertorem hoc dolorum genere exercuerat, teste Dionysio Halycarnassæo lib. 5. Antiquit.

VI. Tertium est: Et abduxerunt eum.] Matth. 27. 31. Marci 15. 20. Lucæ 23. 26. Iohann. 19. 16. Per vias trahebant ostentui, Dionysius Halycarnassæus οἱ ἀγορεῖς αὐτὸν ματιγυμνὸν ἐκείθεν ἐλκεν, lib. 7. Antiquit: Arnobius: Servum pessimè meritum per Circi aream mediam traduxisse cæsum virgis, & ex more multavisse post patibuli poenâ, lib. 7. advers. gentes. Plautus in milite glorioso: Credo ego tibi esse eundem extrâ portam dispeffis manibus, patibulum cum habetis, Actu 2. scen. 4. Locus est Hebr. 6. 6. αἰσχυρῶντες ἑαυτοὺς τὸν υἱὸν τοῦ θιῆ ἡγίασε παρὰ θεοματιζοται. Coniugit αἰσχυρῶν & παρὰ θεοματιζοτα, nimirum hoc est quod dicitur, per ora populi differte & ostentui exponere. Sensus est: Qui veritatem à Servatore promulgatam & semel perceptam, deinde repudiat, ostendit eo ipsâ, credere se, quod Servator fuerit impostor, ac proinde dignus, qui in crucem ageretur, & populi ludibrio exponeretur.

VII. Quartum: *Et bajulans crucem suam exiuit.*] Johan. 19. 17. Romani eo supplicii genere animadvertebant in homines obscuros & despicabiles, ut dictum est *supra dist. 1.* Perinde Christus homo non Romanus, & ut ipsis videbatur, vile caput, non alio mortis genere affici potuit quam crucis. Cruciarum ipsi ferebant sibi crucem, id est, partem ejus nimirum furcam seu antennam, partem de cruce compactâ. Plutarchus *libro de sera numinis vindicta*, τὸ σῶμα τῶν κολασμένων ἕκαστος τῶν κακουργῶν ἐκφέρει, τὸν αὐτὸν παρὸν Plauti verba in eundem sensum vide *supra dist. 6.* Inscitè verò Christum *συνεφεύγον* pingunt homero-tenus, cum brachia in antennâ deligata non pingant. Scribit *Menochius*: Hoc tamen onere, ut ad montem Calvarie vivus perveniret, Christus levatus est, nam imposuerunt crucem Simoni, ut portaret illam post Iesum, Lucæ 23. 26. in quæ verba ait *Cajetanus*: Christus ferebat illam in anteriori parte, Simon in posteriori, atque ita ibat post Iesum. *Sic ille.* Sed verius est, aliquamdiu Christum solum gestavisse crucem moxque eidem suffectum Simonem, qui solus etiam illam portavit, *l. d. quest. 6.* Respondeo: Furcam portaverat hactenus Christus, atque cum viribus fractus fortè non amplius progredi posset, illam deinde Simoni imposuerunt donec in Golgothâ ademptam Simoni denuò religarent ad Iesum tergum, ut eâ ad vincula elevaretur in crucile. Error *Cajetani* est, qui putat crucile etiam portatum fuisse, id quod viribus humanis repugnat.

VIII. Quintum: *Et venerunt in locum qui dicitur Golgotha.*] Matth. 27. 33. Marci 15. 22. Lucæ 23. 33. Johan. 19. 17. De Golgothâ mentionem quoque faciunt Hebræi in *Zoar.*

Pictores sub cruce Christi deformare solent calvariam, nempe Adami esse putatur, ut ex Alberto Magno annotat Ioh. Molanus *libro de Imaginibus cap. 78.* Traditio Veterum est, Adamum sepultum esse in monte Calvarie, ubi Christus in crucem actus expiravit. *Ibi erectus est medicus, ubi jacebat egrotus,* ait Augustinus Serm. 71. de tempore. Verum de hac re meritò dubitat Hieronymus *commentariis ad Ephes. 14.* & adversus Nonnum Panopolitanum rectè differt Heinsius in *Aristarcho sacro c. 9.* Notatio est à Rad. *ללל* voluit, inde cum Syriacâ terminatione in fine pro venit *מללל* *cranium montis*, non quod Adami calvaria ibi tumulata esset, sed quod ibi facinorosi vitâ mulctarentur, ut benè monent Jansenius in *Concordia Evangelica cap. 143.* Grotius in *notis Evangelicis pag. 485.* Vossius in *Harmonia Evangelica lib. 2 pag. 357. seqq.* Excipiunt: Supplicium istud apud Hebræos nec lege sancitum nec consuetudine invenimus approbatum, quod gladio ferirent, Spontaneus in *Epitomâ Annalium pag. 33.* Jacobus Gretserus *lib. 1. de Cruce cap. 18.* Respondeo: Contrarium est verum, secundum expressam literam Thalmudis, *suprà dist. 1.* & exempli, *1. Regum 2. 25. 34. 46. 2. Regum 10. 7.* Tum quoque post subactam à Romanis Iudæam gladio punierunt reos, uti patet, *Matth. 14. 10. Act. 12. 2.*

IX. Sextum: *Et crucifixerunt eum.*] Matth. 27. 35. Marci 15. 25. Lucæ 23. 33. Johan. 19. 18. Servator ita prædixerat olim, *ego si exaltatus fuero à terris, omnes traham post me ipsum,* Ioh. 12. 32. 33. Intelligit τὸν συνωστῶν, & cum addit, πᾶς τὰς ἐθνῶν, notat quod sententiâ judicis in se animadvertendum esset. Qui enim ad supplicium abducuntur, omnes ad spectaculum illud trahunt. Simulad
cru-

crucem ventum erat, spoliabant hominem, & sic in eam dabant. Artemidorus: *συνίσταται ἀγαθὸν τῷ πόνῃ, ὅτι ὁ ὕψιλος ὁ σπασθεὶς, τῷ δὲ πλεονεξίᾳ βλάπτει, γυμνὸς δὲ σπῶνται, lib. 2. Onirocriticorum cap. 58.* Ergo nudi in crucem dati sunt: jacentem verò illam, an verò erectam? Quod in erectum crucile allevati sunt plerumque haut possunt negare Lipsius lib. 2. de Cruce cap. 8. Menochius l. d. quest. 10. attamen fuisse in crucem jacentem datos quandoque probare conantur: Pro jacente dicunt vetera *Αἴα de Pronio Martyre*: Ultrò se vestimentis spolavit, & in cœlum suspiciens, ac Deo gratias agens, super lignum seipsum extendit, militique tradidit, ut clavis confingeretur. Satis clarè, atque etiam mox clarius: Eum igitur ligno fixū crexerunt. Dici nihil potest quin fixio hic in jacente facta fuerit, quæ post erecta. Et ratio etiam aliqua suadet: Nonne enim facilius hominem sic affigere supinum & inclinatum, quàm tollere in erectam, pendulum, labentem vacillantem? *Hec illi.* Sed non credo usurpatam istam in jacente cruce fixationem, nisi præter morem, & exempla puto nulla exstare, nisi cum fortè manus Scriptorum in referendo aberravit, quod in Veterum actis solenne est. Attamen hæc de Pionio relatio non obstat. *Super lignum seipsum extendit*, tunc cum staculo insedit ultrò, ac manus ad patibulum cornua religatas clavis insuper figendas obtulit. *Et eum ipsum ligno fixū crexerunt*, videlicet crucifixum applicuerunt palo arrectario. Non etiā quod palum erexerint deinde, uti quidem putat Lipsius. Ratio ejusdem nihil persuadet. Facillimum erat hominem in staculo sedentem, atque expansas manus præbentem clavis figere. Tantò difficilior hoc videri poterat Lipsio,

quod ille staculum ignorat, potuerat verò addiscere ex Irenæo, qui Crucem ita deformat: *Ipse habitus crucis fines & summitates habet quinque, duos in longitudinem duos in latitudinem, & unum in medio, ubi requiescit qui clavis configitur, l. 2. adversus gentes c. 42.* Hæc verba Irenæi adducit ipse l. 2. de Cruce c. 10. & porro addit illa Iustini Martyris, *ἐν τῷ μίσθῳ πηγνύμενος ἐξ ὧν ὡς κίχας ἢ ἀπὸ ἐξέχον ἴσται, ἵψ ὡς ἱποχῶται οἱ σπῶνόμενοι.* Verum sensum nō vidit suppedanio intricatus, quod ipsū tamē an credat, an repudiet, certò secum statuere haut potest. Cæterum de staculo plura dicemus *infra dist. 12.* ubi est de Crucis partibus Cicero pro Rabirio: *In campo Marcio crucem ad civium supplicium figi & constitui jubet.* Stabat ergo jam defixa, dum causa diceretur & Cruciarium suum expectabat. Iosephus de Iudæo quodam à Romanis capto, ὁ δὲ βάλατο περιεταξέσθαι τὰ περιεταξέσθαι, ὡς ἐν τῇ κρημνῇ τὸν ἑλπίσσαν. Statui primū, deinde suffigi. Idem cognoscimusex illo Titi Quintii epigrammate in Alcaum Poëtam, ἀφελαιτο ἢ ἀφύλατο, ὁ δὲ ὁπὸς τῷ δ' ἐπὶ νύτῳ ἀλκαίῳ σπῶνόμενος γινεται ἡλίκας. Fronde libroque carens super isto monte viator, Ut crux Alcaei figitur alta, vides.

X. Erant cruce alix simplices, alix compactæ. Simples habebant tantum palum arrectorium, ad quem facinorosus clavis manus pedesque affixus pendebat, uti docet Lipsius lib. 1. cap. 5. Quanquam crediderim, talem crucem pingi magis à Lipsio, ac ut defendat exemplis. Cæterum eò pertinet *Crux acuta*, uti vocat Seneca Epist. 101. ubi sunt verba Mecænatidis, quæ ita legit Joh. Frid. Gronovius: *Vita dum superest, vera est, Hanc mihi vel acuta Si sedeam cruce suffigere.* Quod verò Lipsius animi anceps ve-

hunc sensum longè optimum, obscuris quibusdam coniecturis ductus incertum facere (notis ad l. 1. de Cruce pag. 83. omninò frustrà est. Dicit: Seneca velut interpretans subdit, suffigas licet & acutam seiluro crucem subdas, est tanti vulnus suum premere & patibulo destitutum pendere. Atqui pendere & patibulo quidem vix est, ut conveniat in crucem acutam. Sic ille. Convenit optimè, quando patibulum usurpat de unico ligno etiam, in quo homo quomodo communque expansus dolorosam vitam trahit, moriturus tunc cum supplicii exactor iussit. Et quare non dicatur aptè pendere? Namque velut sedendo pendet cruciarius, quando in pali vertice retinetur ne prolatur ultrà. Porro quod Dillherrus libro de crucifixione Jesu Christi pag. 57. Georgius Calixtus in prælectionibus de Cruce pag. 4. Joh. Henricus Meibomius libro de vita Mæcenatis cap. 24. num. 20. 21. interpretantur acutam crucem de illo qui insidet crucifixus staculo prominenti à crucis arrectario stipite, illud, inquam, inconveniens omninò est, ac repugnat literæ manifestæ. Sedebant in acutâ cruce, qui palo adacto per sessum ità inhærebant fixi, ut ne in terram proruerent. Hanc eandem indigitat Arnobius verbis illis, ne velut trabalibus clavis affixi corporibus hæreatis, lib. 2. pag. 51. Trabales clavos de palis adactis per corpora noxiorum explicat Elmenhorstius in notis pag. 70. Describit Seneca: Cogita hoc loco carcerem & cruces, & eculeos & uncum, & adactum per medium hominem, qui per os emergat, stipitem, Epist. 14. Notanter, qui per os emergat, inde Lipsius lib. 1. de Cruce cap. 6. pingit, ut cuspis ferrata transadacta cruciario

per sessum, emineat sursum per os. Corrigit Fontanus Relponso de Cruce, non ex ore quidem, ut pingitur apud Lipsium, sed ex humero, pag. 8. Atqui Lipsium tuentur manifeste verba Senecæ, & fieri potest, ut alibi per os, alibi per humeros extrusa cuspis infingeret palo miserum. Ex humero protrudunt hodiè Turci, neutro modo Europæi, sed hi palum ità adigunt per corporis interiora, ut caput perforet, doloremque citius finiat. Rursum Seneca: Video isthic cruces, nec unius generis, sed aliter ab aliis fabricatas. Alii capite converso in terram suspenderunt, alii per obscena stipitem egerunt, Consolat. ad Marciam cap. 20. De crucibus inversis plura dicemus infra à dist. XIII. Ad hoc crucis genus refecti debet illud Pauli sensu figurato prolatum, σκόλοψ τῇ σαρκὶ ἰδὲ θηραι 2. Corinth. 12. 7. σκόλοψ hic est crux, itaque Lucianus in Peregrino vocat Jesum Nazarenum τὸν ἀνασκολοπιθέντα σφοδρῶς. Quem crucifixum scimus.

XI. De compactâ dissertit Menochius: Compacta erat triplex, decussata, commissa & immissa. Decussata est, in quâ duo ligna inter se obliquantur, & ità componuntur, ut figuram literæ (X) exhibeant. Vocatur quoque Crux Andreæ, quoniam Divus Andreas hujus generis cruci affixus est. Commissa illa est, in quâ ligno uni erecto aliud brevis superimponitur, ità ut exhibeat formam literæ (T) majusculæ. Immissa illa est, in quâ lignum longum, vel stipex supra lignum transversarium eminet, (+) quæ eminentia crucem hanc distinguit à commissa. Hinc intelligitur, cur apud Ezechielem cap. 49. 4. dixerit Dominus Angelo: Transi per mediam civitatem Jerusalem, & signa Theu super frontes viatorum gemen-

mentum. Voluit Dominus pios illos munitos signo crucis, quæ literæ ejus figuram habuit apud Hebræos, & Christi sanguine deinde consecrata est, ut intelligerent vi crucis salutem sibi parari. Testatur Hieronymus, antiquis Hebræorum literis, quibus usque hodiè Samaritani utuntur extremam Thau crucis habere figuram, quæ in Christianorum fronte pingatur, & frequenti manus inscriptione signetur, *commentario ad cap. 9. Ezechielis*. Hactenus Menochius l. d. secutus Iustum Lipsium lib. 1. cap. 7. Gretserum lib. 1. cap. 1. Respondeo: Crux decussata est fabula, ac solo Andreæ supplicio nectitur. Non parum dubitat Lipsius de istis Actis, & fabulosa plurima addita esse, fatetur Spondanus in *Epitoma Annalium* pag. 124. num. 13. Commisissa perindè confingitur, ut evincunt rationes, tum quod crux omnis præferebat elogium, itaque in Constantini Imperatoris nummo, quem commentariis illustant Josephus Scaliger & Marquardus Freherus, exprimitur Crux immixta, id est, quæ titulum habet; tum quod non poterat ex illâ cruciarius patibulo alligatus appendi Pingit quidem Lipsius, ut factum sit per crenam in verticis summitate, verum oppidò patet, esse figmentum. Immissa umice Crux fuit ubi ad verticem erat positum elogium, & paulò infra verticem erat ramus ab scissus, pavilli vice, in quo antenna suspensa dirigebat cruciariam, ut subsideret ad staticulum. De loco Ezechielis constat, Thau ibi valere nominaliter, ut dicatur *signum*, quomodo Ariz Montanus expressit Notionaliter accipit Hieronymus, ut litera Thau fuerit hominum frontibus inscripta, quæ formam crucis repræsentat in veterum Phœnicum & Hebræorum Alphabeto,

quod ab illo describunt Hieronymus de Prado, Cornelius à Lapide, Jacobus Tirinus Wilhelmus Estius *annotatis ad Ezechielis* p. 570. Validè autem redarguunt Josephus Scaliger in *Animadversionibus Eusebianis* pag. 109. 110. Casaubonus in *Exercitat.* 16. 78 Joh. Michael Dilhetus *Tomo 1. Disputationum Philologicarum* p. 51. negantque, ità esse in Alphabeto. Si Hieronymus, ait Scaliger, consuluisset Alphabetum Samaritanum aliter pronunciasset, neque secutus esset fidem Origenis, qui neque ipse viderat, sed aliena fide id scribebat. Visuntur quidem hodiè Sicili, qui quotidie Ierolymis effodiuntur, & sub Regibus Juda in usu fuerunt. In illis nummis eadem literæ incusæ sunt, quæ in scriptis Samaritanorum leguntur sine ulla vel exigua mutatione, & putare veterum Hebræorum alias literas fuisse, quàm quæ in illis Sicili visuntur, & sub Regibus Juda in commerciis Judæorum erant, extremæ insanix & imperitiæ est. Hec ille. Nos equidem haut negamus, veteres Phœnicum, Hebræorum, Samaritanorum literas esse prorsum easdem, & hanc sententiam defendimus libro de *Scriptura sacra Exercitat.* 13. *sect. 1. seq.* Verum novimus, unius literæ plures figuras esse, adeoque licet ejusmodi Thau quod formam crucis immixtæ repræsentat, non perindè occurrat in libris Samariticis, quos literis Samaritanis apud Gallos, Batavos, Britannos, Helvetios ediderunt viri docti, Waltonus, Castellus, Morinus, prostat tamen ejus figuræ in Alphabeto Samaritano, quod prodiderunt R. Asarias mantuanus in *Aseor Enaiim* p. 171. Wilh. Seichardus in *Bechirath Happeruschim* p. 80. Veteres siculos literis Samariticis insignitos, ubi Thau est in forma crucis, habent Villalpandus

duſ in Apparatu ad Templum Ezechielis, & Cl. Hottingerus *Differtat. de Nummis Hebraeorum Tab. 3. num. 3. 4. 5. Tab. 5. num. 4.* Sed de myſtico ſenſu non contendemus ultrà Immiſſa Crux erat vel recta vel inverſa. Recta eſt, in quam facinoroſus levabatur capite ſuſum verſo.

XII. Hæc conſtabat tribus partibus, arrectario ligno vel ſtipite, qui erectâ ſtatione in terrâ deſigebatur, & Crucile dictus eſt: ligno tranſverſario, quod patibulum & antenna vocatur, atque diſſeſſis brachiis Cruciarîi alligabatur, cum traduceretur per ora populi & à lorariis cæderetur palâm. *Alins te cinget*, eſt Johan. 21. 18. Cinctio illa eſt brachiorum religatio ad patibulum, uti dictum eſt *ſuprà diſt. 3.* & verè ait Theophylaſtus commentariis ad h. l. τῆς ἀν' ἑσπερὶς ἐκτασθὶν ἐπὶ τῷ δέσμῳ δ' ὀνόμαζον. Tertullianus in Scorpiaco: *Tunc Petrus ab alio cingitur, cum cruci adſtringitur.* Nam deinde clavis etiam figebantur in crucile adducti, quomodò pedes in congruâ parte ſtipitis non vinciebantur tantum, ſed quoque clavis conſigebantur. Lucanus: *Laqueum nodosque nocentes Ore ſuo rupit: pendentes corpora carpsit, Abraſitque cruceſ,* lib. 6. Laqueus nodique nocentes ſunt vincula, quibus nocentes religabantur ad crucem. Paulò poſt: *Inſertum manibus chalybem.* Notantur clavi ferrei. Quod verò laqueum ad illos quibus gula frangitur laqueo, reſert Petrus Faber lib. 3. *Semeſtrium cap. 16.* in eo luculenter aberrat. Quid enim illi ad cruceſ in propatulo erectas? Et quod Calixtus *preleſtionibus De Cruce p. 2.* ſcribit, *ſines alligatorū in cruce nullo auctoris deſſe adſtrui poſſe*, falſū perinde eſt, uti conſtat per teſtimonia ſacta profana, quæ mo-

dò protulimus. Tertia erat ſediſe, id eſt, lignum ſeſſile, quod à medio pali arrectarii prominebat, ei que inſidebat cruciarîus, ac ſubſidentis corpus hinc inde ſuſtinebatur cruribus pendulis. Staticulum vocat Tertullianus lib. 1. *adverſ. nationes cap. 11.* deque illo meminerunt Juſtinus in *Tiſyphone*, Irenæus lib. 2. *cap. 42.* teſtes certæ fidei, quoniam ævo illo cruceſ durabant. Et quam Nicol. Fullerus lib. 4. *miſcelian. ſe. 10. rum cap. 12.* velut conjecturis quibuſdam ſtaticulum iſtud evertere, fruſtrâ tamen agit. Maniſeſta ſunt verba Juſtini, ἐφ' ὧς ἰμῶνται. Ergò inter femina hoc habebant cruciarîi, ei que velut inequitabat, quod eſt ἰμῶνται. Tertullianus ait: *Pro ornus autem medio ſtipite palus*, libro adverſus Judæos cap. 10. Unicornem palum vocat, quia unum tantum cornu ex anteriore crucis parte eminendo habuit. Quartam partem addunt Gretſerus lib. 1. *de Cruce cap. 42.* Dilherrus Tomo 1. *Diſputat. Philologicarum pag. 505.* Calixtus in *Concordia Evangel. lib. 6. cap. 13.* Bellarminus lib. 2. *de Imaginum cultu cap. 26.* Jacobus Gotſæfredus *notis ad lib. 1. Tertulliani adverſ. nationes pag. 119.* Nicolaus Fullerus l. d. *Barradius Tomo 4. Concord. Evangelice lib. 7. cap. 13.* Joſephus Scaliger in *animadverſ. Eufebianis pag. 109.* Caſper Bertram *notis ad Evangelium Matthæi p. 808.* videlicet ſuppedanium lignum, in quo cruciarîi pedibus inſiſterent, ac veluti requieſcerent. Verum iſto ligno haut opus eſt quando corpus cruciarîi poterat tolli & levari citrà illud ſuppedanium. Hoc enim, quanvis, maxinè ponatur ad ſuſtinendam corporis molem fuiſſe commodum non potuit ſufficere, ſtaticulo (quod eorum plurimi cupiunt) remoto. Corpus & pedes

des, quò arctius recto stipiti applicantur, eò illud prorsum ruit pronius. Ergò verè dicendo, patibulati corpus requiescebat in staticulo, inque eodem consistens carnifex dispeffas alligataq; in patibulo manus, doloris proliciendi causâ clavis figebat. Ità neque scalis opus fuit, quas præter historiam & veterum fidem appingunt Iustus Lipsius *notis ad lib. 2. de Cruce pag. 88.* Thomas Bartholinus in *Epistolis Medicis Centur. 1. pag. 393.* Nummus verò ille Constantinopolitanus apud Lipsium (*notis ad lib. 2. de Cruce p. 90.*) in quo est Crux Servatoris cum suppedanio, à recentiori editione est, quæque nullam meretur fidem.

XIII. Crux inversa est, inquam facinorosis levabatur capite deorsum versò. Testimonium Senecæ habes suprâ *dist. 10.* De Petro Apostolo est communis relatio, inversâ cruce periisse, Eusebius *lib. 2. histor. Ecclesiast. cap. 25. lib. 3. cap. 1. & 14.* Irenæus *lib. 3. c. 1. & 3.* Tertullianus *libro de præscriptionibus hereticorum*, Augustinus *Sermone 28. de Sanctis*, Theodoretus *Oratione de Charitate*. Eodem sensu audiamus Prudentium: Prima Petrum rapuit sententia, legibus Neronis Pendere iussum præminente ligno, Ille tamen veritus celsæ decus æmulando mortis Ambire tanti gloriam magistri, Exigit ut pedibus mersum caput imprimant supinis, Quò spectet imum stipitem cerebro, Figitur ergò manus subter, sola versus in cacumen. Hoc mente maior, quò minor figurâ, *libro de Coronis Carm. 12.* Refert idem Patricides in *Originibus Alexandrinis*, quas Johannes Seldenus ab Oriente alatas edidit. De Calliopio Martyre, versò in terram capite cruci affixus est, Baronius in *Martyrologio Romano pag. 155.* De aliis

in Ægypto martyribus prodit idem Eusebius *lib. 8. histor. Ecclesiast. cap. 8.*

XIV. Septimum: *Et crucifixi erunt cum eo duos latrones.* Matth. 27. 36. Marci 15. 27. Lucæ 23. 33. Johan. 19. 18. Contendunt Grotius & d. Thomas Bartholinus *libro de aperto latere Christi cap. 17.* Daniel Heinsius *exercitationibus sacris ad Nonnum pag. 515.* illam crucem, in quâ affixus Jesus exspiravit, altiore præ duabus aliis fuisse, in quibus latrones defuncti sunt. Res non est, conjectura verò est. Hoc tamen certum est: Crux eò infamior erat, quò altior fuit, uti constat de cruce Mardochei, *Esthera 7. 9.* Si exemplum edenda essent in viro famoso & ob delictum atrox, aut si hoc supplicio esset afficiendus ille, cujus odium erat apud omnes flagrantissimum, de pangebatur crux altissima. Justinus de Cartalone, in *altissimam crucem in conspectu urbis suffigijussit*, *lib. 18. histor.* De Galbâ Suetonius: Implorantique leges & civem Romanum se esse testificant, quasi solatio & honore aliquo prænam levaturus, mutari multoque præter ceteras altiore & dealbatam statui crucem passus est, *lib. 7. c. 9.* Altiore ut digniori, albatam ut civi qui gestabat vestes albas, quod diximus *lib. 4. Antiquitatum Romanarum cap. 5. dist. 8.* Improbò patibulo eminens affigatur, est in fragmentis Salustii *lib. 4.* (& ibidem Salmastius in *observatis variis Antonii Thyssii pag. 467-468.*) Improbò, id est, excelso, quomodo improba puppis dicitur apud Silium Italicum *l. 13.* ubi improba est idem quod maxima, quomodo exponit D. Heinsius in *notis ad h. l. pag. 131.* Hoc si observetur, non movebunt quæquam conjecturæ Lipsii, quas adfert *notis lib. 3. de Cruce pag. 92.* Patibulum verò hoc loco pro totâ cruce ponitur. Di-

veritatem istam cognoscimus ex epigrammate hoc Lucilii, *μακροτέρῳ στυγῶ στυγέμενον ἀδελφάυτην, ὁ φθονὸς διέφρων γὰρ ἐδωκεν*, Cum Diophon cruce suffixum majore videret, Altius esse alium, tabuit invidiâ.

XV. Octavum: *Et dederunt ei vinum myrrhatum.* [Matth. 27. 34. Marci 15. 23. Nihil tale apud Romanos fuit, sed ita Ebræorū consuetudo ferebat. Consuetudo inquam, paulò post reditum è captivitate Babylonica adhibita, uti nos docet Maimonides *Expositio-ne ad ידן כד cap. 13.* In Legge Moysi nihil simile reperias, neq; aliàs in sacris literis. *Menochius* scribit: Hanc Judæorum consuetudinem probare possumus ex Amos 2. 8. ubi hoc legimus, *vinum damnatorum bibebant in domo Dei sui*, id est, bibebant vinum generosissimum & aromatibus conditum. quale cruciarii ad levamentum doloris præberi mos erat, *l. d. quest. 7.* Nequa-liter Spondanus in *Epitome Annalium p. 32. num. 30* Hieronymus à Prado *commentariis ad Ezechiel. 23. 31.* Respondeo: Tempore Anioh Propheta non erant cruciarii, uti dictum est *suprà dist. 1.* & verò adductus locus ita sonat, *apud omne altare etiam vinum damnatorum biberunt in delubris suis.* Damnatorum id est, per vim & fraudem multatorum. Hoc benè exprimunt Alexandrini, *ἐν τῇ σὺν-θαντῶν.* Indè perceptum precium contulerunt in solennitate publicâ, ut largissimè comessarent, apud Altaria, postquam vitulis sacra fuerant. Cæterum dabant cruciariis vinum myrrhatum, idè ut externaret velut ficinorosos ne dolores mortis sentirent. Est enim hanc myrrhæ efficaciam, scribit Galenus *lib. 15. simplicium cap. 19.*

XVI Nonum: *Et diviserunt vestimenta ejus.* [Matth. 27. 35. Marci 15. 24. Lucæ 23. 34.

Johan. 19. 23. Pallium (quod Romanorum togæ respondebat) divisum in partes, acceperunt plures, tunicam verò integram sortito arripuit unus miles, ut prolixè disserit Casaubonus *Exercitat. 16. sect. 84.* & illi adde Balduinum Walæum *commentario perpetuo ad Evangelia pag. 993. 994.* Octavium Ferrarium *l. 3. de re vestiaria cap. 16.* Johan. Doischeum *Opusculo de tunica Christi in consilio cum consutatione fabule Trevirensis.* Hoc quoque veniebat ex more Romano: Milites enim qui supplicia ex sequebantur spolia facinorosorum sibi capiebant, ut videre est ex rescripto Cæsaris Adriani, *l. d. vus D. de bonis damnatorum.* An vero Servator post Resurrectionem suam vestibus opertus incesse-rit, ociosè disputat, & nudum fuisse defin- it Richardus Montacutius *Tomo 1. Originum Ecclesiast. pag. 460.* Ante eum docuerat idem Alphonus Toftadus *paradoxo sc. 34.* ubi rationem adfert, quia si vestibus amictus fuisset non potuisset lateris vulnus ita expedite monstrare Apostolo Thomæ, eique contrectandum præbere. Conatur refellere Cornelius à Lapide *commentariis ad Acta Apostolica pag. 49.* ubi ait Servatorem induisse vestes, & verò illas in latere apertas habuisse, ut vulnera, posset manibus apprehendi, & oculis usurpari Probat, quia Sociis ad Emahuntem euntibus apparuit sicut peregrinus & quia in Magdalenæ oculis apparebat esse hortulanus. Habebat ergo vestes, quæ peregrino & hortulano velut propriæ esse videri poterant. *Hec ille.* Ego non video, quamobrem glorioso corpori Servatoris illud statim post resurrectionem erat, vestes addere debeamus Apparuit tunc solum cum voluit, radios ad hominum visum emittendo, quorum beneficio visibile erat. Et horum radiorum con-

figuratio varia aliam nunc, aliam aliàs speciem corporis repræsentabat in oculis hominum, ut non semper agnosceretur. Non ergo à vestium mutatione fuit, ut nunc peregrinus, nunc hortulanus esse videretur. Plura dicemus loco alio.

XVII. Decimum: *Et sedentes servabant eum ibi.* Matth. 27. 36. Ne de crucibus detraherentur mortui per amicos & cognatos, adijungebantur milites excubitores, quod vetustissimum est, uti de Ægyptiis refert Herodotus lib. 3. Petronius Arbiter in *Satyrico*: Miles cruces asservabat, ne quis corpora detraheret ad sepulturam, pag. 140. Rursus Plutarchus de Cleomene, ὁλίγαις δὲ ὕστερον ἡμέραις ὅς τὸ σώμα τῷ κλεομένει ἀναστρωμένον φυλάττονται, ἵδον δὲ μὲν γινώσκοντα τὴν καὶ παλὴν περιπεπλεγμένον, in *vitis illustribus* pag. 224.

XVIII. Undecimum: *Pilatus scripsit titulum & posuit super crucem.* Matth. 27. 37. Marci 15. 26. Lucæ 23. 38. Joh. 19. 19. 20. Titulus exprimebat mortis causam, & loco supremo ad verticem crucilis affigebatur, Dion Cassius, διὰ τὴν ἀγορὰν μίσης μέγα γραμμαῶν τὴν αἰτίαν τῆς θανατώσεως αὐτῆς δηλῶντων διαγαγόντων. καὶ μετὰ ταῦτα αὐτὸς αὐτοῦσαντος, l. 54. hist. Martialis:

Traducta est titulus,

libro spectaculorum Epigram. 4. Sicenim locum prava lectione,

Traducta est Getulis,

deturpatum, emendat Lipsius *notis ad lib. 2. de Cruce* c. 11. Ramiresius *notatis ad h. l. p. 8.* Titulum vocat quoq; Suetonius l. 4. c. 32. (ubi servi furis supplicium describit) & l. 12. c. 10. Cælatura fuerit, an Scriptura, dubitatur. Daniel Heinsius *Aristarcho ad Nonnum* c. 9. & 28. putat fuisse cælaturam, ἐκτυπηπωμὴν ὡς γράφει & vocant Græci. At scripturam

fuisse, disputant Salmasius *libro de modo usurarum* p. 674. seq. & *Epistola. I. de Cruce* p. 284. seq. Balduinus Walæus *commentario perpetuo ad Evangelia* p. 989. 990. Quomodo titulos & tabellas dealbatas inde calamo & atramento inscriptas, ut scire possent, quorum intererat, palam affigebant Græci & Romani, atq; illi quidem λεύκωμα vocabant, hi Album, uti diximus l. 2. *Antiquit. Romanarum* c. 3. dist. 7. Postremæ huic sententiæ favent verba Evangelistarum planissima, αἰτία γε γραμμῆς ait Matth. ἡ γράφει γραμμῆς adjunct Marcus & Lucas, ἡ γράφει τίτλον ait Johannes. Quæ omnia docent, scriptam fuisse criminis causam, non vero sculptam. *causa* λέξις eodem sensu appellat Nicephorus lib. 8. *histor. cap. 29* id est tabulam albam nigris literis depictam.

XIX. Duodecimum: *Stabat autem juxta crucem mater ejus.* Joh. 19. 25. Quod omnes dici possint sublimes pendisse, qui affixi erant cruci, non est dubium. Nam & nocentes in crucem tolli, levari, dicebantur, aut etiam inscendere eam. Itaque vulgares cruces non erant admodum altæ (1.) Quia eam inscendebant facinorosi, cum in statico sedebant. (2.) Quia ut morentur, hastis confodiebantur, aut laniebantur à canibus: humiles ergo fuerunt. (3.) Quia poterant in eâ herere, & proxime adstantes oppellare ut perciperent eloquia, uti Jesus alloquitur matrē. (4.) Quia titulus ad caput cruciarii poterat deponi & legi ab omnibus, id quod esse non potuit, si cruces nimium attollerentur.

XX. Decimum tertium: *Unus militum lanceatus ejus fodit.* Joh. 19. 34. Annotat. Calixtus, *vel ex perulamiâ & insolentiâ militari, vel periculû faciturus, an bona fide obvisset, in Concordiâ Evangel. lib. 6. c. 15.* Nihil horû de vero est. Lanceâ confixit latus sinistrum

strum Redemptoris, non ut exploraret, an mortuus esset, verum ut animam agentis (quomodo putabat ille) vitam omnino eriperet, finiretque dolores. Cor perforavit inde enim sanguis provenit, & ante quidem eodem ictu lēlit pericardium, quod continet aquę copiam pro cordis exstantis refrigerio, ait Hippocrates, *lib. 2. de Corde*, & prolixę confirmant Bauhinus *lib. 2. Anatomia pag. 203. 204.* Andreas Laurentius *lib. 9. historia Anatomica cap. 347.* Andreas Velalius *lib. 6. Anatomie cap. 8.* De aqua illā testatur quoque Galenus *lib. 5. de locis affectibus cap. 2.* Naturaliter igitur aqua illa profluxit de corde dependentissimę cruce Servatoris, uti nobiscum docent Ariz. Montanus, Beza, Grotius, Tirinus, Daniel Brenius *notatus ad h. l. Torniellus in Annalibus sacris Tomo 2. pag. 395* Quod enim Joh. Maldonatus, Cornelius *ad h. l.* Cornelius Jansenius in *Concordia Evangelica cap. 143.* Georgius Blavius *notis ad Syntagma Anatomicum Veslingi pag. 146.* disserunt miraculosum fuisse profluvium aque de vulnere, frustra certē sunt, nec enim alio sine hoc refert Evangelista, quam ut doceat, perfectō vulnere suscepto Christum verē mortuum fuisse. Dicit *Blossius*: (1.) Jam ante constabat, eum verē mortuum esse, *Johan. 19. seqq. Respondeo*: Verē defunctus quidem erat, sed tamen volebat miles addere supplicio, quod hactenus illi deerat. (2.) Aqua illa de pericardio non profluxisset extrā thoracis cavitatem. *Respondeo*: Mortis illatę causā proxima describitur itā expresse, ne dubitetur, verē moriendo nobis per omnia similem factum esse, & mortis robur fregisse, *Hebr. 2. 9. 10. 14.* (3.) Sanguis qui effluxit copiosus erat, itaq;

non poterat ab illo discerni modica aqua illa, quę penes cor residet. *Resps.* Quantulacunque illa est, sufficit quod pericardio tacto deflueret extrā vulnus modico rivulo. Scilicet, cruciatu moriebantur in crucibus, & non per ipsas. Alios in cruce ustulabant, alios bestis immisissis lacerabant, alios hastis fodiebant, alios crura frangebant, alios fumo de viridibus lignis provocato enecabant. Exemplā referunt Lipsius *lib. 2. de Cruce cap. 24. lib. 3. cap. 10. 11.* Julius Cæsar Bulengerus *libro de Venatione Circi cap. 36.* Sed & quidam ante jugulati, post in cruce suffixi esse leguntur, quomodo Julius Cæsar piratas suos punivit, Suetonius *lib. 1. cap. 74.* Fanie absumptos esse de consuetudine Romanā, haud facillē reperias, quamvis itā præsumant. Petrus Faber *l. d. Liplius lib. 2. cap. 12.* Verum exemplā nulla proferunt.

XXI. Decimum quartum *Josephus accessit ad Pilatum, & postulavit corpus Jesu* Matth. 27. 58. Marci 15. 43. Lucę 23. 52. Johan. 19. 38. Quando cadavera supplicio affectorum dabantur amicis ad sepulcrum, cum illi rogabantur gratia aliqua erāt, ut Pauli & Ulpiani responsa docent, *ff. Tit. de cadaveribus punitorum*, & illis addē Petrum Fabrum *lib. 2. Semestrium cap. 9.* Jacobum Durantium Castellium *lib. 1. variarum Leli. cap. 4.* ubi etiam adferunt exemplum Josephi rogantis pro cadavere Servatoris. Verum hoc potius erat secundum leges Ebræorum, *Dent. 21. 23.* & mores eorum (quod refert Maimonides in *Expositione* מנהג עמים c. 15.) quibus vetitum erat, cadaver insepultum relinquere, ne pollueretur terra, & jumēta possent aliquandō,

Vellere crescentem de nostris ossibus herbam,

Lucano dicente. Die illo quo enectum erat,

in,

in terram defodiebatur, & volebant Romani permittere, ut ita fieret. Alii *passcebant in cruce corvos*, teste Horatio lib. 1. Epist. 16. Et Lucanus refert, *percussa que viscera nimbis & incollas admissa Sole medullas*, lib. 6. De corporibus in cruce relictis situque marcidis agit. Plauti locus adductus est *suprà dist. 1. Genes 40. 19. Cum adhuc tertius futurus est dies, recensens Pharaonem, facies ne sit deinceps recensio tui, & suspendet te deligno, sic commendent volucres carnem tuam*. Ergo secundum mores veterum Ægyptiorum facinorosi in cruce permanebant. Annotat Franciscus Junius: *Recenset se Pharaon.*] Cum familiam & servitum omnia lustrabit, tenumerabit quoque in illorum catalogo: Olim officiorum nomina in albo sive abaco inscripta erant, secundum ea fiebant foramina in abaco, in quæ foramina indebantur clavi capitati sive paxilli, quibus solebat informari & ante oculos haberi expediri rationamentum, dierum, annorum, officiorum, actionum servitorum, pecuniarum attributorum vel numeratarum, & similium. Sic annalem clavum depactum fuisse à Pontifice, author est Festus. Sic diribitores, qui distribuendo Cæsarium donativo inter milites præerant, si quibus dederant annotabant clavis impactis in abacum, & inde clavarii à Tacito appellantur. Sic alia multa. Hunc clavum Ebraei vocant caput: foramen abaci basim. Itaque tollere caput nihil aliud est, quam per clavos servitia recensere, sive retineantur ut vers. 13. sive eximantur, ut vers. 19. Sic ille, & eodem ferè sensu Aben El dras commentarius ad h. l. Quæ vero aliàs in literis sacris exstant post ævum Prophetarum descripta & auctores habent divinæ eruditione celebres Sapientes עֲמֹנִי, uti sunt Proverbia *super*

plementa cap. 30. 17. de cadaveribus abjectis referunt, quoniam hæc talia Barbarorum apud quos vixerant in exilio, moribus conveniebant, uti dictum est in Libro de Scriptura sacra Exercitat. 12. dist. 2.

CAPUT OCTAVUM.

De Jure circa Bellum.

SUMMARIA.

1. Definitio Belli.
2. Belli causæ justæ.
3. Modus gerendi bella.
4. Hostes gerendi.
5. Gentes incultæ moribus.
6. Bellum terrestre, navale.
6. Bella sunt licita.
8. Bella in veteri fœdere.
9. Militum piorum exempla.
10. Christiani milites.
11. 12. Solvuntur rationes contrariæ.
13. Princeps inter prælia.
14. 15. Equitatus & peditatus.
16. Insidiæ & proditores.
17. 18. Foris adoriri hostem.
19. 20. Cades facere in bello.
21. 22. Prædare agere in bello.
23. Bello parari veniuntur.

Bellum est, quo Princeps, armis persequitur hostes.] Bellum καὶ ἀντιπαρεὶν dictum esse, quali minimè bellum sive pulchrum tradunt Barthol. Keckermannus lib. 1. System. Logice sect. 2. cap. 1. Goclenius lib. 1. Institur. Logic. pag. 260. Schönbornerus lib. 6. Politicorum cap. 1. Verum quidem est, haud quicquam pulchrum bello inesse interim de vocabulorum notatione rectius differit Scaliger.

Nos bellum quasi duellum putamus esse dictum, quia fuit initio duellum, à duobus. Nam licet multi sint milites, duz tamen partes sunt & inter duos primum fuit bellum. Ergò quemadmodum dis bis, duorum bonum, ità duellum efficit bellum. l. 3. de re pœtica c. 90. Prolixè in hunc sensum commentatur Obertus Gifanius in *Colliethaness ad Lucretium* p. 333 Joh. Gerh. Vossius in *Lexico Etymologico* p. 69.

II. *Armis*.] Causis iustis impulsus, quæ sunt uno verbo, quod hostes jus reddere nolunt, utilitatissimè prosequuntur Albericus Gentilis l. 1. de *Jure belli* c. 5. 6. seq. Hugo Grotius l. 2. de *Jure belli & pacis* c. 1. 2. seq. Multùm in causis hujusmodi intendebant veteres Romani propterea laudati ab exteris: Vos estis Romani, qui idèò bella vestra felicia esse, quia iusta sint præ vobis fertis, neque tam exitu eorum, quod vincatis, quàm principiis, quod non sine causa suscipiatis, gloriâmini, Livius l. 45. *hist.* Eorundem carmen feciale erat: *Ego vos contestor, populum illum injustum esse neque jus persolvere.* Sæva enim res bellum est, cumulumq; secum trahit injurarum atq; insolentia, tantò magis improbares, cum propter iniquas causas geritur. Itaque apud Ebræos expiatione opus habebant illi, qui redibant à bello, quamvis iusto ad eluenda piacula, Numer. 31. 50. Cæsar laudat victorias suas sexagintà, quas Plinius cum injuria generis humani & sine gloria obtentàs esse Dicit, li. 7. cap. 25. Sed nec ille, qui bellum iustis de causis in se provocavit, debet bello peti, cum justam satisfactione offert. Rex Ezechias, cum fœdere non steteret, quod ejus majores pepigerant, Regis Assyriorum vestigales futuri ob latam adversus hostes opem, bello impetitus fatebatur cul-

pam, & Regi *benefico* solvebat multam, quæ non contentus Assyrius novum quasi bellum obtrudebat *beneficiario* suo, eadè, deportationes, everfiones agrorum atque urbium comminabatur, rursum Ezechias, fretus bonitate causæ & Deo suo confusus, vim hostium sustinebat, & denique superabat, 2. *Regum* 18. 7. 14. c. 19 35. Pontius Samnis post res Romanis redditas, deditumque belli auctorem: Expiatum est, ait, quicquid ex fœdere rupto irarum in nos cœlestium fuit quid ultrà tibi Romane, quid fœderi, quid Diis arbitris fœderis debeo? Neminem nec populum, nec privatum judicem fugio, Livius l. 2. *hist.* Ita cum Thebani omnia æqua obtulissent Lacedæmoniis, ii verò ultrà pertenderent, bonam causam ab his ad illos transivisse, ait Aristides *Leuërica prima*.

III. *Persequitur*.] Uti sunt iustæ causæ, ità modus gerendi bella debet esse legitimus, quod per inde optimè docent Hugo Grotius l. 3. de *Jure belli ac pacis* c. 1. seqq. Albericus Gentilis lib. 2. de *Jure belli* cap. 1. 2. seqq.

IV. *Hostes*.] Damnantur meritò bella & paria atrociniis esse statuuntur, quæ geruntur ideo solum, ut vicini spolientur, nostræque vires augeantur, Verissimè tradit Aristoteles 7. *politic.* 2. *bella ex talibus causis accepta esse injusta, adeoque turpe esse invadere vicinos nullius noxa compertos*, quod vero addit, *nisi illi sint barbari & natura ferri*, in gratiam Regis sui addidit contra Persas armis rem gerentis, in quo bello equidem Macedones non tam datas causas quàm acceptas proferebant. Una vera causa erat, spoliarè gravem accolam & à tot seculis potentem. Atqui: (1.) Propria Regis Cura est, conservare imperium, extendere velle non nisi ex accidente est. (2.) Po-

Populus, quem habet propriè subjectum, per turbas longè quæsitæ exponitur cædibus, exhauritur veltigalibus, impletur odiis undè seditiones oriuntur facilè. (3.) Regis salus haud consistit in eo quod est contrà naturam. Atqui vicinis in pace agentes invadere bello, tantum idèò, ut vel ab infirmiore subactò augeas imperium tuum, vel à potèntioris spoliis opes aliquas percipias est contrà naturam. Ergò bella talia damnantur.

V. Perinde falsà est opinio Johannis Genesii Sepulvedæ, qui *peculari libro pag. 423. seqq. Operum* disserit, ac laudat Thomas Campanella *libro de Monarchia Hispanica cap. 6.* quod Regibus licitum sit, gentes aliquas invadere, quamvis ab eis hætenus injuriam non acceperint, tantum idèò quod à Religione meliori sint alieni & moribus incultis utantur. Eò refert gesta Iberorum apud Indos Occidentales, ubi incolæ crudelissimè afflixerunt, & millia hominum innumera neci dederunt, Defendit factum idem Besoldus *lib. 2. de Ethicæ civilis c. 12. dist. 21.* & profert bella gesta adversus Chanaanis populos. Atqui non magis patrocinatur hoc exemplum Hispanis militibus, quàm vel Abrahami factum patricidis, *Genes. 22. f. 99.* vel Israëlitzæ cum vasis Ægyptiorum mutud sumptis abeuntis tueri possint fures, *Exodi 12. 3. seqq.* Una dominandi libido armavit, & altera divitiarum immensarum cupido arma Iberorum conservavit, in miseros Indos per vasta Oceani spatia dissepantos, ut rectè monet Thuanus *lib. 1. histor. & prolixius nobiliscum disserunt Ferdinandus Vasques l. 1. Contræ vers. illustrium cap. 24.* Franciscus Victoria *Relect. 1. de Indis num. 40* Becanus *Tomo 2. Theologia Scholastica p. 462.* Baldassar Aiala *l. 1. de Jure belli c. 2. dist. 28.* Josephus *Acosta l. 2. de procuranda Indorum salute c. 2.*

seq. Ludovicus Molina de Justitia & jure Tomo 2. Disputat. 105. Gregorius de Valentia *Tomo 3. Disputat. 1. quæst. 10.* Hieronymus de Cævallos *Tomo 4. Speculi opinionum communium pag. 195.* Negamus ergò, quod Regibus liceat bello invadere populos alios, eam solum ob causam, quia barbari & infideles sunt. Rationes sunt: (1.) Quia Natura inter omnes homines cognationem quandam constituit, jure verò cognationis alii aliis opitulari & benefacere tenemur, multò magis etiam, quod pax exigit, ab injuriis abstinere. (2) Quia non debet Rex aliquis vi cogere eos, qui non habent Religionem veram, ut veram Religionem velint suscipere. Docebat Apostolus, quod *Dens nos ad Evangelium vocat, Ephe. 1. 13.* Roman. 14. 17. 19. Neq; medietati violentia, per quæ Apostoli toto orbe prædicant Evangelium 1. Tim. 3. 16. *μαρτυρία καὶ ἡ βίβλος μυστήριον.* Ità vocat Evangelium quod humanâ industriâ nequiritur perent, & vim ad pietatem nobis ingerendam habet maximam, Mat. 16. 17. Roman. 1. 3. *καὶ ἐκώθη ἐν σαρκί.* Cepit vulgari per homines, quantum extera species ferebat, infirmus, Christum & Apostolos ejus. Vulgò legitur, *θεὸς ἐφαιγεύθη*, quæ lectio est corrupta, neq; illam habent Latini, Syri, Arabi interpretes, *ἰδὲ καὶ ἡ ἐκείνη ἐκ πνεύματος.* Per miracula plurima approbata est veritas ista, *πνεύμα* sunt miracula divina, per metonymiam, quæ est 1. Corinth. 2. 4. & alibi *ἡ φθὴ ἀγγέλων.* Angeli hoc aëtanum per homines mortales didicerunt, Eph. 3. 10. Petri 1. 12. *ἐκ προφητείας ἐστὶν θεοῦ.* Non Judæis tantum annunciata est veritas, sed & populis gentilibus, qui aheni à Deo fuerant, Ephes. 2. 12. Colos. 1. 21. *ἡ ἐκείνη ἐκ κόσμου.* id est, in magnâ parte mundi, Rom. 1. 8. Colos. 1. 6. *ἀνεκλήθη ἐκ δέξ.* Admodum exaltatum est, *ἀνεκλήθη ἐκ δέξ.*

sempe quia multo maiorem attulit sanctitatem, quam ulla ante hac doctrina. Ergo instillabant illi pietatis doctrinam in populo-
rū animos, non per carnifices, sed per humanas compellationes: non armis, sed miraculis: non ut dæmonibus addicerent animas de corporibus suis ante diem ejectionis, sed ut Angelis excitarent gaudii convertendo hominem: non ut obtruderent per eadem, sed ut docendo inbuerent: non ut simulatā pietatem extorquerent, sed ut veram animi probitatem formarent: non ut darent animum criminandi super iniustitiā persecutionis ad sanguinē, sed ut conversatione placida Dei gloriam promouerent. Restillimē dicit Lactantius: *Necessē est, ut bonum versetur in Religionē: non verò malum. Nam si sanguine & armis Religionem amplificare velis, jura non amplificabitur illa, sed polluetur & violabitur* ait Lactantius lib. 5. Institut. divinar. cap. 20.

VI. *Est q̃ terrestrē vel navale. Terrestrē est, quod in campo geritur. Navale est, quod mari geritur.* De utroq; genere belli egimus l. 3. *Recensius Antiquitatum Romanarum, cap. 4. & lib. 4. differtat. 1.* Quibus adde Justum Lipsium & Robertum Valturium libris de *militia Romana*, Thomam Rivium & Henricum Ranzovium libris de *militia nazali*.

VII. *Queritur hic: (1.) An liceat bellum gerere?* Respondeo: Negant Geisterani, Anabaptistæ. Photiniani, Confessio Hornēsis *Artic. 39* Colloquium Embdanum *Athone III.* Wegelius libro de *be li aeleſtu*, Socinus *paranēsi ad Evangelicos c. 3. & de r̃sione ad versus Palæologum p. 120. & seq.* Daniel Brennius lib. de *Regno Christi*. Ostorodius in *Instit. Germanicis c. 28.* Valentinus Smalzius *Disput. 6. contrā Franzium p. 390. seq.* Volkelius l. 4. de *vera Religione c. 16* Joh. Werdenhagen *Introduct. ad Politicam lib. 3. c. 10.*

quest. 1. seqq. Nos verò affirmamus. Rationes sunt. Prima: Quia viri Sancti in populo Judaico bella gesserunt & ab ipso Deo leges pro expeditionibus bellicis rectē administrandis acceperunt, victorias suas eidem Deo imputaverunt, *Gen. 14. 13. seq. Exodi 17. 8. Numer. 10. 9 c. 3. 127. Dent 13. 20. c. 20. 12. seq. Psalm. 18. 35. Hebr. 11. 32. seq.* Excipit Socinus: Licebat in Veteri Testam. bella gerere, quod Deus multis modis declaraverat, sed id tunc temporis non improbare. *Resp.* Atqui in Novo Testam. hauc declaravit uspiam, quod improbet bella, potius dicendum est quod approbet secundum jus Gentium, quæ pro defensione opū, honoris, corporū necessariū sunt etiā per arma uti potē dō docebimus. *Regerit:* Deus in Veteri Test. donaverat populo terrā Chanaan, adeoq; terrēnā possessionem cupiebat armis defendi, additā promissione victores fore, si Legē servarent, *Dent. 18. 7.* Sed in Novo Test. Deus nemini donavit agros, ubi terrenis opibus spretis iussit celestia querere *Mat. 6. 19. 20. In Paranēsi p. 24.* *Resp.* Atqui illa quæ Gentium jure quis possidet non minus sunt ejus propriæ opes, quam si Deus donavisset, Neq; jus hoc per Evangelium aboletur, imò stabilitur, *Matth. 5. Ephes. 6. 2. 3. 1. Timoth. 4. 8. cap. 5. 8.*

VIII. Secunda: Quia Viri Sancti in Novo Testam. collaudant militum priorū acta, dantq; illis præcepta, secundū quæ vivendo & milites esse & Deo grati esse possent. Joh. Baptista rogabatur à militibus. uti ediceret, quid ipsi deminceps agere deberent postquā quā sacrā per luti vitæ novitatem sectari vellent. Respondit, ne rapinis incumbere, utq; contenti stipendiis suis militiæ deserviret. *Luc. 3. 14.* Rectē Augustinus: Quibus propriū stipendium sufficere debere præcepit, illis militare utique

utique non prohibuit, *Epist. 5. ad Marcellin.* Regerunt : Non potest id quod Johannes Baptista milites jubet , regulam vivendi omnibus præscribere communem veluti. Johannes enim non erat novi fœderis Author, sed tantum futuri Authoris præcursor. Christus est Author ille, qui novum genus vivendi prædicavit , ab hoc igitur discenda sunt omnia , quæ ad vitam piæ & probè agendam pertinent , *Socinus* defensione contra Palæologum, pag. 385. 388. *Daniel Brenius* notis ad Evangelium Lucæ, pag. 59. *Respondeo*: Sanè Baptista erat præcursor Servatoris , adeoque prædicatio ejus fuit initium Evangelii, *Matth. 11. 12. Marc. 1. 1. Luc. 1. 76. 77. cap. 3. 18 Johan. 1. 6. 7. 8.* Debuit ergò viam munire omnibus ad Servatorem , & docere , quod cum Servatoris mente consentiret , non quod illi contrarium fore certò novisset. Novum genus vivendi, quod Christus attulit, non est tale, ut bella gerere prohibeat, neque enim alia dicit Paulus Apostolus, cùm negat, quemquam propriis stipendiis militare, *1. Cor. 9. 7.* Jubet stipendia solvere, itaque militiam approbat, quando, uti *Tacitus* dicit, nec quies gentium sine armis, nec arma sine stipendiis , nec stipendia sine tributis haberi possunt, *lib. 4. histor.*

IX. Tertia: Quia Servator ipsemet commendat piorum militum fidem , & defert petitis eorum , uti constat de Centurione ejusque milite ægroto, *Matth. 8. 8. seq.* Excipit *Socinus*: Hoc nullus est ponderis, quoniam Centurio ille homo paganus erat , & verò nondum aderat tempus, quo extraneis prædicaretur Evangelium. Ejus fidem commendat quidem Servator, non tamen illum in Regnum Dei ingressum esse, id est, novi

fœderis compotem, affirmat, *l. d. pag. 392.* *Respondeo*: Paganus fuerat hæcenus, sed profelytus factus doctrinam Servatoris amplectebatur, non obstante quod Evangelium necdum prædicatum erat apud extraneos. Scilicet Baptista multos erudiverat, & qui Judææ finibus continebantur, ejus concionibus & persuasionibus adducti, novam doctrinam cupidis animis percipiebant. Contradictoria sunt illa, *habebat fidem, sed nondum erat in Regno Dei.* Jam antè dictum est, eos, qui doctrinam à Baptista prædicatam recipiebant, novi fœderis gratiam accepisse, *Malach. 4. 5. 6. Marc. 1. 1. Luc. 3. 21. 22. Joh. 5. 33. 34. seqq.* Demùm constat, illos, qui militiam sectabantur, plurimos fuisse in Regno Dei & Servatoris fidem didicisse, *Actor. 10. 1. seq. cap. 13. 7.*

X. Quarta: Quia Christi fideles voluerunt olim cum Imperatoribus nondum ad fidem conversis, exire in militiam, adversus hostes Imperii , & armis rem gerere pro salute publica. Dicebat *Tertullianus*: Externi sumus, & vestra omnia implevimus, urbes, insulas, castella, municipia, conciliabula castra ipsa, in *Apologetico, cap. 37.* Notissima est expeditio Marci Aurelii Philosophi adversus Marcomannos, Quados, Suevos, Hermunduros, Burios, quo tempore siti marcidus exercitus imbres cœlitus impetravit, atque hoc precibus Christianorum debuit, uti testes sunt Justinus Martyr, *Apolog. 2.* *Tertullianus in Apologetico, cap. 5. & libro ad Scapulam, cap. 4.* *Eusebius lib. 5. 1. Histor. Ecclesiast. cap. 5.* *Gregorius Nyssenus Orat. 8. in Martyres,* Paulus Orosius *lib. 7. histor. cap. 15.* Ducebat Cæsar multos Christianos sub signis, imprimis legionem Melitæam, & ad eorum gloriam ipse retulit hoc,

hoc datis ad Senatum Romanum literis, ad quas in Archivo urbis depositas provocat Tertullianus, ediditque secundum exemplar Vaticanum Onufrius Panvinus *Commentariis ad librum secundum faustorum, pag. 232. seqq.* Nihil de Christianis meminit Capitolinus in *vita Antonini*, sed Imperatoris ipsius meritis ac precibus ascribit: Dion Cassius verò *lib. 71. histor.* expressè ad Magos refert, quem sequitur *Claudius* animi tamen dubius: Non tantis patriæ studiis ad templa vocatus Clemens Marce rediis: Cum gentibus undique cinctam Exiit Hesperiam paribus fortuna periculis. Laus ibi nulla Ducum, namque flammæus imber in hostem decidit: Hunc dorso trepidum flammante ferebat, Ambustus sonipes, hie tabescente solutus Subsedit galeâ, liquefactaque fulgure cuspis Canduit, & subitis fluxere vaporibus enses. Tunc contenta polo, mortalis nescia teli Pugna fuit: Chaldaea mago seu carmina ritu Armavere Deos, seu quod reor, omne Tonantis Obsequium Marci mores potuere mereri, *libro de sexto Consulate Honorii, num. 339 seqq.* Miraculi tantæ memoriæ conservavit Imperator, erectâ in urbe columnâ Antonianâ, ubi visitur figura *diæ oupseis*, Jovis Deorum maximi prolixè barbati, nubes cogentis, pluvias effundentis, grandines jaculantis. Jovem Pluvium appellabant veteres, uti dictum est *lib. 1. Antiquit. Roman. cap. 1. dist. 23.* Tibullus *Te propter nullo tellus tua postulat imbres, Arida nec pluvio supplicat herba Jovi*, *lib. 1. Eleg. 8.* Columnam renovari curavit Sixtus V. Papa, eamque deformavit Cardinalis Baronius *Tom. 2. Annal. Eccles. pag. 263.*

XL. Instant: (1.) Prædictum est, quòd in Novo Testamento bella hanc futura essent,

quòd constare deberent gladios in vomeres, quòd nemo alterum occideret, in monte sancto, *Esa. 2. 4. cap. 11. 6. 7. 8. 9.* (2.) Jubeat Servator, ut diligamus inimicos nostros, *Matth. 5. 45. seqq.* Atqui bello invadere & ad necem persequi armis, non est diligere illos, *Osfordum* l. d. *Daniel Brennius* libro de Regno Christi, cap. 8. 9. *Respondeo*: (1.) Vaticinia illa primo sensu intelligi debent pro statu æviejus, quo obfidionem ab Assyriis hostibus patiebatur Hierosolymorum urbs, sed tamen ab Esaia percipiebatur solatium, forè ut divina ope liberata, deinceps in longa pace ageret, projectisque armis optata tranquillitas passim esset, atque nemo alterum læderet, *2. Reg. 19. 29. 30. 31. 2. Chron. 32. 2. 1.* 2. 2. Sublimior expositio est de Messie temporibus, quando Evangelium orbe toto promulgabatur, non quidem armis, sed persuasionibus, vi vocis & inermibus armis, adeò ut etiam qui dissentire vellet à fide, non cogerentur ad recipiendam illam, namque Evangelium est doctrina pacis, *Luc. 9. 55. 56. Joh. 14. 27. 2. Cor. 10. 4. Eph. 6. 15.* Nihil inde sequitur adversus bella pro aris & focis gerenda, quatenus Reipublicæ interest, procurari à Regibus, ne civium conditio per invasiones hostium deterior reddatur. (2.) Servator ibi præscribit regulas vitæ, quas observare debeamus in conversatione familiari. Benefaciendum est inimicis, quando hæc tenus vitæ atque opibus nostris parcunt, neque insidias struendo, Legem charitatis priores ipsi violant. Cæterum adversus hostes publicos, seu pacis turbatores dictum est illud: *Magistratus non fert gladium frustra*, *Roman. 13. 4.* Inde argumentamur: Quicumque ob vindictam malorum armatus est gladio, ille etiam potest

potest bella gerere. Atqui Reges & Principes ob vindictam in aliorum armati sunt gladio. Ergo.

XII. Pergunt *Smalcium & Brenius*: (1.) Pro Religione bella gerere velle, improbum est. Religionem nemo ab hoste patietur eripi tibi, quatenus viro forti non potest injuria fieri. Manebit semper eadem Religio in eo, qui Deo confidit ex animo, siue pax fuerit siue bellum. Imò fervorem majorem esse in Religione tempore belli, quam pacis, res ipsa testatur. Religionem falsam imperare potest hostis, non verò obtrudere, nam qui Dei amans est, mavult perdere vitam, quam Religionem mutare. Et quare non potius vitam profundendo, Religionem defendimus, omittis armis, quando non omnes vincunt, qui se armis defendunt, quam ut defendendo Religionem, arma capiamus & sanguinem profundamus? Certè, in hoc periculum nullum salutis est, in illo verò ex nostro omnium sensu periculum esse potest. *Respondeo*: Benè se res habet, quòd vir fortis non patitur vim animo suo inferre, potius exilia mortemque subeat, quam ut Religionis veritatem, repugnante animi sensu abneget. Exempla plurima veteres & recentes Confessorum historix suppeditant. Proinde an melius sit, Religionem moriendo tueri, vel armis propulsare animorum turbatores conveniat, non est levis quaestio. Sanè, quando unius hominis negotium agitur, praestiterit fortè pati injurias, quam propulsando eas, aliorum ferociam provocare, & cadibus intestinis occasionem praebere. Cùm verò agitur res non eorum solum, qui tunc vivunt, sed posteritatis unà, Reges Ecclesiae nutritii haut permittent, ut Religionis publicum exerci-

tium ab hoste quocunque spoliatur aut abrogetur. Exemplum, quod imitari liceat, praebent Maccabæi, pars melior Judaeorum, 1. *Maccab.* 3. 1. 2. *figg.* Neque enim possunt Deo rationes praestare, qui posteris suis Religionem veram intercepterunt, aut stupore aliquo percussi, ut mori vellent per defidiam, cùm tamen vitam suam fortiter ulcisci possent, aut obsequio illegitimo compressi, ut vellent in gratiam alterius abdicare illa, quaecunque meliori jure sibi posterisque suis retinere potuissent. (2.) Nec minori cum injuria pro regione geritur bellum, quando incertum est, an ille sit obtenturus regionem, qui eam armis defendit. Multos videre est, qui se & suos & omnia sua hac ratione perdidit, ita ut si aliter egissent, regnare possent, qui nunc extrema sunt mancipia. Nonne igitur praestat, varios tentare modos, quibus regio conservetur, praeter bellum, quales sunt foederum pactio, de jure suo quodammodò remissio, tributorum solutio, regionis deditio, quae omnia fieri possunt absque jactura salutis, vitae & fortunarum. Nimirum hostem suum pro domino agnoscere, atque ita eum sibi devincere praestat semper, quam incerto praelii eventui & victoriæ fallaci committere omnes fortunas suas, vitamq; ipsam. *Resp.* Quòd Rex bonus rerumq; suarum providus omnia prius consilio experiri debeat, ac armis tentet, optimum factum est. Sin pergat hostis nocere, & pacis leges repudiet, an victas manus dabit ille, qui populo cum imperio praest. & justis armis arma injusta propulsare potest? Foedera, tributorum pensiones, agrorum deditiones non tam ad pacis leges & innoxium viciniæ jus servandum cogunt vicinum hostem, quam efferant magis, ut magis insultare

etiam vellet. Rectius fecerit, cum atroces injurias ulciscitur armis, imprimis aduersus Barbaros, quorum dominio sese sponte subdicere, est melioris orbis danum promovere.

XIII. Quæritur: *An Princeps ipse debeat interesse præliis?* Respondeo: Affirmant Bodinus *lib. 5. de Republica, cap. 5.* Tholosanus *lib. 11. de Republica, cap. 4.* Keckermannus *in Cursu Philosophico, disputat. 35. quest. 7.*

Danæus *lib. 6. Politica, cap. 5.* Adamus Conzenus *lib. 10. Doctrina Politica, cap. 23.* Machiavellus *lib. 2. de Republica, cap. 30.* Vernulejus *lib. 4. Institutionum Politicarum, tit. 6. cap. 9.* Et consentimus. Rationes sunt: (1.) Quia præsentia Regis veluti nomen est, à quo milites præsentiam animi veramque fortitudinem accipiunt. *Urget præsentia Turni*, ait Virgilius *lib. 9. Æneid.* (2.) Quia Regis præsentia & præsentissima actio est validum incitamentum, ut milites etiam animo præsentī atque forti manu agant omnia, uti docet Julius Cæsar *lib. 3. de bello Gallico.* (3.) Quia Regis præsentia est instar omnium, ut concorditer omniagerantur, quando ejus unius imperio omnes obediunt, & sola obedientia in bello præstantissima res est, *1. Sam. 8. 19. 20. cap. 9. 16.*

(4.) Quia Regis maximè interest, ut victoria potiatur. Debet ergo adesse, vel saltem non procul ab expeditione abesse. (5.) Quia docent Annales, et feliciter omnia acta esse, cum Principes ipsi adfuerunt expeditionibus. Præsentia suâ Nebucadnesar Chaldaus Cyrus Persa, Alexander Macedo, Julius Cæsar Romanus, Tamerlanes Scythia partem orbis meliorem pertinaciter urgendo vicerunt, Selymus Turcus Asiam edomuit, Gustavus Suedus invictas Austriaco-

rum Principum opes primus ipse exterorum Regum fregit. (6.) Quia Reges præliorum & victoriarum authores verbis suis probaverunt. Selynius victor Asiae initum hoc dabat filio Solymanno: Rebus gerendis ipse præsens esto, quando cupis fructus utiles è bellis percipere uti refert Hermannus Rifebergius *in Historia Turcica, pag. 146.*

XIV. Quæritur (3.) *An præstet equitatum majori copia, quam peditatum, alere?* Respondeo: Equitatum in majori copia præferunt Adamus Conzenus *lib. 10. Doctrina Politica, cap. 31.* Scipio Amiratus *lib. 19. Dissertat. Polit. 2.* Henricus Ranzovius *lib. 1. de Bello, cap. 11.* Rationem adferunt, quia equites hostilem aciem facilius circumveniunt & profligant. Peditum copiam majorem adhibendam esse, statuunt Clemens Timplerus *lib. 4. Systematis Politici, cap. 10. quest. 12.* Machiavellus *lib. 2. Dissertat. 8.* Justus Lipsius *lib. 5. Doctrina Civilis, cap. 7.* Aptè & ad mores nostri ævi, quando non solum præliis verum etiam obsidionibus urbium res belligeritur, controversia deciditur: Equites in præliis utilissimam operam navant, pedites in urbibus obsidione claudendis, faciendis assultibus, deponendis prædiis. Adeoque quamquam minor copia equitum semper laudatur, major copia peditum, hoc tamen opus erit, ut prospiciatur, ne vel isti vel illi desint exercitui in justa copia. Machiavellus pro commendando peditatu adfert rationes istas: (1.) Quia populus Romanus in expeditionibus suis belli præcipuum robur constituebat peditatum, adeò ut re propè desperatâ, hoc remedium adhibuerint, jubendo, ut equites defensionem ab equis, ac pedestre certamen intrent,

quomodo factum est in conflictu adversus Samnites ad Lacum Regillum, Livius *lib. 2. histor.* Dionysius Halycarnassus *lib. 5. Antiquitatum.* (2.) Quia pedites loca invia & ardua facile superant, ubi non possunt adire equites. (3.) Quia pedites facilius observant ordinem, atque turbato illo, rursus coire possunt, cum tamen equites non nisi difficillime ordinem servant, atque turbati semel, haut ita facile in priorem seriem redigantur. (4.) Quia pedites intra aciem collocati, longe facilius turmas equestres hostium vel perfringunt ipsi, vel prohibent ingruentes bombardis, sarissis, contis oblongis, quam ut ipsi ab equitibus horumque armis profligantur. (5.) Quia Italiæ populi in bellis adversus Germanos, Gallos, Hispanos exceptis victi semper fuerunt, quod operam omnem adhibuerant in curanda militis equestri, peditesque neglexerant. (6.) Quia docent Annales, quam sit exercitus firmus à peditatu instructus. Pompejus, Marcus Crassus, Antonius Triumvir, Romanorum Duces per universum Orientem totoque Parthorum Imperio cum successu dimicaverunt: Habebant verò modicum equitatum, peditatumque amplissimum, ubi hostes eorum amplissimas equitum turmas adduxerunt. Victi semper discesserunt, & Crassus dolo magis quam virtute hostium periit. Helvetiorum copix pedestres apud Novariam profligabant exercitum Ludovici Regis Gallix, equitum numero satis magno constantem, insuper tormenta bellica & machinas campestres abducebant. Nec minus postea Franciscum Regem equitibus plurimum circumdatum, biduano prælio sustinebant pedites ipsi ad Marignanum, donec labore indefesso fracti excederent cam-

po, & victoriam cruentam hostibus deserrent. Sed & multis annis ante Carolum Burgundix Ducem, valido æquitatu confisum, pedites ipsi ad Gransonum, & lacum Moratensem, ad Nancejum animosis conflictibus superaverant & everterant. Janisari, pedites sunt apud Turcos, ex instituto Amurathis Sulthani, eorumque fortitudine stetit hætenus Imperium. Certè validissimum Dacorum, Hungarorum, Mameluccorum, Sophianorum copiis victorias extorserunt, quæ maximam partem constabant equitatu, atque ei debilem peditatum adjunxerant. (7.) Quia pedites non ita respiciunt ad fugam, itaque pugnando audacius & mortem præferendo, vincunt quidem tardius, sed vincunt certius. Hæc Machiavellus.

XV. *Respondeo:* (1.) Imbelles Orientis Reges, & adversus irruptiones hostium non satis prævisas, non semper ad pugnam sese offerre poterant, quando nec Romani carebant equitatu, quem auxilio potebant à sociis in Oriente Regibus. Horum unus alteri semper insensus, lites mutuas ferebant, & quocunque modo Romanos juvabant, adeoque vincebant hi minorum gentium Regulos, non tam peditum suorum virtute, quam sociorum equitatu provecti ad conferendas manus: Parthos verò non domuerunt unquam, sed hi potius Romanas aquilas non semel in fugam converterunt. (2.) Neque peritus aciei instruendæ Princeps, in locis ejusmodi confingendum statuit, sed copias melioribus modis in loca oportuna deductas conservat, suam esse victoriam ratus, cum non est prælio victus. (3.) Pedites ab equitum incursum facile turbantur, cum apertis locis constitunt, neque aciem muniverunt fossis, loricis, sepimentis arborum

succisarum. (4.) Noſtri equites cum brevibus tormentis conjungunt bombardas ad latus pendulas, oblongas, adeoque eminus obſidendo peditarum ſolâ fame ad dediti-
onem faciendam compellunt. (5.) Clades acceperunt Itali, non quòd equitatum curando errarent, ſed quòd indurato militum robori, quos Germani Galli, Hiſpani exercitiis crebris formaverant, novitiis ipſi occurrerent, aut mercenariis nimium ſiderent. uicū primis Veneti facere conſueverunt. (6.) De Romanis antea dictum eſt Helvetii vicerunt Gallos deſperatâ pugnâ, adorti eorum pedites intra præruptos ſollium ductus, quo non poterat eques auxilio ire, & cum noctis ſilentio uſi non præviſos conſiliis hoſti obtruderent. Eodem victori e genere inter montium diviticula oppreſſerunt Auſtriacos & Burgundos. Quanquam Burgundiæ Ducis infelices pugnæ ortæ ſunt plurimum inde, quia proditores in exercitu ſuo habebat, & vice ultima non ſatis exploratæ hoſtium cum validis copiis accelerantius militiæ ſeſe objiciebat, audaci magis quàm forti conſilio uſus, uti dixi in Recenſu hiſtoriæ univerſalis lib. 13. cap. 4. diſt. 9. Turci victorias obtinuerunt, antequam Janiſari pedites eſſent, neque tamen illis equitum copia exilis adeſt, cum pugnandum eſt. Dacis & Hungaris in teſtinæ diſſenſiones cladem attraxerunt, Mamaluchoſ & Sophianos fugaverunt tormentorum campeſtium beneficio, quibus carebant populi iſti. (7.) Pedites ab equitatu deſerti, aut capiuntur abjectis armis, aut in fuga occiduntur.

XVI. Quæritur: (4.) An liceat dolis, inſidiis, proditoribus rem agere contra hoſtes? Reſpondeo: Si non violatur data fides, laudan-

tur inſidix, doli, proditores. Talium olim fautores magni fuerunt Philippus Macedo, Lyſander Spartanus, Hannibal Pœnus, acerrimi Sophiſtæ in armis, cavendi, fallendi, vincendi artibus inſignes, quique gaudebant longè magis circumvenire per dolus hoſte, quàm ſi illum aperto Marte ſuperaviſſent. Juſtinus lib. 5. 6. 7. 8. 9. 10. hiſtor. Livius lib. 23. ſeq. Plutarchus in vitis illuſtribus. Neque hoc malè, niſi toties violatæ fidei crimen addiſſet. Ceterum proditoribus uti velle, non laudant Philippus Henonius Diſput. Polit. 7. diſt. 60. Timplerus lib. 4. System. Polit. cap. 10. quaſt. 25. Ranzovius lib. 2. de bello cap. 6. Adferunt rationes: (1.) Quia proditio eſt peccatum mortale, ortum à perfidia. Atqui nullum peccatum mortale debet approbari cum aliâ, tùm in bello. Reſpondeo: Ratio quidem ponderis ejus eſt, ut proditor vocari poſſit, ne conſilia proditoria deducat in actum, non tamen hoſtis vocabitur eodem modo, ne velit proditi-
onem alterius in commodum ſuum adhiberi. (2.) Quia viri proditores omnino ſunt infames. Reſpondeo: Inſtrumentum præſtantia ſecundum externa effecta cenſetur, non verò ſecundum bonitatem internam. (3.) Quia viri proditores ſunt hoſtes patriæ & populi ſui. Reſpondeo: Atqui proditorum opera uti velle, nihil vetat, quando licitum eſt, damna hoſtium quovis modo procurare. (4.) Quia proditores repulerunt illi, quibus curæ erat fortiter agere, uti conſtat de Furio Camillo & Fabricio apud Romanos. Livius lib. 13. hiſtor. Eutropius lib. 2. Aulus Gellius lib. 3. cap. 8. Cicero lib. 3. de Officiis. Reſpondeo: Libuit viris illis jure ſuo non uti, etiam tunc cum licebat. Dicebat Auguſtinus: Cum juſtum bellum ſuſcipitur, an pugnâ aperti, an

verò ex insidiis vincas, nihil ad iustitiam interest, *lib. 6. Questionum in Iosuan. num.*
 10. Sanè alii aliter egerunt. Servilius Consul Viriatum hostem per fraudem & domesticos percussores sustulit, quando armis edomare illum non poterat, Appianus in *Hispanicis*, Florus *lib. 2. cap. 17.* Imitabatur Metellus, apud Salustium in *Jugurthina cap. 46. & 61.* Estque in literis sacris exemplum, quòd Hebræi in superanda urbe Lussa, utuntur viri proditoris ope, *Judicum 1. 14. seqq.* Breviter: Proditio grata est. proditor haut semper in precio est, uti prolixius doceent Machiavellus *lib. 4. de Republica, differrat. 40.* Vernulejus *lib. 4. Politice, tit. 10. cap. 7.* Adamus Conzenus *lib. 10. Politice, cap. 38.*

XVII. Queritur: (1.) *An prestat foris adversari hostem, quam domi nostræ expectare?*
 Respondeo: Domi hostem operiri nos debere, contendit Johannes Chokierus *notis ad Onofandrum cap. 29.* Rationes profert: (1.) Quia commeatus & arma necessaria facilius domi parantur, quàm foris. *Respondeo:* Imò ista omnia facilius & minori cum patriæ damno comparantur in hostico solo, aut cum sterilitas loci prohibet, è patria deportentur ope jumentorum. (2.) Quia hostium conatus facilè impediuntur inter amicos & locis notis, haut inter ignotos & peregrinos ob infesta odia. *Respondeo:* Nihil ignotum addò erit in solo hostico, quod non per exploratores, captivos, precio redemptos proditores notum fieri possit (3.) Quia foris cum suprema clade exercitus dimicatur, neque fugientibus è prælio ad loca tuta pervenire licebit: Atqui domi nostræ clades minor est, fugientes defenduntur, le-

vius damnum est ob facilem reparatu exercitum. *Respondeo:* Non tam bonæ causæ argumentum quàm ignaviæ solatium est, quòd domi sit tutior fuga, quàm foris. Fortius pugnat miles, cum fugæ spes abest. Clades accepta domi terribilior est, non ita terribilis est, quòd longius abest. Et verò quòd longius abest, eò levius damnum inferat rebus illis, per quas exercitus clade affectus restitui poterit. (4.) Quia miles accenditur patriæ, amicorum, cognatorum amore, ut velit pro illis pugnare & pugnando vincere, sine quorum incolumitate nulla est vitæ jucunditas. *Respondeo:* Hanc ipsam causam fortiter pugnandi secum asportat civis bonus in solum hosticum, ut ita non referat vincentis, quo loco hostem superet, modò non superet hostis, ac patriæ nostræ rebus damna maxima inferat. (5.) Quia populi domi suæ fortes & felices victi sunt, cum foris arma circumtulerunt, exemplo Atheniensium, qui in Sicilia cæsi longo tempore non poterant ab accepta clade respirare, Justinus *lib. 4. histor.* *Respondeo:* Clades illa non tam propter solum hosticum, quàm propter militum negligentiam eveniebat. Et tamen brevi tempore ab illa clade respiraverunt, cladem verò internecinam, non quidem in hostico solo acceperunt, sed domi à Spartanis victi, uti dictum est in *Recensu historiarum universalis lib. 2. cap. 2. diff. 11.* Certè Romani, Tattari, Turci, Germani, Galli, Suedi in peregrinis terris feliciter pugnaverunt. Romani Hannibalem, Hannibal Romanos in peregrinis terris devicerunt, domi suæ alter ab altero cæsus & fugatus est, uti diximus *lib. 2. cap. 2. diff. 17. ibidem.*

XVIII. Rectè ergò docent Machiavellus *lib. 2. de Republica, dissertat. 12.* Keckermannus in *Cursu Philosophico, disputat. 3. quest. 13.* Renatus à Lusinga *libro de Incrementis Imperiorum, pag. 15. seqq.* Scipio Amiratus *lib. 18. dissertat. 2.* Vernulejus *lib. 4. Institutionum Politicarum, tit. 9. cap. 1.* Adamus Conzenus *lib. 10. Politicorum, cap. 44.* quòd Rex hoc sedulò agere debeat, ut hostem in solo ejus invadat. Rationes sunt: (1.) Quia hoc modo avertitur direptio subditorum nostrorum, à quibus operæ bellicæ præstandæ sunt ordinariis modis. Neque enim pecuniarum subsidia conferent illi, quos spoliavit hostis, & civitatibus ab hoste expugnatis non ita facilè potiri liceat, quando operibus & præsidio instructæ difficillimum bellum faciunt, ac demùm cum multo sanguine militum & gravissimo incommodo civium recuperantur. (2.) Quia miles remotior à patriis laribus, & fuge minus intentus erit, & magis ad pugnandum invitabitur (spe prædaram agendarum in peregrino solo, non ita ausurus domi suæ. (3.) Quia docent Annales, felicius egisse peritos belli duces, cum foris exercitus suos regebant. Annibal feliciter pugnabat in Italia, atque idem suadebat Antiocho Regi Syriæ, ut si populum Romanum vincere vellet, cum exercitu suo transiret in Italiam, Livius *lib. 34. histor.* Agathocles Siculus profusus domi suæ viribus omnibus, cæsus, victus, fugatus à Pœnis, cum parvo exercitu in Africam profectus, debellabat hostes, militibus suis jam ante pollicitus villarum, oppidorum, urbium direptionem, unde præda uberrima comparabatur, Justinus *lib. 22. histor.* Batavi tum maximè nocebant Hispanis, cum tubas & tympana foris circumferebant,

suzque patriæ quietem conciliabant, hostem in Orientis & Americæ portubus, intraque præsidia ipsius alia adorti cum exercitu navali, uti diximus in Recensu historiæ universalis *lib. 23. cap. 2. dist. 2.* (4.) Quia clade quamvis acceptâ viros perdimus, terroris verò minus perferimus ad cives nostros. In prælio ad Ticinum victis Gallis, una Regis captivitas infelicitè accidebat, victoribus Hispanis ad invadendam Galliam victoria non proderat.

XIX. Queritur: (6.) *An liceat cades facere & prædas agere in bello?* Respondeo: Certare odiis in bello, cadesque facere, licitum esse, ajunt Livius *lib. 21. & 26. histor.* Cicero *Orat. pro Dejotaro & Marcello*, Spartianus *in vita Severi*. Licitum intellige, non quòd actus ille omni culpa careat, sed quòd per leges non puniatur, quando rebus nostris commodat. Non enim omni culpa vacat, ubi innocentes perinde & noxii cadunt, quod in bellis fieri, ait Tacitus *lib. 1. Annalium*. Etiam infans & mulierum cades impunè habentur, in quantum licentiâ istâ defenduntur, *Dent. 2. 34. cap. 20. 16. 1. Sam. 15. 3. Psalm. 137. 9.* Ejusmodi occisiones citra sexus atque ætatis discrimen fecerunt Thracæ in Mycalello, Thucydides *lib. 1. histor.* Macedones in eversione Thebarum & Tyri, Justinus *lib. 12.* Curtius *lib. 4.* Romani in destructione Carthaginis ac Numantiae, Florus *lib. 2. histor. cap. 15. & pag. 18.* Germanicus ad Rhenum & Mœnum, Tacitus *lib. 1. Annalium*, Julianus Cæsar in Assyria, Ammianus *lib. 14. histor.* Qui captivis etiam atque supplicibus necem infert licet, nisi cum victor singulari gratiâ commotus, vitam eis relinquit. Decapitatus est dictum Elisæi vatis: *Quos capis viros ab*

xisti gladio & arcu tuo, eos percute, 2. Reg. 6. 22. Eò quidem progredi voluit jus belli, ut nec Reges, nec illustres Principes bello captos in vivis conservare vellent ii, qui victorię lege metiebantur omnia. Quòd enim *Magister Herminianus lib. 4.* scribit, Romanos neminem Regem, quem armis ceperant, vita spoliavisse, hoc, inquam, vero non respondet, uti exemplis multis probari potest. Eumenius *Pancegyrico ad Constantium Casarem*: Renovâsti Imperator veterem illam Romanorum legem, quâ de captis hostium Regibus vindictam morte sumebant: Postquam enim triumphi solennia cernavissent, abrepti in carcerem, necabantur, dederuntque aliis Regibus exemplum, ut inallent Romanorum amicitiam colere, quàm justitiam exasperare. *Sic ille.* Exempli sunt in promptu. Pontius Samnūrium Regulus securi percussus est, *Livius lib. 9. histor.* Antiochicus Rex Pergami, & Jugurthas Numida in carcere fuerunt strangulati, *Appianus in Mithridatico, Eutropius lib. 4. histor.* Orofius *lib. 5. cap. 3. & 15.* Antigonus Rex Hebræorum, volente Antonio Triumviro, cervicem securi subjecit Antiochię, *Josephus lib. 14. Antiquitatum, cap. 2.* Francorum & Allemannorum Reges bello captos, victor Maximianus objecit bestiis pro spectaculo, *Eutropius lib. 10. histor.* Multo crudelius egit Carolus Andegavenfis Rex Sicilia, qui Conradinum Suevię Ducem prælio victum & captivum, in consilio militari adductum, votis eorum, qui Regibus iniqui semper fuerant, damnatum, publico supplicio affect, *velut latronem & Ecclesię spoliatorem*, ait *Sigonius lib. 7. Historia Italica.* Nec æquior illis *Forcatius* de eodem Conradino: Capitis temerarii amissione plecti

jussus est, *lib. 2. de Philosophia Gallorum, fol. 118.* Fædo prætextu, fædiori ausu, quoniam Conradinus erat Sicilia hæres, uti dictum est in Recensu historię universalis *lib. 19. cap. 1. dist. 5.* & consentit Justus Lipsius *lib. 2. Monitorum Politicorum, cap. 14.* adeoque Gallis nimiam facilitatem animi in exsequendo sanguinario Papę decreto exhibent Gallię cives, Philippus Mornæus in *Mysterio iniquitatis, pag. 898. seqq.* Johannes Bodinus *lib. 2. de Republica, cap. 6.* Quòd supplices occisi fuerint, & factum jure belli defendatur, habes apud Homerum *locis multis.* Turnus dicebat: *Uterus ne tende odiis*, & tamen Æneas cisterrum sub pectore condit, *vitâq; cum genitu fugit indignata sub umbras*, ait Virgilius *lib. 12. Aeneid.* Exempli in Romanorum gestis, ubi supplices & deditos captivos interfecerunt, videris apud Livium *lib. 2. & 28. histor.* Ciceronem *Orat. 5. Verrina*, Salustium in *Jugurthina*, Dionem Cassium *lib. 45. histor.* Tacitum *lib. 12. Annal. & lib. 1. histor.* Alii verò aliter.

XX. Lactantius factum illud Æneę in Turnum vocat impium & crudele, quòd non pepercerit supplici, *lib. 5. Institutionum divinarum, cap. 10.* Porro fuit recepta lege apud omnes gentes, ut qui bello caperentur, victorum arbitrio servi perpetui essent, nec ipsi tantum, verum & nati ipsorum, & qui nascerentur ab illis, tantum quòd progenitores eorum armis oppressi, atque intra præsidia deducti essent, *Aristoteles lib. 1. Politicorum, cap. 4.* Polybius *lib. 2. histor.* Dion Prusænsis *Orat. 15.* Oppianus *lib. 2. de Piscatione*, Tacitus *lib. 1. Annal. lib. 2. & 3. histor.* Servius *Commentariis ad lib. 1. Aeneidos.* Hoc eo sine Jus gentium constituit, ut victores contenti dominio habere

in captivos, quos illicò occidere impune poterant, vivos servarent ad ministeria Europæ gentes illæ, qui libertati velut rei inæstimabili, precium aliquod etiam inter arma statuebant, ad servitia non detrudunt captivos, vel enim precio accepto restitunt veteri domino, vel militiæ suæ permissent novo juramento obligatos, quando à veteris domini fide captivitas absolvit eos, vel obstrictos juramento, quòd contra ipsos militare deinceps nunquam velint, dimittunt, uti docet Franciscus Viçtoria *Relectio de Jure bellis*, num. 42.

XXI. Sic quoque prædas agere & solitudines facere in agris hostium, permisit Jus gentium; *Cicero lib. 3. Deut. 20. 14.* Itaque *Livius* dixit: Sunt quædam belli jura, quæ ut facere, ita pati fas sit, sata exuri, recta exuri, prædas hominum pecorumque abigere, *lib. 31. histor.* Ipsas urbes dirutas, solo æquatas, homines ejectos, mœnia everfa, populos agros, incendia domorum, direptos colonos, omnibus apud Historicos paginis legas. Neque hîc excipiuntur sacra, id est, templa & templorum instrumenta, quibus cultum divinum peragunt ministri sacrorum. Rationes sunt: (1.) Quòd res sacræ & religiosæ sint, non quidem naturâ suâ, verùm ex instituto hominum, unde quæ genti uni sacræ & religiosæ sunt, ea genti alia non sunt. Romani præci Solis, Lunæ, Terræ visibilibus Deorum cultum amplexi, animis multis statuas nullas habebant. Quod si adhuc mansisset, castrensium Diis observarentur, ait Varro loco illo, quem descripsit Augustinus *lib. 4. de Civitate Dei*, cap. 36. Atque idem Varro addiderat: Qui primi Deorum simulachra populis posuerunt, iis civitati-
bus & metum dempserunt, & errorem addi-

derunt. Persæ hstinebant à simulachris, eratque illis pervigil Ignis unicum symbolum Dei magni, SOLIS, itaque horum *πυρθεῖα*, & adjunctam aram, ἐν ᾧ πῦρ τε σπιδός καὶ πῦρ ἀσβεστόν φουλάτουν, *lib. 14. Geograph.* Curtius *lib. 3. & 4. histor.* Theodoretus *lib. 5. Histor. Ecclesiast.* cap. 29. In literis sacris, ubi de Phœnicibus sermo est, dicuntur *ἱερόν*, *Levitic. 26. 30.* quod Ariz-
Montanus vertit, *Simulachra Solis*, melius verò exponit Rabbinus Beechai de locis, ubi Solem colebant ignibus sacris exstructis, nec enim tam simulachra quàm loca fuisse, constat ex *Esa. 17. 8. Ezecch. 6. 4.* Loca videlicet, quæ *πυρθεῖα* vocat Strabo *l. d. πυρθεῖα*, Procopius *lib. 1. Persecutorum*. Aræ fuerunt apud gentes illas, quibus templa non habebat condere, uti sunt Persæ, Phœnices, Celtæ. His enim Luci erant vice templorum, & in illis posite aræ, vel in excelsis montibus, ceu locis Soli atque Lunæ magis propinquis. De Persis affirmat Herodotus *lib. 1.* ubi est, *ἵερὸν τὰ ἱερὰ λῶτην τῶν ἱερῶν ἀναβαίνοντις θυαίαις ἰσθμῶν*, & adde Strabonem *lib. 14. Geograph.* Proinde Xerxes cum inmensis copiis Græciam ingressus, omnia Deorum templa vastavit, *ruinis & ignibus delevit*, quæ sunt verba Alexandri Magni, apud Curtium *lib. 3. cap. 19.* & de illo factio Xerxis vide porò Solinum in *Polyhistore*, cap. 53. Pausaniam in *Arcadicis*. Scilicet Magi criminabantur (*μωρίαν ἱερῶν*, ait Herodotus *l. d.*) Græcos, quòd Deos includerent parietibus, cùm tamen omnia illis patentia essent, uti Cicero *lib. 4. de Legibus* narrat. (2.) Quòd sacra profanis æquebantur vitæ jure, uti pronunciant Cicero *lib. 1.*

in 3. & 5. Pomponius Jurisconsultus l. cum locass. de religiosis 36. Thucydides lib. 4. histor. Livius lib. 5. & 25. histor. Josephus lib. 6. de bello Judaico, cap. 24. & 34. Plutarchus in Fabio Maximo, Virgilius lib. 2. Aeneid. Et Tertullianus scribit: In bellis fiunt eadem strages mœniorum & templorum, pares cædes civium & sacerdotum, nec dissimiles rapinæ sacrarum & profanarum divitiarum, in Apologetico. (3.) Quod cum populus alteri populo aut Regi se dederet, humana simul ac divina ejus arbitrio permetteret, Livius lib. 5. histor. Plautus in Amphitruone, Tacitus lib. 12. Annal.

XXII. De præda bellica retinenda in æqualiter statuerunt Gentium mores. In militia sociæ, quæ latrociniorum actus aliquos imitabatur, æqualis divisio instituta esse legitur, & Davidis exemplo constat, 1. Sam. 30. 22. 23. 24. Veterum Hebræorum mores observabant idem, namque apud eos de agro, qui bello captus fuerat, Rex tantum aufererat, quantum singulæ tribus, Thalmud libro de Rege. Apud veteres Græcos arma bello ablata, & preciosa quæque dona, aurea, argentea, reservabant sibi Duces, reliqua mittebantur militibus, ut quæ quisque in castris hostium expugnatis quærendo inveniret, rapiendo sibi reservaret, Euripides in Troadibus & Andromacha, Virgilius lib. 2. Aeneidos. Non aliter agunt, hodiè Europæ populi. Recentiores Græci non mittebant rapi cæco impetu, adeoque manubiarum in medium allatæ præmiû, deinde promeritis distribuebantur inter milites, pars aliqua in fiscum referebatur, ut in futuros usus superesset, Herodotus lib. 9. Plutarchus in vitis Agesilai, Lyсандri, Aristidis.

Idem quoque faciebant Pœni, Strabo lib. 12. Livius lib. 23. histor. nec non Romani, Dionysius Halycarnassæus lib. 11. Vellejus lib. 2. Livius lib. 5. Inde est, quod tot peculatus & repetundarum actiones occurrant pro Servilio, Camillo, Coriolano, Scipionibus, apud Plutarchum, Livium, Fiorum, Aurelium Victorem. Quod bene factum, quando censibus & vectigalibus in militis usum non adeo vexabantur cives, atque Legiones ordinariæ commodè aliàs alebantur, quorum neutrum hodiè est, ubi miles provincialium censibus victitat, & regiones optimæ quævis per tributa immodica exhaustiuntur. De qua re alibi plura.

XXIII. Quæ belli jure occupantur, illa vel pari jure, armorum scilicet, defenduntur adversus veteres dominos, vel patris redimuntur, ut nostræ res pergant esse. Ita Longobardi agros Italicos, Gunni & Avars Pannonicos, Germani Borussicos & Livonicos, Franci Gallicos, Gotti Hispanicos, Normanni Anglicos, Turci Asiaticos agros obtinuerunt, Mauri Hispanicos, uti plurimis locis in Historia universali diximus. Perindè ad victorem pertinent, quæcumque ille victis populis ademit, quanquam sint inter adempta aliqua, super quibus victi antiquas lites adversus populos alios habent, veluti qui bello ista amiserunt. Id verbis manifestis contendit Hannibal apud Livium lib. 21. historiarum, sed armorum successu frustratus non obtinuit. Theodoricus Ostrogotorum Rex armis pepulit Odoacrum Italiæ Regem, & in verba sua adactam Italiam nolebat reddere

Zenoni Græciæ Cafari, quamvis hic reposeret illam, Agathias *lib. 1. histor.* Pompejus ablatam Tigrani Syriam nolebat restituere Antiocho Eusebi, quamvis heredi, quia stolidum esset, alienæ victoriæ fructum arripiendo, commodam intervertere iis, quorum interesset, pro armorum usura percipere emolumentum, Strabo *lib. 12. Geograph.* Justinus *lib. 40. Appianus in Syriacis.* Idem jus asseruerunt Hebræi in terris, quas olim Amorrhæis ademerant, & trecentis annis possederant adversus Ammonitas, Numer. 21. 22. 23. 24. *Judic. 11. 23. 24. 27.* Romani adversus Volscos, Vejos, Ligures, Dionysius Halycarnassæus *lib. 6. & 7. histor.* Livius *lib. 4. histor.* Plutarchus in *Romulo.* Franci adversus Romanos, Procopius *lib. 4. Gothicorum.* Quod verò Abraham Hebræus spolia Regibus ad Euphratem sociatis erepta, Sodomitis à quibus ipsi priores illa rapuerant, voluerit reddere, gratia fuit, quam pro liberali inter eos habitatione præstare voluit, neque de jure compelli poterat, ut ita ageret, Gen. 14. 15. 16. 21. 22. 23. 24.

CAPUT NONUM.

Diatriba singularis de Aquila
Romanorum.

SUMMARIA.

1. Aquila in Legionibus.
2. Fanum aquila impositum.
3. Fanulorum exempla.
4. Tabernaculum Moloch.
5. Castrensium apparatus.
6. Marmor Casianum.

7. Imagines Casarum.

8. Sacella castrorum.

I. Legionis apud Romanos signum erat Aquila, id est, alitis ejus simulachrum aureum, hastæ præpilatæ suffixum, & pede altero fulmen sæpè ferens. Sætonius. Somniavit Jovem Optimum Maximum prætextatis compluribus circa aram ludentibus unum secrevisse, atque in ejus sinum signum Reipublicæ, quod manu gestaret, reposuisse, *lib. 2. cap. 24.* Signum Reipublicæ de Aquila quæ & Legionum signum erat, exponit Sabellicus *Enarrationibus ad h. l. fol. 1. 2. 3.* Aliter Causabonus: Ego, inquit, signum Reipublicæ interpretor *δρυ. σίαρ. σφεγγυδα*, quæ ob signari solita diplomata, & quæcunque alia Reipublicæ nomine signabantur. Symbolum autem potestatis & domini est sigillum. Ideò soliti morientes annulum signatorium dare iis, quibus plurimum vellent, ut de Alexandro narrant *Diodorus & Curtius*, vel quos hæredes instituisent, uti est apud *Valerium Maximum.* Quæ figuræ autem Reipublicæ, id est, signum publicum fuerit, nisi si fuit ipsius Romæ imago, qualis in nummis sæpè videtur, nescio, *notis ad h. l. pag. 311.* Neutrum amplector. Signum Reipublicæ est Aquila, non quidem Militaris illa, quam Legiones ostentabant, sed Consularis altera, quæ Consulibus sceptro infidebat, eratque Consul *ὁ πρεσβυτης* civitatis, uti diximus *suprà lib. 1. cap. 16. dist. 4.* Erat aliàs etiam lupus, canis, porcus, equus, teste Plinio, *lib. 10. cap. 4. histor. natur.* sed pleraque hæc desueverunt post tempora Consulibus Marii, atque ille tantum Aquilas adhiberi voluit. Nummi sunt cum Aquilis Legionum apud Abrahamum *Gorlaunr*

Tab.

Tab. 35. num. 3. Petrum Seguinum libro de numismatis antiquis, pag. 109. Antonium Augustinum *Tab. 7. num. 18. 19. 20. 22. Tab. 8. num. 18. 19. 20. 21. 22. Tab. 21. num. 23.* Tunc enim Reipublicæ perindè ac Legionum signum esse cepit, quando olim Reges, deinde Consules manu præferebant sceptrum, in cuius fastigio erat Aquila, namque ab Ethruscis acceperat Tarquinius Priscus inter alia sceptrum ἀεὲν ἔχον ἀντι τῆς νεφέης. Dionysius Halycarnassensis lib. 3. Hinc in usum pertransiit esse apud Romanos, dracones verò sub Trojano Casare & deinceps adhibiti sunt, uti refert Vegetius lib. 1. cap. 13. & videre est in Columna Trajani fol. 21. 22. 25. 26. 48. 53. 65. 103. per Alphonsum Ciaconum descripta. *Proper-tius:* Aut quibus in campis Mariano prælia signo Stent, & Teutonicas Roma refringat opes. lib. 3. *Eleg. 2.* Salustius de Catilina: Ipse propter Aquilam adhibuit, quam bello Cimbrico Marius in exercitu habuisse dicebatur. *Hæc ille.*

II. Aquilæ verò imponebatur fanulum aliquod quadratum, uti in Columna Trajani fol. 5. videre est. Præcedit Imperator gladium in sinistro habens latere, sequuntur eum signiferi quidam & milites plurimi, qui omnes gladium in dextro latere habent. Pictura quædam talis est apud Justum Lipsium lib. 4. de *Militia Romana*, pag. 271. Nimirum ad religionem sanciendam. Erat enim Aquila signum sacrum, itaque sacratas Aquilas vocat Valerius Maximus lib. 6. cap. 1. Nec amabant tantum, sed venerabantur etiam illud. *Tacitus:* Aquilam amplexus religione sese tuebatur. Et paulo post: Seque-rentur Romanas aves, propria Legionum numina, lib. 1. *Annal.* *Claudianum:* Augu-

rus veneranda prior vexilla salutat, lib. 2. in *Ruffinum.* Non quia Crucis in iis sacrum erat signum vel Labarum, uti vult Spondanus in *Epitoma Annalium*, pag. 434. sed ex more, quem Principes exercitibus servabant, primum post tempus aliquod vifos salutare, & more commilitonum reliquorum signa venerari. Ergò ornabant ungebantque, velut aliorum Numinum simulachra, uti docent Plinius lib. 18. cap. 4. Suetonius lib. 4. cap. 13. Aquila cum ferto ad alas expallas implicito, est in Columna Trajani fol. 10. Nimirum innuebat hoc, quod sacrum erat. Ita non fiebat in signis aliis.

III. Estque de re illa Dionis locus lib. 40. *histor. ἰσὶ δὲ ναὶς μικρὸς καὶ ἐν αὐτῇ ἀεὲς χεῖ-σος ἢ ἰδρυται.* Quem Lipsius allegat lib. 9. de *Militia Romana*, dialog. 5. sed non rectè exponit de sacello castrorum, in quo signa reponerantur. Et cum non satis caperet Adrianus Junius lib. 3. *Animadvrs.* cap. 2. ad paradoxa referre voluit. Paucis verbis omnia dicit Stephanus Forcatulus, *notion. id est, ferculum vel sacrarium*, lib. 6. de *Imperio Gallorum*, pag. 375. Hoc ut rectè capiatur, notandum est, templorum quædam simulachra fuisse armaria illa, in quibus idola reposita minori formâ (sicunculas vocat Suetonius lib. 6. cap. 56.) stabant, ut possent ubique & clanculum circumferri pro cultu adhibendo. Locus est *Aellor.* 19. 24. ἀγγο-κάππῳ πρὸς τὴν ἀγγοῦς ἀγγοῦς. Colebatur Diana in turbe Epheso. Deorum maxima, & τὰ ἐστὶν armaria illa ubi reponerentur Divæ ejus simulachra parva, ne aliquid perfectio cultui deesset. Rectè ita mones Erasinus in *notis*, & sequuntur Casaubonus *annotatis ad h. l. pag. 451.* Hugo Grotius *notis ad Acta Apostolica*, pag. 110. 111. Jo-

hannes Triflanus *Commentariis de Imperio Romano, Tom. pag. 39.* Negat verò Beza in *notis magnis*: Non video, aut, quomodo atculæ istæ *ῥαὶ* dici possint, nisi idoneis testibus probetur, templi specie fuisse fabricatas, quod mihi ne verisimile quidem videtur. Simpliciter accipio, Demetrium hunc templa argentea Dianæ solitum procudere, id est, aut in nummis, aut in aliis imaginuculis celeberrimi illius templi figuram repræsentare, *pag. 91.* Reponimus Beza, nisi idoneis testibus probetur, olim nummos tales fuisse, non videmus, unde sententia illa defendi possit. Atqui ædiculas ex auro vel argenteo confectas indigitar, plurimis optimæ fidei Scriptorum testimoniis probabitur. *ῥαὶ ἡγεῖς βορῆς* *ἡνι τερεπίζης* τινος est apud Dionem Cassium *lib. 39. histor.* Meminit cum aquilæ argenteæ tum sacratii ejus Cicero *Catilinaria 1. & 2. vates* & *πινax*. *ἡνικας* refert Strabo *lib. 14. Geograph.* Sunt ergo *ῥαὶ ἀργυροὶ* templi ejus præclari *ἡνικας*, & in illis Diva ipsa tutelaris velut cultoribus suis. *καὶ ποίησας αὐτῷ ἄξιον οἶκον*, *ἐν τῷ ὅλῳ ἰδὲκεν αὐτῷ*, *Sap. 13. 15.* οἶκον est ædicula. Tertullianus libro de Idololatria: *Si templum, si aram, si ædiculam ejus instrueris.* Aliud est templum, aliud ædicula. Apulejus: *In ipsa ferè meditullio Eponæ Deæ simulachrum residens ædicula, quod accuratè corollis roseis equidem recentibus fuerat ornatum,* *lib. 3 de Asino aureo, pag. 141.* Quod enim Justus Lipsius emendare vult, *residens fædicule*, non ita benè factum est, uti movent Johannes Brantius *notis ad Apulejum, pag. 94.* Johannes Pricæus *notis ibidem pag. 177.* Janus Gruterus *lib. 6. Suspicionum, cap. 4.* Fiebant etiam è ligno fanulaj ista. Herodotus *τὸ δὲ ἄγαλμα ἰὸν ἐν νηὶ μικρῇ ξυγίῳ καὶ ἄλλοις χρυσοῖς περικκομίζετο.* Et tunc

erant inaurata, quod nos docet Herodotus verbis modò allegatis.

IV. Alius locus est *Act. 7. 43. καὶ ἀναβάσει τὴν σκηνὴν τὴν μολὸν, καὶ τὸ ἄστρον τὸ θεῶν ὁμοῖον ἑμφαν.* Verba sunt de prompta ex *Amos c. 5. 26.* ubi est in Hebræo *מלכא מלכא*. Hic *σκηνήν* optimè interpreteris *ἀστρον*, in quo sedebat imago Regis quondam Ammonitarum, ex quo Ammonitæ Itellam Saturni nominabant Moloch, & sacrificiis ex hominibus delectis venerabantur, uti diximus *lib. 1. Antiquit. Roman. cap. 6. dist. 11.* *מלכא* verò est diminutivum à *מלכא*. Multæ ad hunc locum Prophetæ sunt multorum divinationes, quas referunt Joh. vnes Tar novius *commentar. ad bib. pag. 145. seqq.* Salomon Glassius *lib. 4. Philolog. sacra, pag. 802. seqq.* Verùm nihil certius est eo, quod nos diximus. Fanulum istud solenniter circumferebatur à sacrificiis thesæ impostum, *Esa. 46. 2. Jer. 10. 5. Baruch 6. 3. ἑξῶν* vocant Grammatici veteres, meminique eorum *Servius*: Erant simulachra brevija, quæ portabantur in læticiis, & à suis cultoribus mota, infundebant vaticinationem, quod fuit apud Ægyptios & Carthaginenses, *notis ad lib. 6. Æneid. pag. 503.* ubi est illud Virgilii, *agitatæque numina Troje.* Remphan est idem Saturnus, alio nomine apud alios populos dictus. Ita retulimus *lib. 1. Antiq. Rom. lib. 1. cap. 6. dist. 14.*

V. Quod verò ejusmodi fanula Godefridus Stevvechius *notis ad Vegetium, pag. 103.* monstrare vult in nummis Constantini, hoc inquam, non laudamus. Quos enim ille pingit nummos, docet inspectio, nihil eos habere nisi *διδάκην* seu Labarum attritum per vetustatem, ut appareat esse velut turricula acuminata, adeoque famulum non esse. Alia sententia est *Johannis Pierii Valeriani*. Inter *castren-*

castrensis, ait, ornamenta honoresque invenias plerisque locis non tantum signa, verum etiam areas pullarias, castrorum modulos, signorum loculos & coronas, quæ quoniam observatione digna sunt, & eruditis jucunda, minus gravabor quædam subtexere, qualia uno marmore apud Paulum Cardinalem Cassium animadverti. Castra quidem hujusmodi contignatione fabricata erant, tignis octo pro parte qualibet ita compactis, ut tribus quæque locis in transversum conferta clavis sive fibulis leonina capita præ se ferentibus conjungerentur; quorum quidem clavorum hieroglyphicum erat, vigilantem esse. Supra hujusmodi castrorum speciem capita duo adsculpta erant, velo quodam à dextro usque in lævum portento, & superinsidente. Supra utrumque caput singulæ laureæ. A castrorum angulis inferiori parte loculi duo, unus hinc inde alter, qui quadratâ formâ intus vacui in acutam cuspidem desinebant. Hi terræ impingebantur pro theca, mox signi pars ima in eum inferebatur. Ibidem erat & pullaria cavea cum duobus pullis pascentibus, inter quam & castra signum Aquilæ conto præfixum. Idque manifeste ostendit, quâ ratione fieret, cum exemptus loculo contus suspensus videatur, loculo vacuo appatente. A lateribus longissimi conti duo signis, præmiis & gestaminibus militaribus instructi, in quorum summo cuspidis ad loculorum formam, ima pars ferro præmunita, capulisque prædita, ut commode sisti & avelli possent. Apud Dionem *lib. 40. histor. leges de loculo parvo, in quo aquila aurea collocaretur, cum longissimo conto præfixum in exercitu à signiferis gestari, qui ut facilius terræ impingi posset, in acutam cuspidem desineret. De quo videndus etiam Cornelius Tacitus lib. 1. Annal.*

in expeditione Germanici, ubi de hoc loculo sive de sistendis signis loquitur. Inscriptio addita est:

Marco Pompejo Marci filio, Anisio Aspero Centurioni Legionis decimæ quintæ, Apollinaris Centurioni cohortis tertie, prætorie, primopilari legionis tertie Cyrenensis, præfecto castrorum Legionis vicesimæ victricis Arimetus libertus Pullarius fecit, & sibi & Marco Pompejo Marci filio & Cincia Coliberta, Aspro, Saturnina, filio suo & uxori suæ, Marco Pompejo Marci filio coliberto, Aspro filio minori.

Hactenus Pierius *lib. 42. Hierogl. pag. 418. 419.*

VI. Marmor, ad quod provocat, est quod apud Casparem Gervartium *lib. 1. Elelor. cap. 2.* Nos quædam libero judicio si annotabimus. Arca pullariæ erant pro Auguribus, de quibus meminit Inscriptio, & diximus *lib. 1. Antiquitat. Roman. cap. 12. dist. 9. 10. 11. 12. 13.* Castrorum modulos nuspiam vel in marmoribus, vel in nummis cernas, tantum quod castrum prætorium videas in nummis apud Antonium Augustinum *Tab. 19. num. 6. Tab. 64. num. 14.* Perinde uti signorum loculos nuspiam indigitant marmora, nummi, Authores. In præsentem marmorē videt Pierius, quæ non sunt castra. Quorsum enim Leonum capita? Quorsum capita duo obiecta velo & ornata laureis? Hæc italia sanè haut possunt ad castra applicari. Mira clavorum expositio: *Clavi sunt leonis formâ, quia in castris vigilare debemus!* Quid ergo contignatio ista videbitur esse? Dicam esse ornatum vehiculi militaris, qualia ornamenta perinde injecta sunt curribus horum, qui ludos

Circenses agitabant. Extat nummus cum inscriptione, S. P. Q. R. Julix Augustæ, apud Onufrium Panvinium *lib. 2. de Ludis Circensibus*, pag. 89. Et verò quæ sit Julia illa, diximus suprà *lib. 1. cap. 8. dist. 18.* Porro capita illa Leonum, non erant clavi in tignis castrorum, sed erant bullæ in curribus & vehiculis. Denique loculos fingit Pierius. Quos ille tales putat esse, cuspides sunt ferreæ à contis vexillaribus revulsæ, aut capuli vacui, pars inquam signi castrensis, quomodo pars currus extat penes eam. Quòd loculi qui tam terræ impingerentur scotiam, conjectura inanis est. Signa ipsa inferiori parte cuspidem sive capulum ferreum habebant, atque ita hunc onfigebantur. Hoc vel inde constat, quando toties legitur, Aquilas evelli non potuisse cum volebant in hostem ire copias, idque prodigii loco habebatur, Florus *lib. 2. cap. 6.* Suetonius *lib. 5. cap. 13.* Valerius Maximus *lib. 1. cap. 6.* Servius notis ad *lib. 2. Æneid. pag. 250.* Nimirum quia retinebantur à terra, intra quam consistebant. Si loculos peculiares habuerunt, quomodo non poterant commodè à loculis suis abstrahi, & loculi illi vacui fodiendo erui? Neque Dionis locus ad capulos tales à conto vacuos pertinet, sed fanula notat, intra quæ stabat Aquila, imprimis prætoriana: cohortis signum, uti ad oculum monstat Columna Trajana. Frustrà ergò de loculis excogitavit Pierius, quem Tacitus nullo prius suffragio juvat.

VII. Ergò quia tantum honoris attribuebant vexillis suis Romani, vocantur τὸ βόλον καὶ τὴν ἐμπύρεως, *Matth. 24. 15.* quod de signis militariibus Romanorum bene exponunt Hugo Grotius in *annotatis b. l. pag. 407.* Balduinus Waleus in *Commentario*

perpetuo ad *Evangelia*, pag. 268. 269. Scilicet Tertullianus dicit: Religio Romanorum tota castrensis, signa veneratur, signa jurat, signa omnibus Diis præponit, in *Apologetico*, cap. 16. Affixerant iis signis clypei, atque in clypeis pictæ fuerunt imagines Cæsarium, quos aut vivos etiam numm, aut defunctos inque Deorum numerum per consecrationem relosatos adorabant. Incunculas istas in orbe aureo vel argenteo collo tenuis expressas, videre licet in Columna Trajana *fol. 6. 28. 38. 42. 51. 63. 73. 86. 88. 90. 100.* Eusebius describit Labarum, & fuisse in eo dicit τὴν τῷ Θεῷ φίλῃ βασιλῆως ἐν ἐνῇ χροστίαν χριστιανῶν, τὸν τῷ αὐτῷ πῶς δὲ ἐμολῶς, *lib. 1. de vita Constantini* Suetonius: Attabanus transgressus Euphratem, Aquilas & signa Romana, Cæsariumque imagines adoravit, *lib. 4. cap. 14.* Itaque Signiferi alio nomine dicebantur Imaginiferi. Gallica Inscrip-

Memorie. æternæ. Solemnio. Fido. milit. Leg. Minervæ. Imaginifero. Maturina. Victorina. Congreg. clarissimo. ponendum. curavit. G. sub. ascia. dedicavit.

Gruterus in *Volumine*, pag. 552. num. 1. Talia signa Titus conspiciat in castris suis posuit, quasi templum templo Hierosolymitano contrarium Tacitus. Fulgentibus Aquilis signisque & simulachris Deorum in modum templi, *lib. 15. Annal.* Abominabantur ista Judæi, cultores unius Dei, inque conspectu suo non facillè tolerabant, uti patet è gestis rebus cum Vitellio, de quibus refert Josephus *lib. 18. Antiquit. cap. 7.* quòd cum ille in Arabiam ducere vellet exercitum suum. Iudeorum Proceres deprecati fuerint sciriò, ne per agros Palæstinæ duceret, veritè

veriti pollutionem terræ sanctæ à signis militari-
bus, & ad ea suspensis idolis aureis, ταῖς
πρὸς μάς, uti vocant Josephus & Græci alii
apud Suidam in *Lexico*, & Julium Cæsarem
Bulengerum, lib. 12. de *Imperatore Romano*,
cap. 13. Arrianus in Epicteto, τα σημεῖα τῆς
ἐπὶ κτλ & ἐγγίαις, ἡ κοῖτης βασιλέως, αἰετ.
εἰς μάς, πάντα χρυσά. Manilius hoc illu-
strat: Veneris quæ ab origine proles Julia de-
scendit cœlo, cœlumque replevit, Quod
regit: Augustus socio per signa tonante Cœ-
nit, & in cœtu divum magnumque Quiri-
tem, lib. 1. *Astronomic*, pag. 25. In hoc loco
mirè se torquet, ut sensum indaget, Caspar
Birthing lib. 11. *Adversus* cap. 10. neque sa-
tis ad verum exponunt Josephus Scaliger in
annotatis pag. 90. Johannes Tristanus *Com-
mentarius de Imperio Romano*, Tom. 1. pag.
116. 117. Sensus verus ille est: Julium Cæ-
sarem cœlo oriundum per Venerem in cœ-
lum, & inter Deos superos receptum esse,
Augustum verò videre patrem unà cum Jo-
se & Romulo in cœtu, id est, in urbe & extra
urbem in signis militari-*bus* coli. Hæc nos
docuit Thomas Reinesius in *Epil. lib. Phi-
lologicæ*, pag. 670. 671. Cæterum scribit
Modestinus: Crimen majestatis factò vel
violatis signis vel imaginibus maximè ex-
acerbat in milites, leg. ult. §. 7. ff. ad L. Jul.
Majest. ubi vulgò legitur, violatis signis,
verùm meritò corrigi Jacobus Godofre-
dus notis ad lib. 1. *Tertulliani adversus na-
tiones*, pag. 123. Signa militaria intelligit,
ad quæ appendebantur imagines live icun-
culæ.

VIII Attameu Lipsius lib. 4. de *Militia
Romana*, dialog. 5. tueri vult facellum ca-
strorum, in quo signa reponabantur. Adfert
Herodianum, qui lib. 4. *histor. de adventu*

Antonini verba faciens, ait, venisse illum
ἰς τὸν τοῖον ἐνθα τὰ σημεῖα καὶ ἀγχιμάλα τῶ
ἐξοπλιστῶ προσηνέτα. Eò quidam refe-
runt illa Flori de Perseo captivo apud Æmy-
lium Consulem, cùm in conspectum venis-
set hostis, in templum recepit, & conviviis
adhibuit, lib. 2. *Histor. Roman.* cap. 12. Tem-
plum de prætorio, ubi Aquilæ reponaban-
tur, exponunt Gruterus notis ad *Florum*,
pag. 143. & Christophorus Rupertus *Obser-
vationibus* ibid. pag. 406. 407. Negat Sal-
matus veram lectionem esse, adcoque cor-
rigit, intentum recepit, estque tentum
idem quod tentorium, notis ad h. l. pag. 67.
Scilicet prætorium erat vicemtempli, quando
ibi fuit locus sacrorum, & cum primis Au-
guralium, id est, cavea & pulli, pars magna
sacrorum quæ in castris observabantur. Jo-
sephus τὸ ἐξοπλιστῶν ναὸς ἀπαρίσσειν, præ-
torium templo simile esse dicit, lib. 3. de bello
Judaico, cap. 9. Quid ergò dicemus? Tem-
plum etiam vocantur domus magnificæ,
quomodo Valerius Maximus lib. 8. cap. 15.
palatium vocat honoratissimum templum,
& apud Ovidium lib. 4. de *Ponto*, *Eleg.* 5.
sunt Julia templa, id est, Cæsaris forum,
quod ille post victoriam contra Pompejum
obtentam, templo Veneris circumduxit, ac
Romanum forum esse voluit, non quidem
rerum venalium, sed eorum, quia ad jura
danda convenirent, teste Appiano lib. 3. ci-
vilium, & confer Justum Lipsium lib. 3. de
magnitudine urbis Romæ, cap. 7. Denique
peculiare tentorium in castris, ubi repositæ
fuerint Aquilæ, non memorant Scriptores,
locus verò Herodiani non sufficit, quia ille
per similitudinem ita vocat prætorium. Si-
gna militaria fuerunt, quæ ante prætorium
stabant, non etiam alia, quæ in facello re-
conde-

condebantur. Salmastii correctio in loco
Flori locum non habet.

CAPUT DECIMUM.

Diatriba singularis de Triumphis
Romanorum.

SUMMARI A.

1. Triumphi ceremonia.
2. Spolia in triumpho.
3. Arcus triumphalis Titi.
4. Tituli & simulachra.
5. Imperator cum triumpho.
6. Curvus in triumpho.
7. Ovationis ceremonia.

I. DE triumpho peculiare libros scripserunt Bartholomæus Marlianus, Onufrius Panvinus, Julius Cæsar Bulengerus, quibus adde Robertum Valturium lib. 12. de re militari cap. 1. 2. seqq. Picuras universæ pompæ habent Onufrius Panvinus l. d. Jacobus Laurus part. 1. Antiquitatum Romanarum num. 5. 6. 7. Imperatori triumphanti, cum per urbem in Capitolium curru subveheretur, acclamabant Milites: IO TRIUMPHE, ut scribit Varro lib. 5. de causis L.L. Horatius:

*Teq, dum procedis, lo triumphæ,
Non semel dicemus, lo triumphæ,
Civitas omnis,*

lib. 4. Carm. 2. Triumphabant illi qui validam gentem sævissimis pugnis feliciter attriverant, & Rempublicam auxerant provinciæ alicujus accessione. Dictatores, Consules, Prætores. Habitu triumphali ornati, armillis sumptis, annulum verò ferreum (ut Plinius auctor est lib. 32. histor. natur. cap. 1.) digito gestantes, redimiti laureâ. Horatius:

*Nequeres bellica Delia
Ornatum solis Ducem,*

Quod Regum tumidas contuderit minas,
lib. 4. Carm. 3. Ramum lauri protensum dexterâ, sinistrâ eburneum sceptrum tenentes in curru obaurato sedebant. Nummos habet Antonius Augustinus Tab. 13. num. 18. Tab. 14. num. 3. Tab. 18. num. 15. Tab. 34. num. 22. 23. Tab. 46. num. 10. 14. Tab. 55. num. 16. Tab. 56. num. 10. Horatius:

*Io triumphæ, tu moraris aureos
Curvus.*

lib. 5. Carm. 9. *Ἰὼ νικητὴν ἀμάρτυρα καὶ ἐν ἡμετέροις πόλεσιν ἀντιπάλῳ πομπῇ πομπήσῃσι,* ait Philostratus in vita Dionis Sophista: Exponit Turnebus, quod curvus illi fuerint de solido auro, lib. 2. Adversar. cap. 16. Negatur hoc propter illa Tibulli:

*At te vistrices lauros Messala gerentem,
Portabit niveis curvus eburnus equis.*

lib. 1. Eleg. 8. Et Ovidii:

*Ille Ducis facies in curru stanti eburno,
Excuteret frigus sensibus omne meis,*

lib. 3. de Ponto Eleg. 4. Et Albinovanii Perdonis consolatione ad Liviam:

Magnaq, maternis majoribus equa paternis

Gloria quadrijugis aureus ibit equis.

*Regalq, habitum, curruq, superbus eburno,
Fronde triumphali tempora vinctus erit.*

Conciliare vult Torrentius. Quid ergo si aureos pro fulgentes atque eximie ornatos accipiamus? inquit ille ad brum Epodon Horatii Commentario pag. 367. Resita se habet: Curvus eburni erant, perinde ut lecti, in quibus Cæsares defuncti efferebantur ad exsequias, ut dictum est suprà lib. 1. cap. 8. dist. 6.

dist. 6. cæterum fuerunt bracteis aureis obduci. Florus lib. i. histor. Roman. cap. 5. vocat *auratum currum*, & proprius dicit:

Cuius inaurati celebrantur limina currus, lib. i. Eleg. 16. Quod ad formam attinet non omnes habuerunt eandem. Currus oblongos, uti Circenses erant, pingunt nummi Trajani Cæsaris, quorum unus refert Cæsarem, ut manu habeat laurum, & quatuor elephantos ad currum junctos, alter Victoriolam, quæ duas in manibus habet laureas, duos equos funales, Sebastianus Erißus *Expositione ad nummos Cæsaris* pag. 174. 175. Rursum currus rotundos plurimum cernas in nummis Augusti, Germanici, Titi Vespasiani, Adriani, Antonini Pii, Commodi, Bassiani, Macrini, Alexandri Severi, Maximini, Gordiani, quos exhibent Antonius Augustinus *Tab. 29. num. 3. 9. Tab. 30. num. 13.* Sebastianus Erißus *Expositione ad nummos Cæsarium* pag. 136. 223. 281. 365. 416. 460. 477. 489. 503. Gortæus *Tab. 16. num. 8.* Petrus Seguinus *libro de numismatis antiquis* pag. 102. Johannes Tristanus *Commentarius de Imperio Romano*, Tom. 1. pag. 86. 153. 196. 507. Atque ut victoriæ notas aliquas velut coram spectaret populus, respergebatur maculis sanguineis. Notat Seneca: Nullum ornamentum Principis fastigio dignius est, quam illa corona ob cives servatos, non hostilia arma detracta victis, non currus barbarorum sanguine cruenti, non parva bello spolia, lib. i. de Clementia cap. 26. Eodem pertinent illa Claudiani: *Scilicet ut Latio respersos sanguine currus Aspicerem*, libro de sexto Consulatu Honorii.

III. Per triumphalem portam (uti vocat Cicero in *Personiana*) advecti, maxima læti-

tiz signa comperiebant, videbant vias flore & ratas, audiebant plausus & acclamations, summoventibus lictoribus cum bacillis turbam, ne se pompæ admiscerent, ordinemque turbarent. *Ovidius*: Quaque ibis, manibus circumplaudere tuorum, Undique jactato flore tegente vias. Tempora Phœbeâ lauro cingentur: loque Miles Io magnâ voce triumphæ canet, lib. 4. *Tristium Eleg. 2.* Tubicines præibant, & præana canebant, sequebantur Popæ cum bobus, qui sertis onerati & cornibus inauratis ad sacrificium properabant. *Virgilius*: Et statuam ante aras auratâ fronte juvenum, lib. 10. *Æneidos*. Adolescentes in comis & hastis (fercula vocat Suetonius lib. 1. cap. 37.) præferebant spolia opima hostium, ipsi etiam laureis ornati, quod monstrat Arcus Triumphalis Titi Vespasiani, quem pingit Augustinus Tornielus in *Annalibus sacris* Tom. 2. pag. 273. Spolia cum plura erant, quam ut gestari possent commodè, curribus imposita vehebantur cum ostentatione.

III. Tornielus l. d. pag. 270. seq. differt pro obtinendis spoliis in Hierosolymorum destructione per Titum Vespasianum ablatis, fuisse inter illa, Arcam fœderis. Nos verò hoc negavimus *Auctarius ad Historiam Ecclesiasticam* pag. 270. seqq. Certè libri Maccabeorum, ubi describunt templi secundi utensilia, nominant quidem altare obauratum, candelabrum, mensam propositionis, 1. *Maccab. 1. 23.* sed de Arca nihil memorant. Perierat incendio templi primi à Chaldeis illato, unâ cum Lege Moysi, quæ ibi recondita erat. Tornielus affirmat, quòd Arca Fœderis in templo secundo fuerit, & per Titi milites ablata. Probare

vult : (1.) Quia Jeremias addidit arcam in monte Nebo , antequam Chaldæi urbem & templum devassarent , 2. Maccab. 2. 4. 5. *Respondeo* : Fabulæ sunt , quæ libro isto referuntur , uti docuimus *libro de Scriptura sacra, Exercitat. 22. dist. 2. 3.* (2.) Quia Josephus *lib. 7. de bello Judaico, cap. 2. 4.* narrat , à Tito monstrata esse in Triumpho mensam auream , candelabrum aureum , Legem novissimam spoliurum. *Respondeo* : Legem putata , descriptum aliquod Legis exemplar , non verò duas Legis tabulas è Sina monte olim delatas , & intra arcam fœderis depositas , 1. *Reg. 8. 9. 2. Chron. 5. 10. Hebr. 9. 2. 3. 4.* Hinc nequaquam evincitur , quòd arca fœderis in excidio secundo adfuerit. Potius contrarium testatur Josephus , *suo tempore* , inquit , *nihil repositum fuisse in sacrario templi* , *lib. 6. de bello Judaico cap. 6.* Quæ verba sententiam nostram confirmant. Denique in arcu triumphali , quomodo illum pingit Torniellus , videntur quidem mensa propositiois & ei annexæ duæ tubæ argenteæ , quarum usus in Jubilæo fuerat , nec non candelabrum aureum septem arundinibus interstinctum , nullum uspiam arcæ indicium est.

IV. Spoliorum accessio erant tituli & simulachra picta , lignea , aurea , argentea , ferrea , eburnea , devictarum gentium , urbium , classium , exercituum. *Ovidius* : Ergo omnis populus poterit spectare triumphos , Cumque Ducum titulis oppida capta leget , *l. d.* *Et paulo post* : Hic lacus , hi montes , hæc tot castella , tot amnes , Plena feræ cedis , plena cruoris erant. *Et post pauca* : Crinibus etiam fertur Germania passis , Et Ducis invicti sub pede mæsta sedet. Collaque Romanæ præbens animosa securi , Vincula fert

illâ , quâ tulit arma manu. Rursum *lib. 2. de Ponio, Eleg. 1.* Protinus argento veros imitantia muros , Barbara cum victis oppida lata viris. Fluminaque & montes , & in altis profusa silvas , Armaque cum telis instructa suis. *Propertius* : Aut canerem Ægyptum & Nilum , cum tractus in urbem Septem captivis debilis ibat aquis , *lib. 2. Eleg. 1. Et lib. 3. Eleg. 3.* Inque sinu charæ nixus spectare puellæ incipiam , & titulis oppida capta legam. *Claudianus* : Hi famulos traherent Reges , hi facta metallo Oppida veli montes , captivæque flumina ferrent , *lib. 3. de laudibus Sullæ canis.* Florus : Cæsar patriam victor invelitur , primum de Gallia triumphum transmisit Rhenus , Rhodanus , & ex auro captivus Oceanus , altera laurus Ægyptia , tunc in ferculis Nilus , Arctonæ , & ad simulachrum igneum ardens Pharus , *lib. 4. Histor. Roman. cap. 2.* Tum subibant hostium Duces , victi catenis & captivi. Antequam detonsi in signum servitutis ? Ita putat Thomas Dempsterus *notis ad lib. 10. Johannu Rosini, pag. 1704.* & profert illa *Propertii* : Testor majorum cineres tibi Romanolendos , Sub quorum titulis Africa confajacet , *lib. 4. Eleg. 12.* Atqui Propertius hoc non dicit , ubi *in sa Africa* est idem quod depopulata creberrimis bellis. Neque agit de titulis , quos præferebant triumphorum Duces , verum intelligit titulos sepulchrales , quomodo Juvenalis dixit , *insolores digna sepulchri* , *Satyr. 6.* De catenatis in triumpho Ducibus indicat *Tibullus* : Novos pubes Romana triumphos Vidit & evinctos brachia capta Duces , *lib. 1. Eleg. 8.* Vinculaque captivæ Reges cervice gerentes , Antequam coronatos ire videbit equos , *lib. 4. Tristium, Eleg. 2.* Horatius : Intactus aut Britannus ut descen-

descenderet Sacra catenatus via, *lib. 5 Carm.*
 7. Catene sapius erant aureæ, vano solatio.
Silius Italicus: Ante Syphax feretro resi-
 dens. captiva premebat Lumina & auratæ
 servabant colla catenæ, *lib. 17*. Eos profe-
 quebatur novus ordo virorum amictu can-
 dido, qui triumphales coronas ferebant
 cum pompa. *Juvenalis*: Hinc præcedentia
 longi Agminis officia & niveos ad frena
 Quiritēs, *Satyr. 10*.

V. Hos demum excipiebat Imperator,
 cujus veltis triumphalis erat purpura cum
 n. texto auro, picta, clavos aureos habens.
Silius Italicus: Ipse æstivans curru, atque ostro
 decoratus æ auro, Martia præbebat specta-
 da Quiritibus ora, *lib. 17*. de bello Punico se-
 cundo. *Ovidius*: Hoc super in curru Cæsar
 victore veteris, Purpureus populi ritæ per ora
 tui, *lib. 4*. *Trist. Eleg. 2*. ἡ νύχις καὶ κόπαι-
 σο. appellat Dion Cassius *lib. 63. histor. rom.*
 φέγει δὲ τὴν χρυσῆν ἐν τῷ φαιμένον vocat Ap-
 pianus in Punicis, id est, purpuream togam
 aureis stellis intertextam. Eodem sensu
 Dionysius Halycarnassensis *lib. 3*. dicit. χιτῶ-
 να πικρὴ, ἢ χρυσόσηκτοςunicam purpuream
 auro clavatam. Depingitur in nummo Cæ-
 saris unâ cum corona laurea apud Anto-
 nium Augustinum *Tab. 13. num. 21*. Inscri-
 ptio Romana:

PR. TR. PL. Q. Augur. TR. MIL. ex-
 forte. bellum. cum. Jugurtha. Numid.
 vel. P. ocof. gessit. eum. cepit. & tri-
 umphans. in. Jovis. secundo. consula-
 tu. ante. currum. suum. duci. iussit. III.
 Consul. absens. creatus. est. IV. Teuto-
 norum. exercitum. delevit. V. Consul.
 Cimbro. fugavit. ex eis & Teutonis.
 iterum. triumphavit. Rempublicam.
 turbatam. Seditioibus. &. TR. PL. &.

Prætor. qui. armati. Capitolium. oc-
 cupaverant. VI. Col. vindicavit. Post.
 LXX. annum. patriâ. per. arma. civilia.
 pulsus. armis. restitutus. VII. Consul.
 factus. est. de. manubiis. Cimbricis. &
 Teutonicis. ædem. honori. & virtuti.
 victor. veste. triumphali. calceis. pu-
 nices.

Bartholomæus Marlianus in *Topographia*
Urbis, lib. 6. cap. 19. Johannes Jacobus Boif-
 sardus *part. 3. Antiquitat. Romanar. fol. 118*.
 Est Tropæum Marii, & vestem triumphalem
 expressè nominat. Alio nomine sunt
 Tunice palmatæ. *Martialis*: Icomes & ma-
 gnos illæsa merere triumphos, Palmatæ que
 Ducem, sed citò redde togæ, *lib. 7. Egram.*
 1. Nimirum quòd illis intererentur victoriæ
 cum ramulis palmarum, filis aureis & pur-
 pureis. Currum trahebant quatuor equi al-
 bi, ut videre est in nummo Lepidi Impera-
 toris apud Antonium Augustinum *Tab. 6.*
num. 24. Propertius: Quatuor hinc albos
 Romulos egit equos, *lib. 4. Eleg. 1*. Nam
 quod Sextus Aurelius Victor libro de *viris*
illustribus cap. 23. scribit, Camillo criminis
 datum esse, quòd equis albis triumphasset,
 illud habet à Livio *lib. 5. histor.* & Plutarcho
in viris illustribus. Et fortasse ævo illo uti
 novum, ita ansam præbuit calumnix, cate-
 roquin deinde in usum venit, permansit-
 que. Apud *Claudianum* Roma loquitur
 Principem: Ast ego frenabam geminos qui-
 bus altior ires, Electi candoris equos, libro
 de *sexto Consulatu honori*. Reprehendit Bu-
 lengerus libro de Triumpho cap. 17. quòd
 Principis cum triumpho incedentis curru
 adjunctantur duo equi, non etiam quatuor.
 Atqui de triumpho non loquitur Puetz, sed
 Consules tunc temporis hæc pompa urbem in-
 gre-

ingrediebantur. *ἡ δὲ ἵππῳ* sunt apud Herodianum lib. 7. histor. *Invecti quadrijugo currus & albensibus equis*, ubi triumphum describit, ait Plinius in Panegyrico cap. 22. Et Apulejus in Apologia triumphantis *quadrigas albas*. Ovidius: Sic tibi maturè fraterni funeris ultor, Purpureus niveis filius instet equis, lib. 2. de Pontio, Eleg. 8. Equi erant fertis ornati. Ovidius: Hic tibi sic redeat superato victor ab hoste, inque coronatis fulgeat altus equis, lib. 2. Tristium, Eleg. 7.

VI. Postquam ævum insanire cepit, equorum vice adjungebantur leones, elephantis, cervi, & exempla produnt Suetonius lib. 4. cap. 37. lib. 5. cap. 11. Vopiscus in Aureliano cap. 19. Plinius lib. 8. cap. 16. Quatuor elephantos ad currum rotundum junctos, in quo sedet Augustus lauream protendens manu, exprimit nummus apud Johannem Tristandum *Commentarius de Imperio Romano*, Tom. 1. pag. 86. Goriæum Tab. 16. num. 8. Tab. 28. num. 2. Eodem modo triumphantem Cæsarem habet Æneas Vicus Parmensis in nummis Tab. 8. num. 48. Duos struthiones curru trahentes victorem Cæsarem, laurea in sinistra vexillum dextrâ tenentem, ostendit Goriæus in *sculpturis gemmarum* cap. 5. Scribit Sidonius Apollinarius: Nectui currum curru superare Metelle Contigit, ostentas nobis Elephantas frequentem Grex niger albentes tegeter cum mole jugales, Authoremque sui celaret pompa triumphi, Carm. 7. Vult quod jam olim Cæcilius Metellus in bello Punico primo victor triumphaverit elephantis ad currum junctis. Atqui Metellus non junxit ad currum velut jugales, sed duxit separato grege, & populo ostentavit, uti olim fecerat Manius Curius Dentatus triumpho adversus

Pyrrium Macedonem victor. Referunt ita Plinius lib. 7. histor. natur. cap. 43. Seneca libro de vite brevitate cap. 13. & vetus Inscripcio apud Janum Gruterum in *Volumine* pag. 307. num. 3. ubi est: L. Cæcilius Metellus. L. f. Pontifex. Max. Dictator. qui. primus. elephantos. primo. Punico. bello. duxit. in. triumpho. primarius. bellator. optimus. orator. fortissimus. Imperator. auspicio. suo. maximas. res. gessit. maximo. usus. honore. Hactenus Inscripcio Romana de Metello. Agmen claudebant equitum & peditum exercitus, suo quisque ordine, laureati omnes in lanceis pilis, ajunt Festus Pomponius lib. 11. de verbor. significat. pag. 321. Plinius lib. 15. cap. 30. Et cum dulci júbilo. Claudianus: Ipse albis veheretur equis currumq; secutus Laurigerum, selto fremuisset carmine miles, lib. 3. de laudibus Sicilicis. Martialis: Festa coronatus ludet convicia miles, Inter lautigeros cum comes ibit equos, lib. 7. Epigram. 7. Convicia dicit, quoniam infirmitus miles sæpè dictis exagitabat Imperatorem triumphantem, idque impune, uti constat ex Suetonio lib. 1. cap. 49. 51. Rursum Martialis: Consuevere jocos vestri quoque ferre triumphi, Materiani dictis nec pudet esse Duce, lib. 1. Epigram. 5. Ad Capitolium passibus æquis contendebant, cumque prope illud Imperator esset, jubebat is hostium Duces captivos in carcerem publicum sive Tullianum, incultum tenebris & odore fædo, atque terribilem facie, (ait Salustius in Catilinaria) abripi & supplicio perlictores affici. Josephus, *αἰς τὸν πρὶ τῆς ἀγοῆς τόπον ἵσταντο*, lib. 7. de bello Judaico cap. 24. Locus ille foro proximus erat carcer, quem diximus, & describit mortem Simonis Bar-Giora, quem in excidio Hieroso.

rosolymorum urbis vivum ceperat Vespasianus Imperator. Capitolium ingrediebantur, victima fiebat bove candido. *Ovidius*: Candidaque adducta collum percussa securi Victimæ, purpureo sanguine tingit humum, *lib. 4. Trist. Eleg. 2.* Jovi coronam auream & spolia opima suspendebant, inque gremium ejus deponebant laurum hæcenus protensa manu gestatam, epulum publicis sumptibus adornabant, pecuniam in vulgum spargebant, *Plinius lib. 9. natur. histor. cap. 55. lib. 14. cap. 6.* *Suetonius lib. 1. cap. 38. lib. 3. cap. 19.* Plutarchus in vita *Luculli*, *Dion Cassius lib. 54. histor.* Eò alludit Seneca: Scilicet minus beatè vivebat Dictator noster, qui Samnitum Legatos audivit, cum vilissimum cibum in foco manu suâ versaret, quàm tam sapè hostem percussisset, laureamque in Capitolini Jovis gremio reposuerat, *Consolat. ad Helviam cap. 10.* De quo Senecæ loco vide Justum Liphium notatus ad *Annales Taciti lib. 2. num. 44.*

VII. Hæc Triumphi gloria erat, amplissima illa, minor verò Ovationis. Consules & Prætores, victores hostium, qui debiles vel ignobiles erant, neque virum aliquid populo victori conciliabant, in publico ovabant. Pedites ingressi urbem, sed equo per urbem circumvecti sunt. *Tibullus*: Ille licet Cilicum victas agat ante catervas, Ponat & in capto Martia castra solo: Totus & argento contextus, totus & auro Insidet celeri conspiciendus equo, *lib. 1. Eleg. 1.* Militari habitu induti, coronati myrto, ad Capitolium pergebant, tubicines comitabantur, sequebantur milites, oves cædebant pro victima, *Aulus Gellius lib. 5. cap. 6.* Cæsarium ævo, uti alia quædam, sic hoc etiam immutatum est, & loco equi permissus est Victo-

ribus currus, itaque Ovantes curru per urbem vehantur, quod de Tiberio (antequam Cæsar esset) narrat *Suetonius lib. 3. cap. 9.*

CAPIT. UNDECIMUM.

De Jure contra Fœdera.

SUMMARIA.

1. *Ritus paciscendi fœdus.*
2. *Fœdus sociale.*
3. *Fœdus æquale & inæquale.*
4. *Obsides.*
5. *Fœdus Chamborticum.*
6. *Fœdera cum insidelibus.*
7. *Solvuntur contrariæ rationes.*
8. *Fœdus cum Turco.*
9. *Solvuntur instantiæ.*
10. *David apud Philistinos.*
11. *Hussus exstus.*
12. *Fides hæreticis data.*

I. **F**œdus est, quo Princeps sibi obligat amicos. Apud Romanos veteres erant Fœciales, non tam Religionis quàm Justitiæ Sacerdotes, atque Jus illud proficiebantur, quod circa pacta, fœdera, conventiones, conditiones populorum & Regum, Legatorum commissa, induciarum concordata, pacis & belli acta publice verlatur. Prætes Collegii ejus erat Pater patratus. Inscriptio Mediolanensis.

D. S. I. M. P. Acil. Pisonianus. Pater. Patratus. qui. hoc. spæcum. viol. ignis. absumptum. comparata. à. Repubi. Mediol. pecuniâ suâ. restituit.

Gruerus in Volumine pag. 34. num. 9. Cum-

Cumque bello iusto populum aliquem invadere volebant, feciales quatuor amabant, ut denunciarent bellum, Dionysius Halycarnassæus *lib. 4.* Plutarchus *in vita Nymæ*. Verbenâ coronati Oratores, capite velato ad fines populi ejus, quem hostem declaraverant, profecti, hastam sanguine tinctam immittebant, principium cladis ab exercitu accelerante imminentis De verbenâ testis est Virgilius: *Verbenâ tempora vincit*, *lib. 12. Æneid.* De hasta immissa scribunt Aulus Gellius *lib. 10. cap. 27.* Ammianus Marcellinus *lib. 19. histor.* Fœderis pacificendi ritus describitur apud Livium *lib. 1. histor.* ubi est de fœdere inter Tullum Hostilium & Albanos percussio. Verba obligantia sunt ista: Audi Jupiter, audi Pater patræ populi Romani, audi tu populus Albanus, ut illa palam prima postrema ex illis tabulis cerave recitata sint sine dolo malo, utique hæc ea rectissime intellecta sunt, illis legibus populus Romanus prior non deficiet. Si prior defecerit publico consilio, dolo malo, illo die Jupiter populum Romanum sic ferito, ut ego hunc porcum hodie feriam, tantòque magis ferito, quantò magis potes pollesque. Idubi dixit, porcum saxo silice percussit. Hæc Livius: Porcus pro sacrificio velut exdebatur, itaque nummus cusus ab Italicis populis, quo tempore bellum Marficum cepit, in altera parte exhibet imaginem Italici cum laureato capite, in altera conjurati stant, atque in horum medio fecialis unus propè hastam sanguiniam, qui porcum sustinet, cujus immolatione fœdus perficiebatur, Stephanus Pighius in *Annalibus urbis num. 662.* Goriæus *Tab. 38. num. 1.* Inde est, quod Virgilius scribit:

Casâ jungebant fœdera porcâ.

lib. 8. Æneid ubi Servius notat: *Fasâ autem ait porcâ, nam ad hoc genus sacrificii porcus adhibebatur*, in Commentario pag. 529. Res erat indifferens, porcus, porca, uti etiam in sacris aliis. Cicero *lib. 2. de Inventione cap. 30.* In eo fœdere, ait, quod factum est quondam cum Samnitibus, quidam adolescens nobilis porcæ sustinuit. Rursus *lib. 2. de LL.* Porco fœminâ, ait, piaculum dare. Suetonius in *Clandio*: Cum Regibus fœdus in foro icit, porcâ casâ ac veteri fecialium præfatione adhibitâ, *lib. 5. cap. 25.* Locus est *Gen. 15. 9. 10.* Offer mibi vitulam triennem, & Abraham offerens ei omnia hæc, cum dissecuisset per medium, posuerat dimidiam cujusque partem è regione alterius. Et porro *vers. 17. 18.* Condito Sole ecce fumantem furnum & ardentem lampadem transeuntem inter segmenta illa. Hoc die pepigit Dominus cum Abrahamo fœdus, dicendo: Semini tuo dedi terram hanc. Scilicet, qui fœdus sanciebant, illi animalium carnes dissecabant & inter segmenta illa transibant. Vitula verò ut porca, scilicet victima sexus fœminini. Eratque ritus ille usitatus apud Chaldaeos, uti refert Cyrillus *lib. 10. adversus Julianum.* Respicitur eodem *Jerem. 34. 18. 19.* Lampas ardens erat symbolum Dei transeuntis & cum Abrahamo pacifcentis.

II. *Obligat.* Firma & securâ fœdera præstat æqualis omnium utilitas, æqualis omnium rerum agendarum aut suscipiendarum metus. Nam quæ uni tantum profutura sunt, vel etiam obfutura, per se ipsa ruunt & dissolvuntur, uti benè disserit Franciscus Guiccardinus *lib. 2. histor.* Tale videri fœdus illud potuit inter Pium V. Pontificem Maximum, Regem Hispaniæ, Italiæ Principes, Venetosque, adversus efferentem se

Turco.

Turcorum potentiam initum, & volumine peculiari descriptum ab *Ibeto Folietta*. Et feliciter initum, quia vincere in sinu Corinthiaco hostium classem incomparabilem, viribus junctis potuerunt, infelicitate autem, quia impar utilitatis perceptio victoriæ emolumentum corripuit, uti diximus in Recensu historiarum universalis, *lib. 19. cap. 2. dist. 19.* Arduum igitur non fuit dissolvi, quod tamen tot legationibus coaluerat. Quisque ad se & comoda sua belli vires retulit. Ac sanè agebantur res Venetorum in Græcia & mari Syriaco, utrumque à ditione Hispanica se junctum erat, neque in repetenda Cypro animus idem, quam sibi petebat Hispanus ob majores belli vires collatas, & verò sibi repetebat Venetus, qui hæcenus possederat. Hispanis utiles erant & necessariz in Africæ expeditiones: Nihil ad se, quæ in Asia gerebantur, spectare Veneti putabant. Ita factum, ut dum Veneti Turcorum in Oriente vires timebant, & Africæ totius viciniam suspectam habebant Hispani, non eodem animorum ardore, nec eadem viâ, uti pugnatum fuerat, victoriam persequerentur, Veneti in super ob factam cum Turcis pacem, & mercioniorum in Asia libertatem auro præsentem redemptam, veluti parum servassent fœderis leges, ab Hispano maledictis lacerabantur, teste Petro Justiniano *lib. 16. Historiæ Venetæ*. Pontifex mirabatur, de præda Venetos Hispanosque contendere verbis inanibus, quàm in manus eorum ab hoste resignatam, negliger paciscendo amiserant. Ipse ardorem pro ampliando Christi Regno suum testatus esse, satis habebat. Scilicet odio, invidiâ, livore, suspici- quibus nunquam hujusmodi fœdera vacant.

III. *Amicos.* Scilicet paris autoritatis & potentiz, adeoque ob causas varias, defensionem mutuam adversus hostem communem, offensionem in eundem, vitandas infensas, tuendos fines. securitatem possessionum & contractuum, vincula cuncta, commerciorum incrementa promovenda. Hæc sunt fœdera æqualia & intus personalia. Quæ verò Bartholomæus Keckermannus *lib. 1. System. Polit. cap. 24.* Balthazar Cellarius *lib. 2. Institut. Politic. cap. 13. dist. 8.9.* Richard Zouchus in *Jure Fœdali part. 1. pag. 49.* Petrus Faber *lib. 1. Semestr. cap. 7.* Arniseus *lib. 1. de Jure Majestatis cap. 4. num. 3. seqq.* vocant fœdera inæqualia, ea, inquam, mandata sunt potius aut velut mandata, cum major præscribit minori, & potentior imperando jubet agere infirmior illa, de quibus compellatur. Ita Romani cum Ætolis sociale fœdus his verbis percurserunt Imperium majestatenique populi Romani Gens Ætolorum conservato, sine dolo malo, eosdem hostes, quos populus Romanus, habeto, armaque in eos ferto, & bella pariter gerito, Polybius *lib. 17. histor.* Simile fœlus est, quod Romani cum Judæis iniverunt, & describitur, *1. Maccab. 8. 23. 24. 25. 26. 27. 28. 29. 30.* Eodem pertinent fœdera quæcunque descripta cum his Regibus, quos instrumenta servitutis habebant, & *Reges infervientes* vocat Tacitus *lib. 2. b. stor. cap. 81.* Ad quam serviendi promptitudinem vel beneficio concessa post victoriam libertate, vel objecta inani commodi pacis imagine vicinis Principes & Populos invitabant erantque isti inæquali fœdere adsciti cum validissima in bellis auxilia tunc. tumissima Imperii adversus exterorum irruptiones propugnacula. Quavis autem verè

potestate sua spoliati, ad cuncta Romano-
rum imperia componere sese cogerentur,
ne tamen istius jugi impatientes, defectio-
nis consilia agitant, variâ libertatis specie
illos demulcebant, *Reges, Amicos, Socios* ap-
pellabant, missis Legationibus salutabant,
munera offerebant, & cum fortè illorum
auxilia adhibebant, potius rogavisse illa,
quam imperavisse videbantur, militares
operas dando provincias victis ablatas,
compensabant. Huc quoque referri debet
fœdus, quod petebant Gibeonitæ, pars Hi-
væorum, apud Josuam & Proceres Hebræo-
rum verbis illis, *servi tui sumus*, Josuæ 9.8.
Submittebant obsequio ejus sese, vitæ &
fortunarum incolumitatem pacti. Quia verò
per dolum quæstiverant & impetraverant
fœdus, non illud quidem servatum eis fuit,
verùm servitiis publicis addicti sunt, quo-
modo Helotæ erant apud Lacedæmonios,
de quibus meminit Cornelius Nepos in vi-
ta *Pausaniæ*. Disserunt quidem Janus Dru-
sius notatis ad librum *Judicum* pag. 81. Ma-
sius & Serrarius *Commentarii* ibidem, non
opus fuisse, quòd Hebræi datam fidem ser-
varent. Verùm hos benè refellit Cornelius à
Lapide *Commentarii ad librum Judicum*,
pag. 47. 48. & promissum obligavisse qua-
dantenus, constat quòd alio tempore viola-
tum, culpam super facti authores attraxerit,
& poenâ non levi expiata sit, 2. *Sam.* 21. 1. 2.
segg. Nimirum, poterant jure colonorum
retinere urbes, agros, prædia, si deditionem
fecissent, & Nohe leges admisissent, quando
vetitum erat Lege Moysis idola colere, & ido-
lorum cultores penes se tolerare, *Dent.* 20.
10. Poenæ instar erat, servitii publica exple-
re, & obvagari sine lare, sine tribu, donec sa-
croceroni ministerio consecrarentur, atque hi

sunt Nehiinzi, de quibus est 1. *Chron.* 10.
2. *Esdræ* 2. 43. cap. 7. 24. cap. 8. 20. *Nehem.* 1.
26. Quæ porro de fœderibus realibus do-
centur, perindè erronea sunt. Personalita
sunt fœdera omnia, uti rectè dicunt Bodi-
nus lib. 5. de *Repubblica* cap. 6. Albericus Gen-
tilis lib. 3. de *Jure belli* cap. 23. adversus quos
disceptant Hugo Grotius lib. 2. de *Jure belli*
& *paci* cap. 16. dist. 16. Johannes Smidelius
notis *Quæstiones Politicas Boxhornii*,
pag. 266. 267. Quæ realia fœdera vocant, ea-
tenus vera sunt, quia circa res, quæ aliquem
juris affectum habent, versantur. Dicit
Grotius: (1.) Siquidem cum populo libero
actum sit, dubium non est, quin quod ei
promittitur, sui naturâ reale sit, quia sub-
jectum est res permanens. *Respondet*: Atque
Rex ille, qui cum populo isto pepigit, mori-
tur, ejusque successor ad fœdus istud, nisi
velit, novisque solennibus contrahat fœdus
aliud, non obligatur. Dicit Smidelius: *Regi*
cum imperio ipso hæc facultas à populo data
est, ut Reipublica negotia efficaciter, & cum
virtute obligandi expediat. Mortuo Rege non
perit Reipublica, obligationis subjectum pri-
imum, itaque nec fœdus intercidisse potest
audire, l. d. Atque obligationis subjectum pri-
mum est Rex, in quem populus imperium
omne transtulit. Eo defuncto, fœdus desinit
esse. Nullus enim contractus egreditur per-
sonam contrahentem, & ad quæ persona
obligatur, illa non sunt communia ad plu-
res. Sin populus cum populo contrahit,
non tamen reale est, uti vocant, nec enim
pacificuntur in infinitum, verùm ad certos
annos, atque intra istud annorum spatium
per Legatos, iteratis vicibus, cum lubet, re-
novant, ne obsolescant. (2.) Si cum Rege
contractum sit, non statim personale cen-
sendum.

sendum erit, nam plerumque persona fœderi inferitur, non ut personale pactum fiat, sed ut demonstraretur, cum quo pactum factum est. *Respondeo*: Repugnat contrahere cum Rege, & non esse fœdus personale. Rex persona est, atque eo ipso cum ostenditur, quocum sit factum, ostenditur, fœdus obligare personam illam, ut velit, non obligare successores, cum hi non velint. Fœdere inter Carolum V. Imperatorem & Henricum VIII. Angliæ Regem inito convenerat, ut cum Provinciæ Belgicæ bello invaderentur, Angliæ Rex quinque millia peditum in quatuor menses suppeditaret. Defuncto Henrico, Rex Galliæ Franciscus invadebat Lucemburgicam, itaque petebat Cæsar ab Eduardo Anglo, ut copias auxiliares mitteret propter fœdus. Recusavit Anglus cum ob alias nonnullas rationes, quibus liber haberetur, tùm quod fœdus cum persona contrahentis exstinguatur, ut narrat Haiwardus in *vita Eduardi Angliæ Regis*. Ita olim Fidenates post mortem Romuli, à fœdere cum eo contracto immunes sese profitebantur, Latini post mortem Tulli, Ethrusci post mortem Prisci, Sabini post mortem Servii Regis à fœderis nexu solutos se esse aiebant, Dionysius Halycarnassus *lib. 3. & 4. Histor. Roman.* Nisi accidit, quod obligetur successor, ne merà voluntate possit se liberare, uti cum Rex aliquis, seque Regnumque suum, patrociniū tradit, velut dedititijs ejus futurus, tunc enim obligantur posteri, neque clientelam abjicere poterunt, uti exemplum est de Rege Ezechia *infra dist. 12.* Neque enim hoc est fœdus simplex, circa quod cum electione versamur, verum est contractus strictus, per quem compari potentiori traditur quædam

potestas, dum ille beneficia quædam suo periculo, nostro commodo in nos consulit. De his verum est, quod dicit Grotius: *Potest juramenti obligatio personam tantum obstringere, & ipsa promissio obligare heredem.* Uti dixi, hoc tunc valet, cum fœdera dedititiorum conficiuntur. Qui se primus dedit, juramento sese obligat, eoque juramento successor omninò tenetur. Hæc fœdera sunt cum onere, ob beneficium aliquod perceptum. Fœdera, quæ sunt arbitrii meri, istis legibus non describuntur, ideoque personalia sunt, & cum paciscentis obitu finiantur.

IV. Cæterum fœdera dedititiorum coalescunt per obsides, velut fidei datæ arrham certissimam. Quæritur verò: *An obsides propter eorum perfidiam, à quibus dati sunt, interimere liceat?* Respondeo: Affirmant Jacobus Menochius *conf. 7.* Albericus Gentilis *lib. 2. de Jure belli cap. 19.* Ratio est, quia fides rerum preciosissima quovis modo asseri debet, estque talis pœna ex conventionne. Nulli enim contractus frustrâ fiunt, fieret verò contractus per obsides roboratus, insuper frustrâ, si ei, cui obsides dati sunt, non liceret secundum justitiam injuriæ ultionem exercere in obsides. Justa igitur est, & juri divino consentanea, *Gen. 42. 37.* Romani interfecerunt Volscos trecentos obsides, postquam cives eorum à data fide recesserant, & hostilia agitabant, Dionysius Halycarnassus *lib. 6. historiarum.* Negat verò Grotius: Olim, inquit, cum vulgò crederetur, quisque in vitam suam id juris habere, quod in res alias, quæ in proprietatem veniunt, atque id jus consensu aut tacito aut expresso à singulis pervenisse ad civitatem, minus mirandum est, si obsides

privatim innoxios ob peccatum civitatis morte affectos legamus, live tanquam ex peculiari suo consensu, live tanquam ex publico cui & suis includeretur. At postquam verior sapientia nos docuit, dominium in vitam Deo exceptum, sequitur ut solo consensu nemo jus cuiquam dare possit in vitam aut suam aut civis sui. Atque ita Narseti bono Duciatrox visum de innoxiiis obsidibus supplicium sumere, narrat Agathias lib. 1. *hystor.* Hæc ille lib. 3. *de Jure belli ac pacis cap. 11. dist. 18.* & defendunt idem Franciscus Victoria *Relect. 6. de Jure belli cap. 43.* Johannes Schilterus *libro de statu & jure obsidum cap. 6. num. 11. 12.* Respondco: (1.) Obsides traduntur eis quibuscum paciscimur, ad securitatem, quæ nulla esset, nisi fide non servatâ, is, cui in securitatem dati sunt, in eos lævire possent. Nimirum fidejussio causa est, ob quam culpa defectorum in obsides transfertur, eisque imputatur. Neque aliter credebant illi, qui aliàs sciebant, dominium in vitam Deo exceptum esse, *Gen. 42. 37. 1. Reg. 20. 39. 40. 41.* (2.) Dominium, quod sibi Deus in vitam reservavit, impedit quidem ut nemo sibi ob impatentiam consciscat necem, sed non impedit, quò minus vitam suam aliquis oppignoret, publici boni gratiâ, propter eos, quibus conjunctus est. Scribit Johannes Bodinus lib. 6. *de Repub. cap. 6.* quòd Franciscus I. Rex Galliz, pacem Madritianam, quam Carolo V. Imperatori juratus promiserat, & filiis suis obsidum loco depositis confirmaverat, non debuerit servare. postquam compos libertatis domum rediit, obsides enim, inquit, quos dederat, nec pacis legibus, nec ullo jurejurando tenebatur, ac ne jurate quidem cogebatur, quia obles in eam causam datur, ut

pro captivo fidejubeat, aut capite luat, si is, qui promissit, à pactis conventis recesserit. Hæc ille. Nec aliter sentit Franciscus Hottonianus *libro questionum illustrium num. 7.* Ac fœderis quidem ejus leges exactè describunt Guicciardinus lib. 1. *6. hystor.* Johannes Sleidanus lib. 6. *hystor.* Quòd verò non obligaverit Regem, falsò asseritur. Erat juratum & liberis obsidibus vadatum. Obsides, quemadmodum fidejussores & pignora, obligationi principali accedunt, quò diligentius cautum sit parti alteri, & tantum abest, ut principalem obligationem tollant, ut magis eam stabiliant. Proinde Johannes Rex Galliz, in prælio ab Anglis captus, & datâ fide, quòd reverti vellet si minus implerentur pacta, dimissus, fidem servavit redeundo in captivitatem, quamvis filium obsidem tradiderat, & pacta non possent impleri, Paulus Æmylius lib. 2. *hystor.* Frosardus lib. 2. *hystor.* Regerit Bodinus: Non poterat Franciscus cogere Senatum populumque Francorum, ut pacis leges implendo, provincias Regni abdicarent. Quamobrem Imperatori, qui à pacis conditionibus discedere noluerat, jure bellum indictum est. Respondco: Debuit ergò Rex, si non publicâ, quoad ea fortè in quibus populi Senatusque consensus requirebatur, saltem fide suâ liberatâ, potius in carcerem redire, quàm fidem datam fallere, & eoque magis, quòd Princeps rectè de negotiis ad Rempublicam spectantibus paciscatur, siue pacem, siue quamcunque conventionem faciat cum hoste. *Instat:* Romani pacem ad Caudinas furcas descriptam cum Samnitibus, declaraverunt irritam esse, quandoquidem hostibus dati erant obsides. Falsum! Ideò pax ista non censetur esse bona, quòd.

quod populo inconfulto, & privato Consul Pollthumii ausu confecta erat. Consul verò data fidei memor, ut populum obligatione eximeret, obfidesque liberaret, iussit sese victum dedi Samnitibus, quibuscum seu turpi, seu necessariâ sponfione pepigerat, Livius *lib. 9. histor.* Cicero *lib. 3. de Officiis.* Denique ait: Captivi, qui fidem dederunt, & vinculis tamen retinentur, quando evadunt, nulla perjurii fraude obligantur. *Respondeo*: Est hoc prorsus diversum, quoniam fides non habita, fidem non obligat. Obfides verò dantur ex conventionem, quam non licet fallere.

V. De fœderibus æqualibus addendum est, quod licet personalia sint, adjuncta tamen habeant conditionem, ne quis sociorum cum hoste repugnantibus sociis in graviam redeat. Puta quandiu pro salute communi durant actiones hostiles, & verò socius ob privata commoda, velie hostilia prorogare, non convineatur. Multa verba facit Johannes Bodinus *lib. 5. de Republica, cap. 6.* ut fœderis Chambortici prorogationem utilem fuisse futuram, persuadest. Summa dissertationis hæc est: Henricus II. Gallie Rex, Mauritiu Saxo, Albertus Brandenburgicus, & Wilhelmus Nassus pepigerunt Chamborti Anno Christi 1552. adversus Carolum V. Imperatorem, ne quis fœderatorum cum hoste in amicitiam rediret, nisi fœderati omnes assentirent, qui contra faceret, perfidia sceleris execrabilis coram toto exercitu necaretur. Et tamen sexto post mense, fœdere Pallavico Mauritiu Saxo cum Imperatore transigit sociorum comicio nemine, ac ne Henrico quidem Rege fœderis conditionibus unâ comprehenso, quam perfidiam Albertus Bran-

denburgicus coram exercitu acerbissima oratione invecus, detestabilem & patrem & Regis & Imperatoris proditionem appellavit. Idem qui in socium tam severus erat, in seipsum indulgentissimus exstitit, paulò post enim adversus Regem ipsum arma cepit, quod Mauritium facere puduerat, ac nefarium bellum cum iplo Imperatore Henrico fœderatorum principi turpiter inferre non dubitavit. Hæc Bodinus. *Respondeo*: Fœdus quod ille Chamborticum vocat, idèò descriptum fuit, ut Germaniæ libertas in pristinum statum armis revocaretur adversus nimis gravem Cæsaris ubique gentium victoris potentiam. Quod cum obtineretur à Cæsare in alia bella prono extra Germaniam ducenda, & captivi Principes dimitterentur ad intercessionem Ferdinandi Regis, confectum esse bellum merito credebatur, & verò cum Henricus Rex pergeret armatas inimicitias alere, commodique sui gratia urbes imperiales occuparet, neque illas reddere vellet, ipse iustissimam causam dedit relaxandi fœdus, quod pro libertate Germaniæ asserenda acceptum fuerat, non etiam ad damnum ejus procurandum. Rem totam narrat Johannes Sleidanus *lib. 24. histor.* à quo dicas, non fuisse transactum Passavii Rege inconfulto, quamquam illud non admodum gauderet, pacem factam esse. Atqui cum negotium compositum erat, pro quo bellum gerebatur, ut finiretur, pax nō poterat nō describi articulis: utrique parti acceptis, & Rex cum exercitu suo abiit in Galliam, ubi hostis progressus à Belgica, longè latèque omnia devastabat, cumque cogebat, ut propria defenderet, aliena omitteret. De quare potrò vide Petrum Heigium *lib. 1. questionum illustrium.*

cap. 11. *Dominicum Arumæum Volum. 2. Juris publici, dissert. 27.*

VI. Quæritur hæc: (1.) *An liceat fœdera cum hæreticis & infidelibus inire adversus hostes?* Respondeo: Negant Albericus Gentilis lib. 3. *de Jure belli* cap. 19. Petrus Martyr in *Locus Theologicis* clas. 4. cap. 16. num. 23. & *Commentarius ad librum Judicum* pag. 76. Johannes Stephanus Menochius in *Micro-politicis* lib. 2. cap. 4. Wilhelmus Zepperus lib. 4. *de Legibus Moisaicis* cap. 6. Johannes Chokierus in *Theſauro Politico* lib. 2. cap. 9. Georgius Schönbornerus lib. 4. *Instit. Polit.* cap. 36. Antonius Faber *de Regenda Religione* lib. 3. cap. 4. Celsus Mancinius lib. 6. *de Jure Principum* cap. 18 *ſeqq.* Adferunt rationes: (1.) Quòd Deus ſeverè prohibuit legibus latis ad populum Judaicum, ne vellent inire ſcœdus cum profanis gentibus, *Exod.* 23. 32. cap. 34. 1. 2. 15. *Deut.* 7. 2. 3. cap. 15. 17. *Joſua* 23. 12. *ſeqq.* (2.) Quòd Aſſa & Joſaphat Reges cæterum boni reprehenduntur ob fœdera cum Regibus infidelibus contracta, 1. *Reg.* 15. 17. 18. 2. *Reg.* 16. 7. 2. *Chronic.* 6. 7. cap. 19. 2. cap. 20. 37. cap. 28. 16. 17. (3.) Quòd Prophetæ reprobant ſcœdeta talia velut cum damno ſalutis publicæ conjuncta, *Eſa.* 8. 12. cap. 30. 2. cap. 31. 1. 1. *Jerem.* 37. 6. *Ezech.* 16. 26. *ſeq.* (4.) Quòd Apoſtolus diſertè monet, ne jugum ducamus cum infidelibus, 2. *Corinth.* 6. 14. (5.) Quòd Judæi prorfus renunciaverint commerciis infidelium, ita ut cum Samaritanis converſari noluerint, *Luc.* 9. 53. *Johan.* 4. 9. (6.) Quòd fœdera talia malè evererint, inde Joſaphat de vita periclitabatur in prælio, naſeſque auriferas perdebat, Aſſa bellis perpetuis agitabatur, Regum infidelium confederati, 1. *Reg.* 22. 32. 2. *Chronic.* 16. 9.

cap. 20. 37. Palæologi Cæſares in verum pactum cum Turcis & perierunt, *Chalcondyas lib. 8. hiſtor.* Franciſcus Rex Galliz pepigit fœdus cum Solymanno Turco, & ob id vivens conquieſtus eſt, mortui poſteros punivit Deus, ut eos bellum, venenum, latronum cultri abſumpſerint, *Sleidanus lib. 15. hiſtor.* Thuanus lib. 1. 2. *ſeq. hiſtor.* Hæc illi.

VII. *Reſpondeo:* (1.) De Chananæis diverſiſſima eſt ratio, quos Deus propter peccata graviffima devoberat internecioni, adeoque nolebat, ut Hebræi, quibus dominium in terras illas irrevocabili dono tradiderat, cum eis agerent, quæ aliàs cum populis infidelibus ſecundum Jus Gentium agi poterant. Exemplo ſunt Egyptii, haud dubie cultores idolorum, atque eos aveſtari ventantur Ebræi, *Deut.* 23. 7. Hiſomus Tyrius erat cultor Idolorum, & tamen Salomon Rex fœdus cum eo paſcebat; Regis Egyptiorum filiam matrimonio ſibi etiam copulabat, 1. *Reg.* 5. 1. *ſeqq.* cap. 9. 16. 17. Quò magis id liceat hodiè poſtquam ceſſavit diſcrimen gentium, *Eph.* 2. 14. (2.) Regum fœdera iſta non tam per ſe reprehentionem incurrebant, ac quòd Regum conſilia priſtata, eaque non laudata ſatis, intercederent. Aſſa reprehenditur, quòd de auxilio divino veluti deſperaret, adeoque Syrorum opem, nullâ impuſſus neceſſitate, imploraret, datis inſuper muneribus, ut Syrus frangeret datam Bæſæ fidem, ejuſque regiones inyaderet, 2. *Chronic.* 16. 2. 7. Joſaphat conſilio temerario uſus, pergebat in militiam adverſus Syros, à quibus nihil damni acceperat, neque tam defendebat Achabum amicum ſuum, quàm offende-

Tum

Tum quoque infelicem belli exitum Micheas Propheta jam ante prædixerat. Hæc meritis reprehendebantur. (3.) Fœdera illa secum inferebant communionem sacram, morumque, adhuc diffidentiam arguebant, quando promiserat Deus, fore ut auxiliari vellet ipse, non expectato vicinorum auxilio. Atqui hæc intollerabilia erant, uti constat exemplo Achæsi Regis veri Dei cultum infelici ausu rejicientis, 2. *Reg.* 16. 7. *seqq.* (4.) Paulus monet pios, ne in delubris convivarentur de extis, quando cultus Dei ex ipsius præscripto observatus, non posset consistere cum impietate demonibus exhibita, uti docent sequentia, *vers.* 15. 16. 17. Docuerat eadem in priori Epistola *cap.* 8. 1. *cap.* 10. 16. 17. 18. Post sacra peracta convivari in locis sacrorum, mos erat apud gentes, de quo egimus *lib.* 1. *Antiquitatum Romanarum*, *cap.* 11. *dist.* 11. Et credebatur, profectas Diis oblatas, sanctimoniam aliquam conciliavisse reliquis carnibus, ob Numen illud, quod aræ ejus cultum sortiebatur. Ne tale quid fieret, jam olim decreverant Apostoli in Concilio congregati, *Actor.* 15. 20. Nimirum, tum ut eò facilius coalescerent cum Judæis conversis, Idolorum hostibus insensis, *Numer.* 25. 2. *seqq.* tum ut eò magis à Paganismo removerentur, quatenus ne in minimo cum eo commune habere vellent, *Apoc.* 2. 13. 14. 15. 16. Et poterat fieri, ut ille, qui recens ad meliora sacra transiverat, fidei tenera esset, malisque exemplis posset commoveri, ut desertâ veritate, paulatim ad impuros cultus reditum faceret, cum videret alios in templis apud viscerationes Deorum epulantes, eosque in honorem idolorum ita facere existimaret. Hæc non prohibent, quò minus contrahan-

tur fœdera cum infidelibus. Est in præceptis illis specialiter expressis, obligatio stricta, quando novimus, Apostolos habuisse Spiritum Dei & ad honorem Dei retulisse omnia. Sed fœdera sunt juris gentium, eaque pro temporum & locorum occasione conficiuntur, neque ita arctè obligant, ut a mis imperent, aut ut alios ad defectionem impellant. (5.) Non meretur laudem, quòd Judæi senioris ævi ita egerint, itaque passim eis apud Josephum exprobratur τὸ ἀμεινον καὶ τὸ ἀσυνφύλον, infociabilis vivendi ratio, atque ob id ceperunt esse bipedum contemptissimi, uti ex variis Authoribus refert Petrus Cuneus, *lib.* 3. *de Republica Ebraeorum*, *cap.* 4. Quem tamen in hoc laudare non possumus, quòd Martialis versus addert: Dum te posse negas nisi lato Gellia clavo Nubere, nupisti Gellia cistifero, *lib.* 5. *Epigr.* 17. Et addit: Mendicabulum hominis Judæum vocat cistiferum, qui cum fœno cophinoque perambulabat urbem. Sic ille. Atqui Martialis verba non pertinent ad Judæum, & cistifer loco illo dicitur vilis sacrificulus Cybeles, qui ferebat cistulam, in qua sacrorum Iliacorum arcana reposita erant. Meminit Tibullus: Et levis occultis conscia cista sacris, *lib.* 1. *Eleg.* 8. & nos diximus *lib.* 4. *Antiquitatum Romanarum*, *cap.* 5. *dist.* 9. Cæterum Servator hunc non esse Legis sensum, eos palàm docebat, exemplo suo cum à fœmina Samaritana lubens aquam accipiebat, *Johan.* 4. 4. *seqq.* Proinde rectius fecerimus, cum agemus secundum exempla Christi & Apostolorum, qui superstitiones eas divinæ Legi & Juri Gentium contrarias, repudiabant, *Luc.* 10. 33. *Actor.* 10. 4. (6.) Causa est dicta paulò ante, quando vel privatum emolumentum, vel dissidentia erga Deum, vel temeritas

Regum.

Regum piorum vitii aliquid fœderibus iis addidit, unde fœdera damnabantur, *Jerem.* 17. 5. Græciæ Imperium evenit, quod res Græcorum intestinis bellis afflicta, odus consumpta erant, militum optimorum acie exforum strages, populorum hæcenus subditorum rebelliones, vicinorum invasiones quotidianæ Caesaribus vires ademant, & Græcorum Procures imprimis iustitiæ, virtutis, concordia studia, quibus Imperium steterat, negligendo, occasionem præbuerunt Turcis, ut obscura gens gentium aliarum domina armorum successu efficeretur, quemodo veteri Græciæ evenisse prodit *Iustinus lib. 8. histor.*

VIII. Fœdus illud quod pepigit Franciscus adversus Hispanos cum Turcis, improbant quidem *Limnux notis ad proximum Capitulationis Caroli V. num. 85. seqq.* Georgius Schonbornerus *l. d.* Verum defendunt *Bartholomæus Gramondus lib. 3. Historiæ Gallicæ*, *Wilhelmus Guajus libello de fœdere Regis Christianissimi.* Summa verborum hæc est: Quia necessitas cogat Barbarorum etiam ope uti: Quia fœdera sint Juris Gentium, in quo discernim Religionis non attendatur: Quia Deus utatur Diaboli ministerio ad castigandos malos: Quia licitum sit bombardis & gladiis uti in bello adversum hostes: Quia inter Christianos sint nebulones peiores ac Turci sunt, qui secundum conversationem externam honestæ vitæ operam dant: Quia Alia Rex pius & Davidis exemplo optimus, illatas a Bæsa Rege injurias propullavit, opem redimendo à Benhadado Syriæ Rege, cui pecunias sacras (*1. Reg. 15. 18. 19. 20. 2. Chron. 16. 2. 3. 4.*) donaverat: Quia Theodosius Magnus Valentiniano Arriano suppetias laturus, Bar-

barorum mercenaria auxilia in Maximum Catholicum eduxit: Quia Narfes Italiæ Prefectus Longobardorum Gentilium copias instructus, Ostrogottos Christi fide imbutos profligavit. Eodem jure Franciscus Rex Hispaniæ Regi, hosti irreconciliabili Turcum fœderatum, belloque ab eodem lacessitum opponere potuit.

IX. Ergò dicimus cum *Bodino lib. 5. de Rep. blica cap. 6.* *Bartholomæo Keckermanno in Cursu Philosophico disp. 33. quest. 8.* *Tiberio Deciano Volum. 3. conf. 20.* *Hugone Grotio lib. 2. de Jure belli & p. cis cap. 15. dist. 3.* *Samuele Martelio in System. Theolog. disp. 15. dist. 24.* *Martino Becano lib. 5. Manual. Controv. cap. 14. & Tom. 2. Theolog. Scholast. part. 2. cap. 25.* *Andrea Riveto Commentarius ad Hofiam pag. 197. seqq.* *Antonio Corsetto libro de potestate Regia part. 4. quest. 13.* quod fœdus sit, ejusmodi fœdera pacifici, non quidem ut fidei fidelibus live barbaris in pace agētibz, causâ indicandæ noceamus, sed ut adversus invalores quoscunque nostris alienisque viribus junctim contendamus. Rationes sunt: (1.) Quia Abraham pater credentium, inivit fœdus cum Mamre & Escol, qui Regulæ Phœnicia oriundi erant, ac porro impios Sodomitæ bello sociali defendit adversus populatores Assyrios, *Gen. 14. 13. seqq.* (2.) Quia Hasamonæi Principes iustitiæ & pietatis studiosi cum Lacedæmoniis & Romanis infidelibus omnino, sed fidei datæ observantissimis pepigere: unt. 1. *Maccab. 8. 20. cap. 12. 16. 20. cap. 14. 18. 25.* Excipit *Gentilis*: Maccabæi utcunque hominum laudati ore, testimonium nondum tulerunt Dei, quo ipsorum facta omnia iusta esse pronunciantur. *Respondeo*: Nullus ævo isto erat Propheta,

~~pheto~~, qui laudaret factum, attamen ex cau-
sis aliis facti iustitia apparet, postquam con-
stat, foedus illud approbavisse populum &
sacerdotes, legis patriæ cultores fervidos.
Proinde licitum fuisse hoc foedus, adversus
Rupertum Tuitiensem & Petrum Blæsen-
sem optimè defendunt Nicolaus Serarius
Commentariis adh. l. quest. 23. & Augusti-
nus Torniellus in *Annalibus sacris, Tom. 2.*
pag. 293.

X. Addunt *Becanus & Tiberius Decianus*
exemplum Davidis, qui se virosque suos
obtulit Achiso Regi Philistinorum, pugna-
turus contra Ebræos cives suos, 1. *Sam. 28.*
1. 2. *seq. cap. 29.* 1. 2. *seqq.* Verùm nobis haut
probatur factum illud Davidis, quod re-
prehendunt Burgenfis, Tostadus, Cajeta-
nus, Sanctius, Cornelius à Lapide in *Com-
mentariis*. Evocatus ad bellum, detrectare
non fuit ausus, ne tunc quidem, cum ducen-
dum esset contra patriam, sed obedientem
incolam Deus consilio occulto impedivit,
ne quâ sub prætextu clientelæ, cogeretur
populo Dei, aut legitimo sue Regi arma in-
ferre. Erat enim delictum contra legem,
quòd ferocia militari plenus gentes devotas
juvare volebat in affligendo populo suo,
Dent. 7. 2. 3. Itaque Deus propositum ejus
sufflamavit, movendo animos Philistino-
rum Principum, ut injectâ suspitione ambi-
guæ fidei, Davidem ejusque viros ab exer-
citu suo removerent, 1. *Sam. 29. 3. 4. 5.* Di-
cit quidem *Johannes Piscator*, ambigüe lo-
cutum esse Davidem, ut Achis Rex putaret,
velle cum invadere Judæos, cum tamen ma-
gis vellet prodere Philistinos, deserendo
copias eorum, *Commentariis adh. l. quest.*
308. Atqui cum Davidis mores propius in-
quemur, meritò credemus, nunquam ei in

mentem venire potuisse, ut ad quos supplex
confugerat, & à quibus civitate donatus
fuerat, eos turpiter deserendo, proderet,
damnoque per summam ingratitude affi-
ceret. Quin clientelæ jus etiam hoc vi-
debatur postulare, ut eum juvaret omnib.
modis, in cujus protectione habitabat. Ita
Jaël Heberis Kinzi uxor, quæ cum domo
sua in clientela Hebræorum incolebat, fu-
gentem ad se Chananæorum Ducem Sisa-
ram, occidebat in somnis, & Barako mor-
tuum tradebat, *Judic. 5. 24.* *Lyræus* instat,
Davidem justa arma potuisse opponere
Saulo, eumque persequi ad necem, ut Re-
gno, quod ei debebatur, potiretur. *Respon-
deo*: Privatum velut odium erat, quo Saulus
premebat Davidem, neque igitur ob cau-
sam illam David armis hostilibus uti pote-
rât adversus populum. velut in causa publi-
ca. Regnum, quod debebatur ei, dum
post Regis sui obitum adipisci debebat, vi-
venti Regi ripere non debebat, uti ipse met
protestatur adversus cognatos suos moræ
pertæfos, 1. *Sam. 24. 6. 7. cap. 26. 8. 9. 10.*
11.

XI. Quæritur: (2.) *An fides qua hæreticis
& infidelibus datur, servari debeat?* *Respon-
deo*: Negabant Monachi in Concilio *Con-
stantiensi Sess. 19.* & factò comprobant, cum
Johannem Hussum Bohemum & Hierony-
mum Pragensem, qui salvo conductu à Cæ-
sare Sigismundo instructi, ad Concilium ve-
nerant, spretâ Cæsaris intercessionem, vivos
flammis urebant. Excusant factum atrocis-
simum Martinus Becanus *Tom. 2. Operum
Theologicorum, pag. 629.* Dionysius Peta-
vius in *Rationario temporum lib. 9. cap. 8.*
Wilhelmus ab Effern in *Manuali Politico,*
lib. 2. pag. 302. Johannes Molanus *lib. 2. de*

fide servanda hereticis cap. 1. Christophorus Besoldus in *Synopsi historica* pag. 412. Summa argumentum elusionum hæc est: (1.) Non violaverunt fidem Proceres, sive Hussum spectes, sive Hieronymum. Id enim factum esset vel à Prelatis, vel à Cæsare. Non ab illis, quia nunquam dederant fidem Hussu. Non ab hoc, quia Hussu dederat saluum conductum jure communi, salvâ justitiâ. (2.) Dedit Imperator sub conditione fugæ, quam si moliretur, capitis pœnam subiret: Fugam tentavit Hussus, sed è fuga retractus perdidit saluum conductum. (3.) Noluerunt abjurare hæresin, propterea supplicium hæretico debitum luerunt. (4.) Nunquam legitur Hussus, de violata fide conquestus esse, id quod haut dubiè fecisset, si injuriam ipse advertisset. Sicilli. *Responsio*: (1.) Et Prelati & Cæsar violatæ fidei rei sunt, illi quidem consilium truculentum dando, hic verò patienter nimis obsequendo. Consilium ad memoriam omnem infame erat, Hussu hæretico secundum noviter sancitas Juris Canonici regulas, non potuisse dari saluum conductum, & quia datus sit, non debere servari. Paruit Cæsar, & in Romani Imperii territorio, civitate tunc libera, nunc verò Austriaca, permisit utrumque exuri, contra fidem ipsis totique Regno Bohemiæ datam: Monachi nec dare poterant saluum conductum in alieno territorio, nec datum violare. Quis enim constituit eos judices in rebus civilibus? *Luc.* 12. 14. Et si dedit Cæsar salvâ justitiâ, quænam hæc est justitia, viros innocentes in vincula mittere, & pro veritate doctrinæ adversus veritatis hostes è literis sacris decertantes flammis perdere? (2.) Nulla exceptæ fugæ conditio est in literis,

nec verum est, quòd Hussus fugam adornaverit. Nihil hac de re dicunt Acta Concilii, tantum hæreseos crimen impingunt: Defugata tentata, si hoc verum esset, addidissent Monachi, ut eò justius damnatus fuisse videretur. Nec poterat fugam moliri numellis & catenis ligatus, excubitoribus armatis circumseptus, carcere horrido & funesto conclusus. Nacleri figmentum est, *Volum. 2. generat. 48.* quod ille à vanis rumusculis percepit, & pro excusanda Patrum de Concilio perfidia, adscripsit, atque inde citant Becanus & Petavius in favorem causæ. Neque opus erat, per medium illud sese liberare, quorsum enim data fides? (3.) Noluerunt abjurare veritatem, quam cum testimoniis literarum sacrarum evertere non possent Monachi, exemplo pessimo ad flammam condemnaverunt, ut Judæi, qui veritatem in Stephano lapidibus petendo resellebant, *Actor. 6. 10. cap. 7. 54-55. seqq.* (4.) Satis conquestus est, libellos supplices ad Imperatorem dando, & literis Bohemiæ Procerum adhibitis rogando, ut de carcere emitteretur, teste Johanne Stunpfio in *Historia Concilii Constantiensis*, pag. 91. seqq. Cum frustra esset, Bohemi cruento bello viri magni, & Martyris, post Apostolicam memoriam celeberrimi, indignam necem ulciscabantur.

XII. Quòd fides hæreticis data servari debeat, negant Tiberius Decianus *lib. 5. Tract. Criminal. cap. 20. num. 55.* Julius Clarus *lib. 5. sententiarum de hæresi num. 18.* Stephanus Hofius *Epist. 193. 202. 210.* Antonius de Rosellis *libro de Potestate Papæ & Cæsaris cap. 25.* Caspar Scioppius in *Ecclesiastico, cap. 115. seqq.* Nos verò asserimus cum Prospero Farinæo in *Præ-*

dictis

thica Criminalis, *Traſtatu de Carceribus*, *quaſt.* 29. Johanne Bodino *lib.* 5. *de Republica* cap. 6. Adamo Conzeno *lib.* 3. *Doctrinae Civilis*, cap. 7. Vernulejo *lib.* 3. *Inſtitutionum Politicarum*, *tit.* 10. cap. 8. Rationes noſtræ ſunt iſtæ: (1.) Quia veritas jubet, ut quæ verbis affirmas, eadem animo ſincero approbes, cæteroquin mendax futurus, *Exod.* 20. 7. *Levit.* 19. 11. *Pſalm.* 5. 7. *Ephes.* 4. 25. *Coloſſ.* 3. 9. (2.) Quia fides jubet, ut quæ polliceris verbis, eadem impleas facto. (3.) Quia Joſua fidem habebat Gibeonitis, & quanquam ab eis dolo circumſcriptus fuerat, ſervabat tamen ea, quæ promiſerat, ne adverſus juſtitiam agendo, peccaret, *Joſua.* 9. 4. ſeq. cap. 10. 6. ſeq. (4.) Quia Attilius Regulus vir antiquâ virtute & fide malebat Carthaginem ad ſupplicia certiffimare reverti, quam juramentum pro reditu præſtando hoſti datum, non ſervare, Florus *lib.* 2. *Hiſtor. Roman.* cap. 2. Eutropius *lib.* 2. *Breviarii*, Livius *lib.* 18. Horatius *lib.* 3. *Carm.* 5. Polybius *lib.* 1. *hiſtor.* (5.) Quia Deus ſeverâ ultione perdebatur Uladiſlaum Hungariæ Regem, qui fidem Amurathi Regi Turcorum datam, frangebat Eugenii Papæ Juſu. Cæſus prælio ad Varnam documentum mortalibus fuit, ut non vellent hunc hoſtibus datam temerare, Paulus Æmilius *lib.* 10. *hiſtor.* Gerhardus de Roo in *Hiſtoria Auſtriaca*, pag. 196. Antonius Bonfinius *decad.* 3. *Hiſtor. Ungar.* *lib.* 6. & nos ex illis in Recenſu hiſtorie univerſalis *lib.* 20. cap. 2. diſt. 7. (6.) Quia Simeon & Levi maleſticti à patre Jacobo onerantur, quod Simeonis circumciſis fidem non ſervaviſſent, eoſque latronum more oppreſſos exſtirpaviſſent, *Gen.* 34. 30. cap. 49. 5. Damnatur verò Author libri fabuloſi de Judi-

tha, qui factum illud commendat, cap. 9. 2. uti prolixius diximus *libro de Scriptura Sacra*, *Exercitat.* 17. diſt. 4. (7.) Quia Zidekias Rex graviter luebat perfidiam iſtam. Deus vocat juramentum ſuum, quod Rex enunciaverat tunc, cum pacto ſeſe obligabat Nebucadneſarj Chaldaeo, Rex datæ & non ſervatæ fidei reus factus, pellebatur, filiis occiſis, ipſe in carcere ſqualido conſeſcebat, Barbarorum manibus ſepultus, 2. *Reg.* 25. 1. 2. ſeq. 2. *Chronic.* 36. 13. ſeq. *Jerem.* 39. 4. ſeq. *Ezech.* 16. 59. cap. 17. 19. (8.) Quia Rex Ezechias cæterum optimus & pius, deſciſcendo à fœdere oneroſo, quod majores ejus cum Aſſyriæ Regibus pepigerant, veſtigialia non ſolvendo, fatebatur ſe peccaviſſe, offerebat ſatiſfactionem, 2. *Reg.* 18. 7. 14. *Eſa.* 36. 6. Fruſtrâ diſſerunt Jacobus Saliarius *Tom.* 4. *Annalium Veteris Teſtamenti*, pag. 456. Caſpar Sanctius *Commentarii ad libros Regum*, pag. 1573. Stephanus Junius Brutus (quem putant fuiſſe Hubertum Languetum) in *Vindictia contra Tyrannos*, pag. 160. Henricus Arnſæus *libro de Auctoritate Principum inviolabili*, cap. 1. num. 8. quod Ezechias non peccaverit deſciſcendo ab Aſſyriis. Dicit Sanctius: Rex Aſſyriæ neque patrem ejus Achazum, neque quæquam Regum Judææ veſtigialia habuerat. Reſpondeo: Atqui conſtat, quod Achazus Rex veſtigialia pepigerit cum Regibus Aſſyriæ, prolata ope adverſus hoſtes, 2. *Reg.* 16. 7. 8. ſeq. Eodem pacto retentus Ezechias, non poterat ſeſe liberare unâ pertinaciâ armatus, & Rex potentiſſimus ad inferendum Judææ bellum progreſſus, fœdus fragum à milite imparatum, in maximas anguſtias conjiciebat, uti rectè nobiſcum ſtatuit Torſnellus in

Annalibus sacris, Tom. 2. pag. 106. Proinde errorem deprecabatur, multam solvebat, fidem renovabat : Sed cum pergeret Assyrius molestus esse, deditionem & emigrationem imperando, insuper verum Deum probis lacefferet, bona causa ab Assyriis ad Hebræos transibat, succurrebat Deus, cedebat hostes, 2. Reg. 19. 1. 2. seqq. 2. Chronic. 32. 1. 2. seqq. Esa. 37. 1. 2. seqq.

25. *Vita cœnobistica.*
26. *Servorum conditio.*
27. *Servorum discrimin.*
28. *Servitus præternaturam.*
29. *Solvuntur rationes.*
30. *Servi apud Hebræos.*
31. *Servorum vilitas.*
32. *Servorum manumissio.*

CAPIT. DUODECIMUM.

De Jure circa Societates.

SUMMARIA.

1. *Civitas Platonis.*
2. *Nicolaïta & Gnostici.*
3. *Societas conjugalis.*
4. *Cœlibatus præstantia.*
5. *Matrimonii dignitas.*
6. *Jus Connubiorum.*
7. *Ritus matrimoniales.*
8. *Leitus genitalis.*
9. *Hymenæus.*
10. *Matrimonium dispar.*
11. *Solvuntur rationes.*
12. *Argumenta proferuntur.*
13. *Conjugium uxorum plurimum.*
14. *Exempla Veterum.*
15. *Solvuntur instantia.*
16. *Præcepta Christi.*
17. *Divortium.*
18. *Episcopus unus uxoris maritus.*
19. *Separatio quæ thorum.*
20. *Solvuntur instantia.*
21. *Societas patriæ.*
22. *Jus vitæ & necis.*
23. *Votum à Jephtha prolatum.*
24. *Solvuntur instantia.*

Societas est collectio hominum privatis & gratiâ.] Socrates, & ex ejus mente Plato novam civitatis formam descripserunt, in qua omnium personarum & rerum æqualitas esset, communis usus, itaque nec magistratibus opus foret, nec societatibus, jus imperandi, leges condendi & abrogandi, judicia & bella prosequendi omnes & singuli obtinerent, vitæ & necis potestatem singuli & omnes in singulos & universos haberent. Hoc prolixè refellit Aristoteles lib. 2. *Politicor. cap. 1. seqq.* & mala bonis permiscendo, non exiguum Interpretibus suis: contra Platonem declamandi præber occasionem. Ac certum equidem est, quod communio bonorum repugnet sacris literis, *Prov. 5. 10. 17. 2. Cor. 12. 14.* itaque statim post exilium è paradiso, inter primos hominum progenitores, ceperunt esse diversorum vitæ commodorum professiones, distinctæ bonorum possessiones, *Gen. 4. 2. 3. 4.* Tunc enim delivata eorum seculum, & cum illo personarum æqualitas, bonorum communis perceptio desiverunt. Quod verò Anabaptistæ Monasterienles conabantur olim hujusmodi civitatem formare, novum seculum, novum orbem, nova omnia prædicando, magistratum hostes, plurium uxorum concubitores, pacis turbatores, carnis successa, Summus eorum Antistes Johannes

Bohkhöld

Bohkhöld factor dicaculus & circulator ambitiosus, pertraxit in sententiam suam Rothmannam concionatorem, Knipperdöllingum & Krefftingum Senatorii ordinis viros, Episcopus urbe pellebatur, novum Sionis Regnum per Apostolos evulgabatur, in quo popularis libertas & licentia, perfactis legum repagulis, omnibusque Regibus atque sublati, vigeret, rectumque coleretur pro cuiusvis instinctu. Dum protervi errones in urbe dominaatur, & revelationum celestium obtentu nefaria quæque patrant, Episcopus milites cogebat, urbem obsidione claudebat, dedebaturque illa, cum proditione civium bene uteretur Episcopus, atque hi adversus famem & pestem decertare ultra nollent, Evangelistæ nebulones & Rex ipse forcipibus ignitis lacerati, caveisque ferreis inclusi ad fastigium turris Lamberti appendebantur, uti refert Johannes Steidanus lib. 10. *Commentariorum*.

II. Nicolaitæ autorem habebant unum Diaconorum istorum, qui reddituum publicorum administrari erant, volentibus Apostolis, *Act. 6. 5.* Ceterum mentio est *Apoc. 2. 6.* *μὴ σῶς τὰ ἔργα τῶν νικηλαίων.* Nimirum, quod is docuisset, ut exemplo Laconum & Catonis (apud Lucanum lib. 2. *Pharſal.* uxoris suæ usuram qui vis permittere alii posset, planè quasi in eo quod marito & uxore volentibus fieret, non peccaretur. Eodemque pertinent, quæ de Episcopi Thyatirensis uxore Jesabele referuntur, *Apoc. 2. 20. 21. 22. 23.* Hic *πορνεία* est idem quod *μοιχεία*, uti etiam *Matth. 5. 32. cap. 19. 9.* Eorum propago Gnostici, promiscuas libidines, quas bestia deperiebant,

ausi fuerunt Platonis autoritate defendere, ut testantur Clemens Alexandrinus lib. 3. *Stromatum*, & Theodoretus lib. 3. *de fabulis hereticorum.* Malè factum est, & quod huiusmodi in civitatem suam introductos nequaquam voverit, demonstrabat tunc temporis non malus Academiae priscæ, necdum Ephæcorum vacillantibus semper opinionibus corruptæ, assertor Plotinus libro contra *Gnosticos.* Utebatur multum Galliæ Cæsaris aula, utque magnam Christianæ Religioni adversariam constitueret, oppidum aliquod in Campania donari sibi volebat, ubi Scholam illustrem conderet, ac vilescemtem quotidie Paganismi authoritatem, Pythagoræ artibus, Platonis legibus suffulcire posset. Non tamen impetrabat, uti narrant Eunapius Syrus libro de vitis *Philosophorum*, & Porphyrius in *vita Plotini.* Ut de Platone vulgò ita crederetur, ab Aristotele est, qui consequentiis nimium abusus, magistro suo opinionem conciliavit, de qua illi nunquam in mentem venerat, quod rectè notat Johannes Bodinus lib. 2. de *Republica* cap. 1. Johannes Casus lib. 2. *Sphere civitatis* pag. 92. Hoc volebat, ut omissis vivendi artibus, quæ inter onerosos acquirendi modos vulgò numerantur, agriculturæ & opificiis operam darent civitatis suæ habitatores, & propulso omni auri usu, meum ac tuum vel paribus officiis compensarent, vel annonæ aut necessariorum aliàs opum commutatione dirimerent. Uxores communes habere velle, Platonem auctorem non habet, sive exemplum, sive præceptum spectes. Certè in *Phædro* verbis disertis amorem turpem & vagos concubitus damnat.

Et ferrea cum secula essent, aurea illa quæ quondam fuerant, quando Virgilio lib. 2. *Georg.* dicente:

*Næ signare quidem aut partiri limite
campum*

Fecerat,
frustrâ reducere allaborat Sol Philosophorum, uti prolixius disserunt Franciscus Patricius *Tom. 4. Dissussionum Peripateticarum*, Bessation in *Apoloogia lib. 4.* Settranus *Commentariis ad lib. 2. Politicorum, cap. 1.* De populis quibusdam constat, paucas illos habuisse reculas, easque communes. Brachmanas Indiæ gentem istâ vivendi ratione usus, docet Arrianus lib. 7. *de Gestis Alexandri*, Neque aliter terè olim Scythæ Nomades, de quibus refert Horatius:

Campestres melius Scythæ,

Quorum plaustra vagus rursû trahunt domos,

Urunt & virgidi Getæ:

Immetata quibus jugera liberæ

Fruges & Cererem vehunt.

1. 3. *Carin. 24.* Immetata, i. e. nullis metis, nullis terminis distincta, vel nullis decedendis descripta. Non aliter vivunt hodie Tartari & Kosacci in desertis campis Siberiæ, quos alio nomine Okrainam vocant, Paulus Piæcius in *Chronico Europa*, pag. 44 45. 46. Deleatur, quod post Politicos alios scribit Nicolaus Vernulejus lib. 1. *Politicorum, cap. 4. tit. 2.* videlicet uxorum communem usurpationem docuisse Platonem & Essenios. De Platone jam satis. Essenii verò non poterant uxores habere communes. qui mulierum consortium omne abdicabant, ita ut ad operas mulierum proprias, non illas quidem, sed viros adhiberent, quod nos docent Josephus lib. 18. *Antiquitas.*

cap. 2. & lib. 2. de bello Judaico cap. 8. Plinius lib. 5. *cap. 17. Histor. natur.* Solinus in *Polyhistor, cap. 36.*

III. *Estque vel prima vel orta.* Prima est, quæ est suæ originis. Talis est societas conjugalis. De qua valet insignitum illud: *Bibe aquam cisterna tua, & fluenta è medio putei tui, Prov. 5. 15. 16. Prov. 25. 9.* *ut Cant. 4. 12.* Senfus est: Tuam tibi habe uxorem. Etenim, non benè cum sociis Regna Venusque manent.

IV. *Societas conjugalis est, quâ maritus & uxor conjunguntur.* Queritur hic: *An Celibatus sit præstantior matrimonio?* Respondeo: Affirmant Besoldius lib. 1. *Doctrina Politica, cap. 1. dist. 4.* Julius Coturius in *Epitome Controversiarum, pag. 388 seqq.* Colletterus in *Enchiridio Controversiarum, cap. 19.* Et rationes quidem profert Coturius istas: (1.) Quòd Servator ostendat cœlibatus perstantiam inde, quia non omnes possint capere hoc verbum de non contrahendo matrimonio, *Matth. 19. 10. 11. 12.* (2.) Quòd Paulus dicat, bonum quidem esse ut virgo nubat, melius verò esse, cum matrimonio abstinet, *1. Cor. 7. 25. seq.* (3.) Quòd cœlibes & steriles prædicantur beaticoram Deo & ab eo recepturi sint præmia æterna, *Sap. 3. 13. cap. 4. 1.* (4.) Quòd continentia donum laudetur velut maximum, *Syrach. 26. 20. Gal. 5. 22. Apoc. 14. 3. 4.* Hæc ille. Respondeo: (1.) Servator non iam commendat præstantiam cœlibatus, quàm quòd pauci inveniantur, à quibus rectè exigatur cœlibatus, ut eum servare possint. Volebat uti quorundam ministerio in prædicando Evangelio, cumque sine turbis ita fieri non posset, omnino credebatur, si hæc oporere doctrinæ cœlebs esset, uxoris liberorum-

que oneris expers, melius esse. De ordinario mundi statu non valent ista, quæ extraordinariis casibus recte atque unice attribuantur. (2.) Ratio eadem est in simili casu, neque igitur ista valent omni tempore, uti dudum monuit Theophilus *Commentariis ad h. l.* Plena barbarum erant omnia, & verò Deo fidelis virgo non sine periculo mutationis in pejus, cum marito infideli poterat conjungi, quando Ecclesia patiebatur hæc in infidelium persecutiones. (3.) Libri ejus Scriptor fuit Essenas, de populo isto, qui velut exilio voluntario damnatus, per Ægypti agros degebat. Preville eos matrimonium, docent Josephus *lib. 2. de bello Judaico, cap. 2.* Sozomenus *lib. 1. Historiæ Ecclesiasticæ, cap. 12.* Porphyrius apud Eusebium *lib. 9. de Preparatione Evangelica, cap. 1.* & adde nos libro de Scriptura sacra, Exercitat. 9. dist. 4. Proinde non est, quare multum illi encomio tribuamus. (4.) Laudatur continentia, quæ est in matrimonio honesto, uti patet ex iis, quæ dicuntur 1. *Thess. 4. 3. 4.* 1. *Tim. 3. 2. 3.* *Tit. 1. 6. 8.*

V. Nos pro matrimonio dicimus, videlicet præstantius esse. Rationes sunt: (1.) Quia Deus instituit matrimonium in statu primæ integritatis, cum nihil obliqueretur, sed omnia erant valde optima, *Gen. 1. 31.* Proinde matrimonium tantò excellentius est præ cœlibatu, quanto status integritatis excelluit præ statu Corruptionis. (2.) Quia literæ sacræ describunt matrimonii præstantiam locis plurimis, ut levia sint, quæ in comparatione ad ista, de cœlibatu locis obscuris dicuntur, *Prov. 19. 4. Ephes. 5. 32.* 1. *Thessal. 4. 3.* *Tit. 2. 4. 5.* *Hebr. 13. 4.* (3.) Quia populus Dei adeo

cœlibatum minimò æstimavit, ut si quæ perpetuò virgo maneret, pro hoc duceretur, & maledictionis genus esse censetur, *Judic. 11. 38.* Rabbini *Commentariis ad Esaiæ 56.* (4.) Quia matrimonium præferunt omnes toto orbe gentes. De Germanis Tacitus: *Nulla apud eos orbitatus præmia sunt, cap. 18.* Persæ, Græci, Romani, donis præmiisque honore afficiebant cœlibes, quando per hos nullæ civium incrementa esse poterant, Herodotus *lib. 1. & 8. histor.* Valerius Maximus *lib. 7. cap. 7.* Suetonius *lib. 5. cap. 16.* Tacitus *lib. 2. & 5. histor.* Plutarchus in *vita Lycurgi*, Carolus Sigonius *lib. 3. de Republ. Athen. cap. 1.*

VI. *Maritus est, qui sibi copulas uxorem. Uxor est, quæ copulatur marito.* De Jure Connubiorum apud veteres Romanos scripserunt Antonius Guibertus Costanus, Brissonius, Hottomannus, Tiraquellus, Arnisæus, Albericus Gentilis. Solemnia depingit Jacobus Laurus, *part. 3. Antiquitatum Romanarum, num. 8. 9.* Summa hæc est: Qui uxorem ducere volebat, ab eo, in cuius potestate hæcenus erat, eam matrimonio datum iri, stipulabatur, isque qui nuptum daturus erat, respondebat. Qui contraclus stipulandi & respondendi vocabatur Sponsalia, ut ait Gellius *lib. 4. cap. 4.* Ad constituenda ista, nudus contractus sufficiebat, major sollemnitas inerat, cum inter Tabulas Sponsio ista referebatur. Juvenalis:

Signat et abule, dictum feliciter,
Satyr. 2. Ex annulis signatoris eorum, qui testes rerum aderant, obsignabantur. Rursum Juvenalis:

Venerit cum signatoribus auspex,

Satyr.

Satyr. 10. Signatoribus, id est, Notariis, qui describebant & obfirmabant tabulas contractus matrimonialis. Ut ratus esset contractus, Sponsa faciebat sumptibus suis cœnam aliquam, invitatis ad eam Sponso, ejusque propinquis, & verò Sponsus dabat Sponsæ arrham, quæ erat annulus pronubus, uti vocat Tertullianus libro de cultu *fæminarum*. Juvenalis.

Et digito pignus fortasse dedisti,

Satyr. 6. Demùm diem nuptiis dicebant, quem boni ominis eligebant rogati propter eâ Auspices, ut narrat Valerius Maximus *lib. 2. cap. 1.* Tacitus *lib. 15. Annalium*. Itaque Juvenalis: Junguntur taciti contentique auspice Bruto, *lib. 2.* Communis opinio erat, mensibus Januario & Majo nullas debere fieri nuptias, quas cum successu aliquo beatas esse cuperent, quod illo fierent Lemuria, hoc verò Feralia, utraque erant mali ominis, quia erant pro Manibus. Ovidius describit prolixè *lib. 5. Fastorum*, ubi inter alia occurrunt:

*Nec vidua tadis eadem nec virginis apta
Tempora, quæ nupsit, non diuturna fuit.
Hac quoque de causa, sive proverbiant angunt,*

*Mense malum Majo nubere vulgus
ast.*

Aptissimum tempus erat, quod Idus Junias sequebatur. *Ovidius*:

Hanc ego cum vellem genero dare, tempora tædis

Aptare requirebam, quæque cavenda forent.

Tunc mihi post sacras monstratur Junius Idus.

Utilis & nuptiis, utilis esse viris,

lib. 6. Fastorum. Bonum erat auspiciis,

quando cornix aut volatu aut voce aspirabat propicio. Tibullus:

Hac veniat natalis avis prolemq. minifreë,

lib. 2. Eleg. 2. Avis illa cornix est, quam concordia lymbolum in nuptiis Veteres invocabant, uti diximus *lib. 1. Antiquit. Roman. cap. 1. dist. 10.* & adde Antonium Augustinum in *numismatis Tab. 32. num. 20.* Johannem Jacobum Boissardum *part. 3. Antiquit. Roman. fol. 80. 84. 86. 144. 145.* Auspiciis peractis, sacra faciebant Jovi, Junoni pronubæ, (quæ Dea velata nubentis habitu pingitur in nummis Gordiani Imperatoris, apud Petrum Seguinum *libro de numismatis antiquis pag. 171.* Veneri quod omnes illæ matrimonii conciliandis præesse censebantur. Immolabant porcum, at fel cum reliquis extis non offerebant, sed revulsam citra aram deieciabant, ita significare volebant, quod bilis & iracundia abesse deberent à nuptiis, cæteræ partes adolebantur, unde capiebantur signa futuræ inter eos tranquillitatis, autore Plutarcho.

VII Inscriptio Romana:

*Ingrate Veneri spondebam munera supplex,
Ereptâ conjux virginis atetibi.*

Johannes Jacobus Boissardus *l. d. fol. 81.* Pro Sponsa ornanda adhibeatur cura accurata. Velo rubro aut flavo, quod Sponsus donaverat, obnubebatur, dicto aliàs Flammæum, Catullus *Epigr. 57.* Plinius *lib. 22. cap. 8.* Suetonius *lib. 6. cap. 28.* Petronius *Arbiter in Satyricon pag. 71.* Nec aliter *Luce nū:* Non timidum nuptæ leviter lectura pudorem, Lutea demissos velarunt flammæa vultus *lib. 2.* Locus est *Gen. 24. 65.* Tollens citò pallium operuit sese. Erat testimonium pudoris & verecundiæ. Virgilius in *Cirt.*

Ubi Corycio glomerarem flammealuto.
Corycium lutum est color flavus ut explicat Taubmannus in commentario h. l. pag. 5.
Martialis:

*Flammea texuntur sponse, jam virgo
parata est,*

lib. II. Epigram. 79. Alius locus est 1. Corinth. II. 10. διὰ τὸ τοῦ ἐφείκειν τὴν ἱερώσαν ἔχειν ὅτι τῆς κεφαλῆς διὰ τὴν ἀργύρεον. Corrige Jacobus Godofredus commentarius ad Legem Rhodiam pag. 140. 141. ut legatur ἱερώσαν, quod notat exilivium seu velamentum capitis, Romanâ dictione ad usum Græcum traductâ, περιβάλλων ibid. vers. 15. Porro etiam legi vult διὰ ἀργύρεον propter gregales, id est, juvenes in cætum sacrum collectos, ne ab eis capiatur scandalum. Hæc ille. Neutrum placet. Querebat in Ecclesiæ conventu homines aperto capite esse deberent, an operto. & quidem precum tempore cumq; revelationes à Deo acceptæ, populo exponebantur. Hic primū quod fœminas attinet, res nō habebat multum difficultatis, satis enim apparebat, melius esse, ut fœminæ essent cum operto capite & velatâ facie, ob pudorem sexus, de viris poterat in utramque partem differi, quando per Græcorum mores viri habebant integumentum capitis perpetuum, Romani illo carebant domi. sed in provinciis adhibebant, uti diximus lib. 4. Antiquitatum Romanarum cap. 5. dist. 19. In sacris peragendis non idem populorum usus fuit. Levitæ in templo erant tecto capite, quod metuerent, ne ipsi minus digni majestatem Dei aspicerent, Exodus 3. 6. Levitic. 10. 6. Imitabantur Ebræi in Synagogis extrâ urbem. Apud Græcos erat contrarium, faciebantque illi sacrum ca-

pite aperto, quod docet Macrobius lib. I. Saturnal. cap. 8. 10. lib. 3. cap. 8. Unius Saturni factis exceptis, Romani capite velato peragebant cultus Deorum quorumvis, morenque sancivit Æneas, ne quod malum omen oculis vel auribus obveniret, uti referunt Virgilius lib. 3. Æneid. Sed vix commentarius ibid. pag. 299 & nos prolixè lib. 1. Antiquit. Roman. cap. 12. dist. 18. Æneum sacrificantis simulachrum in Vesontinis agris repertum habitu illo, depingit Joh. Jacobus Chiffletius part. 1. descriptionis Vesontionum cap. 25. Julii Cæsaris imago cum velatâ facie, velut Pontificis Maximi, est apud Antonium Augustinum Tab. 2. numismatum num. 1. 2. 7. 13 Lepidi Pontificis imago velata est ibidem Tab. 6. num. 4. 7. Ejusdem moris Plautus in Curculione Act. 3. scen. 1. & 2. libi, uti solet admiscere Romana Græcis. Paulus Græcis Corinthiis scribens, morem Græcum præferre, & causas adfert, quales ferebat negotii natura, ut scilicet mares aperto capite fœminæ velatis capite & facie adessent, quod pluribus exponunt Bened. Justinianus in commentariis pag. 549 seq. Hugo Grotius in annotatis pag. 479. seqq. Ludovicus Cappellus in Spicillegio pag. 37. seqq. Dicit ἱερώσαν non verò ἱερώσαν, quia hoc posterius erat indumentum è ferinis pellibus, quod capiti imponebant milites, ut apparent terribiliores hostibus esse, uti diximus lib. 3. Antiquitatum Romanarum cap. 2. dist. 4. Id non pertinet ad præsens negotium, sed ἱερώσα est ob genus loquendi figuratum idem quod operimentum. Velamen est imperii signum, sub quo est mulier, & apprimè convenit verecundiæ, Genes 20. 16. cap. 14. 65. Perinde etiam servari debet illud, διὰ τὴν ἀργύρεον. Si enim alibi velatâ esse volunt mulie-

mulieres, certe in Ecclesiâ cum habitu isto eas adesse oportet, ubi par est, omnia peragi cum summâ verecundiâ ordinemque & decorem servari, quippe ubi non tantum adsint homines, sed & ipsi Dei Angeli. Sicut Cherubini erant in templo, ad significandam Angelorum præsentiam, quod respicitur *Esaia* 6.1.2.

VIII. Sponsus veniebat in ædes sponsæ comitatus paranympho, atque ibi peragebantur nuptiæ. Ad cœnam nuptialem (quam Sponsus parabat sumptibus suis) confidebant, & lautè excipiebant convivas. Adebant unâ Tibicines & hymenæum decantabant, pueri quoque ad amovendum fascinum recitabant carmina fescennina, ut Festus *lib. 6. de verborum significat.* pag. 288. refert. Lucanus:

Non soliti lufere sales, nec more Sabino

Excepit tristis convicia festa maritus.

Sabini primi invenerunt fescennina & confert janum Guilhelmu. *lib. 1. verisimilium cap. 14.* Fascinum amovebatur, quandoquidem per vulgatum. quod Sagæ crebrò partem illam, quâ vir erat, Sponsi magicâ arte læderent, ut officio suo fungi haut posset in concubitu. Tibullus:

Ipsa Venus magico religatum brachia nodo,

lib. 1. Eleg. 9. Magicus nodus est κατὰ δεσµὸς sive fascinum, de quo prolixius agit Johan. Fernelius *lib. 2. de abditis rerum causis cap. 16.* Hymenæus cum primis Junoni sacer erat, quam γαμήλιον καὶ γαμήλιον θεῶν plurima nuptiarum solemnia respiciebant, adeoque cum Sponsa drinabatur, coma ejus hastâ parvâ discriminabatur more à Sabinis petito, qui cum Romulo sive armis sive legibus pacti in civitatem immigraverant, cultores Ju-

nonis Reginæ, quomodo vocatur in inscriptionibus apud Janum Crutrum *pag. 4. s. 6.* 7. eique arma consecraverant, inter quæ hæc excellebat. Ovidius:

Nec tibi quâ cupida matrona videre ma-
tri,

Comat virginias hasta recurva comas,
li. 2. factor & illi adde Boethornium commentariis ad Plutarchi quæstiones num. 87. Philippum Beroaldum in annotatis variis pag. 191. Convivæ liberalius invitati clamabant Thalassionem, qui vetustæ memoriæ sponsus. (tunc cum Romulus mulieres Sabinas rapiebat) cum sponsâ suâ invenerat conjugium per omnia vitæ tempora placidissimum. Paris gloriæ matrimonium volebant novis nuptis, cum Thalassionem vocabant, Festus Pomponius *lib. 19. de verborum significationibus pag. 461.* Plutarchus in problematis Romanis *quæst. 32.* & Boethornius *commentariis ibid. Martialis lib. 1. Epigram. 36. lib. 3. Epigram. 93.* Nuptias spargebat sponsus, & inter pueros præsentis projiciebat, quod puerilibus oblectamentis omisis deinceps res serias agere vellet, uti maritum & civem decebat. Catullus:

Non nuces pueris neget

Desertum Domini audiens,

Concubinus armorem,

Epigram. 62. Virgilius: Sparge marke n-
ces, Bucol. 8.

IX Post epulas finitas Pronuba manu apprehendebat sponsam, & in cubiculum adducebat, ut in lecto geniali accumberet vestibus depositis. Catullus:

Jam cubile adeat viri

Vos bonæ senibus viris

Cognita breve fœmina

Collocatæ puellulam,

I. d. Scilicet pronubas deligebant eat, quæ uni marito nuptæ, ut conjugium novum esset auspiciatum. Genialis verò lectus propriè dictus est, ille qui sternebatur puellis nubentibus; ait Servius *commentar. ad lib. 6. Æneid. pag. 432.* Poterat hinc fortè exponi locus Virgilio: *Nec Deus hunc mensa, Dea nec dignata cubili est*, Bucol. 4. Deus, id est Genius, vitæ præses, cui mensam Veteres. Quod verò Servius *commentar. h. l. pag. 21.* exponit, *Deus id est Jupiter*, peregrinum censeri debet, quia optimum sensum pervertit. Dea id est, Juno, in cujus tutelâ sunt lecti geniales. Senus est: Insausto omine aliàs natus esse videri possis, de quo vulgus censet, quod vix adulescere & cum parentum gaudio pro vivere possit. Confer Josephum Scaligerum *notatis ad Catullum pag. 50. 51.* Adrianum Turnebum *lib. 16. adversus. cap. 13.* Accumbebat deinde Sponsus, & cum Deo Subigo ac Deâ Pertunda coronidem imponebat ætui. *Arnobius*: Pertunda est quæ in cubiculis præsto, originalem scrobem effodientibus maritis, *lib. 4.* Hoc erat, cingulum solvere. Catullus:

Tibi virgines Zonula solvunt sinus,
I. d. Græcorum more, *ἀπὸν παρὰ τῶν γυναικῶν* apud Homerum. Theocritum, Muszum, quorum testimonia adducit Antonius Muretus *commentario ad Catullum pag. 116.* Postridè novus maritus reversus in domum suam, ibi parabat cœnam, & quia velut instaurabatur potio, vocabant Repotia, ut Festus *lib. 16.* dicit. Tunc etiam inter amicos distribuiebant Sportulas, teste Apuleio *lib. 2. Apologia.* Erant numismata cum imaginibus novorum conjugum, uti nos docent Symmachus *lib. 4. Epist. 55. lib. 9. Epist. 96. & ibidem* Franciscus Juretus *in notis pag. 191. seq.*

Adducebatur ad eum novæ marita cum peculiariibus solemnibus. Abstrahebatur veluti per vim à gremio matris, aut si illa obierat, cognatæ proximæ, & ad maritum trahobatur ob recolendam memoriam vetustissimi matrimonii, cum jubente Romulo Sabinarum virgines, quæ ad spectandos Consuales ludos, non verò ad paciscundum matrimonium aderant, per impetum raperentur atque obtinerentur. Nummus est apud Abrahamum Gorlzum *Tab. 34. num. 7.* Ducebatur in sponsi domum velut domicilium lunari, & quidem altâ vesperâ. Catullus:

Vesper adest, juvenes consurgite, vesper Olympo

Expectata diu vix tandem lumina tollit,

Surgere jam tempus, jam pingues linguere mensas,

Jam veniet virgo, jam dicetur hymenæus.

Epigram. 61. Virgilius: *Tibi deserit Hesperus Oetam*, Bucolic. 8. id est, nox advenit, uti interpretatur Servius *commentariis ad h. l. pag. 41.* Comitabantur eam tres pueri paranymphei, atque hi quidem patrini & matrimi, id est, *μφορτίπης τῆς γοῦν ἡχῶντες περὶ γυναικῶν*, ut interpretatur Zosimus *lib. 2. histor.* Eorum unus facem præferebat, & vocabatur Prælux, teste Festo. Petronius in *Satyrice*: Embalsiccetas præferebat facem, *pag. 71.* Sæpe etiam plures Inscriptio Patavina:

Cof. Aug. Publ. Claud. quæst. ar. Antoninian. Volumniam virginem volent. ausp. à parent. suis. coemit. & IV. fac. in. do. duxit.

Gruterus in *Volumne pag. 325.* Virgilius:

q 2 Mopse

Mopse novissime tibi ducitur uxor,
 1. 1. E spinâ albâ nuptiales tædas fieri
 solitas, Festus testatur, concinirque Catul-
 lus:

Manu pineam quate tædam,

Epigram. 62. & confer Antonium Mure-
 tum *commentar. l. 1. pag. 77* Franciscum Ro-
 bertellum in *miscellaneis* p. 1425. Nam
 Scaliger legit:

Manu pineam quate tædam,

& defendit castigationibus ad h. l. pag. 43. ad-
 ductis verbis Senecæ in Medæâ:

*Multifidam jam tempus erat succendere
 pinum.*

Accedit ratio ista, quod tæda non fit in spi-
 nâ, quæ est propria resiniferarum arborum.
 Ovidius: *Exoptat puras pinea tæda faces,*
 lib. 5. pastor. Virgilius in Ciri: *Pronubane
 castis accendit pinus honores.* Et con-
 fer Barnabam Brissonium libro de ritu nu-
 ptiarum p. 65. 66. Johannem Livineum no-
 tatis ad Catulum pag. 17. Jacobum Nicola-
 um Löensem l. 8. *miscellan. cap. 27.* Duo pu-
 eri tangebât sponfam erantq; consanguinei
 ejus Sequebantur ancillæ, & ferebant co-
 lum, fufum, flamen, quod Tanquilla Regi-
 na primum ordinaverat, eoque sine lanan-
 cum colo & fuso in æde Sancti appenderat,
 teste Plinio l. 8. *hist. naturalis. c. 48.* Erat hoc
 argumentum laboris ejus deinde occupatæ
 esse debebant. Ovidius:

Inde cito passu petitur Lucretia, cujus

*Ante thorum calathæ, lanaque molles
 erat,*

lib. 2. pastor. Aderant vicini, noti, cognati, fa-
 miliares in frequentiamagnâ. Hoc ipsum
 per solenne nuptiarum celeberrimo officio
 deducere sponfam vocat Suetonius l. 6. c. 27.
 Hi longo ordine incedentes quisq; ferebat

secum utensilia novæ nuptæ, vestimenta, ju-
 rum, gemmas, vasa, pelves, urceos, ollas, san-
 dalia Aderat quoq; puer Camillus dictus, qui
 in vase operto (quod Cumerum appella-
 bant) ferebat crepundia pro liberis, li qui o-
 lim favente Lucinâ nascerentur, Varro l. 6.
 de L. L. p. 72. (& Josephus Scaliger in *conje-
 ctaneis* p. 120.) Festus Pomponius l. 3. de ver-
 borum significat. p. 275.

X. Domus fores ornabantur floribus &
 frondibus. *Apulejus*: Domus tota lauris ob-
 fira, tædisq; lucida obstrepebat hymena um
 lib. 4. *Milesiarum.* Lucanus:

Festa coronato non pendens limine fersa,
 lib. 2. Juvenalis:

Ornentur postes & grandi janna lauro,
 Sat. 6. Ubi propè limen venerat Sponsa ro-
 gabant Sponsis propinqui: Quæ ellet? Resp.
 Ubi tu Cajus es, ego sim Caja, Plutarchus
 in *quest. Romanis* num. 30. Postes verò ja-
 nax lanâ coronabantur à nubentibus, & di-
 pe lupino ungebantur, inde Unxores dictæ,
 quæ pronuntiatione vulgari Uxores sunt.
 Servius *commentarius ad lib. 4. Æneid. p. 341.*
 Factum ideò ne venificiorum artes quic-
 quam mali inferret Sponsæ, Plinius lib. 48.
 cap. 2. Peractâ unctiōe Sponsa limen, quod
 calcare nefas erat, transsiliebat. Luca-
 nus: Turritæque premens frontem matro-
 na coronâ, Tralatâ metuit contingere li-
 mina plantâ, l. d. Hoc ideò ne magicis phar-
 macis lædi posset, quæ sub limine ad destru-
 endam conjugum vel concordiam vel virtu-
 tem generativam, defodi solebant à venefi-
 cis. Plautus:

Senfim super attolle pedes nova nupta,

Sospes inter incipe hoc, ut viro tuo

Semper sis superstes,

In *Calinâ Act. 4. sc. 4.* Et statim dabantur ei
 clæ-

claves, ut admoneretur, quod de rebus domesticis omnibus fidelem curam deinceps habere vellet.

XI. Quæritur hic: (1.) *An matrimonium contrahere possint illi, qui in religionis professione ab invicem dissident?* Respondeo: Negant Maldonatus Tomo 2. *Disputationum de Sacramentis* p. 317. *seqq.* Thomas Sanchez lib. 7. *de matrimonio* *Disput.* 71. *seq.* Didacus Covarruvias *part.* 2. *de matrimonio* *cap.* 6. *quest. ult.* Bellarminus *libro de matrimonio* c. 23. Franc. Capitonus *part.* 3. *Explicat. Cathol.* p. 1109 *seq.* Albericus Gentilis l. 2. *de Nuptiis* c. 19 Joh. Genesius *Sepulveda* l. 2. *de Nuptiis* Hieron. Zanchius *part.* 3. *de Operibus Creationis* p. 714. *seq.* Joh. Stephanus Menochius l. 2. *Hieropoliticorum* *cap.* 8. *dist.* 3. Joh. Scarpus *part.* 1. *Symphonie Prophetice & Apostolice* *cap.* 164. Rationes adferunt: (1.) Quod Deus in veteri Testam. vetuit Judæos, ne matrimonia contraherent cum Palestinæ gentibus, *Exodi* 34. 16. *Deut.* 7. 3. *Iosue* 23. 12. *Esdræ* 9. 1 (2.) Quod Deus immisso diluvio punivit eos, qui matrimonia imparis sortis fideiq; contraxerunt, *Gen.* 6. 2. (3.) Quod Abraham petivit uxorem filio suo uxorem à cognatis suis, ne peregrino matrimonio seduceretur, *Gen.* 24. 3 & quod Jacobus noluit filiam suam Dinam Matrimonio collocare Sichemo incircumciso, *Genes.* 34. 15. (4.) Quod Salomon, Josaphat. alii graviter peccaverint ducendo sibi aut procurando filiis suis uxores peregrini ortus & cultus, 1. *Reg.* 11. 1. 2. *seq.* 2. *Regum* 8. 18. *seqq.* (5.) Quod verum sit, quascunque civiles obligationes amplecti cum infidelibus, 2. *Corinth.* 6. 14. Ergo nec matrimonium inire possumus cum illis (6.) Quod non sit caro una, ubi hæcenus non est cor unum, *Gen.* 2. 24. Atqui non

est cor unum inter eos, qui diversam religionis professionem sectantur. Ergo (7.) Quod matrimonio inter diversæ religionis homines pacto non possit impetiri benedictio, citrà quam matrimonium non est legitimū. Hæc Bellarminus & Albericus Gentilis l. d.

XII. Respondeo: (1.) Sunt ceremoniales Leges peculiariter latæ Judæis, ne matrimoniorum fraudibus illecti ad peregrinos Deorum cultus deficerent. Sublato populo isto, leges quoque cessant adversus populos istos latæ & perscriptæ, *Ephef.* 2. 14. (2.) Deus immisit diluvium non tam propter matrimonia imparia, quàm propter impietatem promiscuam & mores improbos, cædes, rapinas, luxum, uti dicitur *vers.* 4. 5. 6. (3.) Abrahamus præferebat illud, quod tutius omnino erat. Verbo, nolebat cognatos suos deferere favore, quamvis corpore ab eis emigraverat. Constat verò etiam, Bethuelis & Labanis familiam idolorum cultui adhæsisse, *Genes.* 31. 32. *seqq.* *Iosue* 24. 2. Eadem ratio fuit Jacobi, quanquam de matrimonii ejus progressu nihil dicere possumus ob interventum lanienæ horribilis, de quâ crudelitate quæritur pater, *Genes.* 34. 30. *cap.* 49. 5. (4.) Salomonis factum noo caret vitio, quod contrà expressam Legem plurimas extraneas matrimonio duxerat, neq; eas ipse ad veri Dei cultum exemplo suo provocare potuerat, sed potius amore seculi amens parebat eis, earumque profanos cultus venerabatur, 1. *Regum* 11. 3. 4. *seq.* Par culpa Josaphati erat, quando ipse optimè noverat, Iiabellam Reginam idolorum cultibus impensè favere, Dei unius cultores animo inenso persequi, 1. *Reg.* 16. 31. *seq.* (5.) Non esse vetitum, ut civilia pacta ineamus cum infidelibus, dictum est *suprà* c. 11. *dist.*

dist. 6. (6.) Una caro, & penes unam carnem illam cor unum vi principali dependet ab amore conjugali. Atqui ille etiam inter diversæ religionis sectatores oboriri, foveri, conservari potest, ut officia debita sibi mutuo præstent. Cives in exercitio religionis discordes queunt unam inhabitare urbem, legibus & superiorum autoritate obstricti, ut ob id solum, quia in religionis cultu dissentiunt, lites nullæ concitentur, omnesque actiones domi & foris in pace bonâ peragantur. Tantò majus dissidium, cum moribus dissimiles sibi, cultu fidei similes, non propterea aut vitant matrimonium, aut matrimonium contractum dirimunt. (7.) Omnino potest ac debet impertiri benedictio naturalis, quam super Adamo, uno omnium hominum progenitor enuciavit Deus, *Genes. 1. 28.* & repetivit, *Genes. 9. 1.*

XIII. Proinde statuiamus cum Theodoro Bezâ libro de *Conjugio & divortio pag. 99. seqq.* Paulo Tarnovio *lib. 1. de Conjugio cap. 45. seqq.* Arnisæo libro de *Jure Connubiorum cap. 5. sect. 5.* quod matrimonium invicem contrahere possint Religionis disparis sectatores. Rationes sunt: (1.) Quia sunt exempla virorum piorum, qui matrimonia iniverunt cum mulieribus peregrino cultui addictis. Josephus Potipheræ filiam apud Ægyptios matrimonio accepit, *Genes. 41. 45.* Moles Zephoram è gente Midianiticâ, fidam marito suo, circumcisioni infidam, *Exodi. 2. 21. cap. 4. 24. 25.* David filiam Maacham Regis in Gesur, *2. Samuel. 3. 3.* Rex Salomon Regis Ægyptiorum filiam, *1. Regum 5. 1. seqq.* Dicit Gentilis: Absalon progenitus est è Maacha funestus heres. Et Scarpus. l. d. pag. 185. addit Salomonem peccavisse ducendo filiam Pharaonis. At utrumque in

promptu est responsio. Quod peregrina uxor peperit filium, deinde latrone factum, matris non refert, quid enim fiet Ahinoam gentili, unde natus est Ammon filius, qui stupris & flagitiis grassando, primordium omnis mali erat? Falsum est, quod Salomon peccaverit ducendo Ægyptiam, licet hoc Toitatus quoque defendere conetur, *commentarius ad lib. 1. Regum cap. 11. quest. 4. 5. seqq.* Namque Dei familiaris longo deinceps tempore, non meruit ob id reprehendi à Deo, *1. Regum 7. 8. seqq.* Imò benedictionem accepit per spiritum vaticinii, *Psal. 1. 2. seq. Cantuor. 1. 5. 6. 7. 8. 9. (2.)* Quia indulgebat Deus lege singulari, ut captiva ex peregrinis mulier formosa, posset adduci in thorum ab illo viro Hebræo, qui eam bello ceperat servamque fecerat, vitam donando, *Dent. 21. 10. seqq.* Excipit Albericus Mulier illa tunc demum assumebatur in thorum, quando sacris Judaicis fidem addiderat. *Respondet:* Non hoc dicit Moses, & verò per Interpretum assensum constat, uxorem factam esse, postquam aquis perluta Leges Nohe accipiebat. Exemplum est de patre Iephthæ, *Iudicum 11. 1. 2. seqq.* & vide quæ diximus *suprà 4. dist. 4. lib. 2. cap. 5. dist. 2.* ubi est de Legibus Nohe.

XIV. Queritur: (2.) An plurium uxorum cum viro uno conjugium permitti debeat? *Respondet:* Veteres Hebræi plures uxores ducebant, idque concedebat Lex Moïsi, *Dent. 17. 16. 17. cap. 21. 15.* & confirmant exempla virorum magnorum, *Genes. 16. 2. cap. 29. 25. seqq. cap. 35. 23. 24. 25. 26. cap. 36. 2. 3. Iudicum 8. 30. 1. Samuel. 1. 2. 2. Samuel. 3. 2. seqq. cap. 12. 8. 1. Regum 11. 1. 2. seqq.* De certo uxorem ducendarum numero invenitur nihil, & Rabbini dissentienti occasio præ-

præ-

præbita fuit Maimonides in *commentariis Talmudicis Tit. מ"ו cap. 14.* scribit: *Licet homini ducere quot voluerit uxores, etiam centum, modo habeat, unde victum, amictum, & conjugiale debitum præstet omnibus.* Reliqui Magistri communiter dicunt, viro privato quatuor uxores Jacobi Patriarchæ exemplo, Regi & magnatibus uxores octodecim dari posse, infra quem numerum consistere equidem libuerit eis, sed excedere non licuit. Gemara Babylonica *ad Tit. כ"ד פ"ד cap. 2.* Chaldaeus Jonathan *ad Dent. 17. 17.* Maimonides *commentariis ad Tit. מלכים cap. 3.* Moses de Kotsi *præcepto veterante num. 222.* Ab eis hoc quoque, ut alia plurima, accepit Muhammedes impostor *lib. 2. Alcorani cap. 27.* ubi scribit: *Accipite pro lubitu uxores siue duas siue tres siue quatuor.* Annotat Ben-Achmed in glossis: *Neg, hunc numerum excedite.* Constat, quod Muhammedes ipse quatuor uxores uno eodemque tempore habuerit. Retinent consuetudinem Arabes, Mauri, Indi, Parthi, Tattari in Precop & Crim, Cathaini, Sinenfes: sed Turci (excipio Sultanos) veterum Scytharum, à quibus oriundi sunt, continentiam imitati, uxorem unam habent singuli & Weiggerus in *Itinerario Constantinopolitano lib. 3. cap. 19.* Johan Wilde in *Itinerario Orientali lib. 3. cap. 22.* Hæbrei quoque morem illum vetulstissimum retinebant hætenus, tandem verò ad mores nostros sese componendo, uxorem unam duxerunt, postquam Theodosius, Arcadius, Honorius legibus vetuerunt, eos pluribus uxoribus copulari, *leg. 7. Cod. de Judæis & caliculis, Welfenbecius paratitilis ad Codicem pag. 38.* Quod verò Socrates *lib. 4. histor. Ecclesiast. cap. 26.* refert, Valentinum Cæsarem tu-

lisse legem, ut duas uxores posset vir unus ducere, atque ex illo describunt Cassiodorus, Paulus Diaconus, Nicephorus Callistus, Zonaras, Sabellicus, quibus fidem suam commodat Becanus *lib. 4. Manualis Controuers. cap. 6. num. 23.* hoc inquam, ad rumores vanos deputandum est, quando Lex ista manifestò repugnat doctrinæ Servatoris. & Scriptores alii seculo isti proximi, non commemorent fabulas illas, magis etiam laudent castos Imperatoris mores, uti è Zosimo, Sozomeno, Theodoretò, Paulo Orosio, Sulpicio Severo, constat, imprimis legatur Ammianus Marcellinus *lib. 30. hist. Rectè ergò fabulosas illas relationes damnant Cæsar Baronius Tom. 4. Annal. Ecclesiast. A. C. 370. num. 125.* Spondanus in *Epitome Annalium pag. 391.* Henricus Valselius *notis ad Ammianum pag. 413.*

XV. Neque igitur repugnat Juri naturæ vel Gentium, ut vir unus pluribus uxoribus jungatur. Peccavisse veteres Patres, neque Deum approbavisse mores eorum in ducendis uxoribus pluribus, contendunt Lamb. Danæus *lib. 2. Ethnica Christ. pag. 224.* Rivetus *Exercit. 45. ad Genesim, Paulus Tarnovius lib. 2. de Conjugio cap. 25.* Caspar Ziclerus *notis ad lib. 2. Grotii de jure pacis & belli pag. 272.* D. Abraham Calovius in *Socinianismo profligato Disputat. 27.* Arnixæus de *Jure Connubiorum cap. 4. sect. 2. num. 11. seq. Timplerus l. 1. System. Oeconom. cap. 4. quest. 7.* Amelius *lib. 5. de Casibus Consc. cap. 35. quest. 2* Martinus Becanus in *Manuali controuers. lib. 4. cap. 6.* Verum errant illi in decisione litis, uti rectè monent Petrus Cunæus *lib. 2. de Republ. Hebræorum cap. 23.* Bellarminus *libro de matrimonio c. 10.* Joh. Maldonatus *Tomo 2. disputationum de Sa-*

cramentis pag. 281. seq. Hugo Grotius *lib. 2. de Iure belli ac pacis cap. 5. dist. 9.* Rationes sunt: (1.) Quia plures uxores habere non repugnat Naturæ. (2.) Quia ante promulgationem Evangelii Lex nulla vetuit uxorum multitudinem, Orientis totius consensu stabilitam. (3.) Quia Lex Mosis approbat plurium uxorum filios, & sanctiones forniat quomodo opes paternæ inter eos dividendæ sint. *Deut. 21. 15. seqq.* Annotat *Franciscus Iunius*, Deum agere velut Legislatorem, tolerando ea quæ in populo non poterant mutari citrà incommodum, quando his moribus assueverat. *Respondeo*: Quamobrem ergo obrogavit in novo fœdere, ubi constat, perinde in usu fuisse hæcænus? Scilicet cum hæcænus erat consuetudo, neque Lex ulla contradiceret legitimum esse censebatur, id est, Reipublicæ non damnosum. (4.) Quia hoc solum vetat Lex Mosis, ne Rex aliquis in ducendis uxoribus nimium luxuriare velit, *Deuter. 17. 16. 17.* (5.) Quia Davidi inculcat Deus, quod uxores ei complures, & quidem illustres dedisset, *2. Samuel. 12. 8.* Dicit *Tarnovius*, dare in sinum est tradere in potestatem, non verò est dare in matrimonium. Idem ipsum urget *Alphonsus Tostadus* commentarii ad h. l. quæst. 3. *Respondeo*: Utrumque est, namque Propheta exprobat ei copulationem illegitimam cum uxore alterius viri, qui vixerat hæcænus, ideò quod copulari poterat, & cum vellet, debuerat cum uxoribus suis, tum quas olim à nemine contrectatas ipse duxerat, tum quas Saulus post obitum suum destituerat viduas. Erat ergò traditio in potestatem conjugialem uti genus dicendi etiam locis aliis innuit, *Genes. 16. Deuter. 13. 6. cap. 28. 56. 1. Regum 1. 2.* Proinde quæcunque Deus commemorat se

dedisse velut beneficium, illa non debent peccati instar censer. Ita nobiscum definiunt *Augustinus lib. 3. de doctrina Christi. c. 12. & lib. 16. de Civitate Dei c. 38.* *Joh. Chrysostomus serm. 56. in Matth.*

XVI. Instat *Besoldus*: Uxorum multitudo apud Judæos non quidem licita, sed tantum propter cordis duritiem, & veluti ex dispensatione permilla erat. Est enim contrà primam institutionem, ad quam nos Servator revocat, & vide *Levit. 18. 18.* Hæc ille *lib. 1. doct. Politica cap. 12. dist. 8.* *Respondeo*: Quia post diluvium lex nulla erat lata de uxore unâ ducendâ, & verò ut augeretur genus humanum putabant mare unum posse uxoribus pluribus conjungi, factum est, ut consuetudo invalesceret, eaque Patriarchis etiam approbata, portò vulgavit mores ad eorum posteros, ut ita liberet quia licebat eoque magis, quod Mosis Legislator non obrogaret consuetudini per contrariam legem. Dispensatione opus haut erat, quia non proflabat Lex, quæ vetabatur, plures uxores in matrimonio habere. Quod in Paradiso contigit exemplum illustre est, lex verò non est. Quod hodiè, & quidem apud Christianos aliter est, à Christo est, qui legem hanc de matrimonio expressè tulit viro, ut unâ contentus uxore vivat, *Matth. 19. 5. 6.* Denique locus è Mose *Levit. 18. 18.* prolatus, ita vertitur à Tremellio & Piscatore, mulierem unam ad alteram ne assumpto, angustia affecturus hanc, & regendo turpitudinem illius duce super hanc in vitâ ipsius. Retinent Pulis *Tarnovius lib. 2. de Conjugio pag. 662.* *Theodorus Beza libro de Conjugio & divortio pag. 49.* *Joh. Tarnovius in Exercitat. Biblicis pag. 273. seqq.* ut prohibeatur verbis illis, ne uxores plures

ducantur. Dicunt: (1.) Quod antea in hoc capite per analogiam est prohibitum, illud hic non denuò prohibetur. Atqui connubium cum uxoris sorores suprà *vers.* 16. est ita prohibitum. Ergò. (2.) Mulieres se invicem angentes hic intelliguntur. Atqui digamorum vel polygamorum uxores quæcunq; se invicem angunt, *Genes.* 4. 23. 1. *Sam.* 1. 6. (3.) Quod in primâ constitutione & postea in prophetarum libris est prohibitum, illud etiam apud Mosem loco quodam est prohibitum. Atqui polygamia in primâ constitutione est prohibita, ut docetur *Mat.* 19. 5. *Roman.* 7. 2. 1. *Corinth.* 6. 16. *cap.* 7. 39. & Malachias contrâ illam pronunciat, *cap.* 2. 13. Atqui non potest ostendi talis prohibitio, nisi de Rege solo, *Deuter.* 17. 16. si quis hanc legem de monogamiâ servandâ interpretari nolit. (4.) Soror illa intelligitur, quam licet ducere alterâ mortuâ. Atqui sororem propriè dictam non licet ducere mortuâ alterâ. Ergò. Major est, in textu, cum dicitur, *super hanc in vita ipsius*, quæ restrictio non est sine causâ addita, cum aliâ in toto capite non reperiatur, & Apostolum huc aludere in locis suprà allegatis, aperte pateat. (5.) Uti frateritâ etiam soror non tantum est cognatione & propinquitate sanguinis, sed quâcunque conjunctione patriæ, religionis, sexus, *Tobie* 8. 4. 7. 1. *Cor.* 9. 5. Hæc Tarnovius l. d. Franciscus Junius in notis, Joh. Piscator *questionibus ad Leviticum num.* 172. Jaus Drusius *commentariis ad Leviticum p.* 301. *seqq.* Respondeo: (1.) Negatur connexum, & verò analogiam non curat Legislator, sed ordine describit illa quæ vult scire alios. Itâ voluerat conjugium filii cum matre, *vers.* 7. & tamen haut obstat analogia, quò minus vetetur conjugium filii cum pa-

tre *vers.* 10. (2.) Non semper angunt sese plures uxores, & verò hic est speciale quiddam, vetando scilicet duas sorores in matrimonio uno habere, non etiam alias omnino quæ illâ consanguinitate non sunt junctæ, itaque æquior animo sub eodem marito ætatem agunt, uti infra docebimus. (4.) Constitutio prima exemplum quidem est pro matrimonij fine, videlicet medium esse quò promoveatur incrementum humani generis: sed non est Lex, per quam numerantur personæ, inter quas matrimonium contrahatur. Locus Malachiæ pronunciat adversus divortia temeraria, & ob causam leviculam accepta privato arbitrio, uti dicemus *infra dist.* 17. (4.) Licuit antea, quia fecerat Jacobus, ne verò deinde liceret, voluit Deus prohibere. (5.) Non est opus, ut figuratum sensum inducamus, ubi proprium genus dicendi valet. Falsi convincuntur inde, quod Moses toleravit in Lege sua, ut plures mulieres viro uni jungantur. Cæterum verba Legis sonant, *sororem uxoris tue in pelliculum ejus non accipies*, quomodo Pagninus, Castalio, Tigurini, Romanus Interpres vertunt Pellicatum intellige sensu honesto, ut pellex sit altera conjunx. Notant Rabbi Salomoh, Vatablus, Grotius Vinarienses Scholiazæ, Cornelius à Lapide, Bonfrerius, quod vetatur, duas sorores uno matrimonio copulari, uti olim fecerat Jacobus Patriarcha, eventu malo, *Genes.* 29. 30. 31. c. 30. 1. 2. *seqq.* Sicut enim fratrum odia sunt acerrima itâ sororum contentiones irreconciliabiliter perdurant.

XVII. Non ergò peccaverunt Veteres illi, quandò Lex Christi primum sancivit ut viro unidaretur uxor una. Repetunt Apostoli, 1. *Corinth.* 7. 2. 3. 4. 5. 1. *Timoth.* 3. 2.

adeoque nostro seculo improbè factum est ab eis qui plurium uxorū copulationem ad usum revocare conabantur. Tales erant Monasterienses Geisterani, apud Johannem Sleidanum *lib. 10. histor. eorumque alumnus David Jortius Batavus, apud Henricum Bullingerum lib. 2. advers. Anapabistas cap. 14.* Joh. Hornbekium in *Summa Controversiarum lib. 6. pag. 411. 412. 413.* Defendit Bernhardus Ochinus Samosatenianus etro in *Dialogis Italicis lib. 2. pag. 200. seq.* Verum præter exempla Patrum veteris ævi nihil in favorem causæ producit, itaque prolixè refellit Arnizæus *libro de Jure Connubiorum cap. 4. sect. 2.*

XVIII. Quæritur (3.) An liceat matrimonium divortio separare? Respondeo: Hebræorum in faciendis divortiiis magnalientia fuit, uti constat ex *Deuter. 24. 1. Syracide 35. 34.* Spississimè etiam nimia, ut rem per felicitatem reprehendere ob id voluerit Deus, quando abusus accedebat, *Malachie 2. 14. 15. 16.* Cæterum Paulus Episcopus Burgenfis *ad. titonibus in Lyram Deut. 24. 1.* Joh. Drossius *lib. 14. Observat cap. 10.* Albericus Gentilis *lib. 6. de Nuptiis c. 11.* disserunt, licentiam illam ortam esse, non quidem ex lege & concessu Legislatoris, sed potius ex falsâ interpretatione Legis, quam deinde Rabiliori consuetudo: Nec enim, *ajunt*, Moses Divertendi causam aliam permisit, quàm adulterium, id quod notatur per rem fœdam, *Deut. 24. 1.* Verum Hebræa *וּפְתָחָהּ* est amplissima notionis, ut quodvis odium exprimat undecunque ortum, si injuria aliqua suberat, quæque evidenter apud Judicem probari poterat, uti docet Gemara Babylonica *Tit. 1. cap. 9.* & his adde Johan. Buxdorsium *in dissertatione de Sponsalibus &*

divortio Hebræorum dist. 90. Johan. Seldenum *lib. 3. de uxore Hebræica cap. 23.* Equidem Albericus Gentilis profert interpretationem factam à Servatore *Matth. 5. 31. 32.* Verum Servatoris dicta manifestò refellunt eum, Revocat ille rem ad primum ortum, & Legislatoris indulgentiam, quæ per Gentium mores ubique receptos stabilita, desceverat à primo exemplo, corrigi in tantum, ut veteri ævo & Synagoga permittat illam, novo populo ipse hoc non permittat. Quodsi Legislator concesserat divortium fieri in unico adulterii casu, non erat, quare Servator diceret, Mosem pro duritiâ cordis eorum permisisse eis dimittere uxores, cæterum à principio non fuisse ita, *Matth. 19. 7. 8.* Accedit ratio: Mulier per divortium separata poterat viro alicui nubere, *Deut. 24. 1. 2. 3. 4.* Atqui mulier adultera capitis damnatur, ut lapidibus obruatur, *Levitic. 20. 10. Deut. 22. 22.* Eandem licentiam usurpaverunt olim Thurii & Athenienses, Diodorus Siculus *lib. 12. cap. 18.* Alexandet Neapolitanus *lib. 4. gentium dierum cap. 8.* & prolixè Samuel Petitus *commentariis ad Leges Africanas lib. 6. pag. 459.* Thurii erant à Pythagoræ, quorum fuit proverbium: *Arctum annulum ne gestato.* Pertinet ad rem præsentem. Veteres Romani initio sanctè coluerunt fidem conjugalem, sed degenerante seculo ex quavis suspitione divortium fecerunt, postquam causas in judicio probaverant. Judicium erat confellus amicorum & proginquorum, uti docet Valerius Maximus *lib. 2. cap. 4.* ubi de Lucio Antonio Senatore meminit. Res porro ad Censores deferrebat, & amicorum testimonio fides facta est, quod divortii causæ legitimæ essent, Aulus Gellius *lib. 7.*

cap. 21. Causæ descriptæ in libello & à septem testibus subscriptæ dabantur mulieri, ut posset illis uti in procurando matrimonio novo. Reddebantur claves, auferebatur dos, acut domo exisset, clarâ voce iubebat maritus: *Res tuas tibi habe*. Iuvenalis: *Collige sarcinulas, dixit libertus, & exi*, Sat 6. Abibat illa, & nubebat iterum, cum vellet. Tabulæ sponsalitiæ scindebantur. Iuvenalis:

Tabulas quoque fregerat,

Sat. 9. Exempla sunt apud Ciceronem lib. 8. *Epistol. famul.* 7. Seneca lib. 3. *de beneficentia* cap. 16. Valerium Maximum lib. 6. cap. 3. Tertullianum in *Apologetico* cap. 6. Joh. *Corasium* lib. 5. *miscellaneorum juris civilis* cap. 10. Saraceni & Mauri hodiernum ob causas levissimas permittunt divortia uti docent Muhammedes in *Acorano* lib. 2. cap. 2. & 7. lib. 3. cap. 47. Denique Johan. Miltonus scripsit *librum de divortio*, quo conjugia quævis ritè sociata pro alterutius conjugum arbitrio solvi posse contendit, apud Geisteranos, & qua Keros suos ad violationem jurium omnium factos.

XX. Cum Episcopum suum Paulus esse vult *παῖς ὑπαίτης & ἀνδρα*, 1. *Timoth.* 3. 2. hoc monebat, ut Episcopus ab istis moribus temperando sibi esset gregis exemplar. Plurium uxorum maritus erat non solum ille, qui plures sub titulo illo domi suæ habebat, sed etiam qui unâ ejusmodi ducebat alteram, eoque suam incontinentiam & imprudentiam prodebat, quanquam leges moresque Gentium hoc illi permitterent. Sed merito ejusmodi homines à muneribus Ecclesiasticis arcebantur, quod ex decreto legis Evangelicæ ista matrimonii cautionatio

erat adulterii loco, *Matth.* 5. 32. cap. 19. 8. 9.

XXI. Canones Pontificii nullum divortium permittunt, adeoque in locum ejus invixerunt separationem quoad thorum & mensam, tam sacris literis quàm Romanorum legibus in cognitam. Defendunt Bellarminus libro de *matrimonio* c. 15. seqq. Joh. Sepulveda l. 1. de *Nuptiis*, Becanus Tomo 2. *Theolog. Scholast.* pag. 907. seqq. & lib. 4. *Manualis Controvers.* c. 7. Didacus Covarruvias part. 2. *Resolutionum de matrimonio* cap. 6. Benedictus Justinianus *commentariis in Epistolam ad Romanos* pag. 196. Tomas Sanchez l. 10. de *matrimonio* *Disputat.* 2. 3. seqq. Joh. Maldonatus Tomo 2. *Disputationum de Sacramentis* pag. 319. seqq. Gregorius de Valentia Tomo 4. *Commentar. Theolog.* disp. 10. *quest.* 1. Wilhelmus Bailius in *Catechismo Controvers.* pag. 258. seqq. Ioh. Pri-deaux in *fasciculo Controvers.* cap. 6. *quest.* 6. Hos sequitur Besoldus: Catholici, ait, nec propter adulterium totale divortium permittunt, ideoque profana sunt Consistoria Protestantium, quæ ob adulterium divortium totale permittunt, lib. 1. *doctrina civilis* cap. 12. dist. 11. Verum quod Canones prohibent, id omninò facere licet per legem à Servatore promulgatam, uti ostendunt Franciscus Hottomannus in *questionibus illustribus* num. 9. Arniseus libro de *Jure Communi* cap. 5. sect. 7. cap. 6. sect. 1. seqq. Ioh. Gerhardi in *Confessione Cathol.* Tomo 4. pag. 246. seqq. Paulus Tarnovius lib. 3. de *Conjugio* cap. 10. seqq. Theodorus Beza libro de *conjugio & divortio* pag. 178. seqq. Albericus Gentilis lib. 6. de *nuptiis* cap. 6. 7. 8. 9. 10. 11. 12. Verva Servatoris plana sunt:

Quicumque dimittit uxorem suam extrâ adulterii causam, facit ut illi adulterium committat, & quicumque dimissam duxerit, ille adulterium committit, *Matth. 5. 32. cap. 19. § 9.* Dicunt aduersarii, verbis illis non permitti divortium totale, verum parziale, *Belarminus l. d. Cornelius à Lapide & Adamus Conzenus commentarius ad Matthæum pag. 364.* Respondeo: Divortium parziale, quomodò illi novo prorsus vocabulo appellant separationem à thoro & mensâ, rem perinde novam hanc occurrit loco aliquo in Legge Moysi, neque igitur Iudei de illo percontati sunt neque de illo etiam respondere voluit Servator, multò minus novam & inusitatam divortii speciem instituere opus erat, quando veteris ævi divortium fieri permisit, unico adulterii casu legitimè cognito & iudicato contentus, rejectis Iudeorum quibuscunque causis, qui divortio pellebant foeminas sæpè arbitrio privato, ob levissimas offensas, datâ potestate ut nuberent viris aliis, cum vellent *Leviti. 23. 14. Deuter. 24. 1. 2. 3. 4.* Adeoque secundum ipsam Dei Legem semel ejectam mulierem per divortium, novo conjugio iterum sibi copulare, nefas erat, *Deuter. 24. 24.* Nam quod semel placuerat, id postea displicere non poterat, fuitque hoc ideo sancitum, ut maritus non itâ facilis esset divertendo conjugem, quàm sciret nunquam se recipere posse a-
 junt Bonfrerius & cornelius à Lapide *commentarius adh. l. pag. 509.* Regeat *Prideaux*: Dispensationem vel potius indulgentiam eam esse, dicit Servator, quàm Legem, permissam genti ob cordis duritiem, *Matth. 19. 8.* Itaque Levita recipiebat uxorem fornicariam non reſteratis nuptiis, *Iudicum 19. 1. 2. segg.* quod & Deus pollicetur facturum

Israeli fornicanti, modo pœnitentiam agent, *Ierem. 3. 1. Respondeo*: Fateor quidem, tolerata fuisse divortia illa frequentissima apud Iudæos, magis quam jure vel Legge permessa, excepto casu quem notavit Servator. Et in isto casu, qui secundum Legis rigorem capitalis erat, nihilominus etiam succurrebat merito benignius remedium, ut divortio pelleretur mulier, quæ concubitus viri alterius admiserat, *Matth. 1. 19.* Attamen sufficit nunc, quod Servator verbis conceptis divortium tale pronunciat esse licitum, in casu adulterii. De Levitâ non est clarum satis, quod pellex ejus concubitus alterius permittendo causam abitis sui acceperit, quandoquidem pellex apud Hebræos stupri vel infamiæ vel lege non tenebatur. Potius constat, quod odium intervenerit, quo percussa illa defecit viri contubernium. Verti debet locus, & *irata est contra eum concubina ejus.* Itâ habent Alexandrini, Romanus, Ariamontanus, Chaldeus Jonathan, Rabbini Kimhi, & prolixè defendit Nicolaus Serarius *commentario adh. l. pag. 403.* Et verò licet concedatur, fornicatam esse iuxta Levitæ oculis, uti sentiunt Vatablus, Tremellius, Piscator, Diusius, Castalio, Pagninus, quid inde amplius? Non sane inferet *Prideaux*: Ergo Lex de non ducendâ uxore iterum, quamvis divortio semel abactâ fuerat, non habuit vigorem perfectum? Non sane eodem loco habentur legitimæ uxores cum pellicibus, quæ voluptatis causâ tantum adſeiscuntur, Denique ad exemplum Dei statim respondebimus, quo sensu valeat illud.

XXI. Instant *Prideaux & Besoldius*: (1.) Deus itâ matrimonium constituit, ut duo es-

sent in carne unâ, neque possent separari, *Matth. 19. 6.* (2.) Nulla patris culpa eximit filios ab obedientiâ patri debitâ. (3.) Matrimonium fidelium est signum conjunctionis Servatoris cû Ecclesiâ, *Eph 5. 32.* Atqui conjunctio illa est indissolubilis, quando Servator non deleat Ecclesiâ etiam si adulterio spirituali maculet ista sese. Ergo nec matrimonium separari debet, quanvis crimen aliquod intercedat. (4.) Is committit adulterium, qui dimissam propter adulterium mulierem in thorum adducit, *Marci. 10. 11. Lucæ 16. 18.* Ergo factâ dimissione propter fornicationem, manet cum priori marito contractum vinculum. (5.) Uxor viro alligata est, quandiu vir vivit, neq; nisi per mortem à viro liberatur, *Roman. 7. 2.* Ergo vinculum conjugii non est solubile. (6.) Apostolus jubet uxorem quacumq; de causâ à viro separatam, innuptam manere, ut sit locus reconciliationi, fortasse ab utrâq; parte peccantium. *1. Corinth. 7. 11.* ubi à reconciliatis non iteratur matrimonium. Ergo vinculum semel contractum non erat antea solum. *Resp.* (1.) Duo quidem in carne unâ manere debent, stante matrimonio sed definit unio illa, post matrimonium diremptum vel naturaliter per mortem, vel civiliter per divortium, ob antegressum crimen adulterii. (2.) Non valet consequentia: Patris culpa nulla eximit filios ab obsequio. Ergo nec uxorem culpa aliqua eximit ab obsequio mariti. Aliâ enim ratio est unionis conjugialis, quæ per contractum civilem impletur, aliâ est subjectionis liberorum, quæ ex naturali eorum procreatione orta est. Et tamen potest pater impius, latro, servus penæ abdicari à filio honesto, proinde uxor quæque adulterio maculata divortium accipit merito, quod cri-

men istud omnino tollat matrimonii obligationem. (3.) Simile est frivolum: Deus ipse constituit differentiam inter suam cum Ecclesiâ conjunctionem, & conjugiale pactum fidelium: Si uxor ob fornicationem repudiata fuerit, an à viro admittetur iterum? Tu verò ad me revertere, *Jerem. 3. 1.* Deinde notum est, quod Deus repudium mittat cœtibus improbis, & restituat horum loco alios, quos animi melioris esse deprehendit, *Roman. 11. 17. Apocal. 2. 5.* (4.) Antecedens est falsum, namque apud Marcum & Lucam dicitur tantum, non esse dimittendam uxorem, & mœchari tum eum qui priori ejecta aliam superinducit, tum eum qui dimissam ab alio duxerit. Sed uti neuter meminit dimissæ propter fornicationem, sic utrobique dimissio uxoris & alterius superinductio prohibetur ita à Servatore, ut suppleri debeat à Matthæo exceptio illius, nisi ob crimen fornicationis. (5.) Agit Paulus de muliere, quæ est marito obligata suo, non verò de alia quæ est liberata à viro per divortium legitimum. (6.) Non agit Apostolus de uxore, quæ fuerit quacumque de causâ à viro separata, verum de illa quæ proterviter neque ex sufficiente causa viro suo volenti ei cohabitare, pro more istorum temporum repudium miserit, hanc enim vel inuptam manere, vel reconciliari viro suo debuisse, constanter præcipit

XXII. *Orta est, quæ à prima existit. Est quæ patria & herilis. Patria est, quæ parentes & liberi junguntur.*] Obedientia parentibus debita imperio quodam asseritur, quod patriam potestatem indigitamus, *8. Nicomach. 10. 7. Eudem. 5. & 11. 11. Politic. 17.* Ea jus ritæ & necis complecteba-

tur in filios, apud veteres Romanos, statim cum ab utero prodirent. Ejus argumentum erat, quod liberos, si numerus gravis videretur, aut tolli vetabant, aut jubebant exponi, uti diximus *lib. 1. Antiquitatum Romanarum cap. 1. dist. 10.* Idque impunè, nam & idèò in *Legè Pompeja de parricidis*, pater filium interficiens non comprehenditur. Tertullianus in *Apologetico*: Quot vultus in his circumstantibus, & in Christianorum sanguinem hiantibus, ex ipsis etiam vobis iustissimis & severissimis in nos praesidiis apud conscientias pulsem, qui natos sibi liberos enecent, siquidem & de genere necis differt, utique crudelius in aquà spiritum extorquetis, aut frigori & fami & canibus exponitis, *cap. 9.* Exponebant vero, id est, domo exportatos in loco publico, ut viâ publicâ, litore maris, ripâ fluminis, silvâ, deserto proiecebant, & fortunæ per mittebant, feris in prædam, hominibus in servitutem. Plurimos corripiebant Lanistæ, id est, magistri gladiatorum, & suo periculo educabant, deinde in arenâ committebant, ut cruentos ludos exhiberent. De qua re egimus nos *lib. 2. Antiquitatum Romanarum cap. 1. dist. 9.* Itaque Paulus Romanos ob causam eam vocat *ἀσέγγυς*, id est, expertes naturalis affectus, *Rom. 1. 31. Tacitus* de ludæis: Augendæ tamen multitudini consulitur, nam & necare quenquam ex gnatis nefas, *lib. 5. histor. cap. 5.* Sic emendat lusus Lipsius *notis ad h. l. pag. 55.* & malè vulgò legitur, *quenquam ex agnatis.* Græcis & Romanis in promiscuo usu fuerunt abjectiones infantum, & expositiones, imò necesse. Id aliter in Iudæorum moribus, & gentem cum primis soboli auduisse, adeo

ut nulliusmodi partum necare fas, notat uti novum, Tacitus, perinde uti Germanos eandem ob causam collaudat, *libro de moribus Germanorum cap. 19.* Ergò quia de liberis (non verò de agnatis) agit, statim addit, *hinc generandi amor.* Scilicet matres certæ erant, prolem tollendam esse. Statius:

Infantem linguaque simul salibusque protervum

Dilexi, meus ille, meus, tellure cadentem

Excepi, atque unctum genitili carmine fovî,

lib. 5. Silvarum carm. 5. Infantiæ, qua Quakeri laborant, specimen non leve est, quod Thomas Hobbes *libro de Crue cap. 9. dist. 2* contendit, *matrem posse recens natum infantem exponere suo arbitrio & jure usam.* Atqui ubera idèò Natura dedit puerperis, eisque lac instillat, ut officii sui ad moneantur, omninò alendum esse infantem, neque hoc eis liberum esse, ut cum educare nolint, abjicere queant. Quæ aliter faciunt, & negligendo liberos fame perimunt, homicidii crimine reas sese faciunt. De potestate necis in adultos filios exemplis quibusdam probant Cælius Rhodiginus *lib. 11. Antiq. Lætionum cap. 17.* Rodericus Förnerius *lib. 1. rerum quotidianarum cap. 2. 3.* Alblbericus Gentilis *lib. 4. de Nuptiis cap. 1.* Arnisaus *libro 1. Releil. Politic. cap. 4. sect. 2.* unde constat etiam, quod timidius ita egerint, adeoque rarius usurpata esse legitur, & à parentibus nimium morosis. Ante Iulii Cæsaris tempora mitigavit rigorem illum diæ, atque in desuetudinem venit. Quod verò

Joh. Bodinus *lib. 1. de Republ. cap. 4.* eam incautus, revocare conatur, ratione caret, literisque sacris repugnat, quæ prætermodicam coercitionem nihil parentibus in liberis permittunt, & cum metuerunt, à magistratu ad supplicium condemnandos esse, pronunciant, *Deut. 21. 20. Proverb. 19. 18. cap. 23. 13. Coloss. 3. 21.*

XXIII. Apud Hebræos jus illud ad necis potestatem fuisse extensum, contendit Ludovicus Cappellus *diatriba de voto Jephthæo dist. 18. & adfert legem, Levit. 27. 28. Omne anathema, quod consecrabitur de hominibus, non redimetur, moriendo morietur.* Indè inferit, quod hec us adversus servum, pater adversus filium habuerit potestatem devovendi eos ad mortem, cum ipsi vellent, cumque sacerdotes propterea rogati assentirentur. Verum lex illa partim de hostibus ad internecionem destinatis valet, partim de votis in periculo summo & extra ordinem conceptis, uti pluribus docet Joh. Seldenus *lib. 4. de jure Hebræorum cap. 11.* De sensu priori dubium non est, & exempla plurima sunt in literis sacris, *Numer. 19. 14. cap. 21. 2. 3. Deut. 2. 34. cap. 3. 6. cap. 13. 15. 17. Josue 10. 1. 34. 39. Malach. 4. 6.* De posteriori vix aliud occurrit, quàm unum votum Jephthæ, *Judicum 11. 30. 31.* adeoque talia vota non quidem præcisè de hoc vel illo concipiebantur, sed in genere, ut de eventu securus esset ille qui vovebat. Proindè Jephth dicebat, *torques me filia mea.* Neque enim filiam nominaverat sed indefinitum pronunciatum erat, *quicumque egredietur à foribus meis.* Potuerat alius esse atqui magnus humanorum eventuum moderator casus obtulerat nec opinanti filiam unicam, voti

ignaram, *Judic. 11. 35. 36.* Constat apud Ebræos, vendi potuisse liberos in servitutem ad tempus, *Exodi 21. 7. Denset. 15. 12.* Nuspiam tamen Lex ei permisit, vel dedit potestatem necis. Et omninò imprudenter agit Arniseus, quandò potestatem illam ab Hebræis exercitam fuisse, probare vult exemplo Jephthæ, qui privato imperio condemnaverit filiam ad supplicium, *lib. 1. Relect. Politic. cap. 4. sect. 2. num. 7.* Falsum enim est, quod usus privato imperio ita fecerit, quin votum erat indefinitè conceptum, atque uno obligationis jure ad executionem imprimis deductum, *Ludicum 11. 39.*

XXIV. Quod verò Joh. Eichelius *libro de Jure patrio in filios dist. 20.* negat, virginem occisam esse, manifestò repugnat contextui. Votum tale erat: *Si tradideris Ammonitas in manus meas, quicquid egredietur de foribus domus mea, in occursum meum cum teneat in pace ab Ammonitis, erit Dominus & offeram illud holocaustum.* Referunt Iohan. Brentius *commentariis ad h. l. pag. 42.* Iohan. Drusius *notis ad h. l. pag. 278.* Sixtinus ab Amamam *Antibarbaro Biblico pag. 612. seqq.* Rabbinus Kimhi, Vatablus, Grotius, Tremellius, Piscator, Munsterus, Pellicanus *notatis ad h. l.* Daniel Heinsius *lib. 18. Exercitat. sacrarum cap. 7.* ad votum simplex, quod est votum rei sacræ & vocatur *וְדָבָר* ut adeò virgo devota fuisset cultui sacro ad tabernaculum in statu cœlibatus perpetui. Errant verò & contradicunt verbis manifestis, & offeram illud in holocaustum. Erat ergò *דָּבָר*, & votum de perpetuo calibatu isto in tempore profus inutilitatum, imò cum populi moribus eviden-

ter pugnans, non potuit verbis accommodari. De qua re contra Baronium & Bellarminum accuratè disserunt Joh. Gerhardi in *Confess. Cathol. Tomo 3. pag. 216. seqq.* Daniel Chamierus in *Panstratia Cathol. Tomo 3. lib. 20. cap. 20. seqq.* Casaubonus *Exercit. 1. sect. 22. seqq.* Ratio una est, quæ rem totam conficit, videlicet, mos non inolevisset inter virgines Israëlitas, quotannis conveniendi ad memorandam celebrandamque ejus in subeundâ voti executione fortitudinem. An quod viva separabatur à thoro, & perpetuò serviebat in operis sacris? Non sanè hæc tanta causa erat, sed par omnino tanto conventui causa erat, spontè ad mortem condescisse, ut vice piaculi caderetur. Non aliter Romani, quando exercitus laborabat, & propter Deos adversos superari ab hostibus posse videbatur, tunc enim Pontificis & Aurspicum consilio factum est, ut Ducum aliquis pro salute exercitus devoveret sese, atque obitu suo hostibus cladem, patriæ victoriam acquireret. Juvenalis:

*Plobera Deciorum animæ, plebeja fuerunt
Nomina: pro totis legionibus hæc tamen &
pro*

*Omnibus auxiliis, atq; omni plebe Latina,
Sufficiunt Dus infernus, terræq; parentis,
Sat 8. Rem gestam describit Livius lib. 8. his-
tor. & inter alia verba ista habet: piaculum
omnis Deorum ira, qui pestem ab suis aver-
sam in hostes ferret. Piaculum vocat appo-
sitè eratque piaculum hujusmodi filia Jeph-
tæ, quam obrem non poterat redimi, sed co-
gebatur mori ex lege Levit. 27. 28. Iudi-
cum 11. 30. 31. 36. 37. ubi vide Nicolaum Se-
rarium in *commentariis quæst. 14. 15. 16.* qui
prolixè admodum ista exponit.*

XXV. Excipiunt *Drusius & Eichelius*:
(1.) Poterat eam pater divino cultui conse-
crare, itaque opus non erat ut occideretur.
Resp. Imò non poterat consecrari, sed mo-
ri debebat, qui piaculum erat. (2.) Vir-
go exorabat moram semestrem plangendi,
non quidem vitam, sed virginitatem. *Re-
spondeo*: Deslevit virginitatem, sed non ex-
clusa vita. Morti enim acerba conditio e-
rat addita, videlicet, quod sine liberis obire
necessum haberet. (3.) Voti executione de-
scribitur per verba illa. & non cognovit vi-
rum, id est, virgo permansit. *Respondeo*:
Planius vertitur *et virum non cognoverat*.
Nimirum perfectæ virtutis atque ætatis
virgo erat tunc cum immolabatur. quò ma-
gis evidenter constaret figura Scivariis
qui purus ab omni labe obtulit seipsum ho-
locaustum pro totius mundi peccatis,
uti benè monet *Augustinus commentariis
ad librum Judicum quæst. 49.* (4.) Virgi-
nes cum ea quotannis confabulabantur,
non ergò vitiis exempta fuit. *Respondeo*: Imò
confabulabantur de ea, celebrando ejus
constantiam in perferenda morte, idque
suo adhuc tempore Samaritanos fecisse, te-
statur de illis Epiphanius in *hæresiologo*
sect. 55. *ἐν δὲ τῇ σιζῶν ἡ, ἡ ποτὶ σαμαρείαν
καλεμένη τὴν θυγατέρα ἰσθῆαε θεοποίν-
σαντες, ἐν ταύτῃ τελευτῇ κατ' ἰδίαν ἀ-
γασιν.* Ubi τελευτῇ sacrificium est, eodem
interprete sect. 78. *ἐν σικιμοῖς, τῶν ἱσὶν ἐν
τῇ τοῦ νιαπόλεως θυσίας οἱ ἀπὸ χωρὶς τέ-
λῃσιν εἰς ὄνομα τῆς κόρης.* (5.) *Grotius*
annotat: Non poterant holocausta, per le-
gem fieri nisi ex bobus, ovibus, capris, tur-
ture, columba. Quidsi asinus vel canis
occurrisset, debuitne fieri holocaustum?
Non sanè, ergò nec humani generis quic-
quam,

quam, sed dedicandum id ad ea ministeria, quæ homines Deo exhibent, puta in san-
ctuario, si mas esset: Si femina, ad preces
aliaque pietatis exercitia, vini abstinentiam
& vitam solitariam. De mare exemplum
habet in Samuele, 1. Sam. 1. 28. de fœminis
nova *Ætate* est Exod. 38. 8. 2. Sam. 20. 3. Hæc
ille. *Respondeo*: De holocaustis ordinariis
hoc quidem verum est, sed eò non debet re-
ferri anathema, quod extraordinarium est.
Et secundùm illud nec canis, nec asinus,
quando priores occurrissent, in vivis con-
servari debuissent. Sed altioris principii est,
quòd occurrit filia ad voti executionem fa-
ciendam, unde est in textu: *Erat super seph-
tam spiritus Domini, votisque votum.* Et
hoc ipsum votum maximæ fidei ejus adscri-
bitur, Hebr. 11. 12. Consecrationes ad sa-
cras operas in populo Dei receptæ, non
pertinent ad præsens negocium: Namque
mares poterant conjugium inire, neque illi
vitam solitariam agebant, uti Samuelis ex-
emplo constat. Fœminæ verò pro tempore
votum solvere quidem poterant in taber-
naculo, non etiam ad omne tempus vitæ
cœlibatum servabant. Davidis pellices mi-
nisterio sacro consecratas esse, nemo credat,
à thoro separatas viduarum instar provixisse
domi suæ, prodit sacer textus.

XXVI. Quæritur: *An filius in vitis paren-
tibus vitam cœnobicam sectari possit?* Re-
spondeo: Affirmant Bellarminus libro de
Monachis, cap. 35. Toletus lib. 1. *Instruct.*
Sacerd. cap. 55. Besoldus lib. 1. *Doctrina Ci-
vili* cap. 13. dist. 8. ubi proferunt exempla
Abrahami, qui de patria domo exivit voca-
tus à Deo, Gen. 12. 1. Levitarum, qui in
causa pietatis sæviebant adversus cognatos
suos, *Deut.* 33. 9. Johannis Baptista, qui ab

ineunte ætate per desertum oberrabat, Luc. 1.
80. Addunt, bonum esse, portare jugum Dei
ab adolescentia, *Thren.* 3. 27. Sicilli. Re-
spondeo: (1.) Abrahamus parebat vocanti
Deo, ac homo apud homines provivebat,
voto nullo obstrictus, quo humani generis
conversionem abdicaverat. (2.) Levitæ
sæviebant adversus idolorum cultores, *Exo-
di* 32. 26. seqq. *Jos.* 24. 2. non verò abdebant
se in monasteria, ut augendis superstitio-
nibus operam darent. (3.) Baptista factum
erat singulare, nectamen è voto, aut pro-
pter voluntarios cultus Deo nunquam gra-
tos, *Matth.* 15. 7. 8. 9. (4.) Denique, beati
sunt, qui portant jugum Dei, id est, qui cala-
mitates publicas culpâ suâ attractas patienter
ferunt, Deoque supplices facti sese vo-
luntati ejus permittunt. Proinde negamus,
quòd filius in vitis parentibus debeat mona-
sticam vitam sectari. Rationes sunt: (1.)
Quia filius sub patrio imperio retentus non
potest invito & repugnante patre votum fa-
cere, *Num.* 30. 3. 4. 5. 6. (2.) Quia pugnat
cum jure naturæ, gentium & divino, paren-
tes deferere, erga quos meritò officia quæ-
cunque præstando, summam gratitudinem
nostram commendare debemus, *Exod.* 20.
12. *Colos.* 3. 20. *Eph.* 6. 1. 1. *Tim.* 5. 4. (3.)
Quia Phariseorum doctrina erat, sub præ-
textu voti Deo sese obligare, & parentes of-
ficiis debitis spoliare, *Matth.* 15. 5. 6. Dicit
Besoldus: Non videtur potestas patria eò
usque extendenda, ut in rebus conscientiam
attingentibus efficere vel impedire aliquid
possit. *Respondeo*: Votum à juvene rerum
haut satis perito prolatum, non est res, quæ
conscientiam attingit, sed frivolum aliquid,
quia conscientia est erronea. Quis credat,
velle Deum, ut superstitiosi magis, quam

veræ pietatis amantes simus? Plura dicemus infra cap. 15.

XXVII. *Herilis est, quæ Dominus & servus conjunguntur.*] De servis peculiares libros conscripserunt Titus Popma & Laurentius Pignorius, è quibus nos compendium fecimus lib. 4. *Antiquitatum Romanarum* cap. 1. dist. 1. seqq. Eorum varii ordines erant, videlicet Dispensatores, Attrienfes, Ostiarii, Obsonatores, Cubicularii, Nomenclatores, Focarii, Lecticarii, Villici. Et quidem Dispensatores erant, qui negocia procurabant, venalia distrahebant, pecuniam in rationes referebant, cæteris servis labores & alimenta dabant. *Inscriptio Romana*: Claudia Psycharia. fecit sibi. & filio. suo. Eutycho. piissimo. Imp. Domitiani. Cæsaris. Augusti. Germanici. Servo. Dispensatori. Montaniano. & libertis. libertabusque suis. posterisque. eorum. h. m. h. n. f. Gruterus in *Volumine* pag. 596. Attrienfes erant, qui in atriiis desposita armaria, ubi suppellectilem preciosiorem libellosque servabant, ac majorum stemmata vel imagines cereas (de quibus est lib. 2. *Antiquit. Rom.* cap. 1. dist. 5.) diligenter custodiebant, & porro imagines in funerum comitatu efferebant, vestibus exornatas, Plinius lib. 35. cap. 2. Justus Lipsius, lib. 1. *Electorum* cap. 29. Marcellus Donatus *Elucidationibus ad Uopiscum* pag. 1056. seqq. Inde est illud Petronii: Interrogare ego Attriensem cepi, quas in media porticu pitturas haberet, in Satyrico pag. 46. Ostiarii erant compediti vel catenis revincti ad vestibula januarum, ut nemo vel ingredi vel ingredi posset, quem illi non observarent cominus. Suetonius: *Lucius Oracilius Pilatus servisse dicitur, atque etiam Ostiarium veteri more in catena fuisse,*

libro de claris Rhetoribus cap. 3. Propertius: *Non mille excubie, nec te signata juvabunt Lamina, persuase fallere rima sat est,* lib. 4. Eleg. 1. Tibullus: *Et sedeo duras janitor ante fores,* lib. 1. Eleg. 1. Nocte & die quasi in praesidio collocati hoc avertabant, ne quis adventor gravior quam advenisset, discederet. *Petronius*: Ad sinistram enim intrantibus non longe ab Ostiarii cella, in *Satyrico* pag. 74. Cellam Attriensem dicit live pulvior, ubi vinctus janitor custodiam januarum gerebat. Annotat *Georgius Erhardus* in *Sym-bolis*: Non quidem servus vinctus ostium servabat. verum canis in vinculis, & ab his servus erat liber, pag. 597. Errat, nam & canes sunt in vinculis, unde sunt *xvix* & *xix* & *xix* & *xix* apud *Artemidorum Daldianum* lib. 3. *ὄρεσ. xpiix*, & quoque servus erat catenatus. *Columella*: An putem fortunatius à catenato repulsum iri janitore? lib. 1. Rursum Tibullus:

At mihi servandum credas, non favere cuso

Verbera, detrecton ego vincla pedum, lib. 1. Eleg. 7. ait Poëta, se libenter in compedibus fore, dummodò janitor constitutus observet, quid Delia sua agat, ut bene exponit *Janus Parrhasius* in *annotatis variis* pag. 867. Similiter Horatius:

Sper in visum mora janitorem
Fiat,

lib. 3. Carm. 14. Obsonatores, qui edulia & annonam emebant, *Seneca Epist.* 47. & pars horum Vocatores, qui convivæ invitabant, excipiebant, discumbentibus loca pro dignitate cujusque assignabant. *Martialis*:

Postu muner. i. Sexte, non amicos,
¶ am dice: mihi, vapulet vocator.

lib. 7. Epigram. 85. Plinius quoque meminit lib. 34. *histor. nat. cap. 10.* Cubicularii &

Media

Mediaſtini, qui lectōs & triclinia curabant, in quibus accubebant, cū cibos sumerent, uti latiffimē proſequuntur Petrus Ciacconus & Fulvius Urſinus *libro de Triclinio*, quibus adde noſtras *Antiquitates Romanas lib. 4. cap. 3. diſt. 2. 3.* Nomenclatores, qui civium nomina quotidie recitabant, & quid cerum ageretur, domum referebant. *Inſcriptio Romana: L. Calpurnio. LL. Fullo. Nomenclatori. Aug. L. Calpurnius. LL. Euphroſynus. Amico. Optimo. Ol. D. D. Q. Gruterus in Volumine pag. 598.* Et alia Romana, quam adfert *Johannes Jacobus Boiffardus: Diis. Manibus. T. Claudius. Aug. lib. Thaletis. Viniciani. Nomenclatoris. à. Cenſibus. Thalys. & Januaria. Lib. de. poſuerunt. loco. legato. ab. Julio. Alcide. part. 5. Antiq. Rom. fol. 27. Horatius:*

Mercemur ſervum, qui dicet nomina,
lib. 1. *Epist. 6.* A populo petebantur honores, & populus honores arbitrat ſuo mandabat in Comitibus, itaque Candidati homines ambitioſi (dicti quod togas candidas in publico geſtabant, uti monuimus *lib. 4. Antiquitatum Romanarum cap. 5. diſt. 8.*) operam dabant, ut Nomenclatores ſecum haberent in vicis, à quibus civium nomina edocti, obvios illos ſalutabant nominatim, ac gratiam horum apprehendebant, de quo prolixē agunt D. Lambinus *Commentariis ad h. l. pag. 274. 275.* Johannes Coraſius *lib. 4. Miſcellaneorum Juris Civilis cap. 13.* Focarii, qui ligna cædebant & ignes alebant. Leſticarii, qui Leſticarum vehicula ſuccolabant, Seneca *Epist. 29.* & prolixē Juſtus Lipſius *lib. 1. Electorum cap. 19.* *Inſcriptio Romana: D. M. Eufix. Tim. Servo. Leſticario. Tyche. Fauſtina. Conjugi. ſuo. B. M. F. & ſibi poſteris que. ſuis. Gruterus lib. diſt. pag. 600.* Et alia: Olympius. Livix. Drusi. Czla-

ris. Leſticarius. Petrus Appianus in *Colleſaneis Inſcriptionum pag. 302.* Villici, qui operas ruſticas exercebant. *Terentius: Herus ſi rediderit, Molendum uſque in piſtrino, vapulandum, habendæ compedes, opus ruſificiendum, in Phormione Act. 2. ſc. 1.*

XXVIII. Serviaut naſcebantur, aut fiebant. Naſcebantur è ſervo & ancilla inter quos erat, non quidem matrimonium, ſed contubernium. *Inſcriptio Romana: Diis. Manibus. Cale. Victori. contubernali. cariſſimo. & fideliffimo. poſuit. Et alia Romana: Diis. Manibus. Eutychie. & Succellæ. F. ejus L. Cæcilius Succellus. contubernali & filix. ejus. cariſſimis. Gruterus libro diſſo pag. 966. 973.* Itaque Plautus prologo ad *Caſinam:*

*Sunt hic quos credo nunc inter ſe dicere,
Quæſo herclè quid ſtuceſſi, ſerviles nuptiæ?
Servitiæ uxorem ducent aut poſcent ſibi?
Novum attulerunt, quod ſit nuſquam gentium.*

Et confer Alciatum *lib. 6. Parerg. cap. 16.* Gabrielem Palæottum *libro de Spiritibus cap. 14. 15.* Vernæ dicebantur, & Vernaculi, uti eos nominat Apulejus: *Quid uxor? Quid liberi? Quia vernaculi?* *lib. 1. Miſeſiarum.* Fiebant ſervi captivitate ex hoſtibus, de qua eſt *ſuprà cap. 8. diſt. 20.* aut venundatione. Patere genus vendebat filium ſuum, ut precium aliquod acquireret in ſumma caritate annonæ. Ut hoc liceret lege ſancivit Romulus, Dionyſius Halycarnaſſæus *lib. 1. Antiquit.* Porro notis ſtigmaticis in manibus, fronte, genis, dorſo notabantur, uti docent Hugo Grotius *notatis ad Apocalypſin pag. 181.* Cælius Rhodiginus *lib. 8. Antiquar. Leſt. cap. 11.* Juſtus Lipſius *lib. 2. Electorum cap. 15.* Johannes Brodeus *lib. 4. Miſcellan. cap. 24.* Itaque ſervos literatos per jocum

vocat Plautus in *Casina Act.* 2. sc. 6. id est, qui in fronte notas literarum habebant caurio impressas. Locus est Zach. 13. 6. *Et dicit, plaga sunt, quibus notatus sum in domo eorum, qui amant me.* Ad stigmata pertinet, quibus servi notabantur, ut herus eos recognoscere posset in loco quocunque & tempore. Apulejus lib. 9. *Milesiarum*, ubi describit homines in pristino laborantes, memorat in eis frontes literatas, capillos semirafos, pedes annulatos. Pedum annulos intellige compedes, quas ubique secum ferebant. Juvenalis,

in scripta ergastula,

Sat. 14. id est, servi in ergastulis, qui frontes notis inscriptas gerunt. Ergastula verò erant velut privati carceres, subterranei & sedibus quibusdam distincti, ut describit Columella lib. 1. cap. 5. His servi concludebantur ruri, postquam ab opere cessaverant ne fugam noctu arripere, ut prodit Marcellus Donatus *Elucidationibus ad Suetonium pag. 567.* Servos inscriptos vocat Martialis lib. 8. *Epigr.* 75. *Vincti pedes, damnatae manus, inscripti vultus,* sunt apud Plinium lib. 18. cap. 8. Tibullus:

*Spes etiam durâ solatur compede vinctum,
Crura sonant ferro, sed canis inter opus,*
lib. 2. *Eleg.* 9. Et rursum:

*Bacchus & afflittis requiem morralibus
adfert,*

Crura licet durâ compede vincta sonent,
lib. 8. *Eleg.* 8.

XXIX. Quæritur: *An servitus, qua heris præstatur, sit natura consentanea?* Respondet: Affirmat Aristoteles lib. 1. *Polit.* 3. 4. 5. & multis defendunt Timplerus lib. 1. *Systematis Oeconomici* cap. 4. *quest.* 19. Arnianus lib. 1. *Recl. Politic.* cap. 3. *sect.* 3. Jo-

hannes casus lib. 1. *Sphæra civitatis* pag. 12. 19. 21. Keckermannus in *Cursu Philosophico disput.* 28. *quest.* 31. Ac potest concedi de natura corrupta, quæ penes multos abolet libertatis usum. De natura instituta aliter est, quæ servos nullos admittit. Rationes sunt: (1.) Quia homo conditus est ad imaginem Dei, neque illa consistebat in servitute, verum in dominio, *Gen.* 1. 2. 5. 26. (2.) Quia servitus imponitur in literis factis velut poena delicti, *Gen.* 9. 25. 26. 27. Atqui poena in statu illo esse non poterat, ubi delictum non erat. Excipit Timplerus: Quamvis homo ex naturæ primæ institutione non sit additus alicui velut servus, potest tamen alicui velut servus obnoxius fieri ex pacto libero aut alia iusta causa, ita ut contra naturam eo ipso non agat. Respondet: Nulla potest causa fingi, ob quam in statu innocentia unus in alterius servitutem tradere sese voluisset. Sufficiebat tunc, precio comparavisse operas, neque aliud quicquam exegisse, unde corporis libertas damnum caperet. Itaque Veteres negabant, in seculo aureo fuisse operas molestas vel servos, ejusque liberissimi status memoriam Romani in Saturnaliorum feriis renovabant, uti diximus lib. 1. *Antiquit. Roman.* cap. 10. *dist.* 9. *videlicet* *imū dēl. q. n.*, ait Saturnus ipse apud Lucianum *dialog.* 1. *negotiorum.*

XXX. Instant Timplerus & Arnianus: (1.) Societas omnis est consentanea naturæ. Ergo quoque herilis. Respondet: Negatur consequentia. Equidem societas conjugalis & patria erant necessaria à priori, quando citra illas mundus esse non poterat, adeoque habent expressam institutionem à Deo, *Gen.* 1. 27. 28. cap. 2. 18. 19. 24. 25. (2.) Naturæ convenit, ut illi, qui se ipsos regere non possunt,

possunt, ab aliis accipiant, per quod eis bene est. *Respondeo*: Nemo fuerat in aureo seculo, cui non per se bene esset, ut ita alterius ope & consilio haudquaquam indigeret: Con- victus verò etiam æqualis erat, non ut unus pro victu & mercede juberet, alter pro iis- dem pateret. (3.) Quòd societas herilis ne- cessaria sit atque utilis ad domum bene in- stituendam, constat. *Respondeo*: Tunc per æqualitatem omnium bene & melius fuis- set, quod hodiè propter inæqualitatem ali- quatenus bene est. (4.) Quòd Deus in factis literis præscribit munia heri & servorum, itaque herilem societatem approbet. *Re- spondeo*: Approbat omnino velut commo- dum adminiculum naturæ destituta, utque homines alios bene moneat, alios suletur. (5.) Quòd societas herilis est imago societa- tis civilis, quæ est inter magistratum & sub- ditum. *Respondeo*: Non erat societas civilis in natura instituta, uti diximus *suprà lib. 1. cap. 3. dist. 12.* (6.) Quòd Adamus non poterat in statu primitivo sine adminiculo servo- rum esse, & domum commodè administra- re. *Respondeo*: Fuissent tunc operæ mutue, quales nunc sunt in populis & apponis, ubi omnia sunt communia, nemo habet pecu- niam super quo cum alio contendat.

XXXI. Populus Hæbræus non habebat servos gentiles, nisi quos res domi angustæ impellebat, ut ditiori alteri servire vellent, *Exod. 21. §. 6. Deut. 15. 17.* Et ille quidem pronunciabatur liber in fine anni Jubilæi, Quòd recusare poterat si vellet, æternæque servituti ultro se addicere. Namque rarò provovebat ad Jubilæum magnum, post quem & servus & filii ejus, vernæ hæcenus, ne quidem volentes in servitute detineri poterant, sed eum tubarum clangore ad li-

berum statum transibant, *Lev. 25. 39. Num. 10. 10.* Peregrinos servos tamen habebant, cum Nohæ legibus uterentur, illis verò non dabant necessariò libertatem, quod patet exemplo servorum deditiorum è Gibeonitis vel Nethinæis, *Josua 9. 23. 27. 1. Chron. 10. 2. Esæ 2. 43. cap. 7. 24. cap. 8. 20. Nehem. 3. 26.* Si circumciderentur, omnia privilegia civium accipiebant, atque unà conditionem de adipiscenda libertate, se- cundùm Legem Moïsi, quæ jubebat illos manumittere, *Exod. 12. §. Jerem. 34. 8. 9.* Jo- hannes Seldenus de *Jure Hæbræorum*, cap. 7. 8. Eos ut aliàs sæpissimè, ita nunc etiam imi- tando Saraceni, servos nullos gentis suæ ad- hibent, quando Muhammedes liberos pro- nunciat omnes, qui Legem suam profiten- tur, *lib. 1. Alcoran, cap. 18.* Legi obsecutus Omarus Kalipha, omnes per Asiam & Sy- riam detentos servos ad arma capiendi pro- vocavit, libertate datâ, si Legem novam ad- discere vellent. Hinc conflavit exercitum magnum, quo Parthiam invasit ac devicit, incredibili successu usus in bello, quem Lex pileusque illi præparabant, Chalcondylas *lib. 3. histor.* Leonclavius *lib. 3. 17. Historia Turcica.*

XXXII. Apud Romanos veteres servi premebantur dominio admodum sævo, ita ut infra canes & corvos vulgò censerentur. Licebat vel nullius vel non admodum gra- vis delicti reos non dictâ apud Judices cau- sâ manu carnificis in crucem agere, Seneca *lib. 1. de clementia cap. 18. & lib. 3. de benefi- centia cap. 18.* Donatus notis ad Terentii *Andriam Act. 1. sc. 1.* Proinde Juvenalis de fœminarum moribus ita fatur: Pone cru- cem servo: meruit quo crimine servus Sup- plicium? quis testis adest? quis detulit? audi?

Nulla, inquam, de morte hominis cunctatio longa est. O demens, ita servus homo est! nil fecerit, esto. Sic volo, sic jubeo, sit pro ratione voluntas, *Satyræ* 6. Quod si dominum necari contigisset, servi qui tunc in ea familia erant, perinde omnes occidebantur. Itaque cum cæso Pediano urbis Romæ Præfecto, servorum magna multitudo ad supplicium posceretur, more, inquit *Tacitus*, à majoribus accepto, plebs Romana, quæ maxima sui parte libertini generis hominibus constabat, vehementer commoveri visa est, cum ob unius culpam quadringentorum hominum, & quidem innocentium vita peteretur, re tamen in Senatu disceptata, decretum est, morem majorum servari oportere, *lib. 14. histor. cap. 41. 42. 43.* Gladiatorum spectaculis & bestiarum concertationibus ferè per lulum & jocum perimebantur quotidie, uti diximus *lib. 2. Antiquitat. Roman. cap. 6. dist. 9. 10.* Prohibebantur ab armis tractandis, admovebantur opificiis fordidis, vendebantur ut aliæ possessiones, nihil sibi, omnia dominis suis acquirebant, unde factum est, ut toties excitaverint seditiones, domi forisque, *Florus lib. 1. cap. 21. lib. 3. cap. 19.* Paulus Orosius *lib. 4. cap. 6. lib. 5. cap. 8.* Epitome Livii *lib. 56.* Eutropius *lib. 4. cap. 4.* Potestatem illam severam dominorum in servos primus Cato Censorius improbavit, veluti injustam, notusque est *Ciceronis* locus: Servis non male præcipiunt, qui ita jubent uti, ut mercenariis, operam exigendam, iusta præbenda, *lib. 1. de Officiis cap. 11.* Deinde Augustus Cæsar valde restrinxit, Adrianus Imperator prorsus abrogavit, *Plutarchus in vitis illustribus*, *Dion Cassius lib. 55. histor.* Videlicet, ne quid iudiciis publicis detraheretur, Namque in proprio negotio impedit

ira animum, ne possit cernere virum. Sacre literæ consentiunt. Paulus jubet, ut Domini præstent servis jus & æquum, cum ipsi etiam dominum in cælis habeant, qui oculis iustis mortalia aspiciat, *Coloss. 4. 1. Eph. 6. 5. 6. 1. Timoth. 6. 1. 2. Tit. 2. 9.* Demum jura veteris servitutis omnino sustulit Constantinus M. postquam edicto jubebat omnes liberos esse, qui Jesu Nazareni fidem cupide amplecterentur. Ita factum est, ut servi è potestate dominorum exirent, & militiæ adscriberentur dato stipendio, idolorum cultores baltheo exuerentur, & ad pagos redigerentur, *Eusebius lib. 3. de vita Constantini Magni*, *Wihelms Fönerius lib. 1. Selectorum cap. 27.*

XXXIII. Servi perveniebant ad libertatem manumissione, erantque Liberti, id est, liberati Alias etiam Libertini, namque inter hos duos initio equidem discrimen aliquod erat, ut Libertini dicerentur ii, qui ex Libertis nati erant, *Suetonius lib. 5. cap. 24.* sed tamen postero ævo ceperunt eodem modo significare. τῶν λ βεβήτων, *Aclor. 6. 9.* Libertini multi erant Romæ sacris Judaicis dediti. *Tacitus lib. 2. Annal. ait*, quatuor millia libertini generis superstitione Judaicâ infecta, missa esse in Sardiniam. Hi partim erant Profelyti, partim Judæi origine & bello capti ac manumissi, impensisque suis Hierosolymis struxerant Synagogam, in qua docerent penes alios Magistri eruditi. Dicebantur manumitti, cum dominus servi caput vel membrum aliud tenens, prætoris & testibus aliis præsentibus ita pronunciabat: Hunc hominem liberum esse volo, ait *Festus Pomponius lib. 12. de verbor. significat. pag. 313.* simulque alapa stringebat, & circumactum eum dimittebat manu. Scribæ referebant nomen in Acta publica, ipse verò manu-

manu-

manuissus accipiebat ab hero codicillos scriptos, ac capite raso pileum gestabat, vestemque albam, unde palam constabat, liberum esse. Prætor verò etiam accepto delictoris manu baculo (quem vindictam appellabant) dorsum liberi verberabat. Plutarchus de *seranumini vindicta*, ἰσχυρίζεται ἐν εἰς ἐλευθερίαν : φαινωται, καὶ φερεται ἀπὸ τοῦ ἀπὸ τῆς ἐλευθερίας τοῦ σώματος. Vindicta καὶ φερεται, sive festuca & virgula. Ceterum nota sunt Poëtarum testimonia. Persius: Heu steriles veri, quibus una Quiritem Vertigo facit, hic Dama est non tressis agesto, Vappa & lippus & in tenui fartagine mendax. Verterit hunc dominus, momento turbinis exit Marcus Dana, *Sat. 5.* Et mox sequitur:

Vindicta postquam meus à prætore recessi,
l. d. Vertigo, id est, circumactum, atq; idem est momentum turbinis, scilicet de more eodem dictum. Ahbi dicit.

Hic hic quem quarimus, hic est,

Non in festuca Lictor quem quarit inest,

l. d. Sofia apud Plautum:

Ut ego hodie raso capite calvus capiam pileum,

in Amphitruone Act. 1. sc. 1. Servisque ad pileum (id est, libertatem spondendo) fruitrà vocatis, ait Suetonius lib. 3. cap. 4. Pileus libertatis insignium est in Bruti, Cassi, Attilii, Cimbri, Galbæ & Nervæ Cæsarium nummis apud Antonium Augustinum Tab. 5. num. 2. Tab. 22. num. 9. Tab. 33. num. 19. Johannem Tristandum *Commentarii de Imperio Romano, Tom. 1. pag. 43.* Demùm convivio, quod Patronus ejus dabat testibus, adhibebatur, Jacobus Cujacius lib. 5. *Observationum cap. 13.* Adrianus Junius

libro de Coma cap. 2. Antonius Augustinus dial. 2. Antiquit. Roman. pag. 36. 37.

CAPUT DECIMUM TERTIUM.

De Conjugio Sacerdotum.

SUMMARI A.

1. Episcopus unius uxoris maritus.
2. Apostoli in conjugio.
3. Conjugium honorabile in omnibus.
4. Concilii Niceni statutum.
5. Fornicationis periculum.
6. Solvuntur rationes.

I. **Q**Uæritur: An sacerdotibus licitum sit inire matrimonium? Respondeo: Negant Pontifici, & sacerdotibus imponunt cœlibatus jugum intolerabile, ut nemo apud eos sacerdos admoveatur, nisi qui voverit, velle se maritus esse, non carere, Bellarminus lib. 1. de *Censura cap. 18.* Becanus lib. 1. *Manuali controver. cap. 13.* Costerus in *Enchiridio pag. 550. seq.* Thomas Henrici in *Anatom: Augustana Confessionis pag. 523.* Petrus Thyraus & Gregorius libris de *cœlibatu sacerdotum*, Julius Coturius in *Epirome controversiarum fidei pag. 241. seqq.* Petrus Cottonus lib. 3. *Instituti Theolog. cap. 17.* Vitus Etbermannus *Tom. 2. Bellarmini vindicati pag. 270. seqq.* Adversus istos matrimonii obstinatos hostes jam olim pro sacerdotibus masculis rem egerunt Erasmus Rotterodamus *sermone de laudibus matrimonii*, & Andreas Dudithius *libro de conjugio sacerdotum*. Constat, quod sacerdotibus matrimonium inire volentibus, omninò hoc permitti debeat, uti manifestis sacrarum literarum testimoniis ostenditur. Primò: Quia Apostolus

VITAM

vicam moreſque Sacerdotis informaturus, vult illos conjugium amplecti? *Episcopus*, ait, *esto unus uxoris maritus*, 1. Tim. 3. 2. Tit. 1. 6. Excipiunt: Primis temporibus, cum vivebant Apostoli, & post Apostolos annis multis, ad sacros ordines admissi fuere viri conjugati, propter inopiam eorum qui cœlibem debebant vitam, quandoquidem ante Servatoris adventum continentia passim ignota erat, à Judæis equidem contemptui habita, à Gentibus verò etiam pœnis mulctata: Hitamen viri conjugati, postquam Episcopi designati fuerant, ab uxoribus mutuo consensu abſtinebant, quod etiam nunciari posset, si eadem necessitas & rationes postularent, ait Coturius *l. d. pag. 252. 253.* & ante eum similia annotaverant Magallianus *Commentariis ad h. l. pag. 369. seqq.* Cornelius à Lapide *Commentariis ad h. l. pag. 759. num. 103.* Spondanus in *Epistoma Annalium pag. 95. num. 7. 8.* Respondeo: (1.) Præceptum Apostoli nequaquam valet secundum ejus seculi mores tantum, quandoquidem ab antiquo inter Judæos obtinuerat, ut ministri sacri ducerent honestas conjuges, *Lev. 21. 7. 13. 14.* (2.) Neque ista cœlibatus præmia sunt in Evangelio, quæ sibi promittunt osores matrimonii, rei optimæ & benedictionibus largis à Deo honoratæ, *Gen. 1. 26. 27. 28.* Non ergo propter inopiam eorum, qui cœlibem debebant vitam, ita præscripsit Apostolus, sed ob honestatem publicam, quam Scriptura vetus statuto legali confirmabat, Christus verò nuspiam cupiverat sublatam, licet iste in matrimonii negotio quædam nova promulgaverat, *Matth. 19. 7. 8.* (3.) Porro notum est, inter Gentiles fuisse cœlibes sacrificulos, flamines, de quibus proli-

xè testantur Tertullianus *libro de exhortatione ad castitatem*, & nimius virginitatis admirator Hieronymus *libris adversus Jovinianum*. Propterea non tam damnassent Christianorum institutum, laudassent magis in eis niorum similitudinem. (4.) Unde probabit Coturius, *ministros verbi abstinuisse à consortio uxorum suarum?* Contrarium potius ostendunt verba illa, *qui sua domui bene præsit, qui liberos habet subditos cum omni honestate*, 1. Tim. 3. 4. Nec donum suæ benè præſſe, nec liberos optimè educatos habere poterat ille, qui ab uxore sua divortium fecerat. (5.) Nimirum hoc vult Apostolus, neminem debere constitui Episcopum, qui vagos amores sectaretur, qui plures uxores in thorum unum adduceret, qui levi de causa uxorem suam divorteret, novamque sibi conjungeret. Hæc enim errata omnia rectè constituto inter unum virum & fœminam unam matrimonio adversantur, proinde reus illorum esse non debet, quicunque sacro ministerio admoventi vult exemplar gregis futurus. *Reverunt*: Eo tempore, quo Paulus ista scribebat, expiraverat viriosa consuetudo ducendi simul plures uxores, aut divertendi ab uxore, tam apud Judæos, quam inter gentes, proinde quod non fiebat, non erat cur serio prohiberetur, Bellarminus *lib. 1. de Clericis cap. 23.* Cornelius à Lapide & Wilhelmus Elius *Commentariis ad h. l. num. 99.* Respondeo: Et Pauli 2^o & postea 2^{vi} consuetudo illa vigeat, ut plures uxores in thorum reciperentur, exque leves ob causas à thoro separarentur. Namque Judæi licentiam eam sibi usurpabant etiamnum Justinianæ ætate, quod ex dialogo ejus cum Triphone habito manifestum est.

II. Secundò: Quia Apostoli ipsi exemplo suo commendaverunt matrimonium honestum, & ipsi uxoribus suis datam matrimonii fidem accuratè servaverunt, uti docebitur peculiari distributà capite sequente.

III. Tertiò: Quia matrimonii decus est, quòd sit honorabile in omnibus, Hebr. 13. 4. Omnibus, inquam, ut non possint excludi sacerdotes, quibus honestatis publicæ aliqua cura est. Excipiunt: Illud, in omnibus, ut quicquam pro adversa parte probet, debet ad personas referri, quod fieri non potest, alias enim sequeretur, quòd etiam esset honorabile conjugium inter consanguineos primi & secundi gradus. Cùm ergò ad personas referri nequeat, debet significare idem, quòd *omni ex parte*, quali dicit, conjugium est honorabile, sive rationem sacramenti, sive bonum fidei, sive prolem spectes, Bellarminus lib. 1. de Clericis cap. 20. Cornelius à Lapide Commentarius ad h. l. pag. 1026. Julius Coturius l. d. pag. 251. 252. Respondeo: (1.) Imprimis illud, in omnibus, debet referri ad personas, & verò frivola est illatio: Ergò etiam est honorabile inter consanguineos. Patet enim, quòd honorabile matrimonium pronuncietur in illis, qui per Leges divinas matrimonium honestè contrahere possunt. Verant leges, ut consanguinei matrimonium inean; leges nullæ vetant, ut ministri verbi à matrimonio volentes scientes arceantur, quando aliud remedium non est ad vitandum laqueum, Matth. 19. 10. 11. 1. Cor. 7. 2. 3. seqq.

IV. Hæc verba Paphnutius Martyr in Concilio Niceno diligenter urgebat pro sacerdotibus, ut matrimonium inire possent qui vellet ex horum numero, causamque obtinebat adversus eos, qui sacerdotibus

volebant uxores dētere, credo eam ob causam, ut sumptibus minoribus Ecclesiæ premerentur. Referunt Socrates lib. 1. hist. Eccl. cap. 8. Sozomenus lib. 1. cap. 22. Cassiodorus lib. 2. histor. tripart. cap. 14. Celebratissimam historiam impugnat Spondanus in Epitome Annalium pag. 294. Summa argumentarum ejus hæc est: (1.) Authores ita recte non sine veritatis jactura, quando constat. Synodum Nicænam Can. 3. decrevisse, ne quis clericus quovis prætextu apud se mulieres subintroductas retineret, nisi fortè quarum non erat suspicio, put a matrem, sororem, aviam, amitam. Disertè nominantur fœminæ, quibus cum clerici permittuntur habitare, neque inter eas recensetur uxor, unde ipsa etiam excludi esse colligitur. Respondeo: Canon iste sonat de fœminis inter sacras, adventitiis seu focariis, unde Johannes Chrysostomus exponit sermone peculiariter, esse *χόρης ἀνεργαίας*, atque tales focariæ inter Catholicos irreperant per Origenis & Enekratitarum traditiones à nonnullis observatas, uti nos docet Epiphanius hæres. 63. Sed verò illas non approbabant Concilii Patres, & porro huc referre velle uxorem sive matrem familias, absurdum est. Namque ab istis poterat oriri suspicio consuetudinis illicitæ, sed ab hac nihil tale poterat bonus aliquis suspicari. (2.) Nec veritati consentaneum est, quòd Sozomenus dicit, nullum à Patribus ea de re sancitum esse Canonem, sed in cujusque arbitrio, non etiam in necessitate poni voluisse: Namque id necessarium scripta lege sancientum erat, cùm scriptus Canon militaret his contrarius, quò fuerunt definitæ personæ, quibus liceret cum Clericis habitare. Respondeo: Erat in arbitrio positum, ut quis cœlebs vellet esse,

qui continentia leges servare poterat, nemo enim cogebatur ut uxorem duceret. Itaque haut erat opus decreto scripto, & verò quòd Canon eis contrarius aliquis disertè perscriptus fuerit, falsum est, uti jam dicebamus. (3.) Neque poterat Synodus antiquam in Ecclesia consuetudinem abrogare, quæ Clericos ordinatos à sacris arcebat, cum sese iterum uxoribus miscuissent. *Respondeo*: Nusquam fuit consuetudo ista, & si qua fuisset, certè verbo divino repugnaret, quod vetat injicere laqueos, 1. Cor. 7. 1. 2. seqq. Itaque Socrates dicit, voluisse aliquos *repositi* *magis* *visu* *scipem*, *legem novam introducere*. Quomodo *Lex nova* fuisset de imponendo cœlibatus jugo intolerabili, uti Socrates dicit, si ista consuetudo erat antiqua, uti Spondanus oggerit? (4.) Dicamus controversiam eam fuisse agitatam de illis tantum, qui cum ordinarentur inviti, contestabantur, se non posse continere, quibus in Concilio Ancyrano cap. 9. fuerat haut diu antè prospectum. *Respondeo*: De invititis ad sacros ordines promotis nullum verbum occurrit in Concilio Ancyrano: Diaconi, *ajunt*, quicumque ordinantur, si in ipsa ordinatione protestati sunt, & dixerunt, velle se conjugio copulari, quia sic manere non possunt, hi si postmodum uxores duxerint; in ministerio maneant, propterea quia eis Episcopus licentiam dedit. Quicumque verò tacuerint & susceperint manus impositionem, professi continentiam, & postea nuptiis obligati sunt, à ministerio cessare debent. *Hæc illi*. Ejusmodi functiones intrā terminos ritus alicujus consistunt, neque enim rem ipsam abolent, conjugatis ministerium sacrum prohibendo, id est, mandatum vulgando, ne sacerdotes uxorem du-

cant, sed tantum præscribunt, quando & quomodo illi uxores ducere possint. Adeoque uti priscis temporibus ita locis quibusdam fieri placuit, ita legem universalem nullo tempore effecerunt, aut hodie facient. Proinde satis est nobis, quòd Nicæni Concilii Patres rem ipsam, conjugium, inquam, ejusque usum Clericis integrum, efficacissimis & in perpetuum valituris rationibus permoti reliquerint.

V. Quartò: Quia monet Apostolus, ut propter vitandam fornicationem, vir quisque uxorem suam habeat eique benivolentiam reddat, 1. Cor. 7. 2. 3. Regerit Cornelius à Lapide: Sonat locus de illis, qui nullo impedimento prohibentur ab usu conjugii, videlicet senio, morbo, voto. Qui enim talia impedimenta habent, matrimonium inire nequeunt. Aliis, qui impedimento nullo retinentur, non præcipit Apostolus, sed consulit & permittit, ut si periculum fornicationis timeant, uxorem ducant, *Commentariis ad h. l. num. 129*. Respondeo: De omnibus illis Paulus ait, qui continentia donum omni ævo rarissimum non habent, eisque non quidem consulit, verum præcipit, ut matrimonium inire velint, ita peccatorum ansam præventuri. Dicit ergo, *propter fornicationes*, & sententiam promulgat per modum imperativum, *καὶ οὕτως*. Votum de servando cœlibatu perpetuò inconsultum omnino est, uti prolixius dicemus *infra* cap. 1 §. dist. 4. adeoque verum est illud: *Quæ malè moventur, pejor servantur*, Num. 30. 5.

VI. Instant *Becanus & Cotinrius*: (1.) Quòd sacerdotes veteris fœderis ab usu matrimonii remoti fuerint iis temporibus, cum Deo ministrabant in tabernaculo, Exod. 19. 10. 22. 1. Sam. 21. 4. 1. Chron. 24. 7. 2. Chron. 23. 8.

Multò

Multò magis sacerdotes novi fœderis, qui ferè quotidie panem angelorum, hoc est, panem Eucharisticum tractant, perpetuò ab uxoribus debent abstinere. *Respondeo*: Sacerdotes legales vixisse in matrimonio, & honestè educatos liberos ex se progenuisse, inprobatulo est. Ab his velle exemplum petere, quod sacerdotes Christiani imitentur, est rem Papalem prodere, & matrimonium sacerdotibus nostris, veluti permissum confirmare, tantò magis, quòd contrarias leges in Novo Testamento non acceperimus. Ostendat verò Becanus, quomodo verum sit hoc ipsius dictèrium, *sacerdotes legales omni illo tempore, quo fungebantur ministerio sacro, omisisse rem uxoriàm*? Dico ego, nunquam hoc probari ex literis sacris posse, contrarium verò nos ita probamus: Sacerdos summus generabat filios successionis gratià, & fungebatur tamen quotidie ministerio sacro penes tabernaculum, quando offerebat sacrificium juxta, *Exod. 29. 38. Nymèr. 28. 3.* Quæ alias contigerunt, ad legales pollutiones referri debent, atque in Novo Testamento eæ non habent locum. Poterant mille modis aliis impurari Israëlitarum, ut nefas esset sacra contrèctare, non etiam semper & solùm per consuetudinem matrimonialem. Sancta & honesta pronuncietur illa, non verò immunda & polluta, *Hebr. 13. 4.* (4.) Quòd Apostoli præcipiant, ut ministri verbi servando continentiam abstinerent à matrimonio, *Tit. 1. 7. 8.* teste Hieronymo, Commentariis ad h. l. *Respondeo*: Misè Hieronymi autoritate, utpotè qui tuendæ virginitatis studio immodico percussus, quicquid potest, ad suas pertrahit copias, de negotio ipso respondemus, non posse verba Apostoli exponi de

abstinentià à matrimonio, quod Episcopo verbis expressis conceditur uti honestum institutum, *1. Tim. 3. 2. Tit. 1. 3.* Quando ergò jubet Apostolus, ut *Episcopus unus uxoris maritus sit continens*, hoc vult, ut thorum conjugalem servet impollutum, *Hebr. 13. 4.* Verbum Græcum *ἑνὴς ἑστέως* ad omnes pertinet affectus, iram, invidiam, ambitionem, avaritiam, libidinem, à quorum omnium præcipiti consecratione merito cavebit *ὁ ἑνὴς ἑστέως*, & testimonia literarum sacrarum idem confirmant, *Syrach. 26. 20. Allor. 24. 25. 1. Cor. 9. 25. Gal. 5. 23. 2. Petr. 1. 6. ὁ ἑνὴς ἑστέως est ὁ πάθος ἑστέως*, qui affectibus manuum, oculorum, linguæ novit imperare, uti Chrysostomus & Occumenius exponunt, eosque sequuntur Benedictus Justinianus, Johannes Stephanus Menochius, Jacobus Tirinus, Wilhelmus Estius, Cornelius à Lapide *Commentariis ad h. l. num. 35.* (3.) Quòd Apostolus jubet, ut sacerdos, Dei miles, laboret sedulo, ut non velit implicare sese negotiis secularibus, magisque studeat placere ei, cui sese probavit, *2. Tim. 2. 3.* Scribunt Tacitus *lib. 14.* & Dion *lib. 60. histor.* olim prohibitum fuisse militibus conjugium, ut eò facilius militiæ vacare possent. Vult igitur Paulus, ut sacerdos Christi miles inuentus sit in ministerium sacrum, & abstineat ab omnibus iis, quæ ministerium impediunt, quale cumprimis est usus matrimonii, Cornelius à Lapide & Jacobus Tirinus *Commentariis ad h. l. num. 69.* *Respondeo*: Ostendit contextus, quòd Paulus hortetur Timotheum ad diligentiam, non verò ad abstinentiam à conjugio. Diligentiam, inquam, in officio præstandam, ut non cesset ab illa propter impedimenta quæcumq; secularia,

uti sunt divitiarum, habendi cupido, affluentia rerum temporalium, quæ omnia timorem Dei excutiant, & pietati notoriè obsunt, *Luc. 8. 14. cap. 14. 16. seqq. cap. 21. 34.* Porro contubernii jus militibus semper fuit, à Junone arcebant eos leges Romanæ, & non à Venere, ait Justus Lipsius *notis ad lib. 14. Taciti num. 75.* id est, conjuges non quidem habebant, sed concubinas & focarias. Aliiter erat, cum emeriti essent Inscriptio Gallica:

Memoria. &. quieti. eterne. Verinæ. Ingenue. Libertæ. quondam. &. conjugi. charissimæ. quæ. vixit. mecum. annis. 17. mens. 2. d. 3. sine. ulla. animi. læsura. C. Verecundinus. Verinus. Veter. Leg. XXII. R. P. F. Conjunx. &. Patronus. &. Verecundina. &. Verina. &. Vera. filia. matri. carissimæ. &. sibi. vivi. ponendum. curaverunt. &. sub. ascia. dedicaverunt.

Gruterus in *Volumine pag. 567. num. 8.* Patronus erat ob contubernium pristinum, conjunx tunc, cum datam missionem perfectæ conjugio sociaverat eam. An clericorum suorum eandem velint esse rationem Papistæ, consultant maturè, nostrates clerici habent uxores *τίμων τὸν γάμον καὶ τὴν κοίτην ἀμείων*, *Hebr. 13. 4.* (4.) Quod Apostolus hortetur conjuges, ut pro tempore vacare velint à concubitu, ne preces impendantur, *1. Cor. 7. 5.* ex quo per bonam consequentiam deducit Hieronymus *lib. 1. adversus Jovinianum*, eum præcipere sacerdotibus, ut perpetuò careant nuptiis, cum quotidie orationibus insistere debeant, Cornelius à Lapide *Commentariis ad h. l. num. 134. 135. seqq. Respondeo:* Alia erat avi ejus ratio, cum regnum obtinebat Gentium

superstitio, & dissentientibus præter calamitates atque noxas multiplices impune illatas nihil paratum erat. Celebris est Epistola, quam habet Plinius Secundus *lib. 10. num. 97. 98.* ubi refert, quod Christiani *stato die soliti sint convenire ante lucem ad sacra celebranda.* Nimirum status dies est dies Dominicus ex Apostolorum instituto, *Apoc. 1. 10.* utque laterent & adversus malevolorum impressiones tuti essent, noctu conveniebant, *Act. 12. 12.* Latebrosa & lucifugax natio, in publicum muta, in angulis garrula, est de Christianis apud Minucium Felicem in *Octavio.* Hinc commodè explices verba illa, *ne fraudate aliter aliterum, nisi si quid ex consensu ad tempus, ut vacetis jejunio & precibus.* Monet, ut omnes fideles, non verò tantum sacerdotes cohabitationes nocturnas relaxent, sacrisque adsint, quæ propter illorum temporum injurias, raro in meridie fiebant, sæpius noctu, & exemplum est *Act. 20. 7. 8.* ubi Paulus concionatur in multam usque noctem. Haud tamen perpetuum id erat, & quod privatas preces atinebat, cohabitare poterant & debebant, *1. Petr. 3. 7.* Tertullianus *lib. 2. ad uxorem.*

CAPUT DECIMUM QUARTUM.

Diatriba singularis de Conjugio Apostolorum.

S U M M A R I A.

1. Socrus Petri.
2. Uxores precum sociæ.
3. Circumducere uxores.
4. Solvuntur instantia.
5. Solvuntur alia instantia.
6. Johanna Papissa.

I. Quod

I. Quod Apostoli exemplo suo commendaverint matrimonium honestum, ordine probatum dabimus. Primò: Quia socus Petri Apostoli commemoratur, *Marc. 1. 30.* Excipiunt: Apostoli vixerant hætenus quidem in matrimonio, postquam verò Christum sequebantur, abdicaverunt se uxorum consortio, teste Petro, & reliquerunt omnia, uxores, agros, domos, ut vocanti Servatori parerent, *Matth. 19. 19.* Becanus in *Manuali Controversiarum lib. 1. cap. 13. dist. 10.* Respondeo: (1.) Conjugii vinculum est prorsus ἀδιάλυτον, uti docet servator, *Matth. 19. 5. 6.* adeoque credamus, Apostolos deseruisse conjuges suas, maritale benivolentiam eis renunciando, & Servatorem approbavisse factum? Ita enim suos jussisset agere, quod in alio sermone reprehendit. (2.) Nunquam postulat Servator, ut uxor & liberi deferendo vitarentur sensu alio quàm propter nomen suum, id est, id est, quatenus impedirent ne sequeremur Christum. Petrus ultra Magistri sui scopum non respondit, itaque nec valet illatio: Omnia reliquerunt, ut sequerentur Christum. Ergò uxores quoque à thoro diverterunt. Constat enim, quòd longo post tempore quo professi ista fuerant, Johannes tamen haberet domum propriam, navigia & retia piscatoria, *Joh. 1. 9. 27. cap. 21. 1. 2. seqq.* Quod igitur nobiscum vult & potest Servatorem præeuntem consequi, id minime deserimus. Atqui uxor fidelis & chorus impolutus non erant impedimento, quò minus Apostoli sequerentur Christum, ejusque vocationi parerent.

II. Secundò: Quia disertè commemoratur, Apostolos post abitum Servatoris ad cælos perseveravisse unanimiter in adoran-

do & supplicando ὁ ἑκάστης cum uxore sua uti rectè Beza & Erasmus Smidius vertunt, quod exiliter nimis Castalio, Munsterus, Erasmus, Romanus Interpres, Tremellius, Ariæ-Montanus reddunt, cum mulieribus. *Act. 1. 14.* & defendere conatur Hugo Grotius in *annotatu ad h. l. pag. 5.* Respondeo: Imò de uxoribus sermo est, quod dudum notavit Oecumenius, quoniam Petrus & Apostoli alij uxores habuerunt, quas secum per itinera circumduxerunt, *1. Cor. 9. 5.* Hæ dono Spiritus Sancti firmandæ erant, ne deficerent instante persecutionum turbine. Certè cum singulis momentis Spiritus Sancti revelationem expectarent, quam Servator promiserat, *Johan. 7. 39. cap. 16. 7. Act. 1. 8.* quis credat, Apostolos ad tanti boni communicationem invitavisse mulieres alias, uxores verò suas deditâ operâ inde exclusisse?

III. Tertiò: Quia Paulus ad exempla talia provocat, nunquid habemus potestatem, ait, sororem uxorem circumducendi, ut & reliqui Apostoli, & fratres Domini, & Kephas, *1. Cor. 9. 5.* Fratrum Domini unus erat Jacobus Episcopus Hierosolymorum, de quo iterum meminit, *Gal. 1. 19. cap. 2. 9. 1. Cor. 15. 7.* atque idem est autor Epistolæ ejus Catholicæ, quæ exstat, uti censet Hugo Grotius in *notis pag. 899.* Quòd si exactius conferantur literæ sacræ, omnino cum Marco Antonio de Dominis *lib. 2. de Republica Ecclesiastica, cap. 24. num. 14 seqq.* statuendum est, tres Jacobos Servatoris ministros eo tempore fuisse, Jacobum Zebedæi Apostolum ordinarium & Servatoris consanguineum, *Matth. 10. 2. cap. 27. 56. Marc. 1. 19. cap. 3. 17. cap. 10. 35.* Jacobum Alphæi & ipsum Apostolum ordinarium,

Matth. 10. 3. Marc. 3. 18. Actor. 1. 13. Jacobum fratrem Domini, filium Josephi ex priori conjugio, *Matth. 1. 3. 5. 4. Marc. 6. 3.* Hic equidem de Apostolorum collegio non erat, ac proinde fratres Servatoris distinctim recensentur, additâ insuper expressâ mentione Jacobi Zebedæi & Jacobi Alphæi, *Actor. 1. 13. 14.* Non ergo Jacobus minor sive Alphæi est Jacobus ille frater Domini, uti perperam contendunt Cæsar Baronius *tom. 1. Annalium Ecclesiasticorum An. Chr. 44. num. 36. seqq.* Henricus Spondanus in *Epitome Annalium pag. 45. num. 83.* Quod enim dicunt, Jacobum istum fratrem Domini vocari Apostolum, hoc, inquam, facile solvitur. Erat sanctus Apostolus, eâ ratione quâ Barnabas etiam Apostolus est, *1. Cor. 9. 5. 6.* nimirum Discipuli omnes & Christi sectatores ad prædicandum Evangelium adhibiti, Apostolorum nomine vocabantur.

IV. *Excipiunt:* Apostolus loquitur de fœminis, quæ non quidem Apostolorum uxores erant, sed horum discipulæ piæ & divites, adeoque sequebantur Apostolos peregrinantes quaquaversus, atque eis alimenta præbebant de opibus suis, quomodo fecerant olim Servatori per Judææ regiones oberranti, *Luc. 8. 2.* Bellarminus *libro de Clericis cap. 19.* Gregorius Valentia *libro de Celibatu cap. 6.* Stapletonus in *Antidotis Apostolicis pag. 360.* Emanuel Sa, Johannes Stephanus Menochius, Benedictus Justinianus, Jacobus Tirinus, Cornelius à Lapide *Commentariis adh. l. num. 4. seqq.* Cæsar Baronius in *Annalibus Ecclesiasticis tom. 1. An. Chr. 57. num. 61.* Henricus Spondanus in *Epitome Annalium pag. 84. num. 19.* & sequitur Daniel Heinsius *lib. 7. Exercit.*

sacr. cap. 6. Respondeo: Est illa multorum Veterum expositio, uti docent Commentaria Augustini, Hieronymi, Chrysostomi, Theodoret, Theophylacti, Oecumenii, Anselmi, Scholiastarum Græcorum *adh. l.* Verum omnibus illis meritò prævaleat Clemens Alexandrinus *lib. 1. Stromatum*, qui de conjugio legitima interpretatur, quam Petrus habuit comitem itinerum perpetuam. Hòc probatur argumentis plurimis: (1.) Quia vocabulum *ἑταῖρος* sive circumducere notat potestatem mariti in uxorem, videlicet ut sequatur illa maritum, quando & quousque hic jubeat aut volet. Namque pellicem apponere thoro Pauli circumvagantis, improbum est. (2.) Quia Petri exemplum intermiscendo ostendit, loqui se de uxore Apostolorum. Hunc enim legitimam uxorem habuisse, patet ex *Matth. 8. 14. Marc. 1. 30.* Quare hanc domi relinquere, & foris aliam fœminam sibi adungere voluerit, itinerum & curatum omnium locum, causa nulla, imò quod facere non voluerit aut debuerit, causa evidens est, ne daret lenocinii suspiciendi ansam criminatibus, quos nimis multos omnis ætas semper in locis omnibus tulit. (3.) Quia proficitur, se manuario labore victum tibi paravisse, ut Corinthiis parceret, atque ita Evangelium citra sumptus aliorum prædicavisse gratis, *1. Cor. 4. 12. 2. Cor. 11. 8. 9. cap. 12. 14. 15. 16. 17.* Id quod verum non esset, quando mulierum comitatu honoratus necessaria ab eis accepisset. Quid enim tunc opus fuisset labore manuario? (4.) Quia remonstrat, se jure suo cedere in eo possimum, quod non circumducatur mulierem. Atqui sive uxores, sive virgines, sive viduas alienas circumducere, opulentas, & quæ sumptus liberali-

ter suppediteant, nullum jus facit, quo aliquis cedere merito dici possit. Uxorem circumducere, & Ecclesiæ impensis familiam alere jus erat, quo sese abdicavit Apostolus, non etiam Apostoli illi abdicabant, qui uxores suas habebant secum.

V. Magnopere occupatur Cornelius à Lapide l. 2. Franciscus Forerius in *parrocchio vutorum* dist. 66. 67. 68. 69. Vitus Erbermannus in *Bellarmino vindicato*, tom. 2. pag. 187. seqq. ut uxores legitimas ab hoc contextu divertant, & focarias loco restituant easque libidinum patroni. Dicunt: (1.) Ineptè allegatur *soror* uxor, quomodo Valla, Vatablus, Theodorus Beza vertunt. & redundat vox *soror*. Respondeo: *Soror*, id est, *πίστις* & *fidelis*, quomodo annotat Beza, ut *soror* appelletur non cognitione quidem, sed fide, uti *Tobia* 8. 7. *ἐκείνη πίστις*, *Gal.* 6. 10. cui opponitur *ἀκαρενή*, sive *ἀπίστος*, quæ est peregrinæ nationis ac fidei. (2.) Non est in Græco articulus præpositivus, quo designetur certa mulier, id est, uxor. Respondeo: Satis est, quòd singulari numero utatur Apostolus, ut articulo præpositivo nunc carere possimus, indiciumque faciat, singulas uxores à maritis singulis circumductas esse, quod ipsum legitimas conjuges arguit, non etiam fœminas à servitiis, 1. *Tim.* 3. 2. Ita *γυνή* sine articulo notat uxorem plurimis locis, *Matth.* 1. 20. *cap.* 19. 3. 5. 8. 9. 29. *cap.* 22. 24. *Luc.* 14. 20. (3.) Circumducere non infert semper potestatem, quam habet maritus in uxorem, sed quoque eam, quæ est magistri in discipulos aut famulos. Respondeo: Cum honestate pugnat, quòd magister cœlebs velit mulieres pro comitatu adhibere. & quidem potestatis ejus compos factus, ut cogat eas sequi veluti comites per-

petuos. In solam uxorem jus tale marito competit, mulieres aliter possunt abire quod volunt, & quando volunt. (4.) Mulieres hujusmodi circumducebat Servator, *Luc.* 8. 23. Respondeo: Servator mulieres eas non circumduxit pro imperio ac velut jure suo usus, verum illæ volentes prosequabantur eum, & quidem in urbem ipsis aliàs frequentari solitam, ut doctrinam ejus perciperent, *Matth.* 27. 55. 56. *Marc.* 15. 40. 41. *Luc.* 23. 55. seqq.

VI. Nequaquam ergo de Apostolis pronuntiandum est, eos focarias adhibendo, matrimonium honestum repudiavisse. De Papis Romanis talia & nimis frequenter legas, cum primis de Hildebrando & Matthilde Thuscæ Comite apud Lambertum Schaffnaburgensem *Anno Christi* 1074. Hujusmodi *συζεύχεται* erat Papiſſa Johannes VIII. quæ è muliere focaria Angliæ mercatoris, derepente vir facta, literisque paulum erudita, Romanum solium conscendit, ac biennio inſedit, conſtituta fœmina virili togâ induta, donec partu daret prolem, ſimulque exſpiraret. Equidem Bellarminus *lib.* 3. de Pontifice Romano, c. p. 24. Janus Bernartus *lib.* de utilitate legendiſtories, pag. 105. ſeqq. Nicolaus Serarius *lib.* 1. *Rerum Maguntinarum*, pag. 41. ſeqq. Dionyſius Petavius *part.* 1. *Rationarii temporum*, *lib.* 8. pag. 498. Henricus Spondanus in *Epitome Annalium*, pag. 836. conatur offendere, fabulas eſſe, quæ vulgò de Johanna leguntur in priſcorum Annalibus. Eis verò acertimè contradicunt D. Philippus Moræus in *Myſteria Iniquitatis*, pag. 362. ſeqq. Giſbertus Voëtius in *cauſa deſperata Papæ adverſus Cornelium*

Janſe

*Janſenium pag. 542. 543. Matth. Bernecce-
rus in deſtructione Idoli Lauretani pag. 50.
ſeqq. Calixtus libro de Conjugio Sacerdotum
pag. 338. ſeqq. Samuel Mareſius libro de Jo-
hanna Papiffa reſtituta, & veterum Anna-
lium fidem defendunt. Neque enim cauſa
eſt, quare fabula eſſe credatur, quia tot eam
referunt authores, quibus cur fingerent, ne-
que amor, neque odium, neque invidia,
neque ſpes præmiſi alicujus, quibus ad falſa
comminiſcenda homines impelli ſolent,
anſa eſſe potuit.*

CAPIT DECIMUM QUINTUM.

De Statu Monafterico.

SUMMARIA.

1. *Societas Monachorum.*
2. *Deſertores cœtuum.*
3. *Exempla Monachorum.*
4. *Votum Continentiæ.*
5. *Votum Paupertatis.*
6. *Votum obedientiæ.*

I. **N**Ovas Societates comminiſcuntur
Doctores Pontificii, eaſque religio-
ſas, Eremitarum, Cœnobitarum, Monacho-
rum, qui votis editis obligent ſe ad pau-
pertatem, continentiam, obedientiam ſer-
vandam, Bellarminus libro de *Monachis* cap.
1. 2. ſeq. Gregorius Valentia libro de *Statu*
Religioſorum, Petrus Cottonus lib. 3. *Inſtit.*
Theolog. cap. 15. 16. Adamus Conzenus lib.
6. *Doctr. civil.* cap. 46. 47. Thomas Henri-
ci in *Angotoma Auguſtana Confeſſionis* pag.
549. ſeqq. Julius Coturius in *Epitome Con-
troverſiarum* pag. 333. ſeqq. Wilhelmus Bai-

lius in *Catech. controu. traſſ. 2. queſt. 23. Vi-
tus Erbermannus in Bellarmino vindicato,*
tom. 2. pag. 211. ſeqq. Et defendere conantur
exemplis quæ ordine examinabimus: (1.)
Quòd Enos Patriarcha inſtituit peculiarem
Dei cultum, aliter quàm vulgò hætenus
uſurpaverant pii, itaque ſcriptum eſt Gen.
4. 26. *Tunc ceptum eſt invocari nomen Do-
mini.* Reſpondeo: Locuſ ille non docet,
quid Enos fecerit, ſed quid Enos tempore
eſſe, ſcilicet quòd tunc profanata eſt
invocatio nominis Domini. *Non eſt pollue-
re, profanare, uti locis pluribus, Lev. 19. 12.
cap. 21. 15. Pfalm. 89. 34. Eſa. 48. 11. Num.*
30. 3. Ezech. 13. 19. cap. 22. 26. cap. 24. 21.
cap. 36. 23. cap. 39. 7. Hunc ſenſum indigi-
tant Chaldaus Paraphraſta & Rabbini Sa-
lomoh in *notis*, ut nempe tunc palam deſci-
verit ſacer cultus ad mores profanos, peſſi-
mo auſu illorum, qui ſe vocabant filios po-
tentum, de quibus agit Moſes, *Gen. 6. 1. 2.*
ſeqq. Scilicet potentes illi viri cum mulierib-
us promiſcui converſati & voluptatibus
dediti progeneraverunt *גברים גיגנות*, id
eſt, homines juris divini humanique con-
temptores, latrociniis deditos, quales He-
ſiodus, Homerus, Virgilius, Ovidius, Lu-
canus ſub Titanum & Gigantum nomine
deſcribunt. *ex quo* eſt apud Epiphanium
heret. 1. Quòd verò *גברים* de Gigantibus
vero ſenſu dictis & procetioris ſtaturæ ho-
minibus exponit Torniellus in *Annalibus*
ſacris, tom. 1. pag. 80. num. 18. ſeqq. ut etiam
ante diluvium iſti extiterint, hoc, inquam,
laudare non poſſumus. Gigantes poſt dilu-
vium fuiſſe, concedimus, & probatur exem-
plis, quæ ille adſert num. 18. 19. 20. 21. ſed
quòd ante diluvium fuerint, non evincitur.
Adſert locum Baruch 3. 26. *Ibi fuerunt Gi-
gantes*

gantes nominati illi, qui ab initio fuerunt staturâ magnâ, scientes bellum. Annotat, ab initio, id est, prima ætate mundi. Atquili-ber Apocryphus est, scriptus à Rabino aliquo, in quo hominum genere fuerunt semper plurimi fabularum studiosi. ἀρχαῖοι γὰρ τῆς γένεως, est de iisdem *Syrach.* 1. 6. 8. Non igitur Enos instituit perfectiorem cultum in factis, verum sacra deturpata esse tempore suo vidit, cum prævalerent impiorum cœtus. (2.) Quod Nazaræi consecrabant sese Deo, ut solâ Deo inservire possent, quomodo nosstrates Religiosi imitando faciunt, *Numer.* 6. 3. *Respondeo*: Pertinebant illi ad Legem Cerimonialem, adeoque erant typus Servatoris, uti expressè docet Evangelista, *Matth.* 2. 23. Qui novam Legem Christi sequebantur, dicebantur Nazaræi, & ipsa Religio Christiana erat τὴν βασιλείαν τοῦ Θεοῦ, ἀίψης, *Act.* 2. 4. 5. Nominis ratio est à Christo, quem vocabant Nazarenum & Nazoræum, *Matth.* 2. 23. *cap.* 26. 71. *Johan.* 18. 7. *Act.* 2. 22. *cap.* 26. 9. Multis occupantur Maldonatus & Beza *Commentariis ad Matth.* 2. Franciscus Junius *lib.* 1. *Parallelorum sacrorum*, ut Nazaræi cognomen tum Servatori datum, ex vaticinio *Esa.* 11. 1. deducant. τὸ σῦνδον est, inde Nazareth, urbis, quam Christus inhabitabat, nomen. Sententia pia quidem, & habet auctoritatem D. Hieronymum *Commentario ad cap.* 2. *Matth.* verum ratio ejus occultior est, ac ut possit Evangelistæ accommodari. Ad Nazaræos ille respexit, qui præ cæteris habebantur veræ pietatis cultores, ex disciplina Veterum, *Gen.* 49. 26. *Numer.* 6. 1. 2. *seq.* *Denter.* 33. 16. *Judic.* 13. 7. *Threnor.* 4. 7. *Amos* 2. 9. Nazaræi supra Legis communia præscripta, peculiari quadam sanctimo-

niâ, non res suas, verum seipsos Deo consecrabant: Hoc in Servatore eminenter impletum, ut qui non vini abstinentiæ, capillorum rasuræ, aliisve id genus cerimonii, sed morti cruentæ pro salute nostrâ se devovit ultro, quod respiciunt verba Christi, *Johan.* 17. 9. ubi est ἀγιάζω, unde est, ἁγιασµὸς, quæ vox apud Alexandrinos pro Nazaræo ponitur. Confer *Hebr.* 10. 5. 6. 7. 8. 9. 10. & videbis, Nazaræi nomen & omen perfectissimo sensu competere Servatori. Dicit ergo Matthæus, ita dispositis à Deo rebus, ut Josephus & Maria ab Ægypto reversi, Nazarethzarem figerent, hoc actum, ut ex illa habitatione Christo nomen adhæresceret, quo sanctimonia illius perfectissima, & susceptum pro salute nostrâ votum notaretur. Et quia nomen ab oppido deductum habet significationem mysticam, ac tam βασιλείαν, quam βασιλεύς, & βασιλεύς recepto apud Orientales in ejusmodi appellationibus usu, scribi poterat, malebat Evangelista scribere βασιλείαν, quod nomen tunc valebat, ad significandam votivam sanctimoniam. Nazaræi verò Cœnabitæ non erant, quia conjuges habebant, familias alebant, præpositum ordinis sui non habebant, brevi tempore in tabernaculo sacro commorabantur. (3.) Quod Rechabitæ sequendo patris avique statuta, non struebant domos, non colebant agros, non vineas, non bibebant vinum, duriter vitam in agris tolerabant, perinde uti Monachi nostri, *Jerem.* 25. 1. 2. *seqq.* *Respondeo*: Et tamen illi ipsi Rechabitæ apud homines vivebant, matrimonio dabant operam, familias cogebant in tabernaculis suis, quæ extra urbes deponebant, cum alta pax erat, secus & cum bellum erat, in urbes commi-

grabant. Hoc verò ideò faciebant, non ut austeriore vitâ Deo equidem aliquid supererogarent, sed ob causas, quæ conditionem eorum in populo Dei oberrantium, jure aliquo incolatus, eis, inculcabant. (4.) Quod Eliseus & Discipuli ejus habebant conventus sacros in desertis ad Jordanem amnem, 2. Reg. 6. 1. 2. seq. Quod Johannes Baptista perinde agebat in deserto, ubi prædicabat & baptismo tingebat, Marc. 1. 60. Luc. 1. 80. Respondeo: Eliseus & Discipuli ejus habebant cœtus sacros, id est, verissimas pietatis scholas in locis ab hominum strepitu remotis, quibus tamen ita assuescebant, ut frequentes interim cum hominibus conversarentur. Neque de votis ipsi noverant, peculiaribus iis & hominum ocioforum commentis. Baptista factum singulare est, neque idèò descriptum in litteris sacris, ut imitari debeamus, Marc. 1. 3. 4. 5. seq. Et verò desertum, in quo habitabat ille, non erant tesqua, brutorum commorationes, sed ita vocabantur montana & silvosa loca, vicis rarioribus perculta, quæ naturale solum ejus erant, Josue 15. 48. 1. Sam. 25. 2. Luc. 1. 40. (5.) Primiævi fideles vitam cœnobiticam instituebant, precum atque opum communionem sanciendo, Act. 4. 32. Respondeo: Ubi verò sunt vota pars magna vitæ cœnobiticæ? Opum illa communio erat voluntatis meræ, & propter sublevandam pauperum inopiam, neque apud omnes fideles obtinebat. itaque abesse poterat, ut infidelis non esset, qui opum suarum usum domi suæ retinebat, Act. 5. 1. 2. seq. Nulla hic erat professio ob prætextum religionis peculiaris, quæ sola Monachos atque Eremitas efficit, unde satis exemplorum dissimilitudo constat.

II. Nos opponimus Eremitis, quod literæ sacræ docent: *Nolite deferere catum vestros*, Hebr. 10. 25. Annotat Cornelius à Lapide: Malè Novatores hunc locum adducunt contra vitam Eremiticam. Loquitur enim Apostolus de illis, qui cœtus sacros vel ob metum, vel ob desidiâ negligunt, aut fidem negligunt, non verò loquitur de illis, qui turbam seculi pietatis & contemplationis diligentis studio defugunt, *Commentarij ad h. l. num. 258*. Respondeo: Imò ob pietatis studium debemus interesse cœtibus sacris, non verò defugere illos. Et quænam est ista contemplatio hominum inter bestias degere volentium? Apostolus commendat studium frequentandi cœtus sacros, exponendo periculum eorum, qui neglectis cœtibus iis, evagantur, & Deum tentant. Ratio est, tum quia Deus præsentiam suam atque precum exauditionem cœtibus sacris promisit, Exod. 20. 24. Matt. 18. 20. 2. Cor. 6. 16. tum quia doctrina fidei melius inculcatur, & bonorum operum exercitium fortius stabilitur in cœtibus sacris, Hebr. 10. 24. 25.

III. Veterum Annales jactant Paulum, Antonium, Hilarionem, Simeonem. Macarios celebres miraculis & docendi successu claros Eremitas, neque nos derogabimus pietati virorum illorum, hoc tamen certum est, quod vera illa atque simplex pietas, quæ inter Christianos gravissimè vexatos floruerat, paulatim refrigerare cepit, ex quo per Constantinum Magnum & sequentes Imperatores effectum est, ut pacem haberet professio illa, quam Christianam vocamus. Religio passim collocari cœpit in iis, quæ corporis magè exercitationem quàm animi emendationem in se conti.

continent. Tale erat monastica, vitæ genus à Christo & Apostolis neque usurpatum, neque præceptum. Ettamen ocioforum hominum conventicula creverunt adeò, ut Valentinianus & Valens Cæsares edictum proponerent, ne quis vegeti corporis animique donis ceterùm præditus ad solitudines abeundo, Reipublicæ munis ac subsidiis necessariis seque suasque opes subduceret, qui contrà faceret, extraheretur de latibulis, ut patriæ servirent, vel aliis omnibus commoditatibus careant. Prostat Edictum in *Codice Theodosiano lib. 12. tit. 1. leg. 26.* & adde Augustinum *lib. 18. de Civitate Dei, cap. 52.* Paulum Orosium *lib. 7. Historia Ecclesiastica, cap. 33.* Non est, cur Spondanus in *Epitome Annalium, pag. 399.* conqueratur de legis iniquitate. Est enim æquissima & sacris literis consentanea, quæ vitam sociam commendant, & conversationem defugere vetant, *Gal. 6. 10. Hebr. 10. 25.*

IV. De Cœnobarum votis ordine dicendum est. Primum vocant *Continentiæ* votum, qui obligantur ad vitam cœlibem semper amplectendum. Nos votum illud improbamus: (1.) Quia viris circa sacra ministeria occupatis è præscripto Apostoli uxores habere licet, *Tit. 1. 6.* (2.) Quia thorius conjugalis pronunciat criminis nullius reus esse, à quocunque ille petatur, *Hebr. 13. 4.* (3.) Quia matrimonium iungitur homini cuique, ut vagos concubitus evitet, *1. Thess. 4. 3. 4.* (4.) Quia continentia donum est singulare, & quod non capiunt omnes, adeoque vovere vel le continentiam, censetur esse aliquid viribus nostris servatu impossibile, nisi pe-

culiaris Dei vocatio accedat; *Matth. 19. 12. 1. Cor. 7. 17. 35.* Instant Bellarminus & Coturius: Suadet Christus, ut cœlibes velimus esse propter studium propagandæ Religionis, *Matth. 19. 10. seqq.* & consentit Apostolus, ad cœlibatum amplectendum exemplo suo provocare alios ausus, *1. Cor. 7. 25. seqq.* Verùm quàm non possint his Scripturæ locis ostendere, id quod volunt impuri cœlibatus assertores, uti diximus *suprà cap. 12. dist. 4.*

V. Secundum votum est *Paupertatis*, quo obligantur ad repudiandas opes quas-cunque. Nos votum illud refellimus: (1.) Quia in Lege Mosis prohibetur, ne mendicus vagetur per urbes, *Deuter. 15. 4.* (2.) Quia sacra litera in pœnis numerant, cum quis à paupertate affligitur, *1. Sam. 2. 36. 2. Sam. 3. 29. Psalm. 109. 10.* (3.) Quia viri pietatis studiosi, coram Deo seriis precibus agunt, ne velit Deus eis imponere grave opus, paupertatis opprobrium, *Psalm. 57. 25. Proverb. 30. 8. 9.* (4.) Quia jubetur in sacris literis, ut laboribus operam dando, paupertatem depellere velimus, *Ephes. 4. 28. 1. Thessal. 4. 11. 12. 2. Thessal. 3. 11.* Instant Bellarminus & Coturius: Jube Servator, ut juvenis ille si perfectus vellet esse, venderet quæ habebat, daretque pauperibus, ita pararet in cœlis thesaurum, *Matth. 19. 20. 21.* *Respon-deo:* Duplex erratum, nam primò quidem erat mandatum hoc velut personale, quo invitabatur opulentus & arrogans juvenis, ut relictis opibus omnibus, jungeret sese consortio Apostolorum, & prædicaret Evangelium, *Matth. 9. 2. cap. 19. 27. Luc. 9. 59.* Neque verò hæc vocatio personalis ad alios applicari debet, *Luc. 9. 58.*

Deinde erat mandatum exploratorium, quo Christus volebat ostendere, inani-ter gloriarì ipsum de impleta Lege, quandoquidem opes suas amando, non amaret Deum ex toto animo & viribus omnibus, *Deut. 6. 4. 5.* Dicit Coturius: Si gloriabitur nianiter, legem à se impletam esse, quare Christus eum dilexit? *Marc. 10. 21.* Respondeo: Laudavit probitatis in conversatione externa studium, non verò approbavit erroneam persuasionem. Fuit ergo in ipso aliquid amore dignum, nec indignum reprehensione aliud fuit, videlicet, quòd Dei gloriam minoris ducendo, opibus caducis affixum magis animum haberet, quàm par erat. *Philip. 3. 8.*

VI. Tertium votum est *Obedientia*, quo obligantur ad obsequia quævis præstanda superioribus. Nos votum illud damnamus, quia scriptum est: *Empti estis precio magno, igitur ne sitis hominum servi. 1. Cor. 7. 23.* Rursum: *In libertate, quâ Christus nos liberavit, perstate, Gal. 5. 1.* Annotat Cornelius à Lapide: Loquitur Apostolus de servitute civili, qualis non est Cœnobaritarum. Respondeo: Servitutem illam intelligit, quam Christus à nobis precio dato avertit. Atqui civilem servitutem non detraxit nobis Christus, neque illam veterant Apostoli, sed potius hortantur, ut eum debita patientia toleretur, *Coloss. 4. 1. Ephes. 6. 5. 6. 1. Timoth. 6. 1. 2. Tit. 2. 9.* Neque igitur agit de servitute civili, verùm alia, servitute animi videlicet, quâ cœcā obedientiam pollicemur, inani pietatis laude ve-

xiati.

CAPUT DECIMUM SEXTUM.

Diatriba singularis de Essenis.

S U M M A R I A.

1. *Essenorum derivatio.*
2. *Essenorum origo.*
3. *Relata Eusebii.*
4. *Solvuntur rationes.*
5. *Solvuntur instantiæ.*

I. **H**ENRICUS Spondanus in *Epitoma Annalium Baronii* pag. 116. Serarius in *Triberesio* lib. 3. cap. 17. & in *Minervæ* lib. 5. cap. 22. Jacobus Gresserus in *Defensione pro Lojola*, pag. 20. seqq. Besoldus lib. 1. *Doctrina Civilis*, cap. 11. dist. 2. conantur probare, quòd Marcus Evangelista novas sodalitates primus apud Alexandriam instituerit. Ab Eusebio testimonium suprenum, qui scribit, Essenos in vicinis Alexandriæ degentes, laudem insignem tulisse à Philone, libro de *vita contemplativa*, quòd vitæ innocentissimæ studerent, omnia invicem haberent communia, ut nemo pauper, nemo dives esset, patrimonia egentibus largirentur, orationi & canticis vacarent, in monasteriis agerent, sacris literis incumberent, continentiam amarent, victimas nullas cederent. Hæc refert Eusebius, atque censet Philonem sub Essenorum nomine & omne describere Christianos, lib. 2. *Histor. Ecclesiast.* cap. 15. 16. & lib. 9. de *Præparatione Evangelica*, cap. 1. Post Eusebium auctoritate ejus commoti eadem de iisdem Essenis prodiderunt Hieronymus in *Catalogo Scripturum Ecclesiasticorum*, Epiphanius hæresi

29. Sozomenus *lib. 1. histor. 12.* Cassianus *lib. 2. de Institut. Monast.* Nicephorus *lib. 2. Histor. Ecclesiast. cap. 15.* Beda *Præfatione Commentariorum ad Evangelium Marci.* Derivationem nominis Epiphanius adfert his verbis: *Jessei vel Essæi dicti sunt à Jesu vel Jesse, è quo secundum carnem produit Christus. quomodo à Christo sunt Christiani.* Laudat Veterum allegata Spondanus, & probati omnibus contendit, *Novatoribus exceptis, è quòd Monachorum instituta summo odio prosequerantur.* Bilem movit viro, quòd Antiquitatis consultissimi, Rodolphus Hospinianus *lib. 1. de Origine Monachorum, pag. 28. 29. 30.* Josephus Scaliger *Prolegomenus ad libros de Emendatione temporum*, Johannes Drusus *libro de Sectis Judæorum*, Franciscus Junius *Animadversionibus ad Bellarmini Controv. 5. lib. 2. pag. 224. seqq.* Nicolaus Fullerus *lib. 2. Miscellaneorum sacrarum, cap. 3.* Johannes Seldenus *lib. 1. de Synedriis, cap. 7.* Daniel Chamierus *in Panstratia Catholica, tom. 3. lib. 20. cap. 22.* post excussa Veterum quædam præjudicia, demonstravissent, Philonis Essænos omninò nihil ad Christianos pertinere. Constat oppidò Veterum Scripta non solum cum reverentia ipsorum Authorum, sed etiam cum delectu eorum, quæ ipsi scripserunt, legenda esse. Nam quæ hæc molesta divinatio est: *Essæi quasi Jessei, & sunt Jessei dicti à Jesse?* Atqui Essæi & Jessei toto cælo differunt, & descensus à Jesse inter arcana religionis habebatur, *Apoc. 5. 5. cap. 22. 16. Esa. 1. 1.* Evangelia & Apostolorum Epistolæ vix erant consignata, certè plurima nondum erant divulgata. quando Philo sub initio Imperatoris Claudii scribebat, homo Græcus magis quàm Hebræus. Erat qui-

dem Judæus religione, sed quoniam Alexandriæ Egyptiorum debebat, ut omnes ejus loci Judæi, sacras literas legebat *אֲלֻמִּיִּם*, ut ajunt Thalmudistæ, id est, sermone Græco, quoniam non intelligebant Hebræicè. In talium gratiam avi sui librum transtulit Syrachides nepos, uti est in *Prologo ejus dist. 3. 4. 5.* & à talibus edita fuit versio Græca Veteris Testamenti. Quam enim vulgò ejus versionis originem esse è Josepho referunt, fabulas esse demonstravimus *libro de Scriptura sacra, Exercitat. 35. dist. 1. seqq.* Et nomen ipsum Essenorum multis ante Servatoris adventum in carnem annis obtinebat, non ergò Essæi sunt à Jesu & Jesse.

II. De Essenis agit Philo, & laudat Judæus Judæos, non laudaturus Christianos, à quorum sacris dissentiebat Scriptor ille. Erant peculiaris secta inter Judæos, descripta apud Josephum *lib. 18. Antiquitatum Judaicarum, cap. 2.* & *lib. 2. de bello Judaico, cap. 7.* Sacris, quæ à Mose & Prophetis tradita acceperant, ipsi adjecerant placita Pythagoræorum & Græcorum ludis. Neque illi tantum Alexandriæ & in Palæstina erant, sed Romæ etiam, ideoque illos olerum comedones ac carnem haud attingentes, humaniter ferendos, non verò odiosè exagitandos esse, monebat Paulus, *Roman. 14. 2. 3. 4.* Vocat eos *τῆς ἀθηνῶν τῇ πίσει*, id est, qui Christi doctrinam equidem amplexi fuerant, sed non omnia à Spiritu Christi revelata pernoscerent, præcipuè verò mysterium illud, quod *Rom. 7. 1. 2. seqq.* aperire cepit Paulus, nimirum Judæos, qui Servatoris doctrinam sectando, multum in ea profecissent, non ultrà obligari seu legibus Mosis ritualibus, seu traditionibus Sa-

piendum, licet ob scandalum quorundam hæcenus in abrogandis eis nondum conati fuissent, *Aclor.* 15. 1. 2. *segg.* cap. 16. 4. Dum utrosque ad mediocritatem reducebant, prudentiam suam Orbi declarabant, cæterum noverant, prope esse tempus illud, quo Deus non saltem permetteret dirui templum, sed & Legem ipsam in triumpho Romanorum portari sivit, uti dictum est *suprà* cap. 10. *dist.* 3. Carnibus abstinere, erat inter præcipuas doctrinas Pythagoræorum, auctore Ovidio, *lib.* 15. *Metamorphoseos*. Et de re eadem extat eruditus Porphyrii libellus *ἐπὶ ἀσχημίας*. Imitati sunt Ægyptiorum, Cretensium, Eleusines Sacerdotes, Persarum Magi, apud Hieronymum *lib.* 2. *contra Iovinianum*. Nec non pleni scrupulosarum opinionum Nazaræi, quod tolerabatur hæcenus, cum stabat templum, eo diruto, non habuerunt locum inter bonos, sed Tatianus ejusque Encratitæ ab Ecclesia rejeçti sunt, quod tanquam dogma necessarium introducerent τὴν ἐμψυχὴν ἀσχημίαν, teste Irenæo, *lib.* 1. cap. 30. 31. Neque aliter Esseni apud Epiphanium. ἀπὲρ ἑσθίας βρωμάτων, ἀὶ ὁ θεὸς ἐκτίσεν εἰς μακάριον μετὰ ἐνυχασίας, ait Paulus, 1. *Tim.* 4. 3. de illis ipsis Essenis per orbem vagabundis, ut Judaismum in crustarent. Prima illis origo est à Legis Mosaicæ assertoribus iis, qui adversus Syro Macedonum furores aut desertorum *דְּבָשִׁים* levitatem pro religione patriæ stantes, Hæsidæi vocabantur, *דְּבָשִׁים* 2. *Maccab.* 14. 6. Annotat Franciscus Junius: Hoc nomen propriè notat profugos illos, qui religionis causa huc illuc fuerunt diffusi, ne tyrannide Regis ad scelus ullum compellerentur. Τῶν enim diffusum notat. *Hæc ille*. Quod refellit Janus Dru-

sus *lib.* 1. *de Sæctis Judeorum*, cap. 11. 12. & peculiari libro *de Hæsidæis*, ubi porro contendit, Asidæos esse, qui temporibus insecutis dicti sunt Pharisei. Nec alia sententia est Josephi Scaligeri in *Elencho Trisharesu*, cap. 22. De Essenis verò nos interpretamur cum Serario *lib.* 3. *Trisharesu*, cap. 7. & *Commentario* ad *lib.* 2. *Maccabæorum*, *quest.* 47. *דְּבָשִׁים* emollitâ pronuntiatione conversum est in *דְּבָשִׁים*, unde sunt *ἡσδαίων*, nomine Græco, vel *דְּבָשִׁים* quod est *ἡσδαίων*, ex Syrorum dialecto. Aperte circa hæc tempora Essenos unâ cum sæctis aliis ponit Josephus, *lib.* 13. *Antiquitatum*, cap. 9.

III. De professione religionis judicandum est, non de rituum similitudine, sed ex doctrinæ sinceritate. Nititur omnis relatio Eusebii argumento similium: Esseni Philonis habent similitudinem cum Monachis Christianis. Ergò fuerunt & ipsi Christiani. Similitudinem per partes deducit: (1.) *Quod vite innocentie studerent*. Faciebant idem Pharisei, & vulgò propterea in precio erant, *Luc.* 18. 11. 12. *Aclor.* 26. 3. 4. 5. *Philip.* 3. 5. (2.) *Quod omnia haberent communia*, exemplo Christianorum, qui erant Hierosolymis, *Aclor.* 4. 32. Si Esseni aliqui ad Evangelium conversi, pristinae conversationis institutum, quale erat bonorum communis elargitio, retinuerunt, nondum tamen obtinuit Eusebius, quæ intendit. Essenos bona sua contubernio donavisse, refert Josephus *lib.* 2. *de bello Judaico*, cap. 7. A Platone acceperant, qui *meum & tuum* volebat de civitatibus eliminari. Et de Pythagoræis refert Jamblichus, *ἰδιὸν ἡδὲ εἰς ἡδὲ ἐκείνητο*. Itaque apud illos quidem hoc ordi-

ordinarium erat, verum apud Christianos ex voluntatis charitate ortum cepit subito, brevi etiam deliit, ut liceret illis & retinere sua & Christianis esse, Actor. 4. 34. cap. 5.

4. (3.) *Quod patrimonium egentibus largirentur.* Pauperibus largiri, piorum omnium commune est, neque soli Esseni hoc faciecant. (4.) *Quod orationis & canticis vacarent.* Deos orationibus venerari, & canticis vel stans vel vagis pietatis studium testari, populorum omnium commune fuit, Barbarorum quoque.

De Animoniis Curtius, *patrium more carmen canentes*, lib. 4. Et de Babyloniis idem, *Magi suo more patrium carmen canentes*, lib. 5. Græcorum hymni noti sunt ex Homero atque Orphæo. Judæis præscripserat Deus, & studium Regis Davidis in adornandis Musicorum choris celebrat Syracides, cap. 47. 10. 11. 2.

De Sinenſibus est relatio Nicolai Trigautii in Descriptione Chinæ: *Recitantium cantus nihil differt à nostro*, pag. 148. Habes quasi antiphonas, nec tamen antecentum annos Bonzii illi Christianum viderant. (5.) *Quod in Monasteriis agerent.* Philo vocat *συνῆτα* conventus sacros ad conciones & studia literarum. Scholas suas habebant Judæi ab hominum strepitu remotis, uti constat 1. Sam. 10. 5. 2. Reg. 6. 1. 2. seq. Pythagoræorum conventicula & collegia dicebantur *κοινῶβια*, Gellius lib. 1. cap. 9. promodè illi quoque fuerint monachi. (6.) *Quod sacris literis incumberent.* Sunt apud Philonem *συγγεγραμμένα παλαιῶν ἀνδρῶν*, quod de Evangelistarum & Apostolorum scriptis exponit Eusebius. Cum tamen non posset fugere eum, Scripturas Evangelicas tunc cum Philo scribebat, aut modicas, aut

prorsus non existisse. Certè in vulgus haut notæ erant. Neutiquam verò etiam

παλαιῶν ἀνδρῶν dici posset, cum recentissimi & in vivis essent Apostoli. (7.) *Quod continentiam amarent.* Esseni quidem hoc vitæ genus laudabant, adeoque Author libri sapientie, Essienorum pars, de cœlibatu magnificè sentit, cap. 3. 13. 14. Aliter Christiani, qui conjugium præferrebant velut remedium divinum adversus

ustiones, & in honesto conjugio *ἡμετέριαν* quoque servabant, 2. Cor. 7. 2. 9. 28. 29. Tit. 1. 8. Paulus τὴν καλὴν τῆς γαμείν accenset impostoribus, 1. Tim. 4. 1. 2. 3. (8.) *Quod victimas nullas cederent.* Apud

pios ante diluvium, ac porro in populo Deifeculis infecutis, victimæ erant pars necessaria religionis, sensu morali quòd beneficiorum multorum à Deo in homines collatorum solennem recordationem ad animos revocarent: Sensu eminenti verò, ut Messiam, qui se humani generis vadem obtulerat, inculcarent. Ac de priori quidem multa docent Rabbini Levi Ben-Gerson, Salomoh Jarchi, Aben-Esdras

Commentariis ad Legem, Rabbi Maimonides in *More Nevochim* lib. 3. cap. 32. De posteriori nihil occurrit, sed eleganter proponit Apostolicus Scriptor Epistolæ ad Hebræos. Referunt Cabalists, nisi peccavisset Adam, שְׁכֵנְתָּ semper præstò futuram in conversatione humana, abuisse verò, cum peccavisset Adamus, in cœlos, inde ad nos per sacrificia devocari, Rabbini Salomo Levita in *Dimbre Salomoh*, Rabbini Jehuda Levita in *Cussari* lib. 2. cap. 2. Rabbini Menasseh Ben-Israel in *Conciliatore ad Pentateuchum quæst.* 1. *Levitic.*

Notant

Notant Sapientes illi finem verum, est enim *משיח* Messias, ad quem verâ fide apprehendendum, operosus victimarum apparatus à Mose descriptus oppidò manucebat. Quamquam apud plurimos obtinerent deinde opiniones pravæ, sacrificia esse Deo satis, fuso cruore & carnibus exustis, inter animis vitæque studiis in diversa abrepti, morum improbitatem externâ pietatis specie velabant, *Esa. 1. 10. seqq. Psalm. 50. 2. seqq. Jerem. 6. 20. seqq.* Frustrâ verò etiam sese torquet Jamblichus *libris de Mysteriis Aegyptiorum*, ubi multa conatur, ut rationem reddat, quare dæmones victimis delatarentur. Neque enim eum qui victimarum omnium Antitypus est, & cujus honorem cacodæmones fraudulentè ad se raperunt, agnovit Paganismi obstinatus assectator. Apud Paganos mera laniena erat, itaque Pythagoras apud Philostratum *lib. 1. de vita Apollonii*, & Porphyrius *lib. 2. de abstinentia*, cap. 35. verè scribunt, morem offerendi hostias, esse crudelitatis plenum, & ad expiandos Deos minus aptum, scilicet hoc imitati Esseni non cædebant victimas. (9.) Quòd Diaconos & Episcopos haberent. Voluit hoc addere Eusebius, nam in Philonis libris nihil tale est. Et Josephus refert, quæstores & procuratores viros probos è Sacerdotum ordine creati, qui ex agrorum redditibus necessaria ad victum & amictum pro omnibus curent, *lib. 2. de bello Judaico, cap. 7.* Poterant illi vocari Diaconi ut *Actor. 6. 1. 2. seqq.* Ubi verò sunt Episcopi?

IV. Quòd Christiani non fuerint, neque habeant authorem Marcum Evangelistam, rationes sunt istæ: (1.) Quia Philo & Josephus à quibus laudes promerentur, non

fuerunt Christiani, itaque celebres in Alexandrina Ecclesia Doctores, Clemens Alexandrinus, Origenes, Athanasius eorum non meminerunt, diligentes rerum ævo suo gestarum consignatores, tantum quòd Eusebius alieno judicio abusus eos obruferit Ecclesiæ, à quo Hieronymus & ceteri Doctores acceperunt, qui recentiorum excubare Commentaria malebant, quàm veterum Acta cum cura & sollicitudine excutere. (2.) Quia Philo & Josephus ponunt illos in Judæis. Adeoque Philo distinguit in speculativos & operativos, nullis ceterum institutis discrepantes, tantum quòd speculativi rure habitarent, agrosque colerent per Syriam & Aegyptum: Operativi fortè etiam agerent mercimonia in urbibus Judææ, deinde, quòd speculativi omnes fuerint cœlibes, *μαρτίροι*, de quibus etiam valet illud *Plinii*: Gens sola & in toto orbe præter cæteras mira, siue ulla fœmina, omni Venere abdicata, *lib. 5. histor. natur. cap. 17.* Operativi autem plurimi fuerint conjugati vel *κοινῆσιον*. (3.) Quia Philo dicit, esse originis vetustæ, atque legisse monumenta antiquorum virorum, *τῶν παλαιῶν ἀνδρῶν*, qui principes ejus sæcæ fuerint, *οἱ τῆς ἀπὸ πάλαι ἀρχῆς γένεσις*. Atqui Christianæ Religionis præcones eo tempore, quo Philo scribebat, Tiberii, Caligulæ, Claudii ævo suppar, non erant veteres, sed novi & recentes. Non ergo illi Christiani erant. Quòd enim monumenta antiquorum virorum, de libris Apostolorum exponit Eusebius, hoc, inquam, repudiat Serarius in *Tribaresio lib. 3. cap. 17.* & supra rejici meruit. (4.) Quia Esseni illi observabant Sabbatha, & septimo die conventus faciebant, *ταῖς ἑβδομαῖς συνέχονται*, ait Philo.

Atqui

Atqui Christiani ad conventus sacros destinauerant primum diem, quem ipsi Domini- cum vocabant, *Apocal. 1. 7* Non ergo Esseni erant Christiani, verum Iudæi. Dicit Serarius, *Philonem in describendis festis Christianorum adhibere sermonis genus Iudaicū*. Quod oppido falsum est. Nam septimo die convenire & primo die congregari, toto distant cœlo. (5.) Quia Esseni illi adhibebant varias ceremonias superstitioni Iudaicæ accom- modatas, à quibus tamen Christiani semper & meritò abstinebant. Nimirum, vigiliis celebrare primum convivio, deinde cho- reis; perstreperere canticis in memoriam tran- situs per mare rubrum; quotidie sese lavare, ne ab aliorum occursum macularentur, itaque ad lacum Asphathiciem in Iudæa, & Maræ- otum paludem in districtu Alexandrino co- piosi habitabant, ut lotionum suarum com- moditatem observarent. Non ergò illi e- rant Christiani, verum Iudæi. (6.) Quia Es- seni illi colendo Angelos docebant, quæ cum fide Christiana haud conveniebant. Contrà illos est locus insignis Coloss. 1. 18. *Nemo adversum vos rectoris sibi partes ultrò sumat in submissione animi & religioso cultu angelorum*. Clemens Alexandrinus *lib. 9. Stromatum*, & Hieronymus *Epist. 151 ad Al- gasiam quæst. 10.* censent, notari cultum a- storum Iudæis eo tempore usitatum, qui ut olim ità etiam nunc adorabant & sacrificiis donabant militiam cœli id est, Angelos & a- stra, *Ierem. 7. 18. cap. 44. 17.* Repudiat Spon- danus in *Epitome Annal. pag. 110.* & causam adfert, quòd Apostolus inseari soleat hæ- reticos ævi ejus, non verò demortuos illos & quorum memoria obsoleta erat. Olim a- doravisse Lunam, Prophetæ scribunt: sub templo secundo & deinceps non fuerunt ità

fatui Idololatæ, sed unum Deū cœli terræq; creatorem puro animi affectu citrà afflictam eis speciem aliquam venerabantur, unde eti- am Cœlicos vocabant Pagani, eiq; men- tio in *Codice lib. 1. Tit. 10. l. 3* & confer Jaco- bum Cujacium *paratistis ad Codicem pag. 16. 17.* Porro Bellarminus *lib. 1. de beatitud. Sanctorum cap. 17.* Costerus in *Enchirido Controversiarum pag. 468.* excipiunt, Pau- lum damnare hæresin Simonis Magi, qui Platonicos secutus docuerit, quosdam An- gelos colendos esse velut Deos minores, qui fabricaverint mundum, & intercessio- ne sua Deum hominibus propitium reddant Verum Baronius *Tomo 1. Annalium pag. 778. seq.* Spondanus in *Epitome Annal. l. d. Benedictus Justinianus commentario in Epistolam ad Coloss. pag. 342.* monent, falso hoc de Simone Mago dici, qui nihil tale do- cuerit, neque posse testem rei ejus ex Anti- quitate ullum produci: notari vero Cerin- thum, qui Angelos prætulit Christo, atque cultum religiosum illis obtulerit, huic verò denegaverit. Sic etiam Cornelius à Lapide *commentario ad h. l. num. 69.* & Gabriel Vasquez *lib. 3. de adoratione cap. 6.* Litigent illi invicem & componant lites, de quibus hæreticis agatur, nos omnem cultum reli- giosum Angelis derogamus. Theodoretus *commentariis ad h. l.* scribit: Qui legem de- fendebant, iidem ad Angelos colendos in- ducebant, dicentes, legem per Angelos fuisse datam. Mansit vero diu hoc malum in Phrygia & Pisida. Quamobrem Syno- dus Laodicensis lege prohibuerat, ne preca- rentur angelos. Et in hodiernum diem vi- dere licet apud illos Oratoria Sancti Micha- elis. Sic ille. Esseni erant, qui ista docebant, circumforanii Apellæ & Nazareni, qui Mo-
x sis

sis legem cum doctrina Christi, permiscebant, utriusque studiosi, neutrius tenaces, habebantque à Legge veteri ac novâ testimonium de Michaële, quem tamen non rectè exponebant, *Daniel. 12. 1. Apocal. 12. 7. (7.)* Quia Esseni illi quosdam legales ritus addicte nimis retinebant. Primus de loco religionis causâ publicè delinquo in sacris textus occurrit, *Genes. 12. 7. 8.* ubi Abraham locavisse dicitur *aram versus Occidentem*. Nimirum conversa ad Occidentem facie orabat Deum, ut externo etiam ritu separaret se à Chaldæis, qui versus Orientem compositâ facie adorabant, Solem venerati. Eundem in finem Deus sacrarium suum itâ locari fecit Hierosolymis, ut quicumque vel coram arcâ præsentibus adorare volebant, vel absentes eò sese convertebât, (*Daniel. 6. 11.*) ad Occidentem respicerent. Desertores Judæi morem illum repudiabant conversi ad Orientem, quando precari volebant, *Ezechiel. 8. 16. 17.* Neque illi tantum, sed quoq; Esseni liberrimâ professionis inter Judæos τὸν ἥλιον ἀνίστασθαι λέγουσιν, unde etiam dicti sunt *ἡλιωνῆς ἡλιωνῆς*, *Solicoe*, uti scribit Josephus lib. 2. de bello Judaico cap. 12. Epiphanius *heres. 33. Et 50.* Christiani primis seculis quocunque loco, quocunque habitu adorabant promiscue, *Joh. 4. 21. 22. 23.* plurimum tamen ad Orientem conversi orabant, tum ut à Judæis sese planius distinguerent, tum ut loca quædam de Christo loquerentia (*Esaiæ 60. 1. 2. cap. 9. 2. Malach. 4. 2. Lucæ 1. 78*) exprimerent Tertullianus in *Apologetico* cap. 16. Clemens Alexandrinus lib. 7. *stromatium*.

V. Restant nonnulla apud Spondanum, quæ breviter percurreremus. Dicit: (1.) *Plinius Solinus*, *Porphyrus de Essenis* meminerunt,

adeoque constat esse antiquissimos, sed quod dicunt, eos per multa seculorum millia existisse non potest approbari. Atqui numerare poterant seculum non unum. Ceperunt enim enim sub Halamonzis, & post Christi tempora adhuc durabant. Quod enim Rabinus Abraham in libro *Jeny* scribit, *Essenorum autorem esse Judam Galileum*, peccatum est in ἀναγνωσµῷ. & confundit ille Gaulonitas παρισαιοτέγεσσι cum Essenis vetustioribus multum. (2.) *Nec in Veteri nec in Novo Testamento quicquam de illis occurrit, cum tamen omnes Judæorum sectæ recenseantur, Pharisei, Saducei, Galilai, Herodiani.* Referunt de illis Maccabæorum libri, ubi est de Hasidæis. Habitant in vicis & agris remoti à civitatum quotidianis turbis, solos tantum principes, velut Residentes, habebant Hierosolymis, in quibus fuit Johannes ille Thammæ præfectus, apud Josephum lib. 2. de bello Judaico cap. 42. Genus hominum minimè ambiciosum, nec fraudulentum, ut Pharisei, nec impium, ut Saducei, propter eam non erat Christo negotium cum iis, neque in scriptis Evangelicis ulla eorum est mentio. (3.) *Nec est, ut quis dicat, Essenos eosdem esse cum Rechabitis, de quibus est Jerem. 35. nam constat, diversam planè fuisse utriusque gentis institutionem.* Rechabitas habuisse jus civitatis apud Judæos, postquam eorum progenitor Hobab Kinæus legales ritus omnes suscepit, constat *Numer. 10. 29. Iudicium 1. 16. cap. 4. 17. 1. Samuel. 15. 6.* & adde Beniaminem Tudelem in *Itinerario pag. 82.* ubi reliquias in Oriente, non tamen sine fabulis, refert. Eorum instituta oppidò quadrant ad instituta Essenorum, quorsum etiam respexit Josephus, cum dicit, Essenos fuisse ἀν' ἀρχαίς. (4.)

(4.) *De Essenis nulla apud Iosephum antiquior, quam Herodis majoris tempore exstat memoria.* Nuspian dicit, eos tunc primum cepisse, contrarium verò etiam affirmat verbis illis ἀπὸ ἀρχῆς. Tempora Herodis non erant adeò vetusta secula. (5.) *Quid prohibet dicere maximam eorum partem Apostolorum predicatione ad religionem Christianam conversos esse?* An Essenorum aliqui sint facti Christiani, quæstio non est sed hoc quaritur, an Esseni magnâ copiâ in Ægypto habitantes Christiani fuerint? Negatur. (6.) *Inscrutandis Prophetis intenterant, ob eamque causam veritatem rerum futurarum attigerunt.* Porphyrus teste apud Cyrillum lib. 5. contra Iulianum. Prophetæ ergò & ὡντις eorum Judæis ab antiquo familiaria, (uti patet 4. Esdræ 14. 12. 13. seqq. erant τῶν παλαιῶν ἀνδρῶν συγγράμματα, non verò Evangelistæ. Prophetarum ultimus fuit Malachias, ab ejus excessu Prophetæ nullus erat, Psalms. 78. 9. 1. Maccab. 8. 27. Qui successerunt eis in populo docebant Sapientum titulo סופרים, quorum Scholæ in diversas factiones distractæ, accedente etiam Græcorum literaturâ, sectas progeneraverunt. Hæc tempora, quibus vaticinia & miracula cessare debebant, sunt χροικιάτιο apud Syracidem prologo. 1. num. 2. & qui vaticiniis celebres erant, uti Johannes Hyrcanus, Judas Essenus, Manahem Essenus, ad eos perferebatur מן ברי, quod aliàs erat vetustissimum prophetiæ genus, 1. Samuel. 3. 4. 6. 7. 8. 9. seqq. & eòdem respicitur Iohan. 12. 29. Actuum 23. 9. Sapientum, qui Prophetis successerunt, primus & maximus erat Esdras ὁ ἀναγνώστης τῶ νόμου, Esdræ 7. 1. 6. Quanquam tales aliqui etiam Prophetæ

rum ævo essent, 1. Regum 4. 31. Hi sunt Scribæ & Legisperiti, quorum Matth. 5. 20. & toties alibi mentio est. (7.) *Esseni Iudæi à Iosepho descripti ab Alexandrinis, quos Philo describit, in plura imis differunt, ut appareat hos ex illis provenientes, non tamen eosdem esse cum illis.* Monstrare debuisset plurima illa per quæ differunt. Non poterat, quam obrem Essenos, sive in Ægypto, sive in Palaestina degerent, sectæ ejusdem, fuisse concludimus. (8.) *Magnopere eo. siderandum est, quod Iosephus in Iudæa tantum collocat Essenos.* Essenos in Judæâ velut notos sibi describit, quomodo Philo describit Essenos, quos in Ægypto noverat. (9.) *Philo dicit, essenos suos toto orbe terrarum reperiri, vitæque genus illud à Græcis & Barbaris esse receptum, quò manifestè declarat, non nisi de Christianis locutum fuisse, qui ubique terrarum & ex omnibus gentibus erant.* Iudæos toto orbe dispersos habuisse gymnasia & collegia, pro nationum diversitate in Academiâ Hierosolymitana constat, Act. 2. 5. seqq. cap. 6. 9. Inde sectarum per orbem divulgatio. Christiani, quando ista Philo scribebat, in Palaestina multi, extrâ eam pauci & hæcenus Judæis permixti erant, Act. 11. 12. seq. cap. 13. 46. Non ergò ista adeò manifestè de Christianis dicta sunt, ut quidem Spondanus putat. Græcos & Barbaros vocat Philo, ac intelligit Pythagoræos ob similia quedam vitæ morumque instituta. (10.) *Nec mirum est, si observationem diei Sabbathi Philo in Essenis commendat, cū & Apostolos in multis Iudæorum mores exercuisse, Actæcorum testentur.* Valdè mirum est si Apostoli rigidâ illam Sabbathi observationē approbaverunt. Sabbathum adeò destitit

colebant, ut quo quisque eorum habitu, loco, situ, die sabbathi inventus esset, siue stans sedensve, intrus aut foris eo loco eâdemque positione, eo die adque vesperam permaneret, ait *Origenes* de *Essenis*, quos in *Egypto* & *Palæstinâ* sibi notissimos habere poterat, lib. 4. περὶ ἀρχαίων. Hæc omnia pugnant cum Apostolorum præceptis, *Coloss.* 2. 16. 17 & Christiani potius die dominico in honorem *Servatoris* feriabantur, *Apocal.* 1. 10.

CAPVT DECIMVM SEPTIMVM.

De Jure circa Ærarium.

SUMMARIA.

1. Æraris conditio.
2. Jus monetæ cudende.
3. Jus laureatus.
4. Vætigalium solutio.

1. **Æ**Rarium est quo Princeps vætigalia reponit.] Ærarium ab inferendo ære dictum est, prius enim ærei nummi fuerant, deinde aurei & argentei facti sunt. *Ovidius*:

Æra dabant olim, melius nunc omen in auro est,

Vixitque concessit prisca moneta nova,
Ab. 1. *factior.* Asservabatur plerumque pecunia publica in templis, quod loca illa sacra, & Deorum religio adversum fures munita esse viderentur. Romani in templo Saturni deponebant, quod depingit *Jacobus Laurus part. 1. Antiquitatum Romanarum Tab. 29.* Inscriptio Romana:

Memoria. Artori. Juli. augendi. Viato-

ris. Quæstoris. ab. arario. Saturni. Liberti. qu. &. hæredes. e-jus.

Gruterus in Volumine pag. 627. *Perfius*:

Saturniaque impulsit æra,

Sat. 2. ubi scribit vetus Scholiastes: *Æra* in æde Saturni condebatur, nondum auro & argento signato, & adde *Plutarchum* in *quæstionibus Romanis* num. 42. *Macrobius* lib. 1. *Saturnal. cap. 6.* *Claudius Salmastium* libro de modo usurarum cap. 6. *Joh. Fridericum Gronovium* lib. 3. de *Sextertius* cap. 1. 2. seqq. Propterea ærarium cognomen sancti accepit, & pro censuum ratione diversas arcas habuit, quasdam etiam pro auro vicesimario, id est, aureis nummis optimis (ut *Budæus* lib. 3. de *asse* pag. 104. exponit) recondendis, & pecuniarum excessu ad necessitatem summam deponendo, *Cicero* lib. 7. ad *Atticum* *Epist.* 20. *Livius* lib. 37. *histor.* & ibidem *Godelevius* in *annotatis* pag. 185. Hoc ærarium sanctum *Julius Cæsar*, qui vexillis sublati hostem Senatus sese profitebatur, quia tardius aperiebant *Tribuni*, effregit, censumque & patrimonium populi Romani ante rapuit, quam imperium, *Plutarchus* in *vitis illustribus*, *Florus* lib. 4. cap. 2. *Appianus* lib. 2. de bello civili, *Dion Cassius* lib. 41. *histor.*

II. *Vætigalia*] Jus cudendæ monetæ, quæ vætigalia solvuntur & mercimonia in humano genere transiguntur, Principum semper proprium fuit, itaque *Antiochus Sedes Rex Syriæ* dedit potestatem *Simoni Principi Hebræorum*, ut aureos argenteosque nummos effigie suâ impressos pro gente suâ cuderet 1. *Maccab.* 15. 8. Effigie iniquam suâ impressos, quia aliâs nihil novi

de-

dedisset, quando hæc usurpauerant foris ac domi suæ nummos Regum Babylo-
nia, Persiæ, Asiæ, quibus suberant, imaginibus affectos. Videlicet effigies nomenque Principis præservabant velut nummi valorem, & Principi autoritatem suam apud cives subditos conservabant. Itaque illi ipsi Hebræi deinceps, quando sub Romanorum potestatem concedebant, nummos Cæsaris effigie & nomine insculptos unâ cum suis monetis in quotidiano usu adhibuerunt, *Matth. 22. 6.* Dicit *Spondanus*: Moris fuit apud Romanos, ut nummi pro ratione tributi vel census ab Imperatoribus cuderentur, nec uno semper modo illi permanerent sed nummi tributorum, cum mutaretur tributi qualitas, noviter ab Imperatore formarentur gravioris vel levioris ponderis, secundum rationem tributi vel census, ut hujus rei testis est *Lampridius* in vitâ Alexandri Severi, cum agit de vestigalibus publicis ab eodem Imperatore contractis, in *Epitome Annalium* pag. 27. num. 4. Respondeo: Atqui Servator monetam eam poscit statimque accipit, non ut rarius obviam, sed ut frequentem usu, quæque non pro censu tantum numerarentur sed præterea quoque usibus vulgaribus inter Judæos intervirent. Peculiare nummorum genus à Cæsaribus ad hos usus esse factum, verum non est si vetera tempora respicias, primusque ita fecit Alexander Severus, uti refert *Lampridius* in *v. cæjæ*. Ante illum nihil tale erat, itaque apud Scriptores commemoratur velut novum Severi institutum. Servator verò monetam illam sibi tradi postulavit, Romanis quidem jubentibus eam, nec tamen à Ju-

deis rejectam, quamvis haberet Cæsaris imaginem, uti hodiè Judæus quascunque monetas manu versat. De quâ re portò agunt *Casaubonus Exercitat. 16. dist. 7.* *Johannes Seldenus lib. 2. de Jure gentium secundum Hebræos cap. 8.* Cæterum antiqui Judæorum nummi ante *מטותא דמלכותא* Babylo-
nicam cusi impressam Regum faciem non habent, quando imagines Dei geniorum, hominum, animantium, velut peregrini cultus notas lege Moïsi prohibitas esse constaret, *Exodi 20. 4. Deuter. 5. 14.* Nomina tantum addebant, & insignium aliquod peculiariter gestæ rei. Sicli Regis Salomonis nomen ejus Regis ab uno latere habebant, ab altero nunc calicem mannae, nunc floridam virgam Aharonis, nunc templum ab eo Rege structum, uti docent *Caspar Wascius lib. 2. de nummis Hebræorum cap. 3. seqq.* *Arix Montanus libro de Siclo Hebræorum, Joh. Henr. Höttingerus libro de nummis Hebræorum Tab. 3. num. 1. 3. 5. Tab. 5. num. 4. 5. Tab. 6. num. 1. 4.* *Villalpandus commentariis ad templum Ezechielis Tomo. 3. pag. 388 389.* *Andreas Malius commentariis ad librum Josuæ pag. 135.* *Ludovicus Capellus lib. 1. de Ariano punctorum pag. 40. seqq.* Quod verò *Johan. Buxdorsius* Dissertatione de antiquis Hebræorum literis, *Wilhelmus Scikhardus libro de Jure Regio Hebræorum pag. 39.* referunt de Rabbino Asariâ, vidisse eum Mantuæ in domo Panse argenteum nummum, in cujus parte unâ erat figura capitis humani, cum his vocibus margini adscriptis שלמה המלך, in alterâ parte erat figura templi cum hac Inscriptio-
ne, היל השלך, utraque scriptura erat Hebraica vulgaris, hoc inquam, eadem scriptu-

1â, probante non potest referri ad xvum Salomonis, quo literæ Affyriacæ nondum erant populo Iudaico usitatæ, verum illæ quas vocamus Phœnicicas & Samaritanas, uti docui libro de *Scripturâ sacra Exercitat.* 13. Accedit, quod nummus ille additam habet figuram capitis humani, quodque Rex ille gestat coronam radiatam, ut videre est apud Hottingerum *l. d. Tab. 4. num. 6* 7. Atqui repugnat veteris instituto, humanam figuram imprimere monetis, eoque magis suspecta fuerit moneta ob coronam radiatam Orientis Regibus insuetam. Gestabant cidarim sive pileum turritum, *πιδυμα πνεγυτιν* vocat Strabo *lib. 9. Geograph.* isque diademate ad frontem obligabatur, quod Xenophon, Plutarchus, Arrianus, Curtius, Appianus multis locis docent, & veteres nummi confirmant apud Joh. Tristenum *commentarius de Imperio Romano Tomo 1. pag. 635. Tomo 2. pag. 518.* Coronæ radiatæ fuerunt inventum Latinorum caesarum, adeoque Latino Aboriginum Regi talem coronam Virgilius imponit, *l. 12. Aeneid.* In nummis Regum Imperatorumque consecratorum junguntur tria ista, fulmen, corona radiata, astrum. Lucanus:

Fulminibus manes radiusque ornabit & astris,

lib. 7. Pharsal. Corona ea constabat ex duodecim radiis promicantibus in laminâ aureâ, quam laminam Cæsares imponebant capiti, quomodo Cidarim gestabant Reges Orientis in solemnibus, tiaram verò quondam usu imponebant plurimum à cidari distinctam, quando procures etiam tiarâ operiebantur, cidarim & huic alligatum diadema Reges soli adhibebant. Multa de his congerunt Brissotius *lib. 2. de Regno Persarum,*

Carolus Paschalius *lib. 9. de coronis. cap. 13.* Nummi in quibus depinguntur Cæsares istæ coronæ radiatæ, apponunt Hubertus Golzius libro de *Cæsare Augusto pag. 21.* Johan. Tristenus *Commentarius de Imperio Romano Tomo 1. pag. 139. 225. 227 233. 236. 237. 246. 215. Tomo 2. pag. 494. 496. 509. 518. 520 569. Tomo 3. pag. 12 68. 70. 193. 195.* Antonius Augustinus *Tab. 16 num. 17. 22. Tab. 47. num. 17. Tab. 59. num. 9. Tab. 60. 5.* Nummi Antonii Triumviri, in quibus ille post devictum Armeniæ Regem, tiaram Orientis Regibus usitatam exhibet, profert idem Antonius Augustinus *Tab. 7. num. 2. 5.* Imitatus est Cæsar Augustus, *Tab. 13. num. 10* Valdè errat Dionysius Lambinus *notis ad Eumenem Cornelii Nepotis pag. 200.* qui in nummis illis rimatur Cidarim & diadema. Quorum neutrum cernitur, cernuntur verò tiara, pharetra, arcus. Quid ergo? Ad Heroicis tempora debent referri, qui templum restauravit, inque primi conditoris honorem vulgavit monetam *Salomonis* fuisse insignitam, *coronam Latinam;* addendo, ut Judæis gratum faceret Salomonis memoriam re colendo, Romanis haut displiceret mores horum imitando, quando utriusque populi favorem sibi multum esse utilem videbat.

III. Apud Latinos erant vetusti nummi, qui parte unâ habebant Janum laureatum, bifrontem, alterâ navem, quod referunt Athanasius *lib. 15. de prosopis.* Plinius *lib. 33. historiæ. natur. cap. 3.* Ovidius *lib. 1. fastorum.* Mimmos pingunt Theodorus Canterus *lib. 2. variarum Lectionum. cap. 23.* Abrah. Gorlaeus in *thesauro numismatum Tab. 18. num. 1. Tab. 26. num. 1. Tab. 43. num. 1. & in Dactylothecca num. 29.* Antonius Augustinus *Tab.*

41. num. 9. & verò de Jano, quem Noam fuisse dicit Mattheus Hostus lib. 1. *de renummaria* cap. 2. atq; nos certò credimus, plura diximus lib. 1. *Antiquitatum Romanarum* c. 2. diff. 1. Deinceps apud Romanos autis bello & pace rebus, fuerunt Triumviri monetales, de quibus retulimus lib. 3. *Antiquit. Roman.* c. 3. diff. 10. Hinc est illud siglum; A. Æ. F. quod rectè exponitur, *aurum, argentum, æferunt*, & publicè signant, uti refert Cicero lib. 3. *de LL.* Inscriptio Romana, quam adfert Gruterus:

C. Cerebio. Fufido. Anno. Ravio. C. F. O. V. F. Policiano. Sidal. Marciano. Aureliano. Commodiano. Helviano. Severiano. III. Vir. monet. A. A. A. F. F. Trib. Latit. viro. Leg. III. Cyr. VI. Vir. equit. Rom. turme. primæ. Quæstor. Candidato. Imp. Cæsaris. M. Aurelii. Antonii. p. f. l. c. i. s. Aug. Trib. pl. Candidatus. pr. h. a. s. t. C. V. Fufidii. amicus. G. Chrestina. nutritores.

In volumine pag. 379 Eorum crebra mentio est in nummis antiquis, quos prodit Sebastianus Eritius *expositione ad nummos Cæsarium* pag. 26. 37. 43. 49. 273. & illi adde Marquardum Freherum lib. 1. *de renummaria* cap. 1. Joh. Chokierum *libro de renummaria* cap. 12. Reinerum Budelium lib. 1. *de monetis* cap. 2 3. 4. Jacobum Bornitium lib. 1. *de nummis* cap. 8. ubi accuratissimè de hoc negotio commentantur.

IV. *Reponit.*] Quod vefigalia solvuntur Principi, est de iure divino, 1. *Samuel.* 8. 15. *Rom.* 13. 5. 6. 7. Apud Romanos propria & suprema cura Ærarii erat penes Quæstores. Hos primum duos habuerunt, qui monetam paratam custodiebant, prædas in urbem

allatas iusto pretio vendebant, belli expensas annumerabant, vefigalia provinciarum certa (quæ aliàs stipendia vocabant) iurationes publicas referebant, in certa Publicanis addicebant. quæ illi à mercibus nomine portorii exigere: quæque decimarum nomine capiebant ab illis qui agros publicos arabant: & quæ Scripturæ titulo petebant ab illis qui fil. is & pascuis publicis fruebantur: quæque demum macelli titulo accipiebant ab omnibus rebus ad victum pertinentibus Hæc in summam aliquam redacta permittebantur, ut redimerent Publicani, causâ quæstas, atqui hi à provincialibus exigebant periculo suo, & Rēipublicæ sefe obligabant datis sponforibus. Cumq; Publicani ferè Equites Romani essent, facilè illis erat pretia rerum augere, præter iustum exigere, muneribus vero etiam ad amicos in urbe potentes missis defendere sefe adversus querelas provincialium. πέντε τιλῶναι πέντε ἱσιν ἀπαγεῖται Xenion in *Epigrammatis*. Itaq; malè audiebant, apud Hebræos cum primis *Matth.* 18. 17. *Lucæ* 3. 12. 13. cap. 15. 1. 2. Cæterum vefigalia imperii *patrimonium* vocat Florus lib. 3. *histor. Rom.* cap. 13. Ob tot & tanta negotia quatuor, octo, denum (Julio tempore) quadringintà in urbe & provinciis fuerunt Quæstores, Plutarchus in *vita Publicole*, Aulus Gellius lib. 13. cap. 13. Guilhelmus Budæus *annotatis prioribus ad Pandectas* pag. 111. seqq.

CAPVT DECIMUM OCTAVUM.

Diatriba singularis de Imperio maris.

SUMMARIA.

1. 2. 3. 4. 5. 6. 7. *Note ad Tabulam Capitolinam.*

8. *Inscriptio ad portam Capenam.*

9. *Na-*

9. *Navium species.*
10. *Ordoremigum.*
11. *Pyxis nautica.*
12. *Hannonis Periplus.*
13. 14. *Note ad Periplus.*
15. *Imperium maris.*
16. *Solunturratones.*
17. 18. *Lex Rhodia de jactu.*

I. **S**erius ad maris navigationem venerunt Romani. Equidem Ancus Martius Rex in usum navigationis fecerat Ostiam portum, de quo *Florus*: Ostiam in ipso maris fluminisque confinio coloniam posuit, ut totius mundi opes & com meatus illo veluti maritimo urbis hospitio reciperentur, *lib. 1. histor. Romanae cap. 4.* Ceterum de navibus fabricandis ad maris imperium obtinendum actum est demum in primo bello Punico. Nec infelici eventu. Victor enim classe Duillius, quod ante eum nemo confliatus navales inivisset, Triumphator summus in urbe provixit, Romani verò etiam dominium maris obtinuerunt. *Livius lib. 17. histor. Florus lib. 2. historiae Rom. cap. 2. Eutropius lib. 2.* Duilio ob navalem hanc victoriam statua cum Columnâ rostratâ in foro posita est, uti refert *Plinius lib. 33. histor. natur. cap. 1.* Ejus basi Inscriptio addita erat, quam in Capitolii ruderibus inventam ediderunt Antonius Augustinus, Carolus Sigonius, Fulvius Ursinus, Justus Lipsius, Janus Gruterus, Onuphrius Panvinus *commentariis ad Triumphos Romanorum pag. 10. Jacobus Lautus part. 3. Antiquitatum Roman. Tab. 16.* Mutilata parte sui meliore cum esset, non eodem modo suppleverunt illam Antiquitatis consulti Est verò talis:

ano. exemet. lectiones, aximosque, macestratos. ovem. castris. exfociont. Macel. ucnando. cepet. enque. eodem. mac. em. navebus. maris. Consol. primos. c. lasque. navales. primos. ornavet. pa. cumque. eis. navebos. clais. paenication. sumas. copias. Carthacimensis praesente. Dictatore. olozum. in. alto. mari. pugn. g. nave. cū. socieus. septem. ofque. trivisimosque. naveis. X. om. captom. numei. D. rom. captom. preda. numei. ccc lxxx. captom. es. ogne. navale. preda. poplo. numos. donavit.

Sic ibi. De sensu ejus breviter annotabimus: *ano. exemet.*] Onufrius explere conatur: *Segeftam, opiaom. obsidione. exemet.* Lipsius etiam prolixius: *Segeftanos socios & cognatos populi Romanis obsidione exemet.* Narrat Polybius, quod Romani excensione in Sicilia factâ. Aegestanos ad ultima jam redactos obsidione liberaverint, *lib. 1. histor. Aegesta & Segefta una atque eadem urbs celebris ab antiquo, uti eam describit Philippus Cluverius lib. 2. Sicilia antiqua cap. 2. 3.*

II. Sequitur lectiones. *aximosque macestratos. ovem. castris. exfociont.*] Onufrius ita explere conatur: *Legiones Romanas periculo maximasque magistratus liberauit, civiumm. novem castris exfociont.* Lipsius aliter: *Legiones Carthaginienfes maximasque magistratus, Lucis bozibus amissis novem, castris exfociont.* Adventantis exet citus terrore perculsi fugerunt Pœni. Id enim est *exfociont*, pro quo nunc dicimus *effugunt*, uti secundum permutationem literarum apud priscos usitatam, exemplis ostendunt Josephus Scaliger *animadversionibus in Eusebium pag. 104. 112.* Gerhardus Joh. Vol-

Titus lib. 1. de arte Grammatica cap. 21. Simili figurâ exponi debet *maximus magistratus*, ubi par literarum est permutatio, & notatur Pœnorum Imperator bellicus in fugam datus, *amissis lucis bovisbus novem*, id est, novem Elephantis. Scilicet Elephantos adhibuerunt bellis Orientales, quod ex plurimis scriptoribus constat. Et quod Romani adversus Pyrrhum Macedoniæ Regem pugnando, in Italiæ regione Lucaniâ primò vidissent Elephantos deinceps illos vocabant Lucas boves, uti referunt Plinius *lib. 8. histor. natur. cap. 6.* Solinus in *Polybistore cap. 28.* Varro *lib. 6. de Lingua Latina* pag. 72.

III. Porro est: *Macel. ucnando. cepet. enque. eodem. mac. em. navebos. mars. Consol. primos. c.]* Onufrius & Lipsius consensu uno suppleunt: *Macellam oppidum pugnando cepet, enque eodem magistratu rem navebos mars Consol primos ceset*, id est, gessit. Polybius in hanc sententiam de Romanis: Et ab Egestâ regressi Macellam oppidum vi expugnant, *l. d.* Ad Himertenles Thermas profectos ibique castra metatos esse, paulò post refert. In eo quidem itinere inter Egestam & Thermas fuit oppidum Macella, quamvis hodiè non exstat amplius.

IV. Sequitur: *Lafique. navales. primos. ornaret. pa.]* Onufrius supplet: *Classesq. navales primis ornavit palmâ.* Palmis naves decorabantur, additis corollis fertisque utipatet è Suetonio *lib. 9 cap. 10.* Cæterum de palmarum usu in Triumphis solennibus vide *suprà cap. 10. dist. 1.*

V. Sequitur: *Cumque. eis. navebos. classeis pœnicas. om. sumas. copias. Carthacinsens presente. Dictatore. olorum. in. alto mari. puen.]* Lipsius supplet: *Cumque eis nave-*

bos classes Pœnicas omnes paratis, summas copias Carthacinsens presente Dictatore olorum in alto mari pugnando vicit. De Pœnis vetere coloniâ Phœnicum & Carthagine urbe diximus *suprà lib. 1. cap. 20. dist. 28.* Dictatore, id est, Hannibale, quomodo Romani vocabant eum qui domi suæ erat Sufes, uti fuit *suprà lib. 1. cap. 13. dist. 1.* Testatur Livius: Insestus ob direpta quædam ab conscendentibus naves militibus, ad colloquium Suffetes eorum, qui summus Pœnis est magistratus, elicit cum Quæstore, *lib. 8. histor.*

VI. Sequitur: *que. nave. t. cum. socies. septem. osque. trireismosque. naves. X.]* Lipsius ita perficit: *Tricintaque naves cepet cum sociis septemremosque quinqueremosque triremosque naves XX. depreset.* De triremibus quinqueremibus, septemremibus navibus dicemus *infra dist. 9. 10.*

VII. Sequitur: *om. captom. numei. O. rem. captom. prada. numei. captom. as. oque. navale. prada. poplo. numos. donavit.]* Scilicet Triumphator Consul epulum sumptibus publicis adornabat, & pecuniam in vulgū spargebat, uti diximus *suprà c. 10. dist. 6.*

VIII. Eodem bello Lucius Cornelius Scipio viriliter egit. De quo idem Florus: Lucio Cornelio Scipione, cum jam Sicilia suburbana esset populi Romani provincia, serpente latius bello, Sardiniam annexamq; Corsicam transit: ubi & sic Carale urbis excidio incolas terruit, adeoque omnes terrâ, mari Pœnos expugnavit, *lib. 2. histor. Romana cap. 2.* Mendum subesse in verbis illis, censent Eruditi, quandò Caralis urbs Sardinie nota quidem est, non item in Corsicâ unquâ fuerat urbs nominis ejus, Legunt, *ibi Albia & hic Aleria urbis excidio.* Ibi, scilicet

in Sardinia, hic, in Corsicâ. Itâ restituit Claudius Salmastius in *Exercitationibus ad Solinum pag. 29.* & firmat emendationem Inscriptio de his gestis vetustissima, ad portam Capenam effossa, quam Hieronymus Alexander Parisiis euulgavit, & Iohann. Seldenus prolegomenis de *Diis Syrorum cap. 3.* refert: *Hic. cepet. Corsica. Aleriaque. urbe. dedit. tempestatibus. ædem. merito.* De Cornelio Scipione loquitur, qui hoc bello Pœnos Corsos Sardos vicit. Tabula Capitolina de ejus Triumpho: *L. Cornel. L. F. Cn. N. Scipio. Cos. de. Pœnis. & Sardin. Corsica. An. C. D. XCIV. V. Id. Mar.* Quanquam magno ipsi constitisset victoria ob Corsici maris intemperiem. Hinc intelligimus, de quo loquatur Ovidius:

*Te quoque Tempestas meritam delubra
fatentur,*

*Cum penè est Corsis obruta classis a-
quis,*

lib. 6. fastorum. Nimirum de L. Cornelio Scipione. Proindè Iacobus Thomassinus libro de donariis cap. 23 existimat non satis rectè, sonare Inscriptionem de Marco Marcello, qui à periculo navigationis in Corsicâ & Sardiniam liberatus, ædem extrâ portam Capenam dedicaverit Calendis Iunii. Namque de hac Marcelli dedicatione nuppiam occurrit.

IX. Navium partes & species consideravimus lib. 4. *Antiquit. Roman. dissertat. 1. dist. 1. 2.* ubi legantur. Olim ratibus usi populi, vel etiam cavatis arboribus, ut refert Plinius lib. 16. cap. 41. Rudimenta illa codicaria expolierunt Phœnices, & justam navium formam condiderunt, exemplo ejus quod olim fecerat Noachus Orbis reparata, siue Janus Priscus. Refert Plinius; Na-

ve primus in Græciam ex Ægypto Danaus advenit, ante ratibus navigabatur inventis in mari Rubro inter Insulas ab Erythrâ Rege, lib. 7. cap. 56. Erythrâ Rex vocatur Ulosus à Sanchuniathone Phœnicio apud Eusebium lib. 1. de preparat. Evangel. cap. 10. estque Esavus, quem sacra literæ appellant Edom, primogenitus Patriarchæ Isaacii filius, uti diximus *suprà lib. 1. cap. 20. dist. 27.* Romani incondendis navibus summam adhibebant diligentiam, monèces, seu uniremes, biremes, triremes, quadriremes, quinqueremes, sexiremes, septiremes, octiremes, noviremes, deciremes struendo. Maximæ hæ erant, & de Caligulâ prodit Suetonius: Fabricavit de cedris liburnicas magnâ thermarum, porticuum, tricliniorum laxitate, magnaque etiam vitium & promiferarum arborum varietate, lib. 4. cap. 37. Falsa est lectio, *fabricavit de cedris.* Non equidem negamus, è cedrinò ligno factas esse naves in Oriente uti refert Diodorus Siculus lib. 2. *Bibliotheca*, verum nunc legi debet, *fabricavit deceres liburnicas.* Deceres, id est, decemremes, uti benè exponit Adrianus Turnebus lib. 9. *adversarior. cap. 5.* Scilicet decem ordines remorum habebant naves istæ, quales fuisse Antonii Triumviri naves describunt Strabo lib. 8. *Geograph.* Dion Cassius lib. 51. *histor.* De eisdem Florus: A senis in novenos remorum ordines, castrorum & urbium specie, lib. 4. *histor. Rom. cap. 11.* Quale navium genus ob ingentem magnitudinem tricliniorum & thermarum capax fuit. Minimæ erant uniremes, quas *μνίρες* vocant Græci & Latino vocabulo extulit Livius lib. 38. cap. 38. uti qui sem Godelevius, Gelenius, Fulvius Ursinus, Ioh. Frid. Gronovius, Henricus Savi-

lius

lius, ediderunt: Neve plures quam decem
naves actuarias (nulla plus quam triginta re-
mis agatur) habeto, neve monerem ex belli
causâ, quod ipse illaturus erit. Sic ibi, est que
sermo de fœderis legibus quas victores Ro-
mani pepigerunt cum victo Antiocho Sy-
riæ Rege. Vulgò legitur, *neve minorem ex
belli causâ*. Sed lectio altera uti eruditior,
itâ haut dubie verior est, licet impugnare
velit Ioh. Schæferus *lib. 2. de militia navali*
pag. 81. 82. Hoc jubent verba fœderis: De-
cem actuarias ruditer factas ob tuendos ma-
ris fines & causas alias liceat habere, cate-
rum navem bellicam firmiter constructam
ne minimam quidem, uti moneris esset, ha-
bere deberet. Fuit igitur illa Romanorum
sententia, ut non uteretur nisi modicæ quan-
titatis navigiis actuariis, quæ unius ordinis
remiges per nulla tabulata interflinctos ha-
beant, & in conflictu navali subsidiariæ
poterant, pro salvandis naufragiis, annonâ
convehendâ, explorando, portibus occu-
pandis: careret verò omnibus navibus ad
conflictus bellicos ex sese aptis, quales erant
istæ quæ diversos remigum ordines habe-
bant, rostris & tribulatis confirmatæ, unire-
mes, biremes, triremes. Ne videlicet pacem
mari turbaret.

X. Quomodo sint Remigum ordines illi
numerandi, controversia est apud Eruditos.
Secundum longitudinem laterum à prora
ad puppim, numerant Lazarus Baifius *libro
de re navali pag. 16. 17. 247. 248.* Guilh. Ca-
stilionæus *commentariis ad Vitruvium pag.
118. seq.* Godefrædus Stevæchius *notatis ad
Vigetium pag. 414. 415. 430. 431.* quomodo
Galex nostrates sunt *μονοπόροι*, quæ ab his
trecentis aut quadringentis annis in usu sunt
Europæis atque Asianis, eodemque modo

pingit Iacobus Laurus *part. 3. Antiquita-
tum Romanarum Tab. 15. 16.* Aliter verò nu-
merant Iosephus Scaliger in *Animadversio-
nibus Eusebii* p. 61. *seq.* Salmasius in *Obser-
vationibus ad Jus Romanum & Atticum cap.
28.* Franciscus Stypmannus *lib. 3. de naviga-
tione cap. 3. num. 79. seqq.* Gerhardus Iohan.
Vossius in *Lexico Etymologico pag. 532.* Ioh.
Fridericus Gronovius *notis ad Livium lib.
38. cap. 38. pag. 614. 615.* Ioh. Scheferus *lib. 2
de militia navali pag. 93. seqq.* videlicet, ut
juga & transira remigum penes atque infra
sele ordinatæ essent, à catastromate summo
tendendo versus carinam. Magnorum viro-
rum autoritas tantum apud me valuit, ut
posteriorem hanc sententiam defenderem
in Recensu Antiquitatum Romanarum *lib.
4. dissertat. 1. dist. 4.* Nunc reverti decrevi-
mus ad sententiam priorem, quæ secundum
latitudinem ordines istos, de quibus sermo
est collocat. Et ut constet, quæ de totâ re
maximis difficultatibus obvolutâ, nostra sit
opinio, pauld accuratius inquiremus in testi-
monia Authorum, quos prolixè adfert Ioh.
Schæferus *l. d.* Dicit ille: (1.) *Lucani verba
sunt:*

Summis longè petit æquora remis,
*lib. 3. Pharsal. Summis remis inquit, & qui-
dem longe petuisse æquora, unde facile appa-
rer, alios etiam habuisse remos aquis vicino-
res. Atqui summis, id est superne imminen-
do aquis, & longe, quoniam pro navis ma-
gnitudine diversitas remorum magna fuit,
brevioribusque remis utebantur triremi-
um vectores, longioribus illi qui impelle-
bant quadriremes (2.) Idem ex aliis Scripto-
rum locis comprobari potest. Silius Italicus
ait: Intrat diffusus pestis Vulcania passim,
Atque implet dispersa foros trepidatur omisso*

Summis remigio, sed enim iam rebus in ar-
ētis Fama mali nondum tanti penetrarat
adimos, lib. 14. Quibus verbis nescio an
quid apertius ad roborandam hanc senten-
tiam adduci queat. Atqui verba illa ni-
hil probaverint, si consideres, remiges sum-
mos esse eos qui ad puppim considebant,
imos qui ad proram aquis incubabant, il-
los vocabāt θαλαμίται, hos θρανίταις, quiq;
in medio laborabant erant ζυγίται, uti mo-
net vetus Scholialtes ad Aristophanis Ra-
nas, quem nullo suo merito repudiat Jose-
phus Scaliger. Nimirum pars illa ad puppim
magis erigitur, quæ verò ad proram est, de-
primitur magis. Adhæc in puppi constructū
fuit prætorium, unde factum est ut elatior
videretur puppis. Regerit Schaferus Qui
summos remigum & imos hic pro primis
ultimisq; vel pro iis qui ad proram puppi-
que remigant, accipiunt, illi remi ipsam in-
tellectu parum assequi videntur. Non enim
hic de igne in puppi tantum agitur, sed de ta-
li qui dispersus totos foros impleverat, id
est, per omnes in summo tabulas vagatus,
neccum tamen ad eos, qui in imo erant, pe-
netrare poterat. Resp. Foros vocat, & quis
velit intelligere de tabulato integro à flam-
mis correpto? Tabulati partem aliquam i-
gnis absumserat & quidem proræ instratam,
reliqua perstabat hæcenus incolumis, live
in mediis intervallis, live in puppi. (3.) Ex-
istat apud Arrianum locus lib. 6. Expedit. A-
lexandri, in quo ista remorum in altum & su-
præ se in vicem positorum ratio ostenditur, ip-
sorum, ait, remi inferiores paulo admodum su-
præ undas erant dispositi. De biremibus est ser-
mo, & manifestum est, naves quas describit, a-
lios habuisse remos aque vicinos, alios remo-
iores, adeoque non secundum longitudinem

tantummodo, sed & altitudinem dispositos.
 Respondeo: τὰς κατωκόπας, vocat Actianus
 illos remiges, qui ad puppim sedebant, & fi-
 eri potest ut propter naves aut sistendas, aut
 convertendas aut in unum cogendas, non
 ejusdem longitudinis remos adhiberent
 θρανίταις, quales habebant θαλαμίται. (4.)
 Expressa sunt verba Pausaniæ lib. 7. ubi de-
 scribit τὸ ἐν θύλῳ πλοῖον, his verbis usus, κα-
 θ' ἡγερεῖς ἐν νῆα ἰζέτας ὀπίθ' καὶ ἀσζόμεναι, in
 novenos remigum ordines à tabulato ad i-
 mum distictum. Verbum καθ' ἡγερεῖς notat de-
 scensum à summo adimum, & proinde navi-
 gium illud admirande magnitudinis erat
 ἐννῆρες novem-remis. Respondeo: καθ' ἡγερεῖς
 verà notione est idem quod accrescere, & di-
 cit Pausanias, habuisse navem illam Remi-
 gum ordines novem à proræ tabulato nu-
 merando versus puppim, quilibet ordo, uti
 alias semper, ita nunc complectebatur ab
 uno latere septem remos, quos omnes ab u-
 trovis latere in summam unam redigendo,
 efficias remos centum viginti sex à quibus
 novem remis illa per aquas natando concitabatur. (5.) Virgilius versum appellat hos
 remorum ordines in triremi, cum dicit: Tri-
 plici Pubes quam Dardana versu Impellunt,
 terno confurgunt ordine remi. Quomodo et-
 jam loquuntur alii. Respondeo: Rem unam
 Virgilius enunciat non uno sermonis gene-
 re, quomodo solent Poetæ loqui. Triplici
 versu, id est, totidem intervallis, quibus ab
 invicem separabantur remiges, undè etiam
 tres ordines exstiterunt, quilibet ordo septē
 remos includebat, ut proinde triremis tra-
 heretur quatuoraginta duobus remis, secun-
 dum figuræ ejus modum, quam refert An-
 tonius Baysius libro de re navali pag. 37.
 & falso ipse nobis pro septem remi navi ob-

trudere conatur. (6.) *Lucanus: Cornua Romanæ classis, valisq; triremes. Quasq; quater surgens exstructi remigis ordo commouet & plures quæ verrunt æquora pinus Multiplices cinxerentem*, lib. 3. *Pharſal. Crescere dicit gemino ordine, quæ duplici constant igitur, superiore & inferiore, per modum tabulatorum. Nam longitudo jacet, altitudo crescit vel confurgit. Quæ enim non possunt intelligi remorum ordines in porrectum. Respondeo: Omnino possunt ac debent intelligi remorum ordines in porrectum. Confurgens, id est, augeſcens, in quantum triremis magnitudine inferior erat præ quadriremi, adeoque pluribus remis & remorum ordinibus impellebatur hæc quam illa. Dicimus ergo si in altum & supra se invicem ordines isti numerantur, multas occurrere difficultates: (1.) Quia omnium navium picturæ apud Urſinum, Goſſium, Eriſſum, Gorſæum Petrum Seguinum. Antonium Auguſtinum ostendunt, remos penes se collocatos & ad latera æquales. Nulla verò navis ejus altitudinis reperitur, quæ innuat, quomodo tot ordines supra se positos valuerit comprehendere. (2.) Quia non potuissent regi hujusmodi navium moles, in quibus remorum ordines supra se collocati augebantur ad octo, novem, decem substructiones. Certè remi superiores impedivissent alios, qui in situ æquali erant inferiores (3.) Quia ad impellendam novem remem navem aut eò majorem, non potuissent remi præparari cū debita longitudine, multò minus fuisset virium humanarum opus, tam vastæ longitudinis remos trahere, quamvis plures etiam remiges singulis remis adjungamus, uti alias factum esse constat itaq; Plinius describendo quinquiremem, unà commemorat navē*

istam à quadringentis remigibus propulsam esse lib. 32. *histor. natur. cap. 1.* Scilicet, ab utroque latere navis illa habebat remos septuaginta quorum singulos trahebant, plures remiges, ut remigum numerus quadringentos viros efficeret operi isti incumbentes.

XI. Totus ille navium apparatus à Græcis Insularis & Pœnis ad Romanos pervenit. & Pœnorum quidem magistri fuerant Phœnicum clarissimi, Tyrii. Virgilius:

Urbs antiqua fuit, Tyrii tenuere colonis,

Carthago, Italiam contra Tiberinaque longe

Oſtia, dives opum, studiisque asperrima belli,

lib. 1. *Æneid.* Nobilissima inquam pars Phœnicum, & Oceani Eoi pariter atq; Atlantici olim potentes uti testantur Strabo lib. 16. *Geographiæ*, Pomponius Mela in *descriptione orbis terrarum* lib. 1. cap. 12. Curtius lib. 4. *histor. cap. 15.* Navigationes eorum in Indiæ Orientalis partes notissimæ sunt ex literis sacris, 1. *Regum* 9. 27. 28. Hic enim Ophir fuit auri atque aromatum ferax, uti diximus *supra* lib. 1. cap. 20. *dist. 15. 16.* Postquam Tyrios Chaldæi primùm, inde Macedones spoliaverunt & devastaverunt, navigatio Oceani sensim venit in desuetudinem, cum posterius non æquarent majorum industriam. Atq; hoc fieri poterat eò facilius, quo periculiosior & cum quotidiano damno ferè conjuncta erat navigatio per Oceanum, ob magnetis usum eis incognitum. Certissimum hoc est, veteresque Aristoteles, Marinus Tyrius, Plinius, Ptolomæus, qui de rebus naturalium proprietatibus, aut etiam de rebus ad naviculariam pertinentibus diligenter scripserunt, nulquam tamen magnæ-

tis verticitatem, id est, virtutem *Sopere den-
tium* commemorant quia nesciebant. Con-
tendunt Fullerus *lib. 4. miscellan. cap. 19.* Le-
vinus Lemnius *lib. 3. de occultis natura mi-
raculis cap. 4.* quod magnetis usum in re
nauticâ habuerint cognitum veteres Sido-
nii, Tyrii, Pœni. Verum divinant potius
quàm probant illud quod asserunt, adeoque
rectius negant Iosephus A Costa *lib. 1. de na-
tura novi orbis cap. 17. 18.* Samuel Bochar-
dus in *Geographia sacra part. 2. lib. 2. fol. 716.*
segg. Nicolaus Cabæus *lib. 1. de magnete*
cap. 6. Athanasius Kircherus *lib. 1. de ma-
gnete pag. 18. segg.* Gilbertus Anglus *lib. 1.*
de magnete cap. 1. Legebant oras & du-
ctû siderum regebantur multum, remis con-
fisi, libera vela non semper adhibebant. Ti-
bullus:

Ducunt instabiles sidera certa rates,
lib. 1. Eleg. 10. Petronius: *Gubernator qui*
privigil nocte siderum quoque motus custodit
in Satyrico pag. 117. Adfert Lemnius illud
Planti: Si huc item properes, ut istuc prope-
ras, facies rectius, huc secundus ventus
nunc est, cape modò verloriam, in *Mercato-
re Acti 5. sc. 2. & in Trinummo Act. 4.*
sc. 3. Respondeo: Verforia illa nihil aliud
est quam temo aut velum, quorum opem
avis in omnem partem versâ compellitur, ut
ait Turnebus *lib. 20. Adversariorum cap.*
4. Certè Veneti & Lusitani secuti du-
ctum Canopi, & à litorum indicis quæ-
dam argumenta petendo, meridionales A-
fricæ regiones Indiæque confinia per mare
adiverunt dudum, antequam pyxis nautica
per Flavium Amalphitanum constructa est,
testibus Petro Medinensi *lib. 1. de arte navi-
gandi*, Petro Ciezâ *lib. 2. historie Indice. c. 9.*
Frâncisco Gomara *lib. 1. historie Indice.*

XII. De Pœnorum navigationibus testa-
tur *Periphus Hannonis* Græco sermone e-
dita per Conradum Gesnerum, quam nos
Latinam dabimus, notisq; adjectis explana-
bimus. Ea verò sic habet: Hannonis Car-
thaginensium Regis petiplus seu circum-
navigatio, quâ emensus est Africam ul-
tra columnas Herculis, quem commenta-
rium in templo Saturni consecravit, ista
commemorantem. Placuit Carthaginen-
sibus Hannoni negotium dare, ut na-
vigatione ultrâ columnas Herculis institu-
tâ Libyphœnicum oppida coloniis fre-
quentaret. Et profectus est cum classe
sexagintâ navium aëtuariorum quinquaginta
remis instructarum, ac virorum
mulierumque numero ad trigintâ millia,
habebatque secum frumentum & reli-
quum apparatus portu autem egressi, cum
Herculis columnas præterivissemus, bi-
duique cursum consecissemus, primam ur-
bem condidimus eamq; Thymiatium ap-
pellavimus. Suberat ibi magna planities. Su-
binde ad occidentem proVecti, ad promon-
torium Libycum multis arboribus consti-
tum Soloenta pervenimus Ibi excitato Ne-
ptuni de lubro iterum progressi sumus ad
Orientem solem, donec venimus iter di-
midie diei in paludem non planè à mari,
multâ magnâque arundine plenam. Inerant
Elephantes, aliæque complura, quæ pasce-
bantur, animalia. Cum autem quasi cursu
vnius diei paludem prætervecti essemus, ur-
bes ad mare extruximus, quarum nomi-
na, Cariconticus, Gytte, Acra, Melitta, &
Arambys. Inde digressi magnum fluvi-
um Lixum intravimus, quod ex Libya ori-
tur. Accolas habet pastoritium genus
Lixitas, pecoribus pascendis deditos, cum
qui-

bus amicitia conjuncta aliquantum temporis substituit. Suprà horum regionem *Æthiopes* omnis hospitalis commercii expertes terram incolebant feris plenam, magnisque distinctam montibus è quibus originem *Lixi* repetunt. Cìrcà montes autem inusitatà specie homines habitant, *Tioglodytæ*, quos cæsis equorum pernecitate anteire, *Lixitæ* ferebant. Nos inter pretibus acceptis deserti oram ad meridiem per biduum prætervecti sumus, unde rursum ad Orientem solem conuersi, unius diei cursum confecimus. Ibi in recessu cujusdam sinus exiguam insulam, stadiorum quinque ambitu inuenimus, eamque deductis colonis *Cernen* appellauimus. Notauimus autem in circumcundo, eam è regione *Carthagini* sitam esse. Videbatur enim cursus *Carthagine* quidem ad columnas, inde ad *Cernen* æquali intervallo procedere. Inde per ingentem cursu delati flauium in stagnum, nomen est *Chretes*, peruenimus, in quo tres cernebantur *Insulæ* majores quam *Cerne*. Ab his confecto cursu diurno in sinum quandam stagni peruentum est. Imminebant autem ita gno alti montes, è quibus homines feræ & belluarum pellibus amicti, saxa jaculantes nos abigebant, neque egredi navibus sinebant. Digressi inde in alium delati sumus flauium magnum & ratum, in quo multi *crocodili* & *hippotami* viscebantur. Tum conuerso cursu ad insulam *Cernen* regressi sumus. Illinc versus meridiem profecti duodecim per dies oram legebamus littoris, in quo *Æthiopes* habitabant, refugientes congressum nostrum, linguâque utentes etiam *Lixitis*, qui nobiscum erant, parum intellectâ. Postremo die ac-

cessimus ad montes magnos & siluosos, ignis arborum odore & varietate notabilibus. His biduo circumitis in immensum maris barathrum delati sumus. Ejus maris ab alterâ parte planities erat, unde de nocte prospiciebamus, ignem undique efferri per intervalla locorum, alibi magis, alibi minus. Aquâ autem inde petita, ulterius protracti, quinque diebus oram legebamus, donec in magnum quandam sinum, quem *Interpretes Hesperium cornu* vocari aiebant, deuentum est. Hic *Insula* erat ingens, & in *Insulâ* stagnum maris specie, & in stagno alia *Insula*. In hanc exscensione factâ interdiu quidem nihil cernebamus præter silvam, nocte autem multi ignes collucebant, & vox tibiarum tum cymbalorum & tympanorum strepitus cum clamoribus dissonis audiebantur. Timore itaque nos perterritos, vates quoque abscedere *Insula* jubebant. Celeriter igitur profecti regionem præterivimus odoribus æstuantem, unde & plures igniti torrentes in mare ferebantur, ita ut præ fervore inaccessa esset, quare neque hic moras trahere pavor nos sinebat, repetito autem cursu, post quartum diem appuruit nobis de nocte terra flammis plena, cujus in medio ignis altissimus majorque cæteris sidera attingere videbatur, diurno autem tempore montis maximi speciem præferebat, quem deorum vehiculum appellabant. Tercio post die præteritis illis ignitis torrentibus, in sinum peruenimus, qui *Cornu Austri* vocabatur. In recessu *Insula* erat priori similis stagnum habens, in quo alia *Insula* feris plena hominibus, multò plures autem feminæ inerant hirsuto corpore, quas *Interpretes* vocabant *Gorillas*. Cum autem

con-

consecraret incolas, vitorum quidem neminem intercipere potuimus, omnes enim effugerunt, per præcipitia discurrere & nullo negotio vim à se propulsare assueti. Fœminæ autem tres captæ, eos à quibus ducebantur, morsu laniantque appetebant, neque sequi volebant. Occisistam pelles detraximus & Carthaginem detulimus. Neque enim ulterius navigare contendimus, cum annona jam nos deficere cœpisset. *Flaccinus Periplus.*

XIII. Et quanquam de istâ Hannonis relatione non adeo præclare sentiant Gerhardus Joh. Vossius lib. 4. de *Historiis Græcis* pag. 513. 514. Georgius Hornius *Introductione ad Geographiam antiquam*, malintque inter fabulosa referre, vix tamen fidem fecerint illis qui accurato examine instituto, fabulas nullas in verissimâ relatione compertient. Testatur Plinius, quod Carthaginis potentiâ florente, Hanno extrâ Gades profectus maritimo itinere Africam totam circumnavigaverit, adusque fines Arabiæ, & navigationem illam prodiderit scripto, lib. 2. *histor. naturalis* cap. 67. Quanquam, uti statim declarabimus, vix dimidium Africam circumnavigaverit Hanno, & ob falsa aliorum narrata, qui Punicas antiquitates non satis intellexerant, factum sit, ut Plinius vera falsis permisceat. *Hannonis Carthaginensium Regis.* Apud Phœnicas & horum colonos Pœnos תנא erat quilibet magistratus, etiam cum potestate modicâ, itaque Hanno vocatur Rex qui officii ratione Sufes erat, uti prolixius dictum est *suprà lib. 1. cap. 13. dist. 1.* ubi legatur. *In templo Saturni consecravit.* Quem illi colebant sub nomine Moloch, uti Orientis populi communiter vocabant, & nos

docuimus in Recensu Antiquitatum Romanarum lib. 1. cap. 6. *dist. 11.* ubi plura testimonia protulimus. *Libyphœnicum oppidum colonis frequentaret.* Namque Tyrii, Sidonii, Palæstini mariumi, in vicinâ illa dudum ante per naves ultro citroque commeando urbes aliquas condiderant quod refert Strabo lib. 1. *Geographiæ.* *Eamque Thumjaterium appellavimus.* Θυμιατηρία vocat Stephanus περιπλῆστον, & sonabat lingua Punicâ מְתַנְיָתַר quasi מְתַנְיָתַר dixeris, id est, campestris urbem. Fortè non procul inde, ubi nunc est Tingi, quam urbem esse originis Phœnicicæ, refert, qui ibi natus est, Pomponius Mela lib. 2. de *situ Orbis* cap. 6.

XIV. Sequitur: *Ad promontorium Libycum multis arboribus confutum, Soloëntia pervenimus.*] Stephanus l. d. σολῆντα της Λιβύης, nomen Punicum fuit מְסַלְתָּא. Hodiè est Capo Cantin. מְסַלְתָּא נִיפְתָּא מְסַלְתָּא.] πεσεδῶντος, quem vocabant Melicartum, ut autumat Nicol. Fullerus lib. 3. *miscellan. sacrorum* cap. 16. Nomen est Phœnicum מְסַלְתָּא, ὁ πῆλινος. Quare Seldenus Syntagm. 1. de *Diis Syriorum* pag. 182. scribat, quid sit ἀρδῶν in *dist. 1.* οὐδὲν ἔστιν ὅτι non satis intelligo causa nulla est evidens, ut pote quodeum latere non posset manifesta vocis compositio secundum dialectum Syriacam. *Quantum nomina Caricenticis Gytte, Aera, Melitea, & Arambys.*] αραμῖντος ἔστιν ὁ πῆλινος murus Solis, quem urbem in Moabytarum regno commemorant sacræ literæ, 2. Regum 3. 25. Esaiæ 16. 11. γῶντις ἔστιν ἡ περὶ pecorosa, quod ibi pascua loca viderentur pecoribus alendis incrementum addere posse. ἀραμῖντος est notissimum illud מְסַלְתָּא, munitionum, quo-

modò valet 2. Samuel. 7. 9. 1. Maccab. 1. 35. μέλιττα est מליטא urbs lateritia, id est coctis lapidibus substructa. ἀρσμβος est ארסבוס mons uvarum, namque vites in istis locis copiam magnam extitisse, produnt Strabon lib. 17. Geograph. Plinius lib. 5. histor. natur. cap. 1. De his civitatibus non amplius existat, quod locis illis ob arenosum solum male cultis vix proficere incolæ possent. *Inmagnum fluvium Lixum pervenimus.*] 2. 15. 3. est à Phœnicio שׁלֵי sive leo, oritur enim ex Æthiopum circa montem Atlantem terrâ ἡλιώδεια sive feris & leonibus frequenti. Hodie est Tensist apud Joh. Leonem lib. 9. descriptionis Africa. *Deserti oram admeridiem.*] Ubi nunc sunt Zanhaga & Gualata Nigritarum. *In recessu iuxta sinum.*] Ubi nunc est Capo Blanco. *Deductis coloris Cerneri appellavimus.*] Nomen Phœnicicum, est חרמא postremum habitationis, sive ultima habitatio, uti monet Samuel Bochartus part. 2. Geogr. sacræ lib. 1. cap. 37. Ultima autem & Dionysio dicitur.

πυμῆλις παρὰ ἱμπερακίης.

in Periegesi. Phœnices enim ulterius coloniâ nullam deduxerant hactenus, primusque Hanno terminum hunc navigationis excessit. Cernen esse usquam locorum, negat Strabo lib. 1. Geograph. & cum Eratosthene litigat, quod ille talem Insulam aliquam in Oceano ponat. Verum Eratosthenes sequebatur Pœnorum antiquas relationes ipsi exactè cognitâs, quas omnes in dubium vocando Strabo, non est mirum, quod parum fidei adhiberit eis qui Cernen in Oceano Atlantico sitam tradebant. Esse verò Insulam eam, quam Maderam hodie vocamus arbitrantur Gesnerus notatis ad Pe-

riplum, & Phil. Cluverus *Introduct. Geograph. lib. 6. cap. 10.* Verum illa procul à continente, distat, & ab omni ætate inculta fuit. Non majori probabilitate differit Georgius Hornius lib. 2. *Originum Americanarum cap. 9.* quod fuerit Canaria aliqua. Sanè hæc etiam procul à Continente abest, quamvis haud negare velim, Canariis primùm habitas fuisse à Phœnicibus, quandò in Mauritaniâ confedisse Amorrhæos dictum est *suprà lib. 1. cap. 20. dist. 29.* unde in has Insulas brevis est trajectus. Cumque Plinii & Solini ævo desertæ jacuerint, oppidorum ruinis exstantibus, inde colligas, earum incolas aliò profectos, & fortè in Americam. Donec Mauri eas repeterent, suæque gentis hominibus implerent. Multas aliorum conjecturas profert Abrahamus Ortelius in *Theatro Geographico*, quos inter Joh. Baptista Rhamnusius in *Itinerario Orientali*, & Joh. Mariana lib. 1. *descriptionis Hispania* dicunt esse promontorium Arguin, retinetque; Isaac Vossius *notis ad lib. 3. Metæ pag. 309.* Nos tamen malumus exponere, ut sint Insulæ dos Couros. *Peringentem cursu delati fluvium in stagnum.*] Nescio quomodò illa in Punico, sonuerint. Hoc verum est quod litus infrâ dictas Insulas sit vadofum ob syrtes, & plures Insulas habeat ad promontorium Arguin. Vocant nunc Insulas Darao. Flavius Chretes corrupto nomine est, quod emendatius pronunciat Aristoteles, χαρμῆτις, lib. 1. *Meteororum cap. 13* estque Punico sermone כרמא נדר fluvius vinearum, quandò constat, iis locis vineas copiosas olim fuisse. *In alium delati sumus fluvium magnum.*] Est Rio Sancti Johannis. *Oram legebamur littoris.*] Traiectus ille ad matrem vo-

catur Còsta de Anderotte. *In immensum maris barathrum.*) Ubi nunc est Capo Tarem. Ignem undique efferris per intervalla locorum.] Quod hodiè etiam faciunt, atque incensus facibus abigunt belluas. *Quem Interpretes Hesperii Cornu vocari ajebant.*) *ἡσπερίης*: est promontorium illud famosum, quod Capo Verde appellatur, uti rectè observat Ortelius in *Thesaurò Geographico*. Valdè hallucinantur Petrus Bertius lib. 1. *Tabularum contractarum* pag. 48. Hugo Grotius libro de *maris libero* cap. 5. Joh. Isaac Pontanus lib. 2. *diffusionum marinarum* cap. 5. cum ad promontorium Bonæ spei pertrahant, neque enim consueque progressus fuit Hanno. *Insula erat ingens.*) Suprà atque infrà promontorium illud sunt plures Insulæ, magni etiam lacus, in lacubus exstant syrtis. Quæ omnia sunt à fluvio Negro qui in tractu illo pluribus ostiis mare petit. *Præterivimus regionem odoribus asfuantem.*) Ob palmas ibi frequentes. *Plures igniti torrentes.*) Aquæ fervidæ ob æstum in Zonâ torridâ summum. *Terra flammis plena.*) Ob causas illas quas ante diximus. *Quem Deorum vehiculum appellabant.*) Sunt montes Guinæ. *Qui Cornu Austri vocabatur.*) Est Sierra Leona promontorium Guinæ adeò altum, ut ducenis & amplius passuum millibus nonnunquam conspiciatur. Latera ejus perpetuò virent odoratis omnium generum arboribus, vertex æternis incingitur nebulis, quas ne ardentissimus quidem Sol unquam dispellere ac vix perturbare possit. Hinc fit, ut continuis fulminibus ac tonitruis noctu præsertim verberetur, quorum fragor est similis rugitui Leonum, atque inde promontorio Lusitani dederunt nomen, *Insula*

erat prioris similis.) Hodiè vocatur Roxa, estque non procul inde fluvius dos palmarum. *Examina merant hirsuto corpore.*) Meminit Plinius lib. 6. histor. natur. cap. 31. *Vocabant Gorillæ.*) Aut verius Gorgidas, unde sunt Insulæ Gorgides ad promontorium viride quas alio nomine vocamus Hesperidas. De his Marcus Lescarbotus lib. 1. *Francia Occidentalis*. cap. 3. ait: Hesperides sunt Insulæ Cuba, Hispaniola, reliquæ in freto Mexicano. Hierusalem ibi fuisse, haud alienum est à virtute ejus. *Sic ille.* Quod vanum est, quandoquidem de promontorio Hesperio satis constat ex præcedentibus. *Pelles detraximus.*) Quæ in Junonis templo repositæ videbantur usque ad Carthaginem captam, ait Plinius l. d. *Neque enim ulterius navigare contendimus.*) Non ergo pervenit in Arabiam, secus quàm Plinio visum fuit, perindè uti refert. Metello Galliæ Proconsuli Indos à Rege Suevorum dono datos esse, qui ex India commerciorum gratiâ navigantes, vi tempestatum abrepti fuerant in Germaniam. Sanè indi non fuerunt, quanquam Franciscus Gomara lib. 1. *rerum Hispanicarum* contendat, hos venisse à Laboradoris terrâ, quæ est pars Americæ septentrionalis. Quod si verum est, oportebat eos per mare hyperboreum irrupisse in mare Septentrionale, itinere prorsus impossibili. Itaque Isaac Vossius notis ad lib. 3. *Pomponis Melæ* pag. 249. 250. ezistimat, legi debere in Plinio, *Rege Batorum*. Batos ait esse Batavos, & qui ad illos naufragio facto appulerant, Britannos fuisse homines Indis similes, quod Britanni olim corpora sua furo cæruleo pingerent, ut Indos fecisse constat. *Sic ille.* Atqui magis verosimile est, fuisse Grunlandos & Laponnos, qui in mari Cron-

navigantes, cumque ventorum impetulo-
 Stati Codanum sinum petiverunt, inque
 Balthicâ Germaniâ naufragi appulerunt, no-
 vi hospites, nova monstra Regibus oblata.
 Et Rex ille Suevorum erat qui imperabat
 populis ad Mare Balthicum sitis. Hos enim
 Suevos appellatos fuisse, constat ex Julio
 Casare lib. 4. commentar. Tacito libro de
 moribus Germanorum cap. 45.

XV. Quæritur: An mare magnum possit
 dominio occupari? Respondeo: De fluviis,
 lacubus, stagnis controversia nulla est, quin
 possint dominio proprio occupari ab illo
 domino, qui littora & circumfisos agros in
 potestate habet: verum de Oceano ipso
 controversia est, an partem ejus insignem
 possit Rex aliquis jure proprietatis sibi asse-
 rere, ut ab ejus communi usu populos alios
 removeat? Negant Hugo Grotius libro de
 mari libero cap. 5. & lib. 2. de Jure belli ac pa-
 cis cap. 3. dist. 8. seqq. Theodores Graswin-
 kelius in vindiciis maris liberi, Franciscus
 Steytmannus lib. 1. de Navigatione cap. 4.
 num. 16. seqq. Johan. Isaacus Pontanus lib. 2.
 discussionum marinarum cap. 2. Adferunt
 rationes: (1.) Quod tanta est maris magni-
 tudo, ut ad quemvis usum populis omnibus
 sufficiat, videlicet ad hauriendam aquam,
 ad navigationem, ad piscandum. Respondeo
 Abundantia rei non vetat, quin illa sub do-
 minium veniat. Potius, quia totus Ocea-
 nus sufficit omnibus populis & ad omnes
 usus, occupari potest per partes insignio-
 res citrà injuriam alterius. Remanet e-
 nim semper de toto, quod aliorum usibus
 sufficit. (2.) Quod occupatio non procedit
 nisi in re terminatâ, ergo liquida quæ per se
 non terminantur, non possunt occupari. Re-

spondeo: Quamvis Oceanus haut termine-
 tur finibus suis, attamen finibus alienis con-
 cluditur, idque sufficit ad statuendum domi-
 nium. Nimirum terminatur litoribus, quod
 tum sacrarum literarum auctoritas, Jobi 38.
 8. Proverb. 8. 59. tum universalis hominum
 consensus oppidò confirmant. Regerit
 Steytmannus: Littora solum definiunt ma-
 ris extrema, l. d. num. 90. Atqui ita est, quod
 extrema finit. Neque enim alius usquam est,
 quàm extremorum terminus, & ripæ non-
 nisi extrema fluminis terminant, quæ tamen
 dominio occupari posse nemo ausit inficia-
 ri. Pontani exceptio est: terminant equi-
 dem sinus & littora vera, verum quid hoc ad
 vastum Oceanum? Respondeo: Etiam Ocea-
 no ponere liceat terminos, quales sunt sco-
 puli, adversa invicem promontoria, insulæ
 hinc inde sparæ, è quibus possunt mathema-
 ticæ liniæ quaquaversus duci. Ità Persæ &
 Græciæ populi invicem pepigerunt, ne qua
 navis Medica armata extra Cyaneas & Che-
 lidonia navigaret, teste Plutarcho in vita
 Cimons. Infædere illo quod post Reges e-
 jectos Romani cum Pænis fecerant, conve-
 nerant, ne Romani & horum socii, ultra Pul-
 chrum promontoriū navigarent, extra quod
 si tempestatis aut hostium vi compulsi essent
 nihil acciperent præter necessaria, & intrâ
 diem quintum abscederent. Sarpædon &
 Cadycædus promontoria Ciliciæ, sunt ad
 maritimum dominium distinguendum ter-
 mini in fœdere, quod Romani & Antio-
 chus Syria Rex iniverunt, teste Polybio li-
 bro de Legationibus cap. 35. (3.) Mare dici-
 tur esse commune, perinde uti communis est
 aer, l. 3. §. 1. ne quid in locis publicis. Re-
 spondeo: Verum hoc est de libero usu maris

& aëris, quique non est cum emolumento peculiari, undè alii damnum conciliatur, qui litora & terras occupavit. Propterea neque aucupium omnibus ubique licet, quia ejus est cælum cujus est solum, neq; piscationes licent, quando certis in locis certa piscium genera nutrit mare, undè amplius quaestus redire potest ad populum illum, qui ob littoris viciniam propior est ad procurandam, capturam. Ità nec aër communis adeo est, ut eo pro lubitu utamur cum proximi damno. Statuta nota sunt de ædibus non altius tollendis, de luminibus non offendiendis in contermino aëre, undè in novo opere nunciato, tam soli quam cæli mensuram esse faciendam, ait Pomponius l. 21. ff. Tit. quod vi aut clam § 2. Concludimus ergò quemlibet esse dominum rerum suarum, quæ vel stabiles sunt, vel cum stabilibus jure quodam utili coherent, uti sunt littorum excursiones per mare, quæq; littoribus appropinquant, nimirum pisces, corallia, gemæ, succinū, portus, pontes, arundines, scirpus, arenæ metallorū feraces cannæ aromaticæ, salicæ.

XVI. Instat *Strymannus*: Natura instituit commerciorum jus, quod tollitur, cum mare prorsus clauditur. *Respondeo*: Non tollitur commerciorum jus, verum potius stabilitur, cum quisque velit rebus propriis, non suo tantum, sed etiam aliorum bono uti. Verbo, non dubitatur commune esse, verum quomodò communitas illi ad hunc vel illum restricta locum usui par possit, ut communitas omnium locorum inde usum habeat, quæritur. Nos cum Johanne Selden lib. 1. de mari clauso cap. 1. 2. seqq. Tomâ Rivio lib. 3. historia navalis cap. 27. 38. Bartholomæo Morisoto in Orbe mari-

timo lib. 2. cap. 1. seq. Jacobo Godofredo libro de Imperio maris, Guilhelmo Wood libro de dominio maris c. p. 4. f. 1. Johanne Strauchio dissertatone de imperio maris quæst. 2. affirmamus, quod Princeps aliquis possit Oceani partem terris suis vicinam & commodam dominio suo occupare. Rationes nostræ sunt istæ: (1.) Quia jurgentium probat, esse Reges populosq; suos cum maris dominio potentes, quatenus illud navibus & commerciis suis onerant, sibi que afferunt quousque terræ ipsorum stabiles permittunt. De Hebræis in. Oceani partes vicinas jura sua exercentibus, testantur literæ sacræ, Genes. 49. 13. Numer. 34. 6. Dent. 33. 23. Judic. 5. 17. Excipit *Strymannus*: Loquuntur ista de particularibus maribus, l. d. num. 81. Respondeo: Istæ verò sunt pars magni maris, adeoque hoc volumus, neque enim dicimus mare magnum esse Regis unius proprietatem, sed partes ejus perinde esse dividuas, ut possint dominio occupari, cui quidem sit inter cæ solidi. (2.) Quia est populorum universalis in hac re consensus, itaque antiquissimum maris dominium ob classem potentium erat Minois Regis in Creta, τῆς ἰσθμικῆς θαλάσσης π. π. πλεῖστον ἐγκράτειν, de Rege illo ait Thucydides lib. 1. hist. Eum deinceps Rhodii, Cyprii, & imprimis Tyrii sequuti sunt, de quibus est Ezechiel. 27. 3. 4. seqq. Ab his Græci maris usum in commerciis agitantibus & portibus aperiendis acceperunt, ut prolixè ostendit Seldenus lib. 1. de mari clauso cap. 9. 10. seqq. Dicit *Strymannus*: Specialis gentium relatio nihil concludit ad universalem. *Respondeo*: Inductio certè multum concludit, ubi de gentium moribus pro jure ipso

inferendo semper voluerunt Prudentes ita agere. Est enim hoc jus, ut recte notat Dion Chrysostomus, *ἡ νόμος ἐστὶν καὶ ἡ χάρις, repositum temporis atque usus*, itaque non potest aliter probari quam usu continuo & peritorum testi monio. Regeat: *Conditio res obstat*. At qui non obstat, quoniam res ipsa uenfurati potest, & Reges moribus suis usu consuetudine in sanciverunt, quæ Legis instar sit. (3.) Quia à Græcis idem jus acceperunt & defenderunt Pœni, Hispani, Galli, Britanni, Suedi, Norvagi, Dani, omnes Europæ populi ad mare liti, & maris dominio aliquo ad privatam emolumentum semper usi, ut alios inde velut peregrinos aut excluderent omnino aut sub onere vestigiarum admitterent. *Totus mundus illo jure utitur*, ait Chacheranus *de off. Pedemontana* 155. num. 4. & porro ostendit Joh. Seldenus *l. d. cap. 14. 15 seqq.* (4.) Quia Romani imperium exercuerunt in quasvis Oceani partes ipsis vicinas, quod satis docet Lex Rhodia de *judic. ad quam* doctissimum commentarium edidit Jacobus Godofredus, eique adde Arnoldum Vinnium *notis ad Petri Pocki jus maritimum*.

XVII. Nos describemus quædam à *Samuele Petito*: Non satis, *inquis*, diligenter excussa sunt, quæ refert ex Lege Rhodiâ *Volusius Mucianus lib. 9. D.* Quid hic monstri est, eos qui in mari ad Italiani naufragium fecerunt, à publicanis qui in Cycladibus sunt insulis, direptos fuisse? *ναυράγιον πυνήσαντες ἐν τῇ Ἰταλίᾳ, διηρηγήμεν ὑπὸ τῶν ῥωμίων, τῶν τὰς κυκλάδας νήσους οἰκούντων*. Unde publicani Cycladom Insularum ad Italiani? Præterea non negat Antonius, se maris dominum esse, ut non possit

leges dicere iis, qui navigant, vides enī ut velle jus dici Eudæmoni & publicanis, qui in Cycladibus Insul. s. ex Lege Rhodiâ; neque item dicit, se ita teneri hac Lege Rhodiâ, ut non possit omnino Eudæmoni succurrere adversus hanc legem, si quid illi fiat injuriæ sed vult Eudæmoni judicium reddi ex hac quidem lege, ita tamen ut Romanarum legum nulli adversetur hæc lex. Atque ex his manifesti satis arguitur vitii hic locus de ejus porro emendatione agendum restat. Rescribendum itaque putamus, *ναυράγιον πυνήσαντες ἐν τῇ Ἰταλίᾳ, διηρηγήμεν ὑπὸ τῶν δημοσίων, τῶν τὰς κυκλάδας νήσους οἰκούντων*. Corruptio hinc manavit. Scriptum olim, *ἐν τητινάλαι* quod cum non intelligerent homines libris corrumpebantur, mutaverunt in *ἐν τῇ Ἰταλίᾳ*. Emendationis ratio hæc est: Telus una erat è Cycladibus. *Στρίβανος, τῆλ' ἔστι, νῆσ' ἔστι τῶν κυκλάδων*. Dixit autem Eudæmon, *ναυράγιον πυνήσαντες ἐν τῇ Ἰταλίᾳ*, supple *θαλάσση*, naufragium fecimus in mari Telino, sive ad insulam Telum, quæ ut diximus, una erat de Cycladibus itaque publicani quæ in Insulis erant Cycladibus, undique ad volaverunt, uti diriperent merces, quæ naufragio peribant. Sequitur in rescripto Antonini ad Eudæmonem, *ἐγὼ μὲν τὴν κόσμον κύρω, ὁ δὲ ἀνεμ' ἔστις θαλάσσης, ἡ νόμος ὡς ῥωμίων κρινέτω ὅτι ἀναπικῶ*. Querebatur Eudæmon, se naufragium fecisse, & præter ea merces suas in naufragio à publicanis direptas fuisse. Ad prius respondet Antoninus, se quidem orbis dominum esse, sed tamen vento imperium esse in mare, *ἐγὼ μὲν τὴν κόσμον κύρω, ὁ δὲ ἀνεμ' ἔστις θαλάσσης*, neque à se vento legem poni posse, itaque ne faceret

que incolumes dimittantur. Admittuntur, et audiantur & responsum ferant super illis quæ Regis, quæ populi sui nomine denunciant. Nisi iusta sit causa denegandi aditum, quod sæpè contingit. Ità Rablaces Assyriæ Regis legatus ad populum in Regem suum concitandum missus, non fuit admittus intra urbem, 2. *Regum* 18. 17. *seqq.* Veneti missum à Cæsare Maximiliano I. Legatum Reinaldum minus accepta dicturum, admitterunt quidem, sed custodibus appositis prohibuerunt, ne quem in iussu Patrum alloqueretur, quando securitas Reipublicæ ita volebat, Bemibus *lib. 7. historia Veneta pag. 272.* Dimittuntur, ut Regi & populo suo reddant, quod responsum acceperunt. Proinde Legatis non debet injuria inferri: (1.) Quia res gerunt nomine dominorum suorum. (2.) Quia necessariò Interiuncti tales sunt, ut eis societas gentium carere non possint. (3.) Quia Jus gentium idem stabilivit communi assensu, ne Barbaris quidem exceptis, uti docent *Tacitus lib. 1. Annal. Livius lib. 4. histor. Julius Cæsar lib. 3. de Bello civili, Cornelius Nepos in vita Epaminondæ, Vellejus Paterculus lib. 2. histor. Cicero Orat. 5. in Verrem, Procopius lib. 3. Gothicorum, Josephus lib. 15. Antiquitatum cap. 18. Joh. Mariana lib. 12. histor. cap. 7.* (4.) Quia Reges autoritatis suæ observatissimi propter Legatos suos malè habitos denunciaverunt bella, 1. *Samuel.* 10. 2. 3. *seqq.* (5.) Quia Reges & populi contumeliæ in Legatos admittæ rei damno atque interitu suo militiam istam luerunt, uti patet. Ammonitis interitum attulit, 2. *Samuel.* 12. 29. 30. Romani ob Legatos suos aut malè habitos aut interfectos bello everterunt Illyrios, Achaos, Senonas Bojos, Samnites Florus

lib. 2. cap. 5. Cicero Orat. pro Lege Manilianæ, Polybius lib. 2. histor. Livius lib. 4. Alexander Magnus solo acquavit Roentissimos Tyrios ob Legatum suum ab eis occisum, Curtius lib. 4. histor. Tamerlanes bello devastavit Syriæ Regem Turcum ob causam eandem, uti prodit Arabas fides lib. de rebus gestis Tamerlanis pag. 165. Scyrmus Turcus profligavit & omnino deleuit Mamalucos, quoniam Legatum suum ad eos missum interemerant, Leonclavius in historia Turcica lib. 17. Jovius lib. 17. & 18. histor. Ludovicus XIV. Francia Rex propter Legatum suum Romæ non satis reverenter habitum, Papæ denunciavit bellum & Avenionen urbem illi eripuit, uti diximus in Recensu historiæ universalis lib. 13. cap. 4. diss. 11. Deinde verò reddidit motus pietatis argumento, uti credo, & quod Comitatus ille velut pars Regni Arelatenfis ad Imperium pertineat.

II. *Denunciat.* Non tantum Legati ipsi, verum etiam comites & ministri eorum securitate publicâ gaudent. Aequissimum enim est, oneris socios & ministros honoris quoque communionem gaudere, ideoque si quis eorum quempiam contumeliâ affecterit, pari scelere & sceleris lege tenetur: Salustius de bello Jugurthino: *Est reus magis ex æquo bonoq., quam ex Jure Gentium Bomilcar comes ejus; qui Romam fide publica venerat. Bonum & æquum, id est, meum naturæ jus patitur pœnas exigi, ubi reperitur qui deliquit, at jus Gentium Legatos, & qui his similes fide publicâ veniunt excipit. Nec tamen privilegio isto abuti debent, ut facinorosis receptum dent, magistratu repugnante, domi suæ. Uti enim Principi injustum & crudele esse du-*

civ

atur, quando indulgendo parcit facinorosis, ita patrocinium hujusmodi censetur Legato indignum esse, qui neutiquam mittitur, ut alterius Principis jurisdictionem turbet. Abondus, Cavallà, & Valerius ci- ves Veneti, postquam arcana quædam de- natus in præjudicium Reipublicæ enuncia- verant, proditores declarati sunt, itaque in ædes Legati Gallici, qui tunc Venetiis ade- rat, confugerunt, cumque postulantibus Officialibus nullo modo traderentur, na- vigio cum apparatu bellico ante ædes Le- gati collocato, demum traditi & supplicio affecti sunt. Quodcum Rex Galliarum rescivit, tantisper coram admittere noluit Lega- tum Venetum, ut animi indignationem o- stenderet, fortè in publico occurrenti Lega- to objecit factum iniquissimum, quando haud æquo animo lauturos Venetos crede- ret si contra eorum Legati domum officia- les sui eadem molirentur. Cui statim Ve- netus Legatus respondit, se optare, si qui es- sent contra Regem proditores, ut in domo ejus apprehendi possent, eos se statim dediturum, cum pro certò haberet, si secus face- ret, Rempublicam Venetorum haudqua- quam approbare velle, Paulus Paruta *lib. 11. histor. Veneta.*

III. *Apud exteros.* Legatus debet esse vir optimi generis, civis, eruditione & re- rum gerendarum dexteritate instructus, præstans ingenio, quod prolixè exponunt Albericus Gentilis, Carolus Paschalius, Fridericus Mafselar *libris de Legatorum jure conscriptis.* Quæritur hic: (1) *An Exsul ad Principem suum Legati nomine rede- unt, securitas debeatur?* Respondeo: Ne- gat Albericus Gentilis *lib. 2. de Legatis*

cap. 10. ubi certissimum esse ait, si exsul ad- loca interdicta redeat, plecti capite polle- neque jurare cum Legati nomen. Exem- plum est in Cardinale Polo, qui proditio- nis condemnatus ab Henrico VIII. Rege Angliæ, clanculum fugit ac Romæ invenit receptum, inde missus à Papâ ad Regem Galliarum Franciscum I. ut res quasdam nomi- ne Curia Romanæ ageret, ab Henrico po- stulabatur, ut ad supplicium dedere vellet e- um Gallus, verum non obtinuit, & Polus quidem eo tempore non ad Regem Angliæ, à quo proscriptus fuerat sed ad Regem Gal- liarum Legatus ibat, cui nec subditus nec ob- noxius ullo modo fuit. Sed postea cum Ma- ria Regina præerat Angliæ jam Philippo Regi nupta, & Polus iste legatione sanctissi- mæ missus à Papâ contenderet in Angliam, ad repurgandam illam à sordibus hæreti- corum, duo proceres Regni cum mandato Regio aderant Bruxellis, ut honorifico or- narent comitatu, ipse tamen regnum vole- bat ingredi, antequam in comitiis Regni le- ge de proscriptione ejus abrogatâ omnibus nobilitatis & patriæ juribus restitutus suis- set, Goodwyn in *Annalibus Angliæ annis* 1537. & 1554. Verum affirmativa placet exemplo ejus quod Perseus Rex Macedo- niæ exsulem Illyricarum misit Legatum ad Illyriæ Regem Gentium, & verò Gentius cum Legati nomine exceptum honoribus debitis affectit. Livius *lib. 43. histor.* Di- cit *Gentilis*: Si iste Legatus nihil mali per- pessus est, non ad jus, sed ad factum refera- tur. Respondeo: Imò est Juris. Certe Ius Gentium de securitate Legatis præstanda nullam exceptionem habuit unquam, & ve- rò Exsul non nisi tunc violat Regis sui jura, cum

cum cedit privato instinctu, Regi suo quasi contumeliam facturus: sed cum à Rege alio famæ restitui cœpit, illius dignitatem percepit aliquam, itaque lædi non potest, nisi ut amicitia mittentis simul lædatur.

IV. Quæritur: (2.) *An Legatus, qui per nostros fines ad hostem proficiscitur, ut cum illo fœdus rebus nostris detrimentosum ineat, securitatem obtinere debeat?* Respondeo: Negant Balthasar Biala lib. 1. de Jure belli cap. 9. num. 5. Hugo Grotius lib. 2. de Jure pacis & belli cap. 18. dist. 5. Balthasar Cellarius lib. 2. Institut. Politicar. cap. 9. dist. 7. Fridericus à Marselar lib. 2. de Legato dissertat. 13. Joh. Cockier libro de Legato cap. 40. Mich. Piccartus in Philosophia Aldorfina Disputat. 46. quæst. 4. Rationes adferunt:

(1.) Quod Legatus est cum isto nomine & privilegio tantum ejus, ad quem mittitur, neque ergò alios ad reverentiam obligat. (2.) Quod Legatus est pacis internuncius, neque ergò debet parci illis qui bella concitare volunt. (3.) Quod defensio permittit, ut hostium conatus quovis modo avertamus. (4.) Quod sunt exempla Atheniensium & Hispanorum. Illi quidem Legatum à Spartanis missum ad Persas interceperunt & occiderunt: hi verò Galliæ Regis Legatos Rinconum & Fregosum ad Turciæ Sultanum euntes, in Pado apprehensos interfecerunt, Petrus Bissarus lib. 21. histor. Ital. Paulus Jovius lib. 40. hist. Laurentius Surius in historia Germania pag. 479. Hæc illi. Respondeo: (1.) Legatus est talis apud omnes, etiam illos per quos viâ publicâ contendit ad istum, coram quo vult expedire negocia sua. (2.) Hactenus bellum nondum est conflatum, & verò quâ potestate dominus ejus bella gerere potest, eadem

potestate utendo adhibere potest media & remedia omnia, quæ novit secundum Jus Gentium rebus suis prodesse. (3.) Possunt averti, sed honestis modis fiat Legatus captivus, & si res tanti est, remittatur ad dominum suum cum quærelâ: Legato non inferatur noxa, quando mandatis Domini sui reluctari eum velle fas non est, adeoque nefas erit occidere eum, qui culpâ non suâ cum mandatis proficiscitur. (4.) Sunt exempla ista non satis bonæ fidei. Dicit Kirchnerus: Rinconus & Fregolus poterant jure intercipi videlicet missi ab eo, qui potestatem mittendi Legatos contra dominum universi orbis non habebat, lib. 1. de Legato cap. 8. dist. 19. seqq. Respondeo: Galliæ Rex non est subjectus imperio Romano, adeoque liberrimæ potestatis compos Legatos mittendi jus perfectum habet de quâ reagemus infra cap. ult. dist. 3. & Carolus V. Imperator non approbavit, quod se in consulo fecerat præfectus Mediolani, uti narrat Joh. Bodinus lib. 1. d. Republica. cap. 6. Porro in contrarium sunt exempla alia. Alexander intercepit quidem Legatos Spartanorum & Thebanorum, qui ad Darium Persarum Regem ibant, & rejecit eos, non verò interfecit, Arrianus lib. 2. hist. Romani Legatum Philippi Regis Macedoniæ, cum literis jungendæ societatis gratiâ profecturum, nequidem prohibuerunt ab itinere, quod Regis sui iussu ille persequeretur, Justinus lib. 19. histor.

V. Quæritur: (3.) *An Legatus in delicto gravi deprehensus supplicio affici debeat à Rege illo, apud quem deliquit?* Respondeo: Affirmant Joh. Chokier libro de Legato cap. 42. Joh. Henselerus in Collegio Iuridico-Politico Disputat. 13. thesi. 37. Rationem adferunt: Quod Legati nomine & privilegiis indi-

gnus est quicumque facinora patrat. Addunt exemplum Alexandri Pheræi, qui Pelopidam Legatum populi Thebani in carcerem detruxit, quod diceretur Theſſalos ad libertatemprehendam concitare, Cornelius Nepos *in vitâ Priopide*. Respondeo: Legato nomen & privilegia, cum deliquit, ille solus detrahere poteſt, qui Legato nomen dedit, & Privilegia ſecundum Jus gentium propria accommodavit perſonæ. Et ſolus ille pœnam Legato irrogare poteſt ob delicta, qui impunitatem Legato rectis modis agentis omnia pro authoritate ſuâ dedit. Ità ergo docemus: Legatus ob patratâ facinora accuſatus remittatur ad dominum ſuum, ut is pœnam irroget ei. Nobiſcum docent Albericus Gentilis *lib. 2. de Legatis cap. 18.* Herm Kirchnerus *lib. 2. de Legato cap. 2.* Hugo Grotius *lib. 2. de Jure pacis ac belli cap. 18. diſt. 4.* Vernulejus *lib. 2. Inſtitut. Politicar. Tit. 6. cap. 6.* Fridericus à Marſelar *lib. 2. de Legatis diſſertat. 13.* Carolus Paſchalius *libro de Legatis cap. 74.* Ad Senones Gallos ibant Romanorum Legati Fabii, tunc cum Galli adverſus Thuſcos pugnabant, cumque nollent Galli deferre interceſſioni Romanorum, Legati mutato habitu, antequam referrent ad populum ſuum, quid actum eſſet, Duces militiæ ſeipſos offerebant Thuſcis, inq; Gallos veluti hoſtes ſuos pugnabant, vincebant, cædebant. Galli ſuper itâ perfidiâ conquieſti Romæ, Legatos vel puniri vel ad pœnam dedi ſibi jubebant, rejeſti verò bellum infeſcebant Romanis, quo urbs deſtaſtabatur, ci-ves interſiciebantur. Livius *lib. 5. hiſtor. Florus lib. 1. cap. 13. hiſtor. Roman.* Plutarchus *in vita Camilli*, & nos ex illis in

Recenſu hiſtoriæ univerſalis *l. 4. c. 2. diſt. 7.*

VI. Queritur: (4.) *An Nunci à ſeditioſis civibus ad Reges ſuos miſſi habeant privilegium Legatorum, ut non poſſint violari?* Reſpondeo: Negant Balthaſar Ajala *lib. 1. de Jure belli cap. 4.* Chriſtoph. Beſoldus *lib. 3. doctrinæ Politica cap. 13. diſt. 4.* Alb. Gentilis *lib. 2. de Legatis cap. 7. & de ſendunt exemplis.* Dionyſius pulſus à Syracuſanis civibus miſſos ab eis ad ſe nuncios in carcerem detruxit, Plutarchus *in vita Dionyſi*. Philippus Hiſpaniæ Rex miſſum ad ſe à Belgis civili bello efferatis nuncium Florentium Montignium capitis ſupplicio affecit, hona ejus in fiſcum redegit, Hugo Grotius *lib. 2. Annal. Belgic.* Johan. Meurius *lib. 1. hiſtoriæ Belgic.* Martinus Schoeki-
us *libro de juſtitia belli Belgici cap. 15.* Verum hæc exempla illaudent non debent trahi ad imitationem. Quin prohibeantur magis, ne accedant, & verò Nuncios illos ideò admittere velle ut carniſicis manu perimantur, injuſtum eſt, quod nobiſcum docent Hugo Grotius *lib. 2. de Jure belli & pacis cap. 18. diſt. 2.* Carolus Scribanus *lib. 1. Politica Chriſtiana cap. 26.* Franciſcus Hottomannus *libro de Legato cap. 4.* Barthol. Keckermannus *in Curſu Philoſophico Diſput. 35. queſt. 5.* Rationes ſunt: (1.) Quia non debent reconciliationis media componendis civilibus bellis impediri etiâ apud ſeditioſos. (2.) Quia neceſſitas frangit communem Legem, & jus aliquod impertit eis, qui ab alio ſe injuriam accepiſſe, perſuaſum ſibi eſt. (3.) Quia crudelitas illa in cauſa eſt, ut ſæpè iram furorem convertatur, atque ſeditio levior in atrociffimum bellum demutetur, quomodo poſtea dem

Rom-

Montignii in Belgicâ aduersus Hispanos virorum innocentissimorum ctuore maddos. (4.) Quia Flavianos imperii summi cōpetitores accusat Tacitus, quod sacrum quoque inter Barbaros Legatorum jus bello civili aduersus Vitellium contemtauerant, l. 3. hyst. Et verò prius Romani cordatius egerant, quando Legatos Tarquiniortū incolumes dimiserunt, qui insuper occultis modis cives impulerant ut profugos Reges in solium restituere vellent, Livius lib. 2. hystor.

CAPVT VICESIMUM.

De Occasu Imperiorum.

SUMMARIA.

1. Planetarii deceptores.
2. Testimonia sacra.
3. Chaldeorum impostura.
4. Edicta Principum.
5. Testimonia Doctorum.
6. Solvuntur instantie.
7. Ratio evidens.
8. Vanitatum exempla.
9. 10. 11. 12. Exempla alia.
13. Solvuntur rationes contrariae.
14. Copernici error.

ET sint in signa cum tempestatibus, cum diebus & annis. Genes. 1. 14. Summus opifex postquam spectabile & eximiū manuum suarum opus, stellas, in cœlo suspenderat, voluit illas esse ad distinctionem faciendam inter diem & noctem, ut essent in signa cum tempestatibus, tum diebus & annis, utque lucem adferrent super terrâ, Genes. 8. 22. Deuter. 4. 19. Psalm. 8. 3. Psalm.

19. 1. 2. 3. 4. 5. Psalm. 104. 19. 20. 21. 22. Pro stabiliendâ Astrologiâ judiciariâ hinc inferunt Cardanus, Gauricus, Pomponatius, Leovitijs, Junctinus, Garceus, Argolus, cum primis Peucerus *commentario de generibus divinationum* pag. 279. seqq. & plures curiosi ejus professionis ostentatores. Atqui de eventis naturalibus ait Moses, uti sunt defectus luminarium, ventorum turbines, pluviarum defluxus, serenitates, tempestatum mutationes, conversiones temporum anni. Multo aliter sordidi illi Errones, qui profanos Chaldeorum & Maurorum imitati mores, vani & mendacissimi harioles omnes ex genituris Principum & certis constellationum aspectibus, qui fuerunt eo tempore, quo Imperium aliquod primitus condidit, investigare volunt successus, eventus bonos, malos, propè imminentes aut magis etiam remotos casus atque occasus, contingentes illos & seu voluntati humanæ obnoxios, seu penes fati arbitria repositos, in quod utrumque solus Deus Imperiorum stator, Regum curator, imperium exercet, 1. Regum 12. 24. Daniel. 2. 20. 21. 22. cap. 7. 26. Hosea 13. 11. Damnant hoc literæ sacræ, vetant Principes & Legumilatores, detestantur Theologi, spernunt Sapientes, refellit manifesta ratio, quicquid in contrarium garriat Mauricius Comes Fliscus libro de annis *Climactericis* pag. 168. seqq. Nos hoc ordine probare volumus, & instantias Adversariorum unâ refellere, quas indagare possumus.

II. Primò : Damnant literæ sacræ multis locis. Numeror. 23. 23. *Non est augur in Jacob, neque est divinus in Israele, temporibus suis dicetur Jacob & Israeli, quid ope-*

ratuſ ſit Deus. Deuter. 18. 10. 11. 12. 14. Non inueniatur diuinus: Planetarius, con-
 jector, praſagitor, incantator, hariolus,
 necromantes, namque abominationi eſt do-
 mino qui iſta facit, & propter abominatio-
 nes illas dominus Deus tuus expellit gentes i-
 ſtaſ à facie tua, gentes enim, quarum tu
 heres futurus es, planetariis & diuinis au-
 ſcultant. Jerem. 10. 1. 2. Audite verbum
 hoc quod loquitur dominus vobis, o domus
 Iſraelis: Ità dicit dominus, vias gentium
 nolite diſcere, & à ſignis cœli nolite timere,
 quia timent gentes ab illis. Cap. 27. 9. Vos
 ergone auſcultetis Prophetiſ vſtris, aut diui-
 nis vſtris, aut praſtigiatoribus & planeta-
 riis vſtris. Actorum. 19. 19. Multi ve-
 rò ex iis qui curioſa exercuerant, comporta-
 tos libros exuſſerunt in omnium conſpectu.
 Curioſæ artes ſunt, quæ Planetariorum præ-
 dicta excolunt, uti interpretatur Auguſti-
 nus *Effarrat. ad Pſalm. 61.* Excipit Garca-
 us: cum dicit Propheta, à ſignis cœli nolite ti-
 mere, monet pios exſpectare illos debere
 auxilium à Domino, quanvis calamitates
 magnæ à ſignis cœli denuncientur. Et cum
 ſigna vocat, portendi illis aliquid confirmat
 nec vult contemni, in *Methodo Aſtologia*
Judiciarie pag. 393. Reſpondeo: Ità monet
 pios, ut precibus ſeſe Deo commendent, &
 futuros eventus in poteſtatem ejus repo-
 nant, ne vanis auguriis ex ſyderum poſitu
 deductis vel ſtimari velint occulta, vel terre-
 ri prædictis nugaciſſimis. Et vocat ſigna
μαντικὰς, quando ità vocabant Chaldæi
 deſcribere ſpiris aſtrorum qui fata ſolebant,
 inque ſidera ipſa per *μαντικὰς* aliquâ refer-
 re deſunctos heroas, ut Numinum vice
 à mortalibus colerentur, beneficiorum

praſbitores, ſed verò uti ſigna naturalia
 eſſe haut negamus, ità diuinationes Plane-
 tatorum omni contentione animi detecta-
 mur: Numina verò tutelaria fingere velle,
 exſecramur.

III. Rurſum: Chaldæi exponuntur ludi-
 briſ, qui primi artes illas exercuerunt, & fu-
 mos vendiderunt orbi uniuerſo, Eſaiæ 47.
 12. 13. Deſetiſceris multitudine conſiliorum
 tuorum, ſtent jam Planetarii qui contem-
 plantur ſtellas, qui notas faciunt in menſes
 prædictiones ſuas, & ſeruent te ab iis quæ
 ſuperuentura ſunt tibi: Ecce ſunt tanquam
 ſtipula; ignis corrumpet eos, non eripiunt ſeipſos
 à flamma. Excipit Garcaus: Damnantur
 corruptelæ artis, cum ex aſtris omnes per-
 veſtigamus eventus, verboque Dei præfe-
 rimus decreta Aſtologorum, l. d. pag. 394.
 Reſpondeo: Vana eſt diſtinctio inter artem
 & abuſum ejus. Nec enim Aſtologia eſt
 ars, ſed impoſtura meriſſima, artiſque ludi-
 brium, cujus totus uſus eſt in abuſu. Et
 quomodò non præferuntur verbo Dei A-
 ſtologorum decreta, quando contrà ex-
 preſſam Legem hariolantur Planetarii?

IV. Secundò: Vatuertur Principes &
 Legumlatoreſ, cum viderent Satanæ vates
 prædictionibus turbare animos, & ad no-
 vas, magnas, fallaces ſpes impellere. Mæ-
 cenas apud Dionem lib. 52. in Oratione ad
 Auguſtum: *Divinos in Republica eſſe, omni-
 nò non oportet. Multos enim bitales, dum
 vera quædam, pluræ falſa proferunt, ad res
 novas impellunt.* Reſcriptum Conſtan-
 tii: *Nemo aruſpicem conſulat aut mathe-
 maticum, nemo ariolum.* Reſcriptum e-
 juſdem: *Si quis aruſpex, aut ariolus, aut
 certè augur vel mathematicus aut enar-*

randis somniis artem occultans diuinandi, aut certe aliquid horum simile exersens, in comitatu meo vel Caesaris fueris deprehensus, praesidio dignitatis exutus, cruciatus & tormentum non fugiat. Cod. Theodos. lib. 9. Tit. 18. num. 1. §. 7. Edicta similia habes apud Tacitum lib. 12. *hisor.* Aliiter esse cum damno animæ suæ credebat Julianus Apostata, & trahebat post se aulæ castrensis appendices, turbam Magorum, Vatum, Planetariorum, Chiromantarum, nebulonum. impostorum (*demonum maiorem quam militum turbam*, ut ait Nazianzenus Orat. 2. aduersus Julianum) quos omnes cum ipso Juliano stoliditatis Eunapius Sardianus libro de viis Philosophorum, & non obscure perstringit scriptor prudentissimus Ammianus Marcellinus lib. 23. *hisor.* Prælagiebant omnes lata omnia, successus fortissimis Alexandri Magni conflictibus pares, aliter vero evenit, Persarum armis fractus, fugatus, postartus fato sinistro occubuit. Dæmonis manu percussus esse qui Planetariorum auspiciis sese totum addixerat, & Solis patrocinio elatus Deorum filium sese existimabat crediderunt Sapientes, Theodoretus lib. 3. *hisor. Ecclesiast. cap. 20.* Chrysostomus *Oratione contra gentiles*, Augustinus lib. 5. de *Ciuit. Dei* cap. 21. Sozomenus lib. 6. *hisor. Ecclesiast. cap. 1.*

V. Tertiò: Detestantur Theologi, Origenes, Epiphanius, Chrysostomus, Augustinus, Hieronymus, Cyrillus, Prudentius, quorum testimonia ordine describunt Paterius lib. 3. *Electorum* cap. 1. *seqq.* Dilherus lib. 3. *Electorum* cap. 22 Martinus Delrio lib. 4. *disquisit. magicarum* cap. 3. *quest. 2.* Unum adferemus Lactantium: Diabolo-

rum inventa sunt Astrologia & Aruspicina & auguratio, & ipsa quæ dicuntur oracula & necromantia, & ars magica, & quicquid malorum exercent homines vel palam vel occultè, lib. 3. *diuinarum Institut. cap. 13.* & factio ipso comprobauerunt, quando Aquilam Ponticum & Eusebium Emisenum viros cæterum doctos, quod improbam ex astris diuinandi artem profiterentur, à cœtibus suis excluderunt, ut testantur Epiphanius libro de *mensuris & ponderibus*, Sozomenus lib. 3. *hisor. Ecclesiast. cap. 5.*

VI. Quartò: Spernunt Sapientes. Curtius vocat *superstitionem, vanam religionem, humane mentis ludibria*, lib. 4. & 7. *hisor. 2.* Horatius:

Tu ne quæsieris (scire nefas) quem mihi, quem tibi

Finem Dii dederint Leuconoe, neu Babilonios

Tentaris numeros,

lib. 1. Carm. 11. Inter Chaldæos ipsos, qui sapientiâ eminebant, & Astronomiæ studio excellebant vanissimas prædictiones adeò repudiabant, ut Planetarios de cœtibus suis relegarent. Strabo refert, *περὸς ποιῶνται δὲ τῆς καὶ γυνθλιαλογίης, ὥς ἢ κατὰ δέχοντα ὁ ἕτερος.* Sunt inter hos, qui ex natali hora hominum fata predicere posse profiterentur, quos alteri in consortium cœtus sui non admittunt. Si illi etiam qui potuerunt credere astra Deos esse, hos vanissimos vates rejecerunt, quid melioris animi homines facere debent, cultores Dei Israelis, vates ejusmodi lapidibus obruere jubentis? Valerius Maximus: Mathematici; air, levibus & ineptis ingeniis fallaci siderum interpretatione, quæ tuosam mendaciis suis caliginem

injiciunt, *lib. 1. cap. 3.* Audi Lector de quæstu, finem hunc omnes istæ præstigiæ (non enim artes sunt) habent. Et quem non decipiunt Circumcelliones? Si Cardanus, Gaucicus, Pompanatius ex thematum collocati-
one quædam certa præfagiverunt, non hoc debebat artii inerti imputari, sed quoniam ad magiæ albæ artes abominandas portæ de-
sciverint. Vana igitur collectio est: *Sæpè e-
venit, quomodo prædixerunt. Ergo ars certa
est.* Sanè Franciscus Junctinus *Tomo 1. Spe-
culi Astrologici pag. 3. 4.* Andræas Argolus
præfat. ad *Pandosion Sphæricum*, hic cibias
inflant, propolæ nugarum. Videlicet, quod
Sputina Astrologus genus diemque mortis
prædixit Julio Cæsari: Quod Eschylus
Philosophus obitum suum prævidit exa-
ctis, neque tamen effugerit casum dejectæ
testudinis in caput suum: Quod Thrasybu-
lus Astrologus prædixit Tiberio imperii
adeptionem: Quod Publius Nigidius &
Theagenes Mathematici prædixerint Octa-
vio Imperium orbis, quia Capricornum pro
genitura suâ habebat ascendentem: Quod
Tiberius interfecerit multos exploratisho-
rum genituris per Thrasybulum, cum ani-
madverteret eos ad suam fortunam na-
tos esse: Quod Chaldaus aliquis prædixit
Agrippinæ, futurum ut filius ejus impera-
ret atque matrem occideret: Quod Vespasi-
anus Cæsar Astrologiâ fretus pro certo
dixit, vel filios sibi successuros in Impe-
rio, vel neminem: Quod Vitellio prædi-
xerint Astrologi diem, quo periturus erat:
Quod Sulla Mathematicus Calgula, &
Aelius Adriano imperium atque diem obitus
prædixerint: Quod Asclepiades prædixit
& Domitiano & sibi genus mortis, quo u-
terq; perire debebat: Quod Lucas Bellantius
ex astris prædixit Astrologorū hosti Pico

Mirandulano, non futurum eum ævi longi-
tudinem. Quod Petrus Leonius Spoletanus Medi-
cus prævidit se in aquis periturum esse:
Quod Maleassi Regi Tunetano prædixerit
Altrologus cladem & exilium: Quod da-
mones oracula protulerint olim de rebus il-
lis quas per Altrologiam divinatoriam ex-
ploraverant. *Hæc illi.* Atqui negat Deus,
eventum esse veritatis regulam in prædi-
ctionibus improbis, *Dent. 13. 12. 13.* Et no-
tum est, quod sæpè non evenierit. *Patuit
Mercurius eos (Nativitatum stelliones)
aliquando verum dicere. Omnibus man-
sibus, omnibus annis Mathematici Clau-
dium efferebant, ut mortuum & vixisset tamen
dintissime, ait Seneca ludo de morte Claudii
Cæsaris.* De Cardano refert Scaliger præ-
legomenis ad *Manili Astronomica*: Gene-
thliacus in suis illustribus genituris multa
præclara prædicebat viro cuidam summi
ordinis, tam ab ipsius, quam liberorum for-
tunâ: quo quidem homine post omnem me-
moriam nihil fuit infelicius, sive ipsius, sive
uxoris, sive liberorum exitum spectes. I-
dem Genethliacus cum multis annis diem
& horam mortis suæ determinavisset, appe-
tente verò tempore nihilominus bene vale-
ret quanquam octuagenario major, ne ar-
tem contumeliæ exponeret, inediâ consti-
tuit mori, quod nescio serius an citius ante
constitutum ab eo tempus contingerit. Res
nota est. *Hactenus ille.* Et tamen Cardanus
tantus in arte eâ fuit, ut hodiè ejus decreta
sint *véra & déssai.* Si isti qui familiam in
hac arte ducunt, ita pueriliter decipiuntur,
quid à Crumeni licitoribus nostris exspe-
ctes, qui monoculorum ducum effatis cæci
ipsi insunt, quia aliorū fata in matrimonio
rimantur, ipsi partem fortunæ accipiunt

Am-

Ambubajas pediculosas? Quos Argolus producit, Chaldaeos, Syros, Aegyptios, isti omnes fuerunt demonum ministri, & ab his praedictiones suas acceperunt. Spurina erat haruspex, uti docet Suetonius *lib. 1. cap. 81.* Non igitur Astrologus, quando hic sidera pro genituitis inspicit, ille victimarum proficias rimatur uterque praestigiator, sed non eodem modo. Praestigiator etiam Thrasybulus, quoniam Tibertii cogitationes, quas secum ille animo volvebat, ex inspectione siderum deprehensas proferebat ut produnt Suetonius *lib. 3. cap. 14.* Tacitus *lib. 6. annal.* Felix ars, quae demonis familiaris conversationem velo tegit! Quot mille nascuntur, qui Capricornum habent in adscendente, & quamobrem non omnes illi sunt orbis domini? Quamdiu Sol in Cancris signo ambulat, eo occidente oritur ἀπορρηχώς Capricornus, & homines tempore illo genti habent Capricornum in adscendente. Et illa ipsa tamen genitura Augustini, quam hic polleatitati commendavit, Capricornum in nummis scalpendo, uti refert Antonius Augustinus *Tab. 10. num. 3. Tab. 11. num. 15. 16. Tab. 13. num. 12. Tab. 14. num. 20. 23.* non leve dubium habet. Suetonius ait: Natus est Augustus paulo ante Solis exortum, *lib. 2. cap. 5.* Si hoc verum est, non sanè Capricornus erat in adscendente, verum Cancer. Aut Suetonius hallucinatus est, aut Theagenes impostor fuit. An verosimile est, Suetonium tam accuratum scriptorem, qui etiam minima omnia persequitur, tempus natale Augusti ignoravisse? Non possumus defendere contradictionem istam, nisi dicamus, Theagenem finxisse genituram, quae non e-

rat talis, aut Octavium perperam indicavisse. Vult equidem Ludovicus Carrion *lib. 2. Emendationum cap. 9* prolixè evincere, petitis à Manilio testimoniis quod Augustum cum isto posito Capricorni fuerit natus, verum quid inde amplius? Reliqua sub examen vocare, haud lubeat; daemones verò explorandis astrorum effectibus operam dare ut Oracula pronunciet, omninò futile est. Habent daemones ingenii perspicaciam magnam longam rerum experientiam, itaque latentia rerum principia facile explorant, neque mirum est, si multa praedicunt, quae eveniunt. Demum apud Deum multa illis revelantur, qui ipsorum ministerio utitur in exsequendis rebus plurimis, uti litera sacra docent, *1. Regum 22. 21. 22. 23. Iobi 1. 6. 7. 8.* Quod vero demonis familiares ab eo quoddam vera falsis permixta possint exquirere, verissimum est. Rectè Barclay: Impiæ arti accesserunt nefandorum geniorum commercia. Hi enim transacta inter homines secreta quae accuratè explorant & sagaciter de futuro conjiciunt, ergo Chaldaeos qui in pudendam eorum familiaritatem acciti fuerunt, suggerentibus ipsis praedixisse multa, non est mirum, in *Argenide lib. 2. pag. 153.* Denique regula est, *per quod quis peccat, per idem puniatur*, Sapient. 11. 17. Ergo si non falluntur semper, qui Astrologorum praedictionibus fidem commodant, verum est quod fatuis sint fatua fata, quia enim decipi amant, imponunt lubentibus, ita permittente Deo, ut supersticio hominum sentiat flagellum Diaboli.

VII Quintò: Refellit manifesta ratio. Nihil est in intellectu, quod non antè fue-

rit in sensu. Atqui futura non sunt talia, ut sensus illa percipere valeant. Quomodo ergo pervenient ad Intellectum? Sensus verò nititur experientiâ. Dicit *Bellarminus*: Experientia præstò est, cum plurimum genituræ examinantur adeorum mores & successus, ut in similibus astrorum concursibus de aliorum moribus vitæque fiat certissimum prælagium. *Respondeo*: Ut aliquid experientia liciatur factum ab aliqua certâ causâ, necesse est, ut eadem illa causâ perspecta sit eundem effectum eodem modo produxisse sæpius. Est enim experientia ejusdem rei eodem modo sæpè factæ observatio vel memoria. Ergo quia constellatio cæli nulla iterum redeat priori similis non poterat de ullâ haberi scientia, quod hoc illudve producendi potestatem in sese habeat. Quoties mater geminos eodem momento concipit atque enititur, fortis diversa tamen & moribus invicem dissimiles? Quoties eodem momento haurit aqua plures naufragos, nec tamen eodem momento natos? Duos Henricus Franciæ Reges diversis temporibus natos unum Mortis genus perdidit, uterque venenato cultro à sicariis confossus est, vitamque cum sanguine vomuit, alteri genus mortis dedit Saturnus dominus octavæ, Lunam cum Pleiadibus aspectu quadrato feriens, unde per venenum mors esse debuit, Mars verò in Librâ solem infestans dedit vulnera ex ferro: alteri mortem non dissimilem alius omnino Siderum positus videbatur ominari. Luminaria erant in signis violentis afflicta, & Pleiades in domo octavâ, nec non Caput Medusæ, Venus vero octavæ domina in suo detrimento & domo Martis. Specimi-

na ineptiarum videas apud *Joh. Rudolphum Camerarium in Centuriis horarum natalium pag. 90. 91. 93. 95.* Adde illa, quæ de Henrici I. Franciæ Regis in hastiludio confossi geniturâ perscrutantur *Mauritius Comes Fliscus libro de annis fatalibus pag. 52.* *Joh. Garceus in methodo Astrologiæ Indiciariæ pag. 265. 304. 367. 443.* *Franciscus Junctius Tomo 1. Speculi Astrologici pag. 169. 451.* & mirare hominum inconsultam audaciam, qui vaticinia post eventa fingunt: quia opus manuum Dei in hominis exitium cooperari dicunt; qui hominem divinæ providentiæ substractum impotenti astrorum dominio subjiciunt, qui Deum hominesque potestati superiori obnoxios unâ captivitate damnant; qui in perniciosissimâ amentia singularem aliquam sapientiam profitentur.

VIII. Amentia sanè intolerabilis est, quod *Cardanus in Catalogo Geniturarum illustrum num. 64.* docet, eandem fuisse rationem præclaræ Theologiæ divinarumque literarum percipiendarum in Servatore nostro & Hieronymo Savanorolâ: *Namque Saturnus & Venus, ait, cum Spica Virginis fuerunt, sæpius autem dictum est, hanc stellam nostræ regioni præsidere, ut causam naturalem, quæ cum Iove etiam in Servatoris genitura horoscopus occupabat.* Hæc ille. Ità astrorum Dominum astrorum dominio subjicit, ac præterea notum est, quod verum Servatoris natalem ignoraverit. Paris amentia indicium est, quod *Cardanus l. d. num. 60. 61. 62. 63.* & commentariis ad *Ptolomei quadrupartitum*, *Cyprianus Leovitius præfatione ad Ephemerides*, *Petrus Alliacensis libro de Orbis concordia,*

& pronuper Mauricius Comes Fliscus *libro de annis fatalibus*, pag. 160. *segg.* ausi fuerunt, civitatibus, populis, imperiis, familiis illustribus describere genituras, ut earum successus, conversiones & everisiones prædicerent secundum illa, quæ motus siderum portendebant. Adversus istos prolixam disputationem orditur Johannes Bodinus *lib. 4. de Republica*, cap. 2. & hoc cumprimis argumento utitur, eorum, qui siderum vim, orbiumque cælestium cursu notaverunt, tantam esse varietatem & inconstantiam, ut eandem stellam alius recto, alius averso cursu ferri eodem momento scripserit, atque suâ ipsi temeritate refellantur, qui stellarum vim in civitates, quidque ad quamlibet multos annos effecturæ sint, sine errore prædicere sese posse jactitant. Quod argumentum invictum est, atque magis illud urgebit, cum notatur multorum supina in urbium thematis erigendis negligentia. Olim Marcus Vatro, quem Tullius Græcos & Latinos omnes eruditione superavisse, prodit, Tarruntium Firmianum, jussit, Romæ urbis thema erigere. Is ergo causas ex progressu Reipublicæ, & antecessiones & consequentibus comparans, levissimis & inanibus conjecturis tradit, jacta fuisse urbis fundamenta anno tertio sextæ Olympiadis X. Cal. Majas sub horam à meridie tertiam, cum Saturnus, Mars & Venus scorpionem, Jupiter pisces, Sol taurum, Luna jugum obtinebant, Geminis in cœli medio constitutis, oriente Virgine. At conatus hos Tarruntii erroris merito insinuat Joachimus Vadianus *notatiæ ad Pomponium Melam*, pag. 112. Cumque hujus thematis cardines præcipui ad Mercurium pertineant, & hominum studiorum mercaturæ, Philo-

sophiæ, literarum denique omnium, thema illud cæleste notam præ se ferat, qui fieri potest, ut in Romanos belli studiosos, literarum bonarum modicè amantes homines ista conveniant? *Mercurius in octavo loco Jovis junctus in piscibus, quòd in eis maxime infortunetur, ad literas aptos minime faciet, quod & magno miraculo consecutum est, ab ejus enim ædificatione vir maximus in re literaria usque ad hunc diem non existit*, ait de Venetiarum ædificatione Cardanus, l. d. *sect. 60.* Quamquam Tarruntius alto etiam errore lapsus est, cum Solem Veneri attribuisse error & planè oppositum direxerit, namque Venus à Sole remota quàm longissimè, discedit octo & quadraginta partibus tantum, non ultrà.

IX. Ut errores cumlaret Mediolanensis Genethliacus, & nominis sui fama, quam venabatur apud rerum earum imperitos, patriæ suæ laudes augeret, (ut potè quæ habet in themate suo *Mercurium in domo propria, in Saturni trigono, ipso in aquario existente, unde proveniunt divina & in artibus præstantissima ingenia*, ait ipse l. d. *sect. 61.*) maximarum civitatum origines & incrementa ducit à stella boreali, quæ extremam causam Ursæ majoris occupat, eamque urbi Romæ, cum primò conderetur, verticalem fuisse affirmat, inde Romanum Imperium Constantinopolim, post in Galliam, hinc in Germaniam ejusdem stellæ beneficio, quæ ob præcessionem æquinoctiorum mutavit locum, traducendo, profert. Quæ tamen ab homine vanitatum Astrologicarum peritissimo in literas relata sunt, non tamen approbat Genethliacus Comes Fliscus *libro de annis fatalibus* pag. 193. Nunquam enim stellæ ejus declinatio fuit tanta,

ut haberet quadraginta duos gradus, quot gradibus elevatur polus urbis Romæ. Atqui elevatio poli ab Horizonte, & declinatio stellæ ab Æquinoctiali sunt æquales. Et cur hodiè non confert imperandi potestatem civitatibus ac populis illis, quorum verticem perambulat, videlicet Saxonibus, Babantibus, Lufatis, Thuringis, Flandris, sub elevatione poli ad quinquaginta & unum gradus constitutis? Quare non ad Imperia evehit Scotorum piscatores, qui Orcadas accolunt, aut Norvagos & cæteras ad Aquilonem gentes quibus eadem stella non modo verticalis est Sole meridiano ac mense Septembri, verum etiam perpendicularis? Regerit *Cardanus*: Si quis dicat, igitur existentium in uno parallelo erit eadem fortuna, quoniam eadem stella verticalis est, dico, quòd oportuit in fundatione loci eam stellam tunc fore & in meridie & cum Sole junctam, & Solem cum hoc esse fortunatum, atque ita fortitudo communicatur toti parallelo, sed imperium uni soli contingit loco, unde legimus, quòd tempore Romanorum tota Italia erat repleta populis fortissimis, maxime in eodem parallelo, Samnitibus, Vejentibus, Fidenatibus, qui sæpe erant in eadem poli elevatione, partem autem Italiæ borealiorem, non Italiam, sed Galliam togatam vocabant, nec in fortitudine erat eis similis, libro de *Supplemento Almanach*, cap. 10. Respondeo: Bene dixeris, ab homine levissimo prodita illa esse, ut homines rerum celestium imperiti legant quæ mirentur. Certè per naturam fieri non potuit, ut extrema stella in cauda Helices eadem horâ, id est, meridianâ, cum Sole verticalem circulum attingeret. Est enim hodiè stella ista posita in vigesimo se-

cundo gradu Virginis, itaque secundum doctrinam præcessionis æquinoctiorum à Brachio ad justum calculum revocatam necesse est in decimo octavo gradu Leonis existisse, cum urbis fundamenta jaciebantur, Solem verò in decimo octavo gradu Arietis. Ergò aberat stella triente circuli à verticali, cum in eodem signo & eadem parte signi, quâ Sol erat, esse debuisset, si vera sit Cardani doctrina. Illud etiam absurdum, quòd ab extrema Helices Imperium Constantinopolim delatum fuerit, cum mille circiter annis condita fuerat ante, quam Imperii sedes à Constantino ibi deponeretur.

X. Nec melius alii, quos inter *Argolius* Parisiis, inquit, culminat latus fulgens Persei naturâ Saturni & Jovis, multumque conferet ad stabilia amplificanda. Culminabat annis elapsis Venetiis Capella seu Hircus, primæ magnitudinis stella de natura Martis, & ad bellicos apparatus Rempublicam excitavit, culminavit de propinquo stella borealis in pede posteriori Ursæ majoris, naturâ etiam Martis & ad eadem Martialis Rempublicam propellet, ac duratura. Stella novam Cassiopeja fuit verticalis Suediæ, cum obtinuerit declinationem ad partes sexaginta unam, quanta est illius regionis elevatio poli: Direxit Brachius eam stellam, ut magna protendentem, ad magnam conjunctionem Saturni & Jovis in Trigono igneo & in Ariete celebratam, ad quam perveniebat Anno M. DC. XXXIII. circiter, quos effectus produxerit, novit mundus, in *Pandolfo Spherico*, cap. 63. Rursus *Cardanus*: Quando caput Medusæ peragravit Asiam minorem & Græciam in annis ferme quadringentis, destruxit eas provincias.

vincias usque ad extremum, & desertas atque oppressas à Muhammedanis reddidit. Nuncautem invasit Italiam, est enim verticalis super Apuliam & Neapolitanum Regnum, utinam nobis nihil ferat nocumenti, in *Almanach. l. d.* Et *Mauritius Comes Flicus*: Caput Medusæ de natura Saturni & Jovis factum verticale Lissabonæ Portugaliz paulò ante An. Chr. 1640. tumultus in Regno illo excitavit, adhuc super verticem est, & Portugallia plorabit, nam ante hujus seculi finem, circa Annum 1700. pejora confluent ex ingressu sinistri humeri Bootæ, magnitudinis tertiæ de natura Martis & Saturni, *l. d. pag. 197.* Hæc illi. Ad quæ nos pauca notare volumus. Nec Capella attulit commodum Venetis, nec stella borealis in pede Helices adferet, postquam dominio maris Ægei dejecerunt eos Sultani, Cypro expugnata, Cretæ inasores, & quis pellat eos! Stellam novam in Cassiopeja tumultus Suedicos in Germania prænuñciavisse, quis credat ob temporis intervallum! Tantò magis præcipitem animum in Comite Flicco arguit, qui genituram Regis Gustavi Adolphi describit: *Nihil mirum est, ait, fitor victoribus prædictus fuit, quia stellæ novæ in Cassiopea fuit in ejus horoscopo, l. d. pag. 58.* Atqui miraculum ingens & supra omnem fidem, quòd stella, quæ non exstabat Regis in lucem editi tempore, Regis potuerit addere successibus, & fortunam ejus dominio suo moderati.

XI. Denique notorium est, omnes omnium in hoc negotio errores velle redarguere, esse supervacaneum. Petrus Alliacensis libro de *Concordia Orbis*, Leovitius *Prefatione ad Ephemerides*, Mauritius Flicus *l. d. pag. 182. seqq.* Argolus *l. d. cap. 73.* pro-

vocant ad conjunctiones maximas & magnas Saturni, Jovis, Martis in uno signo Zodiaci, propter quas fiant Rerum publicarum ortus, conversiones, obitus, populorum migrationes, bella, pestes, eluviones, incendia, sterilitates. Et quidem haud negamus, quoties Planetæ isti conjunguntur sequi ea in negotiis humanis eventa, quæ etiam prudentissimos rapiunt in admirationem, quamquam nulla vis necessitatis hominum generi à cælo impendit. Sed quicquid illud fuerit, Petrum Alliacensem gravissimè errare constat, quando conjunctiones illas ab ultimo principio preterens, annorum septem millia ab orbe condito procurrisse, credidit falsò, Eusebii & Alphonsi errores securus, ab Alexandrinis Bibliorum Interpretibus primum invecos, & nuper ab Isaac Vossio libro de *vera ætate mundi*, reproductos, ad quorum mentem orbis creatio profertur suprâ mille quingentos annos, ac quidem veritas Hebraica permittit. Quare fallitur Alliacensis, qui ante septem millia annorum superiorum Planetarum conjunctionem posuit anno post orbem conditum trecentesimo & vigesimo: Id autem mille ac ducentis annis ante conditum mundum fuisset. Idem etiam putat, mundo nascenti, cujus ipse thema deformat, Cancrum in Ortu fuisse, Solem in Ariete, Lunam ac Venerem in Tauro, Saturnum in Aquario, Jovem in Piscibus, Martem in Scorpione, Mercurium in Geminis. Quæ cum orbium cælestium motu ac natura ipsa pugnare, verissimè arguit Johannes Bodinus *lib. 4. de Republica, cap. 2.* non tamen sine errore. Uti enim meritò reprehenditur Alliacensis, dum Solem ponit in 19. parte Arietis, &

bb 2 Mer-

Mercurium in 15. parte Geminorum, alterum ab altero sex & quinquaginta partibus removendo, quos tamen in distantia maxima triginta partibus solum ab invicem recedere, docet Ptolomæus *lib. 12. magna constructionis*, ita assensum meretur in eo quod Soli ponit in Ariete, contra quam differit Bodinus, Solem in Libræ signo collocando, ut evinceat, mundi initium in Autumno fuisse, adversus quam sententiam prolixè commentati sumus *libro de Creationis operibus, Exercitat. 7.* Ratio una sufficit: Quia tellus germinavit herbas virides, *Gen. 1. 11.* id quod tempus verum demonstrat. Excipit Bodinus: (1.) Quod antiquissimi populi omnes institutis moribusque suis ostendant, mundum in Autumno cepisse. (2.) Quod annus Jubilæus celebrari jubetur septimo mense, qui est September. Et eodem mense, quo messis in horrea colligitur, jubetur celebrari festum tabernaculorum, *Exod. 23. 16. cap. 34. 22. Lev. 23. 34. cap. 25. 9.* Hoc ideo factum est, quod mensis ille principium orbis & anni esset. (3.) Quod terra protulerat fruges maturas & fructus arborum ad vescendum aptos, ut homo & animalia haberent commodum alimentum. Id verò fieri non posset, nisi mundus in Autumno conditus esset, quia prope Jordannem creatus est Adamus, ubi Veris tempore nec fruges matureseunt, nec arbores proferunt fructus. *Herzile.* Respondeo: (1.) Imò contrarium verum est, quod videlicet Chaldæi, Persæ, Indi, Syri, Phœnices anni principium in Martio posuerint. (2.) Duplex erat annus apud Hebræos, civilis & Ecclesiasticus. Anni civilis principium & finis erat September, non quod eo tempore mundus quondam cepisset, sed quod ratio

contractuum & negotiorum ita juberet, metendo annuos penlus & census locationum, conduccionum, emptionum, sementis, comutationum pro frugibus collectis, pecuniarum solutionibus. Ergo etiam festum tabernaculorum alio tempore celebrari non poterat, quàm messe peractâ. Eodem etiam mense annus Jubilæus incipere debuit, quod anno illo agri veris Dominis restituerentur, oportuitque annum in collectione frugum terminari, ut novus possessor sementem faceret in annum sequentem. Ecclesiastici siue legalis anni principium erat Aprilis, *Exod. 12. 2.* (3.) Omnino convenit verno tempori, habere maturas fruges, arbores pomis gravidas, viride gramen. Certum enim est, quod apud Orientis populos bis proveniant arborum fructus, Vere & Autumno, sicut mala aurea in hortis Hispaniæ. Locus, qui creatum Adamum primò excepit, fovitque, erat Paradisus, atque ille situs, non quidem in Palæstina, uti Bodinus statuit, verum in Babylonia, de qua re porro videris *librum nostrum de Creationis operibus, Exercitat. 34.* Ad Petrum Albiacensem ejusdemque thema natalitium mundo primitus constituto erectum reverentiamur, qui hoc sibi proposuerat, contra decus & majestatem planetarum fore, si nascente mundo alibi quàm in suo quemque folio collocaret, quæ sunt improba Chaldæorum figmenta. Thema cœli si quis desiderat, hoc modo è Tabulis à Brahæo constructis erigitur: In prima domo est initium Arietis, in decima initium Capricorni, in septima initium Libræ, in quarta initium Cancræ. Sol occupat primum gradum Arietis, Mercurius duodecimum, Venus decimum quartum ejusdem, Saturnus vagatur

pet Libram, Jupiter in Aquario, Mars in Tauro effulserunt, Luna in Ariete, ut potè nova & cum Sole conjuncta; caput Draconis fuit in Virgine.

XII. Pronunciabat Leovitius velut ex tripode, quod ob Planatarum ferè omnium concursum & unà minitantem Solis Eclipsin An. Chr. MDLXXXIII. instaret adventus Servatoris ad iudicium & consummatio seculi. Quàm tamen incertus aliàs rerum suarum, ut Ephemerides conscriberet anni ejus coronidem prætergressas; & Jovem permisceret ei conventui Planetarum, qui à Saturni atque Martis copula duodecim gradibus remotus erat; & similis Planetarum coitio unà Solis ac Lunæ deliquia maxima secum adferens, tempore Caroli magni facta, ei haud ignota esse posset, nec propterea tamen mundum hunc inerrasse vidimus; & vaticinium ejus alterum, quo Maximiliano Imperatori totius Europæ dominium pollicebatur, mendacii convinceretur, quando post consummationem seculi dominia omnia cessabunt. Ac porro ab eo dominatu universali, (quem ante illum ob causas easdem Cardanus prænuntiaverat, & post eum Philippus Melancthon *Exhortatione ad Maximilianum* perscriptâ laudare voluit, ut Cæsarem pacis studiosum ad arma in Turcos ferenda impelleret,) tantum absuit Maximilianus, ut ei viventi & spiranti Solymannus Turcus magnam partem Hungariæ eriperet, Veneri urbes imperiales per Italiam auferrent, Helvetii amplissimos pagos in elientela Imperii hæcenus descriptos, armis victricibus extorquerent. Hoc scilicet dominium universale fuit!

XIII. Instat *Pencerm*: (1.) Quòd Deus di-

xit, siant luminaria magna in firmamento cœli, & dividant diem ac noctem, & sint in signa, stata tempora, dies & annos, ut luceant in firmamento, & illuminent terram, *Gen. 1. 14. 15. 16. 17.* Decretum itaque & statutum est à Deo, ut stellæ distinguant, varient, temperent idoneis qualitatibus & naturæ mixtorum convenientibus, diurna, mensura & annua spatia, sintque in signa, id est, ante conspecta & considerata, de iniitiis, progressionibus ac metis temporum, deque illis quæ incidunt variationibus, vi stellarum excitatis, moneant atque doceant homines. Ergò & tribuit eis hoc, quod aliàs aliter elementaria cuncta afficiant, & eas effectiones positi sui præmonstrent attendentibus. *Respondeo*: Dictum est *suprà dist. 1.* quòd omnes illi stellarum effectus quâ lucem propriam ipsis & calorem in elementis productum, extendant sese ad vicissitudines temporum & tempestatum, maturandas fruges, fovenda corpora animantium. Hæ sunt qualitates manifestæ, occultæ nec sunt, nec si essent, Astrologis notæ essent. Constat, quòd veteres Hebræi in persecutandis rerum causis admodum gnavi & solertes fuerint, ut non modò rerum divinarum ac cœlestium scientiam, sed etiam abditos naturæ effectus divino munere & concessu perspectos habuerint, & ab eis ad homines alios rerum pulcherrimarum cognitio pervenerit, teste *Porphyrio Malcho* omnium ætatis suæ Philosophorum maximo, in *Epistola ad Boëtium*, nemo tamen horum fato aliquid tribuit, nec fiderum decreta ulla immutabilia metuunt, sed omnia divinis voluntatis arbitrio regi & mutari ajunt, ut qui rerum naturam ac mundi fundamenta cum volet, quaterere possit. quomodo conti-

git in aquarum eluvione super orbis habitati partem, & in extensione lucis à Sole productæ, *Gen. 7. 10. 11. 12. Josue 10. 12. 13. 14.* Proinde illæ rerum humanarum conversiones, quæ vel solo Dei arbitrio reguntur, vel hominum consiliis procurantur, dominio stellarum neutiquam obnoxie sunt (2.) Neque consentaneum est, maxima illa & fulgentissima corpora tantâ lucis varietate, tanto numero, & certâ atque immortâ lege consistentia, nec erroribus obnoxia, nec labem ullam perpeffa, quorum perpetuos motus cum admirabili constantia & consensu inter se immutabili cernere liceat. Ociosi tantum ornatus causâ comparatos esse, & non ad alios usus longè potiores. *Respondeo:* Non est, pro solo ornatu esse, quando monstrant Deum conditorem universi, *Gen. 2. 1. Psalm. 8. 1. 2. seq. Psalm. 19. 1. 2. seqq. Rom. 1. 3. 4. seqq.* & cum vicissitudines temporum naturales dimetiuntur, *Gen. 8. 2. 1. 22. Psalm. 104. 19. 20. 21. 22. 23.* (3.) Stellarum effecta in mutandis hominum affectibus, augendis morbis, minuendis doloribus sunt varia & manifesta. *Respondeo:* Hoc inde est, quod in elementa sibi proxima agendo, quæ hominem vicissim ratione animæ sensitivæ afficiunt, quosdam producant effectus. Nunc verò quaritur de iis, quæ ab intellectu & voluntate hominis reguntur & dependent, an illa sint in potestate Jovis, Solis, Veneris, Lunæ, Martis? Et negatur. (4.) Stellarum effecta in largiendis homini nascituro animis, sunt manifesta, itaque alius huic arti aptus est, alius ineptus. *Respondeo:* Nontam à stellarum viribus debent illa peti, quàm à causis arcanis, & soli Deo notis, ob quas Naturæ sequitur semina quisque suæ. Dicit Moyses,

condita esse astra pro ministerio populorum omnium, *Deut. 4. 19.* Non ergo habent dominium in animos nostros, uni Deo obnoxios, & quatenus absurdum est, ut peritura æternis, inanitia animatis & ratione præditis imperent. Ac quanquam sidera possint qualitates aliquas in homine progenerare, nunquam tamen efficient, ut deinde hoc vel illud ab aliis in eos perpetretur, quippe quoddam eventa hujusmodi in alterius, non verò in ipsius arbitrio & voluntate posita sunt. (5.) Luminum deliquia inficiari non possumus atque horum significata, quorum tristi deformique aspectu omni tempore hominum animi concititi expaverunt trepidaruntque, occulto scilicet sensu naturæ præfagientes secutura damna. *Respondeo:* Et ingentia sæpè contigerunt damna, quæ nullis Lunæ Solisque deliquiis prænuntiata fuerunt. Fuissent deliquia ista etiam, si non fuisset peccato obnoxius status. Constat quia sunt secundum Naturæ Leges primò institutas, nec enim illis Deus aliquid post naturam destitutam addidit, unde possint Naturam inferiorem culpâ suâ vitiosam in pejus etiam promovere novis influxibus. Hinc prædicuntur ab illis, qui rerum futurarum prænotionem cæteroquin nullam habent, soli Deo propriam. Quia ergo causas naturales habent, non est, quate in rebus agendis nos ab eis impediri sinamus. Nicæ exercitus interneceione deletus fuit, cum præ metu deliqui eum in castris continebat. Melius Pericles, quando exercitum suum ob Solis deliquium videret timoris plenum, obivit stationes, causas aperuit, & milites in officio retinuit, Plutarchus in *vitis illustribus*, Valerius Maximus *lib. 8. cap. 11.* Instat

Pence-

Pancerus : Frequentiores multò tetrioresque aspectu nos cernimus labores Solis & Lunæ , quàm didit vetustis , quæ ob raritatem , quotiescunque alterutrum evanuit , subito obstupefacta & in sollicitudinem redacta , tota tremuit hortuitque metu offensus luminis , & posthabitis rebus omnibus , tota exquirendis placationibus Deorum dedita & intenta fuit. *Respondet* : Mirum si ille ex Tabulis Revolutionum Purbachii non potuit aliter & melius etiam informari. Et tetra olim fuerunt deliquia , & hodiè sunt : Neque latiora hodiè sunt orbis evenia , quàm olim fuerunt , uti docent Annales. *Pergit* : Christus inter extrema signa , quæ facilem & dissolutioni vicinum mundum antecessura sunt , in Lunæ Solisque & stellarum etiam corporibus apparitura indicia commemorat , quibus etiam fortasse aliqua novum visâ hactenus aut animadvertâ notat , tamen & crebriora deliquia , & scediores tetrioresque stellarum positus complecti cumsentio , præsertim cum addat , & virtutes cælorum movebuntur. *Respondet* : Non quidem de orbis consummatione loquitur Servator , verùm de urbis Hierosolymorum excidio & populi Judaici internecione , quam Romani procuraturi essent. De quo ipso excidio prædixerat Malachias cap. 4. §. nec non agit Petrus *Actor*. 2. 16. ubi applicat Joëlis vaticinium per analogiam , id est , in simili casu. Nam quomodo per Chaldaeos populum olim puniverat , ita per Romanos deinceps punire volebat , durius etiam , quia dissipare volebat eos per orbem totum line spe restitutionis , quò majora etiam beneficia nunc quàm olim præcellerant ad convincendam Judæorum pertinaciam. Adeoque Servator

commemorat signa ista , non quòd principaliter effectura essent cladem gentis impiæ , sed quòd comitarentur. Scilicet veterbo , sunt signa , & contingentia illa , quæ nec mala omnia , nec semper denunciant mala populis iis , quorum conspectui præbent sese. (6.) Gentes regionelque certis subijci signis , & consentire sideribus , cum quis dubitat , mores earum naturalisque comparat ad naturas stellarum , quarum dominio tribuuntur , non casu & fortuitâ sortitione , sed ratione & judicio. *Respondet* : Sunt Chaldaeorum & Ægyptiorum fabulæ , quibus fidem velle dare , est nugis veritatem addere , & cum ratione insanire , uti censet Johannes Keplerus *libro de Trigono igneo* , pag. 23. *segg.* cæterum non obscurus Genethliacorum patronus. Postquam animadvertent , superiorum Planetarum conjunctiones , aut frugum inopiam , aut populares morbos , aut interitum animantium , aut eluviones aquarum , aut incertum diærbium , aut conversiones Imperiorum consequi , non quidem ubique , sed certis quibusdam locis & regionibus. Ex quo quidem conjecturâ quadam judicaverunt , hoc vel illud signum huic vel illi regioni à Natura tributum esse , inde cælestia signa duodecim quadrifariam dividerunt ex elementorum viac potestate , & præcepta quadam posteritati reliquerunt , quæ quòd conjecturis inanibus magis quàm rerum experientiâ manifestâ niterentur , artem efficere non potuerunt. Mentiebantur enim Chaldaei , qui se quadringentis annorum millibus in experiendis nativitatibus operam dedisse , jactabant , teste Cicerone , *lib. 2. de Divinatione* , quò suam illam scientiam redderent certiores

Ægy-

Ægyptii viginti mille annorum in literis hieroglyphicis observationes comprehensas volebant persuadere Soloni, uti refert Plato in *Timæo*. Atqui cordatiores ista omnia ad fabulas redegerunt. Calisthenes Alexandri M. comes post Babilonem expugnatam, librariam supellestem Chaldæorum perquisivit, & omnes horum observationes mille nongentis annis descriptas esse animadvertit, quod quidem tempus cum literis sacris exactè congruit, si ad ætatem Nimrodi, qui primus dominatum Babilonis adeptus est, progredi volerimus, erit sexagesimus annus post diluvium Noëticum, & eò quidem historia vetior est, quò à Simplicio homine Pagano *Comment. 46. ad lib. 2. de Cælo*, relata est Ptolomæus, cum antiquitates Chaldæorum longissimè repeteret, motuum principia non assignat pro tot annorum millibus, sed pro initio Regis Nabonassar, atque iis Lunæ deliquiis, quæ sub illius dominatu contigerunt, *lib. 3. & 4. Constructionis magnæ*. Erat annus post diluvium M.D.XLVI. Quis verò non miretur, tot annorum millia in observationibus siderum perpetuis impendisse Chaldæos, ut nihil nisi monstra mendaciorum inde nobis procurarent? Hoc saltem ex illorum disciplina constat, non posse defendi in astris τὸ πρὸ κινδύ, nisi Dii sint, & divina his tribuatur potestas. Quam cum eis adimes, non superest, unde veritatem horum effectuum, qui illis tribuuntur, possis adstruere. Itaque Ptolomæus solos φιλαστίες esse pronunciat eos populos, qui essent φιλασρόλων, quique astra & solem colerent, ut Phœnices, Chaldæos & Orchenios, pro impiis verò habet eos, qui unum Deum colebant, & siderum vanissimas prædictiones contem-

nebant, uti erant Judæi & Idumæi. Ergo quæ Syriam Cavam habitabant, Judæam & Idumæam Arieti & Marti vult magis συνοικεῖν. *δύο περ, inquit, αἱ τῶν πανθροσείας, καὶ ἀδελφῶν τῶν βασιλευσέων*. Phœnices autem & Chaldæos & Orchenios, Leoni & Soli magis affines & cognatos videri, *δύο περ ἀπλάστειροι καὶ φιλενθροπότεροι καὶ φιλασρόλοι καὶ μάστις πάντες εἰσὶ βασιλεῖς τὸν ἥλιον*. Ita scribit *lib. 2. Quadripart.* Nemo igitur bonus Astrologus, nisi Astrorum cultor & Solis, qui præcipuus Deus & præcipalis in Planetariæ artis decretis faciendis, utporè qui Regis instar inter reliquos Planetas Deos obtineat. Orchenii autem illi pars & secta Chaldæorum, appellati ita fuerunt, quòd essent Sacerdotes ignis, Chaldaico sermone נר כהן, uti diximus *lib. 1. Antiquitat. Roman. cap. 6. dist. 10.* Porro Diodorus *Siculus* in Ægyptum veritatis inquirendæ causâ profectus, audivit sacerdotes quosdam, qui dicerent, triginta & trium millium annorum vetustas observationes in Memphitico delubro repositas esse, cumque rerum veritatem iustis ponderibus exigeret, comperit omnes illas præscorum temporum relationes annis tribus millibus & septingentis absolvi. Quamobrem ineptè illi quidem agunt, qui librum Quadripartitum Ptolomæo tribuunt, ubi triplicitas ignea datur Europæ, & iis regionibus, quæ Occasum inter & Aquilonem interjacent; Asiæ ærëa & iis locis quæ posita sunt inter Aquilonem & Ortum; Africa aquea; reliquis locis terrestribus. Experientia verò Gentibus mores naturamque tribuit prorsus aliam, quàm eis Astrologorum mendacia expositu siderum tribuunt. Judæi sub Ariete & Scorpione positi damnantur impietatis, cum tamen gens

gens nulla religionem suscepit prius, co-
luerit sanctius, sacra ceremonialque ma-
jorum impensius observaverit. Eidem Zodi-
aci trigono subjecti Syri & Idumæi audaces
perhibentur. At quid Syris unquam fuit ser-
vilius? quid Idumæis mollius? qui sua beati-
opulencia luxuque non admodum curave-
runt de movendis bellis. Quam siticulosa
Africa communionem habet cum piscibus?
Quam Asia mollis & effœminata cum Tauri
ferocia? Quam barbara Scythia cum justitiæ
& religionis Libria? Inde somniabat Car-
danus velut ab eburnea porta, quod Paga-
nismus ceperit originem in Trigono terreo:
Mahumetica lex in Trigono aqueo:
Judaica lex in Trigono aërio: Christiana lex
in Trigono igneo, & proinde sint Pagani
mendaces, vitiorum mœnigia, luxuriosi,
Muhammedani crudeles, libidinosi, illusores,
Judæi loquaces, avari, mercatores,
Christiani justii, probitatis amantes, *libro de
supplemento Almanach, cap. 22.* Constat,
quod mutaverint hæcenus mutantque
semper Zodiaci signa proprias sedes, ac stel-
larum fixarum post conditum mundum quartam
ferè orbis octavi partem decurrissè compe-
riantur: Attamen eadem est secundum Pla-
netarios ævi nostri vis ac potestas domici-
liorum in hominum nativitatibus regundis,
quæ erat olim, cum primùm cœlestis ma-
chinæ decursus & influxus notabantur à
Chaldæis dæmonum cultoribus. Id quod
intolerabile est.

XIV. Nicolaus Copernicus restaurando
veterem Eudoxi & Aristarchi Samii opi-
nionem de terra in orbem mobili, stante
cœlo, *lib. 2. Revolut. cœlest. cap. 3. lib. 5. cap.*
seqq. perinde Rerum publicarum conver-
siones & occasu ab Eccentrici motu in ter-

ra globo dependere arbitrat. Quæ qui-
dem sententia paucis refellitur, posuit enim
velut certum principium, vim eam, quam
stellis eruditi cuncti adscribunt, terre inesse,
adeoque terrena cœlestibus, corruptibilia
imperare æternis. Nec minus absurdum est,
quod terræ varios siderum motus imponit,
stellas verò fixas partim mobiles, partim
immobiles, Sole inque immobilem in cen-
tro statuit, denique terrarum globum à cen-
tro longissimè seducit, & in cœlo collocat.
Quæ omnia cum sacris literis tum rationi
sanæ contradicere, demonstrabimus in
Physicis Institutionibus. Nunc alia per-
gemus.

COROLLARIUM.

Diatriba singularis de Prærogativa
Regum & Principum.

SUMMARIA.

1. Prærogativa argumentum.
2. Imperator Dominus mundi.
3. Imperatoris excellentia.
4. Rex Romanorum.
5. Pape confirmatio.
6. Rex Francia.
7. Rex Hispanie.
7. Prærogativa Francie.
9. Rex Anglia.
10. Veneti & Ligures.
11. Electores Imperii.
12. Autor Cerimonialis Romani.
13. Ordo Regum Europe.
14. Sicilia & Portugallia.
15. Scotia, Ungaria, Navarra.
16. Cyprus, Bohemia, Polonia, Dania, Suedia.

cc

17. Bri-

17. *Britannia & Burgundia.*
18. *Principes Imperii.*
19. *Dux Austræ.*
20. *Sabaudia & Mediolanum.*
21. *Venetæ & Eleflores.*
22. *Venetorum prelationes.*
23. *Eleflores & Cardinales.*
24. *Bavaria, Lotharingia, Genua.*
25. *Conclusio rerum.*

I. **B**reviter hanc doctrinam proponit *Besoldus lib. 2. Doctr. Polit. cap. 10.* à quo petemus verba, & notis additis illustrabimus. Sic verò ille: *Pertinet porrò ad cōsiderationem vicinorum, Rerum publicarum inter ipsas dignitatis prerogativa, seu præeminentiā sessionis, quæ majoritatem, non superiori- tatem inducit.*] l. d. dist. 7. Est videlicet aliqua dignitas, neque verò est potestas unius in alterum. Nititur verò prerogativa illa cum privilegio tum Consuetudine. Privilegium est, ut vel Imperium melioris orbis habuerint, vel cum Imperio conjuncti olim ab eo leges moresque vivendi acceperint. Hinc ipse Deus commendat Nebucadnesaris dignitatem, quòd sit arbor magna in medio terræ, cum pulchris ramis & fructibus multis, sub quibusdam captarent bestię agri, & in ramis ejus habitarent aves cœli, denique ex ea cibum perciperent animantia omnia, *Dan. 4. 8. seqq.* Erat ille cum amplissimo Imperio per Orientem, partesque Europæ ad columnas usque Herculis invaserat, teste Strabone *lib. 17. Geograph.* Hinc idem Imperiis aliis accrevit, & post eum Persæ, tum porrò Macedones sub Alexandro Magno, obtinuerunt dignitatem Imperialem, præ Regum aliorum potestate celebriorem semper habitam, *Alexandri suc-*

cessores in Asiæ, Africæ, Europæ partibus uti minores eo, ita reddiderunt Parthis anti-
quam gloriam, quam isti postliminio rece-
ptam, cum libertatem armis paratam reti-
nebant, semper usurpare voluerunt velut
Orientis Imperatores. Itaque Parthorum
Reges vocabant scilicet Reges Regum, Plutar-
chus in vita Luculli, Suetonius lib. 4. cap. 5.
& nummus Regis Artacis apud Johannem
Tristanum Commentarius de Imperio Roma-
no, tom. 2. pag. 83. nec non Inscriptio Ro-
mana apud Gruterum in Volumine, pag.
288. num. 2. Ejus rei argumentum mani-
 festum est, quòd missus à Parthorum Re-
 ge Legatus Orabazas ad Romanos, præ-
 cedentiam sessionis dando Syllæ Consuli,
 tantum commoverit Regis animum ut do-
 mum revocatus & jussu Regis interfectus
 fuerit, teste Plutarcho *in vitis.* Sed hæc vale-
 bant meritò, dum Romanus populus non
 suberat Imperatori, nec Majestatem habe-
 bat, postquam verò sub Principis unius po-
 testatem concesserunt, prerogativam sibi
 meritò usurpaverunt, quandoquidem Asiæ,
 Africæ, Europæ potentes omnem Macedo-
 nici Imperii gloriam inter plures hæcenus
 distributam, in se transulerunt. Parthis non
 admodum renitentibus, qui ablata olim
 bello signa militaria, reddiderunt ultro, pace
 stipulatà, amicitiam redimendo, uti est in
 veteribus nummis apud Abrahamum Gor-
 lizum *tab. 16. num. 7.* Antonium Augusti-
 num *tab. 13. num. 11.* Sebastianum Eristum
Expositione ad nummos Casaris, pag. 37. 39.
 In cujus rei memoriam Augustus condidit
 Martis Ultoris delubrum, & Janum Quiri-
 num clausit, uti referunt Suetonius *lib. 2.*
cap. 21. 22. 29 & nummi veteres apud Le-
 vinum Torrentium *Commentarius ad h. l.*

pag. 79. 85. Antonium Augustinum *tab. 13. num. 21.* Consuetudo inter Reges alios promiscuè judicat, eaque nititur potentiae antiquitate & rerum gestarum celebritate. Quòd enim in Conciliis & Curia Romana Legati Regum ad sessionem capiendam invitantur, ratione ejus temporis habitâ, quo Reges ipsi voluerunt Jesu Nazareni fidem suscipere, & Papæ Romani gratiam exambire, velut supremi Reſtoris Ecclesiæ, hoc, inquam, notant Tiberius Decianus *Resp. 19. num. 183. segg.* Martinus Laudensis *libro de Principibus, quæst. 76.* Verùm nihil proficit, quandoquidem prærogativa est pars magna dignitatis Regum, neque dignitas potest censerī ab ea, quam quisque proficitur, Religione, quod alio loco prolixè demonstravimus. Et tamen hæc causa non est, quam propter Galliæ Reges *Christianissimi* cognomentum à Papis acceperunt, primusque ita meruit appellari Carolus Martellus, non quidem Rex, sed Regni procurator summus, à quo Papa Romanus petebat auxilium adversus Luitprandum Regem Longobardorum, sed non impetrabat, Spondanus in *Epitoma Annalium* pag. 740. Quamquam certum est, honorarium titulum istum dedisse Gratiano Imperatori Ausonium in gratiarum actione pro Consulatu, & Papis ipsos Regibus Hispaniæ è familia Gotica, dedisse appellationem Regum Christianissimorum, uti ostendunt Patricius Armiacanus in *Marte Gallico, lib. 1. cap. 23. 24. 25.* Johannes Jacobus Chiffletius in *Vindiciis Hispanicis, cap. 15.* Hunc titulum Galliæ Reges eripere, & in Regem Angliæ transferre voluit Julius II. Papa, obiras adversus Galliæ Regem Ludovicum XII. conceptas, idque per Decretum in Concilio

Lateranensi, teste Guicciardino *lib. 11. hist. Ital.* Falsum verò est, quòd Regis Hispaniæ stipendiarius, Papæ adulator strenuus Caspar Scioppius in *Consilio Regio, pag. 51.* scribit, Carolo Magno demum in Concilio Moguntino datum esse nomen istud, neque ut Regi Francorum, sed uti Imperatori, itaque Capetingos non adscivisse nomen illud, donec Carolus VII. depulso jugo Anglicano, restauraverit vetus cognomen, & sibi velut proprium attribuerit, ut Regibus cæteris Europæ titulo quoque præcelleret. Et ab eadem aula habet Rex Hispaniarum, ut vocetur Catholicus. Primus quidem Alphonsus Castellæ Rex ita appellatus est à Papa Innocentio VIII. deinde onissus tantisper apud alios est, rursus Ferdinandus Aragonius ejectis Mauris, Hispaniæ compos, à Julio II. Pontifice impetravit, ut ipse & posterie ejus usurparent, Spondanus in *Epitoma Annalium, pag. 688. & 739.* Innocentius Gentilettus in *Examine Concilii Tridentini, pag. 211. 212.* Alexander Patricius Amaranus *l. d. cap. 23. 24. 25. 26.*

II. Pergit Besoldus: *Italicè Imperium. Romani Imperatoris haud agnoscere velint alii Reges absoluti, eidem tamen præeminentiam sessionis meritiò lubentesque concedunt omnes reliqui Orbis Christiani Monarchæ. Sicque Cassiodorus lib. 1. variat. Epist. 1. Imperium Romanum Regnorum omnium pulcherrimum vocat decus. Et Alphonsus Neapoleos Rex Fridericum III. Imperatorem, cum aliquando Neapolim venisset, nullo non honoris titulo est prosecutus. Cum ab Aulicis eo nomine reprehenderetur, respondit: Vestrum non est de Regibus judicare, nos Reges omnes debemus reverentiam Imperatori, tanquam summo Regi, Patormis annus*

in Apophtegmatibus Alphonſi. *Quin & in Anlamagni Turcorum Regis, Legati Imperatoris præferuntur Legatis Persia Regis aliorumque Saracenorum.*] l. d. dist. 8. Scilicet hoc inde est, quia potentissimus ille semper fuit, devictis non solum populis à bello justo, verum quoque ad obsequium alicujus speciem redactis iis, qui aliis armis confisi arroganter agebant, & Romanas aquilas non semel fugaverant. *Suetonius de Augusto: Reges amici atque focii, & singuli in suo quisque Regno, Cæsareas urbes condiderunt, & cuncti simul ædem Jovis Olympici Athenis antiquitus inchoatam perficere communi sumptu destinaverunt, Genioque ejus dedicare, ac sæpè Regnis relictis, non Romæ modò, sed provincias peragransi quotidiana officia togati ac sine regio insigni, more clientium præstiterunt.* lib. 2. cap. 60. De eodem est Inscriptio Hispanica:

Orbe mari ac terrâ pacato templo Jani cluso. & Rep. po. Rom. optim. Legib. sanctiss. instit. reſor.

Gruterus in Volumine, pag. 149. num. 4. Nec minus præclarè de aliis. *Hadrianus est Restitutor orbis terrarum, Sebastianus Eriſſus Expositione ad nummos Cæsaris, pag. 211.* Aurelianus est Restitutor orbis terrarum, apud Johannem Tristandum *Commentaria de Imperio Romano, tom. 3. pag. 249.* Constantius Imperator est Dominus rerum ac mundi, apud Ammianum *Marcellinum lib. 19. histor.* Postquam Imperatores duo ceperunt esse, ille qui Constantinopoli agebat, prærogativam ultro concessit alteri, qui Occidentis Imperium regebat, nimirum idèò, quia hic obtinebat Romam, antiquam Cæsaris sedem, Otho Frisingensis

lib. 1. de rebus gestis *Friderici Imperatoris, cap. 23.* *Batoniustom. 9. Annal. Ecclesiast. An. Chr. 871. num. 50.* *Henricus Vallesius notis ad Ammianum Marcellinum, lib. 22. pag. 224. seqq.*

III. Quæritur hic: *An Imperator Romanus habeat imperium in Reges & Principes alios?* Respondeo: Affirmant *Martha Neapolitanus libro de Jurisdictione, part. 1. cap. 27.* *Matthias Stephani libro de Jurisdictione, part. 1. cap. 1. num. 4.* & ante illos *Baldus Perusinus* scripserat, eos qui negant Imperatorem Germanorum totius orbis Dominum esse, hæreticos esse, in l. *hostes de capessis & postliminio reversis.* Adferunt testimonium è sacris literis: Exiit edictum à Cæsare Augusto, ut totus orbis censeretur, *Luc. 2. 1.* Et quòd Antoninus Cæsar dicit: *Egò sum Dominus orbis, 1. 2. §. 1. 9. D. de Lege Rhodia de jactu.* Sicilli. Verùm ista nihil probant. Quòd enim Augustus orbem describi jusserit, figuratum dicendi genus est, ut intelligatur de parte illa orbis, cui imperabant Romani. *Florus de temporibus illis:* Jam penè toto orbe pacato, majus erat Imperium Romanum, quàm ut ullis externis viribus extingui posset, lib. 4. *Historia Romana, cap. 2.* Et *Petronius:* Orbem jam totum victor Romanus habebat, in *Satyricono, pag. 73.* Indidem est, quòd Antoninus Cæsar in Rescripto ad *Eudemonem Nicomedionsem* dixerit, *ἵνα μὲν τὸ κράτος καὶ οὐκ* ad quæ verba prolixe commentantur *Johannes Seldenus lib. 1. Marii clausi, cap. 25.* *Jacobus Godofredus libro de Dominio maris, cap. 7.* Dicit *Johannes Bodinus*, verba illa ad pompam, & dignitatis amplificandæ causâ dicta esse, quandoquidem perspicuum est, Romanum Imperium, quo tempore

maximè

maximè floruit, id est, Trajano Principe, vix trigessimam orbis terrarum complecti potuisse partem, *lib. 1. de Republica, cap. 9.* Subest tamen aliquid veri, quando constat, Imperium Romanum olim fuisse amplissimum & florentissimum, cujus fines per Orientem & Occidentem latè protendebantur, uti breviter describit Justus Lipsius *lib. 1. de Magnitudine Romana, cap. 3.* Quando verò distractio Imperii deinceps secuta est, non desuit quidem Imperium esse, attamen non ita illustre fuit, utpote in plura Dominia divisum, inter se, quod potestatem concernit, prorsus separata. Extra illud multæ nationes erant, sed quòd Imperium complectebatur florem humani generis, erat satis, reliqua extra illud Barbariæ ferè deputabantur. Remansit ergò dignitas at potestatem quisque populus attribuit sibi, postquam ab Imperii finibus sese exivit, ut rectè docent Bartholomæus Chassanio in *Catalogo gloriæ mundi, considerat. 28. part. 5.* Franciscus Victoria *Relectorum part. 5. sect. 2. 3.* Hugo Grotius *lib. 2. de Jure pacis & belli cap. 22. dist. 13.* Ferdinandus Vasques in *Controuersis illustribus cap. 20. num. 1. 2. seqq.* Arniseus *lib. 1. de Jure Majestatis cap. 2.* Rationes sunt: (1.) Quia Imperatores Romani Constitutiones suas dirigunt in populos omnes Imperio suo comprehensos, non etiam in alios, qui sunt extra illud. (2.) Quia Imperatores Romani in commerciis exercendis distinguunt eos qui Romano Imperio parent, ab iis, qui Regi Persarum subjiciuntur, & quia alios etiam populos liberos agnoscunt, cum quibus sunt jura belli, captiuitatis & postliminii. (3.) Quia meliores orbis partes bello occupauerunt, pari jure perdidit, namque pot-

iones Imperii plurimas aut simul aut per intervalla aggressi populi externi, Longobardi, Franci, Normanni, Gotti, Saraceni, Turci, Sarmatæ, Mauri, bello eas acquisiverunt, & ab Imperio aut derelictas aut revulsas retinuerunt. Frustrà satagit Theodorus Reinking *lib. 1. de Regim. secul. & Ecclesiast. class. 2. cap. 8.* ut probet, antiqua jura adhuc valere, & jus præscriptionis Lege civili introductum, inter diversos Reges ac populos non habere locum. Sic ille. Quod si admitatur, sequetur magnum incommodum, ut controversiæ de Regnis & Regnorum finibus extinguantur. Itaque Lacones apud *Isocratem*, velut certissimum & apud omnes gentes confessum ponunt, non minus publicas possessiones, quàm privatas, multo tempore ita confirmari, ut revelli nequeant, cum ex longo tempore derelictio præsumatur. Jeplita Hebræorum Dictator provocabat ad jus possessionis quietæ, adeoque duraverat illa tribus ferè seculis, insuper Ammonitæ nunquam terras illas veluti suas repetiverant hæctenus, quod deinde conabantur, injuria certissima erat, *Judic. 11. 13. 14. seqq.* Eodem jure populi externi in provincias Romani Imperii invaserunt, primò quidem loci, mox conversiterum vicibus hostes, & regiones quasque armis obtentas, deinde etiam, cum bellum pace finiebatur, per expressa pacta sibi confirmaverunt. Quod enim aliquis æquum putavit in causa aliena, idem admittere debet in propria, nisi jus famamque suam condemnare velit, *l. si duo si quis junct. §. seq. de jurejur. indo.*

IV. Pergit Besoldus: Sic & Rex Romanus vivente Imperatore, ob spem successionis proximam & radicatam, reliquos Reges & Monarchias

archas hac dignitatis prerogativa jure vincere videtur. J. l. d. dist. 9. Respondeo: Bene dicitur *videtur*, ut videatur non immerito dubitare. Reges Romanorum hodie sunt in respectu ad Cæsares, quod olim erant Cæsares in respectu ad Augustos, nimirum Vicarii quidam, & Legati eorum, ad obeunda munia in provinciis Imperio subiectis, cum potestate. Ergo nullum Regem jure præcedat Rex Romanorum: (1.) Quia titulo unicè gaudet, potestatem verò non habet, adeoque inferior est illis, qui titulum unà cum potestate conjungunt. (2.) Quia spes multum differt à re, quatenus illa meram adfert dignitatem, hæc verò addit potestatem, à qua proximè dependet Majestas. Pro Regis Romanorum excellentia ad Reges alios comparata, pugnant quidem Marcus Antonius Quetta *conf. 1. Arnisæus lib. 2. de Jure majestatis cap. 4. num. 1. Johannes Limæus lib. 2. Juris publici cap. 1 §. num. 43. segg. Reinerus Sixtinus lib. 1. de Regalibus cap. 4. num. 9. segg. & nuper Dn. D. Jacobus Andreas Crusius lib. 3. de præced. Reg. & Princip. cap. 3. dist. 10. segg.* Verùm hos benè refellit Jacobus Gothofredus *Diatribâ de Jure præcedentia part. 1. cap. 1. dist. 12.* Satis enim constat, quòd ille habeat alienam jurisdictionem, nec principaliter demandatam, uti adversus Georgium Schönbornerum *lib. 5. Institut. Politic. cap. 19. & Matthiam Stephani lib. 8. de Jurisdictione, cap. 11. part. 2.* eruditè disserunt Benedictus Carpozovius *Commentariis ad Legem Regiam Germanorum, cap. 11. sect. 5. Johannes Wurmserus Exercitat. 3. Juris publici, dist. 3. Martinus Rumelinus Different. ad Auream Bullam, part. 3. pag. 582. 583. & Nicolaus Mylletus additionibus ibidem, pag. 621. segg.* Regerit

D. Crusius: (1.) Quòd ratione dignitatis inter Cæsarem & Regem Romanorum sit differentia parva. Respondeo: Imò differentia adeò magna est, ut Cæsar habeat majestatem, Rex verò dignitatem, itaque Cæsari æqualis non est, quem vocat Dominum suum, & Majestatis titulo compellat, uti videre est in Recensibus Imperii. Nihil verò tale Imperator tribuit Regi. (2.) Quòd in Cerimoniali Romano priore loco ponatur Rex Romanorum, & sequatur Rex Gallie. Respondeo: Hoc inde est, quia rettò ævi Rex Romanorum cum potestate ampla præerat Italiz, ob cujus regionis insignem dignitatem accessit ei magna prerogativa, qua nunc caret, quando Regia in Italiam potestas soli Cæsari manet reservata, Principes verò sunt perpetui Vicarii in Ducatibus suis. Ergò hodie potestatem in Italia non habet, atque à sola dignitate non petit argumentum solidum pro inferenda prerogativa. (3.) Quòd Rex Romanorum idèò eligatur, ut Cæsari defuncto succedat, itaque debet honore illo affici, quò Cæsar afficitur. Respondeo: Ergò expectat illud, quod non habet: Melior verò fors fuit usque ejus, qui cum majestate possidet, quàm alterius qui cum dignitate aliqua expectat.

V. Sequitur: Et adhuc minus obstat sessioni ratione, si Imperator nondum sit à Pontifice Maximo confirmatus. Licet Gallus e nomine cedere noluerit Imperatori, uti refert M. Antonius Quetta *conf. 1. num. 1 §. 7. l. d. Caroli V. Imperatoris Legatus patiebatur contradictionem de primo loco à Regis Galliz Legato in Conventu Caletano, An. Chr. 1521. Narrat Bartholomæus Chassanæus in Catalogo gloria mundi part. 5. confid. 29. homo in tantum ineptè supersticiosus,*

ut etiam principii loco adferat, per Christum Petro & successoribus data esse utriusque Regni gubernacula. Quia videlicet hoc Papa aliqui Decretis promulgaverunt. Ceterum eidem Servatori dixerat quoque Genius malus, sibi data esse hæc omnia & concedere se posse cui vellet, *Luc. 4. 6.* Sed non erat verum. Electio sola plenam & liberam Imperii potestatem, nomenque Imperatorum tribuit Imperatori, de coronatione à Papæ manibus fieri solita, proditum est *supralib. 1. cap. 16. dist. 27.* & confirmat prolixius Johannes Hervvardus *Apologia pro Ludovico Bavaro, pag. 121.* quod illa non faciat Imperatorem, sed tantum commendet Imperatori populos Italiæ, velut subditos Imperii. Et quod hodie negligitur, cum damno Imperii est, à quo sese exemit Papa, atque sibi urbem, populos ditiones Imperio proprias, iniquissimo aulæ attribuit.

VI. Pergit: *Ac sunt porro obvia passim de sessione disceptationes, ac celebris imprimis est Galli & Angli cum Hispano. Illi autem inciviliter aliquantum Hispania universe, aliarumque potentissimarum in utroque orbe Monarchiarum conjure censent, ut tunc fuit, cum Castilia angustius includerentur.* [l. d. dist. 10. Galliæ Regis prærogativam acriter tueritur Theodorus Gothofredi libro de *Præcedentia Regis Franciæ*, David Blondellus libro de *ampulla Rhemensis*, Johannes Bodinus lib. 1. de *Republica* cap. 9. Rationes adferunt istas: (1.) Quia toto terrarum orbe nullius Imperii tanta vetustas, aut tanta series Regum ejusdem stirpis inveniri potest, quanta in Regibus Francorum, sive Christianos, sive Tacta os, sive Turcos, sive Æthiopes sive Indos, sive Barbaros spectes, unde *Baldus*: quamvis Germanorum Imperio subditus,

Reges Francorum laudis & gloriæ coronâ Reges omnes superare, dixit apud Oldradum in *Consiliis, num. 69.* (2.) Quia Imperium Germanicum olim fuit penes Reges Galliæ, virtute Caroli M. natione Galli, & Gallorum opibus armisque partum, deinde per intestinas seditiones & peregrinorum invasiones avulsam, itaque Ottones Germaniæ Reges, domitâ Italiâ, Pontifice Maximo ad obsequium redactæ, nomen Imperatoris ejusque dignitatem acceperunt. (3.) Quia Senatus Venetus decreto publico Regis Galliæ Legatum prætulit Regis Hispaniæ Legato, An. Chr. M. D. LVIII. Et Pius IV. Pontifex Romanus velut à cathedra pronunciavit, Reges Francorum esse primogenitos Ecclesiæ, & hujus patricinium suscepisse constanter. Ac satis constat aliunde, quod Galliæ Reges auctoritatem Pontificum à contemptu vindicaverint, opes auxerint, potentiam stabiliverint. (4.) Quia cum Legatus ab Hispania in aula Cæsaris Ferdinandi contenderet, & cum Legato Francorum eodem ordine & gradu consisteret, aut alternis diebus anteciret ac sequeretur, utramque conditionem recusavit Buschetus Legatus Gallorum. Quod cum Henricus II. Rex Francorum intellexisset, rescripsit, tanti ponderis esse dignitatis prærogativam, ut nihil ab eo in isto rerum genere fieri aut dici deberet, nisi quod in mandatis haberet. Ferdinandus Imperator, ne vel Francis vel Hispanis favere videretur, utrorumque Legatos à concionibus & confesso publico arcendos putavit. (5.) Quia Rex Galliæ nemini obnoxius est, neminis Vassallus, adeoque libertates Ecclesiasticas uni sibi vindicat, neque earum usurpationem à Papa Romano, velut domino superiori,

riori, impetrat: Contrà Hispanus per tempus bene multum fuit vassallus Papæ ligius in Regnis Siciliæ, Neapoleos, Sardinia, & hodiernum est vassallus Francorum in Comitatu Carolosiæ, parte Burgundiæ, Arnoldus Ferronus *lib. 8. Historia Gallica*. Ecclesiastica jura per Hispaniæ Regna administrat è Regis instituto. Papæ nomine, Archi-Episcopus Toletanus. (6) Quia Regis Galliæ Legati primum locum semper obtinuerunt in Constantiensi, Basileensi, & Lateranensi Conciliis, nec non in Tridentino Oecumenico, ubi primò omnium Hispaniæ Legatus Claudius Ferdinandus Comes de Luna movit litem, Regis sui potentiâ quotidie angelicente fretus, nec tamen obtinuit, itaque cum cedere nollet, nec posset cogi ut sequi vellet, seorsum ab ordine Legatorum omnium locum occupavit, uti referunt Petrus Suavis Polanus in *Historia Concilii Tridentini, lib. 8. pag. 825. 832. 847. 848.* Thuanus *lib. 35. histor.* Natalis Comes *lib. 14. histor.* Petrus Justinianus *lib. 14. & 15. hist. Venet.* Johannes Baptista Adrianus *lib. 18. histor.* Petrus Cavitellius in *Annalibus Cremonensibus, An. Chr. 1564* Innocentius Gentiletus in *Examine Concilii Tridentini, lib. 4. pag. 211. 212.* Tandem in aula Imperatoris Maximiliani II. gentilis sui impetravit Rex Hispaniæ, ut Legatus suus primum locum fortiretur, & Legatus è Gallia postponeretur, tanti res vitæ Colignio Admiralio, quam bello in Hispaniam proferendo ulcisci deberet Rex suus, Thuanus *lib. 49. histor.*

VII. Hispaniarum Regis eminentiam propugnant Camillus Borellus *libro de præstantia Regis Catholici*, Ferdinandus Valques præfatione ad *Questiones illustres*, Jacobus Valdesius *libro de dignitate Hispaniæ*, Jo-

hannes Jacobus Chiffletius *tom. 1. cap. 9. 10. seg. Vindiciarum Hispanicarum*, Alexander Patricius Arniacanus in *Marte Gallico lib. 1. cap. 2. segg.* Rationes adferunt: (1.) Quòd Rex Catholicus longè latèque imperet in Legione, Castilia, Murcia, Valentia, Arragonia, Granada, Balearibus, Navartha, aliisque per Europam, Asiam, Africam, Americam regionibus. *Respondeo*: Succurrit illud, quod olim Antiochi Magni Legato, coram Lucio Quinto Romano, potentiam Regis sui ex nominibus gentium ostendenti, Dahas, Medos, Elymaeos, Cadusios jactanti, respondebat Quintus: *Atqui omnes illi Syri sunt*, Livius *lib. 45. histor.* Perinde cum Valdesius nominat Legionem, Murciam, Valentiam, Castiliam, Granadam, Navarrham, quid Gallus reponat aliud, quàm illud: Atqui omnes illi Hispani sunt! Sunt populi unius à Mauris distractæ regionis, & Regnorum tituli magis quàm Regna. Denique: Latissimum Imperium arguit quidem Regis ejus divitias & studium acquitendi, sed non conciliat simul dignitatem & prærogativam. (2.) Quòd Hispania ad fidem Servatoris conversa est operâ Jacobi Apostoli & Pauli, serius verò Gallia fidem accepit, uti refert Johannes Valsus in *Chronico Hispaniæ, An. Chr. 67.* *Respondeo*: Utraque illa prædicatio est dubia valde, neque sacris literis confirmari potest: Jacobi verò etiam prædicatio expressè negatur, facta esse ab ipsis præsulibus Hispaniæ. Factam esse, contendebat Episcopus Compostellanus in Synodo Lateranensi, An. Chr. 816. ut digniorem præ Roderico Episcopo Toletano locum fortiretur. Sed muliercularum trivialibus sermonibus niti illam Jacobi apud Compostellanos prædicationem,

nem, affirmabat Rodericus, & obtinebat causam. Baronius legendarum plurium quàm rerum verè gestarum descriptor, iter Hispanicum Jacobi confirmat, secutus authoritates Bedæ, Turpini, Isidori Hispanensis, *notis ad Martyrologium Romanum, pag. 329.* Rursum verò spernit omnia ista, negatque, *tom. 9. Annal. Ecclesiast. An. Chr. 816.* Reponant eadem fide Galli, quod Lucas Evangelista, & Lazarus Mariæ frater, quem Servator à mortuis excitavisse legitur, apud ipsos prædicaverint Evangelium, uti referunt Epiphanius *Heresiologo cap. 51.* Ado Viennensis in *Chronico*, & post illos Baronius *notis ad Martyrologium, pag. 470. § 61. (3.)* Quòd facta insignia ediderunt Reges Hispaniæ pro Ecclesiâ & hujus capite Papa Romano. *Respondeo:* Nec minus, aut fortè magis etiam Galli pro Ecclesiâ, pro Papa, adversus Barbaros & hæreticos decertaverunt. Quid simile potest adferri ab Hispano, quod mereatur conferri ad Gallorum gesta adversus Mauros Hispaniæ domitores, Narbonensis Galliæ invasores, eo tempore, quo Carolus Martellus, præliabatur pro Europæ salute? Quid magis stabilivit Papæ opes in Italia, Germanici Imperii provincia, quàm victoriæ Pipini & Caroli Magni Galliæ Regum, adversus Longobardos Papæ hostes iræconciliabiles? Quid magis erigere poterat Ecclesiam in spem amplissimæ frugis, quàm Godofridi Bulionæ expeditionis sacra in Orientem, vindicata Palæstina, fractæ opes Turcorum? De quibus omnibus vide relationes nostras in Recensu historiæ universalis *lib. 13. cap. 1. dist. 6. 7. cap. 2. dist. 1. lib. 20. cap. 1. dist. 2. seqq.* Adferat Hispanus unicam ab omni memoria celebrem pugnam maritimam adversus Turcos

in Corinthiaco sinu obtentam, eventum bonam, successu inutilem, quando potentiam Barbarorum non diminuit, uti diximus in Recensu historiæ universalis *lib. 20. cap. 2. dist. 18.* Strages Americanorum & per corporis diros cruciatus obtrusa eis religio, ne quidem referri merentur, ubi de rectè & piè factis sermo est, quibus Christi gloria promovetur. Roma diræpta & ad paupertatem redacta sub Carolo V. an eis honori fuerit? Sicilia erepta & annua pensio quinquaginta millium aureorum interversa, (super quibus miserè conqueritur Cardinalis Cæsar Baronius *libro de Monarchia Sicilia*, & in *Apologia adversus Columnam*, an ab iis referri poterit ad patrimonium locupletatum? De utroque negotio diximus in Recensu historiæ universalis, *lib. 11. cap. 1. dist. 2. 3.* Anita Hispani beare soleant amicos suos, viderint ipsi. (4.) Quòd Reges Hispaniæ nunquam faverint hæreticis, sed per utrasque Pyrenæorum montium fauces ex vicinis provinciis in Hispaniam irruere conantes propulsaverit, inque Indiam navigare volentes represserit. *Respondeo:* Et tamen vel invitis Hispanis ad Indos navigant hæretici, quos ipsi falsò vocant. Cæterùm non laudet ingenuus quisque, ob religionis melioris studium, millia multa hominum, Papâ jubente, Hispano exsequente, occisa esse, multò minus ob crudelissimas eorum persecutiones, Regem præ aliis Regibus excellentem velle esse, quando facta sævissima nemini conciliant aut honestam famam, aut dignitatem. (5.) Quòd Reges Hispaniæ nunquam cum infidelibus fœdus iniverint. *Respondeo:* Sed Gallus aliquando fœdus inivit cum Turcis, ad debellandum hostem communem, uti diximus *lib. 2. cap. 11. dist.*

dd

6. Et

6. Et quid tum ? Longius petita sunt ista, ac ut prerogativam evincant.

VIII. Galli pro Regis sui excellentia adstruenda hæc etiam adferre solent : (1.) Quòd Clodovus sacro lavacro perfusus, tria lilia accepit cœlitùs, Regum Galliar, Robertus Gaguinus lib. 1. *Historie Francie, cap. 3.* (2.) Quòd Rex idem oleo per columbam cœlitùs ad Remigium Episcopum allato, unctus fuerit, uti referunt Hincmarus in *vita Remigii*, Aimonius lib. 1. *histor. cap. 16.* Dionysius Petavius in *Rationario temporum, lib. 7. pag. 406.* (3.) Quòd Galliar Reges habeant donum miraculosum sanandi per contactum strumas, uti seu dubitant, seu affirmant Scipio du Plaix in *Canonisatione Ludovici Sancti*, Andreas Laurentius libro de *strumis*. Eleganter hæc omnia proponunt Franciscus Garasius in *sacris Rheimensibus Ludovico XIII. dicatis, pag. 150. seqq.* Renatus Chöppinus lib. 3. de *dominio Gallie, cap. 8. num. 1. seqq.* Stephanus Forcatulus lib. 1. de *Philosophia & Imperio Gallorum, pag. 59. seqq.* Verùm quia plurima horum fabulosa esse, certis constat indiciis, apud Johannem Chiffletium libro de *ampulla Rheimensi*, Patricium Amaranum lib. 1. de *justitia armorum Regis Gallie, cap. 2. seqq.* atque omnibus iis non adeò magnum pondus inesse deprehendatur, nos quidem omittimus, quando aliàs fatis dignitas Regum Galliar probatur.

IX. Besoldus pergit : *Et planè absurdum videtur, quòd Anglus, qui Gallo cedit, Hispano sessionis litem mover.*] I. d. Non est absurdum, quin prerogativa jure meritò debetur Anglo, uti Robertus Wingfeld & Jacobus Howellus libris de *prælatione Regis Anglie* editis demonstrant. In Conventu

Bononiæ An. Chr. 1600. inter Legatos Reginæ Angliæ & Regis Hispaniæ oborta est quæstio de potiori loco in sedendo atque incedendo. Pro Hispaniæ Rege allegabatur, uti solet, tum quòd amplissima Regna haberet, tum quòd illâ familiâ oriundus esset, quæ Imperatores Germaniæ progeneraverat. *Respondebatur*: (1.) Quòd ob pluralitatem regionum non mereatur præferri aliquis, si nulla alia causa per se valida ad præcedendum adsit : Regna Hispaniarum esse meros titulos à Mauris excogitados : Indiam per latrocinia & atrocissimas inermium hominum Regumque strages occupatas : Belgicam & provincias Italiæ malis artibus ab Imperio revulsas hæcenus retineri : Lusitaniam per fas nefas occupatam, exclusis veris & legitimis hæredibus. (2.) Quòd Angliæ Regum dignitas Electoribus Imperii perinde maxima visa fuerit, ut Eduardum III. Angliæ Regem, celebrem ob res fortiter in Gallia actas, evocaverint ad Imperatoriam majestatem accipiendam, qui tamen contentus honorifica Principum de se opinione, gratias egit, neque in Germaniam venire voluit, uti diximus in Recensu historiar universalis lib. 11. cap. 2. dist. 4. Cæterùm pro Angliæ Rege adferuntur causæ istæ : (1.) Quòd Angliæ Regnum multò antiquius sit, quàm Hispaniæ, quando quidem constat, Regnum Castellæ, cujus titulum Hispanus reliquis anteponat, præ Angliæ Regno esse nuperum, Comites enim, non verò Reges habuisse, ante An. Chr. 1017. postquam Legionensis Regni provincia hæcenus fuerat, uti diximus in Recensu historiar universalis lib. 14. cap. 2. dist. 3. 4. 5. (2.) Quòd Regi Angliæ primum locum attribuerint Pontifices, Latinorum sacro-

rum

rum Domini, & Castiliæ Reges paruerint decreto. Julius II. pro Henrico VII. adversus Ferdinandum V. Castilianum pronunciavit in Concilio Lateranensi, & pronunciatum illud statuti perpetui instar esse voluit, postquam in libro *Cerimoniarum Curia Romana* describi iussit. (3.) Quia in Constantiensi, Basileensi, Senensi Conciliis priorem sedem nactus fuerat Rex Angliæ, & ob id Julii II. Papæ testimonium, uti privatum & à partium studio profectum haud debebat accusari. Referunt ista Johannes Marianus lib. 2. 1. *hisor. cap. 6.* Petrus Matthiæ lib. 7. *de rebus gestis Henrici IV. Gallie Regis, pag. 652.* Stephanus Garibai in *Compendio historico de Regibus Hispania lib. 11. cap. 7. lib. 16. cap. 23.* Emanuel Meteranus in *Historia Belgica lib. 13.* Robertus Jonstonus lib. 8. *rer. Britannicæ.* Ad Concilium Tridentinum non venit Legatus ab Angliæ Rege, quando inter Concilii ejus natales differendos, & nondum repetitos moriebatur Rex Henricus VIII. Curia Romanæ insensus, Latino- rum sacrorum retinentissimus. Ediderat librum suo & Procerum Regni nomine descriptum adversus Concilium à Papa evocandum, cujus nec ille potestatem convocandi habeat, ut tum loco parum tuto congreget, tum tempore, quo bellum in Italia ardeat. Sequidem ex animo cupere Synodum universalem Christianam, sed ad Pontificiam Synodum neque venturum, neque Legatos esse missurum, quippe cui nihil magis commercii sit cum Romano Episcopo, aut illius Edictis, quam alterius cujusdam Episcopi. Concilia olim Regum autoritate congregata, eumque morem hoc tempore præsertim restaurandum, quo de aula Romanæ descensibus tam graves instituantur

quærimoniæ. Non esse novum atque insolens Pontificibus, fidem fallere. Id verò sibi eò diligentius cavendum, quem Papa acerbissimè oderit, cum ob profligatam ex suo Regno tyrannidem ipsius, tum propter ablatos annuos census ei dependi solitos. Itaque cum de vero Concilio plerique omnes judicio prædicti desperent, sibi optimum videri, ut in suo quisque populo Princeps religionem emendet, quâ si quis meliorem rationem expediat, se minimè recusaturum. Narrant Johannes Sleidanus lib. 11. *hisor.* Innocentius Gentilletus in *Examine Concilii Tridentini lib. 2. pag. 28. & 78.* Petrus Suavis Florentinus in *Historia Concilii Tridentini lib. 1. pag. 93. 95.* Successorem habuit filium suum Eduardum VI. qui Ducis Somersetensis avunculi curâ, Protestantium doctrinam, quam ipse amplectebatur, percepit, & Latina sacra toto Regno abolivit, uti diximus in Recensu historiarum universalis lib. 15. *cap. 1. dist. 14.*

X. Pergit: *Nota est etiam hac de re, quæ fuit olim Venetorum & Ligurum contentio.* Id. dist. 11. Scripsit in Venetiarum laudem Jacobus Sannazarius:

Viderat Hadriaticâ Venetam Neptunus in undis

Stare urbem, & toti ponere jura mari.
Nunc mihi quantumvis Tarpeas Jupiter arces

Objice, & illa tu mania Martis, ait.
Si pelago Tibrim præfers, urbem adspice utramque,

Hanc homines, illam dic posuisse Deos.
lib. 1. *Epigr. pag. 154.* Multa evincunt, quòd Veneti debeant habere potiorum locum adversus Ligures vanos. Sunt enim origine antiquiores; potentiâ celebriores; meritis

erga Cæsares, Reges, Papas copiosiores; suffragiis Regum & Principum ampliores; libertatis perfectæ exercitio præstantiores, uti prolixius referunt Donatus Janotius *libro de Republica Veneta*, & ad illum Nicolaus Crassus in *annotatis*, Theodorus Grafwinkeli *libro de libertate Veneta*. Et constat ordine: (1.) Quia ceperunt in turbis illis cum Attila Rex Hunnorum vastabat Italiam, adeoque exfulum familiæ eò collectæ, urbem condiderunt in paludibus, quæ cum suis opibus ferè semper nixa Barbarorum invasiones à se depelleret, neque à Cæsare Orientis auxilia semper haberet, libertatem bono titulo corripuit, eamque Carolus M. Imperator in Occidente, post Longobardos Italiâ ejectos, pactis datis acceptisque confirmavit, ut testatur Carolus Sigonius *lib. 4. histor. Ital.* & nos diximus in Recensu historiæ universalis *lib. 1. 3. cap. 2. dist. 3. (1.)* Quia obtinuerunt Regna, provincias, urbes Imperii Orientalis, velut suas, & contra hostes quoscunque armis suis defenderunt. (3.) Quia Imperium Orientis in militia sociâ acquisiverunt Balduino Flandro, Turcos & Saracenos terrâ marique cladibus maximis affecerunt. (4.) Quia Regum & Principum votis semper anteferri meruerunt. (5.) Quia nullius unquam Regis victicia arma senserunt, aut libertati suæ detrâhi permiserunt à Germanis, Gallis, Hispanis, quorum palæstra tot sæculis Italia fuit, nec non communis sepultura. Adeoque per tot mala, & vicinarum nationum servitutem sospes, atque ingentibus inimiciis Regum, Cæsarum, Paparum, populorum, Barbarorum mille ducentis annis superstes, etiarum floret civitas, tantum in continentis Imperio (quando maris potentiam sensim illis eriperunt

Turci) legibus armata armis firmata, Liguria ipsius domina ferè victoriâ ad fossam Clodiam partâ, nisi pacem gloriosam voluissent anteferre bello prospero, vicinorum cladibus haudquaquam gavisi, uti produnt Marcus Antonius Sabellicus *lib. 7. historia Veneta*, Flavius Blondus *lib. 2. 0. historia Italica*, Theodorus Grafwinkeli *libro de libertate Veneta cap. 19.* Lites invicem agitates eo tempore, quo Petrus Cypri Rex pompam coronationis duceret An. Chr. 1373. describunt, Stephanus Forcatulus *lib. 3. de Philosophia Gallorum fol. 185.* Petrus Bizarus *lib. 17. Historia Genuensis.*

XI. Pergit: *Electores aliique Principibus Germani Belgici status ob libertatem perfectam, quam usurpant, volunt præferri.*] I. d. Atqui Electorum causa melior est, quando illi præferuntur Venetis atque Helvetiis, non minorem libertatis usum habentibus, atque illam habent Belgæ fœderati. Imò à Venetis superantur Ordines Belgii fœderati, namque hi quidem Comitatus & Ducatus possident, Veneti obtinuerunt Regna olim, quamvis nunc minima horum portio sub eorum potestate contineatur. Ducibus ergò pares æstimentur, & verbo: Ubi olim Dux Geldriæ sessionem habuit, ibi ipsi velut Geldriæ regentes Domini hodiernum esse censentur. Prout quoque definitum est in *Capitulatione Leopoldi Cæsaris art. 5.*

XII. Sequitur: *Ordo autem Regum Principumque Christianorum An. Chr. 1504. sub Pontifice Julio II. talis erat: Imperator Cæsar, Rex Romanorum.*] I. d. dist. 12. Ordo ille est descriptus in Cerimoniali Romano, *Pardus de Grassis*, quem Julius II. Papa designaverat magistrum Cerimonialium in aula Romana. Cæterum quæ de Imperatore & Rege

Rege Romanorum sciri oporteat, diximus
suprà dist. 2. 4.

XIII. Sequitur: *Gallia, Castilia, Arragonia, Portugallia, Anglia, discors cum tribus precedentibus.*] l. d. De his omnibus diximus, quæ sufficere possint. *suprà dist. 6. seqq.* Cæterum Legionis & Castellæ Regna separata quondam, tunc etiam sibi litem fecerunt, cum unita sunt, & in titulo auctor alterum alteri præponi deberet. Pro Legionem dicit Carolus Molinaus *Commentariis ad Consuetudines Parisienses tit. 1. dist. 29. num. 3.* inductus ratione illâ, quod Legionis Regnum sit antiquius, itaque etiam nobilius, & priore loco meritò statuatur. Verùm illud refellit Ludovicus Molina *lib. 2. de primogenit. Hispan. cap. 1. 4. num. 49.* & pro Castella adfert rationes: (1.) Quia Castellæ Regnum sit amplissimum longè, quamvis recentius; itaque nobilius altero, quod origine quidem antiquius est, sed finibus angustioribus includitur. (2.) Quia Legionis Regnum dotis nomine pervenit ad Castellæ Regem, adeoque Castellæ accessorium veluti meritò cedat ei, quæ Regem viventem adhuc & potentia suæ compotem haberet, à quâ alterum Regnum cuperet protegi & novis viribus muniri. Hæc ille contra Gallum, ut ait, virum exterum & Hispanicæ observationis signatum, ut minus tutò jus diceret in foro alieno.

XIV. Sequitur: *Sicilia, discors cum Rege Portugallie.*] l. d. Cessavit hodiè, postquam Siciliæ Regnum est cum Hispaniæ Regni alijs conjunctum. Non tamen desunt rationes, propter quas mereatur Sicilia præferri, videlicet, quod antiquius, quodque nobilius semper fuerit, uti constat ex iis, quæ diximus in Recensu historiæ uni-

versalis *lib. 1. 4. cap. 4. dist. 1. seqq. lib. 1. 9. cap. 1. dist. seqq.*

XV. Sequitur: *Scotia, Hungaria, Navarræ, qui tres inter se sunt discordes.*] l. d. Hæc quoque discordia expiravit hodiè, postquam Scotia accessit Britannicæ Magnæ, Ungariam captâ Budâ ad minorem potentiam redegit Turciæ Sultanus, Navarrham occupavit Hispanus, legitimo ejus Regi Domino expulso, qui fugiebat in Galliam, ubi amplas clientelas & gentiles habebat, ut diximus in Recensu historiæ universalis *lib. 1. 4. cap. 3. dist. 3. lib. 1. 5. cap. 1. dist. 17. lib. 1. 7. cap. 1. dist. 7.* Cæterum potior ratio esse debuerat Ungariæ, populi nobilissimi, & Imperio Germanico amicissimi, quando antiquissimos habuit Reges; & fortiter militavit in bellis sacris adversum Turcos, Europæ depopulatores; & provincias amplissimas occupavit; & Imperatores quosdam dedit, Sigismundum, Albertum, Ferdinandum. Scoti obscuri semper, & longo tempore Barbari, & non semel Anglorum fiducarii. Denique Navarrheni memoriæ recentissimæ, nullisque rebus gestis imprimis celebres.

XVI. Sequitur: *Cypri, Bohemie, Polonia, Dania.*] l. d. Cyprus dudum est in potestate Turcorum, ut non possit de præcellentia contendere. Et ubi Suedia? *Respondeo:* Continetur illa sub Dania, quando eundem Regem habebant eâ tempestate Dania, Suedia, Norvagia, videlicet Johannem magnis virtutibus nobilem. Alias diversa Regna erant, & hodiernum sunt. Suedi gens per vetusta & nobilis, Germanicæ originis, perinde ut Dani, eorum vicini, sed gentilitiæ virtutis tenaciores. Horum gesta antiquiora Scriptores vernaculi commemorant, Regum

seriem prolixam ab ipso Magogo Nohe sive Joni Prisci nepote deducendo , uti refert Hugo Grotius *Prologo ad Historiam Gothicam*, pag. 9. 10. & contestatur Johannes Magni Upsalensis *lib. 1. Historia Gottica*, cap. 1. 2. 3. Attamen res gestæ plerorumque obscuræ sunt , neque mirum videri debet, eorum famam compluribus seculis illustrem minus extitisse , quod Imperii Romani splendor viresque orbem terrarum complexæ, populos illos, quibuscum armis certabant, uti sunt Galli, Britanni, Hispani, Germani, Sarmatæ, Pannonii, solùm celebres præstarent , reliquos ultra mare sitos eoque obscuriores dimitterent. Arcadii & Honorii Cæsarem tempore fatalis illa omnium gentium toto orbe commigratio hos quoque agros prope mare Germanicum sitos commovit. Gotti enim gens merè Germanica, uti morum & linguæ commercium ostendunt , tunc ad Vistulam & Danubii ostia habitantes, Italiam, Hispaniam, Galliam occupaverunt. Eorum pars aliqua cum Vandalis ad mare Balthicum accolis in Scandiam abiit, & Varegos, veteres incolas terris illis exegerunt , ut ad provincias remotiores concederent, ubi nunc sunt Finones & Lappones, antiquorum Suedorum magnæ reliquæ. Cum Rossis Slavorum potentissimis, & Danis Gutorum Saxonum è Cimbrica Cherfoneso posteris , perpetua ferè bella gesserunt, sæpè victores, non rarò etiam victi. Postquam melioris doctrinæ lux ad eos pervenit Cæsarium ope , qui Carolo Magno successerunt, præconem fidei nostræ , imprimis habuerunt Ansgarium Monachum Corbeensem , etatque tunc xvi Biornus Rex, Johannes Loccenius *lib. 2. histor. Sued. pag. 41.* Gentis suæ Regum

dignitatem adversus multos alios Reges, Galliarum Rege excepto , ostendere volebat Nicolaus Ravallus Archi. Episcopus Ubsaliensis in Concilio Basil. Legatus, ab Erico Rege cò missus, de quo narrat Johannes Magni Gottus *lib. 16. historia cap. 28.* Rationes adferebat: (1.) Quod Suediarum Regnum è Scandinaviâ suâ amplissimas & potentissimas gentes in Orbem emisierint , Getas Scythasque, qui Cyrum Persiarum Regem magnū bello vicerint atque occiderint, qui Darium Hytaspis Persam, Philippum Macedonem, Decium, Volusianum, Valentem Cæsares fugaverint. (2.) Quod Suedi & Ostrogotti recentiores Winulis, Turcilingis, Herulis permisti Imperium Occidentis obtinuerint post Cæsaris Valentiniiani tempora (3.) Quod Hispaniarum Regnum Vestogotti occupaverint, legibusque sanctis rexerint donec Maurorum impetu & discordiis civilibus opprimerentur. (4.) Quod Italia Regnum Ostrogotti condiderint & habuerint, donec ad Longobardos , gentiles eorum transiret (5.) Quod Angliam domuerint ipsi Angulorum Saxonum patiter atq; Normannorum progenitores, qui populi olim Scandinaviâ egressi fuerant. Hęc illi. Atqui nimis liberalis Ravallas fuit in laudibus gentis suæ referendis, quando Gotti illi tantorum facinorum authores, non erant *Varegi* (quomodo in antiquis Rossorum litteris Suedi appellantur) sed Germani ad Danubium & Vistulam accolæ: neque veteres Scythæ atque Massagetæ qui Cyrum occiderunt, sunt nostri Germani , multò minus Varegi tantis terrarum spatii à mari Caspio remoti sed erant Nomades Caspiiani: neque illi Angliæ invasores fuerunt alii, quam Saxones è Cimbricâ, socii Normannorum, qui habitant Nor-

Norvagiam, cò profeſſi olim è vicinâ Gutia. Normanni iſti Romanum Imperium ductore Godofredo laceſſiverunt, piraticam exercendo in Friſiæ & Bataviæ oris, Galliæ partem à nomine ſuo dictam Normanniam, Carolo Calvo Rege tradente, obtinuerunt, porrò Angliam à Saxonibus Cimbris hætenus poſſeſſam, ſub Wilhelmo Conquæſtore ingreſſi Regiam familiam multorum ſeculorum decurſu florentem propagaverunt. Demum cum Tancredo Bomite magnæ virtutis profeſſi in Italiam, pulſis Mauris, incoluerunt Apuliam, Calabriam, Regum poteſtate uſi orbe toto inclatuerunt. Hæc nihil ad Suedos, qui proprium decus immortalis gloriæ habent, ut non ſit opus e-mentito. Veriſſimum certè eſt, quod Suediæ Rex præ Daniæ Rege habeat prærogativam. Rationes ſunt: (1.) Quia eſt regnum Suediæ antiquiſſimum, & Dan primus Danicarum Inſularum Rex erat filius Humbli inter Suediæ proceres clariſſimi, Scaniz præfeſti, teſte Johanne Magni *lib. 1. hiſtoria Gotticæ cap. 5.* quod fruſtrâ negare conatur Johannes Stephanius *notis ad Saxonem Grammaticum lib. 1. pag. 28.* & Johannem Gottum falſitatis poſtulat, videlicet ne vanus Danus generoſo Suedo natalium ſuorum ſplendore debere videatur. Atqui cur ille Gottæ exprobat velut dictum ipliſus quod multis ante Gottum annis commemoraverat Ericus Daniæ Rex *in hiſtorica narratione de origine gentis Danorum, & de Regibus ejusdem gentis?* (2.) Quia eſt regnum ampliſſimum, ac fortiter ſeſe defendit adverſus Roſſos crudeles. (3.) Quia eſt regnum nobiliſſimum, itaque vicini populi Regum imperia ferre afflicti, ab eis petiverunt Reges, uti Cimbri Danum, Norvagi

Haquinum, Poloni Sigismundum bellis clariſſimum, victoriſ feliciſſimum. (4.) Quia ſemper fuit cum ſucceſſione ad poſteros traductum, & verò Dani ad noſtra uſque tempora elegerunt. (5.) Quia ſemper favit libertati neq; voluit committere, ut culpâ ſuâ aliorum miſeria augetetur, itaq; Auſtriacos in militiâ ſociâ principalem ductum ſortiendo, victoriſ plurimis domuit, & Germaniæ res per eos afflictas, qui fidem utilitati poſtponabant, erexit, per juroſ depulit. Cæterum antiqua liſ recruduit in Epulo Norimbergenti, quod præbuit Octavius Piccolomineus Dux Amalphitanus poſt concluſam Germaniæ pacem A. C. 1660. ubi Suediſ primum locum attribuit, Galliſ ultimum, repugnante multùm Galliæ Regiſ Legato, quanquam fruſtrâ uti reſert Joh. Jacobus Chiffletius *libro de Ampulla Rhemenſi cap. 17. 18.* Rectè factum, an ſecus inter viroſ armorum peritoſ, juris negligenteſ!

XVII. Sequitur: *Dux Britannæ Burgundiæ.*] l. d. Ceſſavit liſ, poſtquam Britannæ ducatus cum Regno Galliæ, nec non Burgundiæ ducatus cum eodem Regno, Comitatus Burgundiæ cum Hiſpaniâ unitus eſt interventu paſtorum matrimonialium uti diximus in Recenſu hiſtoriæ univerſaliſ *lib. 13 cap. 4. diſt. 9. 10.*

XVIII. Sequitur: *Bavaria, Comes Palatinus Rheni, Saxonia Dux, Marchio Brandenburgienſiſ.*] l. d. Gomes Palatinus prærogativam illam, & quidem optimo jure, uti probat Marquadus Freherus *libro de Originibus Palatinis cap. 15.* Nunc aliter eſt, poſtquam bello Bohemico pariter ac Germanico victuſ ille, Palatinatum ſuperiorem, ditionum ſuarum partem unâ cum Electoriſ Dapiſeri prærogativâ conceſſit Duci Baravia, itaque Bava-

Bavariæ Dux primo loco deinceps sedet, Comes Palatinus ultimo, qui est orbis terrarum humanarum, Lunderpius in *Atis publicis* Tomo 3. pag. 73. 74. seqq. Adolphus Brachellius lib. 2. bello Germanico pag. 85. Carolus Caraffa Aversanus *commentario de Germaniæ restaurata* pag. 175. seq. Petrus Piassecius in *Chronico Europe* pag. 359. seqq. W. Beckerus in *Synopsi Juris publici* lib. 3. cap. 7. sect. 14.

XIX. Sequitur: *Dux Austria.*] l. d. De hujus dignitate, quâ inter alios imperii Principes eminet, postquam Archiducis titulum ei donavit Fridericus III. Imperator, vide Johaëm Cuspinianum in *historia Austriacæ* fol. 32. seqq. Regnerum Sixtinum lib. 1. de *Regalibus* cap. 4. num. 31. 32. Joh. Limnæum lib. 4. *Juris publici* cap. 9. Gerhardum de Roo in *Annalibus Austriae* lib. 4. 5. seqq.

XX. Sequitur: *Sabaudia Mediolani.*] Sabaudia Dux litem de præcedentiâ movit Venetis, adeoque causam ejus aversus Venetos agere non dubitavit Barthol. Chassanæus in *Catalogo gloriæ mundi* part. 12. *considerat.* 58. sed nullo cum successu, uti *peculiari libro* ostendit Theodorus Grafwinkelius. Mediolanum accessit Hispaniæ Regi à Caroli V. Imperatoris temporibus, qui Ducatum illum possidet, uti feudum liberum Imperii. Diximus in Recensu historiæ universalis lib. 13. cap. 3. dist. 22.

XXI. Sequitur: *Venetiarum.*] l. d. Voluit populus iste adversus Electores de prærogativâ contendere, & obtinuit A. C. 1630. in aula Ferdinandi Cæsaris, ut Legatus à Senatu populoque Veneto missus rescripto publico juberetur præferri Legatis Electorum Principum in Aula Cæsarea & Comitibus Imperialibus. Verum Electores de-

cretum illud velut in Aula privatis deliberationibus conceptum, & non requisitis iis ad quos pertinebat scire ista quæ agebantur, vulgatum rejecerunt: (1.) Quia contradiceret *Aurea Bullæ* Tit. 3. 4. 5. ubi Principes Electores parem cum Regibus honorem sortiti dicuntur (2.) Quia Principes Electores meritò honorem suum tueantur, cum eligant Imperatorem tota Europa maximum (3.) Quia Imperatores superioris ævi noluerint detrudere quicquam honori Principum Electorum, itaque Rudolphus II. Cæsar petenti Legato à Florentiæ Duce missio, ut Electorum Legatis præferretur, repulsam dedit (4.) Quia in Concilio Tridentino Venetorum Legati inferiorem præ Electoribus locum acceperunt, Thuanus lib. 8. *historiarum*. Petrus Justinianus lib. 14. *historiæ Venetæ*. Hæc illi, ad quæ replicabant Venetus (1.) Quod statuta *Aureæ Bullæ* concernant solum Imperiales quosdam Actus solennes uti est cum primis electio & coronatio Imperatoris in aliis conventibus aliter esse, potius decere ut Electores Imperatoribus subiecti concedant suprematum Venetis, libero populo & nemini subdito. (2.) Quod jus eligendi Cæsarem non conciliet prærogativam, nisi velimus ut nobiles Poloniæ & patricii Veneti digniores sint præ comitibus & Principibus Germaniæ, quandoquidè illi Regem Ducemque eligant, hi ad eligendum Cæsarem non admittantur. (3.) Quod Florentiæ Dux multò inferior sit præ Venetiarum Duce, & recentior (4.) Quod in Concilio isto non adfuerint Electorum secularium Legati, & spiritualium Legati in sacro alio confederint. *Respondabant Electores*: (1.) Quod conventus in aula Cæsaris tam essent Imperiales Actus, quam conven-

tus alii pro eligendo & coronando Imperatore. Ac quamvis Veneti liber populus essent, populus tamen essent in quo nulla majestas fulgeret, nemo dignior nobilis quam ut ei quivis Imperii nobilis familiæ splendore conferri posset. Unde ergo prærogativa Legati exoriatur? (2.) Quod tantò digniores sint Electores Principes, quantò Imperator excellit præ Venetorum Duce, Rex præ nobili. Ducem Venetorum pro sapia Nobilium oriundum esse, Cæsares allegari è Germaniæ Principum familiis, quæ pleræque in majoribus suis Reges factis celebres, potentia non modicos, habeant. (3.) Quod sufficiat, Cæsarem noluisse, ut aliquo modo Electorum dignitas ab exterorum populo- rum Legatis iminueretur. (4.) Quod Legati à Baviaræ Electore omnino adfuerint, & honesta petita de conjugio sacerdotibus permittendo, de quæ calice sacro Laicis dando secum attulerint, quamquam à Pontifice sacerorum mangone haut impetraverint, uti patet è Petri Suavis Florentini *historia Concilii Tridentini lib. 6. § 7. pag. 586. 754. 793.*

XXII. Veneti ad adstruendam prærogativam suam has adferebant rationes: (1.) Quod Regum æquales ferè essent, utpote Regnorum Cretæ & Longobardiarum compotes, quæ non essent aut fuissent unquam in potestate Imperii Germanici. (2.) Quod Electores subiecti Imperio Germanico agnoscerent in se potestatem Imperatoris: Veneti verò juris sui essent, ut superiorem neminem agnoscerent. (3.) Quod Duces eorum insignirentur paludamento Regio, sceptro & corona, adeoque splendorem eximium præ Electoribus Principibus haberent. *Resp.* (1.) Cretam haud acceperunt velut Regnum quomodo olim Jovis & Minois tempore

fuerat: sed velut provinciam Imperii Græcorum, adeoque Veneti præfecerunt ei semper Prætozem, nunquam verò Vice Regem, neque talem imponere possunt, velut qui Optimatum reguntur imperio, in quo Majestas nulla est. Longobardiarum portionem aliquam obtinent, eamque Imperiali jure obligatam, solum quod Cæsaris indulgentia non permittit, ut jus suum usurpare velit. (2.) Quis neget, Venetos in potestate Imperii futuros, cum vellet Cæsar? Libertas ergo precaria est, perinde uti Ligurum, quicquid garriant Marinius Laudensis *libro de privilegiis & rescriptis quest. 9. & libro de Principibus quest. 113. Capolla libro de servitutibus rusticis cap. 26. Berthaginus libro de gabelis part. 1. cap. 6.* alique Jureconsulti Transmontani, atque horum sectatores pedanii, Julius Pacius *libro de dignitate maris Veneti*, Theodorus Graßwinkeli *libro de Libertate Veneta*. Sane inter omnes constat, quod Patavium, Vicentia, Verona, sint civitates ab Imperio revullæ, & quidem malis artibus, à quibus præscriptio non existit. (3.) Sunt beneficia Imperatorum nostrorum, à quibus ornamenta ista acceperunt, uti refert de Sebastiano Ziano Duce, quod à Cæsarea Friderico Barbarosa indutus fuerit veste Regali; perinde uti olim Romanus populus solebat Togam purpuream, Ducum triumphalium ornatum, donare pro summo munere sociis Regibus. Livius *lib. 10. histor.* Plutarchus in *Antonio Tacitus lib. 4. histor.* atque exempla sunt 1. *Maccab. 10. 19. 62. 64. cap. 11. § 8. cap. 14. 44.* De Sebastiano Ziano hoc producit Caspar Contarenus *lib. 2. de magistratibus Romanorum*, Carolus Sigonius *lib. 4. de Regno Italiae*. Certè Sigismundus Imperator literis ad Amadeum Sabaudæ

dix Ducem exaratis Venetos proclamabat rebelles, teste Antonio Fabro in *Consultatione pro Ducatu Montisferratenſi* p. 20. Nemo verò est rebellis, qui non est jure subditus.

XXIII. Quod Electores Principes habeant digniorem locum præ Cardinalibus Ecclesiæ Romanæ, luculenter ostendit Joh. Freinshemius *diatribis quinque de præcedentia Electorum Romani Imperii*, adversus Bartholomæum Chassanæum in *Catalogo gloriæ mundi part. 4. Considerat. 2. 10. seqq.*


XXIV. Sequitur: *Bavariæ, Lotharingiæ, Genæ.* J. d. Bavarus hodiè accipit locum primum, uti diximus *suprà dist. 18.* An jure translata fuerit ad illum prærogativa, disse- rebat nuper, & in gratiam Comitissæ Palatini etiam negabat Joachimus Rulsdorffius in


Vindictis causæ Palatinæ cap. 25. Genæ: Dux hoc unum obtendit, quod cum sceptro, & corona prodeat tunc cum inauguratur, quandò Corsicæ Regnum Liguriæ subje- ctum est. Verum quid de talibus judicari debeat, è præcedentibus satis apparet.

XXV. Sequitur: *Jus autem præcedentiæ vel ex usu atque consuetudine, & pariter ex potentia, dignitate, aliisque consimilibus circumstantiis estimari solet.* J. dist. 13. Pluribus exemplis hoc illustrat Dn. D. Jacobus Andreas Crusius lib. 1. de *præcedentia Regum, & Principum cap. 5. & 6.* Joh. Freinshemius libro de *præcedentia Electorum Imperii Romani diatriba 2. dist. 13. 14. seqq.* & con- fer illa quæ diximus *suprà dist.*

1. Nos hic quidem finimus.

S O L I D E O G L O R I A.





MONITIONCVLA.

Quæcunque menda , cum primis in Hebræis vocabulis , irrepsertunt , Authoris absentiæ , non verò negligentia ejus, imputabis. Sunt prætereà in Græcis & Latinis. Corrige Lector & ignosce illis, qui inculpâ sunt..

